

8.11 12
N 88

R. 4
3/13

HOC OPERE CONTINENTUR,
LIBER DE PASSIONE DOMINI
NOSTRI IESV CHRISTI, CARMINE HEXAME
tro, incerto autore ad Donatum Episcopum scriptus.

ABDIAE BABYLO
niae episcopi, & Apostolorum
DISCIPVLI, DE HISTORIA CERTAMINIS APO
stolici, libri decem, Iulio Africano, cuius subinde Hiero
nymus meminit, interprete.

MATHIAE APOSTOLI VITA, EX HEBRAICA LIN
gua incerto interprete uersa.

BEATORVM, MARCI, CLEMENTIS, CYPRIANI
& Apollinaris historiae, ex scrinijs & archiuis primitivae
Ecclesiae notariorum.

VITA B. MARTINI SABARIENSIS, EPISCOPI
Turonensis, à Sulpitio Seuero Rhetore La
tine conscripta.

*Quos omnes autores multis seculis latentes, dum Antiquitatem sacrosanctam rimatur,
una cum alijs pluribus, à blattis & tincis eruit VVOLFGANGVS*

*LAZIVS Viennensis Austriacus, D. Ferdinandi Rom.
Regis à consilijs & historijs.*

Adiecimus & IOACHIMI PERIONII, doctissimi uiri, librum de rebus
gestis uitisq; Apostolorum: & locupletem rerum ac uerborum in his
omnibus memorabilium Indicem.



*inuenies
indicez vitarum
Apostolorum in
pagina sequenti.*

BASILEAE, EX OFFICINA IOAN.
Oporini, cum Rom. Reg. Maiest. privilegio ad
annos quindecim.

index

Vita S. Petri	pagina	1.
Vita S. Pauli-	pag-	14
Vita S. Andree	pag. —	19
Vita S. Jacobi	Minorij-pag.	43
Vita S. Joannis	Evangelistę. p.	48
Vita S. Jacobi	Minorij-pag	68
Vita S. Mathei	pag. —	82
Vita S. Bartholomęi-	pag.	92
Vita S. Thomę	pag.	99
Vita S. Philippi-	pag.	118
Vita S. Mathię	pag-	121
Vita S. Marci-	pag-	128

Vita S. Petri
 Vita S. Pauli
 Vita S. Andree
 Vita S. Jacobi
 Vita S. Joannis
 Vita S. Jacobi
 Vita S. Mathei
 Vita S. Bartholomęi
 Vita S. Thomę
 Vita S. Philippi
 Vita S. Mathię
 Vita S. Marci

AD MAGNIFICOS ET CLARISS. VI-
ROS, AC DE SESE BENE MERITOS PATRO-
nos, D.D. GEORGIVM GIENGERVM, Regis inuicti Rom.
FERDINANDI à consultis tacitis, & D. IACOBVM IONAM, eius-
dem Principis Procancellarium, utrumq; I. V. consultissimum, &
nobilis Austriae consultorẽ dignissimum, fidelissimumq; VVOLF-
GANGI LAZII Viennen. Austriaci, Medici & Histo-
rici Regij, in Abdiam, eiusq; interpre-
tem Iulium Africanum,

PRAEFATIO.



ORONAE honorem, Romani his
qui ciuem ex hostium manibus li-
berassent, largiri solebant, peruetu-
sta admodũ consuetudine, et haud-
quaquam improbando exemplo:
ut partim, quantum positum esset
momenti in unius hominis asser-
tione, hostes intelligerent: partim
uerò, ut cæteri hac imitatione animati, frequentes ac sedu-
li in suis defendendis incumberent. Quod ego, Magnifici,
ac de me benemeriti, cõsultissimiq; uiri atq; patroni, cùm
aliàs, tum præcipuè in bibliotheca ueterum, ac ijs autori-
bus hodie faciundum censeo, quos uel uetustas rerum om-
nium consumptrix, uel Vulcanus edax, uel barbarorum
deniq; ingruentium iniuria nobis inuidit. Tametsi autem
multi ex doctis & bonis uiris, uel sine præmio, solo reipu-
blicæ literariæ asserendæ studio, in hanc curam incubue-
runt, qui nobis aliquot T. Liuij Decades, qui aliquot Taciti
libros, Dionem, Nicephorum, Marcellinum, Cassiodo-
rum, Symachum, & alios complures absconditos cùm li-
bros, tum authores restituerunt: tamen tanta mortales ha-
bet auri sacra fames, ut ille inquit, ut qui præstare hoc pos-
sent, quibus res ampla domi est, contemnant: quibus uerò
fortuna præsidium huiusmodi bonæ uolūtatis denegauit,
etsi uelint ac contendant, in tanto literarum contemptu
nequeant. Quæ mihi causa una uel maxima fuit, ut quan-
do Rhamnusia omnes mihi dotes non denegasset, quam-
uis medicinæ operatione atq; emolumento, Regisq; inui-

ctissimi Romanorum, &c. Diui FERDINANDI, Domini mei clementissimi historijs scribendis, ac re familiari, & magna ex parte perquam accisa ualetudine, insigniter impediabar, tamē aliquid ea in re mihi enitendum putarim. Confirmare uerò uidebatur hanc meam haud omnino ineptam uoluntatem, præter eum ardorem, quem erga sacrosanctam gerimus uetustatem, uestra, quæ longè maxima est, autoritas, quæ mihi in hoc calcar currenti addidit. Quare factum est, ut peregrinatione nostra secūda, quam in prouincias inferiores Austriæ instituimus, abhinc circiter biennio, quo tempore in Charinthia Ofsiacense cœnobium, longè omnium eius uiciniae antiquissimum, & à Carolomanno confirmatum, inuiserem, quia nulla isthic bibliotheca erat, ob frequentes & ignis & barbarorum deuastationes, specus subterraneos, illo, quem diximus nobis insitum esse antiquitatis amore, seu libidine potius, inuestigauit. Vbi inter chartas ignobiles, & malè olentem situm, incidimus fortè fortuna in codicem membraneum, antiquissimis literis & ferè detritis scriptum. Quem tum quidem, quòd itineris absoluendi gratia maturarem, uisum duntaxat obiter, quia titulus sub finem scriptus erat, & deerant quædam ab initio, cum medium folium legissem, placeretq; coniectū in sarcinulas meas, uel ob solā membranæ & characterum uetustatem, Viennam deuexi. Atq; ibi postea, cum superesset ocium, & alueare librorum aduectorum recognoscerem, deprehendi argumentum esse historiæ Apostolicæ: placuitq; non solum dicendi genus, quod tersum esse animaduertēram, & hebraismum redolens: uerū etiam ipsius historiæ ueritas, à uulgaribus Legendis (quas uocant) in multis dissentiens. Iccirco cum & titulum sub calcem libri tum reperissem,

SCRIPSIT
 HAEC GESTA SANCTORVM APOSTOLORVM
 ABDIAS BABYLONIAE EPISCOPVS,
 QVI AB IPSIS APOSTOLIS ORDINATVS
 EST, SERMONE HEBRAEO, QVAE VNIVER
 SA AB EVTROPIO IN GRAECVM, ET AB
 AFRICANO LATINO SVNT TRANSLATA
 SERMONE, ET IN DECEM LIBROS DESCRIP
 PTA.

PTA. Hic uerò dici non potest, quanto gaudio suffusus, tanquam unionem quendam preciosum reperissem, non solum de euoluendo ueteri & Ecclesiae perquam necessario authore, uerum etiam de eodem publicando cogitarem. Quo in proposito hoc me solum remorabatur, quòd nec Abdiæ, nec Africani interpretis nomina mihi satis nota essent. Contigit uerò tum res pernecessaria, ut quo tempore Cæsares nostri comitia cum Germaniæ principibus apud Augustam Rhætiæ transigerent, ego rursus auctoritate & indultu Regis nostri clementissimi, posthabita re familiari mea, ad tertiam me accingerem profectionem: ne nihil deesset, quo sitim illam inquirendæ uetustatis extinguere. Ibi in eo itinere, quo bibliothecas per Sueuias, Brisgaudiam, Alsatiam, Sundgouiam, & Heremum Heluetiorum excusimus, quantumuis tempore anni incommodissimo, coeliq; statu improspere, uasto in nemore Harciannæ siue Herciniæ syluæ, diuerteramus ex sancto Blasio in coenobium S. Trudberti, facile totius Germaniæ uetustissimum, quod uidelicet Phoca imperante positum est ab Otberto Comite Habsburgensi, eius nominis primo, unde nimirum illa splendidissima Austriadum gens ac prosapia defluxit. Ibi igitur constitutus, comite itineris ascito longè doctissimo uiro Sebastiano Munstero, professore & Mathematico Basiliensi, dum curiosius bibliothecā euoluere, incidi fortè fortuna in aliud Abdiæ siue Africanianæ translationis exemplar, quod erat & membrana & characteribus mihi uisum uetustioribus, quàm quod in Charinthis inueneram, scriptum. (quia ad manum habebam primum exemplar.) Et quo uetustatem magis argueremus, contulimus illud cum diplomate confirmationis coenobij, quod sub primo erat Ludouico exaratum, ante annos plures quàm septingentos, & longo interuallo relinquebatur à codice Abdiano illo. adeò literæ erant detritæ, & magna ex parte deletæ, uel obscuratæ, ut inumbrationes potius literarum, quàm characteres esse uiderentur. Lætatus tum quidem sum non minimum, ut credi facile potest: quanquā & alios non ignobiles autores reperissem, qui in Theologicis historijs ac poetis lucubrarunt: tamen

ut ex collatione duorum exemplariorum iustam lectionem adsequi possem, rem mihi post hominū memoriam longè rarissimam accidisse arbitrabar. Itaq; sarcinis librorum collectis, cum post longam peregrinationem Vienne rediissem, emensus miliaria plura quàm ducenta, nihil antiquius habui, quàm autorem hunc collatione utriusq; exemplaris recognoscere. Sed interdum mea & uxoris ualitudine, & onerum molestia, quę mihi usq; indignis modis imponuntur, interdum & autorum aliorum multitudine, mearumq; editionum (quas ingentes molior, & præter Regem, uobis Patroni clarissimi, alijsq; consecraui) acceleratione impeditus, Abdię operam dare, ut uolebam, sanè nequiuui. Destitutus ad postremum librarij ope, cui exscribendum dederam, qui multis mensibus uix medium librum absoluerere poterat, premere denuò in aliud commodius tempus statueram: ni Ioannes Oporinus Basiliensis, longè doctissimus uir, suis me literis excitasset, qui hunc anxie à me sæpe requirebat. Itaq; in ipso labyrintho negotiorum & molestiarum mearum, aliquot horas describendę Africanianę translationi dedi. Quo rursus in labore, cum legerem in historia Symonis & Iudę, Abdiam CHRISTVM Saluatorem nostrum in carne uidisse: cumq; esset unus ex Septuagintaduobus discipulis, Symonē & Iudam in Perfida abeuntes, ut uerbum Domini eius incolis annuntiarent, secutū, Babylonię postremò ab eisdem Apostolis episcopum esse relictum: iam maior inceserat euulgandi huius autoris cupido. Non enim uitio accessisse hoc autori, ex serie historię animaduvertebam: propterea quòd subinde prima persona pluralis introducatur, ut cum Apostolis hunc profectum esse, & interfuisse rebus eorum gestis, & potissimum qui in Asia Euangelium adnunciabant, liquidò appareat. Vt sub finem libri tertij, cum beati Andree passionem descripsisset: Et hæc dicens, diutissimè Dominum clarificans & gaudens, nobis flentibus reddidit spiritum. Et in libro quinto, cum Drusianam doceret à S. Ioanne Euangelista à mortuis suscitata: Cum igitur (inquit) appropinquassent sepulchro, subitò præcepto Ioannis apertę sunt fores, & iuxta sepulchrum Drusianę uidimus speciosum

ciosum adolescentem adridentem. Et iterum eodem libro, cum S. Ioannis sepulturam describeret: Vbi autem, sicut uoluit, facta est fouea, nihil quoquam nostrum sciente, exiit uestem, & strauit eam in illa fouea. Idem libro nono, in historia diui Thomae: Neq; enim serui Dei dormire tum poterant, quos sic CHRISTVS excitabat, neq; patiebatur nos somno dimergi. Transeo orationes, quas Apostoli uel ad CHRISTVM in martyrij coronis fundebant, uel ubi mortuos suscitabant, aut populos ad fidem uel suscipiendam uel retinendam adhortabantur, miro artificio, ac planè rhetoricè scriptas, energiae ac grauitatis plenissimas.

Hæc inquam, & his similia cum inter exscribendum legissem, iam nihil quicquam dubitans, hunc ipsum dignum luce autorem iudicare: & eo quidem magis, quòd Ioachim Perionius Gallus, homo alioquin doctissimus, ex fragmentis, cum illius (ut arbitror) Africanianae translationis, tum ex his quas Legendas Ecclesia appellat, alijsq; in fide nostra autoribus, librum superiori anno de Apostolorum historia euulgasset, latinissima quidè phrasi scriptum, sed ubi multa desiderantur (pace optimi uiri dictum sit) adeò ut affirmare ausim, uix tertiam partem, aut etiam minus, huius nostrae historiae attingere. id quod candido lectori perspicuum euadet, si Diuorum Andreae, Ioannis, & Thomae historias utrobiq; contulerit. Fateor quidem, in Diui Pauli historia fusissimum esse Perionium, & longo intervallo Africanum superare, uel Abdiam: ut qui breuior in eius uita propterea (ut arbitror) fuit, quòd procul in Asia remotissimè à Diuo Paulo scripserat: uel quòd epistolæ huius Apostoli instar historiae Christianis essent, ex quibus etiam suam de hoc Apostolo magna ex parte Perionius historiam sumpsit. Hic fortè scrupulū lectori uel Abdias, uel Africanus eius interpretes fecerint, quòd in prioribus duobus libris, multa quæ in Actis extant, recensentur: sed tamen breuius, & cursim, ut ita dicam: ut uel Abdiam hæc ex Luca sumpsisse, uel Lucam ex Abdia, credendū sit, cum uterq; eodem tempore uixerit, & Apostolorum discipulus extiterit. Hæc prolixius dico, ut quot & quàm euiden-
tibus rationibus coactus, hunc dare prælo autorem, nec pre-

mere diutius constituerim, lector candidus intelligat. Itaque hæc cum ita se haberent, & suam insuper mihi operam longè optimus atq; doctissimus uir, Ioannes Oporinus, polliceretur, excusationem amplius nullam prætere poteram: erantq; mihi tantum patroni quærendi, quibus tam insignem autorem dedicarem. quorum etsi plurimos habeam, in comitatu Regis nostri inclyti præcipuè multis modis de nobis benemeritos: tamen Magnificentiae uestre cum principem locum usurpent, uel hoc nomine primi mihi occurrerunt, quòd utriq; cum seorsim inscripsissem ingentia, ac memoria luceq; dignissima uolumina: tibi quidem GEORGI GIENGERE, duas de Gentium immigrationibus Decades, quæ in Austriæ inferioribus Prouincijs ordine coluerunt: & tibi IONA obseruandissime, Archæologiæ Ecclesiæ Primitiuę libros tres: quia magna sunt opera, & temporis nō nihil ad euulgationem, ob icones & alia quædam & mihi & chalcographo desideratur: ut interim animos uestros, dum hi adornantur, aliqua meæ in V. M. obseruantiae significatione, simul ut expectationem meam sustinerem: Abdiam, siue eius potius interpretem Iulium Africanum historicum, uobis simul & eisdem auspicijs offero, dedo, atq; cōsecro, quorum uterq; æqua ceu lance nexum me sibi beneficijs habet, ut quem alteri præferam, planè dubitem. Quare suscipite hilari fronte, & mei & aliorum qui se literis manciparunt Patroni, & in iure, consilijs, fideq; Principi nostro inuictissimo præstites longè consultissimi, atq; fidelissimi, acceptissimiq;: eisdē inquam auspicijs V. C. autorē uetustum suscipite, ut quorum præsidio in inquirenda sacrosancta uetustate utor atq; nitor, ad eosdem rectè etiam atq; meritò fructus aliquis, & in primis meæ gratitudinis ergò redundet. Neq; uerò uel materia, quæ sacra est, & historiæ nondum satis cognitæ, displicebit. Arridebit, ni fallor, & ipsa phrasis, quæ tametsi patrum Ecclesiæ uetustiorum elocutionem referat, tamen culta est, & multo quàm ea quæ est in Actis Apostolorum, aut ipsa etiam Euangeliorum historia, ornatior. Sat scio obijciet quispiam, historiam Apostolorum in Actis cōtineri, ut ipse etiam Abdia

nostri

nostri interpres in præfatione sua testatur: uerùm quæ singuli, postquam in gentes diuisi abierant, diuersis in regionibus præclare, & ad fidei ædificationem necessaria gesserint, neq; in Actis, neq; ullo in recepto aut peruetusto autore haberi existimarim. Nam Legendis uulgaribus, ut ingenuè fateor, multa accesserunt, postquam illæ primæ & ueritate fundatæ historiæ fuissent deperditæ: atq; ista accessoria, dici non potest, quàm fidei sanctissimæ historiæ detraxerint, & beatissimos Apostolos apud malos & hæreseos maculis resperfos, in cōtemptum adduxerint, ut seculum nostrum abundè satis testatur. Atq; ut de interprete huius nostræ historiæ posterius dicam, uel in transcurso historiæ, & præcipuè diuorum Symonis & Iudæ uita, apparet, præter hunc Abdiam Babylonis Episcopum, & Apostolorum discipulum, quiq; Saluatorem nostrum uiderat in carne, Apostolorum beatorum res gestas & Cratonem quendam scripsisse: sed utriusq; non solum opera, uerùm etiam uel nomina ipsa in Ecclesia hætenus ignorabātur. Interpretis tamen Iulij Africani historiographi, diuus Hieronymus subinde in Epistolis, tum præcipuè capite octauo in Daniele, meminit, & supputationem hebdomadarum ex eius & Eusebij autoritate adducit. Citat huius auctoritatem & Nicephorus Calistus Xantopulus, Græcus & ingens autor, quem inclytus Romanorū Cæsar Diuus FERDINANDVS, ex reliquijs bibliothecæ Mathiæ Regis Hungariæ, inter prædam Turcarum repertum, uestro calculo atq; consilio, uiri longè omnium clarissimi, latinè redditum à Ioanne Lango eruditissimo uiro, iam prelo Oporiano destinauit. Is inquam autor, Louaniensium Theologorum censura quoq; approbatus, capite undecimo Tomi primi, de Africano sic scribit, ut Lāgus reddidit: Quandoquidem diui Euangelistæ Matthæus & Lucas, genealogiam uariè prodiderūt, & non pauci, qui talibus rebus persequendis, magni clariq; sunt habiti, de ea dissonantia integros libros composuerunt: ego tamen prætermisis alijs, Africano historico utar autore, qui aliorum opiniones, utpote quæ ad ueritatem non pertingant, reprehendens atque refellens, quam ipse à uetustioribus acceptam, in Epistolis

stolis de Euangeliorum dissonantia ad Aristidem exposuit, inde translata uerbis ipsius, in opus hoc inferam sententiam. Hæc Nicephorus. Meminit porro Africani & Martinus chronographus, quem ipsi unà cum alijs à situ uendicauimus, quiq; sub Othonibus scripsit. Nam cum Gordiani primi tempora describeret: Floruit (inquit) his temporibus Iulius Africanus, nominatissimus in Ecclesia scriptor, qui unà cum alijs notarijs gesta Martyrum scripsit, & multa in linguam Latinam traduxit. Hæc ille. Habetis igitur, Magnifici ac benemeriti Patroni, & nostri instituti rationem, & interpretis autorisq; nomina: & quàm uetusta ea historia sit, quam uestro patrocinio subiecimus, & quàm Ecclesiæ necessaria, iam intelligitis. Quæ rogo, M. V. eo animo à me accipiant, quo ipse offero, nempe candido, & de religione nostra catholica sinceriore, ex animo benemereri cupiente. Non sum tamen nescius, beneficia uestra in me profecta, maiora esse, quàm quæ hoc genere muneribus rectè recompensentur. Sed ea est moderatio animorum uestrorum, & mihi perspecta satis coniuncta cum sincera religione humanitas, ut mini facilè hac in parte sitis condonaturi, quod præstare uel ob fortunam non possum: uel ob aceruum molestiarum & onerum, temporisq; breuitatem, qua excludor, nondum affecutus sum, ut cogitationes meas, quas utriq; institui, statim non queam repræsentare. Sit igitur Abdias interea pignus, & arrhabonis instar, donec opera uobis V. C. destinata, lucem adipiscantur. Cuius non dubito uel euulgationem, uel consecrationem gratam futuram, uel hoc nomine, quòd non nisi pietatem is docet, & religionis nostræ sacrosanctæ fundamenta, quæ Apostoli beati iecerunt, tot peregrinationibus atq; tormentis, & ad postremum sanguine proprio, ac morte, & quæ consecuta sunt miraculis, confirmarunt. Adieci uerò Abdias, siue translationi Africanianæ, & alias, quæ mihi partim ob uetustatem scriptionis, partim uerò ob historiæ seriem, ueræ uisæ sunt, Sanctorum Dei historias, ut iustum uolumen editio nostra adsequeretur. Sic Mathiæ Apostoli historiam, ex Hebraico, incerto autore uersam, et antiquissima membrana literisq; exceptā, quia apud Ab-

diam

diam non habetur, coniungere placuit. Sic rursus beatorum Marci euangelistæ, & Clementis, quòd & hi Apostolorum fuerint discipuli: nec non Cypriani episcopi & martyris, & sancti Apollinaris, agones. Deniq; & qui posterius floruit, diui Martini Sabariensis atque Pannonij, qui postea Turonensis in Gallia episcopus fuit, uitam, elegantissimo filo dictionis à Sulpitio Seuero rhetore exaratam, eodem instituto Abdiæ subijcere libuit, quòd uidelicet ueritatis fundamentis hæc posita historia esset, & ab eo uiro conscripta, cuius eruditionem lucubrationes satis ostendunt. Et quia Apostolicum munus passionem Saluatoris nostri sequi cœpit, præmissi Abdiæ luculentum carmen, incerto autore in antiquissima membrana à me repertum, quod passionem illam salutare affabrè depingit. Habetis igitur, uiri magnifici, atq; benemeriti patroni, totius dedicationis illius elenchum, quem ut obuijs ulnis à cliente uestro accipere dignemini, ita rogo, ut magnam accessiorem beneficijs uestris in me collatis non sine fœnore factam existimetis, si non munus ipsum, sed animum dantis, ac uetustissimi autoris dignitatem considerabit. His me utriq; uestrum de nota meliori commendo. Viennæ Pannoniæ, ex ædibus nostris, Cal. Augusti, Anno

M. D. L I.



DE PASSIONE DOMINI NOSTRI
IESV CHRISTI, CARMEN HEROICVM LVCV-
lentum, ad Donatum Episcopum, in
certo autore.



A X I M E cœlicolũm, supera qui celsus in aula
Aeterno imperio superes, fortiq; tridente
Res hominum diuinũq; regis: quo turbine diro
Iudæi irruerint, rabies quæ traxerit illos
Tanta, tuo nato pœnas inferre nefandas,
Horrendumq; genus mortis, crudelius ipsa
Terq; quaterq; nece, est animus describere uersu.
Tu modo fluctiferũ pater hæc rege uela per æquor,
Primitiasq; meæ, si qua est, en accipe *Musa*.

Propositio
authoris:

Tu quoq; quem sanctus uitæ nitor undiq; tollit,
Cuius & eximias orbis penetravit in oras
Fama, ingens uirtus morum, sanctissima uitæ
Religio, humanis pulchre comitata camœnis,
Et superis Latialis honos: hinc aspice Præsul
Inclyte, tuq; auras clæssi concede secundas.
Nam mihi Cæsar ades, atq; es mihi uerus Apollo:
Nec dubitem auspicijs tantis deductus, haberi
Et fortunatum, & diuino degere nutu.
Huc adsis Donate pater, tutare canentem
Mœtra, licet tenui ac iuuenili inducta cothurno.
Nam post cum fuero scribendi commoda nactus
Tempora, cum studijs maneat tutissima cœptis
Et parata quies, maiorq; aduenerit ætas,
Incipiam grauiora, tuæq; ab origine gentis
Deueniens tua gesta canam, modo fata secudent.
At mea nunc primo replentur carbasa uento,
Littora destituam, & medium ferar altus in æquor.

Inuocatio poetæ.

Panditur infelix Erebi domus ampla superbi,
Tartareusq; suos misera ad sedilia Pluto
Conuocat inde duces, rabidoq; exæstuat ore.
Rupe caua mediꝝ locus est immanis Auerni,
Luce carens, ubi perpetuò nox incubat, illic
Circumquaq; palus Strygia, & stagna alta resurgunt
Cocytii: heu quantus dolor hoc è gurgite fusco
Auditur? nigra discurrunt fontis harena
Ingentes angues, horrendaq; monstra per undam
Deformi limo uoluuntur, & impia iactant

Hic incipit
palsio.

Topographia
infernæ.

Sibila,

Sibila, tetrarum hic natat genus omne colubrum.
 Ignis edax fluium, medio tamen aere serpit:
 Aere, quo peius nihil est. noua adesse putabis
 Hic elementa. suum tali regione tribunal
 Iuppiter infernus statuit. sede arduus ergo,
 Terribili seuas acies, rabidasq. phalanges
 Conuocat ore tonans. miseros hi turbine uasto
 Conscendunt, replentq. locos, ipse altior infit:
 Lethæi duces, ingens hoc causa subegit
 Cogere concilium, nec uos mea dira potestas
 Nequicquam exciuit, uarijs terroribus angor.
 Accipite hoc memores, nostramq. his discite mentem.
 Horrida iam dudum forti cum milite bella
 Congerimus, paucæq. ualent in prælia uires.
 Sæpius aduersum uidistis quantus in hostem
 Insurgat clypeo, & telum quo turbine uerset.
 Undiq. conueniunt populi, pars alta sequuntur
 Eloquia, & sanctum ueluti pars numen adorant.
 Quid loquar? hic urbes, hic hic sermonibus ipsa
 Oppida subuertit uarijs, totumq. per orbem
 Fama uolat, sua nunc etiam doctrina per omnes
 Spargitur, & tandem nostris dominatur in oris.
 Vincimur heu miseri, quam parua potentia nostra est:
 Vincimur, iste Deo natum, magnoq. parente
 Se facit, & miris testatur & approbat istud
 Ominibus. claudi incedunt, sua lumina cæci
 Obstupere, nouas muti dixere loquelas,
 Audyt & surdus, turpi dehinc corpore lepram
 Depellit, cæcis animas reuocare sub umbris
 Nouit, & excitas iterum ad sua membra reuerti,
 Hic puer. & medio doctorum celsus honore
 Constitit, alta docens: nunquam risisse notatus,
 Sæpe dedit gemitus: siccis super æquora plantis
 Quiq. maris gradiens, timidum cæca ima petentem
 Discipulum dextra tenuit. quare ista fatentur
 Esse Deum: atq. ferunt Christum de uirgine natum.
 Vidistis quàm magna tonant, qui carcere nostro
 Clauduntur, lætiq. diem aduentasse saluant,
 Quo patriam repetant, inuisaq. mœnia linquant.
 Quis nouus iste furor? tentandum est, an Deus is sit,
 Siue homo. si uitæ fuerit sibi terminus, omnis
 Quæstio iam pateat. neq. enim regnator Olympi

Satanꝝ ora-
tio.

Extingui,

C A R M E N.

Extingui, uel morte potest occumbere dira.
 Volumus idcirco uarias in pectore curas,
 Et noua consilia atq; nouas demetior artes.
 Nam Iesus hic, magna populi comitante caterua,
 Hierusalem ingreditur, cui ramis, agmine facto,
 Occurrunt olea, prostrati corpore terra,
 Sub pedibusq; locant pallas, & carmina dicunt.
 Hic labor omnis adest, cunctorum uertere mentes
 Scribarum, rabidumq; animo instaurare furorem
 Principibus, uarios uulgi & miscere tumultus:
 Morte reum clament ipsum, quo fida suorum
 Agmina destituat, precio tradatur & hosti.
 Vadite iamq; citi, pedibusq; accingite pennas.
 Tu mea & in primis Aleto concipe uires,
 Et solitas artes: maior tibi gloria restat,
 Si struere, ac tantam poteris componere mortem.
 Quare age, Gorgoneis mea nata accincta uenenis
 Aggredere, & diros longis de crimibus angues
 Eripe, uipeream scribarumq; infice mentem,
 Atq; odijs Phariseæ incendens lumina gentis,
 Inde sacerdotes: Scarioth tua uulnera Iudas
 Sentiat, hunc auri cogat uis rumpere leges.

Hæc postquam diro latrauit gutture Pluto,
 Extemplo surgunt acies, nastasq; per umbram
 Emittunt uoces, frendentq; hinc dentibus olli:
 Haud aliter, quam dant ubi uicti ex rupe fragorem:
 Aut cum nube caua rubeo Vulcanus amictu
 Frangitur, in medio tonitrus sonat aere longus:
 Tali insanibant rabie mala pectora, & ira,
 Hinc atq; hinc cæco discurrunt undiq; cursu.
 At sata Nocte altum transuerberat æra pennis,
 Hierusalemq; petit, primaq; in limine portæ
 Ingentem eiecit tristi de crine colubrum,
 Qui totam furijs agitare protinus urbem:
 Inde q; tecta petit Scribarum, cordaq; uersat
 Præua sacerdotum, & flammis accensa draconem
 Cuiq; suum iniecit, qui crebro lubricus orbe
 Voluitur, atq; leui summa ad præcordia gyro
 Delapsus, mentem furijs agitauit amaris.
 Tum uarijs secum dictis, & murmure cæco,
 Conueniunt patres, quorum qui maximus æuo,
 Incepit: Quis nos grauis circumuolat horror?

Inferorū indi-
 gnatio & tu-
 multus.

Consilia scri-
 barū & ponti

ficum aduer-
sus Iesum.

Quid struimus? populos hic hic narratur in omnes,
Signaq; magna facit, gentes sua dicta sequuntur:
Et quaecunq; docet, ueluti sint numinis alti,
Accipiunt miseri. Quae nos fortuna sequatur,
Quaerendum est. uenient Romani, nostraq; tollent
Imperia, & miseris ignoti errabimus oris.
Inueniat timor iste uiam. Nunc letus in urbe
Hic homo successu populi, & felicitis oliuae
Frondebis exceptus: medium teneamus, & ipsas
Morte luat pœnas: morte est dolor iste piandus.
Talibus inter se dictis, incepta fremebant
Consilia, atq; Iesum querebant tradere morti.
Utq; satis primos acuit fera Gorgo furores,
Atq; omnem euertit ipsis cum patribus urbem,
Ad Iudam Scarioth obscœnis protinus alis

Cōsilia Iudæ
de tradendo
Christo ma-
gistro.

Accelerat, miserumq; omni complectitur angue.
Fodit auaritiæ primum sua pectora telo,
Post uirus tetrum iniecit, quo prodere tenter
(Heu demens) hostiq; suum, dulcemq; magistrum
Traderet infelix. Iam tum damnare puellæ
Pulchrum opus unguenti quoq; uerbis audet iniquis.
Nec satis hoc misero est, quin mox ad limina patrum
Hinc celeri fertur gressu, preciumq; poposcit,
Quis dare se spondet ignoti signa magistri:
Atq; ubi cum caris socijs uersetur, ut inde
Hunc teneant, quemcunq; sibi monstrauerit, inquit.

Exclamatio
Poetæ in pro-
ditorem.

O fraudis sæuæ, o sceleris fabricator iniqui,
Quem neq; culpa mouet, facti neq; pœna nefandi:
An speras tantumq; nefas resideret inultum,
Demens? Magna diu nequeunt delicta latere,
Nec scelere est aliquis longo latatus in æuo.
Tempus erit, quo mentis inops, lucisq; perosus,
Me mare in abruptum (clamabis) ferte procellæ.
Inq; feros Syrtis scopulos me tollite in altum,
Undiq; dissectum, uastis ubi montibus horreo
Aeterno mix alta gelu, detrudar & illinc
Aut ubi uicinus uictum mortalibus omnem
Sol negat, & dira surgunt qua parte uenena.
Tandem incerta putans, Christi pietatis & amplæ
Immemor, heu tristi rumpes tua colla capistro.
Accipit ergo acies sæuas, tristesq; cohortes
Infelix, graditurq; armato milite cinctus.

At Iesus

At Iesus interea uoluens sub pectore summi
 Iussa patris, properans Gedrontis protinus alueum
 Transuperat: placido iacet hic in gramine campus,
 Quem Iesus ingreditur, circū paruo agmine septus.
 Hic quoq; de ueteri, sinuato poplite, more
 Orabat, magnoq; dabat sacra uerba parenti.
 Ecce armis instructa acies, rabidiq; manipuli
 Inde superueniunt, medio tradente. Quid inquam
 Niles acerbe furis, ueniet quo uictima fiat
 Sponte sua innocuus, medijsq; astat in aris
 Agnus, & exposita cupiet ceruice necari.

Epiphones
 ma poeta.

Ut subitos igitur longis cum fustibus hostes
 In se ferre uidet Iesus, ultro accessit, & inquit:
 Quem tanto armorum concursu queritis? Olli
 Respondere: Iesum, Iudaea Nazareth ortum.
 At Iesus, En prae sto sum: quem rogo queritis? una
 Tunc malefana cohors, Iuda impulsore, supini
 In terram exanimes tanta cecidere loquela,
 Qua caelum tellusq; tremuit. Rursusq; rogauit,
 Quem petitis? dixere, Iesum. quibus ipse ita fatur:
 Ne me, adsum: me me scuis ne poscite uinclis,
 Ipse comes ueniam, tamen hos concedite abire.
 Dixerat, extemplo dextras in pectore diras
 Certatim iniiciunt, colloq; miserrima turba
 Imponunt funem, uinctumq; ad moenia ducunt.

Non tulit hoc Petrus, quanquā iam tardior aeuo: Petri audacia
 & fidelitas.

Et tentat uires, medium quoq; fertur in agmen,
 Ac Malchū adgreditur, iugulo cui dū petit ensem
 Condere, labenti terra dextram abstulit aurem.
 Cui Iesus: En gladium uaginae redde locandum
 Petre, quid insanis? nescis, precibus legionem
 Si cuperem, poterit, qui auxilia fida ministrat?
 Iussa paterna feram: quae nam est hac dira cupido?
 Sic fatus, Malchum turpatum sanguine, terra
 Subleuat, atq; aurem propria statione reponit.

At fera turba Iesum rapiunt, miserabile dictu,
 Adq; Annam magno ducunt clamore reuinctum
 (Heu) post terga manus, captoq; illudere certant.
 Interea Petrum turbat fortuna magistri,
 Ingemit, & trepidus fido comitante Ioanne
 Insequitur, longē turbae uestigia seruans.
 Iamq; introgressi truculentas praesidis ades

Iudei, captum ante pedes statuere tyranni.
 Discipulusq³ unà ingreditur præstante iuuenta,
 Notus custodi, Symonemq³ admittier orat
 Exclusum. cui mox subeunti portitor inquit:
 Nonne comes fueras hominis? negat ille pauore.
 Stabant & borea torres urgente, fouebat
 Ad quos turba ministrorum, quibus ordine Petrus
 Addit se socium pariter, frigusq³ leuabat.

Interea præses sic sede effatur ab alta,
 Atq³ Iesum, qualis sua sit doctrina, requirit.
 Qui rerum intrepidus, uerba Annæ talia reddit:
 Clam nihil hic docui, clara sum uoce locutus
 In synagoga & templo, quo gens tua semper
 Conueniunt, mundoq³ palam late omnia dixi:
 Vox mea in occulto nunquam est audita. quid ergo
 Ne petis? hosce roga, qui me uidere docentem.

Talia dum memorat, non plura est passus iniquus
 Seruus, & in faciem dextra ruit, oraq³ tundit
 Sancta Iesu: Tu ne hic scelerata (exclamat) in aula
 Pontifici loqueris? Cui mitis reddidit agnus:
 Iam testare, meo si quid male decedit ore:
 Sed bene si dixi, quid me crudeliter angis?

Cumq³ hæc audisset præses, iubet inde ligatum
 Duci ad pontificem Caipham, qui tempore in illo
 Protulit, atq³ isthæc dederit licet ore nefando,
 Prædixit, præstare uirum dimittier Orco:
 Pontificis fuerat quoniam proferre futura.
 Dumq³ ignis cæteri carpebant forte calorem,
 Astanti dicunt Symoni: Tuus iste magister
 Nonne erat? Infelix iterum ast timido ore negauit.
 Ista negas? inquit Malchi cognatus: in horto
 Nonne ego te pariter uidi? negat acrius ille.
 Nec mora fit, gallus (ueluti prædixerat illi
 Antè Iesus) signum rostro patefecit adunco.

Aurora interea croceo surgebat ab ortu,
 Luciferis inuecta rotis, cum pessima mitem
 Turba Iesum rapiunt, adq³ alta palatia magno
 Cum clamore trahunt, Caiphæ ubi more priorum
 Cum socijs operam festis Paschalibus almam
 Latè indulgebant, ne sacra incæpta furore
 Turbarent, uerum ut sedata mente litarent,
 Gentilis ueriti tectum. quare antè Pilatus *

Egreditur,

Egreditur, turbamq; rogat rabido ore frementem:
 Quid' ue petant, trepidiq; uirum quo crimine causent?
 Qui gens sacrilega fatur sic uoce superba:
 Ante tuum, infontem non est mos ducere, Ponti,
 Iudicium, meruit qui haud, accusare nec ullum.
 Accipite ergo uirum, proclamat uoce Pilatus:
 Utq; iubent leges, in eum procedite, uestra.
 Sed furor intonuit: Non nostrum est, nec licet ulli
 Mortem inferre uiro, propriaq; excludere uita.
 Pesima gens, animo ueluti de morte scelesti,
 Concipis indigna, & poenis condigna tuorum.
 Pontius ergo Iesum propriam subduxit in adem,
 Impiaq; est sancti uerba hæc tum fatus in ora:
 Pande mihi, gentis rex es tu? an ista, subinfert,
 Verba, Iesus, tua, uel didicisti ex ore loquentis?
 Non ego Iudæus sum, reddidit inde Pilatus:
 Gens tua, pontifices, mihi te duxere necandum.
 Causa necis quæ tanta fuit? uel quod scelus hoc est?
 Agnus ad hæc: Mundo mea si nunc esset in isto
 Regia, prospiceres certantes magna ministros
 Pro domino, atq; armis summa tuerentur ab arce.
 Nec darer inuisis, paterentur, gentibus, ultro
 Vitam exponentes pro me. uerum altera regna
 Sunt mihi, nec tali fertur mea gloria mundo.
 Regna igitur tibi sunt? fert ille. Ego regis honores
 Inde gero, & nullo est regnum superabile bello:
 Agnus ait. Latebras & ad hoc sum corporis istas,
 Et mundum ingressus, quò ueri testis & autor
 Egrederer: mea uox cultoribus almi ueri,
 Quiq; pium rectumq; colunt, captatur in aure.
 Quid uerum est? quærit tunc Pontius. atq; ita poscens,
 Rursum ad Iudæos exit, dehinc talia fatur:
 Nullam ego, quam quæris gens isti infligere causam,
 Comperio, cuncto uacat hic à crimine iustus.
 Ast unum ex nostro mos est dimittere Pascha,
 Carcere detentum: manet hæc sententia uobis,
 Ut Iudæorum soluam hoc modo munere regem?
 Alius exclamant: Barabas soluatur iniquus.
 Hic erat in turbis homo, qui confecerat unum
 Mortalem, uotis quem gens poposcerat Orco.
 Talia conspiciens & uulgi corda Pilatus,
 Fune Iesum uinctum, seuis hinc ergo flagellis

Exclamatio
poetæ.

Subiicit. *At illi plectentes sanguine multo,
 Sentibus implicitam properant inferre coronam,
 Heu singultanti capiti, terramq³ tuenti.
 Insuper hanc baculoq³ premunt, ubi multa doloris
 Signa uident, circum & palla candentis amictum
 Purpurea, mitem ludunt crudeliter agnum,
 Atq³ ipsum risu probrabant: Inclyte salue
 Rex Iudeorum. tunduntq³ sacra ora pugillis.
 Pontius egreditur rursus, turbamq³ malignam
 Talibus alloquitur: Nullam (cognoscite) causam
 Inuenio, uobis duco hunc sine crimine iustum.
 Spineaserta gerens graditur Iesus, oraq³ terra
 Indefixa tenet, palla circumdatus alba.
 Utq³ hunc pontifices rabidi, pariterq³ ministri
 Conspxere, ulla non sunt pietate reflexi:
 In cruce fige uirum, clamant, iterantq³ loquelas.
 Pontius hæc contrà: Vos hunc uos tollite: & inde
 Huic cum nulla crucis, uos hunc cruce figite, causa.
 Iudei clamant, Nostra hunc lex undiq³ damnat:
 Namq³ Deo natum populo se dixit in omni.*

*Præsidis ut talis sermo peruenit ad aures,
 Extimuit, rursusq³ subit prætor, quærens:
 Dic mihi amice uolo, unde uenis? tua quæ sit origo?
 Contrà nulla dedit Iesus ipsi uerba roganti.
 Et quid, prætor ait, mihi nil loquere? ecce potestas
 Ut cruce te figam, liberem uel, est tradita: nunquid
 Ignoras? Tunc mitis ad hæc sic reddidit agnus:
 Vim tibi nequicquam de me fortuna dedisset,
 Arbitrium ni iam supera qui regnat in aula
 Traderet, ac de me tales laxaret habenas.*

*Dum Iesus hæc de sese, iterumq³ iterumq³ Pilatus
 Quærebat rabidi populi ut diuerneret iras,
 Nequicquam: ueluti fluuij qui claudere riuos
 Tentet, & alterius cursum retinere fugacem
 Fluminis infesti, cum multo cespite longis
 Uiminibus, nec non saxis, sudibusq³ præustis
 Attollit, paruo mansurum tempore collem.
 Nam dum materia adgreditur consternere fluxum,
 Rumpit opus collectans tum ui confluus imber.
 Non secus hæc rectos monitus fera turba Pilati
 Dissipat, atq³ omnes ipsas committit in auras,
 Et super hæc addit rabies: Tibi Caesaris omnis*

— Cedat

Cedat amicitia, & sæuam consurgat in iram,
Hunc modo si soluas. Nam Cæsaris inficit altum
Imperium, Regis quisquis sibi nomen adegit.
Talibus impulsus præses, feruente furore
Eduxit multo fœdatum sanguine Christum.

Est locus horrenda sublimis structus in aula,
Quem Lycostratum perhibent, sed Gabbata dicunt
Gens Hebræa: manet uetus hic de more tribunal.
Prætor ubi sese populi clamore locauit,
Et sic ore dedit: Vestrum decernite regem,
En rex uester adest. Contrà furor excitat omnes:
Tolle reum, clamantq̃, reum cruce dede necandum.
Ergo, inquit præses, morti contradere cogor,
Qui fuit hic rex? Pontifices dixere nefandi:
Rex est Cæsar, & hic solus dominator in orbe
Nobis Cæsar adest. Tunc magno rapta furore
Conspiciens populi clamantis corda Pilatus,
Uincitur, inq̃ manus agnum, & sæua ora luporum
Tradidit. Ecce ruunt alacres, adq̃ æthera uoces
Tollunt sacrilegas: qualis leo gaudet in oris
Armenijs, ceruam rapuit si quando pauentem,
Exilit in miseram, & clamans lasciuit eundo.
Sic gens, postquam ad Caluarie uenit impia collem,
In terram (heu facinus) strauere Iesum, atq̃ beatas
Inde manus, atq̃ inde pedes fixere, crucemq̃.
O dolor, ô pietas, medium statuere nefandos
Inter raptos, atq̃ est numeratus in illis.
Utq̃ solet mæstis titulus superesse sepulchris,
Carmine sic uasto signat crucis ora Pilatus,
Significatq̃ illa pendere ex arbore Christum,
Nazaret eductum, tali notat arte tabella:
Rex erat iste Iesus Iudæorum, & manet isthac
In cruce. Et hunc uersum plures legere, Pilatum
Utrò accusantes: Regem hunc inscribere noli,
At quia se dixit regem. Sed talia reddit
Pontius: Aeterno maneat hoc carmen in ipso.

Sic cruce tum patulis manibus diuina potestas
Pendeat, cum sæua cohors, suadente furore,
Corripuere pias uestes, atq̃ inde proterua
Diuisere manu, ne quid superesset in illo,
Quattuor in partes statuunt, atq̃ in super horum
Cognouit pars quæq̃ suum: sic ira ministrat.

Exclamatio
poetæ.

Altera

*Altera uestis erat, manibus quam fecerat aptis
 Ipsa suo nato rerum doctissima mater,
 Undiq; acu totum contextam desuper orbem.
 Hanc secare nefas rati dixere uicissim:
 Hanc habeat, cuiusq; fauet fors aspera ludi.*

Elegans com
paratio.

*Ac ueluti imbellem rapiens frendente bidentem
 Martius ore lupus, postquam crudeliter aluo
 Immergit pauidam, ac frustra clamore petentem
 Auxilia, in partes sanie rorantia mille
 Vellera dispergit, uentis atq; irrita donat:
 Omnia sic similis, ueniet gens impia tempus
 Haud expectatum, quo tu spolia ista, diemq;
 Et miseri nati, natorumq; exitus omnis
 Oderitis, uastum miseri peragrabitis orbem:
 Vos fugient populi, nulli socia agmina iungent,
 Nusquam certa domus, requies & nulla laborum.*

Christus ma-
trem Ioanni
commendat.

*Astitit inde Iesu mater, comitata cohorte
 Faeminea, laniata comas, laniataq; pallam,
 Pectora contundens pugnis. hanc natus ab alto
 Prospiciens, pariterq; suum superesse Ioannem,
 Talia tunc matris dimisso nomine fatur:
 O mulier, tibi natus hic est, tua cura: Ioannes
 Ipse sibi, spes sola, tuam solabre matrem.
 Nec plures lasso rupit de pectore uoces.
 At genitrix, ubi uerba sui cognouit alumni,
 Succiduo miseranda genu, sine uiribus ullis,
 Succumbit maestum illacrymans. subit ipse Ioannes,
 Sustinet, & dictis miseram solatur amicis.*

Mors Chris-
ti.

*His actis, inscripta Iesus secum omnia uoluens,
 Et quaecunq; sacri de se dixere prophetae,
 Clamauit: Gens praua, tuæ mihi magna salutis
 Est sitis. Ecce canes, raptimq; sine ordine currunt,
 Crudelesq; parant succos, & pocula condunt:
 Isopus infelix acri miscetur iceto,
 Atq; Iesu apponunt ori. Sed tristitia postquam
 Pocula sunt primis Christi percepta labellis:
 Omnia, uoce refert, iam iam consumpsimus. Atq; hæc
 Dum memorat, ceruix ultro collapsa recumbit,
 Spiritus & tepidos liquit feliciter artus.*

*Iudei interea, quoniam sua festa manebant,
 Sabbatiq; dies aderat, petiere Pilatum,
 Ut iubeat ferro contundi membra uirorum.*

Turba

C A R M E N.

Turba ruunt, primi^q infringunt crura latronis,
 Atq³ unà alterius : dum uerò cætera lustrant,
 Utq³ Iesu sanctos non firmet spiritus artus,
 Ossa illæsa sinunt : ualida sed feruidus hasta
 Nilis erat, qui dulce Iesu latus hausit apertum.
 Extemplo tali fluxit de uulnere sanguis
 Mixtus aqua. obstupere omnes, miratus & ipse
 Est miles, ueniamq³ sui petit ille reatus.
 Talibus infandum exactis, uir sanguine claro
 Dives opum Ioseph, urbe Arymathiaq³ cretus,
 Processit, corpusq³ Iesu, tradente Pilato,
 Suscipit, atq³ humilis mæstos instaurat honores.
 Instat & unà operi Nicodemus, tristis & unà
 Illacrymans funus properat, sanctiq³ magistri
 Vulnera seua lauant, dehinc oscula dulcia figunt.
 Ast alij niueo inuoluunt uelamine, talem
 Seruabant ritum ueteres, conduntq³ sepulchro.

Nunc mea de prora in littus iactetur apertum Peroratio au
 Ancora, parua cadant ducentia uela phaselum. toris.

F I N I S.

IVLII AFRICANI HISTORICI ET
EPISCOPI, IN HISTORIAM APOSTO-
licam Præfatio.



VANQVAM plurima de Apostolicis si-
gnis sacra Euangeliorū, uel illa quæ ab ipsis
actibus nomen accepit, narret historia: ta-
men uisum est nobis, ut retractis exempla-
ribus ac uoluminibus istis, & maximè quæ
ab Abdia, qui Saluatorem in carne uiderat, & secutus Sy-
monem & Iudam Apostolos in Persida, primus Babylo-
nis episcopus fuit, de uniuscuiusq; uirtutibus sermone He-
braico scripta sunt, quantū inuenire potuimus, libros sin-
gulos conscribamus: ut etiam si alicui delectatio fuerit in-
quirendi, quod ille aut ille proprium gesserit, singulatim
reperiatur in singulis. Nam de multis, quæ hac de re à uete-
ribus scripta sunt, nihil ad nos, præter ipsorum passionum
monumenta uenerunt. Quod nos pro magno complecti-
» mur, scientes scriptum: Honorandi sunt amici tui Deus.
Verū utrum magna ostendissent prodigia in populis, an
minora, non hæc fragilitati humanę sunt ascribenda, sed à
nobis fideliter confitendum, quia operatur ea unus atq;
idem Dominus IESVS Christus, qui in eis per bonam uo-
luntatem & sensus puritatem habitat. sicut dudum protu-
» lit Propheta: Quia inhabitabo in eis, & inambulabo in il-
» lis, & ero illorum Deus. Ergo in huius IESV Christi filij
Dei omnipotentis nomine, quæ scripsit sanctorum Apo-
stolorum gesta Abdias episcopus Babylonix, qui ab ipsis
episcopus ordinatus erat, sermone Hebræo, & quæ disci-
pulus eiusdē Abdię Eutropius in Græcam linguam transu-
lerat, hæc nos uniuerſa Latino reddidimus sermoni, & in
decem libros descripsimus, gloriam semper referētes Deo
patri, per unigenitum eius filium, Dominum & redem-
ptorem nostrum, IESVM Christum, in spiritu sancto, in-
luminatore animarum nostrarum, & nunc, &
semper, & per secula seculo-
rum: Amen.

INCIPIT

HISTORIAE APO-

STOLICAE, AVTORE ABDIA BABYLONIAE EPI-
scopo, & ipsorum Apostolorum discipulo, quam ex Hebraica
lingua in Latinam Africanus uertit,

Libër primus.

*De rebus à beato Petro, principe Apostolorum,
præclare gestis.*

A



OST corporeum Dominicæ natiuitatis
aduētum, cū ipse Dominus IESVS Chri-
stus, uera lux mūdi, mundanis inluxisset
tenebris, ambulans iuxta mare Gallileæ,
uidit duos fratres, Simonē qui uocatur
Petrus, et Andream fratrem eius, mitten-
tes retia in mare: erāt enim piscatores. &
ait illis: Venite post me, faciam uos fieri
piscatores hominum. At illi cōtinuo re-

lictis retibus, secuti sunt eum. Et cum uenisset in partes Cæsareæ
Philippi, interrogabat discipulos suos dicens: Quem dicunt homi-
nes esse filium hominis? At illi dixerunt: Alij Ioannem Baptistam,
alij autem Heliam, alij uerò Hieremiam, aut unum ex prophetis.
Tum Simon Petrus constanter & intrepidè respondit: Tu es Chri-
stus, filius Dei uiui. Respondens autem IESVS, dixit: Beatus es Si-
mon Bariona, quia caro & sanguis non reuelauit tibi, sed Pater me-

B

us qui est in cœlis. Ego uerò dico tibi: Quia tu es Petrus, & super
hanc petram edificabo Ecclesiam meam, & portæ inferni nō præ-
ualebunt aduersus eam; & tibi dabo claues regni cœlorū, & quod-
cuncq; ligaueris super terram, erit ligatum et in cœlis: et quodcuncq;
solueris super terram, erit solutum & in cœlis. Contigerat fortè
eodem tempore, ut Christus oraturus, ex more in montem quen-
dam abiret, adsumptis ex discipulis tribus carioribus, Petro, Io-
anne, & Iacobo. Cumq; adsumptus paulo altius, solisq; lumine cir-
cumdatus, in medio Moyſis & Helix, clarificatus à discipulis uide-
retur: Domine (inquit Petrus) bonus est iste locus ad habitandū:
itaq; si placet, tria hic tabernacula faciemus: tibi unū, & reliquum
Helix ac Moyſi. Sed nihil tū IESVS respondit: uerū ut surgerent,
ac timorem exuerent admonuit, reliquumq; de passione sua ser-
monem protrahebat. Quæ cum postea ante Paschatis solennia in-
staret, sciens IESVS quia omnia dedisset ei Pater in manus, et quia à
Deo exiuerat, & ad Deum uaderet, surgit à cœna, & ponit uesti-
menta sua: et cum accepisset linteū, præcinxit se. deinde misit aquam
in peluim, & cœpit lauare pedes discipulorum suorum, & tergere
illos linteo. Cumq; uenisset ad Simonem Petrum, dicit illi Petrus:

c

Domine

Domine, tu mihi ne lauabis pedes? Respondit illi IESVS: Quod ego facio, tu nescis modo, scies autē postea. Tum Petrus: Non laua bis mihi pedes in aeternū. Respondit IESVS: Si non lauero te, non habebis partem mecum. Ad quā Petrus: Non tantum pedes, sed etiam caput meum, & manus meas. Quē sermonem excipiens IESVS, ait: Qui lotus est, non indiget ut iterum lauetur, sed est mundus totus. Hæc ante resurrectionem à beato Petro gesta sunt. Post resurrectionem autē dicebat Dominus IESVS Petro: Simon Ioannis diligis me? Etiam Domine, inquit Petrus, tu scis quia amo te. Tum Christus: Pasce agnos meos. & subdit: Simon Ioannis, diligis me? Dicit ei Petrus: Tu scis quia diligo te. Pasce ergo oues meas, ait IESVS. Et dicit Petro tertio: Simon Ioannis, amas me? Quæ cum audisset Petrus, contristatus est, quod ei tertio dixisset, amas me, & respondens ait: Domine tu scis, quia amo te. Et IESVS: Pasce ergo oues meas. Amen amen dico tibi, cum esses iunior, cingebas te, & ambulabas quod uolebas: cum autem senueris, extēdes manus tuas, & alius te cinget, & ducet quod tu non uis. Hoc autē dixit, significans qua morte clarificaturus esset Deum. Hæc autē facta sunt eo tempore, quo ad mare Tiberiadis Saluator post resurrectionem, piscantibus discipulis, in littore apparuerat, quærens nunquid pisces aliquot cepissent? Sed illi, qui Dominū tum non cognouerāt, eminus pernegabāt. Quo audito, IESVS rete ad dextram partem nauis mitti præcepit. Quod ubi hi fecissent, & Petrus se in mare demississet, rete plenum piscibus retraxerunt. atque ex eo miraculo attoniti, Dominum cognoscere cœperūt: & appellentes ad littus, prope eum piscem subiectis carbonibus, & panem inuenerunt. Cumque centū & quinquaginta pisces numerassent, quos ex reti colligebant, inuitabat Christus discipulos ut sederent, piscemque & panem secum ederent. Et hæc quidem dum adhuc in terra is degebat, post resurrectionem, à Petro facta sunt, quæ digna sunt memoria. Postquam autem Dominus IESVS adsumptus est in cœlum, Petrus & Ioannes ascendebant in templum, ad horam orationis nonam. & ecce quidam uir, qui erat claudus ex utero matris suæ, baiulabatur: quem ponebāt quotidie ad portā templi quæ dicitur speciosa, ut peteret eleemosynam ab introeuntibus in templum. Is cum uidisset Petrum & Ioannem ingredientiē, supplicabat, ut eleemosynam acciperet. Intuens autem in eum Petrus cum Ioanne, dixit: Respice in nos. At ille intendebat in eos, sperans se aliquid accepturum ab eis. Tum Petrus: Argentum & aurum non est mihi: quod autem habeo, hoc do tibi. In nomine IESV Christi Nazareni, surge & ambula. Et apprehēsa eius dextra, alleuauit eū. Et protinus consolidatæ sunt bases eius, & plantæ: & exiliens stetit, & ambulabat: & ingressus cum illis in templum, corā omni populo testificabatur & magnificabat Dominum. Erat autem annorum

Hæc historia recensetur in Actis Apostolorū à S. Luca.

Arum amplius quadraginta. Augebatur uerò interea numerus credentium in Christum, multitudo uirorum ac mulierum: ita ut in plateas eñcerent infirmos, & ponerent in lectulis suis ac grabatis, secus uias publicas, quibus Apostolos audiuerant uenturos. Conueniebant autem et ex proximis ciuitatibus multi Hierosolymam, agros adferentes, & qui à spiritibus immundis uexabantur, quos omnes curabat Petrus. Interea cum fama uenisset Hierosolymā, quia Samaria uerbum Domini reciperet, miserūt eò Apostoli Petrum & Ioannem: qui cum uenissent, orauerunt pro ipsis ut acciperent spiritum sanctum. Nondum enim in quenquā illorum uenerat, sed baptizati tantum erāt in nomine IESV. At Apostoli imponebant manus super illos, & acceperūt spiritum sanctum & Samaritani. Quam rem cum uidisset Simon qui dicitur Magus, quia per impositionem manus Apostolorum daretur spiritus sanctus, obtulit eis pecuniam, dicens: Date & mihi hanc potestatem, ut cuicunq; imposuero manus, accipiat spiritum sanctum. Petrus autem dixit ad eum: Pecunia tua tecum sit in perditionem, quia donum Dei existimasti pecunia possideri. Non sit tibi pars, neq; fors in sermone isto. cor enim tuum non est rectum coram Deo. Quare age poenitentiam, & recede ab hac nequitia tua, & roga Deum si fortè remittatur tibi. Hæc cogitatio cordis tui praua est: in felle enim amaritudinis, & obligatione iniquitatis uideo te esse. Respon-

Bdens autē Simon, dixit: Precamini uos pro me Dominum, ut nihil eueniat super me horum quæ dixistis. Et isti quidem testificati, & locuti uerbum Domini, redibant Hierosolymam, & multis regionibus Samaritanorum euangelizabant Dominum. Factum est autem, ut Petrus, dum pertransiret multas urbes ac uicos, deueniret ad sanctos qui habitabant Lyddæ. Ibi hominē quendam inuenit nomine Æneam, ab annis octo iacentē in lecto, qui erat paralyticus, et ait illi Petrus: Ænea surge, sanat te Dominus noster IESVS Christus. Et continuo surrexit, & strauit sibi: & uidebāt illum omnes qui habitabant Lyddæ, & Saronæ, qui conuersi omnes ad Dominum fuerunt. Dum hæc agerētur, Christi discipula quædam nomine Thabitas occurrit, quæ interpretata dicitur Dorcas. Hæc erat plena operibus bonis, et eleemosynis, quas quotidie erogabat. Accidit autem ut fortè infirmata moreretur. Quam cum lauissent agnati, deposuerunt eam in coenaculo. Quia autem non procul distabat Ioppe à Lydda, miserunt duos uiros ad Petrū, rogantes ut non differret uenire ad eos. Quæ cum accepisset Petrus, exurgens peruenit cum illis in Ioppen. Et cum uenisset, duxerunt eum in coenaculum, & circumsteterunt illum omnes uiduæ flentes, & ostendentes tunicas ac uestes, quas fecerat illis Dorcas. Quarū fletibus condolens Petrus, eiectis omnibus qui aderant foràs, extensis in cœlum cum oculis manibus, & ponens genua orauit. Cōuersusq;

ad corpus, dixit: Thabita surge. At illa aperuit oculos suos, & uiso Petro resedit. Dans autem illi manum, erexit eam. Et cum uocasset sanctos & uiduas ad se, significauit eam uiuam. Notum autem factum est per uniuersam Ioppen, & crediderunt multi in Dominum.

Hac omnia capite duodecimo Actorū habetur, quare uel Abdiā ex Luca sumpsisse, uel Lucā ex Abdiā, cū fuerit uterque Apostolorū discipulus, credendum est.

Eodem tēpore misit Herodes rex manus, ut affligeret quosdam de ecclesia. Videns autem quia placeret Iudæis, apposuit apprehendere & Petrum: erant enim dies azymorum. Quem cū apprehendisset, misit in carcerem, tradensque quatuor quaternionibus militum custodire eum, uolebat post pascha producere eum populo. Et Petrus quidem seruabatur in carcere: fiebat autem oratio sine intermissione ab ecclesia ad Dominum pro eo. Cum autem producturus eum esset Herodes, in ipsa nocte erat Petrus dormiens, inter duos milites, uinctus catenis duabus. Et custodes ante ostium custodiebant carcerem. Et ecce Angelus Domini astitit, & lumen refulsit in habitaculo carceris: percussoque latere Petri, suscitauit eum Dominus: Surge uelociter, & ceciderunt catenae de manibus eius. Dixit autem Angelus ad eum: Præcinge te, & calcia te caligas tuas, & fecit sic. Et dixit illi: Circūda tibi uestimentum tuū, & sequere me. Et exiens sequebatur eum, & nesciebat quia uerum esset quod faciebat per Angelum: aestimabat autem se uisum uidere. Transeuntes autem primam & secundam custodiam, uenerunt ad portam ferream quæ ducit ad ciuitatem, quæ ultrò aperta est eis. Et exeuntes processerunt uicū unum, & continuò discessit Angelus ab eo. Et Petrus ad se reuersus dixit: Nunc scio uerè, quia misit Dominus Angelū suum, & eripuit me de manu Herodis, & de omni expectatione plebis Iudæorū. His ita gestis, surrexit quidā Simon Samarius genere, qui dudum uisis miraculis Petri, pecunia comparare uoluit donum spiritale, qui se magnum & perpetualiter stantem esse dicebat: promittens eos qui in se crederent, prorsus dissolui non posse. Hic etiam Petri cupiens euertere uias, & ea quæ docebat ad irritū reuocare: diem constituit, in quo conuenientibus turbis ad disputandum cum Petro, præsens adesset. Erat autem tunc Petrus apud Cæsareā Stratonis. Igitur inlucescente statuta die, Zachæus, qui erat prior ciuitatis, astitit Petro dicēs: Tempus est ut procedas ad disputandū Petre. Turba autem in medio atrij cōgregata opprimitur, te opperiens, quorum in medio multis fultus ad se constitit Simon. Tum Petrus ut hæc audiuit, orationis gratia secedere aliquos iubens, qui nōdum erant diluti à peccatis, quæ ignorantia commiserant, ait ad reliquos: Oremus fratres, ut Dominus per Christum filium suum, pro ineffabili misericordia sua adiuuet me, exeuntem pro salute hominum qui ab ipso creati sunt. Et hæc cum dixisset, oratione facta, processit ad atrium domus, in quo erat multitudo plurima populi congregata. Quò ubi omnes summo cum silentio esse attentos uideret, & magū Simonem in

A nem in medio eorū uelut signiferū, statim hoc modo cōcepit: Pax uobis omnibus, qui parati estis dare dextras ueritati. Quicunque enim obediunt ei, uidentur quidē sibi aliquid gratiæ conferre Domino. Porro autem ipsi ab eo donum summi muneris consequuntur, iustitiæ eius semitas incedentes. Propter quod & primum est omnium, iustitiam Domini, regnumq; inquirere eius. Iustitiā quidem, ut rectē agere doceamur: regnum uerō, ut quæ sit merces posita laborum & patientiæ, nouerimus. In quo est bonis quidem æternorum bonorum remuneratio: his autē qui contra uoluntatem eius egerint, pro uniuscuiusq; gestis, poenarū digna restitutio. Hic ergo, hoc est in præsenti uita, positos oportet uos agnoscere uoluntatem Domini, ubi & agendi locus est. Nam si quis uelit, antequā actus suos emendet, de his requirere quæ non potest inuenire, stulta et inefficax erit huiuscemodi inquisitio. Tempus enim breue est, & iudicium digestorum causa agitur, non quæstionum. Ideoq; ante omnia hoc quæramus, quid nos, aut qualiter agere oporteat, ut æternam uitam consequi mereamur. Mea ergo ista sententia est, si cut & uero prophetæ uisum est: ut primum de iustitia requiratur, ab his maximē qui Dominum se nosse confitentur. Si ergo habet aliquis quod esse rectius putet, dicat. Et cum dixerit, audiat: sed cum patientia & quiete. Propter hoc enim ab initio saluationis, speciem pacis cunctis imprecatus sum. Ad hæc Simon respondit: Nos pace tua opus non habemus. Si enim pax & concordia sit ad inueniendam ueritatem, nihil proficere poterimus: habent enim pacē inter se & latrones, & scortatores, & omnis nequitia cum semetipsa concordat. Et nos ergo si ob hoc conuenimus, ut pacis causa omnibus quæ dicuntur præbeamus assensum, nihil auditoribus confereamus: sed ē contrariō inlulis eis, nos amici discedimus. Propter quod noli inuocare pacem, sed magis pugnam: & si potes expugnare errores, ne requiras amicitiam, iniustis assentationibus partam. Hoc enim te ante omnia scire uolo, quia duobus inter se dimicantibus, tunc erit cum alter ceciderit superatus. Et Petrus ait: Quid times crebrō audire pacē? an ignoras, quia perfectio legis est pax? Ex peccatis enim bella nascuntur, & certamina. Vbi autem peccatum non sit, pax in disputationibus, ueritas in operibus inuenitur. Et Simon: Nihil momenti continent hæc uerba, quæ loqueris. Sed nunc ostendam uirtutis ac diuinitatis meæ potentiam, ut repente procidas, & adores me. Ego sum prima uirtus, qui semper & sine initio sum. Ingressus autem in uterū Rachel, natus sum ex ea ut homo, quo ab hominibus uideri possim. Ego per aerem uolaui, igne commixtus, unū corpus effectus sum: statuas moueri feci, animauī ex anima, lapides panes feci, de monte uolatu transmeaui, manibus angelorum sustentatus sum, ad terram descendi. Hæc non solum feci, sed & nunc facere possum: ut rebus ipsis probem omnibus,

quia ego sum filius Domini, stans in æternum, et credentes mihi si- A
militer in perpetuò stare faciam. Tua autem uerba uana sunt om-
nia, nec ullum potes opus ostendere ueritatis: sicut & ille qui misit
te Magus, qui nec se ipsum potuit liberare de crucis poena. Possum
enim facere, ut uolentibus me comprehendere, non appaream: &
rursum uolens uideri, palàm sim: si fugere uelim, mōtes perforem,
& saxa quasi lutum pertranseam. Si me de monte excelsò præcipi-
tem dederò, tanquam subuectus intrans illæsus deferar. Vinc-tus
memetipsum soluā: eos uerò qui uincula iniecerint, uinctos reddā.
In carcere conligatus, claustra spontè patefieri faciam. Statuas ina-
nimatas reddā ita, ut putentur ab his qui uident, homines esse. No-
uas arbores subito oriri faciam, & repentina uirgulta producam.
Igni meipsum iniiciam, ut non ardeam. Vultum meum commuto,
ut nō cognoscar. Sed & duas facies habere me possum hominibus
ostendere, ut ouis aut capra efficiar, puer paruus barbam produ-
cā. In aere uolando inuehar, aurum plurimū ostendam: Reges faci-
am, adorabor ut Dominus: publicè diuinis donabor honoribus, i-
ta ut simulachrū mihi statuētes, tanq̃ Dominum colāt, et adorent.
Et quid opus est multa dicere? quicquid uoluero, facere potero.
Multe enim iā mihi experimēto causę consummatae sunt. Deniq̃
aliquādo, inquit, cū mater mea Rachel iuberet me exire ad agrum,
ut meterē: ego falcē uidens positam, præcepi ei, ut iret & meteret:
messuit decuplo amplius cæteris. Multa iā noua uirgulta produxi B
de terra, & comare ea ego feci, & sub momento tēporis apparere:
& montem proximū ego secundò perforaui. His dictis à Simo-
ne, Petrus respondit: Ne alijs aliena. Tu enim quòd sis magus, ex
ipsis quæ gessisti confessus es, & manifestatus. Noster autē magi-
ster, qui est filius Domini et hominis, manifestè bonus est. Quod
autē uerè sit Domini filius, quibus oportuit dictum est, & dicitur.
Tu autem si non uis confiteri quòd magus es, cum omni hac turba
pergamus ad domum tuam, & tunc apparebit quis sit magus.
Hæc autem Petro dicente, Simon blasphemijs & maledictis agere
cœpit, & seditione facta, perturbatis omnibus, argui non potuit.
Et Petrus, ne quasi blasphemiae causa secedere uideretur, perstitit
immobilis, & arguere eum uehementius cœpit. Tum populus
indignatus, Simonem de atrio eiectum, extra ianuas domus repu-
lit: eoq̃ depulso, unus secutus est solus. Facto autem silentio, Pe-
trus alloqui populum hoc modo cœpit: Patiēter, fratres, malos fer-
re debetis, scientes quia Dominus cum possit eos excidere, patitur
tamen durare usq̃ ad præstitutam diem: in qua de omnibus iudici-
um fiet. Quomodo ergo nos non patiemur, quos patitur Domi-
nus, cui subsunt & obediunt cœli & terræ? Vos ergo qui ad Do-
minum conuertimini per poenitentiam, curuate ei genua. Hæc
cum dixisset, omnis multitudo genua flexit Domino. Et Petrus re-
spiciens

Aspiciens ad cœlū, cū lachrymis orabat super eos, ut Dominus pro sua bonitate suscipere eos dignaretur, confugiētes ad se. Et postq̃ orauit, & precepit ut die postera maturius conuenirent, sacrificium fecit: tū deinde secundū consuetudinem quieuit. Mane autem facto, ueniēs quidā ex discipulis Simonis, clamabat dicēs: Obsecro te Petre, suscipe me miserū, & à mago Simone deceptū, cui ego uelut cœlesti Domino intēdebā, pro his quę ab eo fieri mirabilibus uidebā: auditis tamē sermonib. tuis, cœpit iam homo mihi uideri, & quidē malus. Veruntamē cum hinc exisset, ego eum subsecutus sum solus: nondū enim ad liquidū impietates eius agnouerā. Cū autē uidisset me subsequētem, beatum me dicens, perduxit me in domū suam. Circa mediū uerò noctis ait ad me: Omnib. te hominibus faciam meliorem, si uolueris usq̃ ad finem perseuerare mecū. Qui cum promississem, exegit à me sacramentum perseuerantię: eoque accepto, imposuit super humeros meos polluta quædam & execrabilia secreta sua, ut portarem, & secutus est me. Vbi uerò uentum est ad mare, nauigium quod fortē aderat ingressus, sumit à ceruicibus meis, quod portare me iusserat. & paulo post egressus, nihil extulit: certum quòd in mare quid deiecerat. Rogabat ergo me, cū ipso ut proficiscerer, dicens se Romam petere. Ibi enim se in tantum placiturum, ut Dominus putetur, & diuinis publicè donetur honoribus. Tunc, inquit, te omnibus diuinis repletum, si huc redire placuerit, pluribus fultum ministerijs remittam. Hęc ego audiens, nihil in eo secundum hęc professiōem uidens, sed magum & deceptorem eum intelligens, respondi: Quæso te, ignosce mihi, quia pedes doleo, & propterea exire Cæsaream non ualeo. Præterea est mihi uxor, sunt paruuli liberi, quos relinquerē omnino non possum. At ille hęc audiens, & ignauię me incusans, profectus est Romam, dicens: Cum audieris quanta mihi gloria in urbe Roma erit, poenitebit te. Et post hęc ipse quidem, ut aiebat, Romam petijt. Ego autem confestim redij huc, orans ut me suscipias ad poenitentiam, quia ab eo deceptus sum. Cum hęc dixisset is qui à Simone regressus est, iussit eum Petrus in atrio residere. Procedens autem ipse, & turbas uidēs multo plures quàm superioribus diebus, stetit in loco solito, & ostendens eum qui à Simone uenerat, ait: Iste, fratres, quem uidetis, paulo antè uenit ad me, de Simonis mihi malis artibus nūcians, quomodo ipsam sceleris sui officinā proiecerit in profundum, non quasi poenitentia ductus, sed metuens ne deprehensus publicis legibus subiaceret. Hęc dicente Petro, populus uidens hominem qui uenerat à Simone, stupebat. Igitur Petrus à Cæsarea digressus, Tripolim uenit: & ingressus domū Maronis, uidit locum aptum ad disputandum. Vt autem uidit turbam, uelut ingentis fluuij inundasse leuem meatum, ascendens supra basim quandā quæ fortē iuxta hortī parietem stabat, primum religionis

religionis more populum salutauit. Quidam autem ex his qui aderant, & longo tempore à dæmonibus fuerant fatigati, in terrā prostruunt, obsecrantibus spiritibus immundis, ut uel uno die indulgeretur eis in obsessis corporibus permanere. Quos Petrus increpās statim iussit abscedere: & sine mora discesserunt. Post hos alij longis afflictī languoribus, rogabant Petrum, ut reciperent sanitatem. Pro quibus se supplicaturum Domino, populo pollicetur, cū prius sermō doctrinæ fuisset expletus: sed statim, ut promisit, languoribus resoluti sunt. Et iussit eos seorsum residere, cum his qui à dæmonibus fuerant curati, quasi post laboris fatigationem. Petrus autem egressus à Tripoli, pergebat Antiochiā: & uenit ad insulam Ancharadum nomine, ubi erant in æde quadam columnæ uitreæ miræ magnitudinis, ad quas contuendas cum multi abiissent cū Petro, & Petrus miratus eas egressus esset pro foribus, uidit mulierculam quandam stipem ab introeuntibus deposcentem. quam attentius considerans, ait: Dic mulier, quod tibi membrum corporis deest, quod huic iniuriæ te subiecisti, ut stipem petas, & nō potius manibus tuis quas à Domino accepisti, operum cibum queras? At illa suspirans ait: Vtinam mihi quidem manus essent quæ moueri possent, nunc autem species tantum seruata est manuū, nam ipse sunt mortuæ, & meis moribus debiles et sine sensu redditæ. Tunc adprehensis Petrus manibus eius, sanauit eas. Erat enim hæc mulier mater Clementis, à quo & in eodem loco cognita est. Nam per uirtutes Petri & alios filios recepit, Faustinum & Faustum, qui mutatis nominibus Aquila ac Nicia appellabantur: & uirum suum Faustinum, qui multo à se tempore fuerant separati. Et cum uellent nauigare ex illa insula, mater ait ad Clemētem: Fili dulcissime, rectum est ut ualedicam mulierculæ quæ me suscepit. Est enim e-gens & paralytica, iacēs in lecto. Quibus auditis, Petrus & omnes qui audierant, admirati sunt bonitatem & prudentiam sceminæ. Et continuo iussit Petrus adire quosdam, et deferre mulierem in lectulo, ut iacebat. Cum fuisset allata, & in medio turbæ astantis collocata, in cōspectu omnium Petrus ait: Si ueritatis ego sum preco, ad confirmandam fidem horum omnium qui assunt, ut sciant & credant quia unus est Dominus qui fecit cœlum & terram, in nomine IESU Christi filij eius surgat hæc mulier. & statim ut hæc Petrus dixit, surrexit mulier sana, et procidit ad pedes Petri, atq; amicam suam ac familiarē osculis petēs, gratias Domino referebat.

His expletis, uolente Petro ut iret ad hospitium, dominus domus ait ad eum: Turpe est & impium tali sancto uiro, manere in stabulo, cum ego penè omnem domum uacantem habeam, lectosq; stratos quā plurimos, & quæ necessaria sunt, parata. Sed Petro contradicente, uxor patrisfamiliās unā cum liberis suis prostrauit se ante eum, & exorabat dicēs: Obsecro te mane apud nos. sed ne

A sed ne sic quidem adquiescebat Petrus, donec filia eorum qui rogabant, ab immūdo spiritu temporibus multis uexata, & catenis uincta, quæ fuerat intra cōclauē clausa, effugato à se dæmone, & ostijs patefactis, cum catenis suis ueniens, procidit ad pedes Petri, dicens: Rectum est mi domine, ut agas hodie hic salutaria mea, & nō contristes me, neq; parentes meos. Petro autem requirente catenarum sermonumq; eius causam: parentes præter spem læti effecti, de filia sanitæ, & uelut stupore quodam attoniti, ipsi quidem dicere nequeunt. Adstantes autem familiæ aiunt: Hæc à septimo ætatis anno dæmone tentata, omnes qui accedere tentassent ad eā, scindere, dilaniare, moribus etiam dirumpere conabatur. Et hoc à uiginti annis usque ad præsens facere nunquam destitit, nec ab aliquo potuit curari: sed nec accedere quidem quisquam ualebat ad eā. Multos enim inuitiles reddidit, alios interemit. Omnibus enim uiris ualidior erat, sine dubio uiribus dæmonis nisa. Nunc autem, ut uides, ex præsentia tua dæmon quidē fugit: ostia uerò quæ summo cum munimento clausa fuerant, aperta sunt, & ipsa sana stat ante te, rogans ut diem salutarium suorum lætum & ipsi & parentibus eius facias, & maneat apud eos. Hæc cum ita unus ex familijs enarrasset, ac ipsæ etiā catenæ de manibus eius ac pedibus fuissent sponte resolutæ, Petrus certus quod per ipsum sanitas hæc reddita sit puellæ, adquieuit ut maneret in domo patris eius. Post hæc

B autem Petrus Romam ueniens, in ipsis diebus sibi finem uitæ imminere præsensit. In conuentu ergo fratrum positus, adprehensa Clementis manu repente confurgens, in auribus totius ecclesiæ hæc protulit uerba: Audite me fratres, & conserui mei: quoniam sicut edoctus sum ab eo qui me misit Domino & magistro IESU Christo, dies mortis meæ instat, Clementem hunc episcopum uobis ordinabo, cui soli meæ prædicationis & doctrinæ cathedram credo, qui mihi ab initio usq; ad finem comes in omnibus fuit, & per hoc ueritatem totius meæ prædicationis agnouit. Qui in omnibus tentationibus meis socius extitit, fideliter perseverans: quem præ cæteris expertus sum, Dominum colentem, homines diligentem, castum, discendi studijs deditum, sobrium, benignū, iustum, patientem, scientem ferre nonnullorum etiam ex his qui in uerbo Domini instruuntur, iniurias. Propter quod ipsi trado à Domino mihi datam potestatem ligandi & soluendi, ut de omnib. quibuscunq; decreuerit in terris, hoc decretum sit & in cœlis. Ligabit enim quod oportet ligari, & soluet quod oportet solui. Et hæc cum dixisset, manus ei imposuit, eumq; in cathedra sua sedere compulit: multum eum instruens, qualiter aut ecclesiam sibi commissam regeret, aut oues susceptas aleret. Tunc & Paulus apostolus Romam ueniens, Christum Dominum prædicabat. Tempore igitur Neronis Cæsaris, erāt Romæ salutiferi doctores Christianorum

stianorum Petrus & Paulus apostoli, per quos dum fides domi- **A**
 ni IESV Christi in omnium cresceret mentes, & religionis propa-
 garentur augmenta, quia essent sublimes operibus, clari magiste-
 rio ob uirtutem diuinæ gratiæ, Nero per magum Simonem uehe-
 mēter aduersari coepit Apostolis: quia diuersis illusionibus dæmo-
 num ita magus Cæsaris animū obtinuerat, ut eum salutis suæ præ-
 sulem, uitæq; custodem, remota ambiguitate consideret. Nam &
 bellorum uictorias, & subiectiones gentium, & prosperitatem re-
 rum se per eum in omnibus habiturum esse credebat. Sed Petrus
 apostolus uanitates eius & flagitia uniuersa detexit. Quia uerita-
 tis lux, & uerbi diuini claritas, quæ ob salutem hominum nuper
 obfulserat, totius mendaciæ caligine de humanis mentibus discussa
 per Apostolos, ignorantia tenebras effugabat. Tunc Simon ma-
 gus ueri luminis fulgore percussus, cæcitatem continuo male sanæ
 mentis incurrit: quippe qui iam in Iudæa per apostolum Petrum
 de his quæ egerat sceleribus confutatus, transmarinam ingressus
 est fugam. Et qui in alijs terrarum partibus Petri expertus erat po-
 tentiam, tamen præueniens Romam, ausus est se iactare, quod pos-
 set mortuos suscitare. Illo ipso tempore erat quidā defunctus ado-
 lescens nobilis, propinquus Cæsaris. Vbi cum multa turba pro-
 pinquorum conuenisset, sciscitabantur inuicem, si esset aliquis qui
 posset mortuum excitare. Celeberrimus scilicet & tunc Petrus in
 his operibus habebatur, sed apud gentiles nulla huius firmabatur **B**
 fides. Dolor tamen exegit inquiri remedium: perrectum est ad Pe-
 trum. Fuerunt equidem qui etiam Simonem accersendum puta-
 rent, ut uterq; adesset. Tum Petrus ad cognatos defuncti ait, ut Si-
 mon, qui de sua se iactabat potentia, prior, si posset, mortuum susci-
 taret. Sin ille nequiuisset, sibi non ambiguum, quin Christus opem
 ferret defuncto. Ibi Simon, qui putabatur apud gentiles magnæ
 esse potentiæ, conditionem interposuit, ut si ille mortuum suscita-
 ret, Petrus occideretur, qui tantæ potestati uerbis audacibus lacer-
 sendo inrogasset iniuriā. Si uerò illo nihil agente, Petrus mortuum
 suscitasset, magus sententiæ quæ in Apostolum data fuerat, subiace-
 ret. Talis cum esset interiecta conditio, quieuit Petrus. exorsus est
 autem Simon, & accedens ad lectulum defuncti, incantare atq; in-
 murmurare dīra clam carmina coepit. Visumq; est circumstanti-
 bus, caput agitari defuncti. Itaq; clamor gentilium ingens attolli-
 tur, quod iam uiueret, quod cum Simone loqueretur. Miraq; indi-
 gnatio in Petrum esse omnium coepit, eo quod esset ausus se tantæ
 potestati conferre. Tum Petrus fieri silentium postulat, & ait:
 Si uiuit defunctus, loquatur: si suscitatus est, surgat & ambulet, at-
 que fabuletur. Ego uerò phantasma hoc, non ueritatem esse, quod
 cernitis motum caput defuncti, docebo. Deniq; (inquit) separe-
 tur magus à lectulo, & ad plenum sigmenta diaboli denudabatur.
 Abducitur

A Abducitur itaq; Simon à lectulo, & sine ulla spe uitæ manet defunctus immobilis. Astitit Petrus à longè, & intra se orationi paulisper intentus, cum magna uoce ait: Adolefcens tibi dico, surge: sanat te Dominus noster IESVS Christus. Et statim surrexit adolefcens, & locutus est, & ambulauit, & dedit eum Petrus matri sue uiuentem. Quæ cum remunerare beatum apostolum uellet: Secura (inquit) esto mater de filio, & non uerearis: habet enim custodem suum. Et cum uellet populus magum Simonem lapidare, ait Petrus: Satis est ad poenâ eius, quòd agnoscit se in suis actibus superatum. Viuat, & regnum Christi crescere uideat, uel inuitus. Torquebatur interea magus, & apostolica percussus gloria ad Nerone Cæsarem currit, nouamq; Petro iniuriam molitus, obtinuit ut Petrum uocaret. Itaq; cum uterq; coram imperatore staret, prior Simon: Miror te (inquit) Cæsar, hunc te alicuius momenti hominem existimare, imperitum piscatorem, mendacissimum, & nec in uerbo nec in re aliqua præditum potestate. Sed ne diutius hunc patiar inimicum, præcipiam modò angelis meis, ut ueniant, & uindicient me de isto. Ad quæ Petrus: Non equidem timeo angelos tuos, qui me coguntur timere, & in uirtute & in confidentia huius Christi Domini mei, quem te esse mentiris. Nam si diuinitas in te est, quæ cordis arcana rimatur, dic mihi nunc Simon, quid cogitem, uel quid facturum sis. Quam cogitationem meam, antequam tibi mentiatur magus, Cæsar optime, auribus tuis insinuabo, ut non possit mentiri quid cogitem. Tum Nero: Accede huc, & dic mihi quid cogites. Petrus dixit: Iube mihi adferri hordeaceum panē, & occultè dari. Cumq; hoc iussum fuisset, Petrus ait: Dicat nunc ergo Simon, quid cogitatum, quid dictum, quid uel sit factum à me. Tum Nero, Quid dicis Simon? Respondet Simon: Imò Petrus dicat quid ego cogitauerim, uel quid fecerim. Tum Petrus: Quid cogitet Simon, me scire docebo, si tamen ipse prius dixerit, quid ego cogitauerim. Quæ cū audiuiisset Simō: Hoc (inquit) scias bone Imperator, quia cogitationes hominum nemo nouit, nisi solus Deus: cæterum Petrus mentitur. Ad quæ iterum Petrus: Tu uerò, qui filium Dei te esse dicis, dic quid cogitem, & quid fecerim modò in occulto, si potes, exprime. Petrus autem benedixerat panem hordeaceum, quem acceperat, & fregerat, & in dextra atq; sinistra manica sua collocauerat. Tunc Simon indignatus, quòd dicere nō posset secretum Apostoli, exclamauit dicens: Procedant canes magni, & deuorent eum in conspectu Cæsaris. Et cum hæc dixisset, apparuerunt canes miræ magnitudinis, & impetum fecerunt in Petrum. Petrus uerò extendens manus in orationem, ostendit canibus quem benedixerat panem. Quem ut uiderunt canes, subito nusquam comparuerunt. Tum cōuersus Petrus ad Cæsarem: Ecce ostendi tibi Imperator,

Concertatio S. Petri cū Simone mago, coram Nerone.

quid cogitarit Simon, nō uerbis, sed factis. Nam qui angelos promiserat contra me esse uenturos, canes exhibuit: ut se ostenderet non diuinos angelos, sed caninos habere. Quare indignatus magus, sese ad omnem excitare coepit carminum suorum potentiam. Congregatq; populū, ac offensum se dicit à Galilæis: relicturum se urbem, quam tueri soleret. Deniq; diem statuit, quo se per uolatum supernis sedibus satis iactanter promittebat inuehendum, ueluti quando uellet coelum petiturus, in sua potestate consisteret. Statuto igitur die montē Capitolinum ascendit, ac se de rupe deiiciens, uolare coepit. Mirari populus, ac uenerari. Pleriq; etiam dicebant, Dei hanc esse potentiam, non hominis, qui ita corpore uolaret ad coelū: nihilq; tale Christum fecisse, multi asseuerabant. Tunc Petrus stans in medio, inquit: Domine IESV, ostende uirtutem tuam, & ne permittas his uanis artibus decipi populum, qui tibi est crediturus. Sic decadat Domine (inquit) ut uiuens se contra tuam potentiam nihil potuisse cognoscat. Cumq; hæc cum lachrymis orasset Apostolus, ait: Adiuro uos in nomine IESV Christi, qui eum fertis, ut nunc demittatis. Et statim ad uocē Petri demissus à dæmonibus, implicitis remigijs alarum quas sumpserat, corruit: nec statim exanimatus est, sed totus fractus corpore, debilitatisq; cruribus, post paruum horarum spacium inibi exspirauit. Quod ubi Neroni compertum est, deceptum se ac destitutum dolens, sublatumq; sibi uirum utilem ac necessarium reipublicæ indignatus, quærere coepit causas, quibus Petrum occideret. Itaq; datur à Nerone præceptum, ut Petrus comprehenderetur. Et cum ab omnibus antè fuisset rogatus, ut se aliò conferret, ille semper resistebat, dicens: Nequaquam hoc se esse facturum, ut tanq; metu mortis territus fugeret. Quippe cum sciret, & sibi & omnibus pro passione Christi immortalitatis gloriā prouenire. Cumque hæc & talia Petrus obtexisset, plebs lachrymans, ne se relinqueret, ne imminēte procella Christianorum, despiceret tot bonorum lachrymas, uictus tandem populorū fletibus adqueiuit, promisitq; se urbem egressurum. Proxima igitur nocte salutatis fratribus, celebrataq; oratione, proficisci solus coepit. Vbi uentum erat ad portam, uidit Christum sibi occurrere. quem adorans ait: Domine quò uadis? Cui Dominus, Venio Romam iterum crucifigi. Quod cum audisset, intellexit Apostolus, de sua hoc passione dictū, in quo scilicet passurus uideretur Christus, quē pati constabat in singulis non dolore corporis, sed misericordiæ contemplatione, & pietatis affectu. Itaq; Petrus ad urbem rediit, captusq; à custodibus, mox cruci adiudicatus est. Quo audito, ingens subito populi concursus est factus: ita ut plateæ non reciperent homines utriusq; ætatis & sexus. Qui summa uoce clamabant dicentes, Cur occiditur Petrus? quid admisit criminis? quid læsit urbem?

Innocentem

Simōis magi interitus.

Captiuitas S. Petri.

A Innocentem damnare nefas est. Et metuendum est, ne in tanti uiri nece ulciscatur Christus, & nos omnes pereamus. At uero Petrus mulcebat plebis animos, ne aduersus Principem defœuerent, dicens eis: Viri Romani, qui in Christo creditis, & in illo solo speratis, in mentē habitote eius patientiam, & consolationem in his signis quæ uidistis facta per me. Sustinete itaq; eum aduenientem, & retribuente unicuiq; secundum opera sua. Hoc autem quod nunc in me uidetis fieri, iam antea mihi à Domino est proditum, non esse discipulum supra magistrum, nec seruū supra dominum. Quare scitote, ad hoc ipsum me festinare, ut carne exutus, Domino adsistam. Sed quid moror (inquit) & non accedo ad crucē? Te neant persecutores corpus, ego Domino meo spiritu adhærebo. Et accedēs ad crucem, rogauit ut cruci inuersis uestigijs figeretur: ea reuerētia, ne ita seruus crucifigi uideretur, ut Dominus. Quod ubi factum est, cœpit de cruce ad populum loqui: O ineffabile ac profundum mysterium crucis, o inseparabile uinculum charitatis. Istud est lignum uitæ, in quo Dominus IESVS exaltatus, omnia traxit ad se. Istud est lignum uitę, in quo crucifixum est corpus Domini Saluatoris. At in eo confixa est mors, & mūdus totus æternę mortis est uinculis absolutus. O gratia incomparabilis, & amor crucis inrecessibilis. Gratias itaq; tibi Domine IESV, fili Dei uiui, non solum uoce & corde ago, sed etiam spiritu, quo te diligo, quo te loquor, quo te interpello, quo te teneo, quo te intelligo, quo te uideo. Tu mihi omnia, & in omnibus: tu mihi totū, & nihil mihi aliud præter te solū. Qui es bonus et uerus Dei filius, & Deus, cui cū æterno Patre et Spiritu sancto honor & gloria est, in cūcta semper secula seculorū. Et cū magna uoce omnis populus respondisset Amen, emisit spiritum. Cuius corpus Marcellus, unus ex discipulis eius, nullius expectans sententiam, proprijs manibus de cruce deposuit, & preciosissimis aromatibus conditum, in suo ipsius sarcophago collocauit, in loco qui dicitur Vaticanus, iuxta uiam triumphalem, ubi totius urbis ueneratione celebratur in pace.

*Plena euer
gie S. Petri
oratio in
cruce.*

ABDIAE LIBRI PRIMIFINIS.

d 3 LIBER

LIBER SECVNDVS HISTORIAE

Apostolica, ab Abdia Babyloniae episcopo Hebraice conscripta, & in linguam Latinam ab Africano uersa, de rebus à beato Paulo Apostolo & gentium doctore hinc inde gestis.



FVIT uir quidam in Hierusalem, de tribu Benjamin, nomine Saulus, eruditissimus in libris Moyse, et cunctis legis ceremonijs, quæ tunc secundum literam gerebantur, nihil in his mysticum sentiens, aut aduertens. Hic deuastabat ecclesiam Dei, ingrediens domos, & trahens uiros ac mulieres in carcerem, & multos quotidie congregabat. Igitur cum adhuc spiraret minas & cædes in apostolos Domini, accessit ad principem sacerdotum, & petijt ab eo epistolas in Damascum ad Synagogas, ut si quos inuenisset huius uix uiros ac mulieres, uinctos perduceret in Hierusalem. In eo proposito cum iter faceret, contigit ut appropinquaret Damasco, & ecce subito circumfulsit eum lux de coelo, & cadens in terram audiuit uocem dicentem sibi: Saule Saule, quid me persequeris? Durum est tibi contra stimulum calcitrare. Qui dixit: Quis es Domine? Et ille: Ego sum IESVS, quem tu persequeris. Sed surge, & ingredere ciuitatem, & dicetur tibi, quid te oporteat facere. Viri autem illi qui comitabantur, stabant cum eo stupefacti, audientes quidem uocem, neminem autem uidentes. Surrexit quoque Saulus de terra, apertisque oculis nihil uidebat. Ad manus autem illum trahentes, introduxerunt Damascum. Et erat ibi tribus diebus, non uidens, & neque manducabat, neque bibebat. Erat uero discipulus Christi quidam Damasci, nomine Ananias, & dixit ad illum in uisu Dominus: Anania. Et ille ait: Ecce ego Domine. Et Dominus ad illum: Surge, uade in uicium qui uocatur Rectus, & quære in domo Iudæ Saulum nomine Tarsensem. Ecce enim orat ipse, & expectat te, ut introiens imponas sibi manus, ut uisum recipiat. Respondens autem Ananias, inquit: Domine, audiui à multis de uiro hoc, quanta mala sanctis tuis fecerit in Hierusalem. Et hic habet potestatem à principibus sacerdotum, alligandi omnes qui inuocant nomen tuum. Tum Dominus: Vade (ait) quoniam uas electionis mihi est iste, ut portet nomen meum coram gentibus, & Regibus, & filiis Israel. Ego enim ostendam illi, quanta oporteat eum pro nomine meo pati. Et abiit Ananias, & introiuit in domum, & imponens ei manus dixit: Saule frater, Dominus misit me IESVS, qui apparuit tibi in uia, qua ueniebas, ut uideas, & implearis spiritu sancto. Et confestim ceciderunt ab oculis eius tanquam squamæ, et uisum recepit. Et surgens baptizatus est: & cum accepisset cibum, confortatus est. Mansit autem cum discipulis qui erant

Horum omnium sit mentio in Apostolorum actibus cap. 9. Quare uel Abdias illa ex Luca, uel Lucas ex Abdias sumpsit

A erant Damasci, per aliquot dies: & continuo in synagogis passim prædicabat IESVM, quoniam hic est filius Dei. Quod cum uiderent, stupebāt omnes, & dicebāt: Non ne hic est, qui expugnabat in Hierusalē eos qui inuocabant nomen istud: & huc ad hoc uenit, ut uinctos illos duceret ad Principes sacerdotum? Interea Saulus conualescebat quotidie, & confundebat Iudæos, qui habitabant Damasci, affirmans, quoniam hic est Christus IESVS filius Dei. Cum implerentur autem dies multi, consilium inierunt Iudæi, ut eum interficerent. Sed hæc insidiæ Saulo statim notæ factæ sunt. Custodiebant enim portas die ac nocte, ut eum cōprehenderent. Sed accipientes eum discipuli eius nocte, demiserunt per murum submittentes in sporta. Itaq; cum uenisset postea in Hierusalē, tentabat se iungere discipulis Christi. At illi timebant eum, nō credentes quia esset discipulus. Barnabas autem adprehensum illum duxit ad Apostolos, & narrauit illis, quomodo in uia uidisset Dominum, & quomodo locutus fuerit sibi, & quæ Damasci egerit cum fiducia in nomine IESV. Ex hoc autem tempore Saulus, qui & Paulus, cum euangelizaret Christum in multis ciuitatibus, uenit Lystram. Et erat ibi quidam infirmus pedibus, sedens claudus ex utero matris suæ, qui nunquā ambulauerat. Hic ubi audiuit Paulum loquentem, intuebatur eum fortiter. At Saulus, uidens quia haberet fidem, ut saluus fieret, dixit magna uoce: Surge, & sta super pedes tuos rectus. Et exiliuit statim homo ille, & ambulabat. Turbæ autem cum uidissent quod fecerat Paulus, leuauerunt uocem suam dicentes: Verè hic minister Dei est, qui tanta facit in Israel. Factum est autem, euntibus nobis ad orationem, puellā quādam habentem spiritū Pythonis obuiare, quæ quæstum magnum præstabat dominis suis diuinando. Hæc subsecuta nos paululum, clamabat dicens: Isti homines serui Dei excelsi sunt, qui adnūciant uobis uiam salutis. Hoc autem faciebat multis diebus. Dolens igitur Paulus, dixit spiritui: Præcipio tibi in nomine IESV Christi, exi ab ea. & exiuit ab ea eadem hora. Postea uerò cum uenissent quidam ex discipulis cum eo in Asiam, disputabat in schola Tyranni per biennium: ita ut omnes qui erant in Asia, audirent uerbum Dei, Iudæi atq; gentiles, uirtutesq; non modicas Deus faciebat per manus Pauli, ita ut etiā supra languidos deferrentur à corpore eius sudaria & semicineta, & recedebant ab eis languores, & spiritus nequam egrediebantur. In una autem sabbatorum cum uenissemus ad frangendum panem, Paulus disputabat eis, profecturus in crastinum: protraxitq; sermonem usq; in mediam noctem. Erant autem lampades copiosæ in coenaculo, ubi eramus congregati. Sedens autem quidam adolescens nomine Eutychus super fenestram, cum mergeretur somno graui, disputante diu Paulo, depressus somno, cecidit de tertio coenaculo deorsum, &

Hæc historia paulo fusius explicatur capite 16. Actonū, et facta esse Philippis Macedonia, refertur à Luca; à quo forte Abdiā sumpsisse credendum est.

Hoc alij et Romæ cōtigisse scribunt, & nomen adolescenti Patro sublatum

clū indide-
re, quē Ne-
ronis fuisse
scribūt po-
cillatorem.

Hæc profe-
ctio S. Pau-
li in Myle-
tū prolixius
recitatur
cap. 27. A-
ctorū. Non
enim spon-
te uenerat
in Myletū,
sed Romā
missus à Fe-
sto præside
Iudææ, ad
Cæsare u-
nā cū cētū-
rione Iulio
et cohorte
Italica, qui
bus custodi-
endus cū a-
lijs captiuis
erat tradi-
tus tēpestā-
te xliij die-
bus et no-
ctib. iactata
naui, uene-
rāt casu ad
littus insu-
le Myleti.
* Hic mul-
tes geste
à Paulo o-
mittuntur,
quas in Ma-
cedōia, At-
tica, Co-
rintho, Asi-
a, Phrygia,
Galatia, et
Epheso pro
uero Chri-
sti gessit:
quorū me-
minit tamē
Lucas, capi-
tib. Actorū
13. 14. usq;
ad 27. Por-
rō missus e-
rat Romā

sublatus est mortuus. Ad quē cum descendisset Paulus, incubuit
super eum, & complexus dixit: Nolite turbari. Anima enim ipsius
in eo est. ascendensq; rursus, fregit panem: & cum gustasset, sermo-
nem protraxit usq; in lucem. Interea adducūt puerum uiuentem,
qui ex casu obierat, & consolati sunt omnes non minimū. Post
hæc Paulus, ascensa naui, uenit in insulā quæ dicitur Miletus. Bar-
bari uerò præstabant non modicam humanitatē nobis, & accen-
sa pyra reficiebant nos omnes propter imbrem qui imminebat, &
frigus. Cumq; congregasset Paulus sarmentorum aliquantam
multitudinem, & imposuisset super ignem, uipera à calore prorup-
pit, inuasitq; manum eius. Vt uerò uiderunt barbari pendentem
bestiam de manu eius, ad inuicem dicebant: Vtiq; homicida est ho-
mo hic, qui cum euaserit de mari, ultio non permittit eum uiuere.
Et ille quidem excutiens bestiam in ignem, nihil mali passus est. At
illi existimabant eum in tumorem conuertendum, & subito casu-
rum, ac moriturum. Cum autem illis sperantibus & uidentibus,
Paulo nihil mali fieret: conuertentes se dicebant, eum esse Deum.
In locis autem illis erant prædia Principis, nomine Publij, qui nos
suscipiēs triduo, benignè exhibuit. Contigit autem patrem Publij
febris & dysenteria uexatum, iacere, ad quem Paulus ingressus,
cum orasset, & imposuisset ei manus, saluauit eum. Quo facto om-
nes qui in insula habebant infirmitates, accedebant, & curabātur
ab eo. Qui etiam multis honoribus Paulum sunt prosecuti. * Ex. B
inde nauigans uenit Romam, ibiq; solutus à uinculis, mansit bien-
nio toto in conducto suo, & suscipiebat omnes qui ingrediebantur
ad eum, prædicans subinde regnum Dei, & docens quæ sunt
de Domino IESU Christo. Post crucem uerò Petri, & elisionē
Simonis magi, in urbe adhuc libera manebat custodia; qui à coro-
na etiam martyrij eadem die dispensatione diuina subtractus fue-
rat, ut per eum omnes gentes Euangelij prædicatione impleren-
tur. Itaq; cum Romam à Iulio cēturione Paulus fuisset perductus,
sub unius militis dūtaxat custodia constitutus, post tertiū diē con-
uocauit primores Iudæorū: cumq; cōuenissent in hospitium eius, lo-
quebatur illis: Ego, uiri fratres (inquit) nihil aduersus plebem fa-
ciens, aut consuetudinem maiorum, uinctus ab Hierosolymis tra-
ditus sum in manus Romanorum. qui cū inquisitionem de me ha-
buissent, constituerāt me primò dimittere, eo quod nulla esset cau-
sa mortis in me. Contradicientibus autem Iudæis, coactus sum ap-
pellare Cæsarem. Quam ob causam cū essem in itinere, rogauī uos
uidere et alloqui: Propter spem enim Israelis hac sum catena circū-
datus. At illi dixerunt ad eum: Nos neq; literas accepimus de te
à Iudæa, neq; adueniens aliquis fratrum adnūciauit nomen & con-
ditionem tuā. Cupimus autem nunc ex te audire, quæ sentis. Nam
de secta hac notum est nobis, quia ubiq; ei contradicitur. Igitur
constituto

A constituto die uenerunt ad eum plurimi in hospitium, ex Iudæis. Quibus exponebat ille scripturas, testificans regnū Dei, suadensq; eis ex lege Moyſi & prophetis, à mane usq; ad uesperam docebat. Sed cum non omnes crederent in IESVM, dixit Paulus ad eos: Spiritus sanctus rectè per Esaïam locutus est: Vade ad populū istum, & dicas: Aurē audietis, & non intelligetis: & uidentes uidebitis, et non poteritis perspicere. Incrassatum est enim cor populi huius, et oculos compresſerunt, ne fortè uideant oculis, & auribus audiant, & corde intelligant, & conuertantur, & sanem eos. Notū ergo cupio esse uobis, & gentibus missum esse hoc salutare Dei, & ipsos ad salutem uenturos. Et cū hæc dixisset, exierunt ab eo Iudæi, magnas inter se concertationes agitantes. Ipse autem Paulus mansit Romæ toto illo biennio, in conducto suo, & suscipiebat omnes qui ingrediebantur ad eum, prædicans regnum Dei, & docens quæ sunt de Domino IESV Christo, cum omni fiducia, sine impedimento. Hæc dum Romæ Apostolus faceret, interea apud Nerone Cæsarem defertur, quod nō solum nouam superstitionem inueheret, uerumetiam aduersus imperiū seditiones excitaret. Accersitus igitur, & interrogatus à Nerone, ut rationem doctrinæ suæ redderet, ita coram Cæsare locutus est: De doctrina quidem magistri mei, de qua interrogasti me, non eam capiunt, nisi qui fidem mundo pectore adhibuerint. Quæ enim pacis sunt, & charitatis, docui, & per circuitum ab Hierusalem usq; in Illyricum repleui uerbum pacis. Docui, ut homines se inuicem diligant. Docui, ut inuicem se honore præueniant. Docui sublimes & diuites, se non extollere, & sperare in incerto diuitiarum, sed in Deum ponere spem suam. Docui mediocres, in uictu & uestimento contentos esse. Docui pauperes, in sua egestate gaudere. Docui patres, filios suos docere disciplinam timoris Dei. Docui filios, obtemperare parentibus, & monitis salutaribus. Docui possidentes, reddere tributum sollicitudine. Docui negociatores, reddere uectigalia ministris Reipublicæ. Docui uxores, diligere uiros suos, & timere eos quasi dominos. Docui uiros, fidem seruare coniugibus, sicut illi seruari sibi pudorem omnibus modis uolunt. Quod enim punit maritus in uxore adultera, hoc punit in marito adultero ipse pater et conditor rerum Deus. Docui præterea dominos, ut mitius cum seruis suis agant. Docui seruos, ut fideliter, & quasi Deo, ita seruiant dominis suis. Docui ecclesiam credentium, unū et omnipotentem, inuisibilem & incomprehensibilem colere Deum. Hæc autem mihi doctrina non ab hominibus, neq; per hominem aliquem data est, sed per IESVM Christū, et patrem gloriæ, qui mihi de cœlo locutus est. Et dum me mitteret ad prædicationem Dominus meus IESVS Christus, dixit mihi: Vade, & ego ero tecū, spiritus uitæ omnibus credentibus in me: & omni a quæcunq; dixeris, aut feceris,

à Festo præfide Iudææ, et Agrippa rege, quia ad Cæsare appellauerat.

Hæc, quæ sequuntur, omnia in historia Actuum. ō habentur.

De Illyrico Orientali hæc intelligenda.

*Sententia
mortis in
Paulū pro-
nunciata à
Nerone.*

ego iustificabo. Hæc cū dixisset Paulus, Nero Imperator obstu- **A**
puit: indignatusq; postea, sententiam in eum mortis pronuncia-
uit, ut capite afficeretur. Et cum ei de morte illius tardius nun-
ciaretur, misit duos ex armigeris suis Nero, Feregam & Parthem-
um: qui euntes inuenerunt Paulum, cum omni fiducia & liber-
tate uniuersum populum de Christi mirabilibus instruente.
Hos cum uidisset Paulus se accedentes, hortabatur eos dicens: Ve-
nite filij, & uos credite in Deum, ut saluentur animæ uestræ, qui
me & omnes credentes sibi per aduentum unigeniti filij sui susci-
tauit, & in regno suo quod æternum est, collocauit. Qui respon-
derunt dicentes: Nos quidem Paule, prius ibimus ad Neronem,
nunciantes ei finem mortis tuæ. Tu autem ora pro nobis, ut cre-
damus illi quem tu prædicas Deum. Rogabant enim Paulum pro
salute sua, ut baptizarentur. Tum rursus Apostolus: Post pau-
lulum (inquit) filij uenite huc ad sepulchrum meum, & inuenie-
tis duos uiros orantes, Titum & Lucam: ipsi post me dabunt si-
gnum salutis. Et cum hæc dixisset, superuenerunt milites, qui
corruptum eum foras, extra ciuitatem duxerunt. Paulus uerò
cum uenisset ad locum supplicij, conuertit se contra Orientem: &
eleuatis manibus ac oculis suis ad cœlum, diutissimè orauit. Et
completa oratione, dedit pacem fratribus qui eum secuti fuerant:
& ualefaciens eis, flexis genibus, crucisq; se signo muniens, cerui- **B**
cem præbuit percussori. E' cuius gladio, defecto capite, pro san-
guine lac cucurrit, ita ut percussoris dextram lactea unda perfun-
deret. Quod cū circumstantibus uisum fuisset, obstupefacti om-
nes magnificauerunt Deum, qui tantam gloriam donauerat A-
postolo suo. Cuius corpus Lucina Christi famula, secūdo ab urbe
milliario uia Hostiensi, in proprio prædio, differtum aromatibus
sepeliuit. Passus est autem III. Kal. Iulias, duobus iam à passione
Petri elapsis annis, regnante Domino nostro IESU Christo,
cui est apud æternum Patrem & Spiritū sanctum,
honor & gloria, in sæcula sæculorum: Amen.

*S. Pauli co-
rona mar-
tyrij.*

LIBRI SECUNDI HISTORIAE
APOSTOLICAE FINIS.

LIBER

LIBER TERTIVS CERTAMI

*nis Apostolici, de gestis beati Andreae Apostoli, autore
Abdia Babyloniae episcopo, ipsorum Apostolorum
discipulo, & Africano episcopo
interprete.*

A



NDREAS apostolus, Simonis Petri, qui Barionas cognominatus erat, frater germanus fuit, & Ionæ filius: ex primis erat, qui Christo à Ioanne in Iordane baptizato adhæserunt. Audiens quippe à Ioanne in deserto, hunc Dei agnum esse, miraculo ductus, simul autoritate Ioannis, ad fratrem festinabundus contendit. Cui cum de Christo significasset, Petro persuasit, ut sese ad illum contemplandum sequeretur. Quam rem mox casus insecutus est, ut quo tempore is cum Simone fratre retia in mare mitteret, Christus fortè transiret: à quo ambo uocati fratres, sine mora discipuli magistrum secuti sunt. Quo in munere cum diu Christum sequeretur, probatus magistro, ad Apostolatus decem apicem ante passionem uocatus fuit. Et hæc quidem ante Dominicam passionem, ab hoc Dei uiro gesta sunt. At uerò post illum Dominicæ ascensionis nobilem gloriosumque triumphum, cum beati Apostoli prædicare uerbum Domini per diuersas regiones incepissent, tum & Andreas apostolus apud Achaïam provinciam, adnunciare Dominum IESVM Christum exorsus est.

*S. Andreae
prima. ex
Iudæa in
Achaïam
profectio.*

B

Eodem tempore Matthæus apostolus, qui & Euangelista, Myrmidoni urbi uerbum salutis adnunciauerat: sed incolæ ciuitatis illius grauius & indignè ferentes, quæ de Redemptoris nostri uirtutibus audierant, ac sua nolentes destruere templa, beatum Apostolum erutis oculis, catenisque oneratum carceri incluserant: eo animo, ut paucis interpositis diebus interficerent. Quod antequàm fieret, Angelus à Domino missus ad Andream apostolum, ut in Myrmidonem ciuitatem maturaret, & fratrem Mattheum de squallore carceris erueret, monuit. Cui ille ait: Domine, ecce uiam nescio, & quò ibo? Et ille: Vade (inquit) ad littus maris, & inuenies nauem, quàm statim conscende. ego enim ero dux itineris tui. Paruit Andreas, inuentamque nauem ascendens, flantibus uentis congruis prosperè nauigauit ad urbem. Quam ut ingressus est, ad publicum se illico carcerem contulit, inueniensque cum reliquis uinctis Matthæum, amarissimè fleuit, & facta oratione hæc uerba locutus est: Domine IESV Christe, quem fideliter prædicamus, & ob cuius nomen tanta perferimus, qui cecis uisum, surdis auditum, paralyticis gressum, leprosis mundiciam, mortuis uitam, immensa clemètia largiri dignatus es, aperi oculos serui tui, ut eat ad annunciandum uerbum tuum. Et statim locus ille contremuit, & lumen reful-

fit in carcere, & oculi beati Apostoli restaurati, & cūctorum catē- A
 nāe confractæ sunt, & trabes, in qua pedes eorum coartati erant,
 scissa est. Quibus factis, omnes magnificabant Dominum, dicētes:
 Quia magnus est Deus, quem prædicant serui eius. Ita educti per
 beatum Andreā de squalore carceris, omnes qui capti fuerant,
 abiit unusquisq; ad propria: cum quibus & Matthæus recesserat.
 Ipse uero Andreas manens apud Myrmidonem, prædicabat inco-
 lis uerbum Domini. quod cum minus audirent, adprehensum An-
 dream, ligatis pedibus per plateas ciuitatis trahebant. Quibus in
 tormentis cum iam sanguis efflueret, & capilli uellerentur, Apo-
 stolus ad Dominum in hæc uerba orationem habuit: Aperi Do-
 mine IESV Christe, oculos cordium illorum, ut cognoscant te De-
 um uerum, & desistant ab hac iniquitate: neq; uelis hoc illis pecca-
 tum statuere, quia nesciunt quod faciunt. Hæc cum dixisset, timor
 subitus inuasit incolas ciuitatis illius, ut dimisso Apostolo, pecca-
 tū agnoscerent, dicentes: Peccauimus in iustum, cumq; se ad pedes
 Apostoli dmitterent, remissionem delicti, & sibi ostendi uiam sa-
 lutis petebant. Quibus ille erectis, prædicabat Dominum IESVM
 Christum, & miracula quæ fecerat in hoc mūdo ostendit, & quē-
 admodum ipsum mundum iam pereuntem proprio cruore rede-
 merit. Ita uendicatis Domino incolis eius ciuitatis, cunctos in no-
 mine patris & filij & spiritus sancti, concessa peccatorum remissi-
 one baptizauit. Quibus gestis, recedens ab eo loco, uenit in regi- B
 onem suam: ubi cum ambularet cū discipulis suis, accessit ad eum
 cæcus quidam, & ait: Andrea apostole Christi, scio quia posses mi-
 hi reddere uisum, sed nolo eum recipere. Hoc tantum deprecor,
 ut iubeas his qui tecum sunt, tantum conferre pecuniæ, unde ue-
 stitum & uictum comparem. Cui Andreas: Verè (inquit) co-
 gnosco, hanc non hominis, sed diaboli uocem esse, qui non sinit ho-
 minem istum recipere uisum. & conuersus tetigit oculos cæci, &
 confestim recepit lumen, & glorificabat Deum. Cumq; uestimen-
 tum uile haberet, & hispidū, ait Apostolus ad discipulos suos: Au-
 ferte ab eo uestimenta sordida, & date ei indumentum nouum.
 Et cum omnibus, qui cæcus erat, expoliatus esset, inquit Aposto-
 lus: Quod sufficit illi, hoc accipiat. Et sic accepto uestimento,
 gratias agens rediit in domum suam. Interea Demetrii cuius-
 dam, primi ciuitatis Amasæorum, puer erat Ægyptius, quem a-
 more unico diligebat. Is correptus feбри, fortè eo tēpore spiritum
 exhalauerat. Itaq; auditis Demetrius signis quæ faciebat beatus A-
 postolus, uenit ad eum, & procidens cum lachrymis ante pedes e-
 ius, inquit: Nihil tibi difficile est, o minister Dei. Ecce puer meus
 quem unicè diligebam, mortuus est. Confido autem, et rogo, ut
 domum meam ingressus, eum, ut potes, reddas mihi. Hæc audi-
 ens beatus Apostolus, condolens lachrymis eius, uenit ad domum
in qua

Ad urbem
 Amasæorū
 projectio.

A in qua puer decumbebat, & prædicans diutissimè ea quæ ad salutem populi pertinebant, conuersus ad feretrum, ait: Tibi dico puer, in nomine IESV Christi surge, & sta sanus. Et confestim surrexit puer Aegyptius, & reddidit illū Apostolus domino suo. Tunc omnes qui erant increduli, crediderūt in Deum, & baptizati sunt à beato Andrea. Dum hæc fierent, puer quidam Sostratus nomine, uenit secretius ad beatum Andræa, conquerens: Mater mea (inquit) concupiuit formam speciei meæ, & iugiter me insectatur, ut commiscear ei: quod ego infandum execratus, fugi. At illa felle commota, adiit Proconsulem prouinciæ, ut crimen suum retorqueat in me. Et scio, cum accusatus fuero, quia nihil habebo quod ad hæc respondeam. Satiùs autem duco uitā amittere, quàm matris detegere crimen. Nunc autem hæc tibi confiteor, ut digneris pro me Dominū exorare, ne innocens presenti uita priuer. Hæc eo dicente, uenerunt ministri Procōsulis, accersentes eum. Beatus uerò Apostolus facta oratione surrexit, & abiit cum puero. Mater autem instanter accusabat eum, dicens: Hic, Domine Proconsul, oblitus maternæ pietatis, stuprum mihi inferre uoluit, adeò ut uix ab eo me eripere potuerim, ne uiolarer. Ad quæ Proconsul: Dic (inquit) puer si uera sunt ista, quæ mater tua prosequitur. At ille tacebat. Iterum atq; iterum interrogabat Proconsul, & nihil ei

*Vel hoc aut
tori fident
confirmat.
nā Achaiæ
Procōsulē
perpetuò
habebat: id
quod in O
pere no-
stro Rei-
pub. Rom.
prolixè o-
stendimus.*

B quicq; puer respondit. Durāte autem eo in silentio, Proconsul habebat cum suis consilium, quid esset ea re agendum. Mater autem pueri cœpit flere. Ad quam cōuersus beatus Andreas apostolus, inquit: O' infortū, quæ fletus emittis amaritudinis, propter incestum quem in filium es meditata. Quam adeò concupiscentia precipitauit, ut unicum amittere filium, libidine inflāmanne, non uereris. Hæc eo dicente, mulier ait: Audi Proconsul, postquam filius meus hæc in me molitus est, homini huic ab eo tempore adhæsit semper. Proconsul autem super his ira commotus, puerum iussit in culleum parricidij recludi, & in flumen proijci: Andreæ autem in carcerem retrudi, donec excogitatis supplicijs & ipsum perderet. Tum uerò orante beato Apostolo, mox terræmotus magnus cum tonitru graui factus est, & Proconsul de sede cecidit, & omnes terræ decubuerunt. Tum & mater pueri percussa aruit, & mortua est. Quæ uidens Proconsul, prostratus pedibus sancti Apostoli: Miserere (inquit) pereūtibus famule Dei, ne terra nos deglutiat. Orante igitur beato Apostolo, confestim terræmotus cessauit, ac fulgura & tonitrua quieuerunt. Ipse autem circumiens eos qui turbati iacebant, cunctos sanitati restituit. Ex eo tempore & Proconsul, & multi alij in Achaiā prouincia, suscipientes uerbum Domini, crediderunt in IESVM Christum, & baptizati sunt ab Apostolo Domini. Contigit autem, ut eo tempore Cratini quoq; Synopenis filius, dum in balneo mulierum lauaretur, à dæmone,

*In Synopā
Achaiæ ci-
uitatē com-
migratio.*

perdito sensu grauius cruciaretur. Ipse igitur cum & febre graui- **A**
 ter ægrotaret, & uxor similiter hydrope intumisset, epistolam ad
 Proconsulem misit, in qua rogabat ut Andream exoraret, ad se ut
 ueniret. Deprecante igitur Proconsule, Andreas ascenso uehiculo
 uenit ad ciuitatem, cumq; introisset in domum Cratini, conturba-
 uit spiritus malignus puerum, & uenit & procidit ante pedes bea-
 ti Apostoli. Quem ille increpans: Discede (inquit) humani gene-
 ris inimice, à famulo Dei. & statim multum clamitās, ab eo disces-
 sit. Et ueniens Apostolus ad stratum Cratini: Rectè ægrotas (ait)
 qui relicto proprio thoro, scorto misceris. Surge in nomine Do-
 mini IESV Christi, & sta sanus, & noli ultra peccare, ne maiorem
 ægrotationem incurras. Et sanatus est ex illa hora Cratinus. Muli-
 eri quoq; dixit: Decepit te, o infelix mulier, concupiscentia oculo-
 rum, ut relicto coniuge, alijs misceraris. & ait: Domine IESV Chri-
 ste, deprecor piam misericordiam tuā, ut exaudias seruum tuum,
 & prestes, ut si hæc mulier, ad coenum libidinis, quo prius erat fœ-
 data, fuerit reuoluta, non sanetur omnino. Quare, si Domine no-
 uisti, cuius potentia etiam futura prænoscuntur, quod deinceps
 hæc mulier ab hoc possit se flagitio abstinere, iam, te iubente, sane-
 tur. Hæc eo dicente, disrupto per inferiorem partem humore, sa-
 nata est cum uiro suo. Beatus autem Apostolus, cum gratias egis-
 set, fregit panem, & dedit ei. Quo accepto, credidit Domino cum
 omni domo sua: nec deinceps illa scelus, aut uir eius, quod prius **B**
 admiserant, perpetraverunt. Quibus factis, Cratinus cū magna
 munera Apostolo, prostratus in terra cum uxore, tribuere uellet:
 Non est meum (inquit uir Dei) hæc accipere, dilectissimi: sed po-
 tius uestrum est, ea indigentibus erogare. Et ita nihil accipiens ex
 his quæ offerebantur, Nicæam proficiscitur, in Asiam, ubi erant
 septem dæmones inter monumenta commorantes, secus uia: qui
 prætereuntes homines quotidie lapidabant, & morte afficiebant.
 Veniente autem beato Apostolo, exijt ei obuiam uniuersa ciuitas
 cum ramis oliuarum, proclamantes laudes, atq; dicentes: Salus no-
 stra in manu tua est, homo Dei. Et cum exposuissent omnē rei or-
 dinem, respondit Apostolus: Si creditis in Dominum IESVM
 Christum, filium Dei omnipotentis, cum spiritu sancto unum De-
 um, liberabimini eius auxilio, ab hac dæmonum infestatione. At
 illi clamabant, dicentes: Quæcunq; prædicaueris, credimus, & ob-
 audimus iussioni tuæ, ut modò ab ista tentatione liberemur. At
 illè gratias agens Deo, pro eorum fide, iussit ipsos dæmones in cō-
 spectu omnis populi eius adstiteri: qui uenerunt in similitudine
 canum. Tunc conuersus Apostolus ad populum, inquit: Ecce dæ-
 mones, qui aduersati sunt uobis. Si itaq; creditis, quòd in nomine
 IESV Christi possim eis imperare, ut desistant à uobis, confitemini
 corā me. At illi clamauerūt dicentes: Credimus IESVM Christū
 filium

Ex Acha-
 ia in Asia
 profectio.

A filium Dei esse, quem prædicas. Tunc beatus Andreas imperavit dæmonibus, dicens: Ille in loca arida & infructuosa, nulli penitus hominī nocentes, neq; accessum habentes, ubicunq; nomen Domini fuerit inuocatum, donec accipiatis debitum uobis supplicium ignis æterni. Hæc eo dicente, dæmones dato rugitu, euauerunt ex oculis adstantium, & liberata est ciuitas ea ex illa hora. Baptizauit quoq; incolas illius beatus Apostolus: & instituit eis episcopum Calistum, uirum sapientem, & inreprehensibiliter custodientem, quæ à doctore susceperat. Postea egressus Nicæam Andreas, cum ad portam Nicomediæ appropinquaret, efferebatur mortuus in grabato, cuius pater senex seruorum sustentatus manibus, uix obsequium funeri ualebat impendere. Mater quoq; hac ætate grauata, sparsis crinibus sequebatur, dicens: Væ mihi, cuius usq; ad hoc tempus ætas producta est, ut funeris mei apparatus in filij funus expendam. Cumq; hæc & similia deplorantes cadauer uociferando prosequerentur, affuit Apostolus Domini, condolensq; lachrymis eorum, ait: Dicite mihi obsecro, quid huic puero contigit, ut ab hac luce migraret? At illi præ timore diu nihil respondere poterant. tandem collecta mente, subiecerunt: Dum esset (inquiunt) iuuenis iste in cubiculo solus, aduenerūt subito septem canes, & irruerunt in eum. Ab his igitur miserrimè discerptus, cecidit, & mortuus est. Tunc beatus Andreas supirans, & in cælum oculos erigēs, cum lachrymis ait: Scio Domine, quia dæmonum illorum fuerunt insidiæ, quos à Nicæa urbe pepuli: & nunc rogo IESV benigne, ut resuscites eum, ne congaudeat aduersarius humani generis de eius interitu. Et hæc dicens, ait ad patrem mortui: Quid dabis mihi, si restituerō tibi filium tuū saluum? Et ille: Nihil habeo preciosius: ipsum enim dabo, si ad uitam surrexerit, te iubente. Quibus dictis, iterum beatus Apostolus ad cælum expansis manibus orauit, dicens: Redeat quæso Domine anima pueri, ut isto resuscitato, relictis cuncti idolis, ad te conuertantur, fiatq; eius uiuificatio salus omnium pereuntium, ut iam non amplius subdantur mortī, sed tui effecti uitā mereantur æternam. Respondentibus autem fidelibus, Amen, conuersus ad feretrum, inquit: In nomine IESV Christi surge, & sta super pedes tuos. Et statim admirante populo surrexit, ita ut omnes qui aderant, uoce magna clamarent: Magnus est Deus Christus, quem prædicat seruus eius Andreas. Parentes quoq; pueri multa munera dederūt filio suscitato à mortuis, quæ beato Apostolo offerret. sed ille nihil ex his accepit: puerū tantum secū ad Macedoniā abire præcipiēs, salutaribus uerbis instruxit. Egressus itaq; Nicomedia Apostolus, nauem conscendit, ingressusq; Hellespontum fretum nauigabat, ut ueniret Byzantium. Et ecce commotum est mare, & incubuit super eos uentus ualidus, ita ut nauis mergeretur. Itaq; cum omnes mortis

Primus epi
scopus Nicææ à B.
Andræa ordinatus.



S. Andræa
ex Asia in
Macedoniā
profectio.

nes mortis periculum præstolarentur, orauit beatus Andreas ad Dominum, præcipiensque uento, siluit. Qui uerunt autem mox & fluctus maris, & tranquillitas secuta est: ereptique omnes à præsentis discrimine, Byzantium peruenerunt. Inde progressi, ut transirent Thracias, occurrit eis multitudo hominum à longè cum euagina- tis gladijs, lanceas manu gestantium, qui uolebant in illos irruere: Quod cum uidisset Andreas apostolus, faciens crucis signum contra eos, ait: Oro Domine, ut decidat pater eorum, qui hæc eos agere instigauit. Conturbentur uirtute diuina, ne lædant sperantes in te. Hæc eo dicente, angelus Domini cum magno splendore præteriens, tetigit gladios eorum, & mox corruerunt proni omnes in terram. Et ita beatus Apostolus cum suis sine detrimento præter- uuit. Et qui hostes antea fuerant, proiectis gladijs adorabant illum, angelusque Domini cum ingenti lumine recessit. Interea Andreas emenso itinere, ad Perynthum ciuitatem Thraciæ maritimam per- uenerat, ut naue in Macedoniā trañceret. Cumque angelī monitu, qui ei iterum apparuit, nauem conscendisset, antequam soluerent à terra, uerbum Domini cunctis in naui secum existentibus prædicabat. Cuius uerbis salutaribus persuasi cuncti, cum ipso nauis præfecto, in IESVM Christum credentes, glorificabāt Deū. Quare lætatus sanctus Apostolus, quod nec in mari defuerit qui uerbum Domini audiret, & ad filium Dei omnipotentis conuerteretur, glorificabat & laudabat Deū conditorem cœli & terræ. Dū hæc fierent, & antequam adhuc Apostolus in Macedoniam per- uenisset, accidit quod duo uiri in Philippis fratres germani essent, nobiles, & quibus erat magna domi facultas: erantque alteri filij duo, alteri totidem filia. Hi, cum in ciuibus nulli forent qui dignè generationi illorum iungi possent, inito foedere obligauerunt se mutuo, ut unam domum facerent, & unius filij alterius filias in matri- monium acciperent. Cumque iam dies nuptiarum esset constitutus, factum est uerbum Domini ad eos, dicens: Nolite coniungere li- beros uestros, donec huc ueniat famulus meus Andreas: ipse enim uobis, quæ agere debeatis, ostendet. Iam autem thalamus præparatus erat, & conuiuæ uocati erant, omnisque apparatus nuptialis in promptu tenebatur. Interea triduo elapso, aduenit beatus Apostolus, & uidentes eū gauisi sunt magno gaudio: & occurren- tes ei cum coronis, processerunt ante pedes eius, & dixerunt: Te admoniti præstolamur, famule Dei, ut uenias, & adnuncies nobis, quid faciamus. Sumus enim oraculo diuino iussi te operiri: & ne antea cōiungerentur liberi nostri, quàm tu uenires, indicatum est nobis. Erat autem tunc uultus beati Apostoli tanquam sol re- lucens, ita ut omnes admirarentur, & honorarent eum. Qui cum audiuiisset quæ gesta essent, Nolite (ait) filioli, nolite seduci, nolite decipere hos iuuenes, quibus potest fructus apparere iustitiæ. Sed

magis

S. Andreas
Constanti-
nopoly fuit,
hoc est By-
zantij, in i-
tinere cū in
Macedoniā
iret.

E' Peryn-
tho in Mace-
doniā trans-
fretatio.

in Philip-
pos Mace-
doniæ urbē
emigratio.

Mos anti-
quus, cū co-
ronis obui-
a procede-
re, cuius se-
pe T. Livi-
us meminit.

A magis pœnitentiam agite, quia deliquistis in Dominum, ut proximo sanguine uelletis polluere coniugia filiorum uestrorum. Neque uerò nos nuptias euerdimus, aut uitamus, cum ab initio Deus masculum iungi præcepisset, & foeminam: uerùm incesta potius damnamus. Hæc eo loquente, cōmoti parentes eorum dixerunt: Oramus Domine, ut depreceris pro nobis Deum tuū, quia nescientes fecimus hoc delictum. Adolescentes autem uidentes uultum Apostoli splendere tanquam angeli Dei, dicebant: Magna & immaculata est doctrina tua, uir beate, quod nesciebamus. Nunc enim uerè cognouimus, quia Deus loquitur in te. Ad quos conuersus sanctus Andreas: Custodite (inquit) sine pollutione, quæ audistis à me, ut sit Deus uobiscum, et accipiatis mercedem operis uestri: id est, sempiternam uitam, quæ nullo clauditur fine. Hæc dicens Apostolus, benedixit eis: & relictis Philippis, perrexit in Thessalonicam. Vbi iuuenis quidam nobilis erat, diues opibus, Euxoos nomine, cuius parentes magno in ea ciuitate loco erant. Hic cum de uirtutibus beati Andreæ cognouisset, uenit ad Apostolū in scijs parentibus: & procidēs ad pedes eius, rogabat eum, dicens: Ostende mihi Domine uiam ueritatis, ut immortalitatem consequi possim. Cognoui enim, quod uerus minister sis eius qui te misit. Sanctus uerò Apostolus prædicabat ei Dominū IESVM Christum, & credidit adolescens, ex illa hora adhærens uiro Dei, nulla facta uel parentum uel facultatū suarum mentione. Interea parentes requirētes filium, cum audiuiissent quod cum Apostolo moraretur, accedētes muneribus filium ab Andrea separare nitebantur. Sed noluit adolescens obtemperare, dicens: Vtinam nec uos has opēs haberetis: & mundi simul cognoscentes autorem, qui est uerus Deus, animas uestras ab ira futura erueretis. Quæ dum iuuenis faceret, sanctus quoq; Apostolus descendit de tristega, & prædicabat eis uerbum Domini: sed non audientibus, rediit ad pu-
B erum, & clausit ostia domus. At illi uocata cohorte, uenerunt ut incenderent domum. cumq; scirpos & faculas subiecissent, & iam flamma ferretur in altum, arrepta adolescens ampulla aquæ: Domine (inquit) IESU Christe, in cuius manu omnium elementorū, natura cōsistit, qui arentia inficis & infecta facis arefcere: qui ignita refrigeras, & extincta succēdis: extingue iā hos ignes, ut tui non tepescāt, sed magis ad fidē accendantur. & hæc dicens, effudit desuper aquā ex ampulla: & statim omne incendium ita sublatum est, ac si nūquam accensum fuisset. Quod uidentes parentes pueri, dicebant: Ecce filius iam noster magus effectus est. Et adhibentes scalas, uolebant ascendere in tristegam, ut eos interficerēt. Dominus autē excecauit eos, ne uiderent ascensum scalarum. Quumque in hac perversitate durarent, quidam Lysimachus è ciuibus ait: Vt quid o uiri, casso uos labore consumitis? Deus enim pugnat
f pro



Tristega, habitatio trium cōtignationū in edibus altissimi. Græca uox est.

pro uirīs istis, & uos non cognoscitis. desistite ab hac stultitia, ne **A** uos coelestis ira consumat. Hæc eo dicente, compunctionis corde dicebant: Verus est Deus, quem isti colūt, quem & nos sequi constituimus. Aduenerant autem iam tenebræ noctis, & subito lumē affulsit, & omniū oculi inluminati sunt: ascendentesq; ubi erat Apostolus cum puero, inuenerunt eum orantem. Prostrati igitur in pauimento, clamabant dicentes: Te rogamus Domine, ut ores pro seruis tuis, qui errore seducti sunt. Tanta autem omnes compunctio cordis tetigerat, ut diceret Lysimachus, qui uicinus erat: Verè Christus est filius Dei, quem prædicat seruus eius Andreas. Itaq; cum omnes corroborati ab Apostolo in fide crederent, parētes tamen infideles manserunt, & execrantes adolescentē, domum regressi sunt, subdentes omnia quæ habebant publicis ditionibus. Qui haud multo pōst, quinquaginta diebus elapsis, unius horæ momento expirauerunt. Et posthæc, propterea quòd diligenter omnes uiri ciuitatis adolescentem, ob mansuetudinem eius, patrimonium ei à publico est restitutum. Et cum possideret cūcta quæ parentes eius habebant, non tamen discedebat ab Apostolo, sed fructus prædiorum in pauperum necessitatibus, & curis indigentium expendebat. Igitur cum multo tempore apud Thessalonicam sanctus Apostolus Domini unā cum adolescente moraretur, congregati subinde in theatrum multis hominum millibus, prædicabat non solum Andreas uerbum Dei, sed ipse etiā iuuenis, adeò **B** ut mirarentur cuncti prudentiam eius. Itaq; euenit postmodum, ut Carpiani cuiusdam ciuis filius ualde ægrotaret, pro quo cum multi & apud adolescentem, & apud Apostolum ipsum precibus intercederent: Nihil est (inquit sanctus Andreas) impossibile apud Dominum. Sed tamen ut credatis, adducite eum in conspectum nostrum, & sanabit illum Dominus IESVS Christus. Quæ audiens pater ægroti, cucurrit mox ad filium suum domū. Hodie Adimathe, inquit (hoc enim erat ægroti pueri nomen) sanus eris. Ad quē filius: Iam uideo insomniæ mei exitum. nam per quietem hunc uidi uirum, qui me sanabit. Et hæc dicens, induit uestimenta sua, surrexitq; à grabato, & pergebat ad theatrum cursu ueloci, ita ut non possent parentes uestigia eius adsequi. & procidens ad pedes beati Apostoli, gratias egit pro sanitate recepta. Populus autem qui aderat, obstupescibat, uidens eum post uiginti tres annos ambulanti, ex quo lecto fixus fuisset: glorificabantq; cuncti Dominum, dicentes: Quia non est similis Deo Andræ. Accessit & alius à ciuibus tum ad beatum uirum, cuius filius spiritum immundum habebat: Sana quæso (ait) uir Dei filium meum, quia malè uexatur è dæmonio. Dæmon uero sciens futurum se eñci, seduxit puerum in secretum cubiculum, & suffocauit eū laqueo, extorquens animam eius. Deniq; pater cum inuenisset filium mortuum,

A tuum, plurimum fleuit, & ait amicis: Ferte cadauer ad theatrum. confido enim quòd poterit resuscitari ab hospite, qui prædicat Deum uerum. Quod ubi factum fuisset, acposito coram Apostolo cadauere, totam rei causam cognouisset, conuersus ad populum Andreas: Quid (inquit) uobis proderit, uiri Thessalonicenses, cum hæc fieri uidetis, & non creditis? At illi dixerunt: Ne dubites, quin isto resuscitato, omnes in Deum tuum credituri simus. Hæc illis dicentibus, ait Apostolus: In nomine IESV Christi surge puer. & statim surrexit, & stupefactus omnis populus, clamabat dicens: Nunc credimus Deo illi cuncti, quem prædicas. Sufficiunt hæc nobis. Et deducentes eum ad domum suam cum facibus & lucernis, eo quòd iã nox aduenisset, manserunt apud eum per triduum: quo tempore de illis quæ Dei erant, abundè omnes instruxit. Dū hæc apud Thessalonicā fiunt, interea uir quidā ex Philippis, Medias nomine, cuius filius graui ægritudine torquebatur, Thessalonicam ad Apostolum uenit, deprecans filij sanitatem, tanto animi affectu, ut lachrymas emitteret. Beatus uerò Apostolus abstergens genas eius, & caput manu demulcens, dicebat: Confortare fili: tantum crede, & implentur uoluntates tuæ. adprehensaq; manu illius, cum eo ibat in Philippos. Cumq; ingrederentur portam ciuitatis, occurrit eis senex, rogans pro filijs, quos carceri conclusos Medias habebat, ulceribus penè, & tēporis diuturnitate putrefactos.

B Vbi conuersus ad Mediam S. Andreas: Audi homo, tu quidē deprecaris, ut sanetur filius tuus: cum apud te uincti retineantur, quorum iam sunt carnes exesæ. Quare si preces tuas uis ad Dominum proficisci, solue prius miserorum catenas, ut filius tuus à debilitate laxetur. Nam sentio impedimentum fieri precibus meis, maliciam quam exerces. Quæ audiens Medias, procidit ad pedes Apostoli, & deosculans inquit: Absoluantur & hi duo, & alij septem, de quibus nihil audiuiisti, tantum ut sanetur filius meus, & iussit eos in cōspectum beati Apostoli exhiberi. At ille imponens eis manus, & per triduum abluens uulnera eorum, sanitati restituit, libertatiq; donauit. Postera uerò die ait ad puerum: Surge in nomine IESV Christi, qui me misit ut medear infirmitati tuæ: & adprehensa manu eius, leuauit eum. Qui statim surrexit, & ambulabat, magnificans Dominum. uocabatur autem puer ille Philomedes, qui tribus decubuerat annis. Clamante autē plebe, & dicente: Et nostris medere infirmis, famule Dei, conuersus ait Andreas ad puerum: Vade per domos agrotantium, & in nomine IESV Christi, in quo sanatus es tu, iube eos exurgere. At ille, admirantibus cunctis, abiit per domos infirmorum, inuocatq; Christi nomine, restituebat sanitati quotidie quàm plurimos. Credidit igitur ex eo tempore omnis populus Philipporum, offerensq; ei munera, rogant multi ut audirent uerbum Dei. Beatus uerò Apostolus prædicans De-

Reditus in Philippos.

um uerum, nihil de muneribus accipiebat. Denique Nicolaus qui- **A**
dam ex ciuium numero, exhibens carrucam deauratam cum qua-
tuor mulis candidis, totidemque equis, obtulit beato Apostolo, di-
cens: Hec accipe famule Dei, quibus nihil inueni in rebus meis pre-
stantius, tantum ut sanetur filia mea, quae diutino morbo cruciatur.
Cui subridens beatus Apostolus: Accipio quidem (inquit) mu-
nera tua Nicolae charissime, sed non haec uisibilia. Nam si pro filia
quae preciosa in domo tua habes, offerre cupis, quanto magis pro
anima debes tale quoddam munus preciosum offerre? Ego uero
hoc solum a te accipere cupio, ut homo ille interior cognoscat ue-
rum Deum factorem suum, rerumque omnium creatorem, qui ter-
rena respuat, & aeterna desideret: qui caduca negligat, sempiterna
diligat: qui illa quae uidentur contemplatione spiritalis intentio-
nis aduertat, ut cum in his exercitato sensu uigueris, uitam aeternam
consequi merearis: filiam hic sanitati redditam, etiam in illo aeterni-
tatis gaudio perfruaris. Haec eo dicente, persuasit omnibus, ut reli-
ctis idolis, Deum uerum crederent. filiam quoque ipsius eiusdem Ni-
colai sanauit ab infirmitate in illa hora, & omnes magnificabant e-
um, percurrente per totam Macedoniam fama de uirtutibus, quas
faciebat super infirmos Apostolus Domini. Euenit porro se-
quenti die, cum doceret beatus Andreas populos, ut adolescens qui-
dam exclamaret uoce magna dicens: Quid tibi & nobis An- **B**
drea famule Dei? uenisti ne ut nos e proprijs sedibus exturbares?
Tunc beatus Apostolus uocato ad se iuuenem, ait: Enarra autor cri-
minis, quod sit opus tuum? Et ille: Ego (inquit) in hoc puero, ab ado-
lescentia eius habitauimus, suspicans quod nunquam ab eo recederem.
Nudius tertius autem audiui patrem illius dicentem amico suo: Va-
dam ad hominem famulum Dei Andream, & sanabit filium me-
um. Timens igitur cruciatus quos nobis infers, ecce egrediar ex eo
coram te. Et haec dicens, prostratus solo ante pedes Apostoli, exiit
a puero, & sanatus est ex illa hora, surgensque uoce magna glorifica-
bat Deum. Tantam uero gratiam Deus praestiterat sancto Apo-
stolo, ut sua sponte quotidie multi uenirent ad audiendum uerbum
salutis. Sed & philosophi ueniebant, & disseriebant cum eo, &
nemo poterat resistere doctrinae eius. Igitur cum haec agerentur
a uiro Dei apud Thessalonicam, surrexit quidam inimicus prae-
dicationis Apostolicae. is accessit Proconsulem prouinciae Quirinum,
& ei de Andrea significauit, quemadmodum multos quotidie a re-
ligione maiorum & deorum cultura auerteret, in Thessalonica: qui
templa deorum praedicaret destrui, caeremonias respui, & omnia
pristinae legis decreta conuelli, unum Deum tantum coli prae-
cipiens, cuius etiam se famulum profiteretur. Quibus commotus Pro-
consul, milites qui comprehenderent ipsum, misit. Qui uenientes
ad portam, in qua domo commoraretur Apostolus, didicerunt,
ingredientesque

A ingredientesq; illam, cum uidissent uultum eius fulgore nimio resplendentem, timore perterriti, ceciderunt ante pedes eius. Beatus uerò Apostolus narrabat audientibus, quæ de eo Proconsuli nunciata fuissent, & uenientes populi cum gladijs & fustibus, uolebāt milites interficere: sed prohibuit sanctus Apostolus. Impeditus igitur Proconsul ijs quæ constituerat, fremuit ualde: & misit alios uiginti, & ipsi ascendentes in domum, cum uidissent beatum Apostolum, turbati nihil dixere. Quæ Proconsul ut accepit, iratus misit aliam militum cateruam, qui eum cum ui adducerent. Quibus uisis, Apostolus ait: Nunquid propter me uenistis? Et illi: Propter te (inquiunt) si tamen tu es magus, qui prædicas deos non coli. Quibus ille respondit: Ego magus non sum, sed Apostolus Dei mei IESU Christi, quem prædico. Dum hæc agerentur, unus militū arreptus à dæmone, euaginato gladio clamans dixit: Quid mihi & tibi, Quirine Proconsul, ut mitteres me ad hominem, qui non modò extrudere ab hoc uase, uerum etiam suis me uirtutibus incendere potest: utinam uenires ad occursum ei, & nihil mali ageres contra illum. Quum autem hæc dixisset, egressus est à milite, ceciditq; miles, & mortuus est. Interea adfuit Proconsul cū magno furore, & stans secus sanctum Apostolum, eum tamen uidere nequiuit. Cui ille dixit: Ego sum quem quæris Proconsul, & statim aperti sunt oculi eius, & uidit illum, & indignans ait: Quæ est hæc infania, ut contemnas iussionem nostram, & ministros nostros subijcias ditioni tuæ? Iam uerè te magum atq; maleficum esse, manifestum est. Quapropter feris te obijciam, & quod nos & quod deos contemnas: et tūc uidebo, si te possit eripere crucifixus quem prædicas. Cui beatus Apostolus: Oportet (inquit) & te credere Proconsul, Deum uerum, & quem misit filium eius IESUM Christum, præsertim cum uideas unum de militibus tuis interiisse. & prostratus ad orationem sanctus Apostolus, cum diutissimè preces fudisset ad Dominū, tetigit militē, dicens: Surge, suscitatus te Dominus meus IESUS Christus, quem prædico. & statim surrexit miles, & stetit sanus. Cumq; populus acclamaret, Gloria Deo nostro: Proconsul ait, Nolite credere o simplices, magus est. At illi clamabant, dicentes: Non est hæc magica, sed doctrina uera & sana. Ad quæ Proconsul: Hominem istum bestijs tradam, & de uobis scribam Cæsari, ut uelociter pereatis, quia contemnitis leges eius. Illi autem uolentes eum lapidibus obruere, dicebant: Scribe Cæsari, quia Macedones recepere uerbū Dei, & contemptis idolis Deum uerū adorant. Ad quæ iratus Proconsul, abiit in Prætorium: & facto mane, intromisit feras in stadium, & iussit eò trahi ac proijci beatū Andreā. Quo adprehenso, cum capillis tractus ac fustibus impulsus in harena fuisset relictus, admiserūt aprū ferocem & horribilem, qui ter cum circuisset sanctū Dei, nihil nocuit. Vi-

Macedonū
magna ci-
uitas.

dentes autem hæc populi, dederunt gloriam Deo. Proconsul uero iussit adduci taurum, qui à triginta militibus tractus, & à duobus uenatoribus impulsus; Andream non attigit, sed uenatores in frustra discerpfit; & postremo dans mugitum, cecidit, & mortuus est. & statim acclamabat populus dicens: Verus Deus Christus. Dum hæc agerentur, angelus Domini uisus est descendisse de coelo, & confortabat S. Apostolum in stadio. Denique Proconsul feruens ira, iussit leopardum ferocissimum dimitti. qui dimissus, reliquit populum; & ascendens ad sedem Proconsulis, arripuit filium eius, & suffocauit eum. Tantaque insania Proconsulem obtinuerat, ut neque de his aliquid aut doleret, aut diceret. Inter hæc beatus Apostolus conuersus ad populum dixit: Ex his cognoscitis uiri Thessalonicenses, quia uerum Deum colitis, cuius uirtute bestiae superatae sunt, quem nunc Quirinus Consul ignorat. Sed ego, ut credatis facilius, etiam filium illius in nomine Christi, quem praedico, suscitabo, ut confundatur stultissimus pater eius. & prostratus terrae, diutissime orauit. adprehensaque manu suffocati, suscitauit eum. Hæc uidentes populi, magnificauerunt Deum, & quærebant Quirinum interficere; sed non sunt permisi ab Apostolo. Proconsul autem confusus, discessit in Prætorium suum. His ita gestis, adolescens quidam, qui diu iam cum Apostolo manserat, indicauit matri suæ quæ acta erant; & accersiuit eam, ut ueniret ad occursum sancti. Quæ accedens, procidit ad pedes Apostoli, & quærebat audire uerbum Domini. Cui cum satisfactum esset, deprecatione multa rogauit, ut accederet ad agrum eius, in quo serpens miræ magnitudinis erat, qui totam regionem illam deuastabat. Adpropinquante autem Apostolo, sibila magna emittens, erecto capite obuiam uenit. Erat enim longitudo eius quinquaginta cubitorum, ut omnes qui aderant metu terrerentur, & terræ decubarent. Tunc sanctus Dei ait ad eum: Abde caput funeste, quod erexisti in principio ad perniciem generis humani, & subde te famulis Dei, ac morere. Et statim serpens emittens grauem rugitum, circumdedit quercum magnam, quæ propinqua erat, & obligans se circa eam, euomensque riuum ueneri expirauit. Sanctus uero Apostolus post hæc ad prædium peruenit, in quo paruulus, quem serpens perculerat, mortuus decubabat. & uidens flere parentes illius, inquit: Dominus noster, qui uult uos saluos fieri, misit me huc, ut credatis in eum. Nunc autem abeuntes, uidete interfectorem filij uestri. At illi dixerunt: Nihil de morte dolemus filij, si ultionem de inimico uidemus. Illis uero abeuntibus, dixit Apostolus ad uxorem Proconsulis: Vade, & suscita puerum. At illa nihil addubitans, accessit ad corpus, & inquit: In nomine Dei mei IESU Christi, surge puer incolumis. Et statim surrexit. parentesque redeuntes, cum uidissent & serpentem mortuum, & inuenissent filium uiuentem, prostrati coram Apostolo,

Astolo, gratias Deo agebant. Sequenti uerò nocte uidit per quietem beatus Andreas uisionem, quā et fratribus enarrauit, dicens: Audite somnium meum, dilectissimi. Videbam, & ecce mons magnus erat, in sublimē elatus, qui nihil super se de terrenis rebus habebat, nisi quod luce resplendebat in tantum, ut mundum putaretur inluminare. Et ecce astiterunt mihi dilectissimi fratres, Petrus & Ioannes. Et Ioannes quidem extensa manu Petro apostolo, leuabat eum in uerticem montis, & conuersus ad me, rogabat ascendere post Petrum, dicens: Andrea, poculum Petri bibiturus es. & extensis manibus, subdit: Appropinqua mihi, & extendē manus tuas, ut coniungantur manibus meis, & caput tuum capiti meo societur. Quā cum fecissem, inuentus sum breuior esse Ioanne. Et post hæc ait mihi: Vis cognoscere imaginē huius rei quam cernis, uel quis sit qui tibi loquatur? Et ego: Desidero, inquam. Et ait mihi: Ego sum uerbum crucis, in qua pendebris in proximo, propter nomen eius quem prædicas. Et multa alia dixit, quæ nunc sile re oportet: prodebuntur autem tunc, cum ad hanc æmulationem accessero. Quare rogo, contineant omnes qui suscepere uerbum Dei, ut commendem illos Domino IESU Christo, quo eos in doctrina sua immaculatos custodire dignetur. Ego uerò iam resoluor à corpore, & uado ad promissionem illam, quam mihi polliceri dignatus est Regnator cœli et terræ, qui est filius omnipotentis Dei,

Bcum sancto spiritu uerus Deus, permanens in sæcula sempiterna. Hæc audientes fratres, flebant ualde, & cedebant palmis facies suas, cum gemitu magno. Denique conuenientibus cunctis, ait iterum: Scitote dilectissimi, me discessurum à uobis. Sed credo in IESUM, cuius uerbum prædico, quia custodiet uos à malo, ut non diuellatur ab inimico hæc messis, quā in uobis seui: id est, cognitio & doctrina IESU Christi Domini mei. Vos autem orate iugiter, & state fortes in fide, ut euulsa Dominus omni zizania scandali, tanquam triticum mundum, in horreo uos cœlesti congregare dignetur. Et sic per dies quinque docebat eos, & confirmabat in præceptis Dei. Post hæc autem expansis manibus orauit ad Dominum, dicens: Custodi quæso Domine gregem hunc, qui iam tuam cognouit salutem, ut non præualeat ille malignus: Sed quæ te iubente, & me dispensante suscepit, inuiolata custodire mereatur, in sæcula sæculorum. Et his dictis, omnes qui aderant, responderunt, Amen. Apostolus uerò accipiens panem, & gratias agens fregit, et dedit omnibus dicens: Accipite gratiam, quam uobis tradidit per me famulum suum Christus Dominus Deus noster. & exosculans singulos, atque commendans Domino, ex Philippis Thessalonicam profectus est, ibique biduo docens, discessit ab eis. Multi autem ex Macedonia fideles profecti sunt cum eo, quorum fuerunt duæ naues. Quærebant autem omnes, ut illam nauem, in qua Apostolus uehebatur, conscenderent,

*Somnium s.
Andree de
futura passione.*

*Preparatio
D. Andree
ad passionem.*

*Oratio s.
Apostoli.*

*Antymus S.
Andreae di-
scipulus.*

*Ex Macce-
donia in Pa-
tras Acha-
iae urbē pro-
fectio.*

conscenderent, desiderantes eum audire loquentem, scilicet ut nec A
in mari deesset eis uerbum Domini. Ad quos conuersus Aposto-
lus: Noui (inquit) desiderium uestrum, dilectissimi, sed nauis hæc
paruula est. Quare rogo, ut pueri cum impedimentis in maiorem
nauem transeant: Vos uerò in ista quæ minor est, nobiscum pro-
perabitis. & dato eis Antymo, qui consolaretur eos, iussit aliã con-
scendere nauem, quam propè sibi semper esse iusserat, ut & ipsi ui-
derent eum, & uerbum Domini audirent. Hæc dum fierent, ac-
cidit ut quidam solutus in somnum, uento impulsus caderet in ma-
re, quod uidens Antymus, conuersus ad Apostolum: Succurre do-
ctor (inquit) bone, perijt enim unus de famulis tuis. Tūc beatus
Andreas increpauit uentum, & statim siluit, & tranquillum reddi-
tum est mare. Homo uero qui ceciderat, unda famulante ad na-
uem deuectus est. Cuius manu Antymus adprehensa, leuauit eum
in nauem: & omnes admirati sunt uirtutem Apostoli, quòd etiam
mare obediret ei. Duodecima igitur die Patras Achaiae ciuitatē
adpulsi sunt, egressiꝫ de nauī in quodam diuersorio morabātur.
Denicꝫ cum multi precibus insisterent, ut in domos eorum ingre-
deretur, dixit: Viuit Dominus, quia non uadam nisi quòd præcepe-
rit ille. Et nocte dormiens, nihil reuelationis accepit. Altera uerò
nocte, cū esset ex hoc tristis, audiuit uocem dicentem sibi: Andrea,
ego sum tecum, & non derelinquam te. Quæ audiens ille, glorifica-
bat Dominum pro hac uisione. Dum hæc fierent, interea Lisbius B
Proconsul admonetur diuinitus, ut susciperet hominem Dei. Qui
misit in occursum Apostolo homines, qui eum hospitio exciperēt,
& sibi adducerent. Quod cum ille audiuiisset, uenit ad Proconsu-
lem, & ingressus cubiculum eius, uidit eum iacentem clausis oculis
quasi mortuum. pungensꝫ latus eius, inquit: Surge, & enarra no-
bis quæ tibi contigerunt. Et ille: Ego (inquit) sum qui execrabar
uiam quam doces: & miseram milites cum nauibus ad Proconsu-
lem Macedoniae, ut uinctū te transmitterent mihi, teꝫ ipsum mor-
te damnares. sed ecce naufragia perferentes, nunquam potuerunt
accedere quòd iussi sunt. Dumꝫ in hac mente essem, ut destruerem
uiam tuam, apparuerūt mihi duo uiri Aethiopes, qui me flagris ce-
debant, dicentes: Non possumus hic iam ullam potestatem habere,
quia uenit homo ille quem persequi cogitabas. quare isthac adhuc
nocte, qua potestatem habemus, ulciscemur nos in te. Et sic graui-
ter cesso, recesserunt à me. Nunc igitur uir Dei deprecari uelis Do-
minum, ut dimittat hoc mihi delictum, & ipse saner ab infirmitate
qua teneor. Hæc eo corā omni populo narrante, beatus Apostolus
prædicabat assidue uerbū Domini, & credebant omnes. Procon-
sul uero sanatus, credidit & ipse, & corroboratus est in fide affa-
tim. Qua ex re accidit, ut Trophima, quæ Proconsulis quondam
concubina fuerat, & alio posthæc uiro sociata uiuebat, relinqueret
& ipsa

A & ipsa uirū suum, & Apostolicæ doctrinæ adhæreret. Veniebat enim ipsa plerumque in domū Proconsulis, in qua iugiter scilicet docebat Apostolus. Istud in iram maritum eius cōcitauit, ut accederet Proconsulis coniugem, dicens: Si nescis Domina, Trophima uiri tui scortum est, quam ipse sub pretextu mihi collocauit, ut ea nihilominus pro libito, ut facit, potiretur. Quæ illa audiens, succensa felle, inquit: Iccirco ergo me reliquit uir meus, iam enim sex menses transierunt, ex quo non coniūgitur mihi. Iam autē intelligo, quod diligit ancillam suam. Et hæc dicens, uocauit Procuratorem suum, iussitque Trophimam ut scortum damnare, atque in lupanar retrudi. Nec mora, deducitur ad lupanar, ac lenoni donatur. Sed nihil horum Lisbius sciebat: requirens tamē eam, ab uxore deludebatur. Trophima uero, ex quo die lupanar erat ingressa, proiecta humi assiduè orabat. Cumque uenissent qui eam cōtingerent, ponebat euangelium quod secum habebat, ad pectus suum, & statim omnes uires perdebat. Quare cum accederet eam impudicissimæ uitæ iuuenis quidam, ac illudens uim iam pararet, adeo ut scissis uestimentis euangelium e pectore caderet, Trophima cōsternata, ac lachrymās, extensis ad cœlum manibus, inquit: Ne patiaris Domine me pollui, ob cuius nomen diligo castitatem, & statim apparuit ei angelus Domini, & iuuenis cecidit ante pedes eius, & mortuus est. Itaque confortata pia mulier, benedicebat & glorificabat Dominū,

B qui non permiserat eam deludi. ipsa quoque tantam ex illo tempore in fide constantiam acceperat, ut non ita multo post in nomine IESU Christi puerum à mortuis resuscitaret: ad quod quidem spectaculum uniuersa ciuitas conuenerat. Interea temporis uxor Proconsulis abiit ad balneum, cum Procuratore suo: cumque laueretur simul, apparuit eis dæmoni teterrimus, à quo percussi ambo ceciderunt, & mortui sunt. Quæ dum ita fierent, planctus factus est magnus: & nunciatum est Apostolo & Proconsuli, quod uxor eius cū lenone mortua esset. Motus igitur his turbis beatus Andreas, plebem in hæc uerba alloquitur: Videte dilectissimi, quantū præualeat inimicus. nam Trophima propter pudicitiam lupanari inclusa est. Sed non defuit iudicium diuinum. mox enim & materfamiliās, quæ hoc præceperat, cum lenone suo percussa in balneo cecidit, & extincta est. Hæc eo dicente, ecce aduenit nutrix mortuæ, quæ præ senectute manibus portabatur. Et ipsa scissis uestibus, cū clamore magno: Scimus (inquit) quia dilectus Deo es, & quæcumque petieris Deum tuum, præstat tibi. Quare miserere, & resuscita illam. Cuius lachrymis motus beatus Apostolus cōdolebat. conuersusque ad Proconsulem, ait: Vis ut resuscitetur? Cui ille: Absit (inquit) ut uiuat, quæ tantum flagitium commisit in domo mea. Et Apostolus: Noli (ait) sic agere. misereri enim nos oportet peccantibus, ut misericordiam & ipsi consequamur à Domino. Hæc

eo dicente, perrexit Proconsul ad Prætorium. Sanctus uero Apostolus, iussit corpus exhiberi in medium, & accedens ait: Rogo benigne Domine IESV Christe, ut resuscitetur hæc mulier, ut cognoscant omnes quia tu es Deus solus, qui nō patieris innocentes perire. & conuersus tetigit corpus mulieris, dicens: Surge in nomine IESV Christi Domini mei. & statim surrexit mulier. Quæ demisso uultu flens & gemens, respiciebat in terram. Cui Apostolus: Ingredere (ait) in cubiculum tuum, & esto secretius orans, donec conforteris à Domino. Cui illa respondit: Facito me prius cum Trophima pacificam, in quā tantum mali misera admisi. Ad quæ Apostolus: Noli (inquit) timere, non enim Trophima eorū amplius meminit, neque ultionem ullam desiderat: sed gratias agit Domino, in omnibus quæ acciderant ei. Vocata tamen ab Apostolo Trophima, cum Calista uxore Proconsulis, quæ resuscitata à mortuis fuerat, reconciliata est. Lisbius uero ipse, uidelicet Proconsul, in tantum profecit in fide, ut quadam die Apostolum accedens, omnia ei peccata ultrò confiteretur, Cui sanctus Apostolus: Gratias (inquit) ago Domino o fili, quod times futurū iudiciū: sed uiriliter age, & confortare in Domino, quē credis. & tenens manū eius, ambulabat in littore. Post deambulationem uero cum sedisset, sedebant & singuli qui cum eo erant, super arenā, audientes uerbum Domini. Et ecce cadauer necatum in mari, proiectum est ad littus maris, & proximè ad pedes S. Andreæ. Quod uidens beatus Apostolus, exultans in Domino, ait: Oportet hūc resuscitari, ut cognoscamus, quæ in eum aduersarius operatus est. Et fusa oratione, tenens manum mortui, erexit illum: et statim reuixit, & loquebatur. Cumque nudus esset, dedit ei tunicam, dicens: Dic nobis ordine, expone omnia quæ contigerūt tibi. At ille respondit: Nihil te celabo, quicumque sis homo. Ego sum Sostrati filius, cuius Macedonis, qui nuper ab Italia nauigauī. Sed cum reuertissem ad propria, audiui doctrinam surrexisse nouam, quam nullus hominum prius audiuisset. Sed & signa, prodigiaque, ac medelas magnas fieri à quodam doctore, fama erat, qui se ueri Dei affirmat esse discipulum. Ego autem cum hæc audiuissem, properaui ut talem uidere hominē possem. nō enim aliud tum arbitrabar, nisi diuina esse quæ is gereret. Itaque nauigare cœpi cum amicis & pueris meis. & cum essem in alto, subito orta tempestas, nos fluctibus oppressit: & utinam simul proiecti fuissetus, ut et illi resuscitati à te fuissent, sicut ego sum. Et hæc dicens, uolebat multa in corde suo, & arbitrabatur ipsum iā esse, quem cum tanto periculo quesisset. & procidēs ad pedes eius ait: Scio quia tu es famulus Dei ueri. Rogo pro his qui mecum fuerunt in nauī, ut & ipsi, te impertiente, uitam mereantur, ut cognoscant Deum uerum, quem prædicas. Tunc sanctus Apostolus, repletus spiritu sancto, prædicabat ei constanter uerbum Domini,

A ita ut admiraretur adolescens super doctrina eius. Et demum expansis manibus ait: Ostende nobis quæso Domine & reliqua cadauera mortuorum, ut et ipsi cognoscant, te duce, Deum solum & verum. Hæc eo dicente, statim apparuerunt triginta novem corpora, ad littus unda famulante deuecta. Itaque flente iuvene, simul omnes flere coeperunt: prostratique ante pedes Apostoli, rogabant, ut & isti resuscitarentur. Sed & Philopator (hoc enim erat nomen adolescentis) dicebat: Genitor meus per bonam uoluntatem impositis necessarijs, & largitus uim pecuniæ, misit me huc. Quare si audierit quæ mihi contigerunt, blasphemabit Deum tuum, & doctrinam eius refutabit. Sed absit ut hoc fiat. Rursus flētibus omnibus, rogauit Apostolus ut congregarentur corpora simul: sparsim enim proiecta fuerant. Tunc congregatis omnibus in unum, ait Apostolus: Quem uis prius resuscitari? At ille dixit: Vuarum, conlactaneum meum. Hæc audiens Apostolus, flexis in terram genibus, palmisque extensis ad cælum, diutissimè orauit cum lachrymis, dicens: IESU bone, resuscita hunc mortuum, qui cum Philopatore nutritus est, ut cognoscat gloriam tuam, et magnificetur nomen tuum in populis. Et statim surrexit iuuenis, & mirabantur omnes qui aderant. Apostolus autem iterum super singulos orationem fundens ait: Quæso Domine IESU, ut & isti resurgant, qui de profundo æquoris sunt delati. Quæ cum dixisset, iussit fratribus, ut unusquisque tenens mortuum diceret: Resuscitat te IESUS Christus filius Dei uiui. Quod cum factum fuisset, resuscitati sunt triginta octo, & glorificauerunt Deum qui aderant cuncti, dicentes: Quia non est similis Deo Andræ. Lisbius uero Proconsul, cum multis muneribus fuisset Philopatorem prosecutus: Non contristet te frater, inquit, facultatum amissio: consulo, ut non recedas à famulo Dei. Et erat semper cū Apostolo Philopator ex illa hora, intendens omnibus diligenter, quæ dicebantur ab eo. Dum hæc fierent apud Patras Achaïæ ciuitatem, contigit ut mulier Caliope nomine, quæ homicidæ coniuncta, conceptum susceperat illicitum, magnis in partu doloribus arctaretur, nec partum proferre posset. Hæc ad sororem suam inquit: Vade quæso, & inuoca Dianam, deam nostram, ut misereatur mei. ipsa enim habet patrociniū obstetricandi. Faciente igitur sorore quæ sibi imperata fuerant, uenit ad eam nocte diabolus, dicens: Quid me casto inuocas, cum tibi nihil prodesse possim? Sed mage apostolum Dei Andream accede, qui in Achaia moratur, & ipse miserebitur sorori tuæ. Surrexit igitur mulier, & uenit ad Apostolum, & narrauit ei omnia quæ contigerunt. At ille nihil moratus, uenit in Corinthum ad domum mulieris ægrotantis. erat autem Lisbius Proconsul cum eo. Vidensque Apostolus mulierem grauidam dolorum cruciatu torqueri, ait: Merito hæc pateris, quæ malè nupsisti, & ex dolo concipiens, nunc

*Nota mirā
dam & tre
mendā hi
storiā.*

*Ex Patris
Corinthum
projectio.*

intolerabiles labores sustines. Insuper consulisti dæmonia, quæ **A** neq; ulli, neq; sibi prodesse possunt. Crede nūc IESVM Christū filiū Dei, & proijce puerperiū: ueruntamē mortuus egrediet, quod indignē cōcepisti. Hæc ut mulier credidit, mox egredientibus cunctis de cubiculo, proiecit partum mortuum, & ab omnibus doloribus liberata est. Itaq; cum multa prodigia faceret in Corintho Apostolus, Softratus, pater Philopatoris, admonitus per uisum ut Andreā accederet, maturauit iter in Achaia: & cum cognouisset ubi esset, peruenit in Corinthum. habensq; occurrentem Apostolum, statim cognouit eum Softratus, sicut iam antea ei per quietem erat ostensus. complexusq; pedes illius, inquit: Misere mei quæso famule Dei, sicut & filio meo misertus es. Philapator autem ait Apostolo: Hic est pater meus, quē cernis. Is te interrogat iam quid eum oporteat agere. Ad quæ beatus Apostolus: Scio (inquit) quia pro cognoscenda ueritate ad nos uenerit. Gratias agimus Domino IESV Christo, qui se credentibus reuelare dignetur. Dum hæc diceret Andreas, interea Leontius Softrati seruus, ait domino suo: Vides Domine, qua luce refulgeat uultus hominis huius? Cui ille: Video (inquit) dilectissime, & ideo non discedā ab eo, sed simul ambo cū illo uiuamus, & audiamus uerba uitæ æternæ. & sequēti die obtulit Apostolo munera multa. Sanctus uero Dei dixit ad eum: Non est meum, accipere aliud à uobis, nisi ut uos ipsos lucrifaciam, cum credideritis in IESVM, qui me misit **B** euangelizare in hunc locum. Si pecuniam desiderassem, Lisbium equidem ditiozem reperissem, qui me multo magis ditare potuisset. Hoc autem cupio, ut conferatis mihi, quod uobis poterit prodesse ad salutem æternam. His gestis in Corintho, post paucos dies beatus Apostolus iussit sibi balneum præparari. & cum uenisset lauandi gratia, uidit senem dæmonium habentem, & trementē ualde. Quem dum admiraretur, alius puer adolescens egressus de piscina, procidit ad pedes Apostoli, dicens: Quid nobis & tibi Andrea? uenistine huc, ut destruas nos de sedibus nostris? Erectus autem, adstante populo, dixit Apostolus: Nolite timere, sed credite in IESVM saluatorem nostrum. Clamantibus igitur omnibus, Credimus quæ prædicas: increpauit utrumq; dæmonem Andreas, & egressi sunt confestim à corporibus possessis, dimissi q; & senex & adolescēs redierūt ad propria. Interea Apostolus lauans, nihil quidq; de doctrina intermittebat: sciens inimicū generis humani ubiq; insidiari, siue in lauacris, siue in fluminibus. & idcirco nomen Domini assiduē inuocandum suasisit, ut is qui uult insidiari, non habeat potestatem. Quod uidentes uiri ciuitatis, ueniebant & adferebant ægrotos, ponentes coram eo, & curabantur: & multi etiam de alijs ciuitatibus, qui uerbum Domini acceperant, quotidie accedebant beatum Apostolum, ut ab eo erudirentur.

Dum

A Dum hæc agerentur in Corintho, ecce quidā senex Nicolaus nomine, scissis uestibus uenit ad Apostolū, dicens: Famule Dei, ecce septuaginta quatuor anni sunt uitæ meæ, quibus non discessi ab immunditijs ac scortatione, in lupanaribus subinde exercens inlicita. Et nunc tertia dies est, ex quo audiui miracula quæ agis: & prædicationes tuas, quæ sunt plenæ uerbis uitalibus. Cogitabam enim mecum, ut relicto hoc opere, uenirē ad te, & ostenderes mihi meliora. Sed dum hæc cogitarem, uenit mihi rursus aliud in mentem, ut priorem sensum relinquerem, & non facerem bonum quod cogitabam. luctante igitur conscientia mea, accepi euangelium, & orauī Dominum, ut hæc aliquando me faceret obliuisci. Itaq; post paucos dies oblitus euāgelij, quod super me erat, inflāman te cogitatione peruersa, abiī iterū in lupanar. & ecce mulier meretrix uidēs me, ait: Egrederere senex, egredere. angelus enim Domini es tu, non contingas me, neq; appropinques huic loco: uideo enim in te mysterium magnum. Cumq; ego obstupescere cogitarem, quid hoc esset? recolui, quod euangelium mecū haberem. Abiī, & conuersus uenio nunc ad te, famulum Dei, ut miserearis erroribus meis. Spes enim mihi est maxima, quod non pereō, si oraueris pro humilitate mea. Hæc audiens beatus Andreas, cum multa contra fornicationem disseruisset, prostratus genibus, expansisq; manibus tacitus orabat. emittensq; gemitus cum lachrymis, ab hora diei

B sexta usq; ad horam nonam, surgebat abluta facie, nihil cibi accipere uolens, dixitq;: Non gustabo, donec cognoscam, si miserebitur Deus huic homini, & si sit reputandus inter saluatos. Et cum ieiunasset etiam altera die, nihil tamen ei reuelatum fuit de homine isto, usq; ad quintum diem. in quo flens uehementer, dicebat: Domine, pro mortuis obtinemus pietatem tuam. et nunc iste quia tua cognoscere desiderat magnalia, cur nō reuertatur, ut sanes illum? Hæc eo dicente, uox de cœlis delata est dicēs: obtines Andrea, pro sene: sed sicut tu ieiunijs fatigatus es, ita & ipse studeat, per ieiuniū ut saluetur. Et uocans eū, prædicauit ei Apostolus abstinentiam. Die uerò sexto uocauit omnes Christianos, & rogabat ut orarēt uniuersi pro eo. qui prostrati solo, orabāt dicētes: Domine pie, misericors, remitte homini delictū suum. Quo facto, & ipse gustauit, & ceteros māducare permisit. Nicolaus quoq; rediit ad domū suā, & omnia quæ habebat distribuit indigentib. Ipse quoq; multum se excruciauīt, ita ut per sex mēses nihil aliud quā aquā acciperet, & pane arido uesceret. Igitur exacta digna pœnitētia, haud ita multo post senex iste excessit è seculo. Aberat tū beatus Andreas. sed circa ipsam mortē senis, uox ad Apostolū facta est alio loco: Andrea, meus effectus est Nicolaus. At ille gratias agens, narrauit fratrib. Nicolaū excessisse de corpore, orans ut in pace quiesceret. Dum hæc apud Corinthum ab eo fierent, & fama de uirtutibus eius

quotidie cresceret, uenit ad Apostolum Antiphanes ciuis Megaren-
 rensis, & ait: Si qua in te est bonitas iuxta praeceptum Saluatoris,
 quem praedicās, hanc ostende iam nobis, uir Dei, & libera domum
 de insidijs quibus tentatur. Ad quem Apostolus: Enarra nobis ho-
 mo, quae contigerunt tibi. Et ille: Dum de itinere (inquit) domum
 reuersus fuisset, & ingrederer ianuā atrijs mei, ecce audiui uocem
 ianitoris, miserrimè declamantis. Quumq̃ interrogassem quae es-
 sent hae uoces, narrauerunt mihi qui aderant, ipsum cum uxore &
 filio male à demonio torqueri. Tum uero ascendens ad superiora
 domus, uidi & alios pueros stridentes dentibus, et in me impetum
 facientes, risusq̃ insanos arridentes. Quos cum praeterirem, ascen-
 di iterum ad alia superiora, in quibus coniunx iacebat, ab his uer-
 berata grauissimè: quae ita erat amentiae fatigatione turbata, ut
 caesarie supra oculos dimissa, neq̃ aspicere me, neq̃ cognoscere
 posset. Hanc ergo, rogo uir Dei, ut restituas mihi. de caeteris uero
 curam nullam habeo. His dictis, sanctus Apostolus misericordia
 motus, respondit: Non est acceptio personarum apud Deum, qui
 propterea uenit, ut cunctos saluos faceret, ne perirent. & ait: Ea-
 mus ad domum eius. Cumq̃ progrediens Andreas & Lache, ue-
 nisset in Megaram, iam iamq̃ ianuam domus ingrederetur, dæ-
 mones unius uocis impetu clamauerunt, dicentes: Vt quid nos hic
 Andrea persequeris? ut quid domū non tibi concessam adis? Quae
 tua sunt, posside: quae nobis concessa sunt, ne uelis penetrare. Quae
 sanctus Apostolus, ut erant insolita, admiratus, ascendit in cubicu-
 lum, ubi mulier decumbebat. & cum flexis genibus orasset, adpre-
 hensa manu mulieris inquit: Sanat te Dominus IESVS Christus.
 et statim surrexit mulier à lectulo, et benedicebat Deum. Similiter
 & singulis quibuscq̃ qui à demonio uexabatur, imponens manum,
 sanitati cunctos in domo restituit: habuitq̃ deinceps Antiphanē
 & uxorem eius firmissimos adiutores in Megara, ad praedicandum
 uerbum Domini. His gestis, non ita multo post beatus Aposto-
 lus Patras ciuitatē reuertit, in qua Proconsul Aegates erat, qui nu-
 per adeo Lisbio successerat. Hic mulier quaedam Ephidama nomi-
 ne, quae ex doctrina Sosiae cuiusdam Apostolici discipuli, Christo
 mancipata fuerat, Andream accedit, amplectensq̃ pedes beati A-
 postoli, inquit: Rogat te, uir sancte, domina mea Maximilla, quae
 magnis febribus retinetur, ut eā accedere digneris. cupit enim au-
 dire doctrinam tuam. Hae autem Proconsulis coniunx erat, cuius
 morbum uir tam grauiter ferebat, ut educto mucrone sibi uellet
 mortem consciscere. Sic igitur praecedente Ephidama, Apostolus
 uenit in cubiculum, in quo mulier iacebat aegrotā, & uidens stan-
 tem praesidem cum euaginato gladio, ait illi: Nihil tibi nunc mali fe-
 ceris o Proconsul, sed reconde gladium tuum in locum suum. Erit
 enim tempus quando ad nos is exercendus erit. Sed nihil intelli-

*2^a Corin-
 tho Mega-
 ram profi-
 ciscitur.*

*in Patras
 reditus.*

A gens Præses, dedit accedendi locum. Tunc Apostolus ueniens ante lectum infirmæ, facta oratione apprehendit manum eius, & statim sudore perfusa est mulier, & discessit ab ea febris, iussitq; ei Apostolus dare cibum. Quæ ut uidit Proconsul, centum argenteos iussit numerari sancto Dei: quos ille nec aspicere uoluit. Egressusq; domum illius, in itinere uidit hominē iacentem in cœno debilem, cui multi ē ciuibus stipem porrigebant, unde alimentū haberet. Misertus itaq; miseri, ait ad eum Andreas: In nomine IESV Christi surge sanus. Qui protinus surgens, glorificabat Deum. Et cū progressus fuisset paululu, in alio loco uidit hominem cæcum cū uxore & filio, & ait Apostolus: Verè diaboli est hoc opus, qui hos homines mente & corpore excæcauit. Ecce ego uobis in nomine Dei mei corporalium oculorum restituo lumen: ipse quoq; mentium uestrarum tenebras referare dignetur, ut cognita luce, quæ inluminat omnem hominem uenientem in hūc mundum, salui esse possitis. Et imponēs eis manus, aperuit oculos illorum. At illi procidentes, osculabantur pedes eius, & dicebant: Quia nō est alius Deus, nisi quem predicat famulus eius Andreas. Hęc dum apud Patras faceret beatus Apostolus signa, abduxit quidam ad littus Andream, ubi nauta quispiam, quinquaginta annis debilitate nimia proiectus in cœno iacebat, ulceribus scatēs, & uermibus, cui nullius medici potuit cura mederi. Hic cum aspexisset Apostolum: Forsitan tu es (inquit) discipulus Dei illius qui solus saluare potest. Cui sanctus Apostolus ait: Ego sum, qui in nomine Dei mei te sanitati restituo. Et adiecit: In nomine IESV Christi surge, & sequere me. At ille relictis pannis purulentis, in quibus tabes de fluxerat, sequebatur eum, profluente pure cum uermibus à corpore eius. Cumq; uenissent ad mare, ingressus est uterq; aquam: abluensq; eum Apostolus in nomine trinitatis, ita sanū reddidit, ut nullū penitus infirmitatis huius corporeæ re sedisset indicium: tantumq; fide post acceptam sanitatem accensus est, ut nudus per ciuitatem cucurrerit, adnunciāns: Quia ille est uerus Deus, quem Andreas prædicat. Et mirabantur omnes, congratulantes sospitati eius. Cumq; talia, & alia plura digna admiratione, apud Patras per beatum Apostolum agerentur, interea aduenit ex Italia Stratocles, frater Procōsulis, huic erat puer Alcmana nomine, quem in precio singulariter habebat. Euenit autem, ut ab impulsu dæmonis percussus tunc iaceret, spumansq; in atrio, tumultū magnum excitaret. Quæ uidens Stratocles, nimis molliter casum dilectissimi pueri ferebat. Et ecce Maximilla & Ephidama consolantes uirum, dicunt: Noli contristari frater, mox enim puer recuperabitur. Est enim hic uir quispiā, qui uiam salutis ostendens, multos reuocat ab infirmitate ad integram sanitatem. Mittamus ad illum, & statim reddet tibi puerum sanum. Haud mora, accersitur Apostolus:

Apostolus, qui rogatus à matronis, adprehensa manu eius, ait: Surge puer in nomine IESV Christi, Dei mei, quem prædico. Et statim surrexit incolumis. Stratocles uerò credidit exinde in Dominum, & ita confortatus est in fide, ut ex illa hora non discederet ab Apostolo, sed quotidie adhærens lateri eius, audiebat uerbum salutis. Interea dum hæc fierent apud Patras, contigit ut abeunte Proconsule in Macedoniam, Maximilla uxor uerbis salutaribus instructa, in tantum beato Apostolo adhæreret, ut reuersus Præses, parum abfuerit quin & uxorem, & magnā insuper hominum multitudinem, in Prætorio cum Apostolo audientes uerbum salutis inuenisset. Quod præsentiens beatus Andreas, flexis genibus: Ne patiaris (inquit) Domine ingredi Proconsulem in hunc locum, donec omnes egrediātur exinde. Quod cum fecisset, antequam Proconsul Prætorium fuisset ingressus, accidit illi uolūtas purgandi uentris: cumq; secessum petiisset, & moras innecteret, sanctus Apostolus singulis manus imponens, & consignans cruce, eos abire permisit: nouissimè autem se signās & ipse, discessit. Maximilla autem iam & antea, & post illa tempora sæpe, domum ubi Apostolus morabatur cum alijs Christianis ingrediebatur, & uerbum Domini assiduè audiebat. Qua ex re factum est, ut rariū uiro suo commisceretur. quòd ille egreferens, & causam in Apostolum conijciens, Andream accersit: cui cum religionem saniores exprobrasset, & ut ad idola adoranda mentem conuertere uellet, persuadere conaret, respondit intrepidus beatus Apostolus: Ego sum, inquit, Proconsul, qui prædico uerbum ueritatis, & Dominum IESVM, ut recedentes homines ab idolis manufactis, uerū Deum agnoscere incipiant, per quem facta sunt omnia. Adhuc enim cū esset Dominus maiestatis, descendit de cœlo, hominis formam suscipiens, qui primus perierat: & cum esset Deus, sponte pati dignatus est, ut eum quem ipse fecerat, de morte liberaret. Hæc audiens Proconsul, iussit eum recludi in carcerem. Vbi, quamdiu clausus tenebatur, plurima quotidie turba ad eū confluebat, quam his uerbis Sanctus Andreas alloquebatur: Ego quidem sum missus Apostolus à Domino meo, ad uos, charissimi fratres, ut homines positos in tenebris & umbra mortis, per uerbum Dei ad uiam ueritatis & luminis reuocarem. Quo in instituto, haud unquam cessauī, hortans uos subindè, ut recedentes à dæmonum culturis, uerum Deum quærentes, & in mandatis eius perseuerantes, promissionis eius hæredes inueniamini. Hortor autem uos dilectissimi, & moneo, ut fidem uestram, quam supra fundamenta Domini mei IESV Christi posuistis, crescere sinatis in spem & laudem Domini. Cæterum in his quæ mihi contingunt, nolo uos quidq; contristari. ista enim promissa sunt à Domino meo IESV Christo, sicut scriptum est: Pro nomine illius multandos nos esse, passuros, & flagellandos;

Exhortatio
S. Andreae
in carcere.

A & flagellandos: atq; adeò ante iudices staturos, in testimoniũ eius. Qui perseverauerit usq; in finem, hic saluus erit. orate ergo sine cessatione, ut diabolus, qui circuit ut leo rugiens, querens aliquem deuorare, elusus & prostratus iaceat, à seruis Domini superatus. Cũ hæc & alia plurima exhortans turbam per totam noctem doceret, & cum prolongasset sermonem, sequenti die primo diluculo procedens Ægeas Procõsul, tribunal cõscendit, accersitoq; sancto Andrea, illum in hæc uerba conuenit: Scis quare te custodire m̃ciparim? ut dum uana & superstitiosa nescio quæ in uulgũ disseminas, ita aliquid certius cognoscere de te. Interim audio nescio quæ ridicula tota nocte locutũ. Cui Andreas respondit: Ego nõ cesso, quæ mihi à Domino sunt iniuncta exercere, ut populus de uia erroris liberatus, ad uerã possit cognitionem perducì. Tum Procõsul: Recede (ait) ab hac stultitia, & noli bene uiuentes subuertere. Andreas dixit: Mihi Deus meus IESVS Christus præcepit, ut opportunè & importunè uerbum eius prædicare nõ cessem, atq; erratibus poenitentiam ostenderem. Tum rursus Ægeas: Aut promitte te recessurum (ait) ab hac superflua & superstitiosa doctrina, aut statim iubebo te interfici. Andreas respondit: Ego non solum interfici, sed diuersis etiam poenis excruciarì paratus sum, priusq; à prædicatione diuina recessero. Sic Procõsul septem eum ternionibus flagellorum cæsum, crucifigi præcepit, mandans nominatim quæstionarijs, ut ligatis manibus & pedib. & non clauis affixus suspenderetur, quo diutino cruciatu deficeret. Hæc uidens plebs indigna in uirum Dei comitti, in turba dicebat: Iustus homo, et amicus Dei, & doctor bonus, ducitur immeritò ad mortem. Andreas uerò cum plurimis uerbis eos alloqueretur, peruenit tandem ad locum, uidensq; procul crucem, exclamauit, dicens: Salue crux, quæ diu fatigata requiescis, tanto tempore expectas me. Certissimè autem scito, te gaudere suscipientem discipulum eius qui pependit in te. Quapropter letus pergo ad te: quia secretũ tuum cognosco, & mysteriũ noui, qua de causa fixa sis. Suscipe nunc quem desideras, quia tandem speciem tuã desideras, inueni in te. Video enim in te, quæ à Domino mihi sunt promissa. Suscipe itaq; electa crux humilem propter Deũ, & transfer seruũ eius ad Dominũ suum. Et hæc dicens beatissimus Andreas, exspolians se, tradidit ministris. Qui ligantes manus & pedes eius, secundum quod eis fuerat præceptum, suspenderunt eum in cruce. Astante uerò turba ingenti uiginti ferme millium hominum, inter quos etiam stabat frater Ægeatis Stratocles, aperuit beatus Apostolus os suum, & ita loquutus est: Ego quidem gratias habeo Domino meo IESV Christo, qui me tãdem perfunctũ iussione sua, abire corpore uult, ut per bonã confessionem, perpetuam consequar misericordiam, dilectusq; & notus eius efficiar, qui me ad uos misit. Vos autem manete in uer-

h bo uobis


*S. Andrea
ad crucẽ ex
clamatio.*

bo uobis tradito, docentes & admonentes alterutrū, ut & ipsi sitis cum Deo meo in perpetuū, & cum eo habitetis, promissionesq̃ eiusdem recipiatis. Et cū respondissent qui aderāt Christiani, Amē: toto eo die, & nocte quę insecuta est, iugiter loquebat̃, neq̃ in aliquo fatigabat̃ aut deficiebat. Sequenti igitur die uidentes eius tolerantia & animi cōstātia, deniq̃ spiritus prudentia, & mētis robur, uenerūt turbę ad Aegeatē, ac sedente eo pro tribunali, uociferātes dixerūt: Quę ista tua est tā crudelis sententia Proconsul, ut hominem probū, qui nihil mali cōmisit, crucis supplicio uelis condemnare? Perturbata est tota ciuitas, & simul cum eo omnes perimus. Quæsumus te, ne Cæsaris tam celebrem perdas ciuitatē. Concede nobis hominem iustū, redde nobis hominem sanctū, ne interficias hominem Deo carum, ne perdas hominem mansuetū & pium. Bī duo enim suspensus uiuit, quę res miraculo nō caret: & quod plus est, loquit̃ adhuc, & nos suis sermonib, reficit. Quare reddas nobis hunc uirū, ut uiuamus: solue pudicū, & omnes patrię erūt in pace. His cōmotus Proconsul, cum & minas ac tumultū populi metueret, surgens de tribunali, Andreā soluere cogitabat: profectusq̃ ad locū crucis, leto populo quòd famulus Dei liberaretur, et frequēti comitāte, tristis & facti pœnitēs, Andreæ suspensio appropinquarebat. Ad quem ille: Quid ad nos (inquit) Aegeas uenisti? nūquid soluere me cupis, et pœnitentia ductus credere desideras? non mihi, crede, persuadebis, ut ex ista cruce recedā. Et cū populus, ut solueret hominem, iuberet: sanctus Andreas exclamauit uoce magna, & dixit: Ne permittas famulū tuū Domine IESU Christe, qui propter nomen tuū pendet in ligno, solui: neq̃ permittas: quæso Deus misericors, secretis tuis inherētem, humanis amplius conuersationibus tradi. Sed suscipe tu magister me, quē dilexi, quem cognoui, quem retineo, quem uidere desidero, in quo sū quod sum. Suscipe exitū meū IESU bone & misericors. & hęc dicens, diutissimē Dominū clarificans & gaudens, nobis flentib, reddidit spiritū. Cuius corpus Maximilla Proconsulis uxor accipiens, conditū aromatibus, celebri in loco sepeliuit, & ex illo tempore pudicitia & castitā seruās, in fide quoq̃ accepta cōstans permāsit. Aegeas uerò maritus illius, arreptus ea nocte à dēmonio, de loco alto se præcipitauit, et mortuus est. Stratocles porrò frater eius, cū hęc audiuiſſet, de bonis Procōsulis nihil cōtingere uoluit, dicens: Quę tua sunt, tecū pereāt. Mihi sufficit Dominus IESUS, quem cognoui per famulū eius Andreā. Est aut̃ passus uenerabilis & sanctus Dei Andreas Apostolus apud Achaiā, in ciuitate Patris, sub Aegeate Proconsule, prid. Kal. Decembris, regnāte Domino IESU Christo, cui sit gloria in sēcula sēculorū, Amen.

Oratio beati Andreæ ante mortē.

Ex hoc apparet, Abdiam huius historie auctorē passioni interfuisse.

*Babyloniæ episcopi, De historia ac rebus gestis à Iacobo Ioannis
fratre germano, Domini nostri Iesu Christi discipulo atq;
Apostolo, ab Africano historico ex Hebraica
lingua in latinum sermonem translatus.*

A  **ACOBVS** Zebedei filius, & Ioannis qui euange-
lium reliquit, frater germanus fuit: quem Chri-
stus saluator noster, in nauì cum patre et fratre ui-
sum, sequi se iusserat, quod diuino compunctus
amore fecit, adhæsitq; Domino nostro ex eo tem-
pore non solum ut discipulus, quos multos habu-

it, uerum etiam in monte ad Apostolatus apicem ab eodem uoca-
tus, post passionem Domini, Iudæam & Samariam in diuisione
Apostolica sortitus est. Quas prouincias cū peragraret, ingredi-
ens per synagogas secundum scripturas, ostendebat omnia quæ à
Prophetis prædicta erāt de Domino IESV Christo, ea in ipso im-
pleta esse. Quod dum fieret, op ponebant se sancto Apostolo Her-
mogenes & Philetus quispiam, asserentes, quod non uerus Dei fi-
lius esset IESVS Christus Nazarenus, cuius se ille Apostolum me-
moraret. Iacobus autem in spiritu sancto confidenter agens, om-
nes assertiones illorum euacuauit, ostendēs de scripturis sanctis,
hunc esse uerum filium Dei, generi humano promissum. Qua re
motus Philetus, cum Iacobi prudentiam admiraretur, reuersus ad
Hermogenem, dixit ei: Iacobum, qui se seruum Christi IESV Na-
B zarenì adserit, & Apostolum eius, scias superari non posse. nam in
nomine eius uidi eum dæmones ex obsessis corporibus enīciētem:
uidi eum & cæcos inluminantem, leprosos mundantem. Asserunt
etiam amicissimī mei, quod uiderint insuper eum mortuos susci-
tantem. Sed quid multis moramur? Omnes scripturas sanctas me-
moriter retinet, ex quibus ostendit, non esse alterum filium Dei, ni-
si illum quem Iudæi crucifixerunt. Quare si consilio meo obtempe-
ras, eamus ad eum, & indulgentiam impetremus. Quod si non fe-
ceris, ego saltē relicto te, ad ipsum me conferam, ut discipulus eius
esse merear. Quæ ut audiuit Hermogenes, ira succensus, Philetum
uinculis magicis constrinxit, & ait: Videbimus si Iacobus tuus sol-
uat te. Philetus autem misit festinanter puerum suum ad Iacobum,
ut ei nuntiaret quæ gesta essent. & statim misit beatus Apostolus
sudarium suum Phileto, dicens: Dominus IESVS Christus erigit
allisos, & ipse soluit compeditos. Statim autem ut de sudario eius
tetigit eum is qui missus erat, resolutus à uinculo magi, currens ue-
nit ad Iacobum, & cœpit insultare maleficijs magistri. Hermoge-
nes uerò magus dolens quod ei insultaret, arte sua excitauit dæmo-
nes, & misit eos ad Iacobum dicens: Ite, & ipsum Iacobum mihi, &
h 2 simul

simul Philetum discipulum meum adducite, ut uindicer in his, ne A
 mihi & cæteri discipuli mei ita illudant. Venientes igitur dæmo-
 nes, ubi Iacobus orabat, ululatum in aere habere cœperunt, dicen-
 tes: Iacobe Apostole Dei, miserere nostri: quia antequam ueniat
 tempus incendi, nos etiam exurimur. Quibus Iacobus: Vt quid
 uenistis ad me? Dicunt ei dæmones: Misit nos Hermogenes, ut te
 & Philetum ad ipsum perduceremus. Mox autem ut ingressi su-
 mus, angelus Dei sanctus catenis igneis religauit nos, & miserè
 cruciamur. Dicit eis Iacobus: In nomine patris & filij & spiritus
 sancti, exoluat uos iterum angelus Dei, ita ut reuertentes ad Hermo-
 genem, non eum lædatis, sed uinctum huc illum ad me adducatis.
 Qui cum abiissent, ligauerunt Hermogeni ad tergum manus de
 restibus, & ita uinctum adduxerunt eum ad Apostolum, dicentes:
 Ad quem nos miseras, cum incensi flagraremus, ecce hunc addu-
 cimur tibi. Ad quem Apostolus Dei: Stultissime hominum (inquit)
 cum inimicus generis humani rationem tecum haberet, quare nō
 cōsiderasti quos ad læsionem meam mitteres? Sed tamen illos ad-
 huc non permitto, ut furorem suū tibi ostendant. Clamabāt quo-
 que tum ipsi dæmones: Da nobis eum in potestatem, ut possimus
 & tuas iniurias uindicare, & nostra incēdia. Ad quos Apostolus:
 Ecce (inquit) Philetus ante uos stat, cur eum non tenetis? Dicūt
 ei dæmones: Nos non possumus uel formicam contingere, quæ in
 cubiculo tuo est. Tunc beatus Iacobus ad Philetum ait: Vt cogno B
 scas scholam Domini nostri IESU Christi hanc esse, ut discant ho-
 mines bona pro malis reddere, ille te ligauit, tu eum solue: Ille te
 uinctum à dæmonibus ad se conatus est adducere, tu eum captum
 à dæmonibus liberum ire permitte. Itaq; ut soluit eum Philetus, de
 iectus & confusus Hermogenes stetit. Ad quem conuersus Apo-
 stolus Domini: Vade liber, quocunq; uolueris. Non est enim disci-
 plinæ nostræ, ut inuitus aliquis conuertatur. Dicit ei Hermoge-
 nes: Ecce noui iras dæmonum, nisi mihi dederis aliquid quod me-
 cum geram, tenebunt me, & diuersis cruciatibus interficient me.
 Cui beatus Iacobus: Accipe (inquit) baculū itineris mei, & cum
 eo perge securus quocunq; uolueris. Qui accipiens baculū Apo-
 stoli, abiit ad domum suam. Et haud mora, collectis libris magicis:
 zabyras plenas ad Apostolum attulit, ceruicibus & suis & discipu-
 lorum impositas, & cœpit eos ignibus coram eo comburere. Sed
 Iacobus prohibuit: Ne fortè odor incendi (inquit) uexet incau-
 tos, appende zabyris lapides & plumbū, & mitte in mare. Quod
 cum fecisset Hermogenes, reuersus cœpit tenere plantas Aposto-
 li, rogans eum & dicens: Animarū liberator, accipe poenitentem,
 quem inuidem & detrahentem hactenus sustinuiſti. Respon-
 dens dixit Iacobus: Si uerā Deo poenitentia obtuleris, ueram eius
 indulgentiam consequeris. Dicit ei Hermogenes: In tantum uerā
 Deo

Ζάβηρον
 Grecis ar-
 mamētorū
 repositori-
 um est.

A Deo pœnitentiam offero, ut omnes codices meos, in quibus erat illicita præsumptio, abiecerim, & omnibus simul artibus renunciauerim inimici. Tunc sanctus Apostolus: Vade (inquit) per domos eorum quos euertisti, ut & reuoces Domino quæ tulisti. Doce hoc esse uerum, quod antea docebas esse falsum: & hoc esse falsum, quod modò docebas uerum. Idolū quoq; quod adorabas, & diuinationes tibi putabas ab eo responderi, confringe. Præterea pecunias quas malo opere acquisisti, bona ratione expende: ut sicut fuisti filius diaboli, imitando diabolum, efficiaris ita filius Dei sequendo Deum, qui quotidie etiam ingratis præstat beneficia, & se blasphemantibus exhibet alimenta. Si enim cum malus esses circa Deū, bonus circa te extitit Dominus: quanto magis erit circa te benignior, si magus esse cessaueris, & bonis ei operibus cœperis cōplacere? Hæc & his similia dicente Iacobo, in omnibus obtemperauit Hermogenes, & ita cœpit in Dei esse timore perfectus, ut etiam uirtutes per eum plurimæ fierent à Domino. Videntes igitur Iudæi, quia hunc magum, quem inuictum putabant, ita conuertisset Apostolus, & omnes simul discipulos & amicos eius, qui solebant ad synagogam cōuenire, IESV Christo per Iacobum credidisse, obtulerunt pecunias centurionibus duobus, qui præerant Hierosolymis, Lysia & Theocrito, ut comprehēderent Iacobum. Exortā autem à populo seditione, cum duceretur in custodiam, dicebant ei Pharisei: Vt quid prædicas IESVM, hominem, quem inter latrones crucifixum omnes scimus? Ad quæ Iacobus repletus spiritu sancto: Audite me (inquit) uiri fratres, & omnes qui Abraham filij esse cupitis. Promisit Deus patri nostro Abraham, quod in semine eius hæreditarentur omnes gentes. Semen autem eius nō est super Ismahel, sed supra Israhel. Ille enim cum matre sua Agar eiectus, à portione seminis Abraham exclusus fuit. Abraham à Deo dictum est, quia in Isaac uocabitur tibi semen. Amicus autem Dei Abraham, pater noster appellatus est, antequam circumcisionem acciperet, & antequā Sabbata coleret, & antequā legem aliquam diuinæ constitutionis sciret. Amicus autem factus est, nō quidem circumcidendo se, sed credendo in Deum, hoc, quod in semine eius hæreditarentur omnes gentes. Si ergo Abraham amicus factus est credendo, constat, inimicum Deo esse, qui nō credit in Deum. Hæc cum disseruisset Apostolus, dixerunt Iudæi: Et quis est qui non credit in Deum? Iacobus respondit: Qui non credit, quod in semine Abraham hæreditentur omnes gentes: Qui non credit

Vaticinia
Prophetarū
de Christo.

Hieremias: Ecce ueniet redemptor tuus Hierusalem, & hoc eius si- A
 gnum erit: Cæcorum oculos aperiet, surdis reddet auditum, & uo-
 ce sua excitabit mortuos. Ezechiel hunc etiam designat, dicens: Ve-
 niet rex tuus Syon, uenit humilis, & restaurat te. Daniel quoq; di-
 cit: Sicut filius hominis, ita adueniet, & ipse obtinebit principa-
 tus & potestates. Prædixit hunc & Dauid: Dominus dixit ad me,
 filius meus es tu. Et patris uox de filio dicit: Ipse inuocabit me, Pa-
 ter meus es tu, & ego primogenitum ponam illum, excelsum apud
 reges terræ. Et iterum: De fructu uentris tui ponam supra sedem
 meam. Quin & passionem eius prædixerunt prophetae. Esa-
 ias enim dicit: Sicut ouis ad occisionem ductus est. Et Dauid in
 persona eius dicit: Foderunt manus meas & pedes meos, dinumera-
 uerunt omnia ossa mea: Ipsi uero considerauerunt et inspexerunt me,
 diuiserunt sibi uestimenta mea, & super uestem meam miserunt for-
 tem. Et alio loco Dauid ait: Dederunt in escam meam fel, & in siti mea
 potauerunt me aceto. Et iterum de morte eius uaticinatus: Caro
 mea requiescet in spe, quoniam non derelinques in inferno animam
 meam, nec dabis sanctum tuum uidere corruptionem. Vox autem
 filii ad patrem dicit: Exsurgam adhuc, & tecum sum. Et iterum: Pro-
 pter miseriam inopum, & gemitum pauperum, nunc exsurgam, di-
 cit Dominus. De ascensione præterea illius dictum est à Pro-
 pheta: Ascendit in altum, captiuam duxit captiuitatem. Et iterum:
 Ascendit Deus in iubilatione. Et rursus: Ascendit super Cheru- B
 bim, & uolauit. Item Anna mater sancti Samuelis dicit: Dominus
 ascendit in cælos, & tonat. Et multa alia inueniuntur in lege de a-
 scensione eius testimonia. Nam quod sedeat ad dextram patris, ite
 Dauid inquit: Dicit Dominus Domino meo, sede à dextris meis.
 Et quod uenturus sit iudicare seculum per ignem, dicit Propheta.
 Et iterum: Dominus manifestè ueniet, Deus noster, & non silebit.
 Ignis in conspectu eius ardebit, & in circuitu eius tempestas uali-
 da. Hæc omnia in Domino nostro IESU Christo & impleta sunt
 partim quæ fuerunt prædicta, & quæ nondum facta sunt imple-
 buntur propediem, ita sicut Prophetae prædixerunt uobis. Ait e-
 nim Esaias: Surgent mortui, & resurgent qui in monumētis sunt.
 Si interrogas, Quid erit, si resurrexerint? Respondit Dauid, au-
 diuisse se Dominum loquentem. Semel loquutus est Deus, duo
 hæc audiui: Quia potestas Dei est, & tibi Domine misericordia,
 qui reddes unicuique secundum opera sua. Vnde, uiri fratres, unus-
 quisque uestrum poenitentiam agat, ut non recipiat secundum ope-
 ra sua, qui se scit participem esse eorum qui cruci affixerunt eum,
 qui mūdum totum à cruciatibus liberauit. Siquidem è sputamēto
 suo oculos cæci nati inluminauit: & ut probaretur ipse esse qui A-
 dam de limo terræ formauerat, lutū fecit de salua sua, & imposuit
 oculis, ac sanauit eos. Et cū nos discipuli eius interrogassemus illū,
 qui

A qui peccassent, hic an parentes eius, ut cæcus nasceretur? Respōdit nobis Magister, dicens: Neq; hic peccauit, neq; parētes eius, sed ut manifestent opera Domini in eo: id est, ut manifestus fieret artifex qui eum fecerat, cum ipse faceret quod minus fuerat factū. Nam & hoc quod pro bonis mala recepturus esset, prædictū est in persona eius, per Dauid regem, cum diceret: Retribuebant mihi mala pro bonis, & odium pro dilectione mea. Deniq; post tanta beneficia in Iudæos collata, cum tot paralyticos curasset, leprosos mūdasset, tot demones fugasset, & mortuos suscitasset, omnes una uoce clamauerunt: Reus est mortis. Præterea quod à suo discipulo tradēdus fuerat, hoc ordine item prædictū fuit à Dauid: Qui edebat panem meū, ampliauit aduersus me supplantationem. Hæc omnia, uiri fratres, filij Abrahæ prædixerunt, loquente per os eorum spiritu sancto. Nunquid si hæc nō credimus, poterimus euadere perpetui ignis suppliciū, aut non meritò puniendi erimus? cū etiam gentes credant uocibus Prophetarum: nos uerò populus quondam electus, nullam Patriarchis & Prophetis nostris fidem adhibebimus? Equidē censeo erubescenda & punienda tot factis & scelerib; crimina, lachrymosis uocibus lugēda esse nobis, ut poenitentiā nostram pius indultor accipiat: ne illa nobis tādē eueniant, quæ gentilib; maioribusq; nostris acciderūt. Aperta est terra, & deglutiuit Dathā, operuit super synagogā Abyrō. Exarsit ignis in synagoga eorū, & flāma consumpsit peccatores. Hæc cū disseruisset, nō sine admiratione et singulari gratia Dei corā turbis, clamauerūt omnes una uoce, dicētes: Peccauimus, iniuste egimus: da nobis remediū, quid faciamus. Quib; Iacobus ait: Viri fratres, nolite desperare: credite tantū, & baptizamini, ut deleant omnia peccata uestra. Cū itaq; post hunc sermonē beati Apostoli, multi ex Iudæis baptizati essent, Abiathar pōtifex anni illius, uidens magnū quotidie populū in IESVM credere, per pecunias excitauit seditionē grauissimā, ita ut unus ex scribis Phariseorū mitteret funem in collū Apostoli, et perduceret eū ad Prætoriū Herodis regis. Herodes is filius Archelai erat: qui ut causam accepit, iussit beatū Iacobum decollari. Cumq; duceretur ad locū suppliciū, uidit paralyticū iacentē, & clamantem sibi: Vir sancte libera me à doloribus, quibus omnia membra mea cruciant. Ad quem conuersus Apostolus: In nomine (inquit) crucifixi Domini mei IESV Christi, pro cuius fide ducor ad mortē, exurge sanus, et benedic saluatorem tuū. Et protinus exsurrexit, & cœpit gaudēs currere, & benedicere nomen Domini IESV. Tūc ille Phariseorū scriba, quem diximus funē collo eius circūdedisse, Iosias nomine, procidēs ante pedes Apostoli: Obsecro te (ait) ut des mihi indulgentiam, & facias me nominis sancti participē. Ad quē cōuersus Iacobus, dicit: Tu credis, quia Dominus IESVS Christus, quem crucifixerūt Iudei, ipse sit uerus filius Dei

Dei uiui: Et ait Iosias: Ego credo, & hæc est fides mea, ex hac hora, **A** quia ipse est filius Dei uiui. Quæ uidens Abiathar Pōtifex, scribā ius sit cōprehendi, & dixit ei: Si nō discesseris à Iacobo, & maledixeris nomē IESV, cū ipso decollabere. Cui Iosias: Maledictus (inquit) tu, & maledicti omnes dies tui. Nomen autē Domini IESV Christi, quē Iacobus prædicat, est benedictū in sæcula. Tūc Abiathar felle succensus, pugnis cedere scribā præcepit: & missa relatione de eo ad Herodem, impetrauit ut simul cum Iacobo decollaretur. Iacobus igitur cum Iosia ductus ad locū supplicij, antequā decollaretur, rogauit spiculatorem, ut aque illi facultas fieret. & allata est ei lagena plena cum aqua. Quam accipiens Apostolus: Credis (inquit) in nomine IESV Christi, filij Dei? At ille dixit: Credo. Et perfudit eum Iacobus, & dixit: Da mihi pacis osculum. Cumq̃ osculatus esset eum, posuit manum super caput eius, & benedixit eum, & fecit signaculū crucis Christi in fronte eius. & haud mora, ceruicem spiculatori porrexerit. Post & Iosias, perfectus iam in fide, martyrij palmam exultans accepit, pro eo quem in mundum nobis saluti Deus æternus miserat: Cui sit honor & gloria, in sæcula sæculorum.

FINIS LIBRI QVARTI HISTORIAE APOSTOLICAE.

LIBER QVINTVS HISTORIAE

*Apostolica, de rebus à sancto Ioanne euangelista gestis, **B**
autore Abdia Babylonie episcopo, & Iulio
Africano interprete.*



IOANNES Iacobi superioris frater germanus, sed minor natus, Zebedæo patre, cum piscaretur, uocatus à Christo fuit: quem postea non solū ad Apostolatus culmen euexit, sed præcipuo quodam amore complectebatur. Vnde & in monte cum se Christus manifestasset, & in horto cum caperetur, ex tribus unus fuit. Quin & in cœna postrema cum nouum illud testamentum salutis nostræ mundi Saluator conderet, proximè Christo assidens, in sinu eius reclinans obdormiuit. De quo & illud euangelista scribit, quod mater Christū rogauerit, ut filiorū alter illi à dextris, alter à sinistris in regno cœlorū sederet. Iacobū nimirum, & istum ipsum Ioannem intelligens. Is, ut Christus in ligno crucis præcepit, uirginis matris Domini curam à passione magistri semper habuit: & communibus cum fratre Iacobo auspicijs, Iudæis Samaritanisq̃ IESVM saluatorem prædicabat. Petro quoq̃ subinde adhærebat, unde post resurrectionem, cum Dominus piscantibus occurrisset, Ioannes agnitum prius Petro significauit. Accepto quoq̃ spiritu sancto, cum Petro hora nona templum Hierosolymitanum

A solymitanum ingressus, Aeneæ paralytico & claudo ex utero matris ad speciosam portam stipem petenti, sanitatem contribuit. Secutus posthæc iussa magistri, ut euangelium gentibus annuntiaret, ex Palæstina in Asiam, atq; inde in Ephesum traiecit, ubi ad Domitia ni Cæsaris ætatem usque Apostolico munere suoungebatur, nonagenarius ferè, quod de illo in uita Christus prædixisse uideatur. Nam cū Christus Petrum, ut se sequeretur, iuberet, & Ioannes citius sequeretur, quia molestè Petrum ferre uideret, qui ab ipso etiam quæsiuerat, quid Ioannem facere uellet: Christus ei respondit: Si eum manere in uita uellet, quoad ipse ueniret, quid eius interesset? Quod discipuli non intelligentes uerbum, uana opinione, antequam spiritum adhuc sanctum accepissent, Ioannem nunquam moriturum existimarunt. Est igitur & hoc ipsum amoris Saluatoris in beatum Ioannem indicium nō uulgare, quod uita reliquos omnes superauerit, & ut dictum est, ad Domitiani temporis ætatem usq; in Asia uerbum salutis populis adnunciarit, & paulo post defuncto Timotheo ecclesiam gubernare cœperit apud urbem Ephesum. Cui Proconsul loci cum edictum Imperatoris, ut Christum negaret, & à prædicatione cessaret, legisset, beatus Apostolus intrepidè respōdit: Obedire oportere Deo magis quàm hominibus. Proinde nec Christum Deum meum (inquit) negabo, nec à prædicatione nominis eius quiescam, donec consumpsero

B cursum ministerij mei, quod à Domino suscepi. Ad cuius respōsionem motus Proconsul, iussit eū uelut rebellem, in dolio feruentis olei mergi. Qui statim ut coniectus in æneo est, ueluti fortis athleta, unctus, non adustus, de uase exijt. Ad quod miraculum Proconsul stupefactus, uoluit eum libertati suæ reddere: & fecisset, nisi timuisset edictum Cæsaris: mitiorem igitur pœnam excogitans, in exilium eum relegauit, in insulam quæ dicitur Pathmos. In qua & Apocalypsim, quæ ex nomine eius legitur, & uidit, & scripsit. Post mortem autem Domitiani, quia omnia illius decreta Senatūs infringi iusserat, inter cæteros qui ab illo relegati fuerant, & ad propria remeabant, etiā sanctus Ioannes Ephesum redijt, ubi & hospitium, & multos amicos habebat. Plenitudine enim gratiæ diuinæ, & conuersatione sincera cōmendatus, omnibus amabilis erat. In qua ciuitate senescēs, etiam prædicationē uerbi diuini signis & uirtutibus cōfirmabat, ita ut tactu uestimēti eius languentes sanarentur, infirmi curarētur, cæci illuminarent, leprosi mundarent; deniq; demones passim ab hominibus expellerentur. Cū ergo redijisset Ephesum Apostolus, rogabatur etiā uicinas illustrare prouincias, quo uel ecclesias fundaret, in quibus non erāt locis: uel in quibus erāt, sacerdotes ac ministros institueret, secundum quod ei de unoquoq; spiritus sanctus indicasset. Cum igitur uenisset ad quādam urbē haud longè positam omnib, ecclesiasticis solenniter

Meminit Paulus quod in epistola ad Galatas, se cū Tito et Barnaba profectū Hierosolymā, atq; ibi Iacobo, Petro, et Ioanni dextrā porrexisset.

Eusebius lib. 3. Historiæ ecclesiasticæ, Ioannē in Asia euangelizasse scribit.

Hoc Legenda et Perionius falso Romæ cōtingisse scribunt.

Relegatio Ioannis in Pathmum.

Reditus in Ephesum.

Elegans hi-
storia de e-
ducatione
iuuentutis
bona.

solenniter impletis, uidit iuuenem quendam ualidum corpore, & A
uultu elegantem, sed animo acrem nimis, respiciensq; ad episco-
pum, qui nuper fuerat ordinatus: Hunc (inquit) summo studio
tibi commendo, sub testimonio Christi, & totius ecclesiae. Tum
ille suspiciens, omnem se adhibiturum, sicut praecipiebat, diligenti-
am pollicetur. Sed iterum atq; iterum eadem saepius repetens, iu-
uenem commendabat attentius, & posthac Ephesum redijt.
Tum uero presbyter in domum suam adolescentem suscepit com-
mendatum, & cum omni diligentia enutrit, amplectitur, fouet, ad
ultimum etiam baptismi gratiam tradit. Posthac iam uelut confi-
dens gratiae, qua fuerat communitus, paulo indulgentius habere
iuuenem coepit. Sed ille ubi immatura libertate potitus est, con-
tinuo per æquæuos, quibus luxur & desidia cordi est, amare
uitia, & corruptæ uiæ incedere tramitem perdocetur. Et primo
quidem conuiuiorum inlecebris decipitur, inde nocturnis eum
furtis socium mali sibi, participemq; consciscunt: posthac iam ad
maiora flagitia pertrahunt. Cum interea sensim iuuenis forma-
batur & instituebatur ad scelera, & qui esset acer ingenio, sicut
equus effrenis & ualidus, duris moribus obfirmatis, recti iti-
neris lineam derelinquens, rectore contempto, rapido cursu to-
tus fertur in præceps. Ita succedentibus sibi malis, ut despera-
tionem quoque à Domino præstitæ salutis acceperit, dedigna-
tur iam de paruis sceleribus cogitare, grandia quæque molitur: B
& ex integro perditioni se tradēs, nulli inferior esse in flagitijs cu-
pit. Denique illos ipsos qui prius magistri criminum fuerant, di-
scipulos facit: & latronum ex his turmam, quibus ipse dux & prin-
ceps uiolentus præesset, instituit, & cum his omni crudelitate gras-
satur. Verum tempore elapso, cum rei ita poposcisset utilitas, in-
uitatur iterum ad illam urbem Ioannes. Et cum cetera, quorū gra-
tia uenerat, ordinasset: Age (inquit) o episcope, depositum repre-
senta, quod tibi ego planè & Christus commendauimus, ecclesia te
ste, quam regis. At ille obstupuit, primum pecuniam putans à
se reposci, quam non acceperat. Sed rursus considerabat, nec pos-
se fallere Ioannem, nec quod non dedit, quærere: hærebat igitur
stupens. Quem Ioannes hærentem uidens: Iuuenem illum (in-
quit) repeto à te, & animam fratris. Tunc grauiter suspirans se-
nior, & in lachrymas resolutus: Ille, ait, mortuus est. Quomo-
do (inquit) uel quali morte? Domine (ait) mortuus est, quia
pessimus & flagitiosus euasit, ad ultimum etiam latrocinium ad-
gressus est: Et nunc adeo montem quendam cum multa latronum
manu occupat. Quibus auditis, Apostolus uestem continuo, qua
erat indutus, scindit, & cum ingenti gemitu feriens caput suum:
Bonum te (inquit) custodem fratris animæ dereliqui. Sed iam
nunc mihi equus paretur, & dux itineris. Et ita confestim ab ipsa
ecclesia

A ecclesia ascendens, eò concitus properabat. Cumq; peruenisset ad locum, attinetur ab his latronibus, qui custodias obseruabant. Sed ille neq; effugere, neq; prorsus declinare usquam nitens, ingenti tantum uoce clamabat: Quia ad hoc ipsum ueni, adducite mihi Principem uestrum. Qui cum ueniret armatus, eminus agnito Ioanne apostolo, pudore tactus, in fugam uertitur. Ille equo post eum admissio, confestim insequitur fugientem, etiam ætatis oblitus, simul & clamans: Quid fugis o fili patrem tuum? quid fugis inermem se nem miser? noli timere, habes adhuc spem uitæ. Ego Christo rationem reddam pro te. Equidem pro te mortem excipio libenter, sicut & Dominus excepit pro nobis, et pro tua anima dabo animam meam. Sta tantum, & crede mihi, quia Christus me misit. At ille audiens, restitit, ac uultum demisit in terram: post hoc arma proiecit, tremefactusq; flebat amarissimè. Et accedentis ad se senis genibus prouolutus, gemitibus ac ululatibus quibus poterat satisfacit, deniq; uberrimis lachrymarum suarum fontibus iterum baptizatur, occultans solam dexteram suam. Apostolus uerò iurisiurandi sacramento se ei à Salvatore impetraturum ueniã pollicens, simulque genibus eius prouolutus, atq; ipsam dextram, ex cuius cædis conscientia torquebatur, tanquam iam per pœnitentiam purgatam, deosculans, ad ecclesiam reuocat, & indefinenter pro eo orationes profundens: & cum ipso pariter ducens crebra ieiunia, indulgentiã à Domino, quã ei pollicitus fuerat, expetebat. Sed & uarijs sermonū consolationibus, ueluti quibusdã præcantationibus, efferos & exterritos eius animos mitigabat. Nec prius abstinit, q̃ eum in omnibus emendatum, etiam Ecclesiæ præficeret loci illius: præbens per hoc magna exempla ueræ pœnitentiæ, & documentum ingens nouæ regenerationis, atq; insignia quædam & tropæa uisibilis in eo resurrectionis ostendens. Ita igitur cum plurimas urbes adijisset sanctus Ioannes, prædicans uerbum Dei, reuertitur Ephesum, quod sibi finem uitæ adesse intelligeret. Apud Ephesum uerò in tanta gratia hominum exinde Apostolus semper extitit, ut alius manus eius gauderet contingeret, alius applicare eas oculis suis, & pectori adinouere, si ita usus exposceret. Pleriq; etiam tactu uestis exhilarati, quia tetigerant amictum eius, sanabantur. Sed hæc sancta gaudia & piam celebritatem aduersarius ingemiscens, immunem fraudis esse non passus, interturbare conatus est, uas sibi ad nocendum eligens gentilis hominis, qui Deum nesciret: causam uerò arripiens, de pulchritudine fœminæ nobilis & Christianæ, Drusianæ nomine, adsciscibat quoque idem inimicus noster ad facilitatem prolapsionis, adolescentis ætatem. Adolescēti nomen Callimacho erat. Is Drusianam cum uidisset, perditè adamare cœpit. Et quamuis Andronici nosset uxorem, etiam in adulterij crimē exæstuabat. Frequens erat sermo, & certa

S. Ioannis
in Ephesim
reditus.

Hanc de
Drusiana
historiã Pe-
rionius uix
attigit qui-
dē: et nucle-
ū omnino,
ob quã cau-

*Sam sit exco-
gitata, omi-
sit.*

opinio, quòd ea foemina Apostolicis intenta sermonibus, propter A
Dei cultū uiro non cōmiseretur, clausāq; in sepulchro, ne ita qui-
dem uicta in arbitriū concessisset mariti. Quin etiā mori elegerat,
quā consuetudinē repetere coniugij, cū præsertim maritus insi-
steret dicens: Aut reddes te mihi uxore qualem antè prebebas, aut
morte persequar repugnantē. Sed nec mortis timore reuocata est,
nec à cōtemplatione cœlesti uel donis uel ullis illecebris reuocari
potuit. Verū hęc, amore insaniēs adolescens, quem diximus, ta-
met si sciret atq; audiret, cū reuocaret à plurimis, eo quòd nihil ef-
set effecturus, contēplīt, & cōfirmatā Dei uerbo, suo furore tentan-
dam putauit, quę maritū proprium etiam ad obseruantia prouoca-
uerat castitatis, coniugij copulam mentis tantūmodo caritate ser-
uans. Itaq; cum cōpellasset foeminā, nuncio spēq; potiundi deie-
ctus, mœstiorē indies cœpit ducere uitā. Drusiana quoq; procaci
interpellatione offensa, post biduū in febrem incidit, dolens quòd
ad patriā reuertisset, & tantum ex eius forma nefas exortum esset:
Vtinā (inquit) uel in patriā nunq; rediissem, uel ille uerbo Dei in-
structus, in hūc se errorē non cōiecisset. Ego igitur quia causa tan-
ti uulneris infirmę animę sum, solui me ab hac uita cupio, Domine
IESV, ut euocata ancilla tua, quietius uitā miser proroget. Hęc pre-
sente Ioanne apostolo Drusiana dicebat: sed quò tenderet sermo,
nec Apostolus, nec ali j intelligebant. Tristis igitur ac mœsta, pro-
pter uulnus adolescentis illius, obiit diem. Mœstiorē quoq; ma- B
ritum fecit, quia conturbatū uxor eius habuisset exitum, & mœro-
re affecta, animā optasset absolui. Flebat igitur Andronicus, ita ut
reprehenderetur ab Apostolo dicente: Ita ne fleueris, quasi igno-
res, quò illa concesserit, nescis illam conuersationē esse meliorem,
quæ in cœlo est, ad quam sancta & fidelis Drusiana transiuit, ex-
spectans spem resurrectionis à mortuis? Cui respondit Androni-
cus, se non diffidere quòd resurrectura sit Drusiana, nec mutare fi-
dem: sed putare, qui purē huius uitæ confecerit cursum, ille salue-
tur. Sibi autem hoc dolori esse, quòd cognouerit latentē quendam
mœrorem subisse forori suæ (ita Drusianam appellabat) cuius
causam cognoscere ex illa nunquā potuerat, nec humato iam cor-
pore sciret. Etcum interrogasset Apostolus Andronicum secre-
to, quæ causa fuisset: residens paulisper præsentibus fratribus om-
nibus qui conuenerant, alloquio dulci Apostoli frui cupientes, in
hęc uerba locutus est. Gubernator nautis & omnibus qui nau-
gant, & ipsi etiam naui, cum eam in portu constituerit, ac fideli
commiserit stationi, tunc ualedicit. Sic agricola cum dederit terræ
semen, & multo labore nouale exercuerit, diligentiam exhibue-
rit, detulerit custodiam, tunc requiem laboris accipit, cum in-
apothecis multiplicatam messē locauerit. Præterea qui currit
in stadio, tunc exultat, cum brauium acceperit. Qui athletarum
more

*Elegans &
plena gra-
uissimi ar-
gumēti di-
sputatio, de
uita huma-
na, & eius
fine.*

A more decertare parat, tunc gaudeat, cum coronam acceperit. Omnes postremo, qui diuersis artibus student, & operibus incūbunt, in fine muneris uel operis Deum meritò laudant omnes, quòd destituti non sint, sed iustificati iuxta promissum Domini, quòd sanctis suis dignatus est polliceri. Quod non cōuenire arbitror, ut unusquisq; tunc fidem suam, quam exercet, probatam sciat, cum ex plens uitalis muneris cursum, purum reddat quod sibi creditū est. Multa sunt enim quæ fidem facile singulorū frangant, & quasi turbationem quandā inferunt humanæ cogitationis sollicitudini: filij, parentes, gloria, paupertas, adulatio, iuuetus, pulchritudo, iactantia, cupiditas diuitiarum, prelatio, negligentia, inuidia, dissimulatio, iniuria, amor, tristitia, possessio serui, patrimonium, occasio, & alia huiusmodi impedimenta, quæ obistere solent: sicut gubernatori currenti cursum propriū, uentus frequenter exortus occurrit, & properantem retardat, & tempestatem excitat & procellas. Agricolæ quoq; adultā spem tristior ludit euentus: ita etiam, priusquam uitæ huius aliquis exitum subeat, effectū prospicere debet, et qualem sit habiturus, addiscere: uidelicet, uigilantem ne ac sobriū, & cui nihil impedimenti possit adferri, an uerò conturbatum & obligatum uoluptatibus sæcularibus. Sicut enim laudat corporis decorem nemo, nisi cum omnia deposuerit indumenta: nemo ducem, nisi eum qui gloriose uniuersum bellum cōfecerit: nemo medicum, nisi eū qui curauerit egritudines uarias: ita nemo potest laudare uitā, nisi is qui plenum fidei animū, & templo Dei dignā carnem suam præstiterit: quæ non ipso cursu uana specie dissoluta corruerit, nō obstupefacta & hebetata rebus humanis sit, neq; inclinata ad temporalia, neq; perpetuis caduca pretulerit, & non manentibus manentia cōmutarit, neq; honorauerit quæ honorificanda nō sunt, neq; deniq; amauerit plena opera cōtumelijs: & qui pignus satanæ non acceperit, aut intra pectus suū serpentē clauferit: qui nō riserit non ridenda, uel opprobrium non erubuerit pro Christo. Est etiā qui uerbo aliquid dicit, & opere negat. Nō igitur lubricā carnem præstare unusquisq; suā debet, ne uas faciat immundicię: sed talē quæ nō sordida exuratur libidine, non immunditia uincatur, non auaritia superetur, nō cupiditati pecunię subiugeť, non ferocia corporis dometur, non ira & indignatione prodatur, non absorbeatur tristitia, nō ludicris quibusdā in hac uita actibus eneruetur: sed ea quæ fidem in IESVM Christū Dominū nostrū adaugent et prouehunt, suscipiat, ut uitā recipiat eternā, pulcherrimum premiū pro illis quæ in hoc sæculo despexerit. Hęc cum adhortationis gratia sanctus Apostolus differuisset grauiter, ut fratrum animos prouocaret ad cōcupiscenda æterna, & cōtemnenda temporalia: is tamē de quo diximus adolescens, qui Drusianā adamabat, cæcū pectore uulnus alens, suo indies magis magisque consume-

#

tur incendio, quod nec mulieris potuit morte restingui. Nec mirū **A** si nullam accipiebat Ioannis sermone medicinam, qui negligens audiendi, non remedium uulneri adhibere quærebat, sed scelus quotidie immane desiderabat augere. Itaq; accidit postea mortua Drusiana, atq; sepulchro illata, cum in mortuam adhuc Callimachus deperiret, Procuratorem Andronici precio corruptit, ut sibi tumulum in quo Drusiana condita erat, referaret, corporisq; adamatæ copiam faceret. Quod ubi procliuè tandem impetrauit, tentabat illicitum nefas corpori inferre defuncto. In quod non repentino quodam motu, sed furiosa quadam meditationis amentia latus: Etsi uiua (inquit) coitus noluisti mecum subire consortium, mortuæ eam tibi tamen inrogabo iniuriam. Ita adhibito flagitiij procuratore, adolescens furens cum sepulchrum fuisset ingressus, corpus primò inuolutum pannis exuere cœpit. Subiecit procurator sceleris immanis: Quid profecisti infelix Drusiana, negando uiua quod mortua sustinebis? Ita sermone pariter atq; opere geminabatur scelus. Et cū iam sublatis propè omnibus exuijs sepulturæ, solum genitalis partis superesset uelamen, cōmixtionem illicitam molitur immani iuuenis libidine furens. Et ecce subito, incertum unde, ingens serpens occurrit, cuius uno saucius morfu, sed magis diro furentis terròre perculsus, corruit iuuenis, ita ut ueneni frigore subito omnis eius uis euanuerit. supra quē statim serpens lapsum ascendens quiescebat. Sequenti uerò die, qui erat tertius à die mortis Drusianæ, cum sanctus Ioannes, & uir mulieris Andronicus, matutinis horis ad tumulum conuenissent, ut sacra celebrarent, ecce clauēs non inueniebantur. Quocirca Ioannes: Rectè, inquit, clauēs sepulchri perierunt, quoniam Drusiana in sepulchro inter mortuos non est. uerū ingrediamur, sponte fores aperientur. Non enim dubitare possum de Domini misericordia, quin & hoc conferat nobis, qui multa concessit. Cum igitur appropinquassent sepulchro, subito præcepto Ioannis apertæ sunt fores: & iuxta sepulchrum Drusianę uidimus speciosum adolescentem, adridentem. Quem uidens Ioannes, cum clamore ait: Et hic nos præuenis Domine IESU Christe? Qua causa igit uenisti Domine? Et audiuius sono uocis exprimi: Propter Drusianā, quam habes nunc resuscitare: & propter illum qui propior sepulchro eius exanimatus iacet: qui & honorificabunt propter me Deum. Et hæc cum dixisset bonus ad Ioannem, in cœlum, uidentibus Ioanne & cæteris, reuertebatur. Conuersus autem Ioannes, cum uidisset duo iacentia prope sepulchrum corpora, quorum unum Callimachi erat, qui princeps Ephesiorum erat, supra cuius corpus serpens cubabat immensus: alterū uerò corpus erat Fortunati, qui procurator fuerat Andronici: Intuens igitur utriusq; corpus, cogitabat secum ipse, & dicebat: Quid sibi uult hæc species, & quare mihi

*

Nota horrendū scelus.

**

Ex his apparet, Abdiā hanc historiā scripsisse ex relatione aliquius qui rebus à S. Ioanne gestis interfuerat.

re mihi Dominus non demonstrauit quæ hic gerebãtur, qui nunquam dedignari solet? Verùm Andronicus cum seminu dum corpus Drusianæ uidisset, cum uno tantum uelamine iacere in sepulchro, illos autem duos mortuos, ait ad Ioannem: Intelligo quid factum sit, o Ioannes. Nã iste Callimachus iuuenis adamauerat Drusianam, dum uiueret. & cum esset eius petitum refutata, nihilominus tamen mulierem non desinebat incessere. Verùm frequentis repulsæ dolore commotus, Procuratoris mei amicitiam ambiuit, ut eius opera ad usus nefandos uteretur. Quin aiunt eum crebro uiuente Drusiana dixisse, si non posset concubitu eius potiri uiuentis, iniuriam tamen defunctæ esse facturum. Et fortasse, Ioannes, propterea bonus iste uelauit eius reliquias, ne scilicet corpus pateretur iniuriam. Et ideo arbitror istos morte mulctatos esse, quia immanes ausus flagitiij tentauerunt. Puto etiam ideo hanc ad te factam esse uocem, resuscitandæ Drusianæ, quod cum mœrore & tristitia uitæ istius exitum immaturè clausisset, dolens quod iuuenem formæ suæ culpa affecisset. Quæ igitur causa, ut cum tria uideamus corpora, de duobus tantum resuscitandis facta uox sit, de tertio autem siluerit: nisi quod reformari Drusianam Dominus uoluerit, ex eo quod cum mœrore decesserat, ut diem suum cum trãquillitate componeret. Hic quoq; iuuenis, quam causam ueniæ habet, nisi quod uideatur ipse, tanquam unus de errantibus, esse

B deceptus. Tertius autem, puto quod indignus beneficio Domini nostri IESV Christi existimetur. Accingere igitur Ioãnes obsecro, & primo omnium Callimachum resuscitato, ut ipse nobis quæ gesta sunt, prodat. Accedens autem Ioannes iuxta corpus defuncti iuuenis, dixit serpenti: Discede ab eo, quia seruiturus est Domino nostro IESV Christo. & statim recessit serpens. Quo facto, procumbens humi, precatus est Dominum in hæc uerba: Deus, cuius gloria honoratur à nobis, qui omnem operationem inferiorem domas: Deus, cuius uoluntas uirtute tua consumatur, propter gloriam tuã, exaudi nos: & nunc consummetur in isto iuene gratia tua. Et si qua facta sunt per istum iuuenem, hæc nobis surgente eodem, demonstrato. Et statim iuuenis surgens, integram horam requieuit. Sed ubi ad uigorem sensus sui reuersus est, interrogatur à Ioanne, ut causam sui aperiret. Ita ingressus rem omnem explanauit, quemadmodum suprã Andronicus intimauerat. Amorem sibi Drusianæ causam fuisse, ut nec à desiderio mortuæ temperarit, Qui interrogatus rursum à Ioanne, utrum nunc temeritatis suæ circa reliquias plenas uenerationis & gratiæ, aliquem habere potuisset effectum? Respondit: Quomodo aliquid poteram uel audere, uel facere, cum talis bestia repentè in me irruisset, quæ Fortunatum uulnere etiam perculit, qui incentiuum addiderat huius insanix, quæ uidebatur iam posse quiescere. Mihi autem illud causa mortis fuit,



Plena gratiæ
uitatis ora
tio ad Deū.

fuit, quod cum animi quadam dementia, & planè infoelici languore correptus, detraxissem defuncto corpori exuias, ac discedens paulisper, me iam ad impiū facinus præparabam, quo uolebam cum defunctæ corporis reliquijs conuenire: ecce uidi, quemadmodum speciosus iuuenis corpus Drusianæ sua ueste uelabat, à cuius facie scintillæ ignis resiliebat in totum sepulchrum. Ex quibus una in me ueniens, uocem dedit: *Callimache morere, ut uiuas*. Quis fuerit homo iste, nescio. Sed quia te uideo hic Dei seruum, & nunc apparuisti mihi, cognosco & illum angelū Dei fuisse, & noui quia uere à te Deus adnūciatur. Vnde rogo & deprecor, ne me in hac gēna relinquant. Scio enim atq; reminiscor quæ gesserim, & quā indigna tentauerim. Et ipse animo mœreo, utinam uiscera mea referare posses, & uidere interiorē mei sensum doloris. Deniq; mœreo, quod nequaquā à tantis flagitijs tentauerim. Sed huius mœroris à te expecto medicinam: qui ut es Dei omnipotentis prædicator, cuius est filius uerus Dominus noster IESVS Christus, ita à te uerbum eius cupio scire. Nec dubito, si manum porrigas, ut & uocis eius compleatur ueritas, quæ dicebat, Oportere me mori ut uiuerem. Mortuus sum autem ille insolens, sed resuscitatus sum mitis atq; mansuetus, mortuus sum gētilis, sed resuscitatus sum Christianus. cognosco iam quidem ueritatem, sed peto ut plenius mihi tuis magisterijs reueletur. Quibus uerbis lætatus Apostolus: Et quid agam (inquit) Domine IESV Christe, nescio. Obstupui in excessu meo, tantam tuam esse misericordiam; simul insolitam quandam patientiam tuam recognosco. Hæc cum dixisset, benedicens Dominum, apprehendit Callimachum, & osculatus est eum, dicens: Benedictus Dominus Deus, & filius eius IESVS Christus, qui tui misertus est, & à furore atq; dementia mortis specie liberauit, qui illa tua refrigerauit incendia, qui occasionem culpæ ademit, qui uesanae libidinis tentamina succidit, qui iam mortuum peccato rursus reddidit uitæ, ut in Domini nostri IESV Christi fide gratiaq; requiescas. Vides quanta multitudo ad ministerium nostrum, & ad salutem tuam uenerit. Andronicus autē ubi uidit Callimachum resuscitatum, uiscera maritali resolutus affectu, rogare coepit Apostolū, ut Drusianam quoq; resoluta morte reuocaret, dicens: Oportere eam resurgere, ut tristitiam exuat, cui iam mortua uidebatur, mœrorem quo possit absolvere: eo quod doluit occasione formæ suæ iuuenem esse deceptum. Rogat ergo ut & ipsam resuscitaret, & quando uellet Dominus, iterum auocaret eam. Motus itaq; Ioannes, & petitione uiri, & modestia Drusianæ, accedens ad sepulchrum, & manū eius tenens, cum Dominum esset deprecatus: Drusiana (inquit) surge in nomine IESV Christi Domini nostri, surge in gloria eius. Quæ surgens ascendit de tumulo. & cum uidisset se nudam, in illo tenui tantum uelamine, causam quæsiuit. Quam

Nota admittendam hystoriam.

- A** Quam ubi ab Apostolo cognouit, honorificauit Dominum, ac se induit. Deinde respiciens Fortunati corpus iacere, ait ad Ioannem: Pater, & hic resurgat quæso, quāuis funeris mei se præbuerit proditorem. Quod ubi audiuit Callimachus, rogare cœpit, ne hominem improbum resuscitare uellet, cuius incentiuo præcipitatus sit in furorem, quod hunc etiam quam audierat gratia non contigerit, eo quod de se tantum & Drusiana resultauerit uenerabilis illius uocis oraculum: Dignum (inquit) morte iudicauit, quem dignum resurrectione non prodidit. Cui respondit Ioannes: Non didicimus fili, malum pro malo reddere. Nam & nos peccatores sumus, qui grauiam commisimus, & per Dominū nostrum IESVM Christum consecuti sumus misericordiam, qui non putauit mala pro malis esse reddenda, sed pœnitentia & conuersione sepelienda delicta. Sed si mihi non permittis ut Fortunatus resurgat, Drusianæ hoc munus atq; opus erit. Quæ repleta spiritu sancto, accedens ad corpus Fortunati, ait: Domine omnipotens, qui concessisti ut hæc tam miranda opera tua cernerem, qui me consortem nominis huius esse uoluisti: qui deniq; contulisti mihi ut non solum te ipsa cognoscerem, sed etiam maritum consortio quodam germanitatis agnoscerem: qui mortem elegisti meā, ut separata paulisper à corpore, magis essem tua: qui iuuenē istum obire iussisti, ut in eo culpa moreretur, uita repararetur: Et nunc igitur Domine, ne despicias preces famulæ tuæ: iube Fortunatum resurgere, etsi proditor meus esse tentauerit. Et adprehendens manum eius, inquit: Surge Fortunate in nomine IESV Christi, Domini & Dei nostri. Qui cum surrexisset, & uidisset Drusianam resuscitatā, Callimachum Domino credidisse, ingratus salutis suæ, ait: Mori sibi melius fuisse quā resuscitari, ne uideret quod etiā ad illos uirtutis gratia peruenisset. Quē aspiciens Ioannes ait: Hoc est quod Dominus in Euangelio locutus est, quia arbor mala malos fructus facit. Malæ enim radices succus inoleuit, & ideo non potest bonus fructus succo degenerante concrefcere. Nihil hic communis natura deliquit, sed radices totum est uitium. Eadem omnes arbores fœcunditate, & quasi quodam gremio parentis ac sinu fouet terra mater, ac prouehit eiusdem quoq; aeris temperie ager omnis utitur. Dominus quoq; omnipotens pari usu omnia imbre perfundit, & eodem sole tepescit secreta terrarum & ligna sylvarum: sed diuersus est fructus, uariiusq; prouentus arborum singularum. alia sterilis est, alia fœcunda. Atqui in illa sterili, radix uitij causa est, quæ terrenæ ubertatis & cœlestium beneficiorum gratiam sentire non potuit. Similiter autem omnes homines Deus noster ad imaginem suam fecit, hoc est, ad illam diuinam gratiam prouocauit, ut misericordiam, uirtutem, pietatem atq; iustitiam, & cætera quæ in Deo laudamus, & nos imitari debemus: suū oriri iussit solem, & omnibus Dominus

noster IESVS Christus aduenit, omnibus crucifixus est, omnibus **A**
 surrexit. Sed hoc tantum munus ac donum Dei patris, qui pro no-
 bis tradidit filium suum, itemq; Domini nostri IESV Christi, qui
 se pro nostra redemptione obtulit, pauci usq; ad finem uendicant.
 Alij fastidiunt, & oblatam salutem recusant, dum nolunt credere
 auctorem salutis. Pleriq; etiam, dum inuident gratia diuinæ, quæ
 operatur in nobis, se hoc cœlesti fructu abdicant: ut iste miser inui-
 dia deceptus, nec redditæ sibi uitæ munere gratulatur. habet igitur
 carbonem suum, habet & fructum malæ arboris, quæ accendat ignis,
 & suis se consumit incendijs. Separetur radix huiusmodi à fide-
 lium conuersatione, & ab omni opere timentium Deum, ab omni de-
 uotorum munere, à congregatione sanctorum, & à communione
 sacramentorum. Non habeat communionem cum uiuente Drusi-
 ana, cuius & mortem iniuria dignam putauit, & uitam inuidia fer-
 re non potuit. Nos autem communionem quā deferebamus mor-
 tuæ, uiuenti impertiamus. Ita gratiarum Domino nostro IESV
 Christo actione celebrata, domum Andronici Apostolus repeti-
 uit: ubi suggerente sibi spiritu, fratribus ostendit, Fortunatum uul-
 neratum denuò à serpente esse. iussitq; citò aliquē dirigi, qui nun-
 ciaret fidem ueri. Vnum igitur ex iuuenibus destinarunt, qui re-
 gressus uidit eum iam frigidū, & per corpus eius uenena serpentia.
 Sed ubi nunciatum esset Ioāni, quod intra tres moriturus esset ho-
 ras, ait: Habes filium tuum diabole. & illam diem cum fratribus le- **B**
 tum exegit. Altera uerò die Craton philosophus in foro propo-
 fuerat, de contemptu diuitiarum exempla se editurū. Erat autem
 spectaculum huiusmodi. Duos iuuenes persuaserat, ditissimos ci-
 uitatis fratres, ut distracto patrimonio, gemmas emerent singulas,
 quas in conspectu plebis publicè fregerunt. Quod dum facerent il-
 li, contigit ut transiret fortè Apostolus. Qui uocans ad se Crato-
 nem philosophū, ait: Stultus est iste mūdi contemptus, qui homi-
 num ore laudatur, diuino iam pridem iudicio condemnatus. Sicut
 enim uana medicina est, ex qua non abscinditur morbus: ita uana
 doctrina est, ex qua non uitia curantur animarum & morum. At-
 qui magister meus iuuenem cupientem ad uitam æternam perue-
 nire, his uerbis instruxit, quibus diceret: Vt, si uellet perfectus esse,
 uenderet omnia sua, & daret pauperibus: quo factò, thesaurum in
 cœlis acquireret, & uitam quæ finem non habet inueniret. Ad
 quem Craton: Humanæ, inquit, cupiditatis fructus in medio ho-
 minum positus, cōfractus est. Sed si uerè Deus est magister tuus,
 & uult hoc fieri, ut pauperibus erogetur census precij harum gem-
 marum, fac reintegrari species, ut quod ego feci ad famam homi-
 num, tu facias ad gloriam eius, quæ tuum magistrum esse comme-
 moras. Tunc beatus Ioannes colligens fragmenta gemmarum,
 illaq; manu retinens, eleuauit oculos ad cœlum, & dixit: Domine
 IESV

A IESV Christe, cui nihil impossibile est, qui fractum mundum per lignum concupiscentiæ, rursus per lignum crucis tuæ, in tuis fidelibus restaurasti: qui nato cæco oculos, quos natura negauerat, reddidisti: qui mortuum Lazarum, & sepultum, post quartum diem ad superos reuocasti, & omnes morbos omnesq; ægrimonias, uirtutis tuæ uerbo subiecisti: adesto nunc super istos lapides preciosos, quos ignorantes fructus eleemosynæ ad plausus hominū confregerunt: tu Domine, per manus angelorum tuorum modò recupera, ut precio eorum misericordiæ usus expletus, faciat credentes tibi ingenito patri per unigenitum filium tuum, Dominum nostrum IESVM Christum, cum sancto spiritu illuminatore & sanctificatore totius ecclesiæ, in sæcula sæculorum. Cumq; respondissent fideles, qui cum Apostolo erant, & dixissent, Amen: ita mox sunt solidata fragmenta gemmarum, ut nec signum aliquod in his quòd fractæ fuissent, remaneret. Quæ Craton philosophus cum suis discipulis cernens, pedibus Apostoli aduolutus, credidit exinde, & baptizatus est cum omnibus, coepitq; & ipse fidem Domini nostri IESV Christi publicè prædicare. Itaq; duo fratres illi, quos diximus, uenundantes gēmas, quas uendito patrimonio suo emerāt, pauperibus tradiderunt: & coepit de reliquo infinita turba credentium adhærere Apostolo. Quæ cum fierent, accidit ut eodem exemplo duo honorati ciuitatis Ephesiorum, omnia sua uenderent, & egentibus distribuerent, sequentes Apostolum per ciuitates euntem, & uerbum Domini prædicantem. Hi cum Pergamum urbem ingrederentur, uiderunt seruos suos sericis indutos uestibus, in publicum procedentes, & in gloria sæculari fulgentes. Vnde factum est, ut sagitta diaboli percussi, tristes efficerentur: quòd se in uno pallio uiderent egentes, suos uerò seruos potentes atq; fulgētes. Sed hos dolos diaboli intelligēs Apostolus Christi, ait: Video uos & animos mutasse, & uultus, propter hoc quod doctrinā Domini mei IESV Christi secuti, omnia quæ habere potuistis, pauperibus cōtulistis. Vnde si uultis recuperare omnia, quæ in auro, argento & lapidibus preciosis quondam habebatis, deferre mihi uirgas rectas in singulis facibus. Quod cum fecissent, inuocato nomine Domini IESV Christi, conuersę sunt in aurum. Et dixit ad eos Apostolus: Adferre mihi lapides minutos à littore maris. Quod cum & ipsum fecissent, inuocata maiestate Domini, conuersi sunt in gemmas lapilli omnes. Et conuersus ad uiros istos beatus Ioānes: Circuite (inquit) aurifices & gemmarios per dies septem, & cum probaueritis aurum uerum & ueras gemmas esse, nunciate mihi. Euntes autem, ambo post septem dies reuersi sunt ad Apostolum, dicentes: Domine, omnium aurificum officinas circuiuimus, qui omnes dixerunt, tam purū aurum se nunquā uidisse. Sed & gemmarij eadem dixerunt, tam optimos lapides &

*Elegans &
plena gra-
uitatis S. Io
annis dispu-
tatio cōtra
diuitias.*

preciosos se nunquam uidisse. Tunc dicit eis sanctus Ioannes: **Ite, A**
& redimite uobis terras quas uendidistis, quia cœlorum prœdia
perdidistis. Emite uobis sericas uestes, ut pro tempore fulgeatis si-
cut rosa, quæ odorem & ruborem ostendens, repenti marcescit.
suspirastis enim in uestrorum aspectu, & uos effectos pauperes ge-
muistis: estote ergo floridi, ut marcescatis: estote diuites tempora-
liter, ut in perpetuo mendicetis. Nūquid non ualet manus Domi-
ni, ut faciat diuitias affluētes, & incōparabiliter splendentes: sed
certamē statuit animorū, ut credant se æternas habituros diuitias,
qui pro eius nomine temporales opes habere noluerunt. Deniq;
narrauit nobis magister noster de quodam diuite, qui epulabatur
quotidie, & fulgebat in auro & purpura. ad cuius fores iacebat mē-
dicās Lazarus, quē cupiebat uel micas quē de mensa eius cadebāt,
accipere: & nemo illi dabat. Contigit autem, ut una die ambo defe-
cerent, & ille mendicus duceretur in requiem quē est in sinu Abra-
hæ, diues autem mitteretur in flammam incendiij. Vnde eleuans o-
culos, uidit Lazarum, & rogat ut intingat digitum in aquam, & re-
frigeraret os suum, quo cruciaretur in flammis. Cui respōdens A-
braham dixit: Memento fili, quia recepisti bona in uita tua: Laza-
rus autem hic similiter mala. Quare meritō iste nunc consolatur,
cum tu torqueris. Et in omnibus chaos magnum inter uos & nos
firmatum est, ut neq; inde huc, neq; hinc illuc transire possint. At il-
le respondit: Sunt mihi quinq; fratres, obsecro ut surgat aliquis, **B**
qui moneat eos, ne ueniant in hanc flammam. Cui Abraham ait:
Habent Moysen & Prophetas, audiant eos. Ad hæc ille respondit:
Domine, nisi resurrexerit aliquis, non credūt. Cui dixit Abraham:
Si Moyse & Prophetis non credunt, neq; si aliquis resurrexerit, fi-
dem habebunt. Hos autem sermones suos Dominus & Magister
noster, uirtutū firmabat exemplis. Nam cum dicerent ei, Quis in-
de huc uenit ut credamus ei? Respondit ille: Deferte huc mortuos
quos habetis. Cumq; adportassent coram illo adolescentem mor-
tuū, ueluti dormiens excitatus est ab eo, & dabat fidem cunctis ser-
monibus suis. Sed ut quid ego de Domino meo referam, cū in præ-
senti sint, quos in eius nomine & uobis præsētibz atq; aspicien-
tibus à mortuis excitaui? In cuius nomine & paralyticos curatos
uidistis, leprosos mundatos, & cæcos inluminatos, & multos deni-
que à dæmonibus liberatos. Sed has uirtutum opes habere non
possunt, qui uoluerint diuitias habere terrenas. Deniq; uos ipsi
quando ad infirmos intrastis, inuocato nomine IESV Christi, sal-
uati sunt illi. Fugastis dæmonia, & cæcis lumina reddidistis. Ecce
ablata est hæc gratia à uobis, & facti estis miseri, qui eratis fortes &
magni. Et cum tantus esset timor in dæmonijs, ut iussu uestro ob-
fessos homines dereliquerent: modò uos timēbitis dæmonia. A-
mator enim pecuniæ seruus est Mammonæ. Mammona autem
dæmonis

A dæmonis nomē est, qui lucris carnalibus præest, & dominator eorū qui diligunt mundū. Ipsi autem amatores mundi nō possident diuitias, sed ipsi à diuitijs possident. Absurdū enim est, cū sit unus uenter, cui tot cibi reponātur, qui mille uentribus satisfacerēt; & uni corpori tot uestes, quæ mille hominū corporibus præbere indumēta ualeant. Sic frustra, quod in usum nō uenit, custodit; & cui custodiatur, omnino nescitur, dicente sancto Spiritu per Prophetā: Vanè cōturbatur omnis homo, qui thesaurizat, & ignorat cui congreget ea. Nudos nos fuderunt in lucē partus mulierū, egētes cibi & poculi: nudos nos recipiet terra, quos edidit. In cōmuni possidemus cœli diuitias, splendor solis diuiti & pauperi æqualis est, similiter lunæ lumen & siderum. Aeris quoq; temperies, & pluuiarum guttæ: & ecclesiæ ianua, & fons sanctificationis; et remissio peccatorum, & participatio altaris, & esca corporis & potus sanguinis Christi, & chrismatis unctio, & gratia largitoris, & uisitatio Domini, & indulgentia peccati: hæc omnia absq; personæ acceptione, æqualis est dispensatio conditoris. Neq; aliter diues, aliter pauper his donis utitur. Sed miser & infelix homo, qui uult plus aliquid habere quàm sufficit. Nascunt enim hinc calores febrium, rigores frigorū, dolores uarij in cunctis corporum membris. Et neq; esca cibari potest, neq; poculo satiari, ut cognoscat auuiditas non sibi pecunias profuturas: quæ repositæ, custodibus suis sollicitudinem diurnam nocturnamq; incutiunt, & nec unius horæ spacio quietos aut securos esse patiuntur. Nam dū custodiuntur, fures insidiantur: dū possessio colitur, dum aratris intendunt, dū soluunt uiscalia, dum ædificant prōptuaria, dum lucris student, dū potentiorum impetus mitigare nituntur, dū minus potentes nudare cōtendunt, dum iras suas quibus possunt inferūt, & inlatas in se tolerare uix possunt, dū blandimēta carnis assentiunt, dū ludere tabulis & spectaculis nō perhorrescunt, dum polluere & pollui nō metuūt, subito exeunt de isto sæculo, nudi, sola secū peccata portantes, pro quibus sunt poenas passuri perpetuas. Hæc dicente sancto Ioanne Apostolo, ecce offerebatur iuuenis à matre uidua, qui triginta diebus elapsis uxorem primum duxerat. Venientes autem turbæ quæ exequijs officia faciebant, simul cum matre uidua, coniecerūt se ad pedes Apostoli, eundem omnes pariter mugitum fletusq; ac gemitum emittentes. Rogabant enim, ut in nomine Dei sui, sicut Drusianam, ita & hunc iuuenem mortuum resuscitaret. Tantus autem omnium tum extitit fletus, ut etiā ipse Apostolus uix à fletu et lachrymis temperaret. Itaq; prosterbens se in orationem, diutissimè fleuit. Et exurgens ab oratione, expandit manus suas ad cœlum, intra se diutissimè orationi intentus. Hoc cum fecisset & tertio, iubet solui inuolutū corpus, & ait: O iuuenis Syrice, qui amore carnis tuæ ductus citò animam amisisti: o iuuenis, qui nesciisti

Finis gratissimæ ordinationis B. Ioannis contra diuitias.

*Iam nomi-
duorum
recēset, qui
diuitiarum
cupidi, fa-
cti sunt apo-
statae.*

*Descriptio
infern.*

*# Poenitentia
uis, & eius
dē ratio in
primitiua
ecclesia cu-
iusmodi.*

creatorem tuum, qui Saluatorem hominum non cognouisti, ami- A
cum uerò, & idcirco in insidias hostis pessimi incurristi: ecce pro i-
gnorantia tua lachrymas Domino meo, simul & preces effudi, ut
exurgēs à mortuis, lethi uinculo resoluto, istis duobus Attico &
Eugenio adnuncies, quantā gloriam amiserint, & quantā incurre-
rint poenā. Tūc exurgens * Staſteus adorauit Apostolū, & coe-
pit increpare discipulos eius dicēs: Vidi angelos uestros flētes, &
satane angelos in uestra deiectione gratulātes. Iam enim regnū pa-
ratū uobis, & ex coruscantibus gemmis zetas instructas, plenas
gaudij, plenas epulis, plenas delicijs, plenas deniq; uita perpetua,
& lumine æterno, paruo tempore amisistis: & acquisiuiſtis uobis
loca tenebrarum, plena draconibus, plena stridentibus flammis,
plena cruciatibus, & incomparabilibus poēnis, plena doloribus,
plena angustijs, plena timore & tremore horrifico. Amisistis loca
floribus immarcescibilibus plena, fulgentia, plena uocibus organo-
rum: & acquisiuiſtis econtrā uobis loca, in quibus diu noctuq; nō
cessat mugitus, & ululatus & luctus. Nam nihil aliud uobis super-
est, nisi rogetis Apostolum Domini, ut sicut me refuscitauit ad ui-
tam, ita uos quoq; refuscitet ab interitu ad salutem, & animas ue-
stras quæ iam de libro uitæ deletæ sunt, iterum reducat. Qui-
bus dictis, & ipse qui recens suscitatus fuerat, & omnis populus u-
nā cum Attico & Eugenio, prosternebat se pedibus Apostoli, &
exorabant ut intercederet pro his ad Dominum. Quibus sanctus
Apostolus hoc dedit in responsis: ut per triginta dies Deo poēni- B
tentiam offerrent, in quo spacio maximē precarentur, ut uirgæ au-
reæ ad suam naturam redirent, similiter & lapides ad utilitatē, qua
nati fuerant, remearent. Factum est autem, ut triginta dierū trans-
acto spacio, cum uirgæ mutarentur, & petræ, uenientes Atticus &
Eugenius, dixerunt Apostolo: Semper misericordiam docuisti,
semper indulgentiam prædicasti, & præcepisti ut homo homini
indulgeret. Et si hominem homini indulgere uult Deus, quanto
magis ipsi, cum Deus homini & indulget & parcit, in quem pecca-
tum nostrū contulimus, & quod oculis concupiscentibus in mun-
do deliquimus, oculis flentibus poenitemus. Oramus nunc igitur
te Domine, oramus Apostole Dei, ut indulgentiam quam semper
promisisti uerbis, factis tandem ostendas. Tunc sanctus Ioannes
flentibus & poenitentibus, uniuersis etiā pro his interuenientibus,
dixit: Dominus Deus noster his sermonibus usus est, dū de pecca-
toribus ageretur, ut diceret, Nolo mortem peccatoris, sed uolo po-
tius ut conuertatur, & uiuat. Nam dum nos doceret de poenitenti-
bus, Dominus IESVS Christus, ait: Amē dico uobis, quia magnū
gaudium est in cœlo super unū peccatorem poenitentem, & con-
uertentē se à peccatis suis: & amplior læticia super illo est, quā su-
per nonaginta nouem, qui non peccauerunt. Vnde uos uolo scire,
quia

A quia Dominus accipit poenitentiam horum. Conuersusq; ad Atticum & Eugenium, dixit: Euntes reportate uirgas ad syluam, unde eas assumpsistis, quoniam ad suam iam sunt naturam reuersi: & lapides, quoniam petrae effectae sunt, ut antè fuerant. Quod cum fuisset impletum, receperunt gratiam, quam amiserant: ita ut iam iterum fugarent daemones sicut prius, & infirmos curarent, & caecos illuminarent, multasq; indies per eos uirtutes Dominus faceret. Dum haec fierent apud Ephesum, & omnes indies magis magisque Asiae Prouinciæ Ioannem & excolerent & prædicarent, accidit ut cultores idolorum excitarent seditionem. Vnde factum est, ut Ioannem traherent ad templum Dianæ, & urgerent eum, ut ei foeditatem sacrificiorum offerret. Inter hæc beatus Ioannes inquit: Ducamus omnes eos ad ecclesiam Domini nostri IESV Christi, & cū inuocaueritis nomen eius, faciam cadere templum hoc, & comminui idolum hoc uestrum. Quod ubi factum fuerit, iustum nobis uideri debet, ut relicta superstitione eius rei quæ à Deo meo uicta est, & confRACTA, ad idipsum conuertamini. Ad hanc uocem contuitus populus: & licet essent pauci qui contradicerent huic definitioni, pars tamen maxima consensum attribuit. Tunc beatus Ioannes blandis alloquijs exhortabatur populum, ut à templo longè se facerent. Cumq; uniuersi exteriori parte foras exissent, uoce clara clamauit: Vt sciat hæc omnis turba, quia idolum hoc Diang uestre

B daemonium est, & non Deus, corruat cum omnibus manufactis idolis quæ coluntur in eorum: ita tamen, ut nullam in hominibus lesionem faciat. Continuò ad hanc uocem Apostoli, omnia simul cum templo suo idola ita corruerunt, ut efficerentur sicut puluis, quæ proiecit uetus à facie terræ. Itaq; conuersa sunt eadem die xij. milia gentilium, exceptis paruulis & mulieribus, & baptizati sunt à beato Ioanne, & uirtute consecrati. Quæ cum animaduertèret Aristodemus, qui erat pontifex omnium illorum idolorum, repletus spiritu nequissimo, excitauit seditionem in populo, ut populus contra populū pararetur ad bellum. Ad quæ conuersus Ioannes: Dic mihi Aristodeme (inquit) quid faciā ut tollam indignationē de animo tuo? Cui Aristodemus: Si uis ut credā Deo tuo, dabo tibi uenenum bibere. quod cum biberis, & nō fueris mortuus, apparet uerū esse Deum tuum. Respondit Apostolus: Venenum si dederis mihi bibere, inuocato nomine Domini mei, nocere non poterit. Cui rursus Aristodemus: Volo ut prius uideas bibentes, & statim morientes, ut uel sic possit cor tuum ab hoc poculo abhorrere. Ad quæ beatus Ioannes: Iā antea dixi tibi, quia paratus sum bibere, ut credas in Dominū IESVM Christum, cū me uideris post ueneni poculum sanum. Perrexit itaq; Aristodemus ad Proconsulem, & petijt ab eo duos uiros, de quibus debebat ultimum supplicium sumi. Quos cū statuisset in medio foro corā omni populo, aspiciente Apostolo,

Apostolo, fecit eos bibere uenenum: qui mox ut biberūt, spiritum A
exhalauerunt. Tunc conuersus ad Ioannem Aristodemus: Audi
me (inquit) & recede ab hac doctrina tua, qua à deorum cultura
reuocas populum: aut accipe & bibe, ut ostendas omnipotentem
esse Deum tuum, si posteaquam biberis, poteris incolumis perma-
nere. Tunc beatus Ioannes, iacentibus mortuis his qui uenenum
biberant, ut intrepidus & constans accepit calicem, & signaculum
crucis faciens, ita locutus est: Deus meus, & pater Domini nostri
IESV Christi, cuius uerbo coeli firmati sunt, cui omnia subiecta
sunt, cui omnis creatura deseruit, & omnis potestas subiecta est,
quem & metuit et expauescit. Itaq; nos te ad auxilium inuocamus,
cuius audito nomine serpens conuiuiscit, draco fugit, fillet uipera,
& rubeta illa quæ dicitur rana inquieta torpescit, scorpius extin-
guitur, regulus uincitur, & phalangius nihil noxium operatur: de-
niq; omnia uenenata, & adhuc ferociora repentina & noxia anima-
lia terebrantur. Tu inquam ille, extingue hoc uenenosum uirus, ex-
tingue operationes eius mortiferas, & uires quas in se habet eua-
cua: & da in conspectu tuo omnibus his quos tu creasti, oculos ut
uideant, aures ut audiant, & cor ut magnitudinem tuam intelligat.
Et cum hæc dixisset, os suum, & totum semetipsum armauit signo
crucis, & bibit totum quod erat in calice. Et posteaquam bibit, di-
xit: Peto, ut propter quos bibi, cōuertantur ad te Domine, & salu-
tem quæ apud te est, te inluminante mereantur. Attendēte autem B
populo, Ioannē per tres horas uultum habere hilarem, & nulla pe-
nitentia in eo esse signa palloris, aut trepidationis, clamare uoce ma-
gna cœpit: Unus Deus uerus est, quē colit Ioannes. Aristodemus
tamen ne sic quidem credebat, populo obiurgante hunc. Ille autem
conuersus ad Ioannem, dixit: Deest mihi adhuc unū, quod si istos
qui hoc mortui ueneno sunt, in nomine Dei tui excitaueris, emun-
dabitur ob omni dubio mens mea. Quæ cum dixisset, plebs insur-
gebat in Aristodemum, dicens: Incendemus te & domum tuam, si
pergas ulterius Apostolum sermonibus tuis fatigare. Videns
itaq; Ioannes acerrimè seditionem fieri, petijt silentium, & omni-
bus audientibus ait: Prima est, quam de uirtutibus diuinis imitari
debemus, patientia, per quam ferre possumus incredulorum insi-
pientiam. Vnde si adhuc Aristodemus ab infidelitate tenetur, sol-
uamus nodos infidelitatis eius. Coget, quantumuis sero, agnoscere
creatorē suum. non enim cessabo ab hoc opere, donec medela eius
possit uulneribus opitulari. Et sicut medici, habentes inter manus
ægrum medela indigentem: ita etiam nos, si adhuc curatus non est
Aristodemus his quæ facta modò sunt, curabitur illis quæ iam fa-
ciam. Et conuocans ad se Aristodemum, dedit ei tunicam suam, i-
pse uerò pallio amictus cœpit stare. Cui ait Aristodemus: Vt quid
tunicam mihi tuam dedisti? Ad quem Ioānes: Vt uel sic confusus,
à tua

*Causa pi-
ctura, quod
S. Ioannes
cū calice ex-
primitur.*

A à tua infidelitate recedas. Et Aristodemus: Et quomodo (ait) me tunica tua faciet ab infidelitate recedere? Cui respondit Apostolus: Vade, & mitte eam super corpora defunctorū, & dices ita: Apostolus Domini nostri IESV Christi misit me, ut in eius nomine exsurgatis, ut cognoscant omnes, quia uita & mors famulatur Domino meo IESV Christo. Quod cum fecisset Aristodemus, & uidisset eos exsurgere, adorans Ioannem, festinus perrexit ad Proconsulem, & coepit clamorosa uoce dicere: Audi me, audi me Proconsul: meminisse te puto, quod contra Ioannem frequenter irā tuam excitauerim, & multa quotidie contra eum sim molitus: unde uereor, ne iram eius experiar. Deus enim sub specie hominis latens, uenenum bibens, non solum incolumis perseuerat, sed etiam eos qui ueneno mortui fuerant, per manus meas, tunicæ eius attactu, ipse ille reuocaui ut uiuant, nulla secū signa mortis habentes. Quæ audiens Proconsul: Et quid uis ut faciam? inquit. Respondit Aristodemus: Eamus, & aduoluti eius genibus, ueniam postulemus, & quidquid nobis ille iusserit, faciamus. Tunc ueniētes simul prostrauerunt se, indulgentiam flagitantes. Quos ille suscipiens, orationem cum gratiarum actione obtulit Deo, præcepitque eis unius hebdomadæ ieiunium: quo expleto, baptizauit eos in nomine Domini nostri IESV Christi, patrisque eius omnipotentis, & in lumina toris Spiritus sancti. Qui cum baptizati fuissent cum uniuersis domibus & familijs suis, affinitatibusque, fregerunt omnia simulachra, & fabricauerunt basilicam in nomine sancti Ioannis: in qua ipse Ioannes Apostolus adsumptus est hoc ordine. Cum esset annorum nonaginta septem, apparuit ei Dominus IESVS Christus, cum discipulis suis, & dixit ei: Veni ad me, quia tempus est, ut epuleris in conuiuio meo cum fratribus tuis. Itaque cum surrexisset Apostolus, addidit idē Dominus: Dominica resurrectionis meæ die, quæ post quinque dies futura est, ita uenies ad me. & cum hæc dixisset, celo receptus est. Interea in luceſcente Dominica, conuenit uniuersa multitudo ad ecclesiam, quæ in eius nomine erat exstructa. Ibi à primo pullorum cantu, cum egisset mysteria Dei, horam circiter di ei tertiam, omnem populum in hæc uerba allocutus est: Conserui & cohæredes & participes regni Dei, uidistis quæ Dominus IESVS per manus nostras opera facere dignatus sit. Nos quidem ministri fuimus uoluntatis illius: ille uerò auctor operum, quæ à nobis fieri uidebantur, extitit, illoque iubente omnia fiebant. Quare illa signa, dona, requiem, ministerium, gloriam, fidem, communionem, munera, gratiam, quamdiu donauit ille, accepimus: quamdiu concessit, diuisimus. In illo conuersati sumus, in illo exultauimus, in illo uiximus. Sed nunc ad aliud is me opus uocat, quod cōsummari debet in Domino. Dissolui iam delectat, & esse cū Christo: ut hoc quod olim desiderauimus, tribuere is tandem dignetur.

1 Quid

Causa et origo, quæ templum sancti Dei de dicantur.

Nota plenā energiam orationis S. Ioannis.

Græca uox
est ἐγγύβη
ος, id est,
uadiūmoni-
ū, pignus.

Vides my-
steriū Tri-
nitatis.

Hæc est ue-
ra collecta.

Ex his ap-
paret histo-
riā primò
fuisse de-
scriptā ab
aliquo, qui
habebat omni-
bus, et mor-
ti s. Ioan-
nis inter-
fuerat.

Ioānes uir-
go obiit.

Quid igitur iam uobis pro euangeli relinquam? Sed habetis eius **A**
pignora, habetis depositum mansuetudinis eius atq; pietatis. In uo-
bis conuerfetur illud, in uobis castè uiuētibus delectetur. In uobis
præterea epuletur patrium cibum, ut faciatis uoluntatē patris qui
in cœlo est. Deniq; in uobis coronetur ea laurea, quam ipse com-
posuit his floribus, quos ipse proprio cruore uestiuit. Tu autem
Domine IESV, ecclesiam tuam quam ædificasti tibi, misericordia
tua benignè protege. Tu enim Domine solus misericors es, solus
pius, solus saluator et iustus: qui radix es immortalitatis, & fons in-
corruptionis, consortium nobis huius communionis sanctifica.
Et adiecit: Deus, qui solus es saluator, qui hanc plebem per glorio-
sam filiū tui passionem acquirere dignatus es in libertatem, & com-
manentem in tuis præceptis, & abundantē in tuis bonis operibus,
semper, quæso Domine, custodire digneris. Exaudi supplices ser-
ui tui preces, & dirige hanc plebem tuam, tibi dicatam, legibusq;
tuis seruientem, & quam adoptiuum tibi populum elegisti, insu-
per & filios uocare dignatus es. Dirige inquam, in præceptis tuis
diebus ac noctibus gradientem, per benedictum unigenitū filiū
tuum, qui nos elegit esse discipulos, & omniū tuarum pastores esse
constituit: qui tecum pater uiuit, dominatur, & regnat, cum san-
cto Spiritu, in sæcula sæculorum. Et cum cōpleuisset orationem,
petijt sibi dari panem: & respiciens ad cœlium, benedixit eum, &
fractum erogauit omnibus, dicens: Pars mea sit uobiscum, & ue-
stra mecum. Continuoq; ad Byrrum ait (hoc nomen uiro erat) ut **B**
adsumptis duobus fratribus, cum duobus cophinis & ferramētis,
sequeretur se. Egressus igitur summa cum animi tranquillitate, præ-
cepit ut pleriq; discederent. Et cum uenisset ad sepulchrum quod-
dam, unus de fratribus ait ad iuuenes quos Byrrus deduxerat: Fo-
dite filioli. & illi fodiebant. Urgebat uerò eos Apostolus, ut altius
foderent. Et cum illi præcepto obedirent, hortabatur cæteros fra-
tres, ut sequerentur Dominum, & singulorum affectus ædificabat
Dei uerbo: ne uideret ipse, dum iuuenes foderent, feriari. Vbi au-
tem, sicut uoluit, facta est fouea, nihil quoquam nostrū sciēte,
exiit uestem, et strauit eam in illa fouea, & stans sola linea ueste te-
ctus, extendensq; manus Deum inuocabat, dicēs: Deus pater om-
nipotens, & tu Domine IESV, qui seruū tuū speciali amore
fouisti, qui adnunciatus es à Patriarchis, nominatus es per regem,
redarguere & monere dignatus es per Prophetas: qui per Euan-
gelium miseratus es, & peccata domasti: qui per Apostolos pro-
uocasti, ut ad congregandum tuos populos conuenirent, quos siti-
entes uerbi tui fonte potasti, mitigasti asperos, & animi defectum
replesti Spiritus tui gratia: suscipe tādē Ioannis tui animā, quem
citò elegisti, sed serò adsumpsisti. Tu Domine, qui seruulum tuum
mundum à coniunctione foeminea præstitisti, te Domine rogo,
qui

A qui festinanti mihi ad nuptias in iuuentute demonstrasti te, atq; dixisti: Mihi necessarius es Ioannes, operam tuam quaero. Sed cum iuuentutis ardore uisus essem non seruare praeceptum, & diffusus quod integritatem seruare uix possem, animum ad nuptias appulsi: tu quasi bonus Dominus aegritudinem mihi corporis inferens, castigans castigasti me Domine, & morti non tradidisti me. Tertiò quoq; studentem nuptijs, impedimento leuiore reuocasti. Tu mihi Domine, in mari dignatus es dicere: Ioannes, nisi meus esses, permitterem tibi ut uxorem duceres. Tuum igitur hoc munus est, qui motum carnis edomare ac temperare dignatus es, fidem infundere, ut nihil mihi preciosius sit nisi tibi adhærere. Tu me de morte ad uitam, à saeculo ad regnum Dei, ab aegritudine animi ad sanitatem uocasti. Tu mihi uiuendi lex, spirandi gratia es, & certandi corona. Venio ergo ad te Domine, uenio ad conuiuium tuum: uenio inquam gratias agens, quia me dignatus es Domine IESU Christe, ad tuas epulas inuitare, sciens quod ex toto corde meo desiderabam te. Vidi faciem tuam, & quasi de sepultura suscitatus sum. Odor tuus concupiscentias in me excitauit aeternas: uox tua plena suauitate melliflua, & allocutio tua incomparabilis eloquijs angelorum. Quoties te rogavi ut ad te uenirẽ, dixisti tu: Expecta, ut populum meum liberes, crediturum mihi. & custodisti corpus meum ab omni pollutione, & animam meam semper inluminasti:

B & non dereliquisti me cum irem in exilium, & cum redirem: & posuisti in ore meo uerbum ueritatis tuae, ut commemorarem testimonia uirtutum tuarum: & scripsi ea opera quae oculis meis uidi, & ea uerba quae audiui ex ore tuo his auribus meis. Et nunc ego Domine commendo tibi filios tuos, quos tibi ecclesia tua uirgo, uera mater, per aquam & spiritum Sanctum regenerauit. Suscipe me, ut cum fratribus meis sim, cum quibus ueniens inuitasti me. Aperi mihi pulsanti ianuam uitae. Principes tenebrarum non occurrant mihi, nec ueniat mihi pes superbiae, & manus extranea à te non attingat me: sed suscipe me secundum uerbum tuum, & perduc me ad conuiuium epularum tuarum, ubi epulantur tecum omnes amici tui. Tu es enim Christus filius Dei uiui, qui praecepto patris mundi saluasti, qui & spiritum sanctum tuum nobis destinare dignatus es, ut nos de praeceptis tuis communes faceret ille: per eundem spiritum tibi gratias referimus, per infinita secula saeculorum. Et cum omnis populus respondisset Amen, lux tanta apparuit super Apostolum, per unam ferè horam, ut nullus eam sufferret aspectus. Et signans se totum astitit, & ait: Tu mecum Domine IESU solus. Et proiecit se supra tumulum in quo strauerat uestimenta sua, dicens nobis: Pax uobiscum fratres. ac omnes benedicens ac ualefaciens, deposuit se uiuentem in sepulchro suo, & iussit se operire, glorificans Dominum, & statim reddidit spiritum. Qui interfuimus, alij

In hac oratione S. Ioannis, totius uitae eius cursus relegitur.

Hic alludit ad Euangelium, quod S. Ioannes scripsit.

Nota emphasis orationis diuine.

Origo causa, quare supra capita sanctorum, et precipue Apostolorum, radij solares pinguntur.

Et hoc argumentum
est, Abdiā
interfuisse
morti S. Iō
annis.

gaudebamus, alij plorabamus. Gaudebamus, quòd tantā cernebamus gratiam: dolebamus, quòd tanti uiri aspectu & præsentiæ specie defraudebamur. Et protinus Manna exiens de sepulchro, apparuit cunctis, quam usq; hodie gignit locus iste: & fiūt uirtutes per orationes eius frequentes, hic ab omnibus infirmitatibus egroti liberantur, & periculis eximuntur, & precum suarum quisq; consequitur effectum. Hic est beatus Ioannes, de quo Dominus prius dixerat ad Petrum: Si eum uolo manere, quoad usq; ueniam, quid ad te? Tu uerò sequere me: significans, quòd beatus Petrus per crucem honoraturus esset Dominum. Hic ergo subito corporis somno requiescit in pace, per Dominum nostrū IESVM Christum: qui coronis laureis clarificat sanctos suos, & est æterna laus & expectatio omnibus electis eius. Ipsi gloria & æternitas, uirtus & potestas debetur, in sæcula sæculorum, Amen.

FINIS LIBRI QUINTI, DE REBUS A DIVO
IOANNE EVANGELISTA GESTIS.

LIBER SEXTVS ABDIÆ BABY-
*lonis episcopi, De historia beatorum, Iacobi, Simonis, &
Iudæ, fratrum, ex Hæbraica lingua in Latinum
sermonem per Africanum uersus.*



SIMON Cananeus cognomine, ac Iudas, qui & B Thaddæus, & Iacobus quem fratrem Domini quidam appellant, fratres germani fuerunt, ex Cana Galileæ oriundi, parentibus Alphæo & Mariæ Cleophæ filia. Quorum postremus ex eadem matre, sed patre diuerso natus fuit, Iosepho scilicet Iusto, eo cui desponsata beatissima Dei genitrix Mariæ fuit. unde & frater Domini, subintellige quoad carnem, Iacobus appellatus est: quia Ioseph Iacobi pater, desponsatam, uerum minimè nuptam Mariam uirginem habebat, quæ spiritu sancto postea impregnata, Saluatorem mundi Christum IESVM Dominum nostrum uirgo peperit. Itaq; ob huius uinculi occasionem à Christo inter discipulos, tres hi Mariæ Cleophæ filij recepti sunt, & posterius ad Apostolatus fastigium subleuati. Quorum minor natus Iacobus, Christo saluatori in primis semper dilectus, tanto rursus desiderio in magistrum flagrabat, ut crucifixo eo cibum capere noluerit, priusquam à mortuis resurgentem uideret, quod meminerat sibi & fratribus à Christo agente in uiuis fuisse prædictum. Quare ei primum omnium, ut & Mariæ Magdalene, & Petro, apparere uoluit, ut discipulum in fide confirmaret: & ne diutinum ieiunium toleraret, fauo mellis oblato, ad comedendum insuper Iacobum inuitauit.

Is mansit

A Is mansit post subleuationem Christi in cœlum, cum Petro & Ioanne Hierosolymis, & Iudæis uerbū Domini predicabat. quod eo facilius etiā facere poterat, quia in templo Salomonis publico fungebatur ministerio. Igitur nondum elapso quartodecimo anno à passione Domini, quando Paulus hunc cum Tito & Barnaba itineris socijs cōuenerat, dextrasq; Iacobo & Petro atq; Ioanni porrexisset, conuenientibus duodecim Apostolis in Hierusalem ad diem festum Paschæ, præsidente Iacobo, & populo audiente, breuiter exposuerunt singuli, quæ in locis singulis fuerant per eos gesta. In quibus diebus Caïphas Pōtifex, missis ad eos sacerdotibus, rogauit eos, ire ad se, ut aut rationem docerent, quia IESVS ipse sit æternus Deus ac Christus: aut ipse cōtrā doceret, quia non sit. Constituto igitur diē ascenderunt in templum Apostoli, & coram omni populo protestari cœperunt de IESV, simul & arguere Iudæos de multis, quæ ab his absurdè gerebantur. Et cum starent in gradibus templi, factō populi silentio, docuerunt sacerdotes de uno solo Deo Christo IESV, Saducæos de resurrectione mortuorum, Samaritas de consecratione Hierusalem, Scribas deniq; & Phariseos de regno cœlorum: uniuersum uerò populum, quia IESVS est Christus æternus, informarunt. Ad ultimum autem monuerunt, ut priusquam progredierentur ad gentes predicare agnitiōē Dei patris, ipsi reconciliārētur Deo, suscipiētes filiū eius: alias enim eos nullo modo, ostenderunt, posse saluari, nisi per sancti Spiritus gratiam trinæ inuocationis dilui baptismate properarent, & Eucharistiam Christi Dominisumerēt, cui soli de his quæ docuit credere deberent, ut sic æternam salutem consequi mererentur. Ita igitur cum per septem dies persuassissent populo & Pōtifici, ut confestim ad percipiendum Baptisma festinarent, cumq; iam res in eo esset ut uenirent & baptizarentur, ecce homo quidam inimicus, tunc cum paucis admodum ingrediens templum, clamare cœpit, & dicere: Quid facitis o uiri Israhelitæ? cur nobis tam facile subripitur? cur præcipites ducimini ab hominibus infœlicissimis, & à mago deceptis? Cumq; hæc diceret, & hæc audiretur ac superaretur ab episcopo Iacobo, conturbare populum & seditiones suscitare cœpit, ita ut ea quæ ab Apostolo dicebantur, plebs minimè posset audire. Igitur exagitare cuncta clamoribus, & quæ fuerant multo labore ordinata conuellerē, simulq; incusare Sacerdotes, & opprobrijs atq; increpationibus cœpit cunctos accendere. & ueluti furibundus, singulos quosq; ad cēdem concitabat Apostolorum, dicens: Quid agitis? quid cessatis, o segnes & desidēs? cur non manibus nostris inuadimus, & discerpimus hos omnes? Et cum hæc dixisset, primus rapto ex ara usto, cædis fecit exordium. Tum deinde & cæteri uidentes eum, simili ferebantur infania, fit omnium clamor, cædentium pariter & cæsorū, & sanguis ubiq; plurimus funditur,

Huius rei meminit etiā Paulus in epist. ad Galatas.

Nota Apostolorum protestatio, et commotionē in cœtu sacerdotū & populi Hierusalem.

funditur, & fuga permixta habetur: cum interim ille inimicus ho-
mo, Iacobum adgressus, de summis gradibus præcipitem dedit.

Quem cum mortuum credidisset, ultrà multare neglexit. In qua
collisione, uno pede debilitatus, pessimè claudicabat. Hominem

*S. Iacobus
claudus ef-
fectus.*

*Ad S. Pau-
lū allusio,
antequam
uocatus à
Christo fu-
isset.*

uerò inimicum saluum fuisse manifestum est, quem postea Domi-
nus ad Apostolatus ministerium destinauit. Igitur Iudæi post-
quam Paulus ad Cæsarem, quem appellauerat, à Festo Præsidente mis-
sus est, & frustratas insidias quas ei intenderant, uident, in Iaco-
bum fratrem Domini, immanitatem nequitiae suae uertunt. Quem
hoc modo adorti sunt. Productum in medium, abnegare eum fi-
dem Christi coram omni populo expetunt. At ille, contra omni-
um opinionem, uoce satis libera, & multo maiore quàm uellent,
coram uniuerso populo, cum omni fiducia profitetur, filium Dei
esse Saluatorem & Dominum nostrum IESVM Christum. Tum
illi non ferentes tam graue & tam liberum testimonium uiri,

*Hinc Iusti
cognomen-
tum S. Iaco-
bo additum
est.*

pro eo maximè, quod iustissimus apud omnes habebatur, ob reli-
giosae & continentissimae uitae merita, in necem eius uertuntur,
& fauētes sibi occasione tēporis, et ex morte Rectoris, alios quàm
plurimos asciscunt. Contigerat tum fortè Festum apud Iudaeam
obire cunctos, ac sine rectore ac principe esse Prouinciā. Nam
mortis Iacobi modus licet à Clemente & alijs fuerit intimatus,

*Egesippus
citatus.*

exploratus tamen de eo Egesippus, qui postea primas Apostolo-
rum successionis fuit, quinto Commentariorum suorum libro his
uerbis refert: Suscepit (inquit) ecclesiam cum Apostolis frater
Domini Iacobus, qui ab omnibus cognominatus est Iustus, ab
ipsis Domini temporibus perdurans usque ad nos. Et multi qui-
dem Iacobi uocati sunt, sed hic ex utero matris suae sanctus fuit.

*Iacobus ex
utero ma-
tris sanctus.*

Vinum & siceram non bibit, sed neque animal manducauit, fer-
rum in caput eius non ascendit. Oleo non est perunctus, sed neque
balneis est usus. Huic soli licebat introire in Sancta sanctorum.
Neque enim laneo utebatur indumento, sed tantum sindone. Solus
ingrediebatur templum, & iacebat supra genua sua, orans pro po-
puli indulgentia, ita ut orando callos faceret in genibus ad modum
cameli semper genua flectendo, nec unquam ab oratione cessan-
do. Itaque pro incredibili hac continentia, & summa iustitia, appella-
tus est Iustus: & Oblitas, quod est interpretatum, munimentum popu-
li & iustitia, sicut & Prophetæ indicauerunt de eo. Quidam ergo de
septem haeresibus quae erant in populo, de quibus superius diximus,
interrogabant eum, quid esset ostium Domini? At ille dicebat:
Hunc esse Saluatorem. Ex quibus aliquanti crediderunt, quia IESVS
est Christus. Illae autem haereses, quas supra scripsimus, non cre-
diderunt, neque surrexisse eum, neque uenturum ut retribuat unicui-
que secundum opera sua: Qui uero crediderunt, per Iacobum
crediderunt. Ex quibus cum multi etiam ex principibus credi-
dissent,

*S. Iacobus
Apostolus
fuit Iudae-
& Palesti-
narum.*

A dissensu, perturbatio erat Iudæorum, dicentium: Nihil iam superest, quin omnis populus credat in Iesum, quod ipse sit Christus. Conuenientes igitur ad Iacobum, dicebant ei: Oramus te, ut reuocēs populū: quia ecce errat in Iesu, putans quod ipse sit Christus. Deprecamur ergo te, ut suadeas omnibus conuenientibus in die Paschæ, de Iesu. Tibi enim omnes obtemperamus, & de te, tam nos quàm populus, testimonium ferimus, quia iustus es, & personam ullius non accipis. Tu ergo suade populo de Iesu, ne erret, tunc omnes tibi obediemus. Ascende itaq; in excelsum locum pinnæ templi, ut in edito positus appareas omnibus, & uerba tua audiantur à cunctis: quia in diebus Paschæ cōuenient non solum Iudæorum, sed & gentilium multitudo. Statuerunt igitur supradicti Scribæ & Pharisei, Iacobum supra pinnam templi, & uoce magna clamantes, dixerunt: Virorum iustissime, cui omnes nos obtemperare debemus, quoniam populus errat post Iesum qui crucifixus est, enuncia nobis, quid sit ostium Domini. Tum Iacobus ad eos ingenti uoce respondit: Quid me interrogatis de filio hominis? Ecce ipse sedet in cœlo à dextris summæ uirtutis, & ipse uenturus est in nubibus cœli. Cum hac responsione & testimonio Iacobi multis satisfactum esset, & libenter audiuiissent, quod Iacobus sic de Christo foret protestatus, cœperunt glorificare Deum, & dicere: Osanna filio Dauid. Tum rursus ipsi Scribæ & Pharisei cœperunt ad inuicem dicere: Malè fecimus, ut tale is testimonium præstaret de Iesu. Sed ascendamus, & præcipitemus illum deorsum, ut cæteri terreantur, & non credant ei. simul & uoce magna clamauerunt, dicentes: O o, & iustus errauit, & compleuerunt in hoc scripturam, quæ in Esaia scripta est, dicentem: Aufe ramus Iustum, quoniam inutilis est nobis, propterea fructum operum suorum manducabunt. Ascenderunt ergo, & præcipitauerunt eum, & dicebant ad inuicem: Lapidetur homo iste. Et his dictis, cœperunt beatum Iacobum lapidibus urgere. Qui deiectus nō solum mori nō potuit, quin conuersus & super genua sua procumbēs, dicebat: Rogo Domine Deus pater, dimitte eis peccatū, non enim sciunt quod faciunt. Cumq; eum talia orantem de super lapidibus perurgerent, unus de sacerdotibus, de filijs Rhachabitarum (de quibus protestatur Hieremias propheta) exclamauit dicens: Parcite quæso, quid facitis? Pro uobis orat Iustus iste, quem lapidatis. Et unus ex ipsis fullo, arreptum fustem, in quo res exprimere solent, cerebro eius inlisit. Ita beatus Iacobus, cui Iusti cognomentum fuit, tali tandem martyrio consummatus est, ac sepultus in eodem loco prope templum. Atq; hic ille est, qui extitit ueritatis testis Iudæis & gentibus, quia IESVS est Christus, filius Dei uiui, qui cum patre & Spiritu sancto dominatur & regnat in cuncta sæcula sæculorum. Atque hæc de Iacobo, Cuius fratres

Hic incipit
historia de
Simone &
Iuda.

maiores natu, Simon cognominatus Cananæus, & Iudas, qui & A
Thaddæus & Zelotes, & ipsi Apostoli Domini nostri IESV Chri
sti, cum per reuelationem Spiritus sancti Persidem fuissent regio
nem ingressi, inuenerunt statim inter initia suæ prædicationis du
os ibi magos, Zaroen & Arfexat, qui à facie sancti Matthæi apo
stoli de Aethiopia fugerunt. Erat autem doctrina eorum praua,
ita ut Deū Ahraham & Deum Isaac & Deum Iacob blasphemantes,
deum dicerent tenebrarum, & Moysen dicerent maleficum
fuisse, denique omnes Prophetas Dei à deo tenebraum missos adser
rerent. Præterea animam hominis partem Dei habere dicerent,
corporis uero figmentum à Deo malefactum esse: & ideo ex con
trarijs substantijs constare, in quibus lætatur caro, anima contri
statur: & in quibus exultat anima, & corpus affligitur. Solem &
Lunam deorum numero applicantes, aquam simul deitatem habe
re, docebant. Dei autem filium, Dominum nostrum IESVM Chri
stum, phantasiam fuisse, nec uerum hominem, nec ex uera uirgine
natum, nec uerè tētatum, nec uerè passum, nec uerè sepultum, nec
uerè tertia die resurrexisse à mortuis, adfirmabant. Hac prædi
catione polluta Persida post Zaroen & Arfexat, magnum meruit
inuenire doctorem, per beatos apostolos Simonem & Iudam:
id est, Dominum IESVM Christum, qui se diceret Spiritum san
ctum de cœlo missurum, iuxta promissum dicentis: Vado ad pa
trem, & mitto uobis Spiritum paracletum. Hac igitur causa susce
B
pto itinere, ut Persida à seductione nequam doctorum liberarent,
ut primū ei appropinquarent, quos diximus, apostoli Simon
atque Iudas, occurrentem habebant exercitum Varardach ducis re
gis Babyloniorum, cui nomen erat Xerses. Hic autem contra In
dos, qui fines Persidis inuaserant, susceperat bellum: erantque in co
mitatu eius sacrificatores, & arioli, & magi, & incantatores, qui per
singulas mansiones, sacrificantes dæmonijs, dabant responsa falla
ciæ suæ. Contigit autem, ut die qua Apostoli in exercitu erāt, con
cidentes se, & sanguinem suum effundentes, nullum penitus dare
potuerunt duci belli responsum. Quapropter porrexerunt ad fa
num uicinæ ciuitatis, & consulentes illic dæmonia, dæmonē cum
ingenti mugitu ita audiuerunt loquentem: Dñ qui uobiscum co
mitabantur, euntibus ad prælium propterea dare non possunt re
sponsa, quia duo homines isthic sunt, Simon & Iudas, qui tantam
consecuti à Deo sunt uirtutem, ut nullus nostrorum audeat illis
præsentibus loqui. Quæ cum accepisset Varardach dux regis Xer
sis, fecit eos in exercitu inquiri. Quos cum inuenisset, coepit ab eis
quærere, unde essent, aut quid essent, aut quare uenissent in illas
terras? Cui sanctus Simon apostolus ait: Si genus quæris, Hebrei
sumus: si conditionem, serui sumus IESV Christi: si causam quæ
ris, salutis uestre causa uenimus, ut relicto errore simulachrorū,
Deum

A Deum qui in coelis est possitis agnoscere. Cui respondens Varardach dux: Nunc (inquit) ad praelium maturo, ut Indos ab inuasionem Persidis arceam, antequam Medorum aduersus nos auxilia colligant. Quare non est opportunum mihi, ut de rebus uestris nunc discutiam. Cum uero foelix fuerit reuertendi successus, audiam uos. Ad quæ Iudas apostolus: Mede, magis congruum est (inquit) te cognoscere illum, cuius ope & auxilio possis uictor existeré, uel eos saltem qui tibi rebelles sunt, pacatissimos inuenire. Tum Varardach dux: Quia audio deos uestros, uobis coram positis, uobis dare responsa, uolo ut uos nobis futura prædicetis, ut quos belli exitus habituri simus, scire queam. Tum Simon: Ut agnoscas (ait) errorem horum quos tibi putas prædicere, damus illis potestatem respondendi tibi, ut dum dixerint quæ ignorant, probemus eos per omnia fuisse mentitos. Cumq; orationem fudissent ad Dominum, dixerunt: In nomine Domini nostri IESU Christi, præcipimus, ut more solito detis responsa his qui interrogare consueuerunt. Ad hanc uocem coeperunt phanatici eorum arripere & dicere: Grande bellum futurum esse, & utrinq; multos præliantes interfici posse. Tunc Apostoli Dei, ex abundantia læticiæ in risum soluuntur. Quibus Varardach: Me (inquit) timor inuasit, & uos ridetis? Dicunt ei Apostoli: Cesset timor tuus, quoniam in ingressu nostro pax uobiscum intrauit in istam prouinciā. Quare mitte profectionem tuam. nam crastina die, eadem hac hora, id est tertia, uenient ad te quos premisisti cum legatis Indorum, qui uobis terras inuasas, restitutas imperio uestro nunciabunt: & solutis tributis, aditum referent: & paci uestre, ad quasq; conditiones uolueritis, gratanter consentientes, pactum firmissimum stabiliē. At Pōtīfices ducis hæc irridētes: Domine dux, inquiunt, noli istis hominibus fidem dare, uanis & mendacibus, aduenis scilicet & ignotis, qui ideo grata loquuntur, ne exploratorum loco habeantur. Isti autem dñi nostri, qui nunquam fallunt, dederunt tibi responsum, ut sis cautus, & ad res omnes sollicitus: non quemadmodum illi qui te studiose reddere securum conantur, ut dum minus cautus fueris, possis ex improviso & acrius & facilius adori ri. Respondens autem sanctus Simon apostolus, dixit: Audi me dux. Nos aduenę & ignoti, & mendacissimi, nō unum mensem te expectare iubemus: sed diximus, Expecta unum diem, & cras manē circa horam tertiam uenturi sunt quos misisti. Venient autem cum eis Indorum honorati, qui conditiones à te accipient, ut sint deinceps tributarij Persarum. Hęc cum animaduertent sacerdotes Persarum, qui in exercitu erant, propalā clamabant: Aureas & gemmatas inter, purpureas & auro tectas uestes, inter pateras & bissum, sericumq; & omnem gloriam Babylonici regni, dñi nostri splendidi, suæ diuinitatis responsa dantes, aliquando fallere

possunt: & isti pannosi, & personam nullam habentes, tantum sibi **A** tribuere audent? quos uel uidere, uel audire, iniuria est. Et hos tu Domine dux ad iniuriam deorum nostrorum non punis? Tum dux: Hoc magnum est (inquit) quia aduenae & pauperes atq; ignoti, cum tanta hoc constantia adseuerant, quod deorum nostrorum testimonio uidetur esse contrarium. Dicunt ei Pontifices: Iube eos custodiri, ne fugiant. Respondit dux: Ego non solum iubeo eos custodiri, sed ipsi etiā uos in custodia eritis usq; in crastinum, ut rerum exitus doceat, si possit eorum testimoniū comprobari. Posthac iudicabitur, quis meritò debeat condemnari. Factum est autem in crastino, iuxta uerbū Apostolorum, uenerunt nunciij qui missi fuerant cursu uelocissimo in dromedis, & nunciarunt omnia ista esse, sicut Apostoli paulo antè intimarunt. Quare indignatus dux, iussit pyram accendi, ut ibi sacerdotes suo igne consumeret, & hos omnes qui Apostolos obfuscare nitebantur. Apostoli autem prostrauerunt se duci, dicentes: Obsecramus domine, ne efficiamur nos causa interitus eorum: qui pro salute hominum huc missi sumus, ut uiuificaremus mortuos, non ut uiuentes occidamus. Itaq; cum diu aspersi puluere, prouoluti pedibus ducis iacerēt, respōdit ille: Miror uos ita pro istis interuenire, qui nihil aliud egerunt per omnes comites meos & Tribunos ac Satrapas, & ad hoc præmia ingētia cōtulerunt, quā ut uos incenderēt uiuos. **B** Ad quæ extēplō Apostoli: Disciplina (inquiūt) magistri nostri has leges tenet, ut non solum malum pro malo non reddat, sed etiam bona pro malis restituat. Estq; hoc solum discrimen inter nos & cæteras disciplinas, quia omnes reliqui malū reddunt pro malo, omnesq; odentes se odio habent. Nos autē e cōtrā diligimus inimicos nostros, & benefacimus his qui nos odiūt, et oramus Dominū pro calumniantibus & persequentibus nos. Quæ cū audiuiisset dux: Vel hoc permittite (inquit) facere, ut omnia bona eorum uobis tradantur. Et cum hæc diceret, iussit inquiri quanta esset facultas Pontificum. Et respondentes tabularij fisci, dixerunt: Vnus Pontifex unam libram auri in uno mense de fisco consequitur. Et computati sunt centum & uiginti talentorum: excepto eo qui sacerdotij arcem tenebat, qui quadruplum consequebatur in auro. Congregatae sunt itaq; familiae & uestes, & ministerium, & argentum & aurū, & iumenta, & omnia quæ habere poterant, nec poterat dinumerari facultas eorum. Ita congregatis opibus, dux ad regem reuersus, Apostolos Domini commendauit, inquiens: Hi sunt sub effigie hominū latētes, quos dii nostri timent, qui neq; sine illarum cōcessione dare respōsa hominibus possunt. Et ipsa responsa illorum falsa fuisse, & oracula illorum, & euentus ipsi comprobauerunt. Isti autem sacerdotes nostri, dum dicerent eos aduenas fallētes, quibus nō deberet credi, & insisterent apud

nos.

Vel hoc aut
toris fidē cō
firmat. nā
tabularios
in prouin-
cijs cōstitu-
isse et Au-
gustū Sue-
tonius, &
Capitoli-
nus M. Ca-
sarē tradūt,
apud quos
& censum
singuli ostē-
derēt, et no-
mina acci-
perent.

A nos ut puniremus eos : dumq̃ utrosq̃ in custodia haberemus , ut pars quæ uera diceret, remuneraretur, & quæ fefellisset, puniretur: deniq̃ ubi omnia eo ordine quo isti prædixerant, sunt adimpleta, & uellem eos hoc pati, quod illi istos pati elaborauerant : ecce isti precibus apud me egerunt boni uiri, ut nihil penitus paterentur mali. Et cum facultates eorum iussissemus conferri, has tamen illi nihilominus contemnunt, dicentes: Nobis non licet aliquid possidere supra terram, ex eo quòd nostra possessio est in cœlo, quæ est æterna, & ubi immortalitas regnat. Quin & illud insuper addunt Nulla ratione possumus accipere uel aurum, uel argentum, uel uestes uel domos, aut prædia aut seruos. Ista enim omnia terrena sunt, & morientem hominem non sequuntur. Quibus cum dicerem, uel aliquantum ut acciperent inde, quòd pauperes & peregrini essent, persuadere nequiuimus. Non sumus (dixerunt illi) pauperes, qui diuitias cœlestes habemus. Sed si uis ut ad salutē animæ tuæ proficiat census ille, eroga pauperibus, eroga uiduis & orphanis, eroga infirmis & adflctis, libera debitores qui à creditoribus exagitantur, eroga publicè manum porrigētibus, & omnibus qui his opibus indigent. Nam nos terrenum nihil desideramus. Hec & alia cum dux apud regem Xersen disseruisset, excitati in zelum qui cum rege fuerant Zaroes & Arfexat magi, simul indigna bundi, rumores sparserunt: Malignos eos homines esse, qui cōtra deos gentis, contraq̃ regnū tam astutē molirētur. Nam si uis scire Rex (inquiunt) quòd ea uera sunt quæ dicimus, nō prius permittemus hos loqui, quàm deos tuos adorauerint. Tum dux: Audetisne cum illis habere conflictum, ut si uiceritis eos, tum demum abiciantur? Dixerūt magi: Aequum est, ut sicut nos adoramus deos nostros, ita adorent & illi. Respondit dux: Hoc scilicet conflictus uester ostendet. Ad hæc iterū magi: Vis uidere (inquiunt) potētiā nostram, ut probes quia non poterunt loqui nobis præsētib: iube ad stare hic, qui sint eloquentes in linguis, acutissimi in argumentis, & clamosi in uocibus. Et si tunc ausi fuerint nobis præsētib: loqui, probabis nos esse imperitissimos. Tunc iussu regis & ducis, omnes aduocati præstò facti, ita sunt à duce admoniti, ut quanta possent constantia, haberent cum his magis contentiones, & eos à defensionum proposito, argumentorum suorum proposito excluderent. Et cum in præsētia regis & ducis, cuncto rumq̃ sublimium magi locuti essent, omnis illa aduocatio ita mutata est, ut nec nutibus, quòd loqui nō poterat, indicaret. Et cum unius ferè horæ transisset spacium, dixere magi ad regem: Vt scias nos ex deorum esse numero, permittimus eos quidem loqui, sed ambulare non posse. Quod cum fecissent, adiecerunt dicentes: Ecce reddimus eis gressum, sed faciemus eos apertis oculis nihil uidere. Cumq̃ & hoc fecissent, expauit cor regis & ducis, dicentibus

amicis eorum, non debere cōtemni hos magos, ne & regi & duci A
 inferant debilitatem in membris. Igitur hoc spectaculum à primo
 mane usq; ad horam sextam dum spectatur, aduocati mœrere con-
 fecti, ad suas reuersi sunt quisq; domos, nimio animi impulsu fati-
 gati. Dux uerò cum haberet amicos Apostolos, eis narrauit om-
 nia quæ dicta quæq; facta extiterant. Dixerunt duci Apostoli: Vt
 scias, nobis præsenti- bus figmenta illorum ualere nō posse, & ideo
 timere eos nostram præsenti- am, iube aduocatos ipsos ad nos ueni-
 re, priusquam ad ipsos uadant. Et posteaquā ad nos uenerint, ita
 ingrediantur ad regem, similem habituri conflictum; & si præualu-
 erint eis, tū scias nos ab his aliquatenus uinci posse. Conuocauit i-
 gitur dux omnem illam aduocationem in domo sua, & quasi com-
 patiens illis, dixit: Doleo equidem uerecundiae uestrae, quam estis
 intra regalem aulam perpessi. Vnde sciatis, me inuenisse homines,
 qui uos moneant & doceant, ut non solum uobis non praeualeant,
 sed etiam à uobis superati discedant. Tunc omnis illa multitudo
 aduocatorum prostrata, duci gratias agens, & eorum singuli cœ-
 perunt precibus agere, ut dictum facto compleret. At ille protulit
 eis Apostolos Domini, Simonem & Iudam. Videntes autem ad-
 uocati homines uilissima ueste indutos, quasi in despectu eorum
 cœperunt habere personas. Quos facto silentio sic allocutus est Si-
 mon: Scipissimè euenire, ut intra scrinia aurea & gēmata, uilia quæ-
 dam habeantur inclusa: & intra uilissimas & ligneas capsas, sint gē B
 marum monilia preciosa reposita. Solere etiam uasa pulcherrima
 aceto repleta, execrationi & contemptui subiacere: cōtrā uerò, ua-
 sa foedissima in aspectu, uino tamen intus optimo repleta, ambitio-
 nem sui saporis excitare gustantibus, ita ut neglecta uisione, con-
 temptui uilia quæ aspectus offendit, de sola cogitent homines sua-
 uitate, quæ intrinsecus latet. Imò quicūq; (inquiunt) alicuius rei cu-
 pit esse possessor, non magnopere gestatorium, sed ipsum quod ge-
 statur spectat. Non ergo offenda- t aspectum uestrum, uilis hic no-
 ster habitus, intus enim latent ea, quæ æternā uos faciant & gloriā
 inuenire, & uitā. Nos quippe omnes homines, de uno patre & de
 una matre nati sumus. Qui cum facti essent & positi in regione ui-
 uorum, suadente angelo inuidiæ, praeuaricati sunt in lege, quam à
 suo conditore susceperant, suntq; serui facti eius cui suadenti ob-
 temperauerunt. Deinde cum ipso angelo, ab illa uitæ æternæ regi-
 one, in huius terræ exilium proiecti sunt. Misericordiā tamen ni-
 hilominus Deus & in hac parte suam constituit, ut sic homo crea-
 torem suum solum Deum excoleret, et elementa non adoraret, nec
 diceret ligno quod ipse dolauerat, Tu es Deus meus. Recessit
 autem à Deo suo homo, à custode suo: & quod maius est, à Salua-
 tore suo, ut suo pareret inimico. Hunc autē errorē in hominib. hic
 angelus princeps inuidiæ ideo nutriuit, & nutrit, ut ipse eis domi-
 netur,

Elegans cō-
 paratio.

Anetur, & faciat de eis quod ipse uoluerit: conaturq; auocare Deū uerum, quē iste angelus timet, à genere humano. Hac de causa per magos suos, quando uoluit, fecit uos tacere: rursus fecit uos inuidere, deniq; fecit uos immobiles permanere. Vnde, ut probetis ita esse, uenite ad nos, & promittite uos ab idolorū cultura recedere, & solum Deum inuisibilem adorare ac colere. Et cum hæc feceritis, imponemus manus nostras super capita uestra, & signū Christi faciemus in frontibus uestris. & si tum non confutaueritis eos, credite nos fallere omnia quæcuncq; asserimus. Tum uniuersi illi aduocati, considerantes rationem ueram, prostrauerunt se Apostolis dicentes: Facite ergo quæsumus, ne in nobis possint linguæ impedire officiū, nec aliqua in membris nostris impedimenta inferre: & sit supra nos ira Dei, si ultrà idolis crediderimus. Quæ cū ab aduocatis dicta essent, procūbentes humi sancti apostoli Simō & Iudas, orauerunt ad Deum in hæc uerba: Deus Israel, qui exinanisti magica figmenta Iamnes & Mambres, & dedisti eos in confusionem & ulcera, & perire eos iussisti: sic faciat & hic manus tua super hos magos Zaroen & Arfexat. Hos autem famulos tuos, promittentes quòd ab omni cultura idolorum abscedēt, fac fortes & stabiles, & constanter aduersus eos insurgere, ut cognoscant omnes, quia tu es unus omnipotens, qui regnas in sæcula sæculorum. Cumq; respondissent, Amen: signatis frontibus abierunt. Ingressi sunt autem cum duce ad regem. Haud multo pòst adfunt & magi, tentantes ea quæ antea fecerant, & nulla poterant ratione præuallere. Tum ex aduocatis unus Zebeus nomine, dixit: Audi domine rex, ista stercola abiicienda sunt, & ex tuo regno emundanda, ne fortè omnibus putredinē generent. Habent enim secum angelum humani generis inimicum, & ludificant in hoc homines, ut quàm plurimos angelus iste malus habeat subiectos. Habet autem hos subiectos, qui non sunt Deo omnipotenti subiecti. Iam uerò idcirco insistebant magi, ut Apostoli sancti hos deos adorarent: quo facto, Deum uerū offenderent, & deinceps ipsi in illis facilius per angelum illum malignū sua præstigia exercerent. Deniq; signum Dei sui in frontibus nostris, digitis suis faciētes, miserunt huc, ista uerba adiiciētes: Si post istud signaculum Dei, præualuerint artes illorum, sciatis nos quæ docemus uniuersa mentitos. Ecce nunc igitur, in Dei omnipotentis nomine adsumus, insultamus & opponimus nos magis: si possunt, agāt, quæ hesterno gesserunt. Quæ cū uiderent magi, indignati, multitudinem serpentū uenire fecerunt. Quare terrefacti qui aderāt, ut Apostolos rex uocaret, clamarūt. Missis igitur nuncijs, mox uenerūt Apostoli, qui implētes pallia sua de serpentib. miserūt in eosdē magos dicentes: In nomine Domini nostri IESV Christi nō moriemini, sed morsibus eorū attrēctati, dolorum uestrorum mugitum dabitis. Statimq; serpentes coe-

Loquebatur Simon hæc ad sapientes ac eloquentes Persarum aduocatos.

perunt carnes eorum deuorare. Illi autem ululabant, ueluti lupi. **A** Quæ uidens rex, & omnes qui aderant, dicebant Apostolis: Permittite, ut magi moriantur ab eis. At illi responderunt: Nos missi sumus, à morte ad uitam cunctos reducere, non à uita præcipitare in mortē. Facta igitur oratione, dixerunt Apostoli serpentibus: Redite in nomine IESU Christi ad loca uestra, atq; omne uenenu quod in hos magos infudistis, auferte uobiscum. Nouos itaq; cruciatus magi patiuntur, cum serpētes uenena sua moribus renouatis tollerent, fugentes sanguinem eorum. Itaq; ablegatis serpentibus, adlocuti sunt Apostoli magos in hæc uerba: Audite impij scripturam sanctam dicentem: Qui proximo suo parat foueam, ipse prior cedit in illam. Vos quidem nobis parastis mortem: Nos autem rogauimus Dominum nostrum IESUM Christū, ut nos à morte præsentē eriperet. Deniq; qui per multos annos moribus his repentinis affligi poteratis, ecce tertia die transacta, precibus nostris recuperata uobis sanitas redonabitur. Forsitan uel sic ab impietate uestra cessabitis, dum ueritatem Dei circa uos exsuperare, probare possitis. In istis autem tribus diebus, ideo permittimus uobis dominari dolores, ut poeniteamini pro erroribus uestris. Hæc cū dixissent Apostoli, deportati sunt ad hospitalia magi, qui per triduum nec cibum capere, nec bibere ullo modo poterant, sed in his sola uociferatio doloribus extorta incessabilis extitit. Postea, cum iam res in eo esset, ut pariter expirarent magi Zaroes & Arfexat, **B** accesserunt eos Apostoli, dicentes: Nō dignatur Deus habere coacta seruitia: ideo surgite sani, habentes liberam facultatem cōuertendi à malo ad bonum, & exeundi à tenebris ad lumen. At illi permanentes in perfidia sua, sicut à facie Matthæi apostoli fugerunt, sic & ab his duobus Apostolis fugientes, ad simulachrorum cultores, per totam Persidis regionem, ut Apostolis inimicitias excitarent, ubiq; dicebant: Ecce ueniunt ad uos inimici deorum nostrorum. Si uultis deos uestros habere propitios, compellite eos sacrificare illis. Si autem nolueritis, saltem interficite eos. Hæc cum ita inter Apostolos & magos in Perside gesta fuissent, rogati à rege et duce beati Simon & Iudas, ab eo tempore morabantur in Babylone, facientes quotidie mirabilia magna, in luminantes cecos, surdis reddentes auditum, claudicantibus gressum, mūdantes leprosos, fugantes deniq; ab obsessis corporibus omnis generis daemonia. Habebant autem secum discipulos multos, ex quibus ordinabant per ciuitates presbyteros & diaconos & clericos, & ecclesias multas constituiebant. Factum est autem, ut unus ex diaconibus, pateretur crimen incesti. Erat enim uicinus filiae Satrapæ cuiusdam ditissimi hominis, quæ perditā uirginitate partum edens periclitabatur. Interrogata autem à parentibus, uirum Dei sanctum & castum Euphrosinum diaconū impetebat. Qui tentus à parentibus

puellæ,

S. Simonis
et Iudæ ha-
bitatio in
Babylone.

A puellæ, urgebatur subire uindictam. Quod ubi Apostoli audiuerunt, uenerunt ad parentes puellæ. At illi cum aspexissent Apostolos, coeperunt clamare, & diaconū reum huius criminis accusare. Tum Apostoli: Quādo (inquiunt) natus est puer? Responderunt: Hodie hora diēi prima. Dicunt eis Apostoli: Perducite hūc infantem, & diaconū quem accusatis huc pariter adducite. Cumq; in præsentiā essent, alloquuntur Apostoli infantē dicentes: In nomine Domini nostri IESV Christi loquere, & dic, si iste diaconus præsumpserit hanc iniquitatē. Tum infans absolutissimo sermone ait: Hic diaconus uir sanctus & castus est, & nunq; inquinauit carnē suam. Rursus autem insistebant parentes Apostolis, ut de persona infans interrogaretur incæsti. Qui dixerunt: Nos innocentes soluere decet, & nocentes prodere nō decet. Dum hæc Babylonie fierent ab Apostolis Domini, interea euenit, ut duæ tigrides ferocissimæ, quæ erant in singulis caueis clausæ, fortē fortuna liberatæ fugerent, & quidquid in occurſu inuenirent, deuoraret. Quare cōsternatus omnis populus, ad Apostolos Dei cōfugit. Apostoli autem inuocātes nomen Domini IESV Christi, iusserunt ut sequerentur eos in domum, in qua manebant. Et per triduū ibi manserunt. Et cōuocantes ibi omnem multitudinem, dixerunt: Audite omnes filij hominū, qui ad imaginem Dei facti estis, quibus dedit Deus ingeniū, memoriā & intelligentiā: considerate feras, quæ nunquā mansuescere cōsueuerant, audito nomine Domini IESV Christi, in agnos conuersæ sunt: & homines in tanta adhuc perdurant obstinatione, ut non intelligant, deos non esse figmenta hæc aurea & argentea, quæ flata sunt, & ad arbitriū hominis fabrefacta, uel de lapide aut ligno sculpta: Dominum autem qui uos creauit, ignoratis, qui dat uobis pluuiā de cœlo, & producit uobis panem de terra, & uinum ac oleum de furculis ligni. Vt autē sciatis, quia ipse est uerus Deus, erunt uobis in testimoniū tigrides istæ, ut ipse uos admoneant quodāmodo, ut non alterū colatis Deum, nisi Dominum nostrum IESVM Christum, in cuius nomine istæ mansuetæ factæ, quasi oues in medio uestri conuersabuntur, uespere autem facto in suā cellulam reuertentes manebunt. Interea nos suscepto itinere, reliquas ciuitates peragrabimus, & prouincias, ut Euangelij Domini nostri IESV Christi prædicatio cunctis innotescat. Quæ cum audirent ex Apostolis, flebant populi, rogantes ut non discederēt. Ad quorum petitionem unū adhuc annum & menses tres in Perside beati Simō & Iudas remorati sunt. In quo spacio amplius quā sexaginta milia uirorū baptizati sunt, exceptis paruulis & mulieribus: baptizato primū rege, cum uniuersis dignitatibus suis. Præterea uidentes omnes infirmitates uerbo curari, in luminari cæcos, mortuos etiam suscitari in nomine Domini IESV Christi, uniuersi populi crediderunt, destruentes templa, &

Nota admiranda hystoriam.

Aureum dictum.

Elegans comparatio.

Ex his rur-
sus appa-
ret, autore
huius histo-
riae gestis
rebus S. Si-
monis et Iu-
dae interfu-
isse.

Crathō, al-
ter autor,
qui histori-
am Aposto-
lorum scri-
psit.

† Inter-
pres huius
historiae, sui
ipsius me-
minit.

Suanyr am-
plissima ci-
uitas Persi-
dis.

Græcæ uo-
ces sunt τὸ
ἐργον μυσ-
τηριον, pro
eo quod est
manceps.

pla, & ecclesias extruentes. Ordinauere autem Apostoli in ciuitate Babylonis episcopum nomine Abdiam, qui cum ipsis uenerat à Iudæa, qui & ipse uiderat oculis suis Dominum: & repleta est ciuitas ecclesijs. Quibus ritè omnibus ordinatis, egressi sunt Apostoli Persidem. Sequebantur autem eos turbæ discipulorum, & eo amplius uiri. Circumierunt autē duodecim prouincias Persidis, & ciuitates earum, in quibus quæ egerint, & quæ passi sint per annos tredecim, longa narratione scripsit Crathon, Apostolorum ipsorum discipulus, in decem librorum uoluminibus uniuersa cōprehēdens, quæ † Africanus historiographus in Latinā transtulit linguam: Ex quibus, qui scire uoluerit, qui fuerint progressus prædicationis, uel quo fine mundum Simon & Iudas Apostoli reliquerint, ex multis pauca selegimus. Quippe Zaroes & Arfexat magi, facientes scelera multa per ciuitates Persidis, & dicentes se esse ex genere deorum, semper à facie Apostolorum fugientes, tamdiu erant in quacuncq; ciuitate, quamdiu cognoscerent Apostolos aduenire. Apostoli autem ubicuncq; fuissent ingressi, detegebant scelera eorum, & ostendebant doctrinam eorū ab inimico humani generis adinuentam. Erant autem in Suanyr ciuitate lxx. templorum Pontifices, qui solebant singulas libras auri à rege consequi, quando Solis epulas celebrabāt: id quod quater in anno fieri consueuerat, in tempore nouorum, in introitu ueris, initio æstatis, autumnī & hyemis. Hos igitur pontifices hac allocutione magi in Apostolos Dei incitauerunt, dicentes: Venturi sunt duo Hebræi, deorum omnium inimici. Quare ubi incœperunt dicere, Deum alterū adorari debere: uos exclusi eritis à facultatibus uestris, & contemptui populo eritis. Alloquimini ergo populū, ut cum primum hi urbem intrarint, teneantur ad sacrificandum. Si consenserint, pacem habebunt cum dñs uestris. Si uerò sacrificare noluerint, sciatis illos ad subuersionem uestram ingressuros, & deprædationem & mortem. Factum est autem, ut postquam peragrassent uniuersas prouincias, uenirent ad Suanyr ciuitatem magnā. In quam cum fuissent ingressi, & mansissent apud discipulum suum, eiusdem ciuitatis uirum, nomine Semnem, ecce circa horam primā omnes simul sacerdotes cum populo innumerabili uenerunt ad eedes, clamantes ad Semnem: Produca ad nos inimicos deorum nostrorum. Cum quibus si non sacrificaueris dñs nostris, incendemus te & domum tuam, cum ipsis. Interea tenentur Apostoli Dei, & ducuntur (haud mora) ad templum Solis. quod cum ingrederentur, cœperunt clamare demones, Ergon mystumenos: Quid uobis & nobis Apostoli Dei uiui? In ingressu uestro flammis exurimur. Stabat autem in una eede templi ab oriente quadriga solis, fusilis ex argento: in alia autem eede stabat luna fusilis ex argento, habens quadrigam similiter boum fusilem ex argento. Cœperunt ergo Pontifices

A Pontifices Apostolis uim facere cum populo, ut adorarent eos ini-
bi. Quod animaduertens Iudas, ad Simonem: Frater (inquit) Si-
mon, uideo Dominum meum IESVM Christum, uocantem nos.
Similiter & Simon respondit: Diu est, quod intueor aspectū Do-
mini in medio angelorū. Nam & dixit mihi angelus Domini, cum
orarem: Faciam uos egredi de templo, & faciam ipsum templum
ruere super eos, & dixi, nequaquam Domine, non fiat hoc, fortas-
sis erunt aliqui ex his qui conuertantur ad Dominum. Igitur cum
hæc secum Hebræo sermone loquerentur, apparuit eis angelus
Domini, dicens: Confortamini, & unū ē duobus eligite: aut repen-
tinum istorum omnium interitū, aut palmam martyrii uestri, cum
fiducia boni certaminis expectate. Cui respondentes Apostoli, di-
xerunt: Implorāda est misericordia Domini nostri IESV Christi,
ut & illis propitiatur, & nos adiuuet ut possimus pertingere cum
constantia ad coronam. Hoc autem Apostoli soli cum uiderent &
audirent, compellebantur à Pontificibus adorare simulachrū So-
lis & Lunæ. Quibus Apostoli dixerūt: Facite fieri silentium, ut de-
mus responsum omni populo audiente. Facto autem silentio, dixe-
runt: Audite omnes, & uidete. Solem noscimus seruum Dei esse,
& Luna similiter præcepto sui Creatoris est subiecta. In cœli ta-
men firmamento consistentes, non sine iniuria sui in templis inclu-
duntur, qui in cœlo omni sæculo patere noscuntur. Et ut intelliga-
B tis, quia simulachra eorum non Sole, sed dæmonijs sunt plena, ego
præcipiā dæmonio qui in Solis simulachro latet, et frater meus iube-
bit alteri dæmonio quod in simulachro Lunæ uos ludificat, ut egre-
diantur ex eis, & ipsi ea comminuant. Et stupentibus cunctis, di-
xit Simon ad Solis simulachrum: Præcipio tibi ludificator huius
populi dæmon pessime, ut ex eas de simulachro Solis, & commi-
nuas ipsum, & quadrigam eius. Similiter cum hæc Iudas ad simu-
lachrum Lunæ dixisset, uisi sunt ab omni populo duo Æthiopes
nigri, nudi, horribili uultu, & ululantes, dirasq; uoces emittentes
abscedere. Quo facto, irruentes Pontifices & populus in Aposto-
los Christi, interfecerunt eos per tumultum. Erant uerò ipsi gau-
dentes & alacres Apostoli Dei, gratias Deo agentes, quia digni ha-
biti essent, ut pro nomine Domini paterentur. Passi sunt autem
die Kal. Iuliarum. Simul quoq; tum passus est cum Apostolis, Sen-
nes hospes eorum, quoniam & ipse idolis sacrificare cōtempserat.
Ipsa autem hora passionis, cum nimia esset cœli serenitas, fulgura
exorta sunt, ita ut trifariam templum ipsum scinderetur, à summo
tecti fastigio usq; ad ultimum fundamentum. Quo tempore, &
duo, de quibus diximus, magi, Zaroes & Arfexat, ictu choruscati-
onis adusti, ad carbonem conuersi sunt. Post menses autem tres
misit rex Xerxes nuncios in ciuitatem Senayr, qui cōfiscarent Pon-
tifices, & corpora sanctorum Apostolorum ad suam trāsferrent
ciuitatem;

*Nota pieta-
tem.*

ciuitatē. In qua extruere coepit basilicā, octogenos cyclos octo angulorū, & octies octogenos pedes per gyrum cōprehendentem, cum alta esset pedum centum & uiginti: fueruntq; omnia ex quadratis marmoribus signaticis extructa, & camera ipsa laminis aureis suffixa. In medio autem octogeni sarcophagum, corpora beatorum Apostolorum portantem, ex argento puro instituit: facta que est huius fabricæ ædificatio per annos tres continuos, & consummata die natalis Apostolorū, & die coronationis Kal. Iul. dedicata. In quo loco beneficia consequuntur, qui credentes in Dominum IESVM Christum, illuc meruerint peruenire.

FINIS LIBRI SEXTI HISTORIAE
APOSTOLICAE.

LIBER SEPTIMVS HISTORIAE

*Apostolicae, ab Abdia Babylonis episcopo Hebraicè scriptæ,
& in linguam Latinam ab Africano uersæ, De gestis à beato Matthæo apostolo & euangelista rebus.*



MATTHÆVS cognomento Leui, & Alphei filius, ex publicanorū ordine fuit: atq; eo in munere uocatus à Domino nostro IESV Christo, in discipulorum eius numerū uenit: postremò ad Apostolatus culmen ascendit, ante subleuationem Domini in cœlum: præter cæteros muneris Apostolicifocios, peculiare nihil gessit. Sed postquam Spiritum sanctum inluminatorem unà cum cæteris accepisset, & in orbem terrarum ad prædicandum Euangelium esset directus, Aethiopiam is in diuisione prouinciam suscepit. In quam profectus ipse, cum in ciuitate magna que dicitur Naddauer moraretur, in qua rex Aeglipus sedebat, cōtiguit ut duo magi Zaroes & Arphaxat simul essent, qui regem miris modis ludificabant, ut se deos esse, remota ambiguitate, crederet. Et credebat eis rex omnia, & omnis populus, non solum memoratæ urbis, sed ex longinquis etiam regionibus Aethiopiæ ueniebant quotidie, ut adorarent eos. Faciebant enim subito hominum gressus figi, & tādīu immobiles stare, quamdiu ipsi uoluissent. Similiter & uisus hominū, & auditus, à suo officio refrenabant. Imperabāt serpentibus ut percuterent, quod & Marsi facere solent: & ipsi incantando multos curabant. Et ut dici uulgo solet, malignis maior reuerentia exhibetur ex timore, quàm benignis ex amore: sic & illi uenerabiles apud Aethiopes, in magno diu precio fuerunt. Verūm (ut sæpe dictum est) curam Deus hominum gerens, Matthæum contra hos apostolum misit. Qui ingressus ciuitatem, coepit detegere prestigia illorum. Omnes enim quos

A quos illi figebant, hic in nomine IESV Christi soluebat: quos illi excēcabant, hic inluminabat: quibus illi auditum tulerant, ille reddebat. Serpentes etiam, quos ad percutiendos homines excitabāt, hic conuertebat in somnum, & percussiones eorum facto signo Domini percurabat. Hunc cū uidisset Aethiops eunuchus Candacis nomine, qui fuerat à Philippo apostolo diacono baptizatus, procidit ad pedes eius, & adorans dixit: Quia respexit Deus ciuitatem istam, ut liberaret eā de manu duorum magorū, quos putant stulti homines deos esse. Is suscipiebat Apostolum in domum suam, & ueniebant ad eum omnes qui erāt amici Candacis eunuchi: & audientes uerbum uitæ, credebant Christo IESV Domino. Et baptizabantur quotidie plurimi, uidentes quòd omnia quæ magi faciebant mala hominibus, hæc Dei discipulus euacuaret. Illi enim ideo uulnerabant quos poterant, ut uulnerati, ipsos euocarent ad curam. Quiq; ideo curare putabantur, quoniā à lēsiōe cessabāt. Matthæus autem apostolus Christi, non solum hos curabat quos illi lēdebant, sed etiam omnes qui ad eum ferebantur, & fuerāt infirmitatibus diuersis obsessi. Prædicabat autem populo ueritatem Dei, ut omnes mirarentur eloquentiam eius. Tum Candacis eunuchus, qui eum susceperat omni affectione, interrogauit eum dicens: Obsecro te, ut digneris indicare mihi, quomodo cum sis Hebræus, nosti Græcam, Aegyptiacam & Aethiopicam sermocinatonem, ita ut hi qui in his regionibus nati sunt, non possint tam bene sermocinari. Respondit Apostolus: Totus mundus unam sermocinationem habuisse omnium hominum dignoscitur. Sed nata est præsumptio omnium hominum talis, quæ eos turrim tantę magnitudinis facere hortaretur, ita ut cacumē eius peruenisset ad cœlum. Hanc præsumptionem Deus omnipotens hoc ordine repressit, ut alter alterum tum non potuerit loquentem aduertere. Facta sunt autem plurima linguarum genera, & diuisa est illa conspiratio, quæ per unam linguæ intelligentiā consistebat. Bona quidem fuit ea uoluntas, ut fieret turris, cuius cacumen perueniret ad cœlum: sed mala fuit præsumptio, quę non sanctis meritis ire uolebat ad sancta. Veniens autem filius Dei omnipotentis, ostendere uoluit quo ordine edificādo perueniremus ad cœlum: & nobis duodecim discipulis suis misit Spiritū sanctum de cœlo, cum sederemus in uno loco, uenitq; supra unūquēq; nostrū, & inflāmatum sicuti ferrū inflammatur ab igne. Posthæc cū à nobis pauor simul & splēdor discessisset, coepimus uarijs linguis loqui gētibus, et magnalia natiuitatis Christi adnūciare, quo ordine sit natus unigenitus filius Dei: cuius originē ante secula nemo nouit. Qualiter uerò sit natus ex utero Mariæ uirginis, adnūcians atq; intimans nobis, & ab intacta uirgine lactatus & ablactatus, & enutritus atq; eruditus & baptizatus, & tentatus & passus, & mortuus &

*Causa ergo
origo tot per
orbē terrę
linguarum.*

*Apostoli
omnes lin-
guas sciue-
runt,*

sepultus, & die tertio resurrexit: Et in coelos ascendit, ut ad dex- A
 xtram Dei omnipotentis sederet, unde sit uēturus iudicare omne
 saeculū per ignem. Non ergo, ut tu putas, istas tantū quatuor, sed
 omnium gentium etiam linguas scimus, qui eius discipuli sumus,
 IESV crucifixi, non mediocriter, sed perfectē. Et ad quamcunque
 gentem peruenire potuerimus, iam loquelā eius perfectē cogno-
 scimus. Nunc uerō aedificatur turris non de lapidibus, sed de uirtu-
 tibus Christi, omnibus qui baptizantur in nomine patris & filij
 & spiritus sancti: aperiturq; eis turris, quam Christus extruxit: &
 per ipsam tamdiu aedificantes ascendunt, usq; quo' ad coelorum re-
 gna pertingant. Hæc & his similia multo mystico sermone Apo-
 stolus cum disliceret, uenit qui diceret, magos illos cum singulis
 draconibus aduenire. Dracones autem erant galeati, & flatus eo-
 rum flammiferum ardorem emittebat, sulphureasq; spargebāt au-
 ras ē naribus, quorum odor homines interficiebat. Quē cum audi-
 uisset Matthæus, cōsignans se, securus cœpit in occursum illis pro-
 dire, prohibebat autem illum Candacis, clausis ostijs, dicens: Per fe-
 nestram quæso, si uidetur, loquere magis istis. Dicit illi Apostolus:
 Tu mihi aperi, tu mihi aperi, & per fenestram tu considerabis ma-
 gorum istorum audaciam. Itaq; aperto ostio, Apostolus mox ut e-
 gressus est, ecce obuiam illi duo magi, singulos dracones ante se ha-
 bentes, ueniebant. Tum uerō ut appropinquarent, ambo draco-
 nes ante pedes Apostoli obdormiuerunt. Et dicit Apostolus ma- B
 gis: Vbi est ars uestra? Si potestis, excitare eos. Ego autem si non
 rogassem Dominum meum IESVM Christum, omnem furorem,
 quē in me exacuistis, in me retorissent. Sed quousq; omnis popu-
 lus conueniat, hi obdormiunt. Et quia nullus accedere huc ausus
 est, ego excitabo eos, & iubebo illos redire ad locum suum, cum
 omni mansuetudine. Conabantur autem interea arte sua magica
 excitare eos Zaroes & Arphaxat, & non poterant neq; oculos a-
 perire, neq; penitus commouere quidquam. Rogabant autē po-
 puli, dicentes Apostolo: Rogamus te domine, ut liberes populum
 & ciuitatem ab his bestijs. Ad quos Apostolus: Nolite timere (in-
 quit) ego faciam eos hinc cum omni mansuetudine abscedere. Et
 conuersus ad dracones, dixit: In nomine Domini mei IESV Chri-
 sti, qui conceptus est ex Spiritu sancto, & natus de Maria uirgine,
 quem tradidit Iudas Phariseis, & illi eum crucifixerūt: quiq; post
 crucem sepultus, tertia die resurrexit à mortuis, & conuersatus no-
 bis per quadraginta dies, docuit nos ea quæ ante passionem docu-
 erat, commemorās uniuersa quæ dixerat: & qui deniq; post xl. di-
 es, uidentibus nobis ascendit ad coelos, & sedet nūc in dextra Dei
 patris, unde uenturus est iudicare uiuos & mortuos: in ipsius in-
 quam nomine & uirtute, suscitemini. Et te adiuro spiritus, ut cum
 omni mansuetudine facias eos redire ad locū suum, ita ut nullum
 contingant,

*Nota histo-
riā dignam
memoratu.*

A contingant, nullum lædant, neq; hominem neq; quadrupedem, neq; uolucrum. Ad hanc uocem eleuantes capita serpentes cœperunt ire, atq; apertis portis egressi publicè & omnibus uidētibus, nunquam amplius comparuerunt. Quo facto, Apostolus populum ita allocutus est: Audite fratres & filij, & omnes qui uultis liberare animas uestras à uero dracone diabolo. Propter uestram salutem misit me ad uos Deus, ut relicta uanitate idolorum, ad ipsum conuertamini, qui uos creauit. Deus autem quādo fecit hominem primum, posuit eum in paradiso deliciarum, cum uxore sua, quam de costa eius fecerat. Porro paradysus deliciarum, eminet omnibus montibus, & uicinus est cœlo: neq; habet aliquid in se, quod possit esse saluti hominum inimicum. Non aues terrentur ad sonitum hominis & aspectum, non spinæ nascuntur & tribuli, non ibi rosæ marcescunt, non lilia, non aliqui ibi prætereunt flores, nō anni senectutem generant ætatibus, non labor fatigationibus subiacet, nō infirmitas aliqua sanitati succedit: tristitia & fletus & mors, ibi penitus locum non habent: auræ enim quæ ibi sunt, blandiuntur potius quàm perflant, & æternitatē naribus inferunt. Nā sicut thymiamatis fumus excludit putores, ibi nares, ibi uitam expirāt æternam: quæ non permittit hominē neq; fatigationem incurrere, nec dolorem, sed semper æqualem, semper iuuenē, semper letum, & semper immobilem permanere. Sonant ibi organa angelorum, & uoces mellifluæ auribus inferuntur. Serpens ibi locum non habet, non scorpio, non phalangius, non musca aliqua saluti hominis inimica est. famulantur ibi hominibus leones & tigrides & par di: & quidquid iusserit homo auib; aut feris, quasi charissimo & dilecto Dei, mox obtemperant cum reuerētia iussioni eius. Quatuor quoq; flumina inde fluūt: unus fluuius dicitur Geon, secūdus Physon, tertius Tigris, & quartus Euphrates. Hi omni genere pisciū abundāt. Nullus ibi est latratus canū, nullus leonum rugitus: omnia blanda sunt, omnia mansueta, omnia quieta. Nunq̃ ibi facies cœli nubium tegminibus obumbratur, nunquam ibi fulgura choruscant, nunquam tonitrua concrepant: sed est ibi exultatio sine fine, & festiuitas quæ terminum non habet. Quamobrem uerò paulo antè memorauerim, quod ibi serpens penitus non esset, causa est, quod per ipsum angelus inuidiam suā exercuerit, & propterea à Deo maledictus, in loco benedicto maledictus habitare non potest. Liur autem angelo hinc natus est, quod uidit imaginem Dei in homine extitisse: & quoniā homini possibile esset, ut in hac regione beata cum cunctis animantibus loqueretur. Hinc angelus qui ex se concepit inuidiam, per potentiam angelicam serpentem ingressus, suauisit uxori Adg, ut de pomo arboris manducaret, quod Deus fieri sub interminatione mortis prohibuerat. Posthæc etiam uxor cum deliquisset, seduxit uirū. Cumq; ambo præuaricatores

Topographia paradisi.

Elegans de præuicatione hominis disputatio.

existerent, huc in istam terram, aridam & desertam, exilio ablegati A
sunt, proiecti de regione uitæ in regionem mortis: ipse uerò autor
sceleris simul in serpente inuentus, maledictionem æternam acce-
pit. Huius rei conditionisq; hominum misertus ipse Dei filius, qui
in præcepto patris sui hominem fecerat, pro nostra fragilitate, di-
gnatus est hominis assumere formam, nō amittens suam deitatem.
Atq; hic est homo IESVS Christus, qui recuperauit iterum illum
hominem, & diabolū patiēdo crucem uicit: præterea irrisiones
atq; insultationes tolerans, uicit etiā mortem moriendo, ut para-
disum resurgendo aperiret. Iam ut nemini fieret dubium, illuc om-
nes in Christum credentes intrare, primò latronē ipsum Christus
induxit: cui in ligno crucis positus, lignum præuaricationis excus-
sit, cæterisq; omnibus paradysum animabus sanctis, de hoc corpo-
re exeuntibus, aperuit. Deniq; in die nouissima resurgentibus, eti-
am regna cœlestia ut intrare ualeant, patefecit. Iam igitur, qui mo-
dò uult ad uitam, is currat, & ad paradysum redeat, licet: unde pa-
ter noster carnalis Adam foras missus, in isto nos omnes genera-
uit exilio. Contrā aperuit nobis Dominus IESVS paradisi ianuas,
ut ad patriam illam reuertamur, in qua mors locum non habet, &
in qua iuge gaudium perseuerat. Cum hæc & similia loqueretur
Apostolus, ecce tumultus luctuosus subito ortus est, in quo regis B
filius mortuus plangebatur. Ad cuius funus stabāt magi, qui cum
non possent suscitare eum, conabantur regi persuadere, hunc à dñs
raptum esse in collegium suum, ut sit unus ex dñs, cui oporteat &
simulachrum fabricari, & templum. Quæ cum audiuiſſet Canda-
cis eunuchus, ingressus ad reginam, dixit illi: Istos quidem magos
iubeto custodiri: tū uerò rogo te, ut ueniat ad nos apostolus Dei
Matthæus. Et si ipse eum nobis resuscitauerit, istos uiuos incendi
curabis, quia omnia mala per ipsos in ciuitate nostra eueniunt.
Tunc missi sunt per Candacem uirum honoratum à latere regis a-
liqui, qui rogantes Apostolum cum honore introduxerunt ad re-
gem. Ingrediente autem Matthæo, prostrauit se Euphenissa regi-
na Aethiopum ad genua eius, & dixit: Agnosco te Apostolum à
Deo missum pro salute hominum, & eius esse discipulum qui mor-
tuos suscitabat, & omnes ægritudines ab hominibus suo imperio
pellebat. Nunc ergo ueni, & inuoca nomen eius super defunctum
filium meū: & credo quòd si hoc feceris, reuiuiscet. Dicit ei Apo-
stolus: Atqui prædicationem Domini mei IESV Christi, adhuc ex
ore meo non audiuiſti: & quomodo dicis, credo? Ideoq; scias, fili-
um tibi tuum reddi. Ingressusq; expandit manus suas ad cœlum,
& dixit: Deus Abraham, Deus Isaac, Deus Iacob, qui ad restaurati-
onem nostram, unigenitum filium tuum de cœlo ad terras misisti,
qui nos ab errore conuerteret, & te nobis uerum Deum demon-
straret, memor esto dictorū Domini nostri IESV Christi filij tui:

Amen

A Amen dico uobis, quia omnia quæ in nomine meo petieritis à patre meo, dabit uobis. Vt cognoscant ergo gentes, quia præter te non est alius omnipotens, & ut uera sit hæc assertio oris mei, excitetur puer iste. Et adprehendens manum defuncti, ait: In nomine Domini mei IESV Christi crucifixi, exsurge Euphranon. Et confestim exsurrexit puer. Ad hoc factum expauit cor regis, & statim iussit deferri ei coronas, & purpuram. Et præcones misit per ciuitatem, & diuersas prouincias Aethiopiæ, dicentes: Venite ad ciuitatem, & uidete Deum in effigie hominis latentem. Cumq; uenisset omnis multitudo cum cereis & lampadibus, & cum thymiamate, ac diuerso sacrificiorum ritu, Matthæus apostolus Domini hac uoce omnes alloquitur: Ego Deus non sum, sed seruus Domini mei IESV Christi, filij Dei omnipotentis, qui me misit ad uos, ut relicto errore simulachrorum uestrorum, ad uerum Deum conuertamini. Quod si me hominem similem uobis putatis Deum, quanto magis hunc Deum debetis credere, cuius me seruum esse confiteor: in cuiusq; nomine ego mortuū hunc regis filium excitauī. Et nunc omnes qui capaces tam euidentissime rationis estis, aurum & coronas aureas, & argentum ab oculis meis tollite, & ijs diuenditis templum Domino extruite, atq; ibi congregemini ad audiendum uerbum Domini. Quo audito, intra triginta dies undecim milia hominum congregata, fabricantes ecclesiam sanctam consummauerunt. Et uocauit nomen templi Matthæus Resurrectio, quoniam per resurrectionem occasio ædificationis extiterat. Sedit autem in ecclesia illa Matthæus annis xxiij. & cōstituit presbyteros ac diaconos, & per ciuitates & castella ordinauit episcopos, & multas construxit per loca diuersa ecclesias. Et baptizatus est rex Aeglippus, & regina Euphenissa, & filius eius qui suscitatus erat Euphranō: & filia eius Ephigenia baptizata, et uirgo Christi permansit. Interea magi timentes, fugerunt ad Persas. Cæterum longum est narrare, quanti cæci inluminati, quanti paralytici curati, quot deniq; à dæmonijs liberati, & quot mortui suscitati ab Apostolo fuerint. Adeo Christianissimus rex iste fuit, & gloriosissima eius coniunx, deuotus quoq; omnis exercitus & populus Aethiopiæ. Esset aut longū recensere, quomodo omnia simulachra, omniaq; templa destructa sunt: quæ omnia propter copiam rerum præteriens, quo ordine passionem sanctam celebrauerit, retexam. Non multo post enim rex Aeglippus senectute expleta, perrexit ad Dominum, & accepit Hyrtacus exadelphus imperium eius. Hic cum uellet accipere Ephigeniam filiam defuncti regis uxorem, iam Christo dicatam, & quæ sacrum uelamen acceperat de manu Apostoli, præposita iam uirginum amplius quàm ducentarum, sperabat tum rex Hyrtacus, quod per Apostolum posset eius animum cōmouere. Quare cœpit cū sancto Matthæo agere, dicens: Dimidium

Alludit ad ornamenta coronarū, quæ maximis uiris ob max. beneficiis in reipub. uel populi collata, deferantur, de quib. consule librum 10. Operis nostri de Romanæ militiæ.

Templis nomina primum indita. Episcopi per castella ordinati.

Dimidium regni mei accipe, tantum ut Ephigeniam queam matrimonio meo copulare. Cui beatus Apostolus ait: Iuxta bonum propositum præcessoris tui regis, qui omni die sabbato conueniebat, ubi uerbum Domini prædicabam, iube illic & tu conuenire uniuersas uirgines, quæ cum Ephigenia sunt: & audies coram populo, quantas laudes & quanta bona de bono coniugio loquar, & quemadmodum satis Deo accepta sint sancta coniugia. Quo audito Hyrtacus gratulatus est, & iussit congregationi illic interesse etiam Ephigeniam, quasi audituram ex ore Apostoli, ut coniunx fieri Hyrtaci consentiret. Facto autem in congregatione magno silentio, aperiens os suum Apostolus dixit: Audite sermonem meum omnes filij ecclesiæ, audite & intelligite omnia quæ audistis, ut maneant scripta in cordibus uestris. Deus noster nuptias benedixit, & ipse permisit amorem corporibus dominari in sensibus carnis, ad hoc ut uir diligat uxorem suam, & mulier diligat uirum suum. Ecce autem uidimus frequenter euenisse, ut uxor uirum suum excretur usque ad interitum, & uenenum, & gladium, & repudium. Similiter & uir suæ coniugi molitur, cum sit carnis tanta caritas, ut stimulet mentis incensum. Porro, quid si non esset iste stimulus amoris in carne concessus? Ergo hic stimulus si cum amore Dei uirum suum exhibeat, & amore filiorum uir mulierem accipiat, & mulier uirum, bonus est, & non est contra præceptum Dei: ita tamen ut mulier alterum uirum penitus nesciat, similiter & uir omnino alteram foeminam perhorrescat. Dei enim regula si custoditur à coniugibus, à sordibus commixtionis eos mundat. Sordes autem sunt corporum, quæ à Deo lauantur per eleemosynas & opera misericordiæ: non crimina, quæ non lauantur nisi per lachrymas poenitendo. Coniugium ergo commixtionis pollutionem habet, crimen non habet. Denique diebus certis siue quadragesimæ, siue legitimorum ieiuniorum temporibus, tam ab edacitate carniū, quam commixtione corporum, qui non abstinuerit, non pollutionem solum, sed etiam simul crimen incurrit. Neque uerò manducare crimen est, sed incongruè manducare peccatum est, & crimen. Denique si aliquis prius cibum carnalem accipiat, & postea ipso die, quo iam cibo naturali refectus est, cibum spiritualem præsumat, ex utroque cibo reus criminis & inhonestatis & præsumptionis efficitur, non ideo quia manducauit, sed quia contra ordinem, & contra iusticiam, & contra regulam Dei, cibo carnali prius refectus est. Non ergo reum facit aliqua operatio hominum, sed irrationabilitas eius operis, suum damnat auctorem. Denique & homicidas sæpe uidimus statuas & imagines adorare: homicidam utique, qui hominem pacis inimicum, aut barbarum aut latronem occiderit, non ibi iam quia hoc homicidium bonum est, erit bonum homicidium hominis innocentis. Frequenter etiam & mendacium, cum per naturam suam

Sermo s.
Matthæi de
coniugio, &
uirginū uel
lutarum ce
libatu.

Elegantissi-
ma Aposto-
li disputa-
tio, de malo
et bono usu
rerū uel bo-
narum uel
malarum.

A suam malum sit, bonum fieri uidetur ex causa. Nam si te ab inimico tuo uolenti te percutere, possis aliqua ratione abscondere, & ille omnino quo nam deuenieris quærat, tum tu non solum negare, sed etiam periurare consueuisti. Ibi duo quidem mala sunt, mendacium & periurium: & utraq; tamen mala, bonum prorūpere probantur in fructum. Deus autem non arctè nostri operis circumscripsit limites, quasi dicas, In iudicio eius timui mentiri, ideo hominē tradidi: aut si dicas, Timui perdere nummū, ideo damnū immani pōderis auri incurri. Nō ergo sunt aliqua opera sic mala, ut per naturā mala sint, sed per intēperantiā nostram. Nā si presumat sacramentorū mysteria sumere is, qui nondū est cœlesti aqua perfusus, rem bonā conuertit in crimen, & inde reatū eterne pœne incurrit, unde à reatu eterne pœne potuerat liberari. Ita & nuptiarū bona, cū à Deo benedicantur coniugia, à Deo sanctificētur, ac per sacerdotum benedictiones à Deo specialiter consecrentur, uidentur aliquibus aliquam habere diuinæ indignationis offensam. Hęc dicente sancto Matthæo, rex Hyrtacus clamorosis laudibus cum suis comitibus perstrepebat: existimans eum hæc ideo dicere, ut animum Ephigeniæ ad eius coniugium inclinaret. Sed postquam diutissimè clamatum est in eius laudem, sermonem Apostolus repetijt, facto silentio, & dixit: Videte filioli & fratres, in quantum noster sermo proruperit, ut etiam homicidium bonum posse fieri probaremus. Cum hic occiditur, qui si non esset ipse solus occisus nocens, multos potuisset occidere innocentes: sicut est occisus Golias, & sicut est occisus Sisara, sicut occisus est Aman, sicut est truncatus Holofernes, & sicut deniq; sunt occisi cum laude, qui uestris sedibus inimicabantur & regnis: sic ergo & matrimonia dum copulantur, boni operis honestate ornantur, si sanctè, & iustè, & integrè & inreprehensibiliter copulentur. Nam si hodie desponsatam regis, seruus regis usurpare audeat, non solum offensam, sed etiam crimen tam grande incurrisse dignoscitur, ut meritò uiuens tradatur flammarum incendijs: non ideo quidem, quia duxerit uxorem, sed quia sponsam regis sui accepisset. Ita etiam tu o fili charissime rex Hyrtace, sciens Ephigeniam filiam regis decessoris tui, sponsam regis cœlestis esse effectam, & sacro uelamine consecratam, quomodo quæso poteris sponsam potentioris te tollere, & tuo eam matrimonio copulare? Ad hunc sermonem Hyrtacus rex, qui per singulas dictiones Apostoli laudator extiterat, ira accensus abscessit. Apostolus uerò intrepidus & constans, eo magis etiam alacrior, reliquum sermonem prosecutus est, dicens: Audite me qui timetis Deum. Rex terrenus pauci temporis dominationem habere cognoscitur, Rex autem cœlestis æternum imperium tenet. Et sicut inenarrabilia gaudia habere facit eos qui fidem suā ipsi custodiūt: ita inenarrabilibus tormētis illigat eos, qui à fide eius & sanctitate discedunt.

*Conclusio,
an omnes
nuptiæ sint
bonæ, et ad
eas homo
ex necessi-
tate allige-
tur.*

*Elegans cō-
paratio de
homicidio.*

A has tuas famulas interius exteriusq; communiens, præsta inoffen-
sum cursum uirginitatis, ut hunc implere, per ipsum Dominū no-
strum IESVM Christum, redemptorem animarum nostrarum, ua-
leant: cum quo est Deo patri honor & gloria, in Spiritu sancto, &
nunc & semper, & per immortalia sæcula sæculorum. Cumq; re-
spondissent, Amen, & mysteria Domini celebrata, & missam susce-
pisset omnis ecclesia, retinuit se, ut iuxta altare, ubi corpus ab eo fu-
erat Christi confectum, illic martyrium Apostolicum exultaret.
Itaq; non multo post, expansis manibus orantem, spiculator mis-
sus ab Hyrtaco, à tergo punctim, unius gladij ictu feriens Aposto-
lum, martyrem Christi effecit. Quo audito, omnis populus ad pa-
latium cum igne pergebat. Cui furenti populo occurrerūt omnes
presbyteri, & omnes diaconi ac clerici, simul cum discipulis sancti
Apostoli: Nolite fratres (dicebant) contra præceptum Domini
agere. Nam & Petrus apostolus, arrepto gladio, amputauerat
Malchi auriculam, qui Dominum tenebat cum turbis. Et ne uide-
retur læsus, uicem rependere lesionis iussit, ipsam scilicet auricu-
lam amputatam loco suo reponi. Quæ apposita ab Apostolo, so-
lidata mox est. Et dixit Petro tum Dominus: Nunquid, si uellem,
non mihi exhiberet pater meus plusquam xii. mille legiones ange-
lorum? Celebremus ergo omnes cū gaudio martyrium Aposto-
li, & quod Deus ordinare uoluerit, expectemus. Interea Ephige-
Bnia, sacratissima uirgo Christi, quidquid in auro & argēto ac gem-
mis habere potuerat, hoc totum sacerdotibus contulit, & omni cle-
ro, dicens: Postquam dignā Apostolo Christi fabricaueritis ec-
clesiam, quidquid superfuerit, pauperibus erogabitis: me autem
oportet certamen habere cum Hyrtaco. Factum est autē posthæc
secundum uerbum Ephigeniæ, ut omnium nobilium uxores mise-
rit rex Hyrtacus ad eam, sperans, quod aliqua ratione posset ad e-
ius consensum peruenire. Quod cum penitus non posset, conuo-
cauit magos, ut dæmonum illam ministerio raperent. Qui cum &
ipsi nulla hoc possent cōsequi ratione, fecit circumdari ignem præ-
torio, in quo cum uirginibus Christi commanēs, Domino suo die
noctūq; famulabatur. Sed cum per circuitum ignis arderet, appa-
ruit angelus Domini, cum Matthæo apostolo, & dixit: Ephigenia
firma esto, & noli expauescere hos ignes, ad illum enim, à quo tibi
sunt suppositi, reuertentur. Igitur cum per gyrum prætorij sanctæ
Ephigeniæ flammæ perstreperent, excitauit Deus uentum ualidis-
simum, & mutauit omne illud incendium à domo uirginis suæ, &
ita consumpsit palatium Hyrtaci, ut non inde potuerit aliquid ex
facultatibus liberari. Ipse autem Hyrtacus cum suo filio unico uix
euasit: sed melius fuerat, incendio interiisse. Cæterum filium eius
uehementissimus mox dæmon impleuit, qui illum cursu rapidissi-
mo ad Apostoli Matthæi sepulchrum adducens, à tergo manibus

ab ipso diabolo colligatis, confiteri eum paterna crimina compel-
lebat. Ipsum autem Hyrtacum elephantiae uulnera, à capite usq;
ad ultima pedum uestigia ligauerunt. Quod cum medici curare
non possent, ipse in se gladium ponens, illi incubuit, digno suppli-
cio: ut qui à tergo Apostolum Domini percusserat, ipse à recto se-
ipsum stomacho perforaret. Quo facto, omnis populus insul-
tans morti eius, apprehenderunt cū omni exercitu fratrem Ephig-
eniae, nomine Beor, qui per Ephigeniam germanam suam, de ma-
nu Matthaei fuerat gratiam Domini consecutus. Is itaq; anno æta-
tis suae uigesimo quinto, regnare in Aethiopia coepit, & regnauit
per annos sexaginta tres. Facti sunt autem omnes dies annorum ui-
tae eius, octoginta octo. Et se uiuente, constituit unum ex filiis suis
ducem omnis exercitus, alterum uero regem. & uidit filios filiorū
suorum, usq; in quartam generationem: & habuit pacem firmissi-
mam cum Romanis & Persis. Omnes quoq; prouinciæ Aethiopū
ecclesijs repletæ sunt Catholicis, usq; in hodiernū diem, per Ephig-
eniam. Et fiunt ibi mirabilia magna, ad confessionem beati Apo-
stoli: qui primus Hebræo sermone conscripsit Euangelium Domi-
ni nostri IESU Christi, qui cum Patre & Spiritu sancto uiuit & re-
gnat in sæcula sæculorum, Amen.

FINIS LIBRI SEPTIMI.

LIBER OCTAVVS CERTAMI-
*nis Apostolici, ab Abdia Babyloniae episcopo, & Apostolo-
rum discipulo, lingua Hebraica scripti, & à Iulio
Africano uersi, De rebus per Indiam à beato
Bartholomæo gestis.*



INDIAE tres esse ab historiographis asseruntur. **B**
Prima est India, quæ ad Aethiopiam uergit: secun-
da, quæ ad Medos: tertia, quæ finem facit. Nam
ex uno latere tenebrarum regionem gerit, ex alio
latere mare Oceanum. In Indiam ergo ueniens
Bartholomæus apostolus, ingressus est templum
Indiæ, in quo erat idolum Astaroth, & quasi peregrinus, ibidem
manere coepit. In hoc idolo dæmon talis erat, qui diceret se cu-
rare languentes, & cæcos quos ipse ledebat, inluminare. Erant e-
nim sine Deo uero homines illi, & necesse erat ut à deo falso ludifi-
carentur. Deus autem falsus hac arte illudit eos, qui uerum Deum
non habent. Facit eis dolores, infirmitates, damna, pericula: & dat
responsa, ut sacrificent sibi: & cum immissa remouet, tanquam ab
eo sanentur, omnes existimant. Hoc quippe uidetur stultis, quod
sanet. Ille autem non sanando subuenit, hoc est à lésione cessan-
do.

A do. Ita cum desinit lædere, curasse putatur. Vnde factum est, ut sancto Bartholomæo isthic manente, nulla posset responsa Astaroth dare, neq̃ ullis ex his quos læserat subuenire. Cumq̃ iam plenum esset languentibus templum, & quotidie sacrificantibus nullū daret Astaroth responsum, hi qui ex longinquis regionibus adducti iacebant, cum neq̃ sacrificando, neq̃ seipsos more suo laniando proficerent, perrexerunt in aliam ciuitatem, ubi aliud dæmonium colebatur, cui nomen erat Beireth. Et illic sacrificantes, cœperunt inquirere, quare deus eorum Astaroth amplius nō daret responsa. Quibus respondens Beireth, dixit: Quia deus uester sic captiuus & religatus tenet, ut neq̃ suspirare, neq̃ loqui audeat, ex illa hora qua illic Bartholomæus ingressus est. Et dicunt illi: Et quis est iste Bartholomæus? Respondit demō: Amicus Dei est omnipotētis, & ideo huc uenit in istam prouinciā, ut numina quę colūt Indi euacuet. Tum illi: Dic nobis signa eius, ut possimus inuenire eū: quia inter multa milia hominum difficile est nobis cognoscere illum. Respondens autem dæmon, dixit: Capillo nigro capitis est, & crispo. Caro illius candida, oculi grandes, nares æquales & directæ, aures coopertæ crine capitis: barba prolixa, habens paucos canos: statura æqualis, quæ nec breuis, nec longa possit aduerti. Vestitus colore albo, clauato purpura. Induitur pallio albo, habente per singulos angulos singulas gemmas purpureas. Viginti sex anni sunt, ex quo nunquam sordidantur uestimenta eius. Similiter & sandalia eius amentis latis per xxv. annos nunquam uetescunt. Centies flexis genibus per diem, centies per noctem orat Deum. Vox eius quasi tuba uehemens est. Ambulāt cum eo angeli Dei, qui nō permittunt eum fatigari, non esurire. Semper eodem uultu, eodē animo perseuerat: omni hora hilaris & letus permanet: omnia præuidet, omnia nouit, omnem linguam omnium gentium & loquitur & intelligit. Ecce & hoc quod uos interrogatis, & quod ego do responsum de eo, iam nouit. Angeli Dei famulantur illi, & ipsi nunciant omnino. Et cum cœperitis eum quærere, si uult ostendet se nobis: si non uult, non poteritis eum uidere. Rogo autem uos, ut dum eum inueneritis, rogetis eum, ut uel huc nō ueniat: uel hoc faciant mihi angeli qui cum eo sunt, quod fecerunt college meo Astaroth. Igitur reuertentes illi, cœperunt circumire omnium peregrinorum hospitales, atq̃ aspicere uultus & habitum singulorum, & per duos dies non inuenerunt. Factum est autem, ut quidam plenus dæmonio clamaret, & diceret: Apostole Bartholomæe, incendunt me orationes tuæ. Tum Apostolus: Obmutesce (inquit) & exi ab eo. Et statim liberatus est homo ille, qui per multos annos fuerat fatigatus dæmonio. Polymius autem rex prouinciæ illius, cum haberet filiam lunaticam, nunciatū est ei de casu dæmoniosi, & liberatione. & misit qui rogarent eum, dicentes: Filia mea

malè uexatur, peto ut sicut liberaſti Pſeuſtium, qui per multos annos paſſus eſt, ita & filiam meam ſanes. Et ſurgēs Apoſtolus, perrexit ad regem. Ingreſſusq; ad filiam, ut uidit eam catenis ſtrictam, propterea quòd omnes morſu attrectabat, & quos poterat tenere ſcindebat & cædebat, adeò ut nullus auderet ad eam accedere, primum iuſſit eam ſolui. Et cum miniſtri manum immittere non auderent, dicit Apoſtolus: Iam ego teneo uinctum inimicum, qui in ipſa erat, & uos adhuc timetis eam? Ite & ſoluite eam, eleuate & reſcite, & craſtino mane adducite eam ad me. Euntes autem, fecerunt ſicut iuſſit Apoſtolus, nec demon deinceps uexauit eam quidquam. Quod ubi intellexit rex, onerauit camelos auro & argento, gemis ac uestibus, & coepit quærere Apoſtolum: ſed nō inuenit eum amplius. Et reportata ſunt omnia iterum ad palatiū regis. Factum eſt autem, cum tranſiſſet nox, & aurora futuri diei inciperet, apparuit regi Apoſtolus, oſtio clauſo, in cubiculo ipſius, dicēs: Vt quid me quaeris tota die, cum auro & argento, gemmis ac uestibus? Iſta enim munera eis ſunt neceſſaria, qui terrena quærunt. Ego uerò nihil terrenum, nihil carnale deſidero. Vnde ſcire te uolo, quia filius Dei dignatus eſt per uterum uirginis naſci cum homine, ita ut homo in uirginis uulua conceptus, ſecum inter ipſa ſecreta uirginis haberet Deum, qui fecit cœlum & terrā, mare & omnia quæ in eis ſunt. Hic ſimul cum homine natus, partu uirginis coepit habere initium naſcendi cum homine, cuius initium ante ſæcula à Deo patre eſt. Sine initio nunquam non fuit, & omnibus initium dedit ſiue uiſibilibus, ſiue inuiſibilibus creaturis. Hæc autem uirgo cum execraretur omnem uirum, & ipſa ſeruandæ uirginitatis uotum prima Deo omnipotenti uouit. Primam autem ideo dixi, quia ex quo homo factus eſt ab initio ſæculi, nulla hoc uotum Deo obtulit. Hæc ergo prima inter ſœminas hoc cōſtituit in corde ſuo, ut diceret: Domine offero tibi uirginitatem meā: cum hoc à nullo homine nec uerbo didiciſſet, nec exemplo, ad imitationem uidelicet inuitata, cōſtituiſſet, ut uirgo pro amore Dei ſpecialiter permaneret. Huic ſubitò in ſuo cubiculo clauſæ, ſplendens ſicut ſol, Gabriel angelus apparuit. Quæ cum terrore percuſſa, hoc uiſu expauiſſet, ait ad illam angelus: Noli timere Maria, quia concipies. At illa timore depoſito, conſtanter ait, Quomodo fiet hoc? quia uirum non cognoſco. Cui angelus reſpondit: Propter hoc Spiritus ſanctus ſuperueniet in te, & uirtus altiſſimi obumbrabit tibi. Ideoq; quod ex te naſcetur ſanctum, filius Dei uocabitur. Hic ergo cū natus eſſet, paſſus eſt ſe tentari à diabolo, illo, qui primum hominem uicerat ſuadendo, ut de arbore uetita à Deo manducare præſumeret. Ipſum ergo permiſit ad ſe accedere: ut ſicut dixerat Adæ, id eſt primo homini, per mulierē, Manduca, & māducauit: qua de cauſa de paradifo proiectus fuit, & in hunc mundum exiliatus, ubi &

genuit

*Elegans
firma ad
fidei Chriſti
perſuaſio.*

A genuit omne genus humanum. Ita & isti dixit: Dic lapidibus ut panes fiant, & manduca ut non esurias. Cui respondit: Non in panetantum uiuit homo, sed in omni uerbo Dei. Hic ergo diabolus, quia per manducantem hominem uicerat, uictoriam suam per ieiunantem & se continentem amisit. Par enim fuit, ut qui filium uirginis uicerat, à filio uirginis uinceretur. Tum rex ei Polymius: Et quomodo (inquit) dixisti primam hanc esse uirginem, ex qua natus est homo cum Deo? Apostolus respondit: Ago Deo gratias, quia sollicitè audis. Primus inquam homo Adam dictus est, qui de terra factus est. Terra autem illa de qua factus est, uirgo fuit: quia nec sanguine humano polluta fuerat, nec ad sepulturam alicuius mortui à quoquam erat aperta. Par ergo erat, ut dixi, ut qui filium uirginis uicerat, à filio uirginis uinceretur. Et ideo, sicut qui uictor extiterit tyranni, mittit comites suos, ut in omnibus locis, ubi tyrannus possidet, titulos regis sui uictoris triumphatorios imponant: ita hic homo Christus IESVS, qui uicit, misit nos in omnes prouincias, ut expellamus ministros diaboli, qui per templa instatius habitant: & homines qui eos colunt, de potestate eius qui uictus est, auferamus. Ideo quæ argentum & aurum non accipimus, sed cõtemnimus, sicut ipse contempsit. Ibi enim cupimus esse diuites, ubi solum eius regnat imperium: ubi nec languor, nec morbus, nec tristitia, nec mors, locum aliquem habent. Sed ubi fœlicitas perpetua & beatitudo perennis est, & gaudium sine fine, & ubi denique deliciae sempiternæ manent. Inde est, quod templum uestrũ ingressus, dæmonem qui de idolo dabat responsa, ab angelis eius qui me misit religatũ obtineo. Quocirco si baptizatus fueris, & permiseris te inluminari, faciã te uidere & cognoscere, quãto malo careas. Nam omnes illi qui iacēt in tẽplo egrotantes, audi qua arte curet eos dẽmõ, fallacijs inludens: sicut diabolus, qui primum hominem uicit, ut sæpe iam dixi, quia per ipsam uictoriã pessimam potestatem habere uidetur. Et in alijs quidem maiorẽ, in alijs uerò minorem, in his scilicet qui minus peccant. Ipse quippe diabolus facit arte sua homines ægrotare, & suadet eos credere idolis. Et ut in animabus eorum potestatem obtineat, cessat eos tunc lædere, cum dixerint lapidi, aut metallo: Tu es Deus meus. Sed quia dæmon, qui in statua latebat, iam à me uinctus tenetur, sacrificantibus & se adorantibus nullum potest dare responsum. Sed si uis probare ita esse, iubebo illi ut ingreditur statuam suam, & faciã eum confiteri hoc ipsum, quod sit religatus, & responsa amplius dare non possit. Dicit ei rex: Cras prima hora parati erunt Pontifices sacrificare illi, & ego illis ibi mox superueniam, ut uideam hoc factũ mirabile. Factum est autem altera die, prima hora diei, sacrificantibus cœpit clamare dæmon: Cessate miseri sacrificare mihi, ne peiora patiamini, quàm ego, qui catenis igneis religatus sum ab angelis IESV Christi,

Christi, quem Iudæi crucifixerunt, putâtes eum in morte posse detineri: Ille autem ipsam mortem, quæ regina nostra est, captiuauit, & ipsum principem nostrum, maritum mortis, uinculis ignitis uinxit: & tertia die uictor mortis & diaboli, resurrexit, & dedit signum crucis suæ Apostolis suis, quos misit in uniuersas orbis partes, ex quibus & hic unus est qui me uinctum tenet. Peto autem uos, ut rogetis eum pro me, ut dimittat me ire ad alteram prouinciâ. Quæ ubi audiuiisset Bartholomæus: Confitere (inquit) immundissime, istos omnes qui hic egrotationes uarias patiunt, quis est qui eos læsit? Respondit dæmon: Princeps noster diabolus sic quomodo ligatus est, ipse nos mittit ad homines ut lædamus, primò quidē carnē eorum: quoniam animas hominum non possumus habere in potestate, nisi sacrificauerint. At ubi pro salute corporis sui nobis sacrificauerint, cessamus affligere illos ex eo, quia iam in animas eorū potestatem habere incipimus. Iam ergo per hoc quod ab eorum lēione cessamus, uidemur curare eos, & tanquam dñi colimur: cum pro certo simus dæmones, ministri eius quem in cruce positus IESVS uirginis filius religauit. Ab illo autem die qua Apostolus eius huc uenit Bartholomæus, ardētibus catenis strictus consumor: & ideo loquor, quia hæc ille iussit. alioquin nō ausus fuisset loqui eo præfente, atq; adeò ne ipse princeps quidem noster. Tum Apostolus conuersus ad dæmonem: Quare non saluas, inquit, hos omnes qui ad te conuenerunt? Respondit dæmon: Nos quando corpora ledimus, nisi animam leserimus, corpora sine lēione perdurant. Tunc conuersus Apostolus ad plebem: Ecce quem Deum colebatis, ecce quem uos curare putabatis. Audite nunc ex me uerum Deū, creatorem uestrum, qui in cœlis habitat. Non lapidibus uanis credatis. Sed si uultis ut orem pro uobis, & omnes hi sanitatem recipiāt, deponite idolum hoc, & confringite. Et cum hoc feceritis, templū hoc Christi nomini dedicabo, & uos omnes in isto templo Christi baptismo consecrabo. Tunc iussu regis omnes populi miserunt funes & trochleas, & simulachrum non poterāt euertere. Apostolus autem dixit eis: Soluite uincula illius. cumq; exsoluissent omnia uincula, dixit ad dæmonem qui in eo erat: Si uis ut non te faciam in abyssum mitti, exi de isto simulachro, & confringe illud, & uade in deserta ubi nec auis uolat, nec arator arat, nec unquam uox hominis resonauit. At ille statim egrediens, comminuit omnia genera idolorum. Nec solum maius idolum, sed ubicunq; pro ornatu templi sigilla erant posita, minutauit, ita ut picturā omnē deleffet. Tūc omnes una uoce clamare cœperūt: Vnus Deus omnipotens, quem prædicat apostolus eius Bartholomæus. Quibus factis, expandens manus suas Apostolus ad cœlum, dixit: Deus Abraham, Deus Isaac, & Deus Iacob, qui ad redemptionem nostrā unigenitum tuum filium, Deum nostrum & Dominū direxisti, ut nos omnes qui

sigilla, id est parua signa, et imagines: dictio, quæ sepe in epist. Ciceronis et historijs occurrit.

A qui eramus serui peccati, suo sanguine redimeret, & tibi filios faceret. Qui uerus Deus ex hoc cognosceris, quia semper idem es, & immutabilis perseveras: unus Deus pater ingenitus, & unus filius eius unigenitus Dominus noster IESVS Christus, & unus spiritus sanctus, inluminator & ductor nostrarum animarum, qui dedit nobis potestatem, ut infirmos saluaremus, cæcos inluminaremus, leprosos mundaremus, paralyticos absolueremus, dæmones fugaremus, & suscitaremus mortuos. Et dixit nobis: Amen dico uobis, quæcunque in nomine meo petieritis à patre meo, dabit uobis. Peto ergo in eius nomine, ut omnis hæc multitudo saluetur: ut cognoscant omnes, quia tu es Deus unus in cælo, & in terra & mari, qui salutem recuperas per ipsum Dominum nostrum IESVM Christum: per quem est tibi Domino patri honor & gloria, cum Spiritu sancto, per immortalia sæcula sæculorum. Cumque omnes respondissent, Amen: apparuit angelus Domini splendidus sicuti sol, habens alas. & per quatuor angulos templi circumuolans, digito suo in quadratis saxi sculpsit signum crucis, & dixit: Hæc dicit Dominus, qui misit me: Sicut omnes uos ab infirmitate uestra mundamini, ita mundaui templum hoc ab omni sorde, & habitatore eius, quem iussit Apostolus Dei ire in locum desertum ab hominibus. Præterea me iussit Dominus, quem uidentes nolite expauescere, ut prius ostendam uobis, ut quale signum ego sculpsi in his saxi, tale uos digito uestro facite in frontibus uestris, & omnia mala fugient à uobis. His factis, ostendit eis angelus Domini ingentem Aegyptium, nigriorem fuligine, faciem acutam habentem cum barba prolixa, & crines usque ad pedes, oculos igneos sicuti ferrum ignitum, scintillas emicantes ex ore eius, & ex naribus egrediebatur flamma sulphurea. Habebat & alas spineas sicuti histrix, eratque uinctus à tergo manibus, igneis catenis strictus. Et dixit ei angelus Domini: Quoniam audisti uocem Apostoli, & omnia pollutionum genera de isto templo mundaui, secundum promissum Apostoli soluam te ut uadas ubi nulla conuersatio hominum est, uel esse potest, & ibi sis usque ad diem iudicii. Et cum exsoluisset eum, ululatum teterrimum diræ uocis emittens, euolauit, & nusquam comparuit. Euolauit & angelus Domini, uidentibus cunctis, ad cælum. Tunc rex una cum uxore sua, & duobus filiis, & cum omni exercitu suo, & cum omni populo qui saluatus erat, & uicinarum urbium quæ ad eius regnum pertinebant incolis credens, baptizatus est, & deposito diadematæ capitis, & purpura, coepit Apostolum non deferere. Interea colligentes se uniuersorum templorum Pontifices, abierunt ad Astyagem regem, fratrem eius maiorem, & dixerunt: Frater tuus discipulus factus est magi hominis, qui templa no-

fra sibi uendicat, & deos nostros confringit. Cumq; hæc flentes re A
 ferrent, rex Astyages indignatus, misit mille uiros armatos cum
 Pontificibus, ut ubi inuentus esset Apostolus, uinctum illum per-
 ducerent ad eum. Quod cum fecissent, dixit ad eum Astyages:
 Tu ne es qui euertisti fratrem meum? Cui Apostolus: Ego non
 euerti eum (inquit) sed conuerti. Dixit iterum rex: Tu es qui
 deos nostros fecisti comminui? Respondit Apostolus: Ego de-
 di potestatem dæmonibus, qui in eis erant, ut ipsi conquassarent
 idola uana, in quibus degebant, ut omnes homines relicto errore
 crederent omnipotenti Deo, qui in coelis habitat. Dicit ei rex:
 Sicut tu fecisti fratrem meum, ut relinqueret Deum suum, & De-
 um tuum crederet: ita faciam te relinquere Deum tuum, & Deo
 meo credere, & ipsi sacrificare. Dicit, ei Apostolus: Ego Deum
 quem colebat frater tuus, religatum & uinctum ostendi, & ipsum
 feci ut frangeret simulachrum suum. Si potueris hoc facere Deo
 meo, tunc me ad sacrificandum impelles. Si autem tu nihil Deo
 meo facere potes, ego omnes Deos tuos comminuam, & tu cre-
 des Deo meo. Hæc cum diceret, nunciatum est regi, quod deus
 eius Vualdath cecidisset, & minutim dissiluisset. Quare indigna-
 tus rex, scidit purpuream uestem, qua indutus erat, & fecit exin-
 de fustibus cædi beatum Bartholomæum. Cæsum autem iussit de-
 collari. Interea qui hæc audierant, uenerunt duodecim ciuitatum B
 populi, qui per illum crediderant, unà cum rege Polymio: & ab-
 stulerunt cum hymnis, & cum omni gloria corpus eius. Factum
 est autem tricesimo die depositionis eius, arreptus dæmonio rex
 Astyages, uenit ad templum eius, & omnes Pontifices pleni dæ-
 monibus passi sunt, & confitentes Apostolatam eius, ibidem mor-
 tui sunt: & factus est timor & tremor super omnes incredulos.
 Et crediderunt uniuersi, atq; baptizati sunt à presbyteris, quos
 ordinauerat apostolus Bartholomæus. Factum est denique per
 reuelationē, uniuerso populo acclamante, ut ab Apostolo ordina-
 retur episcopus ipse rex Polymius: qui cœpit ab eo tempore in
 nomine Apostoli signa multa facere, fuitq; in episcopatu annis ui-
 ginti; & demum perfectis omnibus, ac bene cōpositis ac stabilitis,
 migravit ad Dominum, cui honor & gloria sit in sæ-
 cula sæculorum, Amen.

99
LIBER NONVS APOSTOLICI

certaminis, ab Abdia Babyloniae episcopo in lingua Hebraica conscripti, & à Iulio Africano uersi, De rebus beati Thomae apostoli per Indiam gestis.

A



BEATVM Thomam cum reliquis discipulis, ad officium Apostolatus electum, ipsumq; à Domino Dydimum, quod interpretatur geminus, uocatum, fides Euangelica narrat. Qui licet resurgente Domino, diffidere sit uisus, eo quod condiscipulis suis, qui Christum se uidisse affirmabant, eis se habiturum antè fidem negarit, quàm manus suas in uulnera & plagarum uestigia imposuisset; tamen reprehensus mox à magistro, qui apparuerat illi, & cōfirmatus in fide, acceptoq; Spiritus sancti dono, Taddæum, unum ex septuaginta discipulis, ad Abgarum, regem Edessenæ ciuitatis transmisit, ut eum ab infirmitate curaret, iuxta uerbum quod ei à Domino scriptū erat. Quod Taddæus ambienter impleuit, ita ut ueniens, imposito regi crucis signaculo, ab omni eum languore curaret. Dum hæc fieret, Thomas interea morabatur in Hierusalem: ubi diuina commonitione iussus est Indiam ingredi, ut scilicet populo qui iacebat in tenebris, lumen ostenderet ueritatis. Porro legisse me memini quēdam librum, in quo iter eius in Indiam, & res ibi gestæ explanantur: qui quod ab aliquibus ob uerbositatem non recipitur, superuacaneis omisis, ea memora bo quæ fide certa constant, ac legentibus grata sint, & ecclesiam roborare possunt. Igitur cum sæpe à Domino commoneretur, ut diximus, beatus Thomas, ut partes citerioris Indiæ ingrederetur: & ille quasi Ionas, à facie Domini fugiens ire differret, nec imple ret quæ sibi diuinitus præcipiebantur, apparuit ei Dominus in uisu noctis dicens: Ne timeas Thoma descendere in Indiam: Ego enim uado tecum, & non derelinquam te, sed glorificabo te isthic, imple bisq; certamen bonum, confessus me coram hominibus terræ illius: & exinde assumam te cum gloria, & statuā te cum fratribus tuis in regno meo. Nam scito, quia oportet te ibi multa pati propter me, ut cognoscāt omnes te docente, quia ego sum Dominus. Hęc cum audisset beatus Apostolus, dixit: Quæso Domine, ne dirigas illuc seruum tuum. Regio enim illa lōginqua & grauis est, & incolæ sunt loci illius iniqui, & ignorantes ueritatem. Accidit autem, ut his dieb. Hierosolymis esset negociator quidam Indus, Abban nomine, ut per Syriam peritum quendam in architectura compararet, à Gundasero rege missus. Huic per diem Dominus in specie humana apparens, ait: Quid hic tu o homo, de tanto terræ spacio aduenisti? Et ille: A domino (inquit) meo, rege Indiæ, missus sum, requirens artificem structorem, qui ei palatia possit ædificare. Cui

Dominus ait: Est mihi seruus talis, quem si uolueris, comparabis. **A** Et statim adduxit negociatorem ad hospitium Thomæ, & ostendens eum inquit: Hic est seruus meus artifex, de quo locutus sum. Nunc autē de precio cum eo conuenite. Quod cū acceperit, duc eū quò uolueris. Quod cum negociator fecisset, apprehensum sanctum Thomā deduxit ad nauem suam. Et ascendentes, mense tertio in Indiā citeriorem euecti sunt: obstupuitq; negociator causam uelocitatis, eo quòd iter illud, quod aliàs triū annorum spacio uix expediebatur, nunc in tribus mensibus esset impletum. Exeūtes aut de naui, ingressi sunt primam Indiæ ciuitatem, & audiebant fonos musicos, & urbem totam lætitia magna plaudere. interrogantesq; unum de populo, quid hoc esset? dictū est illis: Rex (inquit) noster unicam filiam hodie copulat matrimonio, ideo gaudiū est huic ciuitati: & te, ut credo, dñ exhibuere, ut his epulis interesses. Hæc illis colloquentibus, subito totam ciuitatem uox præconia replet, dicens: Audite habitatores omnes, diuites, mediocresq; peregrini & pauperes: accedite ad palatium regis, & epulemini, gaudete et estote iucūdi. Si quis uerò ab hac se cōmuni lætitia subtraxerit, reū se nouerit Maiestatis. Hæc cū audisset negociator, ait Thomæ apostolo: Eamus & nos, ne culpabiles inueniamur corā rege. Tūc ingressi palatium, iussi sunt discumbere thoro. Thomas autem apostolus discubuit in medio, intendentibus omnibus in eum, & scientibus quòd peregrinus esset. Aderat uerò his nuptijs & puella ex Hebræis, concinens calamos: quæ cum audisset beatū Thomam, orantē & benedicentem Deum, intellexit de sua esse regione, & intendebat in eum iugiter, nec desisteat ab admiratione uultus eius. Sed & ille intelligēs Hebræā esse, libentissimè aspiciebat eam. Hæc uidēs pincerna cōuiuij, zelo ductus, dedit alapā Apostolo, dicens: Vt quid tu sic intendis in mulierē? At ille eleuatis in coelū manibus, ait: Indulgeat tibi Dominus in futuro iudicio, fili. In hoc uerò sæculo, protinus representet dexteræ illi, quæ me uerberauit iniustè. Erat autem iam imminens nox, epulantibusq; illis subito deficit aqua ministerijs nuptialibus. Quare euntibus multis ad hauriendum, & tardantibus, ipse quoq; pincerna cucurrit. Et accedēte eo ad fontem, adfuit leo magnus qui adprehensum puerum cōfregit, & in frustra discerpsit. Cuius dexteram adprehensam, canis qui aderat, detulit ad domum, & portabat per conuiuia epulantiū. Requiringentibus autem illis, quis deesset ex famulis: cognoscunt pincernam interemptum esse ad fontem, atq; eius dextram, cum leo reliquum corpus deuorasset, à cane fuisse correptam, conuiuioq; delatam. Hæc audiens puella Hebræa, confractis calamis procidit ad pedes Apostoli, clamās uoce magna, & dicens: Verè hic est seruus Dei uiui, quia omnia quæ locutus est, uelociter sunt impleta. Cum uerò & hæc audisset Rex, prostratus est & ipse ante pedes eius, dicens:

Nota mirabilem historiam.

†

A cens: Rogo uir Dei, ut deprecereis Deum tuum pro unica filia mea, quam hodie uiro tradidi: ac peto ut eas illuc, atq; benedicas puerum scilicet & puellam. Illo uero recusante, rex ui cōpulit Apostolum, ad thalamum usq; procedere. Tunc beatus Apostolus, expansis manibus orauit super eos, dicens: Deprecor Domine, ut effundas benedictionem tuam super hos adolescentes, & inspirare digneris cordi eorum, quæ eos agere oporteat. Atq; ita cōsummata oratione egressus est ostium, omnibusq; foras egredientibus, puer reuertebatur ad thalamum. Et ecce apparuit ei Dominus in similitudine Thomæ apostoli, sedens super lectum eius. Puer uero timēs, ait ad eum: Nonne tu modò egressus es? Et quomodo huc iterum es ingressus? Cui ille: Non sum (inquit) ego Thomas, sed frater eius: Ipse enim uos mihi cōmendauit, ut custodiam uos ab omni malo. Et ideo audite consilium meum. Relinquitte omnē sollicitudinem sæculi, & credite in Deum uiuum, quem prædicat frater meus Thomas. Estote castè uiuentes, & projcete à uobis omnem curam huius uitæ mortalis, ut effecti per sanctitatem mentis & corporis templum Dei, illam uitam perpetuam, quæ nullo fine clauditur, adquiratis. Et hæc dicens, ac benedicens eis, recessit à cubiculo. Mane autem facto, ueniens rex uisitare eos, inuenit puerum sedentem, & puellam iuxta eum, nihil habentem uerecundiæ, ut ordo exigat nuptialis. & ait ad eos rex: Quæ uos causa ita sedere facit? Cui puer: B Gratias agimus Domino nostro IESV Christo, qui nos ad suā noticiam uocare dignatus est, ut relictis tenebris, sequamur lumen ueritatis eius. Sed & puellæ ait rex: Cur tu nihil uerecundiæ ferens ob honorem nuptiarum, impudentè oculos erigis? Et illa: Hæc (inquit) nuptiæ transitorie sunt: at ego desponsata sum à rege cœlorum, cuius thalamus immensis monilibus splendet, cuius nuptiæ castæ sunt, ad cuius mensam epulæ non deficiunt, in cuius domo lētitia perennis, iucunditas sempiterna, & gaudia perpetua perseuerant: cuius uultus est omnibus in eum credentibus desiderabilis, de cuius uestimentis diuersorum aromatum suauitates efflagrant: in cuius hortis lilia perenniter nitent, rosæ rubent, uiolæ & croci perpetua florum uiriditate rubescunt. Hæc illa dicente, rex scidit uestimēta sua, dicens: Perquirite magum illum, quem ego sponte introduxi in domum meam, ut amitterem filios meos. Ecce enim maleficati ab eo, Christianos se nunc dicunt. Igitur indignatus misit ministros, qui requirerent Apostolum. Sed non inuenerunt eum. iam enim cum negotiatore ad ulteriores Indiæ partes processerat. Adolescentes autem prædicabant ab eo tempore uerbū Domini iugiter, ita ut omnis populus per eos conuerteretur ad Dominum. Sed & ipse rex, qui erat pater puellæ, compunctus corde, credidit in Dominum IESVM Christum. Et audiens beatum Apostolum in ulteriori India commorari, abiit cum omnibus qui crediderant,

crediderant, & peruenit ad eum, procidensq; ad pedes eius, rogauit ut eos omnes baptismatis gratia consecraret. Hæc audiens Apostolus, gauisus est, & gratias egit Domino: transactoque septem dierum ieiunio, baptizauit eos in nomine Trinitatis. Ipse quoque rex rogauit sibi caput tondi, & diaconus ordinatus est, & adhærebat incessanter Apostolicæ doctrinæ. Interea dum hæc fiunt, negociator accessit ad regem, & nunciauit ei, inuenisse se uirum, qualem ei præceperat. Quem rex, repletus gaudio, iussit adduci in conspectum suum, & ait: Quod est opus tuum, uel quod artificium nosti? Seruus sum (ait Apostolus) artificis architecti. In lignis autem & cæmento ualde cognitus sum, & in omnibus quæ iuste præcipiuntur. Tum rex: Talem dudum requirebam, qui hæc artificia nosset. Et egressus è ciuitate, ostēdit ei locum, & ait: Si uerus es artifex, in huius loci planicie palatium mihi construes. Quod ubi feceris, probabo quod in cæteris operibus sis perfectus. Cui ait Apostolus: Opportunus est locus, in quo palatiū edificetur, quod in perpetuum rex debeat inhabitare: quia planitie extensus, tum aqua iucundus, & aere salubris habetur. tum data mensura ædificij, relictisque multo pondere auri, profectus est rex in aliam ciuitatem, deprecans Apostolum, ut uelociter ædificaret domum illam. Beatus uerò Thomas accepta pecunia, pergebat in circuitu ciuitates obambulans, & euangelizans uerbum Dei, aurum regum indigentibus distribuēbat, sanabatq; omnes infirmitates populi per regionem illam. Paulo post cum aliquot dies transissent, misit pueros ad Apostolum, qui opus ædificij cōtemplarentur, & si quo adhuc indigeret. Qui cum ad Apostolum uenissent, & quæ iussi fuerant à rege expediuissent, respondit Apostolus: Palatiū, quod fieri rex præcepit, iam ædificatum est, ad cuius tectum aliqua adhuc necessaria sunt, quæ rex transmittat. Hæc ut ab Apostolo audiuerant, nunciauerunt pueri regi. & misit rex iteratò pecuniam Thomæ, deprecans, ut uelociter ædificium cooperiretur. Deniq; post multū temporis, existimans rex opus completum esse, uenit ad ciuitatem illam: & interrogans amicos suos, cupiebat uidere palatium, quod Thomas ædificauerat. At illi dixerunt, nihil ædificij noui in hac urbe operatus est: sed uadit per populos, erogans aurum tuum, nouumq; Deum patriæ, qui nunquam auditus est, prædicat, & post hanc uitam nescio quam æternam promittit, asserens homines in perpetuo uiuere, qui crediderint in nomine Dei sui: dæmonia eiicit, sanat infirmos, mortuos suscitatur, & nihil mercedis accipit. Unde manifestum est, magum illum esse, & seductiones uanissimas exercere. Quæ cum audisset rex, indigātus iussit eum adduci, & ait: Ostende ædificium quod operatus es, alioquin morieris. At ille: Aedificium (inquit) quod præcepisti fieri rex, iam expletum est. Sed nunc non uidebis illud: uidebis autem in sæculo futuro, & habitabis

Abitabis in eo foeliciter. Tum rex furore succensus: Ad inludendum (inquit) nobis, ut audio, huc uenisti. & statim iussit eum mitti in carcerem, cum Abban negociatore. Audiens autem hæc frater regis, quod scilicet uastata fuisset pecunia publica, & nihil apparet ex ea, indignatus, & damno cōdolens fraterno, febre accensus, conuertit caput in lectulum, & uocans regem, ait: Ecce dies obitus mei aduenerunt, & nunc commendans domum meam tibi, noueris me spiritum exhalare. Sed rogo, ut magum illum, cuius nequitia hæc patior, protinus iubeas decollari. & hæc dicens, obmutuit. Et iacebat clausis oculis, neq; cibum capiens, neq; ullum proferens uerbum. Tertia uerò die apertis oculis, uocauit iterum fratrem suum, dicens: Spei meæ certa est confidentia, ut si quid à te petiero, præstare non abnuas. Nunc autem rogo ut transferas in ditionem meam palatium, quod tibi homo peregrinus ædificauit. Illo autem admirante, eo quod palatiū Thomas nullum ædificasset, coepit ei exponere, & dicebat ductum se fuisse à duobus uiris, & ostensum palatium. Et adijciebat, quæ amplitudo ei esset, quæ fenestræ, qui splendor, quod tectum, dicentibus sibi uiris à quibus ducebatur: Hæc est domus quā ædificauit fratri tuo Thomas apostolus Christi. His auditis, rex ait fratri suo: Si tibi hoc ædificium placet, da ei pecuniam, & simile construat tibi. Ego autem non relinquam domum meam, quam multo labore quæsiui. Et cursu uelocissimo abiens ad carcerem, dimisit Apostolum: deprecans ex eo, ut indulgeret ei iniuriam quam fuerat passus: & flagitabat signaculum beatæ crucis accipere, & credere Deo illius. Beatus uerò Apostolus indicens eis ieiunium per septem dies, prædicauit uerbum Domini. Et die septima baptizauit regem & fratrem eius, in nomine patris & filij & spiritus sancti. Sed & populum multum post hos, & cum his baptizabat. Tunc quoq; ipse rex cum fratre suo ascendens de lauacro, uidit iuuenem in ueste alba, tenentem lampadem magnam, & dicentem: Pax uobis, & statim recessit ab oculis eorum. Posterius exeunte Apostolo de ciuitate, ecce occurrit ei mulier spiritum immundum habens. Et cum uidisset Apostolum, conlisset eam spiritus in terram, & ait: Quid nobis & tibi Apostole Dei summi? uenisti ante tempus, extrudere nos à sedibus nostris. Ad quem conuersus mox beatus Thomas, ait: In nomine Christi Domini mei impero tibi, ut exeas ab ea, & nihil noceas corpori illius. Et statim dæmonium cum egrederetur, dicebat: Ecce ejicis me hodie ab hac muliere, nobiliorem autem inuenturus sum in quam ingrediar. Et confestim eiecto dæmone, mulier sana facta procidit ad pedes Apostoli, signum salutis efflagitans. Ille autē abiit ad fontem qui erat proximus, & sanctificauit illum, & baptizauit mulierem cum multis alijs. Deinde benedicto pane, cōmunicabat eum omnibus, dicens: Gratia Domini uobiscum. Accipientibus autem multis

multis de hac gratia, uenit quidam adolescens: Cumq; extendisset A
manum, ut acciperet & ipse benedictionem, attracta est dextera eius, nec poterat eam amplius ad os adducere. Quod cum uidisset
Apostolus, ait: Ecce omnes qui accipiunt ab hoc pane, sanitati redduntur. Dic tu o iuuenis, quid sceleris commisisti, ut hæc tibi eueniant? At ille tremens, ait: Nudiustertius cum prædicares, audiui te dicentem, quod omnes adulteri non haberent partem in regno Dei tui. Cumq; domū rediissem, uidi uxorem meam moechari cum uiro altero, & statim apprehensam sugillauī eam, quæ iacet iam domi mortua. Quæ ut audiuit Apostolus, iussit exhiberi sibi aquam in hydria, & abluens manus adolescentis sanauit eum, dicēs: Ostende mihi ubi recūbit mortua uxor tua. Et uidens eam Apostolus, prostratus in oratione, ait: Domine IESV Christe, qui ore benigno polliceri dignatus es, ut omnia quæcunq; peterem à te, benigna pietate largireris. Suscita ergo nunc hanc mortuā, ut ista uiuente, multi credentes suscitentur ad uitam perpetuam. Et adprehensa manu mulieris, suscitauit eam. At illa uidens Apostolum, procidit ad pedes eius, gratias Deo agens. Quod uidētes multi credere cœperunt, & baptizabantur ab Apostolo, offerentes ei munera, quæ statim indigentibus erogabantur. Hac fama procedente per ciuitates, conueniebat populus indies maior, exhibens infirmos, & ponēs per plateas, unde sanctus erat transiturus Apostolus. Quos B
cum ille uidebat, cunctos in nomine Domini nostri IESV Christi, impones signum beatæ crucis, per sanabat. Audiens autem hæc quidam princeps Mesdei regis, uenit ad eum dicens: In ueritate cōperi, te uerum medicum esse: Qui cum languores omnium cures, nihil mereedis tamen accipis. Et nunc sunt mihi uxor & filia, quæ cum de nuptijs uenirent, à dæmonio correptæ, grauius cruciātur. Rogo igitur ut accedas, & benedicas eis. Confido enim quod possis saluare illas, in nomine Dei tui. Tum beatus Apostolus condolens homini, ait: Si credideris, sanabitur filia & cōiunx tua. Cui ille: Si (inquit) non credidissem, non utiq; uenissem ad te. His auditis, uocauit Apostolus diaconum suum, illum qui rex fuerat ciuitatis primæ Indiæ, ubi Apostolus ad nuptias erat inuitatus, & ait ad eū: Vade, & conuoca omnes credentes ad me. Qui cum uenissent, ait ille: Ecce ego à uobis abscedo. Vos autem state fortes in fide, & custodite quæ à me accepistis. Diligite Dominū IESVM Christum, per quem renati estis in baptismo. Diaconum uerò istum relinquo uobis, neq; ulterius uidebitis faciem meam. Et extēdens manus suas, benedixit eos dicens: Custodī quæso Domine gregem tuum, quem per me cōgregare dignatus es, ut nullus retrorsum ruat, nullus post diabolū reuertatur: sed omnes tua uirtute protecti, uitā æternam consequi mereantur, & tecum regnent in perpetuo, cui est cum æterno patre & Spiritu sancto honor & gloria in sæcula sæculorum.

A sæculorum. Et cum respondissent omnes, Amen; beatus Aposto-
lus exosculans singulos, & ualefaciens, ascendit in currum cū prin-
cipe Mesdei regis, & profectus est cum eo. Populus autem flebat
ualde post eum, & tristabatur de absentia eius. Igitur appropin-
quante Apostolo ad domum illius cum quo gradiebatur, spiritus
malus conturbauit mulieres, & uexabantur uehementer. Cumq̃
uenisset Apostolus, dicebat spiritus immundus: Quid nos perse-
queris Thoma, apostole Dei uiui? Iam enim nos de alia India eiece-
ras, nec est locus in quem fugiamus à facie tua. Tūc intellexit Apo-
stolus, hoc esse dæmonium quod eiecerat prius à muliere in India
secunda, & ait illi: In nomine IESV Christi, filiū Dei uiui, quem præ-
dico, egredimini, & abite in terram desertam, & nolite ultra uexare
homines. Et statim exierunt dæmonia de mulieribus. Quæ cadentes,
factæ sunt sicut mortuæ. Adprehensis autem manibus earum,
leuauit eas, & benedicto pane, dedit eis cibum. Et prædicabat bea-
tus Thomas per totam Indiam, euangelizans Dominum IESVM
Christum, nec solum sermonibus, sed operibus etiam, fidem barba-
ricis pectoribus inferebat. Itaq̃ ille ante paulisper incredulus, qui
dixerat, Nisi uidero fixuras clauorum, non credam; credentes Deo
populos innumeros congregabat. Et puto per prouidentiam Do-
mini ideo eum diligentius de resurrectione quæsisse, quia duris ac
B feris gentibus seminaturus erat uerbum Domini, uti instructior
redderetur, quod hæsitantes fide uel ratione firmaret. Inuenit i-
gitur in India uiros pariter ac foeminas, qui uerbum suscipere-
nt Dei, quorum quotidie multos sanabat infirmos. Audiens au-
tem hæc signa quæ faciebat sanctus Apostolus, mulier quædam
Mygdonia nomine, uxor Charisij, propinqui regis Mesdei, uenie-
bat ad eum; cumq̃ præ turba accedere non posset, & pueri eius cæ-
debant populum, & repellebant multos: uidens Apostolus, prohi-
buit fieri. Et dato spacio, accessit mulier, & procidit ad pedes eius,
& ait: Miserere nobis Apostole Dei uiui, quia sumus sicut bestię
quæ sensum non habent. Hæc audiens Thomas, respondit: Audi
filia, noli cōfidere in diuitijs quas possides, sed potius distribue om-
nia pauperibus, ut fugiens hanc uitam transitoriam, perpetuam a-
dipiscaris. Relinque idola muta & surda, & cognosce uiuentē De-
um. Et cum ei de fide usq̃ ad uesperum intimasset, accepto signacu-
lo crucis, reuersa est mulier in domū suam. Et ingressa cubiculum,
flebat ualde, deprecans Dominum, ut inueniret ueniam pro deli-
ctis suis, eratq̃ continuò tristis, donec ueniens uir eius, causam tri-
stitiæ rogaret. Cui famuli dixerunt: In cubiculo commoratur Do-
mina nostra. Ingressus igitur uir ad illam: Cur (inquit) tristis es,
& cur conturbatur cor tuum? Scio autē quia accessisti hominem
magum, & audiuiisti ab eo uerba inania, quæ nihil proficiunt. Re-
linque ergo cogitationes uanas, & surge ut epulemur simul. Cui
illa ait:

illa ait: Indulge quaeso mihi hac nocte, quia neque cibum neque potum
 acceptura sum, sed nec in strato tuo quiescam. At ille recedens ab ea,
 epulatus est cum amicis suis. Mane autem facto rediit ad eam, & in-
 quit: Mygdonia audi somnium meum. Putabam me cum rege Mes-
 deo discumbere, & ueniens aquila rapuit ex disco duas aues opti-
 mas, ac abiit: & rursus rapuit alias duas, portabatque eas ad nidum su-
 um. Quae cum rex uideret, emissio iaculo transfixit illam, sed nihil ei
 nocuit. Haec audiens mulier, dixit: Optimum est hoc uerbum, & il-
 lud quod uidisti. Interea abeunte uiro ad palatium, mulier iterum
 accessit beatum Thomam, & inuenit eum docentem turbas, proci-
 densque ad pedes eius, ait: Praedicationem tuam audiui, & omnia
 uerba quae aure suscepi, corde retineo impolluto, & stans audiebat
 uerbum usque ad uesperam. Adueniente autem nocte, regressa est in
 domum suam, & nihil cibi accepit, neque dormiuit cum uiro suo. Qua-
 re Charisius uir eius mane facto, dolens quod ab eo separaretur u-
 xor, indutus uestimenta uilia, accessit regem. Quem cum deturpa-
 tum uidisset rex, ait illi: Quae extat causa, ut haec te uilitas circundet?
 At ille: Quia perdidici (inquit) uxorem meam per hominem magum,
 quem Sapor introduxit in regionem istam, ut perdat eam. Et sta-
 tim rex iussit Saporem uocari. Euntes autem pueri, inuenerunt eum
 sedentem iuxta Apostolum, & audientem uerbum Dei, & Mygdo-
 niam ad pedes eorum. Cui pueri: Ecce (aiunt) rex in caput tuum
 iratus est, & tu uerbis inanibus uacas? Veni, quia uocat te. At il-
 le surgens, rogauit Apostolum ut orationem funderet pro eo. Ad
 quem conuersus Apostolus, ait: Noli timere, sed spera in Domi-
 num, quia ipse erit adiutor noster, & non timebimus noceri ab
 ullo mortali. Et ingressus est Sapor ad regem. Ad quem rex:
 Quis est (inquit) magus ille, quem accersisti in domum tuam, qui
 conturbat regionem & populum nostrum? Sapor respondit: No-
 sti enim optime rex, afflictionem meam, quam de uxore & unica fi-
 lia habueram, quae a daemonio uexabatur, & ab eo sanatae sunt. Sed
 & multi infirmi nunc per manus eius sanantur: & omnia quaecumque
 petierit a Deo suo, praestat ei. Quibus auditis, Mesdeus rex iussit
 adduci ad se Apostolum: Sed quia pueri non poterant praeter turba
 ad eum accedere, Charisius cum furore rupit per turbam, & ait:
 Surge malefice, & ueni in praesentiam regis: nihil enim ualet magi-
 ca tua. Et misso fune in collum eius, trahebat eum ad regem, dicens:
 Veniat Christus, & eruat te de manibus meis. Ita igitur tractus, cum
 uenisset in conspectum regis, ait illi rex: Quod est genus tuum, uel
 quae patria, uel in cuius nomine haec signa facis? Tum beatus Apo-
 stolus respondit: Deus meus, Deus tuus est, creator coeli & terrae,
 & omnium quae in eis sunt. Qui solus coli debet, non idola surda
 & muta. His auditis rex iratus ualde, iussit eum extensum torque-
 ri, & caesum recludi carcere. Cumque recluderetur, gratias agebat
 Deo,

A Deo, quòd dignus esset talia pro nomine eius pati. Charisius autem reuersus ad domum suam, dicebat: Nunc copulabitur mihi uxor mea, eo quòd abstulerim magū de medio populi huius. Et ueniens, inuenit eam detonso capite decumbere solo, & ait: Dulcissima coniunx, quæ mentem insaniam cœpit, ut hæc feceris? Nunquid potentior erit mihi hic magus? Nonne uides quòd me omnis India ueneratur, & quod uolo, hoc facio cū rege? Sed & pecunia magna est mihi. Cui illa: Omnia (inquit) hæc terrena sunt, & in terram reuertentur. Is autem beatus erit, qui se uitæ perpetuæ copulauerit. Hæc audiens Charisius, quieuit in lecto suo. Mygdonia autem accipiens aurum, dedit custodibus: & ingressa in carcerem, osculabatur pedes Apostoli, audiens uerbum Domini. Et reuersa ad domum suam, dum uir eius apud Regem esset, prostrata humo in cubiculo, deprecabatur Deum cum lachrymis, dicens: Propitiare Domine insipientiæ meæ, ut reuertar ad salutem perpetuam. Quod uidens nutrix illius, ait ad eam: Quæ est peruersitas in corde tuo, ut relicto uiro, per quem magnificè honoraris, ieiunijs ac uigilijs te affligas, seducta uerbis magi unius? Cui illa ait: Non est hoc peruersitas, sed integra ratio, ut cognoscat homo auctorem suum, & mereatur adipisci uitam perpetuam. Utinam & tu crederes Christum, & particeps fieres agonibus nostris. At illa: Si (inquit) B rationem cognouero, sequar te. Tum Mygdonia: Dñ, quos usq; nunc colui, nihil sunt, sed est uerus Deus IESVS Christus, per quē facta sunt sæcula: qui ut hominem, quem prius plasmauerat, redimeret, homo factus, mortuus & sepultus est: descendit ad inferna, & eripuit eos qui tenebantur à morte pessima. Exinde rediens, docuit nos resurgere, & sic ascendit ad cœlos, sedet ad dextrā Dei patris omnipotentis, tribuens nunc credentibus in se dona cœlestia. Cuius tempora finem non accipiunt, cuius læticia nunquam perit, cuius deniq; lux nunquam occidit. Ipse uerò cum patre & spiritu sancto regnat, & nunc, & in cuncta sæcula sæculorum. Hæc audiens Nardua nutrix eius, confestim credidit in Dominum. Et ambulantes simul ad carcerē, data pecunia introierunt, & audiebant uerbū Dei ab Apostolo: qui gauisus erat ualde, super fide Mygdoniæ, quòd iam per illam & alij conuerterentur ad Dominum. Cumq; baptismum flagitarent, dixit Apostolus Mygdoniæ: Vade ad domum tuam, & præpara quæ sunt necessaria, & ego uadam ad baptizandum uos. Abeūtib; ergo mulieribus, beatus Apostolus subsecutus est ad domum Mygdoniæ, & baptizauit eam cum nutrice sua, & alijs multis. Et reuersus est in carcerem, & clausa est ianua. Charisio autem grauiter dolente de conuersione uxoris, misit rex coniugem suam cum filio Zuzani, quæ consolaretur cognatā Mygdoniam, & reuocaret illam ab hac uia, et ut uiro suo copularetur. Quæ cum esset ingressa domum Mygdoniæ, ait ad illam: Ut quid

soror charissima erras post hominem magum, qui nouum Deum A
 patriæ nostræ prædicat? Recede ab hac praua cogitatione, & esto
 iucunda in domo tua, cum uiro cui te parentes tradidere: Et noli re
 linquere deos patrios, ne irascantur tibi. Ad hæc illa respondit:
 Erraui usq; nunc sequens idola uana, quæ sunt sine gressu, sine elo
 quio, & sine ullo effectû, ignorans uerbum Dei qui fecit cœlum &
 terram, & omnia quæ sunt in eis. Sed & metalla, ligna & lapides, ex
 quibus isti uel funduntur, uel sculpuntur, eius uerbo creata sunt,
 cuius & nos creatura sumus. Non est ergo æquum, soror dilectissi
 ma, ut relinquentes talem artificem, creaturam potius adorem, quæ
 nobis ad seruiendum data est. Hæc cum Mygdonia dixisset, tum &
 Luzanis filius regis ait: Ecquis hæc omnia creauit, nisi dñi nostri?
 Nam Iupiter cœlum tenet, Iuno æra regit, Neptunus mare guber
 nat, Pluto inferna iudicat, Phœbus diem, Berecynthia noctem inlu
 minat. Cui Mygdonia subridens, ait: Omnes isti quos commemo
 ras, fili dilectissime, inferno damnati sunt, quia non cognouerunt
 Deum uiuum. Nam si recurras ad ueteres fabulas, inuenies hos
 & luxurijs deditos, & talia mala perpetrasse, qualia hodie iudices
 in iniquis hominibus persequuntur & puniunt. Mortui autē sunt,
 & non uiuūt. Deus autem noster manet in sæcula sempiterna. Et
 qui crediderit in eum, transfertur ab hac temporaria morte in uitā
 æternam. Cumq; hæc & his similia eis Mygdonia diceret, compun
 cta corde uxor regis, ait filio suo: Rectē soror nostra reliquit uirum B
 suum, & diuitias terrenas, ut uitam capiat sempiternam. Vtinam
 & nos uideremus hominem istum, qui faceret nos cognoscere ue
 ritatem. At illa gaudens, abiit ad Apostolum, & narrauit ei omnia
 quæ acta fuerant. Ille uerò gaudebat, & ipse prædicans sine fine uer
 bum Domini, & imposita manu benedixit eos, & præcepit eos ab
 scedere. Sed non abiit ultra uxor regis ad uirū suum, nec filius eius
 renunciauit patri de his quæ præceperat. Cumq; hæc omnia re
 nunciata fuissent Meldeo regi, quod scilicet uxor eius & filius con
 uersi essent ad Apostolum, iratus ualde, præcepit adduci uxorem
 suam, & filium. Quibus cum persuadere non posset, ut recederent
 ab hac uia, iussit uxorem in obscuro loco recludi, filium uerò cum
 beato Apostolo in carcere conligari. Sed & Charisius uxorē suam
 cū nutrice Narchia similiter reclusit in cellula tenebrosa. Et statim
 rex iussit Thomā adduci, manibus à tergo ligatis, & dixit ei: Quis
 est iste Deus tuus, qui coniuges nostras per te à nobis separat? Di
 cit ei Thomas: Tu cum sis rex, nunquid uis habere inquinata serui
 tia? Si ergo tu cum sis homo, mundos seruos habere studes, atq;
 mundas ancillas: quanto magis credere debes, amare Deum castis
 sima & mundissima seruitia? Si ergo hoc Deum in seruis suis & an
 cillis suis amare prædico, quod tu in seruis tuis & ancillis tuis dili
 gis, ut quid culpor? Tum rex: Ego (inquit) permisi uxorem meā,
 ut

A ut cognatam suam Mygdoniam de præcipitio liberaret, & ipsam tu præcipitio immisisti. Respondit Apostolus: Præcipitium non est, nisi recedere à castitate, & ire in libidinem. Nam qui à libidine se tollit, & ad castitatem accedit, hic à præcipitio remeat ad salutem & egreditur de tenebris ad lucē. Dicit ei Mesdeus rex: Quomodo separasti animos earum à consortio coniugij nostri, his quoq; artibus age, & eodem consilio, ut redeant, ut sint coniuges nostræ, ut antè fuerunt. Respondit Apostolus: Errat iussio regis. Et rex: In quo errat iussio mea? Dicit Apostolus: Fabricaui turrē excelsam. Et dicis mihi, ut ego qui sum fabricator, ipse destruā summitatem? Fodi terram profundam, & eduxi fontem de abyssu, & dicis mihi, ut ego illam obruam? Ego potius dicam illis uerba Domini mei: Quia qui diligit patrem aut matrem, aut filios aut uxorem, plus quàm Deum, Deo dignus non est. Tu enim rex temporalis es, & si uoluntas tua non fiat, temporaliter punis. Deus autem Rex æternus est, & si uoluntas eius contēpta fuerit, æternaliter punit. Equidem tu rex posteaquam occideris corpus, animam occidere nō potes. Deus autem uerus, potest animam & corpus mittere in æternum ignem. Hæc audiens Charisius, qui corā rege stabat: Hunc magum si tardius occideris, nos ipsos in præcipitiū mittet. Tūc ira repletus rex, iussit lances ferreas igniri, & præcepit ex calciari Apostolum, ut nudis pedibus superstans, hoc dolore deficeret.

B Verū antequam hoc supplicium Apostolo admoueretur, prorupit aqua, & extincti sunt lances. Et ait ad regem Apostolus: Hoc non propter me fecit Dominus, sed propter te, ut uel sic credas. Mihi autem Dominus hanc patientiam dare potest, ut uel sine aqua ignem tuum non timeam. Tum conuersus ad regem Charisius: lube etiam eum in fornacem thermarum mitti. Quod cum fieri rex iussisset, thermæ ultrā calefieri non potuerunt, sed nec paruū quidem teporem habebant: ipseq; Apostolus altero die est egressus incolumis. Et Charisius iterum ad regem: Fac (inquit) illum sacrificare deo Soli, & iram incurret Dei sui, qui illum liberat ab his quæ inferuntur ei. Cumq; argueret, ut ingressus templum simulachro Solis sacrificium inferret, ridens in faciē regis dixit Thomas: Dic mihi rex, quis est melior in terte & imaginem tuam? Non dubito, quin præstātor tu sis quàm pictura tua. Et quomodo uos dimittitis Deum uestrum, & excolitis picturam eius? Erat autem statua Solis facta ex auro, habens quadrigam equorum auream, habens effusis, quasi rapido cursu ageretur ad coelos. Et dum compelleret ut adoraret statuā, dixit Apostolus ad regem: Erras, si putas o rex, quòd sicut dixit Charisius, Deus meus irascat mihi, cum ego deum tuum adorauero. Hoc magis uolo te nosse, quod is deo tuo irascetur, & euertet eum mox ut adorauero eum. Tum rex: Inuictissimū Solem, Deus tuus, quem Iudæi occiderunt, euertere ne potest?

potest: Respondit Apostolus: Vis ergo probari, si hoc potest
 fieri: Et Charisius: Excusationes (ait) sibi inuenit, ut non adoret
 Solem, neque sacrificet ei. Dicit ei iterum Apostolus: Primò ego ado-
 ro eum, & si eum non euerteret Deus meus, tum sacrificabo ei. Et cū
 consensisset rex & Charisius, introduxerunt eum in templum, du-
 centes choreas eo ritu quo solebant. Erant autem uirgines cum ly-
 ris cantantes, alij cum tibijs, alij cum tympanis, alij cum uatillis &
 thuribulis. Et cum introissent, ait Apostolus ad simulachrum:
 Tibi loquor dæmon, qui in isto simulachro habitas, & qui das re-
 sponsa stultis & deceptis hominibus, qui simulachrum uidet: Ad-
 iuro te in nomine Domini mei IESV Christi, quē Iudæi crucifixe-
 rūt, ut ex eas, & stes ante me, ut uideāt te: & quod imperauero tibi,
 hoc facias. Egressus autē dē mō, stetit ante eum, ita ut solus Aposto-
 lus uideret eum. Et dixit ei: Ego corde colo Dominum meum IES-
 VM Christum. mox autem ut posuero genua mea in terra, & di-
 xero tibi, ut confringas idolum, rogabo Dominum meum, ut mit-
 tat angelum suum, qui te releget, & damnet in abyssum. Et respon-
 dit ei dæmon: Rogabo te Apostole Dei, ne me in abyssum releges.
 Sed permitte me, & omnes istos interficiam. Tum Apostolus: Im-
 pero tibi in nomine IESV Christi Domini mei, ne lædatur ullus
 hominū, nisi hoc solū simulachrū. Mox ut genua flexero, cōminue
 illud. Loquebatur autem Apostolus cum dæmonio sermone He-
 braico, & nullus sciebat quid uel cui loqueretur. conuersusq; ad re-
 gem dixit: Cogita tecum rex, tu istum inuictissimum dicis, & meū
 Deum dicis hominem à Iudæis occisum: ac per hoc, si fortior sit de-
 us tuus, & eum inuocatione nominis Dei mei confringere non pos-
 sim, ego non solum adorabo dæmonem qui in eo latitat, sed etiam
 sacrificabo illi. Si uerò minutatim fuerit attenuatus ille uinctus de-
 us tuus, par erit è conuerso, ut relinquoas errorem, & teneas uerita-
 tem. Et rex: Adhuc ausus es (inquit) ex parī confabulari mihi: Si
 pērgas, faciam tundi arterias tuas, si non adoraueris, & sacrificaueris
 Soli. Respondit Apostolus: Ecce adoro, sed non simulachrum. Ecce
 adoro, sed non metallum. Ecce adoro, sed non idolum. Ado-
 ro autem meum Dominum IESVM Christum: in cuius nomine
 impero tibi dæmon, qui hic in ipso lates, ut nullum hominem læ-
 dens, metallum & simulachrum comminuas: statimq; quasi cera iux-
 ta ignem posita, liquefactum idolum resolutū est. Quo facto, om-
 nes sacerdotes consternati ulularūt, & rex fugit cum Charisio. Pon-
 tifex autem cædebat Apostolum, & facta est seditio magna in po-
 pulo: sed maior pars populi cū Apostolo erat. Qua re motus Mes-
 deus rex Indiæ, apostolum Thomam, & filium suum Zuzanen, &
 plures alios trussit in carcerem. Non desinebat tamen etiam in car-
 ce re Apostolus confirmare credentes, dicens: Credite in Deum,
 quem prædico: credite in IESVM, quem Euangelizo, qui adiutor
 est

A est seruulorum suorum, refector est laborantium: in quo exultat anima mea, quia tempus impleui, & gestio ipsum quem desideravi uidere. Cuius pulchritudo prouocat me, ut dicam quis sit: sed magnitudo eius sensus superat, & intellectum supergredit, ut id quod cupio de eo dicere, comprehendere & explicare nequeam. Sed tu Domine, qui animam inopem replere consueuisti, imple ea que mihi desunt, & esto mecum, donec ipse ad te ueniam, & te uideam. Hæc ubi audiuit Zuzanes, aduertens quod Thomas diceret tempus impletum suum, ut de hoc recessurus sæculo uideretur, cupiens ab eo priusquam migraret à corpore, Manasarae uxori suae impetrare medicinam (erat enim debilis mulier, soluta membris) petiuit ut permitteret ei ire: & persuaso custode, fideque facta quod essent reuersuri, cum Apostolo ex carcere abire constituit in domum suam. ubi & diaconatus ministerium ut sibi crederetur, rogauit, & ut benedictionem Leuiticam acciperet. Quoniam se quoque Deo seruire uelle memorauit, & hoc iamdudum animo deuouisse, sed à patre coactum uxorem duxisse, quam acceperat uicesimum annum agens: triennioque ea potitum, filios ex ea nullos suscepisse, nec aliam mulierem præter uxorem nouisse: iamdudum præterea à concubitu uxoris abstinuisse, eo quod & illa studebat castitati, & optaret audire sermonem Thomæ, sed propter debilitatem adesse non posset. Quam si uellet Apostolus sanare, se impetraturum, ut exeundi facultatem haberent. Cui respondit Thomas: Si credis, uidebis mirabilia Dei, & quemadmodum seruulos proprios curet. Dum hæc loquuntur, Treptia nomine, quæ erat uxor regis, & Mygdonia Charisii matrona, qui & ipse amicus erat regis, & Narchia nutrix, trecentis sexaginta argenteis datis, à custode introductæ sunt ad Apostolum. Atque illic repperunt Siforatum, militiæ regis ducem, & Zuzanem, & Siforem uxorem, & filiam eius, & alios uerbis Euangelicis intentos. Ipsæ igitur tres foeminae cum adstitissent ante conspectum Thomæ, interrogauit eas Apostolus, quo permittente ingressæ forent, uel quis eis aperuisset carcerem: & qualiter egressæ fuissent de loco, in quo clausæ fuerant. Cui respondit Treptia: Nonne tu es qui aperuisti nobis ianuam, & dixisti: Exite, & ite in carcerem, ut suscipiamus eos fratres qui illic sunt, & Dominus in nobis demonsttrauit gloriam suam? Cum autem appropinquaremus ad ianuam, subito non apparuisti nobis, sed huc ingressum te sonitu ianuæ cognouimus. Nos uero postea mercede custodæ infleximus, ut ad te ingrederemur, si fortè impetrare possimus, quod impendio petimus, ut paulisper aliquò concedas, quod regis possit iracundia mitigari. Tunc interrogauit Thomas Treptiam, quemadmodum à uiro suo esset inclusa, uel quid causæ obortum esset, aut quo motus, nec propriæ pepercisset uxori? Cui respondit Treptia: Tu à me requiris, quemadmodum clausa sim, cum me nunquam deserueris, sed

sed una tantum abfueris hora? Vnde miror, te nescire quomodo A
 clausa sim. Sed si uis audire, accipe. Misit ad me Mesdeus rex, & ius
 sit me introduci ad se, & ait mihi: Nondum plenam circa te magus
 ille adeptus est potestatem. Nam quod in oleo pane & aqua magi-
 ca consumet, audiui. Ergo cum magicis operibus uenire non potu-
 erit, nihil horum circa te fecit. Quare obtempera praeceptis meis:
 alioqui & ipsa clauderis. Itaque non ad quiescente, sed dicente me, ut
 quod uellet faceret: potestatem enim habere eum corporis mei, a-
 nimam uero meam cum eo perire non paterer: in obscuro loco me
 iussit includi. Charisio quoque accusante uxorem suam Mygdoni-
 am, cum eius nutrice Narchia, iussit includi. Sed tu iam nos produ-
 xisti, ut ad te ueniremus: & ideo praestò sumus, ut à te benedictio-
 nis gratiam consequamur. Quae cum dixisset Treptia, agnouit pro-
 tinus Apostolus beneficia eius, qui se plerumque humana specie fi-
 guraret, ut consolaretur moerentes, afflictorum erumnas releuaret.
 Et ideo ipse gratias agere coepit Domino IESU, eo quod confirma-
 uerit infirmos, nutantesque stabilierit, & sperare faceret cunctos dif-
 fidentes. Dum haec captiui in carcere colloquuntur, superuene-
 runt custodes, dicentes, ut lucernas extinguerent, ne quis eos simul
 esse, ac pariter colloqui, proderet regi. Extinctis igitur lucernis, col-
 locauerunt se custodes. Sed Thomas apostolus, postquam omnes
 circumfusus tenebris aspexit, lumen petere coepit à Domino: Inlu-
 minan nos Domine (inquit) quia tenebrarum filij in tenebrosis nos B
 sedere fecerunt locis. Sed tu Domine, inluminare sancto lumine
 tuo dignare seruos tuos, eo lumine quod nullus eripiat, & nullus
 extinguat. Et statim refulsit dies, & omnis ille custodiae locus. Tū
 & ceteri, quos alias ob causas receperant claustra carceris, uigila-
 bant. Neque enim serui Dei dormire tum poterant, quos sic Christus
 excitabat, neque patiebatur nos somno dimergi, qui dicit: Surge qui
 dormis, & exurge à mortuis, & inlucescit tibi Christus. Cum igitur
 inter se nonnulla sermone uario contulissent, ait Thomas ad Zu-
 zanen: Vade praepara nobis omnia, quae in ministerio sunt paran-
 da. Interrogante autem Zuzane, quomodo exire posset fores car-
 ceris, aut quis aperiret, cum essent clausa omnia, & custodes somno
 dissoluti: respondit Thomas: Crede Christo, & uade, & inuenies
 apertas ianuas. Secuti sunt igitur eum ceteri. Et cum iam medium
 spaciū itineris confecissent, occurrit ei uxor eius Manazara, cum iret
 ad carcerē, & recognoscens uirū, ait: Zuzane uir? Qui cum cognou-
 uisset eā, coepit quærere quo nam iret, noctis praesertim tempore: aut
 quomodo potuisset exsurgere, quae minimè antè surgebat. Quae
 respondit: Puer iste Domini, ponens manum, sanam me fecit. Som-
 nio uero monita sum, ut ad peregrinum istum uenirem, qui tene-
 tur in carcere. Eo igitur festino, ut iuxta somnij uisionem, plenam
 possim accipere sanitatē. Interrogauit Zuzanis, quis ille puer esset,
 qui

Nota mi-
raculum.

X

Ex hoc ap-
paret, qui
historiam
hanc primus
scripsit, &
unde Abdi-
as sumpsit,
interfuisse
rebus à bea-
to Thoma
gestis.

Nota admi-
randa mira-
cula, à S.
Thoma e-
dicta.

A qui fuisset cum ea? Respondit, Manazara. ipse non uides eum, de-
 extra manu tenentem me, & sustinentem? Dum hæc fierent, inter-
 uenit loquentibus Thomas, sed etiam Seforus dux militie, & uxor
 eius ac filia, denique & Treptia atque Mygdonia, & Narchia, qui ad
 Zuzanis domum pariter commeabant. Cum uidisset autem Apo-
 stolum Manazara, adorauit eum dicens: Venisti medicus, qui me
 sanes ab ægritudine. Vidi te hac quoque nocte, ac quidem traden-
 tem mihi puerum istum, ut me ad te perduceret in carcerem. Et cum
 expectare uenientem debueris, præstanti tamen bonitate ipse me
 diutius laborare non es passus, sed ueniebas ad me, & simul hæc di-
 cens, conuersa puerum quærebat: qui se oculis repente subtraxit,
 nec erat uideri facilis, qui antè uidebatur. Anxia igitur sustentato-
 re amisso, coepit dicere: Non possum sola ambulare, non apparet
 amplius puer, quem mihi tradidisti. Cui Apostolus: Ecce iam tecum
 Christus ambulauit. Ipse tibi erit uiator & præuius. Itaque currens
 mulier præibat cæteros, repente domum festinans. quò postquam
 ab Apostolo & cæteris uentum est, subito domus multo splenduit
 lumine. & Thomas coepit orare, & dicere: Tu Domine, qui es ad-
 iutor infirmorum, spes & confidentia inopum, refugium & requies *Nota bene*
 laborantium, lugentium consolatio, fluctuantium portus, resurre- *ditione A*
 ctio mortuorum, redemptio peccatorum, & qui denique propter nos *postoli.*
 subiisti corporis passionem: tu domicilia mortis, & ipsa inferna pe-
 netraſti, ut nos à mortis uestigijs liberemur. Te principes mortis
 uenisse mirati sunt, neque potuerunt tenere remeantem: imò etiam
 exutos se uetustate possessionis, & te cum trophæo reuertentem
 gemuerunt. Honorificamus igitur merito te Domine IESV, de pa-
 terna illa & perfecta uenisse substantia, ut uiscera tuæ misericor-
 diæ uideremus in nobis. Quicquid seruorum tuorum es minister, pos-
 sessionis tuæ locupletator, pauper, sed non indigens: diues, sed non
 fastidiens pauperem: qui ieiunasti quadraginta diebus, ut perpe-
 tua benedictionis repleres alimonia animas esuriientium: tu esto,
 rogo, cum seruis tuis Zuzane, & Manazara, ac Treptia, ut in tuum
 gregem eos digneris inducere, & adnumerare sanctis tuis, & hac
 errorum regione iuuare, ne errare possint. Tu esto medicus in hac
 possessione languentibus, esto requies in laboribus, firmamentum
 in lubricis. Esto denique adiutor corporum, uita animarum, ut sint
 tepla misericordiæ tuæ, & Spiritus sanctus inhabitet in eis. Hac cõ-
 pleta benedictione, sumpsit sacramentum, & gratias egit Domino,
 dicens: Sit nobis hoc sacramentum tuum Domine IESV ad uitam,
 sit ad remissionem peccatorum. Siquidem pro nobis passio tua ce-
 lebrata est. Tu pro nobis fel illud bibisti, ut omnis in nobis aduer-
 sarij amaritudo moreretur. Pro nobis tu quoque bibisti acetum, ut
 nostra lassitudo confortaretur. Pro nobis consputatus es, ut im-
 mortali nos rore perfunderes: percussus es à calamo fragili, ut fra-
 gilitatem

gilitatem nostram uitæ perpetuæ æternitatiq; firmares. Corona- **A**
 tus es spinis, ut uirenti semper in te credentes charitatis tuæ laurea
 coronares. Inuolutus præterea fuisti sindone, ut nos quodam uir-
 tutis tuæ inuolucro uestires. In sepulchro poni uoluisti nouo, ut
 nobis nouam gratiam, noua sæcula reformares. Hæc ubi finiuit,
 Eucharistiam diuisit his quos supra memorauimus, & ait: Fiat
 nobis hæc Eucharistia ad uitam, & uiscera misericordiæ, & gra-
 tiam salutis, sanitatemq; animarum nostrarum. Respondentibus
 autem illis, Amen: audita est uox, dicens etiam Amen. Quam ubi
 audierunt uocem, statim super facies suas ceciderunt. Et iterum
 uox sonuit, dicens: Nolite timere, sed tantummodo credite. Ex
 eo tempore redire cœperunt, Thomas ad custodiæ suæ clau-
 strum: sed & Treptia & Mygdonia & Narchia, reuersæ sunt ad car-
 cerem suum. Quibus, antequam egrederentur, locutus est Apo-
 stolus, dicens: Accipite sermonem meū ultimum, non enim ero di-
 utius in hac carne. accersor ad Dominum IESVM, ad illum qui me
 redemit, ad illum qui se ad ultimū humiliavit, ut ab ultimo omnes
 eleuaret: in quem sperare didici. Si enim ad sacri munus officij me
 is indignum uocauit, quanto magis si in ueritate seruiui, possum
 sperare mercedem? Bonus enim & iustus est, & nouit Dominus
 mercedem soluere pro meritis singulorum. Diues munerum, lar-
 gus gratiarum, haudquaquam parcus beneficiorum. Qui in me
 quoq; infirmum supra meritum meum, multa conferre dignatus **B**
 est. Cuius miracula eò prouocare uos debēt, ut laudetis auctorem.
 Neque enim ego mea uirtute hæc faciebam, sed in nomine Domi-
 ni mei IESV impetrabā, nō imperabā. Non enim Christus, sed ser-
 uulus Christi sum: nec ego sum arbiter, sed minister eius qui me mi-
 sit. Et ideo peracto cursu, admoneo uos, ne cū uideritis datā in me
 esse homini potestātē, supplicijq; me deditū cum uidebitis, ideo fi-
 des uestra minuatur. Ego enim uoluntatē Domini mei impleo, &
 æquum est me uelle quod Dominus iubet. Nam si pro nobis ille
 mortem suscepit, quanto magis nos, erga Domini uoluntatem, cor-
 poris huius mortem timere non debemus? Cum præsertim mors
 ista non sit interitus, sed solutio corporis. Ideo que non rogo, ut
 mortem differam. Creditis enim, quod possem differre, si uelim:
 sed rogo magis, ut citius absoluar, & proficiscens uideam illum de-
 corum & misericordem, qui pro operibus & laboribus, quibus de-
 sudaui, nimis liberalis Dominus, præmium representabit. Hæc
 cum dixisset, receperunt se omnes ad tenebrosam domum. Et dixit
 Thomas in carcere constitutus: Domine IESV, qui pro nobis plu-
 rimum pertulisti, claudantur ianuæ istæ, sicut clausæ fuerunt, & si-
 gnacula ipsdem foribus reformentur. Relictis igitur alijs, perrexit
 Apostolus ut se includeret. Fœminæ autem non poterant à lachry-
 mis temperare, quæ sciebāt, quòd Mesdeus non abstineret ab eius
 nece. Interea cum uenisset Apostolus, inuenit custodes concertan-
 tes

Grauis &
 plena cōso-
 lationis A-
 postoli ora-
 tio.

X

Nota mira-
 culum.

A tes inter se, & dicentes: Heu quomodo incidimus in istum magum? Ecce aperuit ianuas carceris artibus magicis, & omnes uoluit secū educere. Vnde ne magicis carminibus elabatur, & cæteri cum eo, renunciemus regi, simul de uxore eius ac filio. Audiebat hæc Thomas, & quiescebat. Illi autem abierunt prima luce ad regem, petentes ut tolleretur magus ille, & alibi ne clauderet, eo quod clausum omne magica potestate reseraret. Secundò nunciabant, apertas fuisse ianuas carceris, id' que surgentibus manifestatum sibi. Introisse etiam regis uxorem cum alijs, quæ non recederent ab eo. Quibus auditis, rex signacula mox, quæ imposuerat ianuæ, requisivit, & eodem reperit modo quo fuerāt antè. Vnde commotus, ad custodes ait, falli eos qui introisse in carcerem Treptiam & Mygdoniam dicerēt, cū signacula remota non essent. At illi, se uera intinuisse significabant. Mesdeus autem cum sedisset in secretario, sisti sibi Apostolum iussit: quem cum custodes exhibuissent, interrogauit, Vtrum seruus an liber esset? Cui respondit Thomas: Seruus sum unius & solius, supra quem non habes potestatem. Quæsiuit iterum Mesdeus, in regionem illam Indiæ qua ratione uenisset? Respondit denuò Apostolus, ut plures saluaret: & hoc ei debitum esse, ut per manus Mesdei hunc mundum relinqueret. Tum rex, qui esset Dominus eius? interrogauit, & quod illi nomen, & cuius regionis? Ad hæc Thomas: Meus Dominus (inquit) Deus est tuus, Dominus cœli & terræ. Huius tu nomen audire non potes: sed quod datum est nomen eius in hoc sæculo, est IESVS Christus. Minanti autem regi, quod ei non pareret, cum maleficio eius aboleretur, ut omnis Indiæ regio mundaretur, respondit Thomas: Hæc maleficia mecum abibunt. Sed hoc cognosce, quia nec hic derunt. Ex eo igitur cogitabat mox rex, quemadmodum Thomam occideret. Verebatur autem populum, quia plurimi etiam de eminentioribus, eius opera admirabantur, & credebant in Dominum IESVM. Astu ergo rex sibi utendum propterea putans, cum Thomas ciuitatem, armatis septus, est egressus. Populus autem existimabat, quod egrederetur urbem, ut Thomas ei aliqua suorum operum demonstraret. Intendebant igitur in eum qui putabant, quod aliquid ab eo rex uellet discere, & ille regem docere. Sed egressus rex, mediam ferè partem miliari, tradidit eum quatuor militibus, adiuncto uno præstantiore uiro, iubet ut ducentes eum in montem proximum, atq; ibi gladio percuterent. Rex uerò conuertit in ciuitatem uestigium, ubi hoc militibus imperasset. Quod intelligens plebs, sequebatur, Thomam eripere uolens. At milites apprehenderant Apostolum, duo ad dextram, & duo ad sinistram tenentes. Ille quoq; eminentior, manum eius tenens, pariter incedebat. Dicebat autem Apostolus, magna & diuina mysteria in ipso exitu reuelari. Siquidem propterea se duci à quatuor militibus, dicebat,

qui ex quatuor coiussent elementis, ea se quatuor habere principia generationis. Dominum autem IESVM ab uno esse percussum, quia unum patrem sciret generatorem suum. Qui ubi uenit ad locum passionis, cohortatus ceteros, ut fidem seruarent Domino IESV, pietatemque excolerent: rogauit etiam Zuzanen, ut pretio custodibus dato, orandi tempus sibi impetraret. Cuius data copia, coepit orare, gratias agens, quod & in hoc saeculo gubernatus esset à Christo, & ab eodem uocaretur. Illum esse in periculis praesulem, illum in moerore consolatorem, illum in laboribus adiutorem, illum prauium sibi huius fuisse itineris, quod in hoc saeculo cucurrisset. Tu (inquit) Domine, adnunciasti mihi, me tuum esse: propter quod nec uxorem accepi, ut tibi totus uacarem, ne templi tui gratiam uel coniugalis copulae usus minueret, uel consuetudo decerperet. Diuitiarum quoque saecularium cupidum animum, coelesti prouisione ac munitione reuocasti, docens in pecunijs dispensanda nostra esse, non commoda. & ideo compulisti, ut in hoc saeculo paupertate contentus, indeficientem spiritualium diuitiarum quaererem ueritatem, & thesauros in Christo absconditos inuestigare: tuisque contentus copijs, alias non desiderarem. Factus sum igitur pauper, indigens, peregrinus ac seruus, in uinculis, in ieiunijs, fame ac siti, in laboribus, in periculis, ut confidentia non periret, spes non confunderetur. Respice igitur in me Domine, quia pecuniam tuam non abscondi, sed supra mensam posui, & in nummularijs diuisi. Ad mensam tuam uocatus ueni, nec ab hac reuiscendi necessitate excusauim, nec iuga bouum, aut ducendae uxoris necessitatem conuiuio tuo pretuli. Ad nuptias sum uocatus, & albam uestem indui: & expectans Dominum à nuptijs reuertentem, olei non sum oblitus: tota nocte domum meam custodiui, à latronibus exspoliatus non sum: calceamenta pedibus circumdedit, ne diffinirentur uestigia obseruari, primam & secundam & tertiam custodiam, ut uultum tuum uiderem, & splendorem tuum discussa nocte perspicerem. Mortuum meum non uiuificaui, nec deficientem repleui, sed magis quem dedisti mihi uinctum castigaui: Et captiuum meum occidi, ut quem acceperam liberum non alligarem. Opprobrium suscepi in terra, ut in caelo remunerationem sperarem. Si igitur detuli fidele seruitium, adesto Domine IESV, ne presentiant me latrones, ne aduersus me retia sua mittant. Circundet famulum tuum gloria tua, ut tanta amictum gratia, aduersariae potestates impedire non audeant. Nunquid illis obediui, cum mihi intercludere uellent transitum? Suis enim occurrunt, & eos prodire ultra non sinunt. Adesto igitur Domine, ut cum pace & gratia transeam. In ueritate dirigas seruum tuum, ad sedem tuam. Dirigas iter meum, & diabolus in me non intendat. Excacentur oculi eius lumine tuo. Contice scat os eius qui nihil in me dignum suis operibus inuenit, quod loquatur,

*Grauiſſima
S. Thomae
ante paſſio-
nis oratio.*

*Ad Euange-
lium alluſio.*

loquatur. Hæc precatus, ait militibus: Venite, consummate preceptū eius qui uos misit. Aduenerūt igitur quatuor milites, & lanceis transuerberauere eū: atq; cecidit beatus Apostolus, & mortuus est. Quē cum lachrymis sepelierūt fratres in sepulchro regio, in quo reges priores sepulti sunt, preciosis & plurimis amictū odoribus atq; indumentis. Apparuit autē cōfestim Sifori & Zuzani, qui recusabant in urbem ire, & tota die ad sepulchrū sedebant, atq; illis dixit: Quid sedetis custodientes me? Non hic sum. ascēdi enim, & recepi omnia quæ sperauī. Surgentes itaq; discedite hinc, breui enim tēpore & uos mecū colligam. Cum hæc fierent circa Apostolū, interea Treptia regina & Mygdonia, deductæ à Mesdeo & Charisio affligebantur, sed tamen uoluntati eorū non acquiescebant. Quibus se Apostolus demonstrauit, dicens: Nolite errare, quia Dominus IESVS citō uobis adiumentū dabit. Itaq; Mesdeus & Charisius cum animos uxorū suarū expugnare non possent, dimiserunt eas proprię uolūtati. Fiebat autem congregatio fratrū in multa exultatione atq; lētia. Eratq; presbyter Siforus, & Zuzanes diaconus, suntq; ordinati iam tum à sancto Apostolo, cum in montē moriturus ascendisset. Atq; hi potiebantur frequentibus adiumentis Domini, & fidei incrementa quotidie procedebant. Quibus addidit Dominus hanc gratiam, ut cum Mesdei filius correptus esset à dæmonio, nec quisq; qui eum sanaret, posset inueniri, successit huiusmodi Mesdeo sentētia, ut diceret: Vado, & aperio sepulchrum, & tollens ossa de corpore Apostoli, suspendā filio meo, & curabit. Ascendebat igitur secundum cogitationes Mesdeus ad montem, & reuelauit ei se Thomas, dicens: In uiuentes non credidisti, & in mortuos credis? Sed ne timeas, miserebit & tui Dominus IESVS, & exhibebit tibi uiscera misericordiæ suæ, propter bonitatē suam. Verū ubi ascendit Mesdeus, reurato sepulchro, ossa inuenire nō potuit: quia iam pridem reliquias sanctas, quidam de fratribus raperant, & in urbe Edeffa sepelierant. Ea tamen quęcunq; rex in sepulchro reperit, humi, uel stercoris, supra quæ iacuerant reliquię Apostoli, auferēs Mesdeus, & alligās filio suo, ait: Credo tibi Christe nunc, quia recessit à me ille qui hominum turbat affectus, ne ad te uisendum summa properatione contendam. Itaq; ubi suspendit illa puero, statim sanatus est ex illa hora: & factum est gaudium magnum inter fratres, super conuersione regis, ad regem cōlestem Christum IESVM Dominum nostrum, cui sit honor cum patre & inluminatore Spiritu sancto, in perpetua sæcula, Amen.

De reli-
quijs san-
ctorum.

FINIS LIBRI NONI CERTAMI-
NIS APOSTOLICI

LIBER DECIMVS CERTAMI

nis Apostolici, ab Abdia Babylonæ episcopo Hebraicè con-
scripti, & à Iulio Africano historico uersi in linguam Lati-
nam, De rebus à beato Philippo apostolo feliciter
gestis.



PHILIPPVS Petri & Andreæ conterraneus, ex ui A
 co Galileæ Bethsaida originem duxit: uocatusq;
 mox post Petrum, demum ad Apostolatus ho-
 norem peruenit. Qui ut socium haberet conuersi
 onis, Nathanaelem quendam familiarem ad Chri-
 stum duxit, quem Christus mox se agnouisse testa-
 tus est, sub ficu, antequam à Philippo illi esset adductus. Quod ad-
 miratus Nathanel, qui nunquam antea uiderat Christum, haud il-
 libenter deinde illi adhæsit, in parte societatis semper cum Philip-
 po manens. Quorum hic pridie quàm pateretur, cum in cœna au-
 diret, neminem ad patrem nisi per eum uenturum: Magistrum ro-
 gare cœpit, ut sibi ac condiscipulis patrem ostenderet: quod qui-
 dem amore ille sempiternę uitæ tū dixerat. At Christus obiurgans
 Philippum, quòd tanto tempore cum ipso esset, & tamen eum re-
 ctè adhuc non cognosceret. Et hæc omnia ante Christi passionem
 à Philippo gesta esse, Euangelica nobis fides ostendit. Post ascen-
 sionem uerò Saluatoris, beatus Philippus per annos uiginti, instā-
 ter prædicauit gentibus per Scythiam Euangelium. Vbi cum ten-
 tus esset à gentibus, & ductus ad statuam Martis, & compelleretur
 ad sacrificādum, exiit desubtus basim, in qua statua Martis stabat,
 draco ingens, & percussit filium sacerdotis qui ministrabat ignem B
 sacrificij. Percussit etiam duos tribunos, qui præerant Prouinciæ,
 cuius officiales tenebant in uinculo Apostolū. Porro de statu dra-
 conis omnes morbidī redditi, uehementer ægrotare cœperunt.
 Quod uidens Apostolus, dixit illis: Audite consilium meum, & re-
 cuperabitis sanitatem: sed & hi qui exinde erant mortui, resuscita-
 buntur omnes: draco quoq; qui noxijs uobis erat, in Dei nomine
 fugabitur. Dicunt ei ægroti: Quid faciamus? Quibus respondit
 Apostolus: Deijcite hunc Martem, & cōfringite, & in loco in quo
 fixus uidetur stare, crucem Domini mei IESV Christi affigite, &
 hanc adorete. Tunc illi qui cruciabantur, cœperunt clamare: Recu-
 peretur in nobis uirtus, & deijciemus Martē. Facto itaq; silētio, A-
 postolus dixit: Præcipio tibi draco in nomine Domini IESV Chri-
 sti, exi de loco isto, & uade & morare in loco deserto, ubi non est ac-
 cessus hominum, & nulla utilitas humanis commodis ministra-
 tur, ita ut uadens nemini noceas. Tum draco ille sæuissimus exiēs
 cœpit abire festinanter, & ultrà nusquam comparuit. Philippus
 autem Pontificis filium, qui ignem ministrabat, & duos tribunos
 qui

A qui mortui fuerant, suscitauit, omnemq; turbam quæ morbis erat affecta de draconis flatu, sanitati restituit. Vnde factum est, ut uniuersi Philippum apostolum qui persequebantur, poenitentiam agerent, Deumq; hunc æstimantes adorarent: ipse autem per unum annum iugiter doceret eos, quomodo mundo periclitanti aduentus Domini subuenisset, quomodo natus ex uirgine, quomodo passus, quomodo sepultus die tertia resurrexerit: quomodo post resurrectionem, eadem quæ ante passionem suam, docuerat: quomodo uidentibus Apostolis ascendisset in cœlos: quomodo deniq; misisset Spiritum sanctum, quem promiserat: qui ueniens quasi ignis, sedisset super Apostolos duodecim, & omnium linguas ac sermonationes mentibus Apostolorum suorum inseruisset. Ex quorum ipse numero huc missus, scire uos facio, idola uana esse, & cultoribus suis inimica. Hæc & his similia dicente Apostolo, crediderunt uniuersi populi. Et eliso Martis simulachro, multa milia hominum baptizata sunt. Ipse uero Apostolus ordinatis presbyteris & diaconibus, ordinato etiam episcopo, & ecclesijs multis constructis, per reuelationem in Asiam reuersus est, & in ciuitate Hierapoli exinde commorabatur. Vbi hæresi malignam Hebeonitarum extinxit, qui dicebant, non uerum hominem natum, ex uirgine Dei filium assumpsisse. Erant autem isthic duæ filiæ Apostoli uirgines sacratissimæ, per quas Deus multitudinem uirginum lucratus est. Ipse autem Philippus ante septē dies migrationis suæ uocauit ad se omnes presbyteros & diaconos, sed & uicinarū urbū episcopos, & dixit eis: Hos VII. dies mihi Dominus in ista uita concessit: quare memores estote doctrinæ Domini nostri IESU Christi, & stete aduersus minas inimici uiriliter. Dominus autem compleat promissa sua, & corroboret ecclesiam suā. Hæc & his similia prædicans apostolus Domini Philippus, annorum octuaginta septem: perrexit ad Dominum, & in ea ciuitate Hierapoli positum est sanctū corpus eius. In cuius tumulo post aliquantos annos, duæ sacrę uirgines, filię eius, dextra leuacq; sepultę sunt. Vbi præstantur beneficia Dei, orante Apostolo, omnibus qui credunt unū Deum patrem inuisibilem, incomprehensibilem, & immensum, quē uidit hominū nullus, neq; uidere potest: & in unum eius unigenitū Dominum nostrum IESUM Christum, qui crucifixus est pro sæculi delictis: & in unum postremò Spiritū sanctum paracletum, inluminatorem animarum nostrarum, & nunc & semper, per infinita sæcula sæculorum, Amen.

FINIS POSTREMI LIBRI CERTAMINIS APOSTOLICI
 AVTHORE ABDIA BABYLONIAE EPISCOPO, IPSO
 RVM APOSTOLORVM DISCIPVLO, ET IVLIO
 AFRICANO INTERPRETE.

VITA SANCTI MATHIAE APOSTO

LI, VERSA EX HEBRAEO, INCERTO AVTORE.

PROLOGVS.



VM multo studio ac solitudine flagrarem, quo- A
modo gesta beati Matthiae apostoli, quae apud
nullum habentur ecclesiasticorum interpretum,
inuenirem, quidam presbyter nomine Theodori
fluctuantem ac tristem me uidens, causasque à
me tristitiae requisit, & accepit. Vnde summa
exultatione perfusus, quia hoc in me studiū inuenerat, dixit, quod
si eorundem gestorum interpret esse cuperem, cum quodā Iudæo
familiari suo se acturum, ut mihi librum, quem ipsi Damnatorum
intitulant, quod in eo contra legem agentium damnatio contine-
atur, Mathiae scilicet, & Iacobi utriusque, & Stephani, idem Iudæus
praesentaret. Didiceram autem eo ipso tempore à quodam Iudæo
litteras Hebraicas. Venit ergo Iudæus, libellum deferens: cuius cū
ego titulum legerem, Schirasilirin, hoc est Cantica canticorum scri-
ptum inueni: tanta indignatione commotus sum, ut uix ab eo ma-
nus continuerim. Nam illo innato sibi in Christianos odio decipe-
re me gestiebat. Et tu, inquam, leno spurcissime, clericum ne falle-
re tentas, qui Hebraicarum Graecarum & Latinarum literarum
historiarumque plenam habet scientiam? Nihil est certè in omni ue-
stra bibliotheca, siue Graeca, siue Hebraica, quod nesciam. Quod B
quidem falso, sed ex industria dixi. Timore igitur correptus, maxi-
mè ne ei apud Principem, cum quo bene poteram, ea potestate no-
cerem, iureiurando promisit, se mihi satisfacturum: quod & fecit.
Lecto namque titulo libri, quem postmodum detulit, Haymatay,
hoc est, Vita Mathiae, scriptum deprehendi. Venitque opinatus om-
nia me intelligere, quae infra scripta erant, licet inuitus, omnem ta-
men ex ordine gestorum mihi ueritatem aperuit, accepto à nobis pre-
cio solidorum uiginti trium. Posthac dominus meus Archiepiscopus,
anno sequente, ab alio Iudæo in periculo rerum suarum constituto,
ita se habere deprehendit, excepto quod eum ad nomen suū dixit
allusisse uersiculo Psalmi. Postremò cuidam inclusæ, pro hoc ipso
triduanum agenti ieiunium, à Domino idem reuelatum est. Lega-
tur igitur absque omni scrupulo hæsitationis, quod tam certis argu-
mentis uerum esse probatum est: quia omne dubium Spiritus san-
ctus aboleuit. Quomodo autem de Iudæa Treuerim uenerit, sicut
in historia Treueria, & in monumentis Syluestri Papæ Ro-
mani legi, miracula quoque eius subsequenter
edisseram.

Uolfgangus Lazijs *Dicitur quod hanc praefationem scripsit*

PRAEFATIO,

P R A E F A T I O.

A **R**EVERENDISSIMO domino suo, Ecclesiae sancti Eucharj, Treueris, Abbati uerè dignissimo, humilis Leuita, omnium fratrum illi cõmissorum ultimus, debitæ subiectio, nis deuotum obsequium. Cum uerbo simul & opere præpolleas, pater beatissime, plurimos à leuitate seculari retractos theoricæ claustro societati, ex quibus in specialius illud tuæ solitudinis studium impendisti. Attestantur ijs tua instantia, cottidiana ammonitio, correptio. Quam licet ex iuuenili leuitate non satis libenter excipiam, ex qua tamen pietate prodeat, cum mentem à uanitate recolligo, non ignoro. Illud quoq; præterire non debeo, quòd me lectioni instare iugiter præcipis & hortaris, ne scilicet ociosum inimicus inueniat, ne murmurando mentem occupet, ne detractio in lingua deseruiat, ne manus operi quod ad rem nō attinet, insistat. Præcipit igitur beatitudo tua, ut uitam beati Mathiae apostoli, ad cuius ossa dignè præsides, ab Hebraico uolumine, qui Damnatorum intitulatur, quod in eo contra legem agentium iudicia contineantur, exceptam, latius exponerem, secūdum indagatam auido, uel potius extortam omnem rei ueritatem. Quod ego, licet audaciæ meritò denotèr, feci tamen ut potui. Proinde licebit alijs latius, tum eloquentius explanare, stilumq; rusticum lima urbana decentius expolire. Dominus te incolumem nobis custodiat, pater charissime: Amen.

G E S T A S A N C T I M A

thiae Apostoli.



GITUR gloriosissimus Apostolus Domini nostri IESV Christi, Mathias, de tribu Iuda, ciuitate Bethlehē, illustri prosapia oriūdus fuit. Parentes autem illius cum multis diuitijs & nobilitate generis insignes, tum uenerandi apud Deum & homines morum uenustate pollebant. Vnde uerè illis diuinitus concessum fuisse creditur, ut religiosi parentes, religiosiorem ex se filium procrearent. Natum itaq; puerum Mathiam, quod in nostra lingua, Dei paruus, siue donatus, sonat, nuncupauerunt: quem tum ab annis puerilibus diuinæ legis institutionibus statim manciparunt. Ad pedes namq; Simonis, summi & incomparabilis uiri, atq; tūc temporis in lege Mosaica doctissimi, prima legis elementa perceperat. Diuina siquidem cooperante gratia, omnem in breui legis & prophetarum scientiam comprehendit. Studebat iam in ætate tenera, maiorum imitari exempla, diuinæ legi iugiter incumbere, lasciuiae sensum non impendere, sed

sed annos pueriles morū uincere maturitate. Proinde adolefcens **A** factus, crebris disputationibus examinatus, non solum condiscipulis, sed ipsi magistro suo mirabilis habebatur. Quippe qui licet eruditissimus esset, nullatenus tamen extollebatur, sed iuxta sui nominis etymologiam, uerè se paruum & humilem exhibere nitebatur: illud semper memorans, Quanto maior es, tanto magis humilia te in omnibus. & illud uiri sapientis: Superbum sequitur ignominia, humilem autem gloria. Erat igitur beatus Mathias corpore mundissimus, animo purus, in soluendis sacrae scripturae quaestionibus acutissimus, in consilio prouidus, in sermocinatione nudus penitus & expeditus. Informabatur sensim animo ad uirtutem, ut esset ad intelligentiam habilis, ad misericordiam facilis, in prosperis non elatus, in aduersis constans & intrepidus. Sat agebat ut quod sensu perceperat, opere compleret, & oris doctrinam manus assertione comprobaret. O beatum uirum, qui sub ubera positus, opera lucis exercebat: qui legi subditus, uirum gratiae praeferebat. O beatum uirum, cuius laus non solum in ecclesia sanctorum: sed quod mirificum magis est, in synagoga resonabat impiorum. Nam qualis quantusque aestimandus est fuisse, quem boni totius æmuli, idemque damnatores eius, non desinunt laudibus extollere. Vt igitur lucerna de medio legis ad candelabrum transfertur ecclesiae, uocatione Christi dignus habitus, Christum pauperem pauper ipse secutus, in sortem & numerum septuaginta duorum discipulorum ab ipso **D**o. B mino designatus est. Completo deinde dispensationis Dominicae ministerio, incarnatione uidelicet, passione, resurrectione & ascensione in coelos, surgens Petrus in medio fratrum, dixit: (erat autem turba hominum ferè centum uiginti uiri) Fratres, oportet impleri scripturam quam praedixit Spiritus sanctus per os Dauid, de Iuda, qui fuit dux eorum qui comprehenderunt IESVM: qui numeratus erat in nobis, & sortitus est sortem ministerij huius. Et hic quidem possedit agrum de mercede iniquitatis, & suspensus crepuit medius, & diffusa sunt omnia uiscera eius. Et notum factum est omnibus habitantibus Hierusalem, ita ut appellaretur ager ille Acheldemach lingua eorum, hoc est, ager sanguinis. Scriptum est enim in libro Psalmorum: Fiat commoratio eius deserta, cuius non sit qui inhabitet in ea, & episcopatum eius accipiat alter. Oportet ergo ex his uiris qui nobiscum sunt congregati in omni tempore, quo intrauit & exiuit inter nos Dominus IESVS, incipiens à baptismo Ioannis usque in diem qua assumptus est à nobis, testem resurrectionis eius nobiscum fieri unum ex istis. Et statuerunt duos: Ioseph, qui uocabatur Barsabas, qui cognominatus est iustus, & Mathiam. Et orantes dixerunt: Domine, qui corda omnium nosti, ostende quem elegeris ex his duobus, unum accipere locum ministerij huius & Apostolatus, de quo preuaticatus est Iudas, ut abiret in locum suum.

A suum. Et dederunt sortes, & cecidit sors super Mathiam, & annumeratus est cum undecim Apostolis. Dum ergo complerentur dies Pentecostes, accepta in linguis igneis gratia Spiritus sancti, dispersi erant Apostoli toto orbe terrarum. Tunc beatus Mathias ex decreto eiusdem Spiritus sancti, Iudæam in sortem prædicationis accepit. In qua, quæadmodum diuina gratia quosdam mancipans, æmulorum in se liuorem accenderit, sermo sequens declarabit. Anno igitur post passionem Domini tricesimo tertio, plus minus, Anano iuniore, qui & Akauua, pontificatum adepto, credens se opportunum tempus inuenisse idem pontifex, aduersus discipulos Domini, Festo præside mortuo, & Albino adhuc in itinere constituto, consilium iudicum fecit: & quosdam deducens ad se, inter quos & fratrem IESV Iacobum, tradidit puniendos. Qua tempestate beatissimus apostolus Domini Mathias, uerbum uitæ æternæ per circuitum Iudæis nuntiabat, multosq; filiorum Israel ad Deum signis ac prodigijs conuertebat. Cæcos namq; illuminabat, leprosos mundabat, dæmones ex obsessis corporibus in Christi nomine effugabat, claudis gressum, surdis auditum, mortuis quoq; uitam restituebat. Instruebat quod erat uitæ, quod morum, quod religionis: Moysen quidem sanctum prædicans, legem nihilominus omni cultu dignissimam, sed quæ sub palea literæ maxima in se Christi & ecclesiæ sacramenta continebat. Christum deniq; ab ipso Moyse signis & enigmatibus præfiguratum, uerbis propheticis annuntiatum, in redemptionem generis humani missum à Deo patre, per uirginem mundo innotuisse, diuinæ legis comprobabat testimonio. Plurimaq; edisserens & interpretans illis, omnia signis potentissimis adprobabat. Dum ergo in hunc modum circuiret uicos & castella, benefaciens, & annuncians regnum Dei, deuenit in ciuitatem Galilææ nomine Galim, quæ Latine Gischala dicitur. Et introiens in synagogam, cœpit ex scriptura legis euangelizare Christum IESVM. Illi autem nitebantur contra ire sermonibus eius, blasphemijs & detestationib. maledicētes nomini sancto. Cumq; instantius ipse de IESV sermonem faceret, illi zelo repleti, duxerunt eum uincientes, & nunciauerunt principi sacerdotum & senioribus, dicentes: Condemnati illius IESV, qui se filium Dei dicebat, discipulum comprehendimus, quem subuertentem plebem per synagogas & compita deprehendimus. Quid facto opus sit, consulite. Nos enim multis questionibus legis examinauimus, & inuenimus hominem contra legem agentem quidem, sed in ipsa lege peritissimum, qui & gloriatur Simonem se habuisse magistrum. Nobilis est, genere illustris, & acceptus in plebe: quamobrem decreuimus in illum nihil absq; auctoritatis uestre imperio presumere. Quidam autem ex synagoga principis dixerunt: Lex nostra, fratres, ut nostis, hominem non nisi ex sua confessione, seu testium ueracium

Rhetoricis
colorib. in-
structa ora-
tio Pontifi-
cis Anani,
aduersus
B. Mathiā.

assertione condemnat: sicut scriptum est, In ore duorum uel trium A
testium stabit omne uerbum, & absq; testibus nemo punietur. At
illi dixerunt: Inuenimus per synagogas eum auertētem populum,
per totam Galilæam conuenticula facientem, circumferentem do-
ctrinam IESU Nazareni, iudicio principum crucifixi. Deniq; non
est uicus aut ciuitas, in qua nouam sectam non inuexerit homo per-
ditissimus, qui in Moysen locumq; sanctum & legem blasphema-
re nō timuerit. Huius rei testes sumus. Pōtifex Ananus dixit: No-
men illius edicite. Responderunt: Mathias, natus de Bethlehē lu-
da. Pontifex dixit: Quoniā quidem non expedit nobis, & generi
nostro, sermonem de IESU propagari, adducatur, ut si qua teme-
rariē per ignorantiam protulit, per poenitentia diluat: sin alias, poe-
nam prauaricationis incurrat. Abeuntes igitur cum ministris, pō-
tificibus, & alijs principibus magistratum, adduxerunt beatum
uirum in concilium. Quem intuitus pontifex, ait: Scit omne con-
cilium hoc, & orbis uniuersus, in quātum res publica nostra perue-
nerit opprobrium, non quidem culpis nostris exigētib; sed pau-
corum qui ex nobis exierunt peruersitate, præsidiumq; Romano-
rum auaritia, uel ut correctius dicam, seueritate. Fuerunt enim non
nominandi quidam rerum nouarum cupidi, sectas adducētes, per
quos quot milia Iudæorum peruersa sint, quot à Romanis princi-
pibus interempta, uos melius nostis. Nec enim talia uos aut ex ipsa B
sui magnitudine latere potuerunt, & ex ipsa uicinitate, seu potius
uisione terruerunt. Veruntamen eorum cum suis auctoribus uani-
tas, non sine magno nostri generis obprobrio penitus interit. Nec
inuentus est qui populū ex ipsorum superstitione, uel hæresi post
illos irretierit. Fuerunt enim, Iudas Galilæus, Theodas magnus,
quos post ipsorum interitū nemo recolit, nemo uenerari uel imita-
ri cōtendit. Maximus horum heresiarches IESVS Nazareus sur-
rexit, qui se Deum & Dei filium prædicans, legis obseruationes ni-
hili pendit, multorumq; oculos & animos signis suis & præstigijs
illiciens conuertit. Suscepit tamen & in se decreta legis, quæ con-
tempnit, realiter hæc approbās, quæ uerbaliter interdixit. Sed quor-
um ista? Scimus, à Domino Moyse sancto legem datam, à patriar-
chis uerbis & effectibus approbatam, à prophetis nihilominus ob-
seruatam, quibus & Deus miracula dedit facere, qualia IESVS pa-
trare non potuit. Quis enim nesciat, Moysen cum Domino, quasi
hominem cum homine, collocutum? Quis nesciat, Heliam igneo
curru ad sidera transuectum? Quis ignoret, cadauer Helisei mor-
tuum sepulchro iniectum suscitasse? Quis ambigat, cæteros Dei
sanctos miracula plurima & prodigia perpetrasse: quorum tamen
nullus hanc dignitatem diuini nominis usurpauerit, nullus legem
uiuendi nouam adinuenerit. Deniq; sancti prophetae, abiecto habi-
tu, uoce humili, quantum datur intelligi, non sponte, sed torrente
spiritu

A spiritu locuti sunt. Hic autē ad ostētatōnē agens omnia, passim uerba uana iactauit. In tantū enim eius p̄cessit insania, ut & principes sacerdotū eius laceraret cōtumelijs, scribas & pharisęos hypocritas appellaret. Quis horū prophetarū id p̄sumpsit? Sed iste p̄sumptionis suę dignū finem inuenit. Atq; utinā memoria eius cū ipso perh̄ssset, nec superesset qui errorē doctrinę ipsius, semel emortuū, resuscitaret. Sed p̄ter uotū accidit. Ecce ut tēplum sanctū, ciuitas sancta, leges patrię Romano p̄sidi & Romanis legibus exposita sint. Non est qui cōdolet, nō est qui misereat, nemo est qui iudicet, nemo qui reputet. Trahimur ad iudiciū, & sustinemus: seducimur, & assentimur: in diremptionē sumus, & tacemus. Isti p̄cipuē Galilei in manus Romanorū nos tradūt, dum sanguinem IESV, quasi innocentis hominis, in nos & in genus nostrum refundere non erubescunt. Expedit itaq; nobis, ut pauci pereant, ne Romani totum locum deleant, & gentem. E' duobus enim malis si neutrum uitari poterit, minus & tolerabilius eligendū est. Prospicere tamen & errantibus, & salutis offerre remedium, magis est sententię, quā de uoluntario ipsoꝝ interitu uel perdicione gratulari. Neq; enim nos in periculis positi, cuiusquam desideramus periculū: sed quod nostro potius competit officio, lapsos reformare, errantes corrigere, periclitātibus adesse, summopere studemus. Perpēdat igitur & hic animi nostri mansuetudinem: tempus habet, habet inducias, quo interstitio possit animum religioni reuocare. Habet potestatem pro se quę expediunt allegare, uerbisq; excusatorijs obiecta refellere. Tunc repletus Mathias Spiritu sancto, extensis in cœlum manibus, dixit: De obiectis, uiri fratres, quę uos crimina dicitis, non oportet me multa dicere: quoniam quidem Christianū esse non est criminis, sed glorię. Nam ipse dicit per Prophetam, dicens: Vocabo seruos meos in nouissimis diebus nomine alio. Pontifex Ananus dixit: Quomodo? non est criminis, legem sanctam pro nihilo ducere? Deū inhonorare, fabulisq; superstitiosis & inanibus uacare? Mathias respondit: Si uerbis meis patienter auditū p̄beatis, docebo qualiter hoc quod p̄dicamus, fabulosum non sit, sed ab initio legis testimonijs approbatum. Deus patrum nostrorum, Abraham patrem nostrum eduxit de ui Chaldæorum, repromittens ei terram Chanaan se daturum, cum neq; filios neq; filias haberet, & Sara uxor eius sterilis esset: de qua tamen scriptum est, Credidit Abraham Deo, & reputatum est illi ad iustitiam. Et locutus est Dominus ad Abraham, dicens: Iuxta condictum reuertar ad te, & habebit Sara filium. Per repromissionem ergo natus est Abraham patri nostro filius, quem appellauit Isaac. Ex illo autem Iacob, qui primogenita quidē fratris surripies, electus à Domino, in quo repromissio fructificaret, sicut scriptura dicit: Iacob dilexi. Esau autem odio habui. Cumq; zelaretur Esau Iacob, ut eū occideret,

ret, abiit Iacob in Mesopotamiam ad Laban, & seruiuit ei sub mercede, usquequo loqueretur ei Dominus, dicens: Reuerte in terram patriuitatis tue, eroque tecum, & erua te, & liberabo, dicit Dominus. Cum ergo abiisset cum multa familia & peculio, & uenisset in Phaniel, descendit uir & luctabatur cum eo usque mane. Dixitque ad eum: Dimitte me, aurora est. Qui respondit ei: Non dimittam te, ni bene dixeris mihi. Et benedixit ei, dixitque: Non uocaberis ultra Iacob, sed Israel erit nomen tuum. Sciscitante autem illo nomen uiri, ait: Cur queris nomen meum? quod est mirabile. Et abiit Iacob, & cum illo quos genuerat in terra aliena duodecim patriarche: quibus premit Dominus in Aegyptum, firmamentum & saluatorem, qui adesset eis, & semini eorum, in tempore afflictionis sue. Facta deinceps fame in terra Chanaan, descendit Israel in Aegyptum, in animabus septuaginta, & habitauerunt patres nostri in oppidis Gessen, & multiplicati sunt nimis. Cum ergo affligerentur ab Aegyptiis, surrexit Moyses, uir potens & eruditus, qui fugiens Pharaonem persequentem, deuenit in Madian. Vbi dum pasceret oues soceri sui, sacerdotis Madian, in deserto, apparuit ei Dominus in igne flammę rubi. Adpropinquante autem illo, ut uideret uisionem mirabilem, dixit ad eum Dominus: Solue calceamentum de pedibus tuis. Quid autem, fratres (scientibus enim legem loquor) signum repudiij fuit? Quod intelligens idem uir sanctus, ait: Obsecro Domine, mitte quem missurus es: significans uidelicet, quod n̄sdem postea scribit, filiis Israel, dicens: Prophetam uobis suscitabit Dominus de fratribus uestris, tanquam me ipsum, hunc audietis, iuxta omnia quę locutus fuerit uobis. Et iratus Dominus in Moysen, ait: Ecce Aarō frater tuus uenit in occursum tuum, ostendens nondum consummatam plenitudinem temporis, in quo uetus ille nuncius adesset, qui populum suum non de manu significatiui Pharaonis, sed de potestate intellectualis & significati, qui est diabolus, liberaret. Significatiua enim cętera omnia quę gesta sunt fuisse Phasē uestrum indicio est, quod à patribus ad literam celebratum, maxima in se mysteria continere, manifestis & euidentibus de causis patet. Quid enim elus agni carnium proderat ad conscientiam? Quare renes accingitis? Quare baculos in manibus, calceamenta in pedibus habetis? Hęc omnia, fratres, licet scientiam legis habere uideamini, sicut scriptum est, si non credideritis, non intelligetis. Quomodo enim sanguis agninus in utroque poste, & in superliminari aspersus, ab exterminatore uos eriperet, nisi crucem IESV, qui dicitur Christus, figuraret? De ipso namque Esaias dicit: Sicut ouis ad occisionem duceretur, & inter cętera, Et inter iniquos reputatus est. Vt ergo nomen IESV pontifex audiuit, furore repletus, ait: Hęc itaque ad destructionem legis prosequeris? An ignoras scriptum, Si quis propheta uel somniator in Israel surrexerit, ut auertat uos à lege Domini uestri,

A uestri, morte moriatur homo ille. Mathias respondit: Propheta ille de quo nobis sermo, non solū propheta, sed & Dominus est prophetarum, & Deus, Dei filius, cuius diuinitas manifestis indicijs declaratur. Hac igitur ratione ductus, in ipsum credidi, sperans quod in confessione nominis eius perseverabo. Pontifex dixit: Quid si dantur induciæ, uis ne poenitere? Mathias respondit: Absit à me, ut à ueritate quam semel inueni, nō per poenitentiam, sed per apostasiam digrediar. IESVM Nazarenum, quem uos quidem negastis, uerum Dei filium, per omnia patri consubstantialem, & coeternū, atq; coequalē, corde confiteor, ore prædico: Christi seruus sum, aliud esse non potero. Tunc pontifex obdurans aures suas, & stridens dentibus, in eum clamauit, & ait: Blasphemauit. Et subiunxit: Audiatur legē. Et lecta est, iuxta quod attinebat: Homo qui maledixerit Deo suo, portabit peccatum suum: & qui blasphemauerit nomen Domini, morte moriatur. Lapidibus obruet eum omnis multitudo. Nō parcat illi oculus uester, & auferetis malū ex uobis. Cū igitur uir sanctus nec blandimētis euertere, nec minis aut terroribus cōcuti posset, protulit in eū sententiā. Os enim, inquit, tuum cōtra te locutū est, sanguis tuus contra caput tuum. Proinde ductus est ad poenā. Cum ergo uenisset ad locum Bethlaskila, id est, domum lapidatorum, silentium indixit, & ait: Scriptum namque est, cum uidero faciem Domini Dei Sabaoth, numquid non uiuet anima mea? (uel ut alijs peritiori Iudæo, secundū Hebraicam ueritatem magis placuit) Quando ueniam & apparebo ante faciē Domini? Ait enim, quia prima & ultima litera nominis, quæ sunt Mem & Iod, simul iunctæ, resonent: quin & ipse per has literas alluserit ad nomen suū, uersiculo Psalmi. Et subiūxit uir sanctus: Hypocritæ, bene prophetauit de uobis Dauid, dicēs: Captabāt in animā iusti, & sanguinem innocentem cōdemnabunt. & Ezechiel ait: Mortificabāt animas quæ non moriuntur. Testes igitur duo numero, secundum legis mandatū, posuerunt manus eius super eum, & in tumultu lapidum deiecerunt eū, ac primi lapides miserunt. Mathias autē petijt illos duos lapides consepeliri sibi, in testimoniū illis. Et lapidatus ab illis, securi quoq; Romano more percutitur, ut quasi præsidii Romanæ maiestatis in hoc aliquid deferretur. Tunc extensis ad cœlum manibus, reddidit spiritū, die VI. Kalendarum Martiarum. Et accedentes uiri ex discipulis eius, sepelierunt eū: quorum nomina sunt hæc: Lachis, Kaph, Himna, Heimhda, Samuel, Simon, Naamen, Ioseph, Imahel, Simeon, Ioannes. Quicq; Ioannes gratia Dei destitutus apostatauit, cæteris permanentibus in fide Domini nostri IESV Christi, cui est honor & gloria cum æterno patre & sancto Spiritu, per omnia sæcula sæculorum, Amen.

HISTORIA DIVI MARCI

*Euangelistæ, ex uetustissimo codice descripta,
incerto autore.*



ER idem tempus, quo dispersi erant Apostoli toto orbe terrarum, contigit beatissimum Marcum ad Ægypti regionem diuina uoluntate pertingere, unde eū Euangelistā sancti canones Catholici & Apostolici decreuerunt. Propter quod primus in tota Ægypti regione, in Libya, Marmarica, & Ammonica & Pētapoli prædicauerat Euāgelīū, & aduentū Domini nostri IESV Christi. Erāt enim cuncti qui in his terris habitabāt, incircūcisi, & idolis seruientes, & delubra & simulachra domestica fabricabant exercitationes quā etiā nefandissimas habebant: ac malefica, omnisq; contraria uirtus apud eos uigebat, quam Dominus noster IESVS Christus aduentu suo disperdidit atq; destruxit. Cum ergo uenerabilis euāgelista Marcus Cyrenen, quæ est apud Pentapolim, peruenisset, erant enim illic secūdum genus eiusdem religionis indigenæ, his Apostolus faciens exordium diuini sermonis, infirmos sanabat, leprosos mundabat, spiritus mutos nequissimos per gratiam Christi solo sermone curabat: plurimi per eum in Dominum nostrum IESVM Christum crediderunt, & destruentes idola sua, lucosq; succidentes, baptizati sunt in nomine patris & filij & spiritus sancti. Dein etiam reuelatur ei per Spiritū sanctum, ut ad fanum Alexandriæ pergeret, & sereret ibi bonum semen diuini sermonis. Igitur beatissimus euangelista Marcus, uelut athleta fortis, simul ad certamen prompta mente gradiebatur. Itaq; fratribus ait: Dominus meus locutus est mihi, ut Alexandriam proficiscar. Qui prosequuti sunt eum usq; ad nauim: & māducantes panem cū eo, dimiserunt eū, dicentes: Dominus IESVS Christus prosperum faciat iter tuū. Venerabilis ergo Marcus Alexandriam die secūdo peruenit. Egressusq; de nauicula, uenit ad locum quēdam. Et mox ut ingressus est ciuitatem, calceamentum eius disruptū est. Et beatus Apostolus intelligens illud, ait: Verē iter meum expeditum est. Quendā autem cōspiciens qui suere uetera solitus est, ipsi calceamentū tradidit corrigiādum. Qui cum faceret, sinistram manum suam fortiter uulnerauit. & exclamauit, Vnus Dominus. Beatus autem Marcus audiens, quod dixerat, Vnus Dominus: ait intra semetipsum gaudens, Prosperum fecit Dominus iter meum. Et expuens in terram, unxit manū uiri, dicens: In nomine IESV Christi filij Dei. Et confestim sanata est manus eius. Sutor autem ueterum, considerans tantam uiri potentiam, & efficaciam uerbi eius, uitæq; continentia, dixit ei: Obsecro te homo Dei, ut uenias, & declines in domum serui tui, & comedas panem: quia fecisti hodie misericordiam

A misericordiam mecum. Beatus autem Marcus lætus effectus, ait: Dominus det tibi panem uitæ de cœlo. Homo itaq; coegit Apostolum, & introduxit eum in domum suam, gaudens. Ingressusq; sanctus Marcus, ait: Benedictio Domini hic omnibus sit: oremus fratres. & orauerunt simul. Cumq; gratularentur, ait homo: Interrogo te, unde es, uel unde sermo iste fortis in te? Respondit ei beatus Marcus: Ego seruus sum Domini IESV Christi, filij Dei uiui. Dixit autem homo ille: Vellem uidere eum. Respondit beatus Marcus: Ego tibi eum demonstro. Et cœpit initium facere Euangelij IESV Christi, & ostendere ei quæ à prophetis de eo fuerant prædicta. Dixit autem homo ille: Ego scripturas, quas tu dicis, nunquam prorsus audiui: sed Iliada & Odysea, quibus Ægyptiorum filij pro sapientiæ studijs imbuuntur. Tunc cœpit beatus Marcus euangelizare ei Dominum IESVM Christum, declarans quod sapientia mundi huius stultitia sit apud Dominum. Credidit autem homo ille in Dominum, docente beato Marco, & signa atq; prodigia faciente. Et baptizatus est ipse, totaq; domus eius, & magna multitudo loci illius. Vocabatur autem ille Anizanus. Cumq; plurimi facti essent credentes in Domino, audientes uiri ciuitatis, quod Galileus quidam ibi uenerit, qui eorum sacrificia destrueret, & prohiberet cærimonias eorum, quærebant interficere eum, ponentes ei multas insidias. Beatus autem Marcus agnoscens eorum consilia, Anizanum ibidem ordinauit episcopum, & tres presbyteros: id est, Melium, Sabinum, & Cerdonem: & septem diaconos, & alios undecim ad ecclesiasticum ministerium pertinentes. Et Pentapolim pergit, commoraturq; ibi dein duobus annis, confortans fratres, qui illic antè crediderant. Et ordinans episcopos per regiones illas, & clericos, iterum Alexandriam uenit, & reperit fratres multiplicatos in gratia & fide Domini, ecclesiamq; constructam ab eis in loco qui uocatur Buculus, id est Bubulci, iuxta mare, sub rupibus. Et lætatus est iustus ualde, positusq; genibus Domino laudem dedit. Cū autem iam impleret tempus eius, & Christiani multiplicarentur, irridentes simulachra, subsannantesq; gentiles: cognouerunt ibidem profani aduenisse sanctum, & repleti sunt liuore propter miracula quæ eum facere compererant. Infirmos enim sanabat, prædicabat surdis, cæcis uisum condonabat. Et quærebant eum adprehendere, nec poterant inuenire: fremebantq; dentibus suis in spectaculis idolorum suorum, & in festis commensationibus suis clamabant, Magna uis huius magi. Factum est autem, ut beatissima festiuitas nostra Paschalis, id est Dominicus dies sanctus occurreret uicesimo die mensis Parmuthi, quod est octauo Kalendarum Maiarum: quo tempore eorum Serapiaca agebatur celebritas. Hac igitur opportunitate adunati, insidiatores protinus dirigunt: qui repperunt eum orationis oblatione diuinæ Maiestatī sacratissimam celebrantem,

celebrantem. Tollentes uerò eum, miserunt funem in collo eius, & A
trahentes dicebant: Trahamus bubalum ad loca buculi. Sanctus
autem Marcus cū traheretur, gratias referebat saluatori Christo,
dicens: Gratias tibi ago Domine mi IESV Christe, quia dignus ha-
bitus sum hæc pro nomine tuo pati. erantq; carnes eius defluentes
in terra, & saxa inficiebantur sanguine eius. Cumq; uespera facta
esset, miserunt eum in carcerem, usq; dum pertractarent, quali eum
morte disperderent. Circa mediam uerò noctem clausis ostijs, &
custodibus ante fores dormiētib; ecce terremotus factus est ma-
gnus. Angelus autem Domini descendit de cœlo, qui tetigit eum,
dicens: Famule Dei Marce, & princeps propagatorum sanctissi-
morum per Aegyptum decretorum, ecce nomen tuum in libro ui-
tæ cœlestis adscriptum est, & memoriale tuum non derelinquetur
in sæculum: socius enim factus es supernæ uirtutis. nam in cœlis
spiritum tuū colligent: in te requies non peribit. Hunc enim finem
beatissimus Marcus inspiciens, manus ad cœlum extendens, dixit:
Gratias tibi ago Domine IESV Christe, quia non me dereliquisti,
sed connumerasti cum sanctis tuis. Obsecro Domine IESV Chri-
ste, suscipe in pace animam meam, & ne me patiaris à gratia tua se-
parari. Hæc cum dixisset, uenit ad eum Dominus IESVS Christus
in habitu quo fuerat cum discipulis suis, & qua forma antequā pa-
teretur, & ait ei: Pax tibi Marce euangelista. Et ille respondit: Do- B
mine mi IESV Christe, & abiit. Mane autē factō, cōuenit multitu-
do ciuitatis, & eijcientes eū de custodia, miserūt iterū funem in col-
lo eius, & trahebant eum, dicentes: Trahite bubalum ad loca bucu-
li. Sanctus autem Marcus cum traheretur, gratias agebat Domi-
no IESV Christo, dicens: In manus tuas cōmendo spiritū meum,
& hoc dicens beatissimus Marcus, tradidit spiritum. Immanis au-
tem multitudo gentilium ignem succēdentes, in loco qui uocatur
ad angelos, uoluerunt reliquias sanctas comburere. Tūc prouiden-
tia Dei & saluatoris Domini IESV Christi, ualida tempestas exor-
ta est, & procella uenti facta est uehemens: sol quoq; subtraxit suos
radios, & tonitrua fuerunt grauiā: imberq; plurimus à mane usq;
ad uesperum, ita ut habitacula multorum corruerent, & plurimi
morerentur. Metuentes itaq; custodes, dimiserunt sanctum cor-
pus, & fugerunt. Alij uerò deridentes, dixerunt: Beatissimus Sera-
pis noster, in sua hodie festiuitate, hunc uirum uoluit inuisere. Tūc
religiosi uiri uenientes, iusti corpus collegerunt, & detulerunt, ubi
orationes sollicitè erant Domino sine cessatione celebrantes. Fu-
it autem forma beati Marci huiusmodi: Longo naso, subducto su-
percilio, pulcher oculis, recaluafter, proluxa barba, uelox, habitudi-
nis optimæ, ætatis mediæ, cano aspersus, affectione continuus, gra-
tia Dei plenus. Factis igitur orationibus sepelierunt eum, sicut
ciuitatis consuetudo poscebat: & posuerunt eum in loco lapidis ex-
cisi,

A cisi, cum gloria, uenerantes memoriam eius cum sobrietate, & precibus, gratulantes quod primus uiuum & preciosissimum meruit Alexandriae thronum. Repositus est autem in parte orientali, dormiuitq; beatissimus Euāgelista, primus Domini nostri IESV Christi martyr apud Alexandriam Aegypti, die quę est apud Romanos septima Kalendarum Maiarum, iuxta Hebræos autem octauo decimo, imperante Caio: regnante Domino nostro IESV Christo, cui est honor & gloria in sæcula sæculorum, Amen.

HISTORIA ET VITA SAN-

cti Clementis, Romani Episcopi, incerto autore.



BERTIVS Romanę ecclesię præfuit episcopus Clemens: qui disciplinam apostoli Petri secutus, ita morum ornamento pollebat, ut Iudæis & gentibus, & omnibus Christianis populis complaceret. Diligebant enim eum gentiles, quoniam non execrando, sed rationem reddendo, ex eorum libris & caremoniis ostendebat, ubi nati, et unde nati essent hi, quos deos putarent & colerent: & quid egissent, uel qualiter defecissent, euidentissimis documentis astruebat. Ipsos uero gentiles posse indulgentiam à Deo consequi, si ab eorum cultura recederent, edocebat. Iudæorum uero hoc ordine gratia utebatur, quod patres eorum amicos Dei assereret, legemq; eorum sanctam & sacratissimam memoraret. Primumq; locum istos apud Deum habituros, instruebat, si legis suę sacramenta seruaret, in eo quod promissum Abraham non negarent in Christo fuisse completum: id est, quod in semine Abraham Deus hæreditandas promiserat omnes gentes: & quod dixerat ad Dauid, De fructu uentris tui ponam super sedem meam: & quod per Esaiam confirmauerat, quod uirgo in utero conciperet filiū, et uocaretur nomen eius Emmanuel. à Christianis uero ideo quàm maximè diligebatur, quoniam singulorū regionum inopes nominatim habebat scriptos: & hos quos baptismatis sanctificatione illuminauerat, non sinebat publicę fieri mendicitatis subiectos. Quotidiana itaque prædicatione mediocres ac diuites ammonebat, ne paterentur baptizatos pauperes à Iudæis, aut à gentilibus stipem publicam accipere, & uitam baptismatis consecratione mundatam donis gentiliū inquinari. His & plurimis huiusmodi prædicationum floribus pollens, tam Deo quàm omnibus hominibus rationabilibus complacebat. Irrationabilibus uero placere nemo potest, qui Deo placere probatur. Et ideo nō timerunt sancti iniurias hominum irrationabiliū, quorū ratio hæc erat, ut displicerent infidelibus, & non timerent. Sic factum est, ut

nec Aurelianum, nec Sisinnium, amicos Neruæ imperatoris, ex A
 pauesceret Clemens, cum & Domicillam uirginem, neptem Do-
 miciani principis, sponsam Aureliani, credentem Christo, sacro ue-
 lamine ad integritatis perseverantiam consecraret: & Theodoram
 Sisinnij coniugem conuersam à simulachris, Deo castitatis propo-
 situm profiteri persuasisset. Quam uir suus in zelo ducens, ecclesiã
 intrantem occultè persecutus est, studens uidere & audire quid ef-
 fet, pro qua re uxor eius ad ecclesiam festinaret. At ubi à Clemente
 episcopo oratio fuisset & collecta dicta, & à populo dictum esset,
 Amen: statim Sisinnius cæcus & surdus effectus, nihil uidere pote-
 rat, nec audire. Tunc dixit Sisinnius ad seruos suos: Tollite me ci-
 tò inter manus uestras, & eijcite me foras, quoniam oculi mei cæci
 facti sunt, & aures meæ ita effectæ sunt surdæ, ut penitus nihil uide-
 re uel audire præualeam: pueri autem eius gyabant cum eo intus
 per totam ecclesiam, inter populos uirorum ac mulierum oranti-
 um, & ianuas unde ingressi fuerant inuenire non poterant. Sic fa-
 ctum est, ut dum gyrando in errorem cõuerterentur, ad dominam
 suam Theodoram, ubi orabat Dominum, cum domino suo perue-
 nirent. Quæ cum uideret seruos suos ducentes dominum suum ex-
 cæcatum, & gyrum uanum laborantes, primùm quidem declina-
 uit aspectum eorum, putans eum apertis oculis se aspicere: & misit
 unum ex pueris, qui cum ipsa erāt, ut sciret quid sibi uellent cū suo B
 domino ita circumeuntes. Qui respondentes dixerunt ei: Domi-
 nus noster dum uult uidere quod non licet, & audire secretum, ex-
 cecatus est, et surdus effectus est. Nobis quoq; hoc imperauit, ut eū
 exportaremus foras. Sed non conceditur nobis, ut illum hinc ali-
 quatenus proferamus. Cumq; nunciatum fuisset hoc Theodoræ
 à puero, prostrauit se in orationem, & cum lachrymis cœpit postu-
 lare à Domino, ut inde uir suus cum pueris qui eum ducebant exi-
 re posset. & conuersa ad pueros qui eum ducebant, dixit eis: Ite mo-
 dō, & dantes manum domino uestro, perducite eum ad domum.
 ego enim orationem meam, quam cœpi, non desinam, donec expli-
 cem: sed offerens hostiam meam Domino, expletis mysterijs pro-
 sequar uos. Cumq; abissent pueri, dātes ei manū, & egressi essent,
 perduxerunt dominum suum ad domum: & reuersi sunt ad domi-
 nam suam, cæcum nunciantes uirum eius effectum, & surdū. Theo-
 dora autem amplius Deo preces lachrymasq; effundebat, ut illi di-
 uina misericordia subueniret. Post mysteria autē facta, prostra-
 uit se ad pedes beati Clementis Theodora, dicens: Virum suum cu-
 ras agentem secretorum Domini nostri IESU Christi, cæcitatem
 incurrisse oculorum amborum, & utrarumq; aurium auditū per-
 didisse. Tūc beatus Clemēs uictus fletu & oratione, eos qui aderāt
 simul, secum Deo preces fundere exhortatur, quatenus uiro eius
 Dominus & auditū reddere dignaretur, & uisum. Confidens itaq;
 Clemens

A Clemens post orationem perrexit cū muliere Theodora ad uirum eius, & inuenit eum apertis oculis nihil uidentem, & neq; sermonem aut sonitum audientē. Cumq; ululatu uniuersi perstreperent, & hoc Sisinnius non audiret, dixit ad Deum Clemens: Domine IESU Christe, qui clauēs regnī cōlorum dedisti apostolo tuo Petro, magistro meo, & dixisti ei: Quæ aperueris aperta sunt, & quæ clauferis clausa sunt: tu præcipe, ut aperiantur huius hominis aures & oculi, quoniam tu dixisti: Quæcunq; petieritis credentes, cōsequimini: & tua hæc promissio fidelis permaneat in sæcula sæculorum. At ubi respondentes dixerunt, Amen: aperti sunt oculi Sisinnij, simul & aures eius. & uidens Clementem iuxta coniugem suam stantem, amens effectus, cogitare cœpit, Quidnam hoc esse: & estimās se magicis illusum artibus, cœpit dicere seruis suis, ut tenerent Clementem episcopum. Dicebat enim: Iste, ut ingrederetur ad uxorem meam, artibus mihi magicis cæcitatem induxit. His autem quibus iusserat ut ligarent Clementem, uidebatur quod ipsum constringerent & traherent: illi autem columnas trahentes ligabant & trahabant, nunc quidem deintus foras, nūc uerò deforas intus. Hoc quoque ipsi Sisinnio uidebatur, quod sanctum Clementem uinctū traherent, cui sanctus Clemens ait: Duritia cordis tui in saxum cōuersa est: & quia saxa deos esse æstimas, saxa trahere meruisti. At ille quasi uincto insultans, dicebat: Ego te faciam ad omnium malefactorum tuorum experimentum interfici. Tunc beatus Clemens dans orationem, & benedicens uxorem eius, abscessit: hoc illi in mandatis tradens, ne ab oratione omnino cessaret, donec uisitationē Dominus uiro eius dignaretur ostendere. Oranti autem Theodora, & flenti, ecce subito ad uesperum apparuit quidam uir canicie uenerandus, dicens: Per te sanus erit Sisinnius, ut impleatur hoc quod dixit frater meus Paulus apostolus, Sanctificatur uir infidelis per mulierem fidelem. & cum hæc dixisset, ab aspectu eius abscessit. Vnde non dubium extitit, ibi beatum Petrum apostolum apparuisse. Deniq; statim uocauit ad se Sisinnius Theodoram, & dixit ei: Obsecro te ut roges Deum tuū, ne irascatur mihi. zelo enim tui ductus, abij post te ad ecclesiam: & dum uolui uidere quæ agebantur, & audire quæ dicebantur, amisi auditū pariter & uisum. Nūc ergo quia Clementis fecit præsentia, ut & auditum recuperarem, & uisum, roga eum ut ueniat ad me, & faciat me ueritatē agnoscere. Nā & mihi et pueris meis pro certo hoc uidebatur, quod Clementem ligarent cum clericis suis, & ipsum traherēt. Ipsi autem saxa & columnas ligantes traxisse noscuntur. Tunc Theodora perrexit ad episcopum Clementem, & narrauit ei omnia quæ uiderat, & quæ fuerāt ei à suo uiro narrata. Veniens autem Clemens ad Sisinnium, cum honore susceptus est. A quo audiens uniuersa quæ ad ædificationem eius conuenerant, docuit eum omnia quæ ad fidem catholicam

Comitis sa-
crarū iure
conf. & li-
ber Præfe-
cturarū me-
minit.

licam pertinere probant: & credidit ei Sisinnius, & in fide corro- A
boratus est, & coepit genibus Clementis aduolui, dicens: Gratias
ago uero Deo omnipotēti, qui me idcirco cecauit, ut uideā: ideo au-
ditū abstulit, ut ueritatē hanc audīā, quā ignoranter irridebā: et hoc
putabā falsum esse, quod uerū est: hoc existimabā uerum esse, quod
falsum est: tenebras putabā lucem, & lucem tenebras estimabā. Sed
purgatus est sensus meus à sordibus idolorum. Verè nūc cognoui,
dēmones decipere homines: & qui nō credūt Christū Deum, ipsis
dominantur saxa furda & muta, sicut & mihi hactenus dominata
sunt. Hęc et his similia multa dicēte Sisinnio, gaudium magnum fa-
ctū est. Credidit enim Sisinnius cum omni domo sua, & dato nomi-
ne proximo Paschate futuro baptizatus est. Cōputati sunt autē de
domo eius simul uiri cum mulieribus, & infantibus promiscui se-
xus, numero quadringenti uiginti & tres. Per hunc autem Sisinni-
um multi nobiles, multi illustres, & amici regis Neruæ, conuersi
sunt ad Christū. Tunc Comes sacrarum Publius Tarquinius, ui-
dens innumerabilem multitudinem Christo credere, inuidia Chri-
sti ductus, uocauit ad se patronos regionum, & data eis pecunia,
monuit ut seditionem excitarēt nomini Christiano. Illo igitur tem-
pore administrāte Mamertino præfecturā urbanā, facta est seditio
populi Romani de nomine Clementis episcopi, & inter se inuicem
confundebantur, dicentes: Quid enim mali fecit? quid boni nobis
non exercuit? Quicumq; ab eo æger uisitari potuit, nōne saluus B
factus est? Quicumq; ad eū tristis aduenit, gaudens abscessit. Nul-
li unquam nocuit, cum omnibus profuerit. Alij uerò spiritu diabo-
li inflati, dicebant: Magicis artibus ista faciens, deorum nostrorum
culturam euacuauit. Iouem dicit Deum non esse: Herculem con-
seruatorem nostrum, dicit esse immundum spiritum: Venerem de-
am sanctam, meretricem fuisse commemorat: deam Mineruam bla-
sphemat: & Dianam ac Mercurium, simul & Saturnū & Martem
accusat: numina etiam uniuersa blasphemat. Tunc Mamertinus ur-
bis Romæ præfectus, populi seditionem non ferens, iussit ad se ad-
duci Clementem episcopum urbis Romæ, qui cum eum secretò ui-
disset, coepit ei dicere: Nobili te stirpe progenitum omnis Romana
multitudo testatur: sed errorem te passum in eo referunt, quod ne-
scio quem Christum colere te dicant, & contra omnia templa diui-
na te suscipere arguant. Vnde deponenda est à te hęc superstitio su-
perflua, & dīj sunt à te colendi, eximius ut euadas. Clemens di-
xit: Optarem per prudētiam culminis tui, ad rationem accedere: &
te mihi non de tumultu imperitorum, sed de ratione præscribere.
Nam si canes in nos multi latrauerint, & morsibus attrectauerint,
nunquid nobis hoc possunt auferre, quod nos homines sumus ra-
tionales, & illi sient irrationabiles canes? Seditio autem semper ab
imperitis exorta, ostendit se nihil certum habere, nec uerū. Vnde
silentij

A silentij est flagitanda occasio, in qua pro salute homo irrationabilis disputare secum incipiat, atq; tractare, ut Deum uerum inueniat, cui fidem suam iusta ratione committat. Hæc & alia multa rationabiliter dicente Clemente episcopo, furere contra ipsum cœpit urbis præfectus, qui ipsam seditionē excitauerat. Et missa relatione ad Neruam pariter & Traianum, dixit, Clementem hunc ad seditionis uociferationem populi Romani impeti, cum nihil in eo iure possit eorum accusatio inuenire. Ad quæ imperator Traianus rescripsit, debere Clemētem episcopum aut sacrificare, aut trans Pontum mare, in heremo quod adiacet ciuitati Cersong, subire exilium. Quod cum fuisset allegatum, cœpit cum Clemente episcopo agere Mamertinus urbis præfectus, ne uellet spontaneū subire exilium, sed ut securus uiueret, dñs libamina exhibere. Sed beatus Clemens episcopus nitebatur etiam ipsius iudicis animum ad fidem Christi perducere, cum se ostenderet appetere potius exilium, quàm timere. Tantam denicq; Dominus gratiam beato Clementi episcopo attribuit, ut fleret præfectus, ac diceret: Deus tuus, quem tu purè colis, ipse te adiuuet in hac relegatione exilij. Et delegauit præfectus beato Clementi nauem omnibus necessarijs onustam, & sic dimisit eum. Repleta est autem nauis tam de clero, quàm de populo. Secutiq; sunt Episcopum religiosi multi uiri. Cum autem peruenissent **B** ad locum exilij, inuenerunt ibi ad secunda saxa amplius quàm duo millia Christianorum, diuturna relegatione damnatos. Qui uidentes sanctum Clementem Romanum episcopum, omnes una uoce in fletum & gemitum proruperunt. Quos cū cognouisset Clemēs, pro Dei nomine relegatos, dixit: Non meo merito ad uos me Dominus misit, sed ad hoc, ad uestram coronam adduxit, ut particeps factus passionis uestræ, etiam consolationis particeps efficiar. Et cum multa eis consolationis & patientiæ uerba intinasset, didicit ab eis, quòd de sexto miliario aquam sibi humeris apportarent. Tunc sanctus Clemens dixit: Oremus Dominū IESVM Christum, ut confessoribus suis fontis in isto loco uenas aperiat: & qui percussit petram in deserto Sinai, & fluxerūt aquæ in satietatem, ipse nobis laticem affluentem impertiat, ut de eius beneficio gratulemur. Cumq; oratione completa hinc inde circumspiceret, uidit agnum stantem, qui pede dextro erecto quasi locū sancto Clementi ostenderet. Quod sanctus Clemens intelligens, Dominū IESVM Christum esse, quem solus ipse respiceret, & præter ipsum alius non uideret, perrexit ad locum, & dixit: In nomine patris & filij & spiritus sancti, in isto loco percutite. Sed cum omnes per gyrum rastris effoderent, & non ipsum locum in quo agnus stabat contingerent, accepto breui furculo sanctus Clemens, leui ictu locum sub pede agni percutiens, fontem affluentibus uenis ornatum aperuit, qui suo impetu euomens fluuium fecit. Tunc uniuersis gaudentibus,
beatus

beatus Clemens glorificans Deum, dixit: Fluminis impetus laxifi-
 cat ciuitatem Dei. Ad istam autem famam confluxit omnis prouin-
 cia, & uenientes uniuersi ad doctrinam sancti Clementis, cōuertebā-
 tur ad Dominū IESVM Christū: ita ut in die illa quingentę animę,
 & eo amplius, baptizati in nomine patris & filij & spiritus sancti,
 perfecti in fide Christi abscederent. Per totam autem prouinciā in-
 tra unum annū a credentib. septuaginta & quinque ecclesię fundatę,
 & omnia tēpla destructa, omniaq; idola fracta sunt. Post annos autē
 tres paganis insistentibus, tā ambitiosa relatio cucurrit ad imperato-
 rē Traianū, ut dicerent, ibi per Clementem episcopū innumerabilē
 Christianorū populū accreuisse. Et missus est dux Aufidianus, qui
 multos Christianorū diuersis pœnis occideret. Et dū uideret Aufi-
 dianus, omnes gaudentes ad passionē accedere, celsit multitudini,
 & solū Clementem episcopū cogebat ad sacrificandū. & cum uide-
 ret illū sic fixū in Domino, ut penitus mutari nō posset, dixit ad su-
 os: Producatur ad mare, & ligetur ei ad collū anchora, & præcipite-
 tur in medio mari, ut non possint isti populi Christiani hunc pro-
 deo colere. Quod cum factum esset, omnis multitudo Christi-
 anorum cœpit ad littus stare. Tunc dixerunt Cornelius & Fe-
 bus, discipuli eius: Omnes unanimiter oremus, ut ostendat no-
 bis Dominus martyris sui excubias. Orantibus autem populis, se-
 celsit mare in sinum suum, per tria ferme miliaria. Et ingressi populi
 per siccum, inuenerunt in modum templi marmorei habitaculum B
 a Deo paratum: & ibi in arca saxeā corpus sancti Clementis posi-
 tum, ita ut anchora, cum qua missus fuerat, iuxta eum esset posita.
 Reuelatum est autem discipulis eius, ut non inde tollerent corpus
 eius. Quibus etiam hoc intimatum est, quod omni anno die passio-
 nis eius recedat mare per septem dies, & sic aduenientibus iter præ-
 beat, quod ad laudem nominis sui facit Dominus fieri, usq; in ho-
 diernum diem. Hoc autem ubi factum est, omnes gentes per gy-
 rum crediderunt Christo. Ibi fiunt multa diuina beneficia, orati-
 onibus eius. Nam & cæci illuminantur ibi, omni anno natalis eius:
 dæmones effugantur, & omnes saluantur infirmi, qui illuc potue-
 rint peruenire: & est ibi pax Dei, & laus Domini cum gaudio, &
 benedicitur Christus filius Dei uiui: qui cum patre uiuit
 & regnat in unitate Spiritus sancti Deus, in sæcula
 sæculorum, Amen.

137 HISTORIA SANCTI CY.

priani Martyris & Episcopi, ex uetustissimo codice descripta.

A



IMPERATORE Valeriano quartum, & Galieno tertium consulibus, tertio Kalendarum Septembris, Carthagine in secretario Paternus proconsul Cypriano episcopo dixit: Sacratissimi Imperatores Valerianus & Galienus, literas ad me dare dignati sunt, quibus praeceperunt, eos qui Roma

nam religionem colunt, debere Romanas ceremonias recognoscere. Exquisiui ergo de nomine tuo: quid mihi respondes? Cyprianus episcopus dixit: Christianus sum, & episcopus. Nullos alios deos noui, nisi unum & uerum Deum, qui fecit coelum & terram, mare, & quae in eis sunt omnia. Huic Deo nos Christiani deseruiamus, hunc deprecamur diebus atque noctibus, pro nobis & pro omnibus hominibus, & pro incolumitate ipsorum Imperatorum. Paternus proconsul dixit: In hac ergo uoluntate perseueras? Cyprianus episcopus respondit: Bona uoluntas, quae Deum nouit, mutari non potest. Paternus proconsul dixit: Poteris ergo secundum praeceptum Valeriani & Galieni, exul ad urbem Curubitanam proficisci. Cyprianus episcopus dixit: Proficiscor. Paternus proconsul dixit: Non solum de episcopis, uerum etiam de presbyteris mihi scribere dignati sunt. Volo ergo scire a te, qui sint presbyteri, qui in hac ciuitate consistunt. Cyprianus episcopus respondit: Legibus uestris bene atque utiliter censuistis, delatores nos non esse. Itaque deferri a me non possunt, in ciuitatibus autem suis inueniuntur. Et cum disciplina prohibeat, ut quis se ultro non offerat, & tuae quoque censurae hoc displiceat: nec offerre se ipsi possunt, sed a te exquisiti inueniuntur. Paternus proconsul dixit: A me inueniuntur. Et adiecit: Praeceperunt etiam, ne in aliquibus locis conciliabula fiant, nec coemiteria ingrediatur. Si quis itaque hoc tam salubre praeceptum non obseruauerit, capite plectetur. Cyprianus episcopus dixit: Praecepisti. Cumque Cyprianus sanctus martyr, electus Deo, de ciuitate Curubitana, in qua exilio praecepto Aspasij Paterni proconsulis relegatus fuerat, regrederetur, in hortis suis manebat. Inde quotidie sperabat uenire ad se, sicut illi ostensum fuerat. Et cum illic demoraretur, repente Idibus Septembris Tusco & Basso consulibus, uenerunt ad eum principes duo: unus ex officio Galerij Maximi proconsulis, qui & in curriculum eum leuauerunt: & ambo se in medio posuerunt, & in Sexti perduxerunt. Galerius quidem Maximus proconsul, bonae ualitudinis recuperandae gratia secesserat. Et ita idem Galerius Maximus proconsul in aliam diem Cyprianum sibi reseruari praecipit. Ex eo tempore beatus Cyprianus

u apud

apud principem, & apud stratorē eiusdem officij Galerij Maximi A
 proconsulis fuit. Et cum esset in uico qui dicitur Saturni, inter Ve-
 nerea & salutaria, mansit ille uniuersus populus fratrum. Et cū hoc
 sanctus Cyprianus cōperisset, custodire praecepit, quoniam omnes
 in uico ante ianuā hospitij principis manserant. Et ita altero die, o-
 ctauo decimo Kalendarū Octobrium manē, multa turba conuenit
 ad Sexti, secundum praeceptum Galerij Maximi proconsulis. Et ita
 idem Galerius Maximus proconsul eadem die Cyprianum sibi of-
 ferri praecepit, in atrio Sautio sedenti. Cumq; oblatus fuisset, Gale-
 rius Maximus proconsul Cypriano episcopo dixit: Tu es Tascius
 Cyprianus? Cyprianus episcopus respōdit: Ego sum. Galerius Ma-
 ximus proconsul dixit: Iusserunt te sacratissimi Imperatores caere-
 moniari. Cyprianus episcopus dixit: Non facio. Galerius Maxi-
 mus ait: Consule tibi. Cyprianus episcopus respondit: Fac quod ti-
 bi praeceptum est, in re tam iniusta nulla est consolatio. Galerius
 Maximus locutus cum consilio, dixit: Diu sacrilega mente uixisti,
 & nefariae tibi cōspirationis homines adgregasti, & inimicū te dñs
 Romanis & sacris legibus cōstituiisti, nec te pñ & sacratissimi prin-
 cipes Valerianus & Galienus, & Valerianus nobilissimus Cæsar,
 ad sectā ceremoniarū suarum reuocare potuerunt. Et ideo cum sis
 nequissimorū criminum auctor, & signifer deprehensus, eris ipse
 documēto, cū his quos scelere tuo tecum aggregasti, tecū sanguine
 tuo saucientur * disciplina. Et decretū ex tabella recitatū est. In Cy- B
 prianum enim gladio aduerti placuit. Cyprianus episcopus dixit:
 Deo gratias ago. Post hāc uerò sententiam turba fratrum dicebat: Et
 nos cū ipso decollemur. Propter hoc tumultus fratrum exortus est,
 & multa turba eū profecuta est. Et ita idē Cyprianus in agro Sex-
 ti perductus est, & ibi se lacerna birra expoliauit, & genu in terrā
 flexit, & in orationē se Domino prostrauit. Et cum se dalmatica ex-
 spoliaflet, & diaconibus tradidisset, ad lineā stetit, & coepit spicu-
 latorem sustinere. Cū uenisset autem spiculator, iussit suis, ut eidē
 spiculatori aureos xxv. darent: linteamina uerò et manualia fra-
 tribus ante eū mittebant. Postea uerò beatus Cyprianus manu sua
 oculos sibi textit. Qui cū lacinias manuales ligare sibi non potuisset,
 Iulianus presbyter, & Iulianus subdiaconus ei ligauerūt. Et ita bea-
 tus Cyprianus episcopus passus est. Eiusq; corpus propter genti-
 liū curiositatē in proximo positū est. Per noctē autem corpus eius
 inde sublatū est ad cereos & scholā Cæsareā, ubi Macrobij cādida-
 tīq; sunt, in uia Mappaliensi, iuxta piscinas, cum uoto & triūpho ma-
 gno. Post paucos autem dies Galerius Maximus procōsul disces-
 sit. Passus est autem beatissimus Cyprianus martyr die octauo de-
 cimo Kalendarū Octobrium, sub Valeriano & Galieno Imperato-
 ribus: regnante uerò Domino nostro IESU Christo, cui est honor
 & gloria in saecula saeculorum, Amen.

VITA.
HISTORIA SANCTI APOL-
linaris Martyris, ex peruetusto codice
descripta.

139



A N DIEBUS Claudij Cæsaris, ueniente Petro apostolo IESV Christi Nazareni, ab Antiochia in urbem Romam, multi cum eo Christiani, administrantes ei, Romam uenerunt. Qui statim ad synagogam Hebræorum descendens, dedit eis noticiam, dicens, quod Hebræus esset, & à Iudæa propter fratrum charitatem aduenisset. Cum uero per multos dies sermocinaretur Iudæis, introducebat eis de nomine IESV, quod uerus Dei esset filius, qui saluum fecisset omne genus hominum, indicans quantas operationes & uirtutes in Israel fecisset, secundum propheticas uoces. Multi uero ex Iudæis agentes poenitentiam pro ignorantia sua, credebant in IESVM, prædicante Petro. Non solum autem Iudæi, sed etiam Romani, suscipientes uerbum, gauisi sunt, quod uisitatione uisitasset Deus genus hominum, mittens filium suum renouare mundum. Et credentes in IESVM, baptizabantur. Post multum uero tempus ait beatus Petrus apostolus Apollonari discipulo suo: Quid sedes nobiscum? Ecce eruditus es de omnibus quæ fecit IESVS. Surge, accipe Spiritum sanctum, simulque pontificatum, & perge ad urbem quæ uocatur Rauennatum: multitudo enim populi illic moratur. Prædica eis de nomine IESV, & ne formidaueris. Cōstat enim apud te, quod uerè Dei sit filius, qui mortuis uitam reddit, & ægris intulit uerbo medicinam. Et post multa dans orationem beatus Petrus, & ponens manum super caput eius, ait ei: Mitat Dominus noster IESVS Christus angelum suum, qui præparet iter tuum, & quæ postulaueris annuat tibi. Et osculans eum, emisit à se. Cum autem peruenisset beatus Apollinaris nō longe ab urbe Rauenna, mansit apud quendam militem Asiaticū, nomine Herenæum. Cui indicans, unde aduenisset, aut quid ageret: ait ad eum ille miles: Hospes, filius meus excæcatus est. Sed si qua uirtus est prædicationis tuæ, adhibe medicinam, ut uideam & sequar Deum tuum, credens in eum. Quem puerum alacriter Apollinaris ad se perducere iussit. Videntibus autem cunctis qui aderant, nihil aliud Apollinaris, quàm signum crucis super oculos cæci faciens, dixit: Deus qui non localiter, sed ubique es, intromitte cognitionem filij tui Domini nostri IESV Christi in istam ciuitatem, ut non solum istius oculos corporales in lumines, sed etiam interiores oculos gentium commorantium in loco isto aperias, ut celeriter cognoscētes Christum IESVM filium tuum, suum esse Deum, locum mihi prædicationis tribuant, cum magno affectu. Expletis his sermonibus, uidit cæcus; & prouolutus ad pedes beati Apollinaris, una

cum

cum parentibus, credens in Christo, baptizatus est in fluuio non A
 longè ab urbe Rauenna. Matrona uerò cuiusdam Tribuni mili-
 tum, nomine Thecla, per annos plurimos grauissima tenebatur in-
 firmitate, quam nullus medicorum poterat erigere. Factum est igitur,
 ut miles Christianus adstaret ante tribunal, & orta fabula à
 Tribuno de coniuge infirma, ait miles: Est apud me quidam pere-
 grinus, prouecta ætate, qui etiam filium meum absq; ullo medica-
 mine illuminauit. Hunc si uenire permittis, mox ut illū uiderit, con-
 ualescet. Ait ei Tribunus: Et hic unde aduenit? Qui respondit:
 Ab urbe Roma. Tribunus dixit: Ergo Romanus genere est? Re-
 spondit: Nescio, plus tamen Græcus esse uidetur. Dicit ei Tribu-
 nus: Secretè perduc eum in domum meam, ut cognoscam uera esse
 quæ dicis. Cumq; ingressus fuisset urbem Rauennam Apollinaris,
 circum signās se honestissimè, dixit: Deus qui operaris cum Petro
 magistro meo, operare & mecum, ut clarificetur nomen tuum, &
 fiat uoluntas tua. Et ingressus domum Tribuni, officiosissimè su-
 sceptus est. Ait autem ad eum Tribunus: Bene aduenisti medice,
 & quid dulcius quàm æstuantī frigida aqua? Cui beatus Apollina-
 ris respondit: Requiescat in uobis pax Domini Dei nostri IESV
 Christi. Tribunus dixit: Quis est de quo dicis? Respondit: Filius
 Dei uiui, qui sæculum perditū renouauit. Tribunus ait: Vt uideo,
 tu Galilæus es. Respōdit: Etiam. Tribunus ait: Nosti curationes? B
 Respondit Apollinaris: Nihil sine nomine IESV. Ait Tribunus: Et
 quæ uirtus est in IESV? Apollinaris respondit: Conuoca huc mili-
 tes tuos, & cūctis uidētibus dignosces uirtutem IESV. Cumq; ad-
 starent, ait Tribunus: Ecce mulier mea lecto tenet infirma annis
 plurimis, cui omnis medicina cōtraria extitit. si qua ergo uirtus est
 in te, operare. Cui respōdit Apollinaris: Aperiat Deus oculos cor-
 dis uestri, ut uidentes mirabilia eius, credatis IESVM Deum esse.
 Tunc apprehendens manum mulieris, ait: Surge in nomine Domi-
 ni nostri IESV Christi, & crede in illū: & ne amplius dixeris, quòd
 alius similis sit illi. Statimq; surgens mulier, descendit sana de lectu-
 lo, clamans & dicens, quòd non sit alius Deus præter IESVM, quē
 prædicat Apollinaris. Videns uerò Tribunus & milites, obstupu-
 erūt dicentes: Quia uerè hic est Deus, qui talia fecit. Potest etiam i-
 ste, si diligat, inter bella præstare auxilia. Interea ipse Tribunus cū
 uxore & filijs & familia sua credentes in IESVM, baptizati sunt.
 Sed & multi alij ex Paganis, qui interfuerāt, coeperūt fidem IESV
 Christi profiteri. Habitauit interea in domo Tribuni intra urbem
 Rauennam beatus Apollinaris, & quottidie ad eum ueniebant
 ex populo, & docebat eos secretè, dicens: Credite in IESVM, quo-
 niam ipse est Deus cœli & terræ: & credentes baptizabantur.
 Multi uerò nobiles dabāt filios suos beato Apollinari, ut ab eodē
 sacris literis erudirentur: illi uidelicet qui iam in Christo crede-
 bant,

A bant. Myſterium enim & baptiſmata in domo Tribuni beatus Apollinaris agebat cum diſcipulis ſuis aſſidue. Itaque intra duodecim annos, duos preſbyteros, Adheretum & Calocerum ordinauit: Marcianum nobiliſſimum uirum, & Leuthadium philoſophum, diaconos fecit. Sex etiam clericos ſtatuit, cum quibus die noctu'que pſalmos Deo canebat. Cumq; creſceret Apollinaris in deprecatione IESV Chriſti, & multitudo populi creuiſſet in fide Chriſti, iam non poterat latere. Nunciatum eſt ergo de eo duci Saturno, qui producens eum, ſtatuit ante Pontifices Capitoli Rauennatis. Interrogauit'que eum dux, quis uelit eſſe? Qui reſpondit libera uoce, Chriſtianus ſum. Dux ait: Quis eſt Chriſtus? Apollinaris reſpondit: Filius Dei uiui, per quem omnis creatura uiuit, quæ in cœlo, & quæ in terra, & quæ in mari eſt. Cui dux ait: Et te ipſe miſit ad nos, ut euacues culturas deorum noſtrorum? an ignoras ſacrum nomen Iouis, quia magnus eſt, qui eſt habitator huius Capitoli, ciuitatis, cui te oportet humiliari? Apollinaris reſpondit: Quis ſit habitator ignoro, & quale templum poſſideat, non uidi. Aiunt Pontifices: Veni & uide magnum templum, & mirè exornatum, ibi'que cernes ſimulachrum inuiſtiſſimi Iouis. Cum'que introſſet in Capitolum beatus Apollinaris, ſubridens, ait Pontificibus: Iſta tanta ornamenta aurea & argentea, melius poterant pauperibus erogari. Tunc **B** irruentes Pontifices paganorum, cum populo, ſuper eum, nimia eum cæde maſtauerunt. Et eiſcientes eum ad mare, ſemiuiuum reliquerunt. Quem colligentes diſcipuli eius, abſconderunt in domo cuiuſdam mulieris uiduæ Chriſtianæ, adhibentes ei curam. Poſt menſes autem ſex, nobiliſſimus uir nomine Bonifacius, ciuis Claſſis, ſubito obmutuit. Cui dum plurimi medicorum nihil prodeſſent, indicatum eſt, quòd ſamulus Dei Apollinaris uiueret, & apud uiduam latèret. Mittens igitur ad eum coniunx eius, obſecrare cœpit, ut ad uirum eius uiſitationem ſuam impenderet. Cum'que perueniſſet ad domum, puella de domo habens ſpiritum immundum, exclamauit dicens: Recede hinc ſerue Dei uiui, nam facio te pedibus ligatis de hac trahi ciuitate. Cui ait ſanctus Apollinaris: Obmuteſce diabole, & exi ab ea, & ne amplius in hominibus loquaris. Qui ſtatim reſceſſit ab ea. Ascendens uerò uir beatiſſimus in domum Bonifacii, uidit eum iacentem mutum, & ait: Domine IESV Chriſte, qui clauſiſti os iſtius hominis, ne amplius inuocaret idola in auxilium ſuum, aperi continuo os eius, ut tuum nomen, quod eſt benedictum, inuocet, & credat quia tu es Deus uiuens in ſæcula ſæculorum. Cum'que à Chriſtianis dictum fuiſſet, Amen: eadem hora ſoluta eſt lingua eius, & laudabat Dominum, dicens: Non eſt alius Deus, quàm hic quem beatiſſimus

prædicat Apollinaris. Eodem die amplius quàm quingenti ho- A
 mines crediderunt in IESVM, agentes gratias Deo, & Apollinari
 famulo eius, per quem illuminati sunt omnes. Non post multos
 autem dies inflati quidam Paganorum à spiritu immundo, suam fa-
 cientes uoluntatem, tenuerunt eum: & diutius cæsum fustibus, pro-
 hibebant ne de nomine IESV mentionem aliquam faceret. Qui ia-
 cens in terra, clamabat, quòd uerè ipse est Deus, qui spòte pro om-
 nium hominum salute corporaliter pati uoluit. Non ferentes Pa-
 gani hoc testimonium, beatum Apollinarem nudis pedibus super
 prunas stare fecerunt. Qui amplius Christo testificabatur. Paganì
 uerò ab urbe Classe, eum proiecerunt, dicentes ei: Quamuis curati-
 ones facias, urbem tamen noli ingredi, & uiues. Erat itaq; beatissi-
 mus uir iacens extra muros, & prædicās de nomine IESV incessan-
 ter. Veniebant ad eum multi de ciuitate, timentes Dominum, &
 ministrabant ei. Non enim parua erat plebs Christianorum, maxi-
 mè nobilium. Habebant enim Christiani tugurium non lōgè à mu-
 ro, ubi mysterium faciebant. Baptizabantur autem in mari, in no-
 mine patris & filij & spiritus sancti, quotidie innumeri. Post pluri-
 mos deinde annos beatissimus Apollinaris ad Æmiliam perrexit,
 docendo secretè populum, quoscunq; poterat trahere uerbo. In-
 terea Caloterus presbyter gubernabat ecclesiam, quæ erat Rauenn-
 næ, latenter faciens multas uirtutes in nomine IESV Christi. Non
 post multum tempus regressus ab Æmilia beatus Apollinaris, à B
 Christianis cum omni gaudio susceptus est. Eodem tēpore Ru-
 fus Patricius, ex consule ducatum agebat Rauennæ, cuius unica fi-
 lia infirmabatur. Indicatū est ei de nomine Apollinaris sacerdotis:
 quem mox iussit ad domum suam uenire, ut uisitaret filiam eius. At
 ubi ingressus est domum cum clericis suis, statim defuncta est puel-
 la. Cumq; lamentationes audiuiſſet Apollinaris, cognouit quia trā-
 fisset. descendensq; increpabat eū Rufus Patricius, cum lachrymis
 dicens: Atq; utinā domum meam non introisses. Dñi enim magni
 indignati, noluerunt filiam meam saluare. Tu uerò in quo poteris,
 cura eam. Et omnes qui aderant, flebant cum eo. Cui beatissimus
 Apollinaris dixit: Fiducialiter age Patrici, & iura mihi per salutem
 Cæsaris, quia permittes puellam sequi Saluatorem suum, & modò
 cognosces uirtutem Domini nostri IESV Christi. Rufus Patrici-
 us respondit: Scio quoniā mortua est puella, & non uiuit: tamen si
 uidero eam stantem & loquentē, laudabo uirtutē Dei tui, & non
 prohibebo sequi Saluatorem suum. Tunc cum uniuersa multitudine
 flente, ipse fiduciam habens in IESVM, accessit, & tetigit puellā di-
 cens: Domine IESV Christe, Deus meus, qui magistro meo Petro
 apostolo tuo dedisti locum impetrandi apud te quæ desiderat, tu
 suscita hanc puellam, quia tua est creatura, & non est alius Deus
 præter te. Et respiciens ad puellā, ait: Quid iaces? Surge, confitere
 creatorem

A creatorem tuum. Quæ statim surrexit, & loquebatur, uociferans & dicens: Magnus Deus quem prædicat Apollinaris, famulus eius, & nullus est alius præter eum. Factum est igitur in illa hora gaudium magnum coram omnibus, & coram Christianis, quia magnificentum est nomen Domini nostri IESU Christi. Baptizata est puella cum matre & familia promiscui sexus, trecenti uiginti quatuor. sed & multi alij ex Paganis crediderunt Christo. Rufus uero Patricius timens Cæsarem, occultè diligebat beatum Apollinarem, & ministrabat ei. Filia uero eius consecrata est Christo, & permansit uirgo. Nunciatum est hoc Cæsari à Paganis, quod quidam uir ueniens ab Antiochia, magicis artibus & incantationibus nomen IESU Hebræi introduxisset in urbem Rauennam, & magna multitudo obediret illi, etiam domus Rufi Patricij. Cui Cæsar mittens successorem, scripsit ad uicarium præfecturæ, ut præsumptorem huiusmodi aut deus inclinaret, aut longè in exilium mitteret. Accersuit itaque Messalinus uicarius Apollinarem in prætorium suum, & ait ad eum coram sacerdotibus Capitoli: Quis diceris? Respondit, Apollinaris. Messalinus dixit: Vnde huc aduenisti? Respondit: Ab Antiochia. Messalinus dixit: Quam artem agis? Apollinaris respondit: Christianus sum, & discipulus Apostolorum. Vicarius dixit: Et quis est Christus? Apollinaris respondit: Filius Dei uiui, qui fecit cælum & terram, mare & omnem animam uiuentem.

B Messalinus dixit: Tu de illo Christo dicis, qui ante paucos annos, dum se filium Dei diceret, à Iudæis interfectus est? Vtique si hic Deus erat, nec mori poterat, nec contumelijs affligi: sed superbè agens iniuriatus est, & morti traditus: hunc tu, qua ratione in numero deorum computas, ignoramus. Apollinaris respondit: Audi iudex quæ dico uiriliter: Deus erat manens in corpore, mundo faciebat mirabilia insignia. Quod autem à Iudæis tentus est, siue crucifixus, caro quæ ex uirgine sumpta est, patiebatur: Deus enim impassibilis permansit, & immortalis. Qui tamen etiam ipsam carnem tertio die excitauit à mortuis, apparens multis: ascendit in cælum, unde descenderat Deus. Tantam uero tribuit potestatem in se credentibus, ut in nomine eius dæmonia eiciantur, infirmi conualescant, mortui resurgant. Vicarius dixit: Tu mihi persuadere non potes, ut ego deos sequar ignotos, qui à senatu præcepti non sunt. Sed istis postpositis, accede ad Capitoliū, & manibus tuis ponetur thus magno deo Ioui, & immola deus ut possis uiuere. Nam per salutem Cæsaris uerberatum te diuersis poenis, in exilium dirigam. Apollinaris respondit: Iam me perductum in Capitoliū existimato, securus esto, quia manibus meis thura non ponā dæmonio, sed Domino meo IESU Christo incensum offerā laudis, & suauitatis. Tum exclamantes Pontifices, dixerunt: Ignoras iudex, quia hic sibi nomen posuit Pontifex, ut sub nomine nostro seducat turbas?

Sed

Sed examina eum de præsumptionibus suis. Vicarius dixit ad of- A
 ficiū: Exuite eum, & cēdentes dicite: Resipisce, & immola dñs.
 Cumq̃ cēderetur, clamabat dicens: Christianus sum, fac quod tibi
 uidetur. Dum hæc circa famulum Dei geruntur, unus de Pontifi-
 cibus dæmonium habens, dixit ad uicarium: E' culeo appēdatur,
 ut tortus diutius, det honorem dñs immortalibus. Beatus Apolli-
 naris dum torqueretur, dicebat: Dominū IESVM Christū Deum
 uiuum esse confiteor, & aliud non dico. Tum uicarius: Dic mihi pe-
 stifer, quæ remuneratio tibi erit pro his pœnis? Apollinaris respō-
 dit: Si quis perseuerauerit usq̃ in finem in Christo, hic saluus erit:
 & si mortuus fuerit, uiuet. Hæc est remuneratio Christianorum.
 Tunc uniuerſi qui aderant, & audierunt hæc, glorificabant Deum
 coeli: quia fortior erat Apollinaris, dum pateretur ab his qui mini-
 strabant ei tormenta. Iudex dixit: Denuò uerberetur, & super pla-
 gas bulliens aqua mittatur: hinc sub præcone ad nauem perducatur,
 & cum graui pondere feratur in exilium, & ad partes Illyricæ
 relegetur. Quidā uerò, qui seuior erat in famulū Dei, arreptus à de-
 monio, subito expirauit. Cumq̃ eleuatus fuisset à terra beatissimus
 Apollinaris, ait uicario: Impiissime, quare non credis in filiū Dei,
 ut euadas tormenta æterna? Tunc indignatus iudex, iussit saxo os
 eius contundi. Videntes autem Christiani tantam impietatē, com-
 moti sunt, & irruerunt super Paganos: tantāq̃ allisio fuit, ut subito
 amplius quàm ducentos homines impios interficerent: sed & uica- B
 riū perimere cogitabant. Perturbatus itaq̃ iudex, reclusit se: Apol-
 linarem uerò cum grauissimo pondere ferri iussit, & in cacerē hor-
 rificum claudi, & in ligno extendi, & nihil illi ministrari, ut defice-
 ret. Angelus autem Domini nocte ueniens ad eum, uidentibus cū-
 ctis custodibus pauit, & cōfortans abiit. Quarto igitur die cogno-
 uit iudex, quòd adhuc uiueret. Quare secretè catenatum in nauem
 imposuit, & in exilium direxit. Secuti uerò sunt eum tres uiri de cle-
 ro, qui ei ministrabant. Interea ecclesia quæ erat Rauennę, governa-
 batur à presbyteris & diaconibus, crescēte numero Christianorū.
 Cumq̃ littora currentis maris, nauigarent, subito nata est tēpestas,
 & fracta naue in sicco comminuta est, & eiectus est in littore bea-
 tus Apollinaris cum clericis suis, & duobus militibus, cæteri uerò
 mortui sunt in mari. Aiūt itaq̃ ad eum milites: Domine pater, quò
 ibimus? quid faciemus? Quibus ait: Baptizamini in nomine IE-
 SV, & uiuetis. Qui statim renunciantes idolis, baptizati sunt in no-
 mine patris & filij & spiritus sancti. Tunc coeperunt pergere de
 loco in locum, & pertransierunt Misiā, prædicātes uerbum Dei,
 & nemo eos recipiebat. Interea cuiusdā primi & magni uiri fra-
 ter leprosus effectus, uisus est à beato Apollinare, cui dixit ille: Tu
 uis fieri sanus? Qui ait: Volo. Apollinaris respondit: Crede in IE-
 SVM Christum. Respondit: Si me sanum fecerit ipse, est Deus.
 Inuocans

A Inuocans Apollinaris nomen IESV, tetigit eum: & statim sanus factus est. Qui & ipse renuncians simulachris, credidit in IESVM, & baptizatus est, & mansit apud eum diebus plurimis. Et inde transiit ad ripam fluminis Danubij, & multos sociauit ad Dominum. Cum q̄ innotuisset quod inimicus esset idolorū, uolebant eum occidere. Qui fugiens, descendit in partem Thraciæ, & mansit ibi diebus plurimis. Erat enim in ciuitate templum Serapis, qui in ipsis diebus nullum responsum suis dabat, spiritusq̄ dæmonum locutus est dicens: Nescitis quia discipulus Petri apostoli IESV Christi, à Roma huc uenit, & ligauit me, prædicans IESVM? Hic si expulsus non fuerit ab his locis, nos uobis responsa dare non possumus. Facta itaq̄ inquisitione, inuentus est Apollinaris. Quem discutientes, quid faceret in finibus eorum? narrabat eis, quia Christianus sum, & pro Christi nomine ab urbe Rauenna huc in exilio missus sum. Qui exuentes, eum, diutius fustibus cæsum, usq̄ ad mare perducere fecerunt. Rogantes quoq̄ Rectorem prouinciæ, ut per usum nauis currentis ad Italiam, Apollinaris cum suis hominibus aueretur, dicentes: Melius est ut ibi, unde uenit, habitet, & subuertat populum, quàm hic euacuet culturas deorum nostrorum. Itaq̄ post tertium annum Rauennam ingreditur. Quem suscipientes Christiani, gauisi sunt gaudio magno, glorificantes Deū qui eis suum patrem & doctorem reuocasset. Multa enim mirabilia per eum Dominus in littore Dalmatiæ, dū regrederetur, operatus est. Contigit post multum temporis, dum Christiani mysterium facerent in suburbano Pyrinei senatoris, quod subito seditio orta est, in ciuitate à Paganis de nomine Apollinaris: & irruētes populi super eum, ligatum ad forum perduxerunt, cædentes & uulnerātes. Non enim dignus est iste, dicebant, præsentari magno deo Ioui, quia frequenter eum illudit: sed ducatur ad templū Apollinis, ibiq̄ cognoscat uirtutem deorum immortalium. Cumq̄ perductus fuisset, multi nobiles uiri tam Pagani quàm Christiani, unā cum populo secuti sunt eum. Dicebant uerò Pagani: Videamus si iam homo iste resipuit. Et dum uenisset ad templum, & uidisset simulachrum Apollinis, ait Apollinaris adstantibus: Nūquid iste est deus, in quo auguriatis? Responderunt Pagani: Etiā, primus inter deos, & custos ipse est ciuitatis. Respondit Apollinaris: Nunquā sit huic bene: sed hoc destructo, erit custos Christianorum commorantium in loco isto, Dominus IESVS Christus, qui uerè est Deus. Et facta oratione, simulachrum solutum, & templū diaboli destructum est. Pagani uerò uidentes quæ facta sunt, clamabant dicētes: Senex impius interficiatur, per quem omnia facta sunt. Christiani uerò gratias Deo referebant, dicētes: Quod uerè ille est Deus, qui talia per hunc patrem nostrum operatur. Commota itaq̄ pars Paganorum, tradiderunt eum iudici, cui nomen erat Taurus, ut eum

Apollina-
ris ad Da-
nubiū uer-
satus.

interficeret. Qui congregans omnem nobilitatem urbis in prætorium suū, his uerbis cœpit eum alloqui: Rogamus te, prode nobis, in qua uirtute tanta exerces: aut ubi facis cōgregationem & signū, ut tanta turba te sequatur? Respondit Apollinaris: Virtus alia nō est, quā Domini nostri IESU Christi. Donum enim in cordibus nostris habemus: tamen si fabricam quæris, non longē est ab urbe: illic Christianis eloquia tradimus diuina. Taurus iudex dixit: Sunt tibi aliqui adiutores? Respondit: Etiam, plurimi. Taurus iudex dixit: Et ubi sunt modō? Apollinaris respondit: In hac Rauēnatium urbe consistūt. Taurus iudex dixit: Est in te aliqua uirtus diuinitatis? Beatus Apollinaris respōdit: Iā dixi tibi, est uirtus superna Domini nostri IESU Christi. Taurus iudex dixit: Ecce apud me est filius naturalis cæcus natus: inuocatō igitur nomine ipsius quem crucifixū a suis asseritis, aperi oculos eius, & credemus, quia uerē ipse sit Deus: sin autem aliud, igni te trademus ad comburendū pro scelerib. tuis. Apollinaris respondit: Veniat ad me ille cæcus. Cumq̃ uenisset, ait ad eū Apollinaris: In nomine IESU Christi crucifixi aperi oculos tuos, & uide. Qui statim aperiēs oculos, recepit lūmē. Stupefacti igitur omnes qui erāt præsentes, dicebāt: Quod uerē hic est Deus qui talia operatur. Multiq̃ ex eis crediderūt in IESUM. Tūc Taurus præsēs secretē eruit eū de populo, & misit illū nocte in præsidio suo quasi custodiendū. Et mansit ibi annos quatuor. Erat enim ab urbe miliario sexto, ibiq̃ currebāt ad eum omnes Christiani, & docebant ab eo. Quicunq̃ uerō ad eū eger perductus fuisset, sanus reuertebatur, quacūq̃ infirmitate detentus fuisset. Postea in diebus Vespasiani Cæsaris, inuidiosa relatio Pontificum Capitolii Rauēnatis, qui erāt super aras trecentas, peruenit Romā, aduersus beatū Apollinarem, & dicebat: Si hunc seductorem Apollinarem non interfeceris, qui contraria regno uestro & salutī præfecturæ prædicat, Romanas cæremonias exterminio tradetis. Non enim parua multitudo ab eodem seducta, quotidiē in iniurijs deorum immortalium debacchatur: ipse quoq̃ magicis artibus templa omnia destruit. Solius igitur Apollinaris incuruata ætas uita priuetur, ut nomen Romanū permaneat. Direxit itaq̃ Imperator Talem iū Sionem, ut si dñs sacratissimis quis temerario ore iniuriam infereret, pro ipso conceptu deorum aut satisficiat, aut urbe priuetur. Non enim iustum est, ait, ut nos deos uindicemus, ne si ipsi de inimicis suis ulcisci non poterint, irascantur. Interea hæc data iussio percurrit ad Demosthenē, illustrem uirū atq̃ patricium, sed omnino paganissimū: qui missa executione, Apollinarē sibi exhiberi iubet. Qui cum iam incuruatus nimia ætate & diuersis passio nibus, adstaret in conspectu iudicis, clāmātum est à Paganis: Nihil ab eo inquiras, omnes scimus quia Christianus est, & destructor templorū. Aut puni eum, aut longius proñce ab hac urbe, ne pereamus.

A pereamus. Demosthenes Patricius dixit: Dic mihi antiquae seductor, cuius religionis es? Beatus Apollinaris respondit: Nō nego gloriā uestrā, sed uerum dico, quia Christianus sum, & eruditus à beato Petro apostolo, & ab ipso in hāc foelicissimā directus sum urbem, ut per nomen IESV Christi salutem consequi mereantur, credentes huius urbis habitatores. Tum Demosthenes Patricius dixit: Quid multa? tempus est, ut à uanitate tua recedens, satisficias dñs. Beatus Apollinaris respondit: Sacrificiū me ipsum offero, pro salute filiorum meorum, quos adquisiui. Si quis non recesserit ab hac incredulitate, & non adorauerit Deū cœli, qui cum Domino nostro IESV Christo & spiritu sancto regnat in sæcula sæculorū, erit consumendus igni perpetuo: qui autē crediderint, & baptizati fuerint, habebunt requiem æternam, & diuitias immutabiles. Tunc iudex accensus furore, tradidit eum in custodiā cuidam Centurioni, qui & ipse iam Christianus erat occultus: cogitans quibus modis à cruciatibus eū liberaret. Accipiens itaq; Centurio, duxit eū ad classem, in domū suam. Post aliquot dies dicit Centurio Apollinari: Domine pater, noli te tā citò morti tradere, quia uita tua nobis necessaria est: sed egredere noctu, & uade in uicū quo infirmi habitāt, donec furor populi cōquiescat. Et medio noctis laxauit eum, ut fugeret. Cumq; cognitū fuisset à Paganis, secuti sunt eū: qui apprehensus nō longē à porta, tamdiu cesus est, donec existimatus mortuus relinqueretur. Exinde ante lucem collectus à discipulis suis, perductus est in uicū ubi leprosi morabantur: & ibi inter Christianos iacens, septem dies superuixit, admonens Ecclesiam ne à fide Christi discederet: & annuncians eis, quod multæ futurę essent persecutiones pro nomine Christi: sed post has plurimas tempestates, etiam principes ad fidem Christi essent accessuri. Annunciāns etiā, omnia numina demonum euacuāda, & liberē in toto orbe terrarū hostias à Christianis Deo uiuo offerendas esse. Si quis ergo, inquiens, permanserit in fide IESV Christi, uita uiuet, & nō morietur. His & alijs multis expletis eloquijs, defunctus est beatissimus Apollinaris, martyr & episcopus, & sepultus est extra muros Classis, in arca saxeā, sub terram propter metū Paganorum missa. Gubernauit autem ecclesiam suam annos uiginti nouem, mense uno, dies quatuor: passusq; martyriū est sub Vespasiano Cæsare, die decimo Kalendarum Augustarum, regnante Domino nostro IESV Christo, cui est honor & gloria in sæcula sæculorum, Amen.

BEATISSIMO PATRI, IVLIO TER-
TIO, PONTIFICI MAXIMO, IOACHIMVS
Perionius Benedictinus Cormœriacenus

S. P. D.



¶ M ipse mecū reputo, Iuli Pontifex Maxime, quā multi & Græci & Latini scriptores uitas resq; gestas Imperatorum literarum monumentis mandare, & ab hominum obliuione uindicare studuerint: non possum equidem nō magnopere mirari, tam paucos esse, qui idem officium sanctissimis clarissimisque illis duodecim uiris, quos CHRISTI Apostolos Græco sermone, id est, legatos, & quasi nuncios, maiorum nostrorum instituto nuncupamus, sibi præstandum putauerint. Etenim si tot homines ad illud officium communis uoluptas atq; utilitas, quæ duo in historia uel sola, uel maxime spectantur, excitauit: eadem profecto causæ, quæ hîc multo & grauiores & ueriores, quā illic, omnibus propositæ sunt, non solum eundem paremque hominum numerum, uerumetiam plures, ut idem horum causa susciperent ac efficerent, impellere & potuerunt, & uerò debuerunt. Nam, ut de oblectatione primum dicā, cum illi, quod maximam in eo uoluptatem posteris propositam putarent, si quibus armis, quibusque artibus, ac rationibus imperatores tam Græci quā Latini uel auxerunt imperium, quod initio paruum acceperant, uel quod maximum acceperant, conseruauerint, cognouissent, sibi in eorum rebus gestis scribendis studium diligentiamque ponendam censuerint: quantam quæso, quamque ueram cum maxima admiratione coniunctam uoluptatem, omnes ex Apostolorum uitis percipere possunt, si eos duodecim uniuersos totum penè orbem terrarum, singulos infinitam hominum, atque adeo populorum multitudinem ad Christi fidem religionemque deduxisse cognoscant? quāta uerò eosdem affici necesse erit, cum illos hoc totum sine ui, sine minis, fraude, insidijs, armis, sanguine ac morte cuiusquam, quibus illi imperia sibi pepererunt: sed adhortationibus, precibus, modestia, continentia, parsimonia, patientia, alijsque uirtutibus, id est, ut paucis omnia complectar, sermone & opere perfecisse intellexerint? Si enim eorum imperij initium recordando repetere uelimus, tria milia hominum à Petro, primo sermone: altero, quem nō ita multo post habuit, quinque, ab ingrata Deo uita ad gratam sanctamque deducta reperiemus. Quod si longius etiam progrediamur, in ijs præsertim quæ, quod diuinis libris continentur, maiorem habent auctoritatem, quot milia hominum tota Græcia & Asia Paulum, sola oratione & uoce, adiunctis nouis quibusdam inusitatisque operibus, sub Christi imperium subegisse dicemus? Quod de cæteris quoque eodem modo iudicandum est. Conferantur nunc, si placet, ea omnia quæ ab imperatoribus gesta sunt, quo facilius quanta sit in excitanda admiratione pariendaque uoluptate dissimilitudo, intelligatur. Alius apud Romanos Galliam Romano imperio adiunxisse, alius Germaniam dicitur, alij alias prouincias. An hæc illi sine agrorum depopulatione, sine urbium euerfione, sine cæde innumerabilium hominum, templorum direptione, iurisque diuini ac humani uiolatione aut perfecerrunt, aut perficere potuerunt? Ex quibus intelligi potest, quæ, aut quorum uoluptas sit ea.

A sit ea, quæ ipsi legendis paritur, ex quibus maximum animo dolorem omnes capere debent. Quod si nihil tale in Apostolorum expeditionibus reperitur, contraque hominum salus, Rerum publicarum à miserabili deorum, id est demonum seruitute liberatio, uerique Dei religio eorum diligentia procurata & constituta est: certe horum omnium cognitione incredibilis quaedam ac uera delectatio pariat necesse est. De utilitate eadem dici possunt. Si enim omnes ea & legere libenter, & attentis animis audire solent, quæ ad se pertinere intelligunt, legendis autem audiendisque rebus gestis Apostolorum ea cognoscuntur, & discuntur omnia, quæ ad summam omnium hominum utilitatem, dignitatem, salutemque conducunt: an non indecorum uideatur, hæc tam uilia, aut necessaria potius posteris non tradere: uitas autem Imperatorum memoria proderet, quæ nec utilitate cum his, nec necessitate, nec uero dignitate comparari ullo modo possunt? Nam ut de hoc quoque aliquid dicam, fuerint sane in illis uirtutes, quæ eis à scriptoribus tribuuntur, fuerint in eis bene uiuendi exempla, fuerint ydæ continentes, iusti, sapientes, fortes: at ueræ illæ uirtutes non sunt habenda, præsertim cum à fide, sine qua Deo nihil gratum esse potest, seiuncta fuerint, atque secreta. Hoc etiam uerè dici potest, cum ea ferè quæ illis tributa sunt, scriptores uel ignorauerint, uel gratiæ causa & ad deorum uel aliorum uoluptatem scripserint, illos magna ex parte libros suos mædacijs & uanitatibus referuisse. Quæ ego omnia, si mihi propositum esset, facile docere possem, præsertim cum summas eorum qui his temporibus uixerunt, uirtutes in historia legamus, quorum scelerum ita plerique spectatores fuerunt, ut eos suo testimonio ingulare possint, non subleuare. At in his duodecim uiris quos Apostolos, ut dixi, maiorum nostrorum instituto uocamus, nihil fucatum, nihil fictum, nihil denique similitum reperiri potest: sed omnium uerarum uirtutum in illis quasi splendor quidam expressus, earumque summa consistit: eiusque rei non hominem testem habent, sed Christum, id est Deum, qui eos & lucem mundi appellat, & doctores eiusdem instituit, ut lucem ad sanctissimam eorum uitam, doctrinam ad ea quæ eos alijs tradere iussit, retulisse uideatur. Quod si eorum uitam atque doctrinam Deo gratam acceptamque esse uidemus, quid de utilitate existimare debemus? Legendis quidem ueterum historijs, nobis sæpe uerbum prudenter, fortiter, moderate, iusteque dictum placet: sed tamen an uita eorum, quorum illud est, ei consona fuerit, ignoramus semper, aut plerumque dubitamus: propterea quod ferè usuuenire uideamus, ut oratio pulcherrima sit hominum, uita turpissima, & ab oratione dissentiens: ex quo dicta ferè contemni solent. Quæ autem ab Apostolis in eo genere dicta feruntur, ea nobis similiter uenire in dubium non possunt: propterea quod illi & eam uitam traduxerunt, ut ipsius comes illorum esset oratio: & eo sermone usi sunt, illi ut non refelleret uita, sed coprobaret. Hæc igitur, aliaque talia cogitanti mihi, uisum est indecorum maxime, cum non solum imperatorum, sed etiam priuatorum hominum uitas, id est dicta et facta, quæ magna ex parte eiusmodi essent quæ dixi, tam multi scripsissent: neminem adhuc ferè extitisse, qui horum sanctissimorum clarissimorumque uirorum res gestas sibi literis mādandas censuerit. Itaque hoc mihi opus suscipiendum esse statui: quod quo maiorem auctoritatem haberet, ea primum de his talibus uiris tradidi, quæ diuinis literis ac libris continentur: deinde ea quæ probati auctores, y præsertim qui id genus uitæ quod Christum nobis in præceptis reliquisse uidemus, ma-

gna cum laude & gloria secuti sunt, memoria prodiderunt. Nam si qui forte tales
 sunt, qui ea quæ de illis non iam diuinæ literæ, sed uel Egesippi, uel Irenæi, uel Eu-
 sebij, uel etiam Hieronymi, aut aliorum eiusdem generis scripta confirmant, contem-
 neda putant, aut nullius esse auctoritatis censerent oportere, aut eodem in numero & lo-
 co habenda illa iudicant quæ de illis uniuersa Ecclesia multis iam seculis comproba-
 uit: non uideo quid uerum in historia, quæ ueritatis magistra est, aut sequi ipsi pos-
 sint, aut alijs approbandum pro uero tradere. Si enim, exempli causa, Aemylj
 Probi, si Suetonij, Plutarchi, aliorumq; scriptorū historias ueras esse, ob eamq; cau-
 sam retinendas approbandasq; iudicant: horum autem falsas, & igitur respuedas:
 primum maximam iniuriam cum illis talibus uiris, tum Ecclesiæ facere uidentur,
 qui horum scripta & Ecclesiæ iudicia minus habere uirium ad faciendam fidem,
 quam illorum censeant oportere. Deinde cum nihil asferre possint, cur illis potius,
 quam his fides habenda sit: & nos contra graues causas asferre possimus, quare his
 potius credi oporteat: isto quidem præiudicio suo planè declarant, & quantum ipso-
 rum iudicijs tribuendum sit: & quid de eis omnes boni existimare possint. In eodem
 mihi errore uersari uidetur ij, qui quales fuerint Apostoli, ceteriq; quos sanctissima
 beatissimaq; uita opinione clarissimos in cælum hinc euolasse credit Ecclesia, scire
 non curant: tenere uerò, quos se in uita præstiterint ac gesserint omnes ij, qui uel om-
 nino à religione nostra abhorruerunt, aut eam quidem coluerunt, sed ei turpitudi-
 ne uita quantum in ipsis fuit, tenebras offuderunt, sibi laudi esse ducunt. Videndum
 est enim, quantum cuiq; scriptori tribuendum sit & fidei & temporis, ut in eo &
 locus retineatur, & modus necessarius adhibeatur. Quorum omnium si ratio ha-
 beatur, sicuti certè in primis habenda est, non est id quidem dubium, quin quoniam
 historia & ad ueritatem & ad mores dirigi debet, horum duodecim uirorum san-
 ctissimorum, et ceterorum, quorum literæ diuinæ mentionem faciunt, uita primum
 locum tenere debeat: proximum, ceterorum quos Ecclesia ueneratur: tertium, eo-
 rum qui à nostro uiuendi instituto non abhorruerunt, nec ab Ecclesia coluntur: postre-
 mum, eorum qui ab eodem abhorruerunt. Quæ enim (malum) ratio est, id quod
 plerisq; in more positum est, primas in hoc genere ijs tribuere, quorum res gestæ quæ
 traduntur, nec tam ueræ sint, si modo sunt, quam cum superiorum omnium, tum uel
 maxime primorum, nec tantum lucem tamq; certam ad uitam & mores asferre
 possint? Nec uerò si quis splendoris orationis rationem ita habendam esse censeat,
 ut hunc tam necessarium, tamq; utilem ordinem peruertere cōtinuò putet oportere,
 audiendus est. Isto enim pacto fabula, id est rerum falsarum fictarumq; narratio, hi-
 storia, ueriq; cognitio falsi perceptioni anteponetur. Sed de his hæcenus. Nunc cur
 & eum ordinem, quem in exponendis eorum uitis seruauimus, tenuerim, & ad te po-
 tissimum, Iulij Pontifex Maxime, hunc libellum miserim, dicendum est. Ego cum
 hos duodecim uiros à Matthæo, Marco, et Luca non eodem ordine nominari ani-
 maduerterem, nec alium ordinem addendum putarem, eum potissimum secutus
 sum, quæ Lucas in Euangelio suo tenuit: nisi quod Paulum commode inter Petrum
 & Andream interijci posse iudicauimus, cum eos ab Ecclesia coniungi cernerem: &
 Mathiam postremum tenere locum, quod Iudæ proditori, ceteris præter Paulum
 iam delectis, successerit. Tibi autem potissimum, Iulij Pontifex Maxime, horum
 talium

A talium uirorum, id est Christi Apostolorum uitas dicandas censui, quod sedes Romana, cui hoc anno providentia diuina praeesse coepisti, semper iam ab initio Apostolica appellata sit, non ob aliam causam, nisi quod Petrus princeps Apostolorum, primus eam uniuersamq; Ecclesiam rexerit. Eum equidem maiestate tua indignum esse scio: sed cum multos scribere de rebus diuinis coepissem, atq; hic unus absolutus esset, eum ad te hoc tempore, dum alij absoluuntur, mittere malui, quam gratulationis officio deesse, quod omnes boni certatim & uotis & oratione sequeretur. Neq; enim mihi committendum putauit, ut cum illi eam uoluptatem, quam incredibilem ex ista maxima dignitate tua animis suis perciperent, declararent, uellentq; te hunc summum honorem ex tua tuorumq; id est Christi ouium dignitate administrare: ego unus in tanta omnium letitia tacerem, nec oratione scriptoq; testificarer commune omnium nostrum gaudium ex eo natum esse, quod te diuinitus delectum esse speremus: ut quemadmodum iam coepisti, Ecclesiam, quam perniciosis quibusdam opinionum quasi tepestatibus fluctibusq; iamdiu agitatam & perturbatam, tuendam conseruandamq; accepisti, pro summa sapientia & doctrina tua, quam cum pari auctoritate Deus conuexit ad eum tranquillitatis pacisq; portum, quem tantopere omnes quasi ex longa nauigatione aspirantes tenere cupiatis, perducas. Faxit Deus Optimus Maximus, ut potestas & uoluntas, quas tibi dedit, eos exitus habeant, qui & illi maxime gloriae sint, & Ecclesiae utilitati, & tibi dignitati. Vale beatissime Pater.

Cormæriaci, quod est oppidum Turonum in Gallia. Decimo Cal. Decemb. 1550.

VITA BEATI PETRI APOSTOLI, Ioachimo Perionio Benedictino Cormæriaceno auctore.

B



IMON, is qui Petrus à Christo, ut mox docebimus, appellatus est, frater Andrea apostoli, Ioanne, siue Iona patre natus est, in oppido Galilae provinciae, quod Bethsaida dicitur. Is à Christo primum discipulus delectus est, deinde Apostolus, postremò ceteris toti; ecclesiae praefectus est. Quod quemadmodum factum sit, sigillatim exponendum censui. Andreas quidem eius frater, cum Ioannem, qui Christum baptizauit, dicentem audiret, IESVM esse qui peccata tolleret: eum secutus, apud illum eo ipso die commoratus est. Postridie Simonem fratrem primum inuenit, ei; se Christum, id est, eum quem lex & prophetae uenturum praedixissent, & inuenisse, & uidisse dixit. Simon, qui hoc experiri uellet, ad IESVM se adducendum curauit, quem ut ille uidit, eum esse Simonem Ionae filium dixit: ei; nomen Petri imposuit, quo appellandus esset, Petrus IESVM his gestis sequi non coepit, sed tum denique, cum ad mare Galilae eum se uocantem audiuit. Cum enim duae naues ad lacum Genesarenum starent, earumq; unam quae Simonis erat, Christus conscendisset, eum, ut à terra paulum subduceret, rogauit Christus sedens, ex nauicula multitudinem docebat: qui ut dicendi finem fecit, Simonem admonuit, ut rete laxaret, ac in mare demitteret. Simon se ac socios tota nocte in piscatione operam perdidisse dixit: se tamen dicto eius audientem, rete laxaturum. Quod cum fecisset, piscium multitudinem coeperunt tantam, ut rete rumpererent: cogereturq;

cogereturque ipse & socij eiusdem navis, alios qui in altera navi erant, rogare A
ut veniret, & se adiuverent. Illi cum venissent, universi utranque navem impleve
runt: quo quidem pondere penes naues submersae sunt. Simo autem Petrus, qui hoc
Christi factum secum animo penitus, ut inusitatum, reputaret, & miraretur, se
ad illius pedes infirmitatis conscius misit, eumque rogavit, ut a se, qui pecca
tor esset, discederet. Christus Petrum, ut bono animo esset, admonuit: ei
fore dixit, ut homines caperet, id est, retribus orationis eos ad ipsius fidem de
duceret. Hinc Petrus ac socij eius relictis omnibus, Christum ita secuti sunt,
ut nunquam postea ab eo discesserint. Itaque cum non ita multo post, mul
ti eius discipuli, propter eum sermonem quem ab illo de edendo corpore, &
potando sanguine suo habitum, praeposterè acceperant, discederent, rogaret
que Christus duodecim Apostolos, num ipsi etiam abire vellent: Simon Pe
trus unus pro omnibus respondit: Domine, ad quem nos conferemus? Ver
ba enim eum vitae aeternae habere. Se etiam ac condiscipulos credere, ac co
gnovisse iam, eum esse Christum, Dei vivi filium. Erant iam tum ex communi
discipulorum numero duodecim electi, quos Apostolorum appellavit no
mine. Quod cum Matthaeus, Marcus & Lucas exponunt, Petrum primo lo
co nominant: Matthaeus vero praeterea primum eum vocat. Duodecim autem,
inquit, Apostolorum nomina sunt haec: primus, Simon qui dicitur Petrus, &
Andreas frater eius, Philippus & Bartholomaeus, Iacobus Zebedei, & Ioan
nes frater eius, Thomas & Matthaeus publicanus, & Iacobus Alphaei, &
Thaddeus, Simo Chananeus, & Iudas Iscariotes, qui & tradidit eum. Sed ad
alia veniamus. Christus cum quinque milia hominum quinque panibus ac
piscibus duobus ita satiasset, ut reliquiae etiam permultae superessent, Apo
stolos conscendere navem, & transmittere, dum multitudinem dimitteret, ius
sit: ipse dimissa turba, solus in montem oratum ascendit, ibique vespere etiam B
erat. Navicula autem in qua erant Apostoli, in medio mari ita fluctibus iacta
batur, ut penes se evadere posse iam diffiderent: cum Christus re cognita, quarta
noctis vigilia ad eos venit, ita pedibus, ut si terra eundum fuisset. Quem cum
ita ambulanti discipuli animadvertissent, metu perculsi, clamare, ac visi
onem esse dicere. Ipse statim, ut bono animo essent hortatus est: se esse, ne ti
merent. Petrus rogare eum, ut si ipse esset, se ad ipsum venire iuberet. Cumque
Petrus illius iussu de navicula descendens, pedibus ingredi coepisset, exorta
ui magna ventorum, timuit: iamque submergi incipiebat, cum Christum ut se
servaret, rogavit. Christus autem correcta manu, comprehensum & ereptum
obiurgavit, quod de ipsius auxilio & ope diffusus esset. Christus in agrum Ce
sariensem nec ita multo post cum discipulis venit. In ipso itinere cum ab
eis quasiuisset, quae nam esset hominum de ipso opinio: illique ita respondissent,
ut dicerent eum alijs Ioannem Baptistam, alijs Eliam, nonnullis Hieremiam,
aliquibus unum aliquem ex prophetis videri: eos rursus rogavit, quem nam
illi ipsum esse dicerent: Tum Petrus unus pro omnibus respondit, eum esse
Christum Dei vivi filium. Quo ille responso satis declaravit, quantum ei tri
bueret, quaeque vero de illo ipse sentiret. Itaque Christus ipse beatum eum esse di
xit, quod ei non caro & sanguis, sed pater ipsius qui in caelo esset, talem de eo
opinionem patefecisset atque enunciasset. Eumque Petrum esse professus, su
pra, & in ea petra ecclesiam suam aedificaturum se esse promissit, quam portae
inferorum nulla vi labefactare possent, aut evertere. Claves praeterea ei se tra
diturum caelorum, id est, eiusmodi duplicem potestatem, ut quicquid tum al
ligauisset in terra, id ipse ratum in caelo habiturus esset. Eodem fere tempo
re amoris summi illius quidem, sed parum considerati, signa magistro discipu
lus ostendit. Nam cum idem discipuli, sibi propediem Hierosolymam eun
dum esse exponeret, ibique fore, ut a pontificibus primisque civitatis irrideretur,
conspuaretur, verberaretur, interficeretur, ac tertio die ab inferis excitaretur:
Petrus,

A Petrus, qui hæc eius maiestate ac uirtute indigna existimaret, non diuinam prouidentiam, charitatemque illius in genus hominum consideraret, eum obiurgauit his uerbis: Deus ista prohibeat, hæc tibi minimè accident. Hoc Christus ita acerbè tulit, ut eum aduersarium uocauerit, ei que ut se sequeretur, imperauerit: quòd non ea quæ Dei essent, uerùm ea quæ hominum, spectaret. Sexto post die illum Christus unà cum Iacobo & Ioanne eius fratre in montem quendam remotis arbitris duxit, ubi cum ita illius & uultus immutatus esset, & uestis, ut ille solis lumen imitaretur, hæc niuis candorem: eodemque puncto temporis Moses & Elias uisi essent cum eo loquentes de morte quam Hierosolymis perpeffurus esset, tum Petrus loci amœnitate, Christi que iucundissimo illo, gratissimoque aspectu captus & delinquit: Domine, inquit, gratus est hic & commodus nobis ad habitandum locus. Itaque si tibi uidetur, tria hic tabernacula, tibi, Mosi, Eliæque faciamus. Nihil ad hæc ille respondit, tantum que uisi sunt illi uocem exaudire monentis, ut Christum filium suum charissimum audirent. Quod cum audirent, præ metu proni in terram ceciderunt: ad quos I E S V S accedens, eis, ut surgerent, nec timerent, imperauit. Illi surgentes, cum oculos sustulissent, præter I E S V M uiderunt neminem. Capharnaum, Galilææ oppidum, Christus docendi causa tum fortè uenerat, cum nonnulli, quorum hoc munus erat, ibi tributum exigebant. Iam ad Simonem Petrum adeuntes, eum rogarunt, num Christus eius magister tributum pendisset? Cumque ille annuisset, domum in qua Christus erat, ingressus est. Christus eum occupans quaesuit, à filiis ne suis reges tributum exigerent, an ab alienis? Cum ille, ab alienis, respondisset: tum Christus conclusit, liberos esse filios. sed ne ipsi illis causam sermonis de se afferrent, eum ad mare iussit ire, & hamum iacere, eum que piscem quem primum coepisset, auferre, eius, que ore aperto, numum quem inuenturus esset, pendere. Idem cum Christum audisset siue docentem, siue admonentem, siue etiam præcipientem, ut si quis nostræ religionis ac disciplinæ alteri peccasset, is primum clam remotis que arbitris, ab illo obiurgaretur: si ipsum non audiret, duos testes adhiberet: si ne tum quidem in uiam rediret, idem apud ecclesiam ab ipso accusaretur: cui si minimè ille obtemperaret, iam pro alieno à nostra disciplina haberetur: quoniam quoties peccanti nobis ueniam dare nos oporteret, ex Christi oratione non planè intellexerat: eum rogauit, quoties peccanti fratri ignoscere deberet: & an si septies peccasset, in eo modum statuendum esse censeret. Christus autem, non in septimo quoque peccato modum se statuere respondit, sed in septimo & septuagesimo. Quo ille responso facile declarauit, quotiescunque Christianus aliquis contra nos quippiam aut dixerit, aut scripserit, aut fecerit, toties nos, si ex animo ut sibi ignoscamus, roget, ueniam dare oportere. Adolescens quidam admodum locuples, I E S V M; audiens eum, ut uiam salutis sibi ostenderet, rogauerat. Christus legis Mosaicæ præcepta, quæ rogati ille commemorasset, eiusmodi esse respondit, ut ipsi si pareret, uitam & gloriam consequeretur sempiternam. Quibus cum se ille iam inde à puero obtemperasse dixisset: Christus quiddam illi deesse addidit, quod si faceret, fore dixit, ut perfectò absoluto que uirtutis munere fungeretur. Hoc autem in eo positum esse, ut omnia quæ haberet, uenderet, daretque egentibus, ueniens que ipsum sequeretur. Ille qui multa, ut dixi, habebat, cum de bonorum contemptione ac despicientia uerba Christum facere audisset, tristis abiit. Christus autem, cum hoc comperisset, discipulorum animos à diuitiarum & opum studio hoc modo abduxit: Difficile esse, eos qui essent locupletes, in cælum peruenire: quinetiam facilius esse camelum per foramen acus transire, quam eum in cælum conuolare, cuius spes omnis in opibus acquiesceret. Quod cum illi intellexissent, mirari & querere coeperunt, quis nam gloriam sempiternam consequi posset? Ille, & hoc in ho-

minibus situm esse negavit: & nihil esse dixit, quod Dei potestatem, potentiamque effugeret. Petrus uero, qui Christum de contemnendis deserendisque omnibus ita differuisse meminisset, ut ei etiam qui hoc fecisset, si gloriam consequi sempiternam uellet, necesse esse ipsum sequi: rogare eum coepit, quodnam premium ipse ac condiscipuli, qui eum contemptis relictisque omnibus secuti essent, ab eo expectare deberent. Tum Christus iureiurando confirmavit, ipsos illos qui eum secuti essent, in mundi renouatione, cum coepisset iudicare, in sellis duodecim sedentes, duodecim tribus Israelitici populi iudicatu-
 A rum: omnes uero qui uel domum, uel fratres, uel sorores, aut patrem, aut matrem, aut uxorem, aut liberos, aut agros ipsius nomine causaque reliquissent, uitam sempiternam esse consecuturos. Idem in conuiuio illo ad quod extremum duodecim Apostolos pridie quam in crucem ageretur, adhibuit, quantum & I E S V tribueret, & de se detraheret, declarauit, quantoque studio ad gloriam aspiraret sempiternam. Cum enim I E S V S ablueret eis omnibus pedes, ac detergere constituisset, primum a Petro initium coepit. Quod ille primum, cum & magistri dignitatem, & suam infirmitatem, & ut ita dicam, indignitatem consideraret, pati noluit: deinde cum illum dicentem audisset, si eum non ablueret, nihil ipsi cum eo commercij, nihil commune futurum, tanta animi alacritate concessit, ut non solum pedes, uerum etiam manus & caput quo minus ab eo abluerentur, minimè recusaret. Eadem in coena paulo post, idem Christum tristem perturbatumque animo animadu-
 uerterat, eodemque affectum animo ipsi ac condiscipulis praedicentem audiuerat, fore, ut unus eorum ipsum proderet. Qua illius oratione cum uehementer omnes, ut aequum erat, commoti essent, ipse Ioannem silentio admonuit, ut ex Christo, quis nam hoc tantum tamque immane scelus admissurus esset, cognosceret. Ille in I E S V sinum capite deposito, intellexit ad eum hoc crimen pertinere, cui frustum intinctum I E S V S porrecturus esset. Quanta in
 B magistrum fide esset, ibidem ostendit. Nam cum ille omnibus praedixisset, fore, ut ipsi ea ipsa nocte, se deserto discederent: ipse multis uerbis, iterum ac tertium pollicitus ei est, ut ceteri illum desererent, se tamen cum illo pariter ante moriturum, quam tanto scelere se contaminaret. Quod quidem aliqua ex parte tunc praestitit, cum paulo post, in eo hortu, qui quod oliuæ conlitus erat, Oliueti dictus est, multitudo omnis generis armatorum qui eum comprehensuri erant, a defendendo magistro non deterruit: districtoque gladio, Malcho, qui uim primus inferebat, aurem praecidit. Itaque solus cum Ioanne postea ex Apostolis I E S V M, cum eum uinctum armata cohors ad Pontifices & pharisaeos hostes ducebat, usque ad Annæ aedes secutus est. Sed iam tempus illud uenerat, in quo Christus ei amicitiae officia nulla, morte etiam proposita, se praetermissurum pollicenti, praedixerat fore, ut ante quam gallus ea ipsa nocte caneret, ter se ipsius esse discipulum negaret. Itaque amor ille, quem tam eximium & singularem praeseferbat, puncto temporis ac repente ita refrixit, & immutatus est ei animus, ut qui tot, ut dixi, armatorum metu deterritus non fuisset paulo ante a defendendo magistro, tum mulierculæ uoce & interrogatione impulsus, se illius esse discipulum negauerit. Quod quia metu coactus fecit, non est a magistro, quem ipse negauerat, desertus discipulus: fecit enim, ut statim in uiam rediret, ut colligeret, culpamque & confessione tacita agnosceret, & lachrymis dilueret: quemadmodum se, dum paulo ante ei praedixerat, cum se rogasse patrem exposuit, ne illius fidem deficere, tollique pateretur. Itaque hæc illius poenitentia tam grata I E S V fuit, ut tertio inde die cum ab inferis excitatus esset, & nominatim uni Petro se reuixisse nunciari uoluerit, & se ipse illi cum solus esset eodem die ostenderit. His ita expositis, ad maiora nunc, latioraque ueniamus. Ex eis enim, id quod adhuc dixi, intelligi licebit, Eo ipso quo I E S V S reuixerat die,
 cum

A cum mulieres quædam, in his Maria Magdalena, se ad sepulchrum Christi prima luce officij causa contulissent, neminemque uidissent, sed modò sepulchrum uacuum, Magdalena statim ad Apostolos ueniens, eis nunciauit sepulchrum inane esse, Dominumque sublatum. Petrus hoc nuncio ualde conturbatus, unà cum Ioanne cursu eò contendit. Cumque illi ita esse animaduertissent, domum se receperunt. In quo quidem officio quoniam illi duo soli fuerunt, facile intelligi potest, in eis magistri amorem maiores uires habuisse, altiusque radices egisse quam in cæteris. Quod autem sequitur, eiusmodi est, ut ex eo uno illum magistro discipulum omnium charissimum fuisse appareat. Fortè Iacobo, ac Ioanni eius fratri, & Thomæ, alijsque nonnullis condiscipulis, se ad mare Tiberiadis piscatum ire dixerat. quibus etiam uisum est eò unà proficisci. Conscensa naue, cum totam noctem frustra in piscatione consumpsissent, mane **I E S V S** in littore constitit, eo quidem habitu, ut eum minimè agnoscerent. Quærit ille, numquid capissent? quod cum negarent, eis dixit: Si rete ad dextrum nauigij latus iacerent, fore ut inuenirent. Paruerunt illi, pisciumque multitudinem caperunt tantam, ut rete iam trahere non possent. Ioannes animaduerso miraculo, Petro **I E S V M** esse dixit. Petrus in mare se deiecit: alij nauigio terram tenuerunt, trahentes rete plenum piscium. Cum descendissent, piscem qui subditis ignibus coquebatur, & panem uident. iubet eos Christus pisces afferre quos capissent. conscensaque naue, Petrus rete traxit: in quo cum centum quinquaginta tres essent, integrum tamen remansit. Ad prandium cum discipulos Christus uocasset, omnes ab eo panem piscemque acceperunt. A prandio Petrum ille rogat: an se chariores, quam alij qui aderant, haberet. idque fecit iterum, ac tertio, cum & Petrus singillatim ad rogata etiam responderet, & Christus toties ei se oues suas, id est, ecclesiam suam committere, diceret. Hoc præterea Christus addidit, eum, cum adolescens esset, proficisci quò uellet solitum fore, **B** cum prouectæ ætatis fuisset, ut porrectis manibus, eum alius cingeret, & duceret quò minimè uellet. Qua ille sua oratione significauit, quo mortis genere gloriam Deo tributurus esset. Idem, cum in cælum Christus ascendisset, ante missum spiritum, iam tunc non solum scripturæ sanctæ mysteria intelligebat, uerum etiam eorum ueritatem re & euentu docebat. Cū enim duodecim Apostolos à Christo delectos recordaretur, eum numerum Iudæ proditiōe ac morte & imminutum, & restituentum esse, ex Dauidis psalmis intellexit. Itaque cum surrexisset, hoc condiscipulos docuit, his uerbis: Scripturam impleri oportere, quam Spiritus sanctus ore Dauidis de Iuda proditore magistri, prædixisset. scriptum enim esse in libro Psalmorum: Fiat domicilium eorum desertum, nec sit qui in eo habitet. Et episcopatum eius alter accipiat. Itaque diligendum esse, ac sufficiendum in eius locum, unum ex ijs qui semper Christum unà cum ipsis secuti essent, ex eo iam tempore, cum à Ioanne ablutus & baptizatus est, ad eundem diem quo in cælum ascendisset. Hac Petri oratione ceteri Apostoli adducti, duos unà cum eo proposuerunt, Iosephum, qui Barfabas dictus est, & Mathiam. oraueruntque Deum, ut ostenderet, utrum eorum uellet in Iudæe mortui locum succedere. Cumque eis sortes dedissent, Mathiæ sorte magistratus & Apostolatus obtigit. Paucis post diebus, quinquagesimus dies, quem Pentecosten Græco nomine appellamus, uenit. Eo die cum Spiritum sanctum Christus discipulis misisset, quo cōpleti uarijs linguis Deum laudarent, eius rei fama innumerabiles, qui fortè ex omnibus nationibus Hierosolymam tulerant, ad rem cognoscendam excitauit. Cumque in eum locum ubi erant discipuli, cōuenissent, nemoque esset qui non eos eo sermone uti, eaque lingua loqui perciperet, quæ regionis, cuius erat, propria esset: partim stupor eos inualuit, partim admiratio. Sed tamen nonnulli irridentes, eos uino onustos esse dixerunt. Itaque Petrus unus hanc illorum audaciā, & calumniandi libidinē, hac

oratione reprehendit, falso eos existimare nostros esse ebrios, cū tertia etiam
tum diei hora esset. esse autem hoc ipsum, quod Deus loelis prophetae uoce
prædixerat, fore ut ipse extremis diebus in omnes homines spiritum suum dif-
funderet, prophetarentque ac predicerent res futuras, liberi Hierosolymitano-
rum. cōuersaque oratione ad Hierosolymitanos, eis **I E S V M** dixit, uirum inter
eos signis uirtutibusque à Deo probatum, quem ipsi interimissent, ab eodem ab in-
feris excitatum esse, quod eo in loco retineri cohiberi que minimè potuisset. Id
enim Dauidem his uerbis prædixisse: Insuper & caro mea in spe acquiescet,
quoniam non relinques animam meam in inferis, nec sanctum tuum corruptioni
obnoxium facies. Dauidem enim non ipsum de se hæc dixisse, cum & mortuus es-
set, & sepulchrū illius usque ad eum diem ibi uiseretur, sed cum propheta esset,
Deū ei iurasse quendam, qui ex illius semine nasceretur, in solio illius sessurum es-
se: hinc eum hæc de Christi, ut hoc uerbo utar, resurrectione multo antè prædi-
xisse. Eum **I E S V M** à Deo excitatum esse, cuius rei ipsi omnes, eius discipuli,
testes essent. Itaque eum qui sublatum esset in cælum, promissione patris, donum illud
effudisse, quod ipsi cernerent & audirent. Eum autem in cælum ascendisse, Dauidem
docere, his uerbis: Dixit Dominus Domino meo, sede à dextris meis, donec
ponam inimicos tuos, scabellum pedum tuorum. cum Dauid ipse in cælum minimè
ascenderit. Quapropter hoc sibi persuaderent, **I E S V M** eum quem cruci suffixis-
sent, & Dominum à Deo, et Christum esse factum. Hæc cū Petrum perorantem audis-
sent, subiit eos poenitentia, eumque ac ceteros Apostolos rogarunt, quid nam fa-
cere eos oporteret. tū Petrus eos hortatus est, ut et eos ueteris uitæ poeniteret,
& unusquisque eorum **I E S V** Christi nomine aqua saluari expiaret. sic enim fo-
re, ut donum Spiritus sancti acciperent. ad eos enim, eorumque liberos, & ad om-
nes qui procul abessent, quos quidem Dominus uocauisset, hæc promissionem
pertinere. Alijs etiā uerbis plurimis eos hortatus est, ut se ab eo hominum gene-
re, qui Christum in crucem egissent, abducerent, atque secernerent. Valuit apud
tria milia hominum hæc Petri oratio, omnesque aqua saluari abluti, expiati-
sunt. Multo etiā plures, nec ita multo post, ad nostram fidem religionemque dedu-
xit. Is enim una cum Ioanne in templum orandi causa ad horam nonam uenie-
bat, cū claudus & paralyticus quidam, quem morbus is ex utero matris inuase-
rat, portaret: ut quemadmodum quotidie solitus erat, ante ianuam templi quæ
Speciosa dicebatur, positus, aliquid ab ijs qui introirent in templum, acciperet.
Is ergo cum Petrum & Ioannem introeuntes animaduertisset, eos ut sibi aliquid
largirentur rogare coepit. Quæ cū illi intuerentur, Petrusque eum in ipsos oculos cō-
ijcere iussisset, ille paruic, quod se ab eis pecuniā accepturum esse speraret. Sed
cū Petrus sibi argentum esse negasset, hoc se illi dare quod haberet, dixit: impe-
rauitque, ut **I E S V** Christi Nazareni nomine se in pedes erigeret, atque ambula-
ret. Se erigit ille statim, & in templum recte ingrediens, Deo gratias agit. quæ tan-
tæ admirationi fuit omnibus, ut maximus concursus factus sit populi in portum
cum Salomonis ad Petrum & Ioannem, cum ille eos teneret. Quam multitudi-
nem ut uidit Petrus, nihil esse dixit, quod mirarentur, aut in se & Ioannem ocu-
los cōijcerent, quasi ui sua atque autoritate fecissent, ut ille incederet. **I E S V M**
enim esse, quæ & illi deditum Pilati libidini, dimisso liberoque scelesto homi-
ne, interfecissent, & Deus ab inferis excitauisset, cuius fide & nomine is quæ
cerneret ac nosset, sanus esset & incederet. Scire se hoc ab illis imprudentia es-
se factum quemadmodum etiam ab eorum magistratibus: quod autem omnium prophe-
tarum sermone prædictum esset, Christum esse perpessurum, ita absolutum esse à
Deo. Quare eos facti poeniteret, ipsique in uiam redirent, ut eorum peccata elue-
rentur. Multaque alia in eandem sententiam & Ioannes dicebat, cum sacerdo-
tes & magistratus templi atque Saducei interuenerunt, qui iniectis manibus
cōprehenso eos in custodiam in crastinum tradiderunt, quod molestè ferrent
doceri ab eis populum, & **I E S V** exēplo & nomine induci mortuorum resur-
rectionem.

A rectionē. Quinq; aut milia hominum qui hec audierant, eis crediderūt. Postero die cum Annas & Caiaphas, aliq; sacerdotes & scribæ conuenissent, eos produci iubent, ab eisq; requirūt, cuius hoc nomine fecissent. Petrus spiritus sancti plenus, hoc scire omnes qui adessent oportere dicit, si ab ipsis quærat in iudicio, cuius nomine curatus esset is de quo ageretur, curatū eum esse **I E S V** Christi Nazareni nomine, quē cum cruci suffixissent, Deus à mortuis excitasset. Hunc esse lapidē, qui cum ab eis ædificatibus improbatu esset, ad anguli caput sit accommodatus, neq; in alio spem salutis esse collocandam. Neq; enim nomen aliud esse in terra datum hominibus, quo omnibus salutē dari oporteat. Illi cum Petri & Ioannis, quos idiotas & ignaros esse scirent, constantiam tantam cernerent, & uirtus eorum magnam eis admirationem attulit, & oratio. Cumq; hominem qui curatus fuerat, stantē cum eis uiderēt, nihil habebant quod contrā dicerent. Secedere tamen eos extra conciliū paulisper iusserunt, ut inter se quid faciundum esset, constituerēt. Rem esse ita claram & illustrem dicunt, ut eam ipsi iam negare non possent. Itaq; hoc tantum placere, ne deinceps loquerentur aut docerent **I E S V** nomine. Quod cum eis imperarent, illi responderūt: Si æquum esset diuino iudicio, eos potius quā Deū audire, ipsi uiderent: se aut non posse de ijs quæ uidissent & audiissent, non loqui. Eos tum cum minis dimiserunt, cum nullam satis iustam causam animaduersionis inuenirent. Discipulorum omnium eiusmodi erat uitæ institutum, ut nec quisquam eorum quicquam haberet ut suum: et si qui eis se adiungerent, omnia quæ possiderēt uenderēt, preciumq; ante Apostolos ponerent. Vir aut quidam Ananias nomine, cum Sapphira uxore sua, cum agrum uendidisset, multumq; de precio detraxisset uxore conscia, partē quandā afferēs ad pedes Apostolorū posuit. Quod cū Petrus spiritus sancti permotiōe cognouisset, ab Anania quæsiuit, cur à Satana impulsus, spiritui sancto mētitus esset, fraudassetq; de agri precio: cum præsertim maneret ei, uēditaq; possessio in illius esset potestate. Neq; enim eū mentitū esse hominibus, sed Deo. Hæc cum Ananias audiret, cecidit, & spiritū edidit. Quæ res omnium animos uehementi metu perculit. Vix autem trium horarum spatiū intercesserat, cum Sapphira eius uxor, huius rei ignara, introiuit. Eam Petrus rogauit, an tanti agrū uendidissent: quæ cum annuisset, reprehensaq; esset ab illo, iisdē uerbis quib. uir eius, statim, id quod ei Petrus prædixerat, cecidit mortua. Quanta aut uis in eo curandorum morborum fuerit, quantaq; omnium de eo in hoc genere opinio, hinc intelligi licet, quod cum omnes ægros & debiles in uijs quibus iter facturum eum sperarent, posuissent, non expectabant dum eos ipse tangeret, sed uim in eius umbra tantā inesse putabant, ut se ac suos liberatum iri confiderent, si ea ad ipsos perueniret. Quæ eos spes minimē fefellit. Omnes enim qui tum ē finitimis oppidis Hierosolymā uenerūt, aut delati sunt, Petrus sanitati pristinae restituit. Aeneam etiam quendam, qui annis octo iacuerat in grabbato paralyticus, Lyddæ curauit. quod cum Lyddēses et Saronēses comperissent, ad Christianā religionem deducti sunt. Quinetiam mortuos excitauit. in ijs Tabitham, quæ Dorcas dicitur. hæc Ioppæ habitabat, mulier cum uirtutibus omnibus, tum liberalitate in egentes prædita. Cum autem ex morbo interiisset, discipuli qui Ioppæ erant, missis duobus Lyddam, quoniam haud procul inde aberat, Petrum rogant, ut ad se uenire ne grauaretur. Venit ille, circumstant eum omnes uiduę flētes, eiq; uestes ostenderūt, quas ipsis Dorcas faceret. Eiectis foras omnibus, ipse orat: conuersusq; ad cadauer, Tabitha, inquit, surge, illa continuò oculos aperit: quam sua manu erectā, sanctis ac uis uis reddit. Cuius miraculi fama cum totam urbem peruassisset, multi crediderunt. Sed eò unde digressus sum, reuertor. Simon quidam erat in quodam oppido Samaritanorum, magicis artibus & rationibus eruditus. Is cū longo tēpore ante aduentū Philippi, qui fuit ex septē diaconis unus, Sama-

ritanos suis illis artibus præstigijsq; ita captasset semper, ut illum uim ma- A
 gnam esse Dei dicerent: tamē Philippo multa de regno Dei ibi differēti cum
 multi assentirentur, ipse etiam assensus est, aqua q; saluari expiatus, eum se-
 quebatur. Apostoli autem qui erant Hierosolymæ, cum Samariam discipli-
 nam nostram approbasse audissent, eò Petrum Ioannemq; miserunt, ut Sa-
 maritani oratione eorum, manuumq; impositione spiritum sanctum accipe-
 rent. Simon, quem Magum paulo antè fuisse diximus, cum ita spiritum san-
 ctū dari ab Apostolis cerneret, contendit ab eis, ut precio ad hāc uim & pote-
 statem perueniret. Petrus, qui scelus hominis perspectū haberet: Pecunia, in-
 quit, tua tibi sit exitio: quòd Dei munus pecunia constare, quæriq; existima-
 sti. Itaq; eum admonuit, ut ipsum istius sceleris pœniteret, Deumq; ipse roga-
 ret, si fortè hoc animi tam peruersum præposterumq; iudiciū remitteret. Ille
 Apostolos orauit, ut Dominū causa sua rogarent, ne quid eorum quæ dixis-
 sent, ei cōtingeret. Petrus Ioppæ apud Simonem quendam sutorē, eo tempore
 quo Thabitā mortuam excitauit, habitabat. Paucis interiectis diebus, quæ-
 dam ei uisio hora diei sexta, cum esuriret, et cibum capere uellet, hoc modo o-
 blata est. Cælum apertum uisus est uidere, ex eoq; linteum magnum quatuor
 inijs et oris in terram demitti, in quo essent omnia genera quadrupedum, ser-
 pentium, & uolucrum. Secuta est tum uox, siue admonētis, siue imperātis, ut
 ea occideret & comederet. cumq; negasset ille se ulla re uesci posse, quæ im-
 munda sacra q; esset: tum uocem audire usus est dicentis, Quod Deus conse-
 crasset & expiasset, id ne profanum diceret. Quod cum iterum ac tertio fa-
 ctum esset, uas illud speciem linteæ præferens, in cælum receptum est. Petrus
 cum se collegisset, cogitare ac reputare secum cœpit, quid' nam uisio illa por-
 tenderet? Interea & uiri tres missi à Cornelio centurione cohortis Italicæ,
 ad ianuam Simonis sutoris perueniunt: qui euocatis nonnullis quærunt,
 num Simon Petrus ibi habitaret? & spiritus eum admonuit, esse tres qui e- B
 um uellent, cum quibus proficisci ne dubitaret, quòd eos ipse misisset. Itaque
 descendens, ultro eis se obtulit, dixit' que eum esse se quem quærent, roga-
 uitq; quid uenissent. Illi se à Cornelio cēturione, uiro probò, cuius de uirtute
 & liberalitate in egentes Iudæi omnes testarētur, missos esse dixerunt, quòd
 angelus sanctus eum admonuisset, ut illū accersendum curaret. Postero die
 unā cum illis profectus, sequenti Casaream peruenit. Cornelius conuocatis
 necessarijs & amicis, eos expectabat. Itaq; ut eum appropinquare cognouit,
 ei obuiam prodijt, misit' que se ad pedes eius ut illum adoraret. Quod ille face-
 re, cum se etiam hominem esse diceret, prohibuit. Domum unā cum eo lo-
 quens cum intrasset, ut multos qui conuenissent uidit, eos certò scire dixit, ne
 fas esse uiro Iudæo societate coniungi cum alienis, aut ad eos accedere. Sed
 quoniam Deus ipsi ostendisset, neminem hominem profanum aut immun-
 dum esse habendum, propterea accersitum se non grauātē uenisse. Hinc quæ-
 rere cœpit, quamobrem ab eis accersitus esset. Tum Cornelius quatrīduo an-
 tē exposuit, cum solus domi suæ hora diei nona oraret, uirum quendam ueste
 candida ornatum ita uisum esse, qui & orationem ipsius & eleemosynas Deo
 acceptas gratas' que diceret, ac moneret, ut ipse Ioppa Simonem Petrum ac-
 cerferet: itaq; se gratias illi agere dixit, quòd uenisset, & simul se paratos ad au-
 diendū id omē quod ei à Domino præceptū esset. Petrus cum hæc audisset,
 sibi compertū esse dixit, nullius rationē à Deo potius q; alterius haberi: sed ac-
 ceptos gratosq; illi esse omnes apud omnes gētes, qui eum timeāt, iuste q; ui-
 xerint. Verbum misisse Deū filijs Israeliticis, quòd pacem I E S V nomine nū-
 ciaret, eum esse Dominū omniū. Eos scire, uerba habita esse ab illo per uniuersam
 Iudæā, quibus à Iōanis baptismo intellectū sit, I E S V M à spiritu sancto
 unctum esse, eundemq; omnes qui à diabolo oppressi essent, pro sua benigni-
 tate curasse, cum Deus in eo inesset, & cum eo uersaretur. Se ac condiscipu-
 los te-

Alos testes esse eorum omnium, quæ ipse in Iudæa Hierosolymæq; fecisset. Eum cum Iudæi cruci suffixissent, tertio die à Deo ab inferis excitatum esse, ostensumq; non omni populo, sed ipsis qui à Deo prouisi essent, conuiuioq; ab eo adhibiti unà cum eo edissent atque bibissent, cum à mortuis excitatus esset. Eundem eis imperasse, ut populum docerent, ac dicerent pro testimonio, ipsum à Deo uiuorum & mortuorum datū esse iudicem. Eum prophetas omnes illum ostendere, cuius nomine omnib. qui ei crederent, errantibus & peccantibus ueniam daretur. Nondum finem dicendi fecerat, cum spiritus sanctus in eos descendit, qui eum audiebant. Quos cum linguis loquentes, & Deū laudantes cernerent, Iudæi Christiani qui cū Petro uenerant, obstupuerunt, quod munus spiritus sancti ad Gentes etiam pertineret. Tum Petrus eos **I E S V** Christi nomine baptizandos, expiandosque curauit. Hierosolymam cum Petrus paulo post adijisset, Iudæi qui nostram disciplinam comprobassent, eum grauiter obiurgarūt, quod ad homines qui præputium haberēt, diuertisset. Quibus cum rem omnem ordine narrasset, ita in eius sermone acquieuerunt, ut Deo gloriam tribuerent, quod etiam Gentibus poenitentiae locum ad uitam dedisset. Iisdem ferè temporibus Herodes rex Iacobum, Ioannis fratrem, securi ferendum curauit. Quod cum Iudæis probari ac placuisse cerneret, Petrum etiam comprehendi iussit, & in uincula conijci, ijs ipsis diebus, quibus Iudæi panibus fermento confectis uesci non solent, ut eum post Pascha populo produceret. Ecclesia toto illo tempore Petrum precibus suis Deo commendare non desisteat. Nocte autem, quam is dies sequebatur, quo eum Herodes producturus erat, Petrus inter duos milites uinctus catenis duabus dormiebat, & custodes ad ianuam carcerem custodiebant, cum Dei angelus præstò fuit, qui excitato Petro, ut surgeret, uesteq; sibi sumeret, seque sequeretur, imperauit. Ille, catenis repente è manibus

Belapsis, sic eum sequi coepit, ut sibi uisum oblatum existimaret. Nec uerò aberratione antè liberatus est, quam præteritis primis & secundis uigilibus, porta que ferrea, quæ eis ultrò aperta est, quæ eadem ad urbem ferebat, uiaque una confecta, ab eo angelus discessit. Tum demum, cum se collegisset, certò scire se dixit, angelum à Deo missum esse, qui ipsum è manibus & potestate Herodis eripuisset, & Iudæorum expectatione. Domum cum uenisset Mariæ, matris Ioannis, qui Marcus dictus est, in qua multi orabant, pulsauit fores. Cumq; puella quædam, Rhode nomine, accurrens, quis nam pulsaret, rogaret, cognita Petri uoce, non aperuit, sed gestiens lætitiā, omnibus nunciatum redijt, Petrum apud fores stare. Illi qui eum in carcerem coniectū custodiendi etiam existimarent, primū insanire eam dixerunt: deinde cum illa ita esse affirmaret, eius angelum esse fatebantur: in eaq; sententiā permanserunt, quoad Petrus, qui semper pulsabat, intromissus, rei ueritatem comprobauit. Ipse manu indicto silentio, eis rem omnem ordine exposuit, eos que rogauit, ut ea ipsa Iacobo & condiscipulis nunciarent. Iudæi postea extiterūt, qui primū Antiochiæ, deinde etiam Hierosolymæ docerent, qui non circuncideretur, uitam sempiternam consequi posse neminem. Tum fortè Antiochiæ erant Paulus & Barnabas, qui cum contrā docerent, id non esse necessarium, res ad magnam contentionem seditionemq; peruenit: itaq; Christianis omnibus qui eam urbem incolebant, Paulū & Barnabam unius, quosdamq; alios alterius factionis, mitti placuit de hac controuersia Hierosolymam, ad Apostolos atq; maiores natu. Quò ut uenerūt, Apostoli maioresq; natu conuenerunt unum in locū, ut quid de hac re teneri oporteret, uiderent. Cumq; res diligenter tractaretur, Petrus surgens, scire omnes qui aderant dixit, prouidentia diuina iam pridem factum esse, ut ex ipsius ore Gentes euangelij uerba audirent, & crederēt, idq; Deū ita approbasse, ut eis æquè ac ipsis qui Iudæi essent, spiritum sanctum daret, nihil que inter utrosque interesset ostenderet,

stenderet. Itaque nihil esse, quod dent operam, ut Deus onus discipulis imponat, quod neque ipsi, neque maiores ferre potuissent, praesertim cum munere ac beneficio Iesu Christi, gloriam sempiternam, quemadmodum illi, se consecuturos esse confiderent. Iacobus frater Iudae apostoli, qui Hierosolymitanus Episcopus erat, cum perorasset Petrus, ita locutus est: Simonem narrasse, quemadmodum Deus primum constituerit ex Gentibus populum sibi adipisci ac firmare, id quod prophetae tradidissent. Itaque hoc censere se, eorum animos qui ex Gentibus ad Deum reuerterentur, non esse conturbandos nouis legibus: sed scribendum ad eos esse, ut se deinceps ab iis quae idolis immolarentur, a stupro, & fornicatione, ab eorum animalium quae suffocata essent, sanguine abstinere. Hoc omnium sententiae comprobatum est. Itaque missa epistola ad eos qui Antiochiaerant, cuius haec fuit sententia: Visum esse spiritui sancto, & ipsis, nihil oneris eis imponere, nisi ea quae modo commemorauimus. Atque haec quidem sunt, quae de Petro in iis libris, qui Noui testamenti nomine inscribuntur, & appellantur, scripta reperiuntur. Quae autem deinceps narrabimus, ab alijs, ut ab Egesippo, Irenaeo, & Eusebio, Hieronymoque accepimus. Romam quidem Petrus uenit, Claudio imperatore, ibique pontificatum quinque & uiginti annis gessit, ut omnes probati auctores ac ueteres commemorant. Quod si annis quinque & uiginti pontificatum administrauit, id est usque ad quartum decimum Neronis annum, qui idem ultimus fuit, certe tertio uel secundo, ut Hieronymo placet, Claudij anno, primum Romam uenerit necesse est. Nonnulli autem exponunt, in iis Clemens, qui ei quarto loco successit, eum Romam eo maxime consilio uenisse, ut Simonis Samaritani, de quo paulo ante dixi, errorem refelleret. Egesippus quidem principio tertij libri aliquid narrat, quod quia & ad Petri laudem, & Simonis summum dedecus pertinet, non erit alienum exponere. Simonis istius fraudes & praestigiae tantum apud Neronem ualuerant, ut non solum primum apud eum locum amicitiae teneret, uerum etiam illi ab eo diuini honores tribuerentur, ut Iustinus, Irenaeusque commemorant: praeter autem alia inusitata opera quae effecturum se esse pollicebatur, etiam mortuos ab inferis excitare se posse iactabat. Excesserat tum forte e uita Romae adolescens nobilis, Neronis propinquus, ad quem excitandum alij Petrum, alij Simonem accersendum censuerunt. Illi cum conuenissent, Petrus Simonem, qui suam uim & potestatem iactaret, priores partes dedit, ita tamen, ut si id quod se facturum esse profiteretur, non praestaret, ipse non deesset. Simon, qui plurimum apud barbaros & ignaros nostrae religionis homines, artes suas ualuturas speraret, conditionem hanc proposuit, ut si ipse adolescentem ab inferis excitasset, Petro moriendum esset: sin Petrus hoc certaminis genere uicisset, idem supplicium Simonem maneret. Placet Petro conditio. Accessit ad mortuum Simon, qui ut carmina quaedam pronunciare coepit, is qui mortuus erat, caput mouere & agitare uisus est. Hinc clamor barbarorum, eum uiuere, eum cum Simone loqui, cum gaudio uociferantium: hinc in Petrum irarum stimuli, hinc etiam irridetium cachinni, quod se ausus esset cum Simone comparare. Petrus, qui ea falsa, quae a Simone fierent, intelligeret, eundem uultum, eundem oris animique habitum ferebat. Silentiumque ut impetrauit, ita locutus est, non id uerum esse quod uideretur, sed speciem quandam ueri imitari. Quod si uerum esset, eum uiuere, ipse loqueretur: si uere ab inferis excitatus esset, surgeret, incederet, colloqueretur. Atque quo facilius non solum id falsum esse quod uideretur, intelligi posset, sed ne iam quidem ostendi speciem posse, Simonem a mortuo iubet secedere: cum recessisset, ne moueri quidem unquam uisus est postea. Tum Petrus, cum secum ipse silentio paulisper orasset, adolescenti, ut Christi nomine sanus et incolumis surgeret, imperauit. Statim surgit adolescens, loquitur, incedit, cibum capit. Eum postea patri tradidit, quae cum eum rogaret, ut ab se illum discedere ne pateretur, eam

A ne timeret, hortatus est: cum enim custodē suum habere. Hoc cum omnibus ingentem admirationem excitasset, in contrarium uersa sunt omnia. Petrus laudibus in cœlum ferre omnes, Simonem ut præstigiatores irridere, explodere, & lapidibus obruere. idq; factum esset, nisi Petrus compresso ac sedato paulisper tumultu, satis acre de illo supplicium sumptum esse dixisset, quod artes suas nihil ualere intelligeret atq; sentiret. Viueret ille sanè, et Christi regnū crescere uel inuitus cerneret. Angebatur ille apostoli gloria, seq; uictum dolebat. Itaq; cōuocato populo, offensum se à Gallilæis (sic enim nostros, contumeliæ causa appellabat) ostendit, deserturumq; se dicit eam urbē quam tueri soleret. Constituit diem, quo in cœlum uolando ascenderet: sibiq; in cœlum quando uellet, aditum patēre dixit. Dies ut constitutus uenit, collem Capitolinum conscendit, unde se deiciens uolare cœpit, cum summa populi admiratione, qui eum uenerabatur: plerique uim talem Dei, non hominis esse dicebant, nihil tale fecisse Christū. Petrus interea orare cœpit *I E S V M*, ut ei suas artes futiles esse ostēderet, ne tali specie populus deceptus, non facile ad fidē cōpelli adduciq; posset. Se tamē precari, ut sic in terrā caderet, ut nihil se potuisse uiuus recognosceret. Ille ut Petrus finem dicendi fecit, implicatis remigijs pennarum quas sumpserat, corruit, non quidem exanimis: sed fracto debilitatoq; crure, Aretiam concessit, ibiq; mortuus est. Quod ut Nero compertit, dolens amici casu, ereptumq; sibi uirum Reipublicæ utilem ac necessariū molestē ferens, Petrum quemadmodum interficeret, cogitare cœpit. Cum uerò comprehendī eum iussisset, ea re cognita, Christiani omnes eum rogant, ut aliō se recipiat. Petrus contrā, se non commissurum dicit, ut metu mortis cessasse uideatur: æquum esse mori pro Christo, qui mortem subiisset pro omnibus. non mortem illam, sed immortalitatem futuram. indignam se esse fugam mortis, qui multos doctrina sua ut se hostias Christo offerrēt, impulsisset. Christi prædictione mortem sibi subeundam esse, qua Deo gloriam tribueret. Atque hæc quidem, & his similia, Petrus afferebat. plebs autem illa chrymans ab eo petebat, ne se inter maximas sæuientium barbarorum tempestates fluctuātem desereret. Vicerunt fletus & lachrymæ obstinatum animū. Discessurum se ex urbe pollicetur. Itaq; insequentī nocte salutatis Christianis, proficisci solus cœpit: qui ut ad portam qua egredi constituerat, uenit, Christum sibi obuiā prodire uidet, adoransq; eum, Quo nam iret, rogauit. Ille, cum Romā se, ut iterū crucisuffigeretur, uenire dixisset: statim Petrus hoc de genere mortis suę dictum intellexit. Itaq; in urbem redijt: nec ita multo post comprehensus, supplicio crucis inuerso capite, quod indignum se esse diceret, qui ita ut Christus moreretur, affectus est. In cruce multis uerbis Christo oues commendauit, quas ipsi tradidisset.

V I T A B E A T I P A V L I A P O -

*stoli, Ioachimo Perionio Benedictino Cormæ-
riaceno auctore.*



PAULVS, qui antea Saulus appellabatur, Iudæus, ut ipse ait, Phariseusq; genere, ex tribu Beniamin, Tharsi, quod est Ciliciæ oppidum, natus est. Ut autem aptus literis eius animus fuit, eum Hierosolymam legis Mosaicæ perdiscendæ causa parentes miserunt, ibiq; Gamaliëlem legis optimum interpretem doctoremq; audiuit. Hic autem eum fructum ex studijs percepit, ut statim ei cōtigerit æquales suos longè multumq; superare, non solū legum institutorūq; quæ à maioribus acceperat, doctrina, uerum etiam in ijs detinendis studio et uoluntate. Itaq; cum etiam admodum adolescens esset, cerneretq; Stephanū aliam disciplinam, ut ipsi uidebatur, Mosaicā sublata & conuulsa, constituere uelle,

uelle, eorum omnium qui illum ea de causa lapidibus obruerunt, uestes cussio
 diuit, necisq; eius, ut ipse ait, cōsciū fuit. Nec uerò ita multo pōst, biennio fe
 re exacto, cum ipse per se iam religioni disciplinæ que nostræ nocere posset,
 hostili infesto que animo ecclesiam primū domi, id est Hierosolymā, dein
 de foris oppugnare cōpit. Nam in ædes ipse irrumpebat, uiros que ac mulie
 res, qui Christum ut Deum colerent, ui abductos tradebat custodiæ. Impe
 tratis uerò hac de re à principe sacerdotum ad synagogas Damasceno
 rum epistolis, quasi furijs agitatū, adiunctis comitibus, eò contendit, ut si
 quos ibi inuenisset huius disciplinæ uiros ac mulieres, uinctos Hierosolymā
 perduceret. Iam ille magnam itineris partem in eo consilio propositoq; per
 manens confecerat, cum subitò media luce, offuso obiectoq; cœlesti lumine
 excæcatus, metuq; percussus, ex equo decidit. Tum uerò huiusmodi uocem
 exaudiuit: Saule, Saule, quid me oppugnas? Cumq; obstupescens, quæsiuis
 set, Quis es Domine? ille que dixisset, Se esse I E S V M quem oppugnaret ac
 persequeretur, durumq; ac graue ei esse stimulo calces opponere: tum quere
 re cōpit, quid se ille facere iuberet? At ille, ut Damascum proficisceretur, ad
 monuit, ibi enim eum auditurum, quid ipsum facere uellet. Comites autem
 Pauli perterrefacti constiterant, cum & uocem exaudirent, & uiderent nemi
 nem. His ita gestis, Paulus ut præceptis Christi pareretur, oculos aperit: sed cum
 nihil prorsus cerneret, à comitibus deductus est. Iam triduo oculorum mune
 re caruerat, cibum que non caperat: cum quidam Christi discipulus, cui no
 men Ananias, ab illo in uisu admonitus, confirmatusq; quòd Paulum sibi
 discipulum doctorem que Gentium delegisset, ad Paulum adiit, eiq; negotiū
 quod ipsi Christus dedisset, exposuit. Expiatur salutarī aqua Paulus, captoq;
 cibo uires suas, scq; collegit. Atque hoc quidem pacto Paulus à uita Deo in
 grata, ad Christianam religionem traductus est. Nunc quē in hac se præbue
 rit, dicendum est. Nunquā ille tam infestus & acer nostræ religionis discipli
 næq;, antequam ei se Christi impulsu addixit, oppugnator hostisq; fuit, quā
 magnum se eiusdem postea propugnatorem defensoremq; præstitit. Ad eā
 enim defendendam tum celeritatem attulit, tum studium, tum incredibilem
 inuicti animi in omni suppliciorum genere patientiam & constantiam. Nam
 ut primū aqua salutarī expiatus est, qui antea in I E S V M contumeliosus
 fuisset, eumq; Deum esse ac Christum, quem Iudæi Seruatorem expectarent,
 ita pernegasset, ut qui id confirmaret, eos uinctos ad supplicium necem que,
 ut dixi, raperet: contra non priuatim & obscure, sed publicē ac palām Dama
 sci in senatu concilio que publico ciuitatis, hunc & filium Dei & Christum
 esse profiteri ac prædicare cōpit. Quæ eius tam repente facta mutatio, contra
 riā que oratio, & omnibus qui eum audiebant, tantæ admirationi fuit, ut di
 cerent: An non hic Hierosolymæ eos qui Iesum appellabant, oppugnabat:
 eò que huc uenit, ut uinctos illos ad principes sacerdotum pertrahat? & Iu
 dæis tam inuidiosa atque inuisa, ut tandem communi consensu, & quasi con
 spiratione, eum necare decreuerint. Quod quò & commodius & maturius
 facerēt, præfectū Arethæ regis rogant, ut uigiles pro portis excubare iubeat.
 At eius discipuli illorū insidijs cognitis, ipsum noctu ē specula in porta demi
 serunt, & ita fuga salutem quæsiuit. Lucas quidem eum commemorat statim
 ex hac fuga se Hierosolymam recepisse, conantemq; sese discipulis adiunge
 re, metu prohibitum fuisse, quòd illi discipulum eum minimē crederent. Bar
 nabæq; opera ad apostolos adductum esse, qui eis ordine, quæ & in itinere si
 bi euenissent, & à se Damasci I E S V nomine magno animo acta essent, nar
 rauerit. Ipse autem Paulus in epistola quam ad Galatas multo pōst scripsit, se
 ad apostolos profectum negat, nisi triennio pōst: primumq; in Arabiam con
 cessisse, deinde Damascum rediisse confirmat. Itaque uel Lucas prætermissa
 eius in Arabiam profectione, & in Damascum reditu, quod triennio pōst
 egerit

A egerit Paulus, commemorat, uel certè Paulus ex illa fuga Hierosolymam ad Apostolos se recepit, cum eisq̃ tam paucos dies commoratus est, ut hoc sibi commemorandum non putauerit. Vtuncq̃ res habeat, hoc profectò constat, eum & Hierosolymam & in Arabiam uenisse. Quantum quidem temporis in Arabia consumpserit, incertum est. Neque enim ipse, neque Lucas, neque quisquam alius tradit. Hoc autem dubium non est, quin in ea regione quamdiu commoratus est, multa uerba de religione nostra fecerit, multosque ad Christi fidem deduxerit. Ab Arabia Damascum se rediisse dicit, deinde triennio post, Hierosolymam uenisse, Petri uidendi causa, & apud eum dies quindecim commoratum, aliumq̃ Apostolum, præter Iacobum fratrem, id est propinquum Domini uidisse neminem. Quindecimo post die in Syriam & Ciciham concessit, quod ut ipse ait, Ecclesijs Iudææ quæ Christum colebant, facie ignotus esset. Atque hoc ipsum est fortasse quod Lucas deinceps commemorat, eum cum à Barnaba ad Apostolos deductus esset, ipseq̃ cum Gentibus locutus esset, disputassetq̃ cum Græcis, qui illū ob eam causam interficere cupiebant, à discipulis cognito eorum consilio deductum esse primū Cæsaream, deinde Tharsum Cicihiæ oppidum. Cum autem illic esset, Barnabas qui Antiochiam à discipulis gratulandi causa ijs qui bus Christo credidisse cognouerant, missus erat, hortādīq̃ eos, ut in suscepta professā que semel fide permanerent: non ita multo post, Tharsum ut Paulum quæreretur, profectus est, quem cum inuenisset, eum Antiochiam duxit, ibiq̃ annum continuum ita populum docuerunt, ut discipuli tum primū Christiani nominarentur. Visum est etiam tum discipulis qui in ea urbe habitabāt, conferre quantum quisque poterat, ac pro facultatibus, idq̃ per Barnabam & Paulum discipulis egentibus, qui Iudæā incolebant, mittere. Quo expleto munere, Antiochiam adiuncto Ioanne, qui Marcus appellatus est, reuersi sunt. Erant autem præter illos Antiochiæ tum propheta & doctores permulti qui cum Dominum colerent, ac ieiunarēt, Spiritus sancti iussu Paulum & Barnabam ad id munus & opus, ad quod perficiendum eos delegerat, positis super eos manibus, cum orassent atque ieiunassent, dimiserunt. Illi autem à spiritu sancto delecti atque missi, primū in Seleuciam uenerunt, deinde in Cyprum nauigauerunt, uno comite itineris Ioanne, de quo paulo antè dixi. Cumque totam insulam usq̃ ad Paphum obissent, Sergius Paulus proconsul, uir prudēs eos accersiuit, quod uerbum Dei audire cuperet. Erat tum in eius comitatu quidam magus, cui nomen Elymas erat, qui Apostolis, cum proconsulem à sententia abducere studeret, resistebat. Hoc cum Paulus instinctu spiritus sancti cognouisset, grauissimis eum uerbis obiurgare coepit, quod diuina consilia institutaque dissolueret ac tolleret: eumque cæcitate ad tempus huiusmodi sceleris sui, poenas daturum esse prædixit. Vix ille finem dicendi fecerat, cum Elymas cæcus repente effectus, qui se duceret obambulans, uisus est requirere. Quo tam admirabili facto adductus Sergius Paulus proconsul, credidit. Ex quo pleriq̃, in his Hieronymus, illum qui antea Saulus diceretur, Paulum nominatum esse cōfirmāt. Paulus autem, & Barnabas à Papho soluentes, Pergen Pamphiliæ urbem traiecerunt. Hinc Ioanne Hierosolymam reuertente, ipsi Antiochiam Pisidiæ oppidum recto cursu contenderūt. Quo in oppido cum aliquādiu cōmorati essent, in synagogā conuenerunt, lectis que pro more nonnullis legis & prophetarum capitibus, principes eos rogarunt, num quid uellent dicere. Tum Paulus clarissima oratione usus est, qua Dei in Iudæos beneficia usque à patriarcharum selectione, populi que ex Aegyptiorum seruitutis liberatione reperēs, commemorauit, perduxitq̃ ad Dauidem: ex cuius semine ac genere I E S U M Seruatorem Deus ex pacto extulisset, quem Ioannes uenturum prædixisset, uenienti testimonium diuinitatis dixisset, quem principes sacerdotum nullo comperto cri-

mine, innocentem indicta causa in crucem egissent, ablatum' que sepultura tradidissent, quem Deus tertio post die ab inferis excitauisset, conueniēter ihs omnibus quæ à prophetis prædicta essent. Eum esse agnoscerent, cuius beneficio delictorum eis gratia fieret, quam facere lex Moſis minimè potuisset. Ad eos quia Abrahama genus duxissent, qui Deum timerent, hoc uerbum salutare missum esse, ad eos' que pertinere. Cum finem dicendi fecisset, dimissa' que concione, ipse & Barnabas exirent, eos rogarunt, ut proximo die, qui solennis erat habendis concionibus (sabbatum uocant) ihsdem de rebus uerba facerent. Multi autem Iudæi & peregrini eos secuti sunt: quos illi, ut in sancto proposito permanerent, hortari non destiterunt. Cū autem dies uenisset, tota propè ciuitas conuenit ad uerbum Dei audiendum. Quod cum Iudæi animaduernerent, ira perciti, ihs quæ à Paulo dicebantur, contradicere cœperunt. Tum Paulus & Barnabas magno constanti' que animo Iudæis dicunt, eis primum consilium uerbumq; Dei exponendum fuisse: se autem iam, quod indigni essent illi iudicio suo sempiterna gloria quam prædicarent, ad Gentes proficisci. sic enim Dominum ipsis præcepisse. Quod cum ihs qui erant ex Gentibus, audirent, maximam ex eo uoluptatem perceperunt, Domini' que uerbum maximis laudibus, honorificis' que uerbis extulerunt: quinetiam omnes quibus uitam æternam Deus dare decreuerat, crediderunt. Hanc continuo apostolorum gloriā, Iudeorū inuidia consecuta est. Adduxerunt enim eos in inuidiam odium' que primorum ciuitatis, ac mulierum tantum, ut orto tumultu, excusso primum ex pedibus, Dei præcepto, puluere, Iconium uenirent. In hoc quoque oppido cum synagogam Iudæorum ingressi, ita uerba facerent, ut multos Iudæos & Græcos ad religionem disciplinam' que nostram deducerent, Iudæorum opera & inuidia in eos Gentium animi concitati sunt. Ac multis quidem diebus, quibus ibi commorati sunt, magno animo egerunt, cū interea Dominus signis miraculis' que uerbum suum ornauit, ac probauit. Cum autem distracta diuisa' que esset in partes duas ciuitas, altera' que pars apostolos sequeretur, altera quæ cum Iudæis faciebat, impetu facto, eos contumelijs affectos, lapidibus obruere decreuisset: huius rei certiores facti, se Lystram & Derbam, Lycaoniæ oppida, contulerunt, ibiq; atque in finitima regione docendi uerbi diuini munere functi sunt. Tum forte Lystris erat claudus quidam, qui semper ingrediendi munere caruerat. Eum cum Paulus ita audientem animaduerneret, ut se curari posse non uideretur diffidere, clara uoce ei, ut rectus se in pedes erigeret, imperauit. Erigit se ille, ualentisq; ritu ingredi cœpit. Quod cū turba animaduertisset, magna uoce Lycaonice omnes, Deos specie habitu' que hominum ad se uenisse clamant: nuncupantq; Barnabam Iouem, & Paulum Mercurium, quod dux uerbi esset. Sacerdos quoque Iouis hoc comperto, tauros cum coronis ante portas urbis unā cum populo uolebat immolare. fecissetq; nisi apostoli in medium scissis tunicis prodijissent, cum hac oratione: Se etiā mortales esse, illis similes homines, qui docerent, rebus huiusmodi fictis & falsis repudiatis, Deum uiuum colendum esse, cuius opere cœlum, terra, mare, omniaq; quæ illa complexu suo contineant, constitissent: qui superioribus temporibus Gentes suo arbitratu uiuere siuisset, quibus tamē specimen sui edidisset, pluuijs temporibusq; fertilitatem præstātib. Quæ cum illi dixissent, uix tandem obtinere potuerunt, ut ne immolarent. Nonnulli aut Iudæi nec ita multo post Antiochia & Iconio uenientes, multitudini persuaferūt, ut Paulū lapidibus obruerent, quē eiectū ex urbe pro mortuo reliquerunt. At discipulorū opera qui eū circumdederant, seruatus, in oppidū introiuit, posteraq; die cum Barnaba Derbam profectus est. Cumq; in illo oppido uerbū Dei docuissent, adduxissentq; multos in Christi fidē, Lystrā, Iconiū, & Antiochiā reuersi sunt: ibiq; discipulorū animis confirmatis, cū exhortati eos essent, ut in fide permanerēt: multisq; calamitatibus et aduersis

A aduersis rebus superatis, in Dei regnū introeundū esse docuissent: prefectisq; singulis urbibus presbyteris, orassent cū ieiunijs: eos Domino in quē crediderant, cōmendauerunt. Tū uerò obeūtes Pisidiā, in Pamphylia contēderunt. Cumq; Pergæ uerbū Dei nunciassent, descenderūt in Attaliā: inde Antiochiā, in qua urbe delecti fuerāt ad id munus quo functi erāt, nauigauerūt. Quō cum peruenissent, cōuocata concione, exposuerunt omnia quæ Dei benignitate egissent. Cōmorati sunt autē ibi multos dies cū discipulis. quo quidē tēpore quidam ex Iudæa uenerūt, qui hoc profitebātur: Nisi, qui ex lege Mo-
 sis circūcisus esset, salutē adipisci posse neminē. Cumq; Barnabas & Paulus ab illis discreparent, ex eaq; dissensione, orta esset, ut fit, seditio: placuit omni-
 bus, Paulū & Barnabam cum alijs nonnullis alterius functionis Hierosoly-
 mam ad Apostolos & presbyteros de hac quæstione mitti. Illi per Phoeni-
 cem & Samariam Hierosolymam profecti, ibiq; exponebāt quanta Deus i-
 psorū hortationibus apud Gentes fecisset, ijsq; cōmemorandis omnium ani-
 mos ingenti letitia affecerūt. Quod etiā Hierosolymam cum uenissent, facere
 minime destiterūt. Ibi autē conuocata cōcione, cum rē cuius causa missi essent,
 narraissent, quæ illis etiā tēporibus in ea urbe Phariseorū maximē q credide-
 rāt opera, quæstio posita est, dictis uicissim sentētijs, tandē placuit ad eos disci-
 pulos, quorū animi eius quæstionis difficultate Antiochiæ distraherent, hoc
 scribi p Iudam qui etiā Barsabas dicebat, & Silā, uiros primos in ecclesia, Pau-
 lo & Barnaba adiunctis, uisum esse Spiritui sancto atq; ipsis, nihil eis oneris
 Moisaicę legis imponere, nisi ut à stupro, & ab ijs cibis qui idolis immolati es-
 sent & à sanguine animalium quæ suffocata essent, abstinerēt. Illi autē Antiochiā
 cū uenissent, conuocata multitudine epistolā reddiderūt: qua plecta, incredi-
 bilē animo ex cōsolatione cæperūt uoluptatē. Aliquot uerò interieiectis die-
 bus, Paulus cū Barnaba egit, ut ad eas regiones ac ciuitates in quibus uerbum
 Dei exposuissent, reuerterent, uiserētq; quid fratres ac discipuli agerēt. Cūq;
B Barnabas pbatō collaudatoq; cōsilio, Ioannē, quē paulo antē reuertisse Hie-
 rosolymā dixi secū esse uellet, Paulus autē nollet, ppterea q Hierosolymā tū
 cū ipsi operā eius desiderarēt, abiisset: secuta est ex eo dissensio tāta, ut Barna-
 bas, comite itineris Ioāne ascito, in Cyprū adiret: Paulus adiuncto delectoq; Si-
 la, Syriā & Ciliciā obiret. quibus in regionib. cōfirmatis discipulorū animis,
 eos ut Apostolorū presbyterorumq; pceptis parērēt, admonebat. De qua
 illius pfectione anteq; plura dico, libet de superiore quā Hierosolymā, ut di-
 ctū est, susceperūt, ille et Barnabas, aliquid dicere. Mihi quidē hęc illa uidetur
 esse quā in epist. ad Galat. exponit his uerbis: Se iterū Hierosolymā quarto
 decimo anno post, ascito Tito unā cū Barnaba uenisse, cōtulisseq; cū discipu-
 lis, sermonēq; habuisse de ijs quæ ad euangelium qd Gentibus & apud Gentes
 predicaret, pertinerēt, idq; in cōmune ac publicē, qd in eo cōsilio de quo pau-
 lo antē dixi, factū esse arbitror, priuatim autē ac remotis arbitris cū ijs de quib.
 aliqua esset opinio. Iacobū autem, Petrū & Ioannē, qui columnina religionis
 nostrę esse uiderētur, cū munus qd Christus ipsi cōcessisset, cognouissent, da-
 tis dextris id est data acceptaq; fide, societate cū ipso et Barnaba cōisse, ut illi
 ad Gētes, ipsi ad Iudeos pficiscerent. Hoc ut credā, me hęc uerba cū ijs quæ
 ex Luca supra cōmemorauī collata & cōiuncta admonēt. Nā cū ita seiunctū
 à Paulo Barnabā Lucas ppter Ioannem dicat, ut nunq; postea eū à Paulo ui-
 sum esse cōmemoret, his autē uerbis cōfirmet Paulus se unā cum Barnaba tāto
 post Hierosolymā profectū esse, ut sermonē de euāgelij ratione cū Apostolis
 haberet, quod semel factū esse idē Lucas narrat, certē hęc illa ipsa non alia ui-
 detur profectio. Idemq; cōfirmat quod deinceps in eadē epistola Paulus cō-
 firmat, Petrū cum Antiochiā uenisset, & modō cū Gentibus, modō cū Iu-
 dæis clam cibū caperet, cum Iudæos, tū uerò Barnabam in istam suam simula-
 tā & fictam traxisse sententiā, Atqui Barnabas post eam, de qua dixi, dissen-
 sionem,

sionem, nunquam uisus est Anthiochiæ. In Cyprio enim interfectum eum fu-
 isse, Ioannes is quem secū duxit, in uita eius exponit. Atq; hæc à me eò dicta
 sunt, ut ne tēporum inscitia laberemur. Nunc ad reliquam expositionem re-
 uertamur. Paulus igitur comitē itineris laborisq; socium delegit Silā. Ii cum
 Syriā & Ciliciam obeuntes, Derbam & Lystram peruenissent, Paulus ibi Ti-
 motheū patre Gentili, matre Iudæa, eaq; fideli natū, cuius de uitæ integritate,
 disciplinæq; obseruatione discipuli bene existimarent ac loquerentur, cū in-
 uenisset, secū proficisci uoluit, eumq; propter Iudæos circumcidit. Quocunq;
 uenissent, ea quæ ab Apostolis & presbyteris Hierosolymæ decreta fuerant,
 seruanda traiebant. In Phrygiā & Galatiā cū uenissent, Spiritus sanctus
 eis ueruit, ne uerbum Dei in Asia docerent. Inde cum traiecissent in Mysiam,
 uellentq; in Bithyniā uenire, Spiritus I E S V non siuit. Itaque ex Mysia
 Troadem profecti sunt. Hic uisum Paulo ostensum est. Vir quidam Macedo
 uisus est ei stare, ac orare, ut in Macedoniā traiceret, se que adiuuaret. Quo
 ex uiso intellexit Paulus, nq; qui cū eo erant, cū eis exposuisset, se à Deo ad E-
 uangelium Dei Macedonibus renunciandum uocari. Itaq; statim Troade re-
 cto cursu Samothracā, & insequenti die Neapolim tenuerūt, inde Philippos
 quæ est prima partis Macedoniæ ciuitas. In hac urbe aliquot dies commorati
 sunt. Egressi aut portam ad flumē, precationis causa cū consedisent, uerbū
 que Dei mulieribus quæ eò cōuenerant, predicarent: & in ijs quædā mulier
 Lydia nomine purpuraria Thyatirorū, quæ Deū colebat, ea quæ à Paulo dice-
 bant attēte audiret, afflata Spiritu sancto credidit. Cumq; aqua uitali expia-
 ta, totaq; eius familia rogaret, ut si se fidelē esse Domino cognouissent, ad æ-
 des suas habitātū uenirent, impetrauit. Cū aut Paulus cū suis precationis cau-
 sa irent, facta est eis obuiā puella quædā, quæ numine Pythonico afflata, diuī
 nādo magno quæstui dominis suis erat. Hæc Paulū comitesq; eius secuta, ma-
 gna uoce hæc locuta est: Hi homines serui Dei sunt, qui uobis uiā salutis ostē-
 dūt. Idq; multis diebus fecisse dicūt. Paulus aut ad eā cōuersus, demoni impe-
 rauit, ut I E S V Christi nomine ex illa exiret, eodemq; pūcto tēporis egres-
 sus est. Domini aut puellæ cū de spe quæstus hoc pacto se decidisse animaduer-
 terent, Paulū & Silā cōprehenderūt perduxeruntq; in forū ad principes: pdu-
 cētēsq; magistratib. eos dixerūt pturbare ciuitatē, docereq; morē et disciplinā
 quā sequi & approbare ciuib. qui Romani essent, minime liceret. Magistra-
 tus cū etiā multitudo in eos infesta uenisset, scisis tunicis suis, eos uirgis cē-
 di iussit, cæsos in uincula cōiecit. Media aut nocte, cum ita precarentur Deū,
 & laudarēt, ut ab alijs qui erāt in carcere facile exaudirentur, terræmotus re-
 pentē factus est tantus, ut etiā carceris fundamēta cōmouerētur, & ostia aper-
 ta sint, & uniuersorum dissoluta uincula. Expergefactus autem custos carce-
 ris ex illo terræmotu, cum apertas ianuas carceris cerneret, districto gladio se
 ipse iam interficere uolebat, quod uinctos fugisse existimaret, cū statim Pau-
 lus uoce magna clamare cœpit, ne se interficeret: uniuersos enim esse etiā
 in carcere. Ille cū lumine introgressus, cum eos solutos uideret, tremore corre-
 ptus, se ad pedes eorū misit, ducensq; extra carcerē, rogare eos cœpit, quid si
 bifaciendū esset, censerent, ut uitā consequeretur sempiternā. At illi hoc ei re-
 spōsum dederūt: si in I E S V M Christum crederet, fore ut ipse familiaq; eius
 tota gloriā sempiternā adipiscerentur. Domum aut eius cum uenissent, pri-
 mumq; quæ ad salutē pertinebant, ei totiq; familia tradiderūt. Deinde ablu-
 tis plagis, eū familiāq; eius totā aqua saluari expiauerunt, tū mensa instru-
 cta ijs epulis quas ille pro tēpore parare potuit, unā cibū latī caperunt. Pri-
 ma aut luce per lictores custodi magistratus imperarunt, ut illos emitteret.
 Quod cū ille Paulo nūciasset, quæstus est quod cæsos se publicē, & homines
 Romanos indēnatos in uincula cōiecissent, quos clam emitterēt. Non ita fie-
 ri oportere, sed ipsi uenirēt & emitterent. Quod cū lictores principibus ciui-
 tatis

Atatis renūciassent, timore perculsi illi q̄ Romanos esse Paulum & Silam audirent, eos rogare cōeperunt, cum eos eduxissent, ut ex urbe discederent. Illi autem educti ē carcere, in Lydiam concesserunt: inde uisitis fratribus, cum eos consolati essent, profecti sunt. Cum autem peragratis Amphipoli & Apollonia, Thessalonicā, ubi Iudaeorum synagoga erat, uenissent, Paulus ter in hebdomada de scripturis cum eis disputabat, tota' que eius oratio in eo consumebatur, ut doceret Christum & perpeti mortem oportuisse, & à mortuis excitari: & **I E S V M** esse Christum, eum quem ipsis prädicaret. Nec uerò eius oratio inanis fuit. Nam ex Iudeis quidam crediderunt, Paulo' que ac Silae coniuncti sunt, & ex Gentibus permulti, & in his non paucae mulieres nobiles. Erat in ea urbe Iason quidam, qui Paulum & Silam domum suam acceperat. Quod cum Iudaei intellexissent, ij qui in falsa sua sententia permanerunt, adhibitis de uulgo uiris quibusdam facinorosis, orto tumultu ciuitatem concitauerunt, eo' que consilio domum Iasonis conuenerunt, ut cum eos inuenissent, populo producerent. Sed cum eos non inuenissent, Iasonem ipsum & quosdam Christi discipulos ad principes ciuitatis rapere & trahere cōeperunt, cum hoc clamore, Iasonem esse qui eos quos tenerent, & alios homines qui orbem concitarent, eo' que iam uenissent, hospitio exceperit. atq; eos omnes contra Caesaris decreta facere, cum regem alium **I E S V M** esse dicerent. Qua quidem sua oratione plebem principes' que ciuitatis concitauerunt. Cū uerò Iason, ceteri' que quos unā cum eo productos paulo antè dixi, causam dixissent, dimissi sunt, ac liberati. Christiani autem confestim noctu Paulum & Silam Berrhoeā miserunt: quò cum uenissent, in Iudaeorū conuentum introierūt, habitoq; de religione nostra cū eis multo sermone, permultos & Iudaeos & Gentiles tā uiros quā mulieres ad Christi fidem cultumq; traduxerunt. Quod cum Iudaei qui erant Thessalonicę, resciuissent, Berrhoeā

Buenientes, ita tumultibus urbē impleuerunt, ut Christiani statim Paulum, Timotheo Sila' que ibi remanentibus, coacti sint ad mare mittere. Sed ij qui eū deducebāt, ipsum Aethnas usq; persecuti sunt: quibus cū Paulus mandatum dedisset ad Silā & Timotheum, ut quam primum ad se uenirent, abierūt. Paulus autē cum eos Athenis expectaret, cerneretq; idololatrię deditam ciuitatem, animi agitatione inflammari impelliq; cōepit, ut de rebus ad religionem nostrā pertinentibus ibi disliceret. Quo factum est, ut & in synagoga cum Iudaeis & Christianis, & in foro quotidie cum eis qui confluebant, disputaret. Quidā autem Epicurei & Stoici cū eo disseriebant, multisq; de doctrina noua ex utraq; parte inter se collatis sermonibus, eum ad Ariopagum pertraxerūt, quo liberius quid ille de hac re tota sentiret, diceret. Ille uerò in medio Ariopagi stans, hæc liberè dixit: se illos omni ex parte superstitiones animaduertere, ppter ea quòd ipse cum illorū simulachra præteriret, atq; inspiceret, aram etiā inuenisset, in qua hoc inscriptū esset, Ignoto Deo: quasi quod ignoraret, coleret, atq; uenerarent. Quod igitur ignari colerent, id se eis enūciare. Deū enim, qui hāc uniuersitatē, eaq; omnia que cōplexu suo cōtinet, effecit, cū coeli terreq; sit Dominus, non in tēplis que manu opereq; hominum facta sint, habitare: nec manibus hominū colī, quasi aliquo egeat, cū ipse det omnibus uitam, spiritum, cetera' que omnia. Eundemq; fecisse, ut ex uno omne hominum genus uniuersam terram incolant, definito uitæ cursu, quem omnibus dederit, ut quærant Deum, si fortè ad eius notitiā perueniant, quanquam non multum ab unoquoque nostrū abest. Eius enim benignitate & uiuere nos, & moueri loco, & esse, quemadmodum quidā poeta illorum dixerit: Nā sumus & genus eius. Nos igitur cū genus Dei simus, eiusq; cognatione tenemur, nō debere existimare auro & argento aut lapidi, quem homo arte & cogitatione sua sculpsit, similem esse diuinitatem. Et temporā quidem huius ignorationis cum Deus detestatus sit antea semper, tum deniq; hominibus patefacere,

refacere, ut omnes ad ævitæ poeniteat, propterea quòd diem constituerit, in quo orbem iuste sit iudicaturus, eo iudice, quem esse decreverit, tradita omnibus fide, cum eum à mortuis excitasset. Cum autem mentionem resurrectionis fieri audissent, eorum partim irridere cœperunt, partim se de iisdem rebus Paulum iterum differentem audituros esse dixerunt. Sic Paulus è senatu dimissus est. Quidam tamen ei assensi sunt: in his Dionysius Ariopagita, & mulier nomine Damaris. Illis quidem temporibus Claudius Cæsar Iudæos omnes ex urbe Roma abire iusserat. In his Aquila quidam Iudæus, Ponticus genere, & Priscilla eius uxor, relicta Italia, Corinthum venerant. Paulus autem cum Athenis Corinthum contendisset, ad eos adiit, habitavitq; apud eos, quòd eiusdem artis essent, quæ in tabernaculis faciendis versatur, eiusq; artis unà cum eis opus agere solitus erat. Nec uerò arte illa impediabatur, quo minus in synagoga, præsertim sabbato, disputaret: daretq; operam, ut Iudæos & Græcos ad religionem cultumq; nostrum deduceret. Quod tamen & liberius & studiosius fecit, posteaquam Silas & Timotheus de Macedonia uenissent. Orationem autem omnem eò conferebat, ut Iudæis I E S V M Christum esse, testimonijs scripturæ persuaderet. Quod illi cum improbarent, atq; adeò insectarentur, excussit Paulus uestimenta sua, cum his uerbis: Peccata uestra in capita uestra redundabunt, nulla culpa mea. Iam ad Gentes me conferam. Hæc cum perorasset, migrans inde, domum cuiusdam, cui nomen Tito Iusto erat, qui Deum colebat, uenit. In ea, cum synagoge coniuncta esset, non destitit ea quæ religionis nostræ sunt, exponere: tantumq; profecit dicendo, ut & Crispus, qui princeps erat synagogæ, cum omni familia sua crediderit, & multi Corinthij etiam aqua salutari expiarentur. Noctu autem Dominus uisus est Paulum monere, ne timeret, libereq; loqueretur, propterea quòd cū ipso esset, neminem que ei malum daturum, quòd magnum hominum numerum in ea urbe haberet. Commoratus est autem ibi Paulus annum & sex menses, quòd tempus in docendo Dei uerbo consumpsit. Erat tum Achaia proconsul Gallio, ad cuius tribunal Iudæi Paulum adduxerunt: accusaruntq; quòd contra legem hominibus Deum colere suaderet. Quibus cum Paulus purgandi sui causa respondere uellet, Gallio uetuit, dixitq; Iudæis, eos se æquo animo audituros, si quod facinus proferrent: nunc, cum de legis eorum uerbis ac nominibus controuersia sit, ipsi uiderent: se enim earum rerum iudicem esse nolle. Ac Iudæi quidem tum Paulo omisso, toto impetu in Sosthenem ferri, eumq; in conspectu Gallionis cedere cœperunt: nec illi ea res curæ fuit. Paulus uerò, cum etiā multos dies illic fuisset, salutaris fratribus, in Syriam unà cum Aquila & Priscilla nauigauit, peruenitq; Ephesum: ibiq; illis relictis, ipse in Iudæorum concilium ueniens, cum eis disputauit. Cum que Epheso se discedere uelle diceret, eumq; Iudæi rogarent ut diutius cōmoraretur, nō concessit: sed cum rediturum se polliceretur, discessit: uenitq; Cæsaream, ubi salutatis Christianis, Antiochiam profectus est. quo in oppido cum aliquandiu commoratus esset, Galatiam Phrygiamq; obiuit, eo consilio, ut Christianos in fide confirmaret. Peragratibus autem superioribus regionibus, Ephesum rediit: ibiq; inuentis quibusdam discipulis, ab eis quæsiuit, num Spiritum sanctum credentes acceperint. Cumq; respondissent, se ne id quidē auditione acceperint, sic ne Spiritus sanctus omnino: rogare eos iterum cœpit, Cuius igitur nomine baptizati essent? Tum responderunt illi, Ioannis baptismo se esse expiatis. Paulus ad hæc addidit: Ioannem baptismo poenitiæ populū expiasse, eos monentem, ut in eum qui ipsum sequeretur, id est, in I E S V M, crederent. Tum omnes, qui erant duodecim numero, I E S V nomine baptizati sunt, uenitq; ad eos Spiritus sanctus, cum eis manus imposuisset: inde longius loqui, & prophetare cœperunt. His gestis, in synagogam uenit, libereq; per trimestre de regno Dei disseruit. Cum uerò nonnullos & obstinatē in sententiā permanere,

A here, & Christi disciplinam cultum que in conspectu multorum insectari animaduerneret, ab eis discessit, secretis que discipulis in tyranni cuiusdam schola quotidie disputabat. id que biennio perpetuum fuit, ita ut omnes qui Asiam incolebant, Iudaei atque Graeci, uerbum Domini audirent. Hinc Paulus mira quaedam opera & inusitata Christi nomine edidit. Nam cum & sudaria & semicinctia, quae corpus illius attigissent, egris adhibebantur, ijs etiam qui a demonibus torquebantur, statim morbi demonesque depellebantur. Quod cum septem filij Sceuae Iudaei, qui exorcistae habebantur, animaduertissent, experiri placuit, num idem facerent quod Paulum facere cernerent. Itaque IESV nomen in eis qui spiritus malos habebant, inuocabant, his uerbis: Adiuro uos per IESVM, quae Paulus praedicat. Demones autem cum respondissent, se & IESVM nosse, & Paulum, & illi qui essent, ignorare: homo in quo malus genius erat, statim in eos inuolauit, uimque eis intulit tantam, ut nudi acceptis uulneribus domo fugerent. Eiusque rei fama cum omnibus Iudaeis & Gentilibus qui erant Ephesi, percrebuisse, metu percussi omnes, IESVM laudibus in caelum extollere. Multi etiam eorum qui religioni nostrae nomen dederunt, ea quae egerant in uita, confitebantur. Fuerunt etiam plerique eorum qui rebus studiisque quibusdam curiosius dediti erant, qui libros in conspectu omnium combusserunt, tanta copia, ut cum rationem haberent precij, denarium quinquaginta milia inuenirent. His ita gestis, numine diuino Paulus afflatus, Hierosolymam, Macedonia et Achaia peragratis, ire decreuerat: quod intelligeret, cum eo uenisset, sibi Romam esse proficiscendum. Tum uero Ephesi ingens motus ob Christi disciplinam ortus est. Demetrius enim quidam, qui argentariam faciebat, fingendis aedibus ex argento Dianae, opificibus atque operis magno quaestui erat: quem cum Pauli doctrina tolli intelligeret, eos conuocauit, atque in Paulum nostrosque homines concitauit, his uerbis: Eos scire dixit, quanto ipsi atque sibi haec ars quaestui semper fuerit: spectare etiam atque audire, a Paulo non solum Ephesi, sed penes tota Asia ingentem hominum multitudinem ab ea religione reuocari, quippe qui doceat deos non esse, qui manu opereque hominum fiant. Quod si eos quaestus tantus qui eis eriperetur, criminique daretur, non moueret, uel Dianae templum, quod isto pacto contemneretur, eiusque religio ac maiestas, quam tota Asia & orbis coleret, cuius tollendae fundamenta iacerentur, moueret. Qua Demetrii oratione, tanta iracundia illorum animi exarserunt, ut clarissima uoce clamarent: Magna Diana Ephesiorum. Hinc totam urbem tumultus occupauit: impetuque facto communi consensu omnes Caium & Aristarchum Macedones, Pauli comites, in theatrum uel perduxerunt. Paulus autem cum ad populum prodire uellet, non passi sunt discipuli. Nonnulli etiam de Asiae principibus, qui cum eo amicitia coniuncti erant, miserunt, qui eum rogarent, ne in theatrum prodiret. Alij autem aliud sentiebant. Erat enim in magna perturbatione ecclesia, & plerique quam ob causam conuenissent, nesciebant. Alexander de turba protrahitur. Ille silentio postulato, rationem reddere nitetur. cognitus uero Iudaeus esse, clamare tum coeperunt omnes: Magna Diana Ephesiorum. Scriba autem urbis sedato tumultu, nostros ita defendit, quasi in Dianam illi nihil dicerent: alijsque iactatis sermonibus, qui ad sedandos populi animos pertinerent, concionem dimisit. Motu sedato, discipulos Paulus cohortandi causa conuocauit: quos cum ad extremum salutasset, in Macedonia profectus est. quam ille prouinciā peragrans, discipulos multo sermone cohortari nullo loco destitit. Venit inde in Graeciam, in qua cum menses tres commoratus esset, constitueret que in Syriam nauigare, insidiae illi a Iudeis factae sunt. itaque mutato consilio, per Macedonia rediit. Comites ei se itineris praebuerunt, Solipater Pyrrhi Berrhoensis filius, Thessalonicensium Aristarchus secundus, Caius Derbeus, & Timotheus, Asiani Tychicus & Trophimus. His praemis Troadem, Lucam unum secum habuit: qui cum Philippis quin-

to die Troadem nauigio peruenit, qua in urbe dies septem omnes cōmorati
 sunt: eorum autem extremo quem Dominicum dicimus (unum enim sabbati
 diem hunc Lucas intelligit) cum cibi capiendi causa omnes cōuenissent, Pau-
 lus postero die profecturus cū eis disputabat: cum que sermonem in multam
 noctē produceret, adolescens quidā, cui nomē Eutycho erat, oppressus som-
 no, de tertiā contignatione decidit, sublatus que est mortuus. Ad quem Pau-
 lus descendens, medium complexus, circūstantes ne conturbarentur, admo-
 nuit. animum enim eius in ipso esse. Certus ille de salute adolescentis, rediit
 in cubiculum, ubi cum gustato cibo usque ad lucem sermonem protraxisset, pu-
 erum uiuū lati adduxerunt, cū iam ille discessisset. Lucas autem ac cāteri co-
 mites itineris, conscendentes nauem, in Asson nauigauerunt, ut ibi eum qui
 terra iter faciebat, reciperent. Sic enim illis se uelle facere dixerat. Paulus ibi
 conscensa naui, recto cursu Mytilenen cū eis cōtendit. postera die ē regione
 insule que Chiūs dicitur, applicuerūt, sequenti Samū, postridie Myletū, quod
 ipse Ephesum preterire decreuisset, ne qua mora ei in Asia afferretur, quo mi-
 nus Hierosolymā ante Pentecostes diē peruenire posset. Itaque Myleto mit-
 tēs Ephesum, maiores natu ecclesiæ accersiuīt. qui cum ad eum conuenissent,
 hac ad eos oratione usus est: Scire eos, ac tenere optimē, se, ex quo primū die
 in Asia fuisset, Domino ministrasse, ac paruissē semper cum omni animi de-
 missionē ac lachrymis: scire etiam, quibus a ludæis insidijs malis que circum-
 uentus sit, nullumque ab ipso pretermissum tempus esse, quo nō liberē diligen-
 terque publicē priuatim que eos docuerit, quæ ad religionem Christianam per-
 tinerēt: testimonijsque scripturæ Iudæis ac Gētilibus penitentia scelerum quæ
 in Deū admisissent, & in Dominum nostrū IESVM Christū, fidem suaserit,
 cū interea nihil de ipsorum facultatib. abstulisset. Tū uerō Spiritu uinctū se Hie-
 rosolymā petere, ubi quid sibi euenturū sit ignoraret: nisi quod Spiritus san-
 ctus ubique indicet, eū illic uincula & cruciatus manere. Sed tamen se nihil ho-
 rū omniū extimescere, nec uitā suā pluris quā se ipsum facere, dū modō eū
 uitę cursum, qui ipsi a Deo datus esset, cōficeret, idque munus docendī euāge-
 lii quod a Domino accepisset, exequi pro dignitate posset. Exploratū sibi es-
 se, se nunquā postea a quoque eorum uisum iri, quos adisset. Itaque testari eis, cui
 pæ nulli se affinē esse: quippe cū omne Dei consiliū eis exposuerit, a quo nul-
 la pœna proposita, nullis supplicijs potuerit retardari: sibi uniuersoque gregi
 cōsulerent, cui eos Spiritus sanctus episcopos prefecisset, Dei ecclesię, quā ille
 sanguine suo quasisset, gubernandę gratia. Scire se, lupos rapaces impetū factu-
 ros esse in gregē post discessum suū, et ex ipsis uiros pedituros qui improba o-
 ratione discipulos ad se conarentur abducere. Proinde uigilarēt, memoriaque re-
 nerēt, ipsum nullū finem eos per triennium cū lachrymis monendī fecisse. Se
 eos Deo & uerbo gratię eius cōmendare, qui edificare sanctificatos oēs, eisque
 hereditatē dare posset. Argentū & aurum, aut uestem nullius se concupisse,
 eiusque rei eos se testes habere, cū ad ea paranda que ipsi ad cultū uictumque ne-
 cessaria fuerint, corporis labor suffecerit: eos se docuisse, labore & opere qua-
 sitis opibus egētibus atque egris subuenire oportere, memores uerbi illius Do-
 mini IESV: Beatius esse dare, quā accipere. Quę cū dixisset, positīs genu-
 bus orauit cū omniū. Tū uerō magnus omniū fletus secutus est, incidentes-
 que in illius collū, osculum ei ferre cœperūt: nec aliud maiorem dolorē eis at-
 tulit, quā quod se nunquā postea a quoquā ipsorum uisum iri dixerat. Dedu-
 xerūt eum ad nauē, qua cōscensa ipse & comites recto cursu Coum, postridie
 Rhodū, inde Pataram uenerūt. Inuenta autem nauī que in Phoenicē contē-
 deret, nauigarunt in Syriam, Tyrum que applicuerunt, quod ibi nauis onus
 expositura esset. Hic cum discipulos offendisset, qui ei afflatu diuino commo-
 ti, prohibebant ne Hierosolymam adiret, septem dies commoratus est: qui-
 bus expletis, Tyro Ptolemaidā uenit, qua in urbe salutatīs fratribus, diē unum
 cum

A cum eis fuit: insequenti Cæsaream cum uenisset, Philippum euangelistā qui in septem diaconis erat, adiit, & apud eum cum comitibus habitauit. Ibi iam aliquot dies commorati erant, cum uir quidam ex Iudæa, propheta, aduenit, Agabus nomine. Is cum ad eos uenisset, detracta Pauli zona, pedes & manus alligauit, dixitque, Spiritum sanctum hoc prædicere, & antè denunciare: Virum cuius illa zona esset, ita Hierosolymæ à Iudæis uinctum, dedendum esse Gentibus. Quod cum Pauli comites & loci incolæ audiuisent, eū rogare omnes cœperunt, ne Hierosolymam proficisceretur. Ille autem eis ita obiurgatis, ut fletu illorum animum suū excruciari fateretur, se non solum uinci, sed etiam mori Hierosolymæ Christi causa & nomine paratum esse dixit. Itaque illi cum eum se de sententia deducere posse diffiderent, ita suadere destiterunt, ut eius rei euentum diuinæ uoluntati permitterent. Hierosolymam cum uenisset, nostræ religionis homines libenter eum cū comitibus exceperunt. Postridie unā cū eis ad Iacobū apostolum, qui Hierosolymæ episcopus præerat, uenit: quò cū seniores omnes conuenissent, primū ipse singillatim eis omnia exposuit, quæ Deus apud Gētes ipso ministro adhibito effecisset. deinde illi cum Deū summis laudibus ornaissent, dixerūt: Eum, quāta Iudæorū multitudo ad Christi fidem deducta esset, uidere. Eos autem omnes qui legi Mosaicæ parēdum censerent, auditione accepisse, ipsum quocunque ueniret, ubi Iudæi inter alias nationes uiuerent, hoc docere, discedendum esse à lege Mosaica, nec Iudæis circūcidendos esse filios, nec illam iam in templum eo more quem lex illa præscriberet, ingrediendi esse necessitatem. Itaque se illi auctores esse, ut quoniam multitudinē necesse esset conuenire, se ipse cū alijs quatuor qui uouissent, expiaret, caputque raderet. Sic enim fore, ut quæ de illo audissent, falsa esse comperirent. Se autem scripsisse de ijs qui ex Gentibus religioni nostræ nomen dedissent, ut se deinceps ab escis, quæ idolis immolatae essent, sanguine strangulatorū animalium, & fornicatione stuproque abstinerent. Paulus postero die adiunctis illis quatuor, expiatus in tēplum cū eis uenit, ostenditque expiationis tempus esse quoad pro unoquoque eorū hostia immolaretur. Dū autem hæc agunt, expleunturque dies septem, Iudæi Asiāni cum Paulū in templo animaduertissent, omnem in eum populū concitauerunt, iniectisque manibus ut eum cōprehenderent, admonere & rogare cœperunt circumstantes, ut se in cōprehendendo eo homine adiuuaret: qui cū ubique omnes ea doceret, quæ & ad populi, Senatusque Iudæorum, & legis, & templi perniciem, exitiumque Pertinerent: tum uerò prophanos homines in templum adduxisset, sanctumque locum uiolasset, Trochimū eum Ephesinum, quem cum illo in urbe uiderant, ab illo in templum introductum existimabant. Motus hinc tota urbe ortus est tantus, ut omnes eò concurrerent. Quòd si tribuno, qui tū in urbe erat, nunciatus tumultus non fuisset, periculum fuisset, ne à populo tumultuante discerperetur. Sed ita tulit diuinum consilium, ut dum cōprehensum & extractum extra templum interficere cogitant, tribunus cum centurionibus & militibus interueniret, cuius primus aduentus non furorē aut inuidiā populi sedauit, sed finē cēdēdi eius attulit. Is sedato ut dixi tumultu, cōprehensum Paulū, catenis duabus uinciri iussit. Cumque rogaret, quis nam esset, quidque fecisset, alijque aliud in turba clamarent, sic ut nihil certi præ tumultu posset cognoscere, ut in castra duceret, imperauit. Secuta est eū multitudo populi uociferantis, ut de medio tolleret. tantaque uis orta est, ut à militibus cū ad gradus uentū esset, portari cogeretur. Paulus uerò cū in castra duci cœpisset, tribunū rogauit, num cum eo paucis agere liceret? Ille, cum quæsiuisset, Græce ne sciret, & nū is esset Aegyptius qui paucis antè diebus tumultū cōcitauisset, eduxissetque in solitudines quatuor millia sicariorū: Paulus se Iudæū, Tharso, quod Ciliciæ non ignotū oppidū esset, natum, esse respondit. rogare aut illū se, ut ad populum sibi uerba facere liceret, Quod cum ille permisisset,

Paulus ē gradibus, Hebraicē (quod maioris silentij causa fuit) cum eos admo-
nuisset, ut quam ipse rationē apud illos redderet, audirent, ita locutus est: se lu-
dæum esse, Tharsi Cilicię natum, educatū Hierosolymę, ad Gamalielis pedes
eruditum patrijs legibus, quarū non secus atq; illi omnes tū essent, ita propu-
gnator extitisset, ut Christianam disciplinā hostili animo ad mortem infecta-
retur, uinciendis tradendisq; in custodias uiris & mulieribus qui eam sectam
sequerentur. Quorum omnium se habere testes, dicebat, Pōtificem omnesq;
maiores natu: a quibus acceptis ad fratres epistolis, cum Damascum iret, ut in
de uinctos & nexos Hierosolymā supplicij causa abduceret, accidisse in ipso
itinere, cū iam Damascus in propinquo esset, ut meridie subitō lumine cōele-
sti circūfunderetur, cadensq; ex equo, audiret uocem quasi obiurgantis, cur
ipsum persequeretur. cumq; rogasset, quis nam esset, & quid ipsi imperaret: il-
lum respondisse, IESUS NAZARENUS se esse, quem persequeretur: Dama-
scum autē iret, ubi planē, quid ei faciendū esset, cognosceret. Cum uerō prae-
splendore lucis despicere non posset, manu a comitibus Damascum se esse de-
ductum. Ananiam uerō quendā, qui Iudæorum omniū Damascenorum te-
stimonio legis erat obseruantissimus, ad eū uenisse, ac dixisse ut cerneret, eo-
demq; puncto tēporis se illud uidisse. Eundem tū eo usum sermone esse, ut di-
ceret, ipsum Diuina providentia delectū esse, ut eius uoluntatē cognosceret,
essetq; testis apud omnes homines eorum omniū quæ uidisset & audisset. Ita-
que aqua saluari expiaretur, ipsiusq; peccata appellato inuocatoq; illius no-
mine eluerentur. Redeunti autē sibi Hierosolymam, atq; oranti, uisum illum
esse dicentē: Abiret ipse citō Hierosolyma, quod eius de ipso testimoniū non
probaurent. Se uerō respondisse, eos ipsum scire solitū in uincula conijcere, &
pulsare eos qui ei crederent: seq; tū, cum Stephani illius testis sanguis effunde-
retur interfuisse, atq; factum coram Deo, qui illū interficerent, approbasse, cū
uestes eorum asseruaret. Christum tum præcepisse, ut irent procul ad exter-
nas nationes. Attentē eum ad hanc orationem omnes audierant, cū statim uo-
ce sublata dicere cōeperūt: Tolle istum de medio, neq; enim fas est eū uiuere.
Secutus est hinc clamor maximus, uestimenta sua proijciētium, pulueremq;
iactantiū in aera. Quod cū tribunus animaduertisset, duci eū in castra iussit,
& uirgis cæsum torqueri, ut sciret quamobrem tanto clamore ei ostreperent.
Iam præceptis tribuni milites obtemperare parati erant, cum Centurionem
qui aderat Paulus rogauit, num hominē Romanum indicta causa & indem-
natum illis uirgis cædi liceret. Centurio statim tribunum admonuit, etiā atq;
etiam uideret, quid faceret. Eum enim hominem, quem uerberari iussisset, ci-
uem esse Romanum. Accedens autem tribunus, eū rogauit, num Romanus
esset: quod cum ille annuisset: Ego, inquit, magna ui pecunię hoc ius ciuitatis
adeptus sum. Ego uerō, Paulus inquit, & natus ciuis sum. Ita ab ea pœna Pau-
lus liberatus est, & tribunus magno in metu fuit, cum eum ciuem Romanum
esse resciuisset. Postero die soluit eum, conuocatis que sacerdotibus, omniq;
populo, eum produxit: quo diligentius comperiret, quam ob causam a lu-
dæis accusaretur. Ipse in eos qui conuenerant coniectis oculis, ita uerba fe-
cit: Se ad eum diem semper bona fide in oculis iudicio que Dei uixisse. Hoc
uēbū pontifex Ananias molestē acerbēq; ferens, eis qui circūstabant præce-
pit, ut ei colaphos infringerent. Paulus uerō hac ad eū oratione usus est: Per-
cutiet te Deus, paries dealbate: qui cū sedens lege me iudices, tamen cōtra le-
gem os meū tundi iubeas. Qui aderant, Paulū obiurgare, quod summum Dei
sacerdotē maledictis lacefferet. Ille uerō nescire se dixit: eū principē sacerdotū
esse. Scriptū enim esse: Principi populi tui ne maledicito. Tum Paulus, qui ibi
partem unā eorum qui aderant, Saduceorū, alteram Phariseorum esse, intelli-
geret, clamare in concilio cōepit: Phariseum se esse, Phariseiq; filium, in iudi-
cium adductū se, quod spem & uitā mortuorū poneret ac defenderet. Statim

A orta est inter Phariseos & Saduceos dissensio tanta, ut dimissa multitudine; quidam Pharisei, nihil se facinoris aut sceleris in eo comperisse, pugnaciter diceret. Quid, inquit, si spiritus aut angelus cum eo collocutus est? Tribunus, qui timeret ne Paulus in turba discerperetur, militibus imperauit, ut eum de medio raptum in castra ducerent. Proxima nocte eum Deus uisus est admonere, ut bono fortique animo esset. Sicut enim Hierosolymae ipsius propugnator & defensor fuisset, sic fore ut Romae etiam existeret. Ut autem illuxit, non nulli Iudaei plures quadraginta, inito consilio, uouerunt se nihil cibi & potionis capturos, quoad Paulum interfecissent. Quam quidem coniurationem suam pontifici ac senioribus exposuerunt: admonueruntque eos, ut peterent a tribuno, ut Paulum ad illos produceret, eamque fraudem ita tegerent, quasi aliquid de eo certius comperturi essent: se uero, prius quam ille appropinquaret, eum paratos esse interficere. Pauli sororis filius cum insidias quae auunculo pararentur, intellexisset, uenit ad eum in castra, ei que indicauit. Ille accersito Centurione, eum rogauit multis uerbis, ut adolescentem ad tribunum ducendum curaret: habere enim eum aliquid quod ei nunciet. Adolescentem tribunus cum remotis arbitris rogaret, quid nam indicare sibi uellet, constituisse dixit Iudaeos, ipsum rogare, ut postero die Paulum in concilium produceret, quasi certius aliquid in eum inquisituri essent. Quod uideret ne faceret, propterea quod essent plures quadraginta ex eis, qui coiuressent se ex insidijs Paulum esse interfecuturos, & uouissent se nihil capturos cibi ante quam hoc scelere se contaminassent. Tribunus dimisso ita adolescente, ut uertaret ne cui se cum illo de ea re locutum fuisse diceret, duos centuriones accersiri iussit, quibus imperauit, ut milites ducentos, equites septuaginta, lanceariosque ducentos compararent, & iumenta, in quae impositum Paulum tertia noctis hora saluum & incolumem ad Festum praesidem Caesaream perducerent. eisque ad illum epistolam dedit, cuius haec sententia est: Claudius Lysias Felici optimo praesidi, Salutem. Virum, quem ad te mitto, a Iudaeis comprehensum, tum cum iam interficeretur, aduentu meo, militum opera uix saluum e manibus eorum eripui, cum Romanum eum esse comperissem. Cum uero scire cupiens quid ei obijcerent, illum in concilium eorum produxissem, ei tantum obijci comperi, quae ad legem eorum pertinerent, quorum nihil morte aut uinculis dignum esset. Quoniam autem intellexi, ex eis esse qui illum ex insidijs necare constituissent, eum ad te misi, ut accusatores apud te agant, si quid in eum uelint dicere. Vale. Milites noctu Paulum, Antipatridem duxerunt: postridie uero equites eum Caesaream ad Felicem perduxerunt, cum ceteri in castra reuertissent. Reddunt etiam illi epistolam, quam cum perlegisset, Paulum, cuius esset prouinciae, rogauit. Cumque Cilicem eum esse cognouisset, eum se auditurum esse dixit, cum accusatores in eum uenissent. interim in Herodis praetorio custodiri eum iussit. Quinto autem die, Ananias pontifex, cum quibusdam maioribus natu, & Tertullo quodam oratore Caesaream uenit, omnesque Felicem adierunt: citatoque Paulo, eum Tertullus accusare coepit his uerbis: Maximas tibi gratias agimus optime Felix, quod & benignitate ac uirtute tua in pace, omni compresso tumultu, belloque, uiuimus: & pro incredibili tua sapientia, multa quae superiores praetores quibus successisti, neglexerant, correctione adhibita feliciter geruntur. Sed ne te longa oratione traham, a te peto maiorem in modum, ut nos breuiter dicentes benigne attentemque audias. Non ignotam tibi esse arbitror sectam Nazaraeorum, qui nouis quibusdam religionibus institutisque, omnium hominum mentes contra leges imbuunt & inficiunt. Eius principem cum pestiferum istum inuenissemus, qui & omnibus Iudaeis in uniuerso orbe seditionis auctor esset, & templum uiolare ac

polluere uoluisset, comprehensum ex lege nostra iudicare decreuimus. Sed tribunus Lysias, uí magna eum eripuit, iussitq; eius accusatores ad te uenire: ex quo tu facile poteris ea crimina cognoscere, quorum causa eum in iudicium adduximus. Iudæi tum uera esse quæ Tertullus diceret, asseuerarunt. Paulus uerò, cum Felix potestatem dicendi fecisset, ita respondit: Scio ego, te, optime Felix, iampridem iudicem datum esse Iudæis: quæ me causa impellit, ut bono animo, magnaq; spe fretus, nunc pro me ipse respondeam. Intelligere enim potuisti, dies esse non plus quindecim, cum Hierosolymam in templum religionis causa adij. Isti autem nec ibi me cum aliquo disputantem, aut seditionem mouentem, nec in urbe ipsa, nec in synagogis inuenerunt: nec uerò ea quæ mihi obijciunt, probare possunt. Hoc autem fateor, me in disciplina quam sectam uocant, sic patrium Deum meum colere, ut & ea omnia quæ in lege ac prophetis scripta sunt, uera esse credam: & eam quam etiam illi expectant, bonorum ac malorum resurrectionem fore confidam. in quo ipse etiam studeo ita me gere re, ut nemini, quod sciam, materiam occasionemq; peccandi præbeam: ab ea que suspicione, Deo teste, sum liberrimus. Multis autem annis post Hierosolymam ueni, ut egentibus pro facultatibus subuenirem, Deoq; offerrem quæ uouissem: quæ in templo facientem me cum offendissent Iudæi, non tumultum turbamq; concitantem, ut isti uolunt, comprehenderunt, clamantes uoce maxima, Tolle inimicum nostrum. In ijs quidam erant ex Asia Iudei, quos adesse hic oportuit. & accusare si quid haberent, quod criminofum in me putarent. Dicant uerò nunchi ipsi quo in flagitio, me deprehenderint, nisi quòd hac oratione usus sum, cum in iudicium ob resurrectionem mortuorum adductum me esse clamarem. Hæc cum ex utraque parte dicta essent, Iudæorum querimoniam in illud tempus reiecit, cum Lysias tribunus uenisset: Paulum autem interim Centurioni ita custodiendum tradidit, ut & in pace eum esse uellet, & neminem de suis ei ministrare quæ opus essent, prohiberet. Interiectis aliquot diebus, Felix cum Drusilla uxore sua, quæ Iudæa erat, ueniens, Paulum accersiuít, audiuitq; eum de Christi fide & religione disserentem. Cumq; protracto, ut fit, sermone, de iustitia, de castimonia, iudicioq; futuro diceret, tremore correptus Felix, Paulum dimisit: eiq; dixit, se eum euocaturum, cum opus esset: eumq; sæpe etiam postea accersiuít, quòd se ab illo pecuniam accepturum esse speraret. Biennio autem post, Felici Porcius Festus successit, eiq; uinctum Paulum reliquit, ut à Iudæis gratiam iniret. Festus tertio quum in prouinciam uenisset die, Hierosolymam Cæsarea profectus est: quòd cum primum pontifices ac primi Iudæorum rescuiissent, illum adierunt, rogantq; ut Paulum, in quem infesto animo uenissent, Hierosolymam perducere iuberet: id quæ fecerunt, ut in uia ex insidijs eum opprimerent, ac necarent. Festus autem Paulum Cæsareæ custodiri dixit, quam ad urbem cum propediem rediturus esset, si qui ex eis unà proficisci uellent, uenirent & accusarent, si quòd in homine crimen esse existimarent. Ipse cum Hierosolymam non amplius dies octo aut decem commoratus, Cæsaream ut uenit, postridie pro tribunali sedens, Paulum ad se adduci iussit. Iudæi, qui Hierosolyma uenerant, eum, cum productus esset, circumsteterunt, multaq; & grauià ei crimina obijcere cœperunt, quæ probare non poterant: cum Paulus uerbo tantum, se legem Iudæorum, aut templum uiolasse, aut quicquam contra Cæsaris maiestatem fecisse pernegaret. Tum Festus, qui Iudæis gratificari uellet, cum à Paulo quaesiuisset, num Hierosolymam ire, & illic de ijs ipsis criminibus apud ipsum iudicari uellet: Paulus se ad Cæsaris tribunal, ubi iudicandus esset, stare dixit, Iudæis se nullo loco iniuriam intulisse, quòd ipse melius sciret. Si quis eos læsit, aut crimen capitis admisit, se, quo minus morte mulctetur, minimè recusare. Sin nihil est eorum quæ in ipsum conferrent, neminem esse qui eum illorum libidini posset dedere. Itaque ad Cæsarem, inquit,

A inquit, prouoco. Tum Festus de consilij sententia, Ad Cæsarem, inquit, prouocasti, ad Cæsara ibis. aliquot diebus post, Agrippa rex & Berenice Cæsaream Festi salutandi causa uenerunt. qua in urbe cum multos dies commorarentur, cum eis de Paulo sermonem Festus instituit, eaq; omnia eis exposuit, quæ paulo antè gesta & dicta esse dixi. Quæ cum Festus omnia commemorasset, Agrippa hominem se uelle audire dixit, quod futurum postridie ille promisit. Postero die Agrippa & Berenice cum tribunis et primis uiris ciuitatis conuenerunt: quos ut uidit Festus, produci Paulum iussit. Eo producto, Festus dixit: Eum hominem quem Agrippa & ceteri cernerent, à ludæis eius modi criminibus circunuentum esse, quæ si uera essent, ipse continuo summo supplicio afficiendus esset: quemadmodum etiam Iudæi ipsi, cum ipse Hierosolymæ esset, contenderant. Se uerò nullum crimen capitis in eo comperisse. Quoniam autem Romam eum ad Cæsarem, ad quem prouocauisset, mittendum censeret, nihilq; certum haberet, quod de illo Domino scriberet, se iussisse eum ad illos, & maxime ad Agrippam produci, ut cum eum pro se dicentem audiuisset, ipse haberet quod scriberet. Cum Agrippa Paulo potestatem dicendi factam esse dixisset: tum Paulus beatum se primum dixit, quòd apud eum esset uerba factururus, qui omnem Iudæorum disciplinam, omnia que instituta, omnes que consuetudines teneret: deinde ea omnia exposuit, quæ ab illo commemorata esse, antè dixi, de Iudæorum inuidia, initio longè petito ab eo tempore, cum primum à Christo è cælo uocatus est, eoq; superiore, cum legi Mosaicæ parendum esse censeret. Hæc cum Paulus diceret, Festus magna uoce insanire Paulum dixit, eumq; ad insaniam adigere multas literas, quibus esset præditus. Paulus insanire se negauit, sed uerba ueritatis prudentieq; plena dixit fundere. Scire enim hæc omnia regem, apud quem uerba faceret. Tum Agrippam rogauit, num prophetis fidem haberet: Scire etiam se dixit, eum fidem habere. cum ille: Paucis, inquit, persuades ut sim Christianus. & Paulus: Oro, inquit, Deū, & paucis & pluribus, ut non tu modò, uerū etiam hi omnes qui audiunt, tales euadant, qualis sum ego, exceptis his uinculis. Surrexerūt tum rex, prætor, Berenice, & qui cum eis confederāt: cumq; recessissent, hæc inter se de Paulo iactabant, eū nihil morte aut uinculis dignū fecisse. ac præterea Agrippa Festo, eum dimitti potuisse dixit, nisi ad Cæsarem prouocasset. Cum autem nauigationi dies constitutus esset, ut Romā ad Cæsare iret Paulus, cuidā Cæturioni, Iulio nomine, cohortis Augustæ, unā cum aliquot alijs uinctis traditus est. Consensa naue Adramyttina, cū essent omnes in Asiā nauigaturi, soluerunt. Postero die Siodnem applicuerunt. Iulius, qui Paulū humanè haberet, eum ad amicos adire permisit, ab eisq; curari. Hinc soluentes, Cyprum, propterea quòd aduersis uentis uli sunt, tenere nō potuerūt. Itaq; ab ea repulsi, mare Ciciliæ & Pamphylæ præteruecti, Myram Lyciæ oppidum deueniunt: ubi cum centurio nauem Alexadrinam offendisset, quæ in Italiam nauigaret, in eam omnes imposuit. Cumq; satis multis diebus tarda nauigatione uix ad Cnidum, quòd uentus non sineret, peruenissent, Cretā per Salmonem præternauigarunt: quā cum uix tenuissent, uenerunt in quendam locum, qui Boni portus dicitur, cui finitima erat Thalassa urbs. Cum uerò multum iam tempus peractum esset, nec tuta esset iam nauigatio, propterea quòd ieiunij iam tempus præterisset, omnes qui aderant Paulus admonebat, uidere se nauigationem futuram cum magno periculo, non solū oneris et nauis, sed etiā uitæ omnium. Cæturio porrò maiorem fidem gubernatori et nauiclero, quàm Pauli uerbis habebat. & portus ille minimè ad hyemandum aptus erat. Quod cum multi animaduertent, auctores fuerunt ut illinc naues subducerentur, ut Phœnicem Cretæ portum, qui Africū & Chorum spectat, hyemadi causa possent appellere. Sed Austro flante, cum ex animi sententia nauigationem successisse sibi existimarent, cum Asso soluentes, Cretam applicarent,

plicarent, uentus Typhonicus, qui Euroaquilo uocatur, non ita multo post nauem agitauit & impulit: quæ cum correpta, non posset impetum uimque uentis sustinere, ei omnes cum celsissent, huc atque illuc agitabantur. in paruaque insula quæ Clauda uocatur, tempestate delati, uix scapham tenere potuerunt: qua conscensa, subsidio usi sunt, deligata naue, ueriti ne in Syrtim inciderent, soluta naue ita agitabantur. Cumque uis magna tempestatis agitentur, postero die iacturam fecerunt: sequenti, suis manibus nauis suppellectilem proiecerunt. Cumque nec sol, nec astra multis diebus se eis ostenderent, tempestatisque uis magna impenderet, sublata eis erat in posterum spes omnis salutis. Tum Paulus in medium omnium procedens: Si me, inquit, audiuissetis, à Creta minime soluissetis, omniaque hæc quæ amisistis haberetis. Sed uos nunc hortor, & moneo, ut bono animo sitis. Neque enim cuiusquam uestrum uita amittetur, sed nauis tantummodo. Visus est mihi superiore nocte angelus Dei, cuius sum, quemque colo, dicere, ne timerem. Caesari me sisti oportere, Deumque mihi omnes qui una mecum nauigarent dedisse. Itaque bono animo este. Diuina enim benignitate fretus, ita fore credo, ut mihi prædictum est. nos in quandam insulam peruenturi sumus. Ut autem quartadecima nox fuit, cum omnes intempesta nocte in mari Adriatico huc atque illuc iactarentur, suspicabantur nauem aliquem sibi locum ostendi: depressoque bolide, passus uiginti abesse comperrunt. paruoque interuallo progressi, iacto rursus bolide, quindecim passus inuenierunt. Cumque uererentur, ne in loca salebrosa inciderent, iactis ex puppi ancoris quatuor, optabant ut lucefceret. Iidem cum ex nauis effugere constituerent, demersa in mare scapha, quasi ancoras à prora expasuri essent: tum Paulus Centurionem ac milites comonefecit, nisi illi in nauis manerent, eos saluos esse non posse. Itaque milites statim scaphæ funibus diruptis, eam in mare demergi siuerunt. Dñ uero dies expectatur, hortabatur omnes Paulus, ut cibum caperent, quod ad eorum salutem hoc pertineret. Neminemque, dicebat, crinem capitis amissurum. Quæ cum dixisset, & ipse, & ceteri iam meliore spe freti cibum unum caperunt. Erant autem in ea nauis ducenti septuaginta sex. Capto cibo, triticum in mare abiecerunt, itaque nauem exonerarunt. Cum uero illuxisset, nec terram cognoscerent, animaduertunt sinum quendam, qui littus habebat, in quem constituebant, si possent, nauem expellere. Itaque sublatiis ancoris, mari se committebant: laxatisque gubernaculorum funibus, passisque uento uelis ad littus contendebant. Sed cum in locum qui utraque ex parte mari cingitur incidissent, nauis ita impeditur, ut prora fixa immobilis staret, puppis uero undarum fluctuumque uis ageretur. Quod cum milites animaduertenterent, hoc consilij caperunt, ut uinctos trucidarent, ne quis nando euaderet. Sed Centurio, qui Paulum seruare uellet, eorum tale consilium impediuit: iussitque eos qui nandi periti erant, primos ad terram egredi, ceteros partim in tabulatis, partim in aliquo eorum quæ è nauis portari poterant. Ita factum est, ut omnes ad terram salui exierint. Seruati tum denique cognouerunt, Meliten eam insulam nuncupari. Barbari uero magnam omnibus humanitatem ostenderunt. Omnes enim excitato igne, propter imbrem qui impendebat, & frigus, adhibuerunt. Cum uero Paulus sanctorum magnam uim quam collegisset, in ignem coniecisset, uisera è calore egredientes, manum eius arripuit: quam ut Barbari è manu illius pendentem uiderunt, inter se dicebant, plane illum cæde se contaminasse, qui cum è mari seruatus esset, eum tamen diuina iustitia non sineret uiuere. At ille quidem excussa in ignem bestia, nihil mali sensit omnino. Barbari autem expectabant, dum tumor eum corripere, aut repente mortuus caderet. Quod cum illi diu frustra expectassent, mutata sententia, eum Deum esse dixerunt. Erat tum Publius quidam, primus eius insulæ. Is Paulum unum cum socijs in agro suo triduo perhumane habuit. quo quidem tempore Publij pater è febre ac dysenteria laborans decubebat: ad quem cum Paulus accessisset, eum precibus, manuumque impositio-
 ne cura-

A ne curauit. Hinc ceteri qui ægrotabant in insula, cum ad eum adhæsissent, curati sunt. Itaque magnos ei ac socijs honores officiaque detulerunt, quoad in insula comorati sunt: & cum soluerent, ea quæ ad uictum pertinebant, præbuerunt. Post trimestre, in nauem conscenderunt Alexandrinam, quæ in insula hyemauerat, soluētesque Syracusas tenuerunt: quæ in urbe cum triduum comorati essent, Rhegiū, inde Puteolos biduo uenerunt: ubi cum nostræ religionis homines inuenissēt, eorū rogatu, apud illos septē dies comorati sunt. ita Romam peruenērūt. Quod cum Christiani, qui Romæ erāt, audirent, obuiam eis usque ad forum Appij & Tres tabernas prodierunt: quos cum uidisset Paulus, gratias Deo egit, melioreque animo fuit. Romam cum uenissent, uinctos Centurio prefecto reliquos tradidit: Paulo uero permisit, ut solus cum milite qui eum custodiebat, habitaret. Tertio quam uenissent die, primos Iudæorum Paulus accersiuīt, quibus exposuit ea omnia quæ ipsi Hierosolymæ accidissent: se, cum patris legibus institutisque pareret & obtemperaret, Romanis deditū esse: qui cum in ipsum inquisissent, nec poena capitis dignum quicquam fecisse comperirent, uellentque dimittere, Iudæos intercessisse: ita coactum se, ad Cæsarem prouocasse, non quod gentem suam ipse ulla in re accusare posset. Eos se ob eam causam accersisse, ut ipsos uideret & conueniret. Se enim, catena ea quam cernerent, uinctum esse, propter spem populi Israelitici. Illi responderunt, nec literas se de eo ex Iudæa accepisse: nec quenquam Iudæorum, qui eō uenisset, nunciasse, aut dixisse quicquam de ipso, quod religioni repugnaret: se autem petere, ut ab illo audirent, quæ ipse sentiret, cum satis compertum haberent, eam sententiam quam sequeretur, ubique terrarum explodi & eijci. Constituto autem ei die, cum plures ad eum in diuersorium uenissent, ipse eis regnum Dei exposnebat, ad eaque quæ Christo acciderant, probanda & persuadenda testimonia & à lege Mosaica & à prophetis, à prima luce ad uesperum, depromebat. Atque eius orationi alij assentiebantur, alij nullam fidem habebant. Cumque inter se dissentirent, discesserunt, cum Paulus Esaia uerba eis conuenire dixisset, quæ sequuntur: Loquere cum populo isto: Audietis, nec intelligetis, uidebitis, & non uidebitis. Cor enim istius populi tenebris offusum est, & auribus tardè audierunt, suosque oculos obstruxerunt, ne quando oculis uideant, & auribus audiant, & corde intelligant, & conuertantur, eisque medicinam afferam. Scitote ergo, Gentibus Dei seruatorem missum esse, qui audient. Quæ cum Paulus perorasset, Iudæi cum magna controuersia & disputatione discesserunt. Paulus autem biennium totum in suo diuersorio commoratus est, quo quidem tempore omnes qui eō ad ipsum ueniebant, recipiebat: libereque ea omnia tradebat & docebat, quæ ad Christum, eiusque fidem ac disciplinam pertinebant. Quod etsi Lucas de biennio illo tantum dixit, quod duos annos complectitur, qui tertius & quartus imperij Neronis numerantur: tamen decennio etiam quod postea uixit, idem fecisse existimandus est. Vbi autem decennium illud consumpserit, aut uixerit, si quis requirat, mihi quidem Romam uidetur magna ex parte fuisse, quantum quidem ex eius epistolis intelligi licet. Nam & eam quam ad Ephesios scripsit, & eam quam ad Philipenses, & eam quam ad Colossenses, et posteriorem quam ad Timotheum, & eam quam ad Philomenem, ex urbe misit. Nam epistola ad Galatas, nonnullorum sententia Roma, aliorum Epheso missa esse dicitur. Eas autem nec illo biennio, nec eodem illorum decem anno, missas esse, aut scriptas, & res ipsa declarat, & epistolarum ipsarum sententia. in ea enim, quam ad Timotheum posteriorem misit, mentionem honorificam Onesiphori cuiusdam facit: quem cum uenisset Romam, ipsum magno studio cum quesiuisset, tum inuenisse dicit, cum etiam uinctus esset. Et in extrema eadem, Timotheum rogat, ut eidem eiusque familiæ salutem dicat. Præterea eadē extrema, & tempus mortis sue imminere scribit, & in priore defensione sua se desertum ab omnibus. Atqui Lucas nihil de

hil de priore illa causæ dictione scribit, sed eum in libera custodia ita fuisse dictum, ut eos omnes qui ad ipsum adirent, docere minimè prohiberetur. Ex quo intelligitur, eum ex illa custodia toto illo biennio minimè eductum fuisse. Iam uero cum ex priore illa causæ dictione, cuius mentionem, ut dixi, facit, posteriorè intelligamus: ac tum, cum eandem epistolam scripsit, & in uinculis ipse esset, & mortis eius tempus impenderet, ut ipse ait, profectò multos annos post illud biennium Romæ fuit. Huc accedit, quod iubet in eadem epistola Timotheum ad se maturè uenire: & in epistolis ad Philippenses, ad Colossenses, & ad Philemonem, eum facit unam secum scribere. Eodem pertinet, quod Demam in epistola ad Philemonem, adiutorem suum appellat: & in posteriore ad Timotheum, se ab eo desertum esse scribit. Aristarchum etià in epistola ad Colossenses, unam secum captiuum esse dicit: in ea autem quæ est ad Philemonem, adiutorem suum appellat, cum Epaphram captiuitatis socium, solum nominasset. Eum autem non consumpsisse Romæ totum illud decennium tempus, hinc intelligitur, quod in posteriore ad Timotheum epistola extrema, eum iubet asferre secum penulam, quam Troa de apud Carpum reliquisset: & Trophimum se Miletum agrum reliquisset scribit: quod non factum esse, cum uel in Græcia & Asia esset, antequam uinctus Romam duceretur, uel cum duceretur, hinc sciri potest, quia & Timotheus ipse Romam iam uenerat, & tum iam bis causam ipse dixerat, & finem uitæ suæ appropinquare scribit. Et certè amentia est existimare, Paulum scribere Trophimum à se relictum agrum Miletum illis temporibus. Epistola etiam ad Hebræos, eum non semper Romæ fuisse declarat. In ea enim extrema scribit, eis Christianos Italos salutem dicere: ex quo, ex Italia missa esse intelligitur. Quinetiam in provinciam Narbonensem, eum uenisse reperio, & in Hispaniam, cum Paulo uiro sanctissimo, quem Narbonæ pontificem præfecerit. Atque haud scio, an illa ipsa sit profectio, quam ad Romanos se in Hispaniam suscepturum esse scribit. Sunt enim multi, qui eum in Hispaniam profectum asserunt. Quæ autem de laboribus, periculis, ac supplicijs, quæ pro Christo pertulit, scripsi, ea omnia ex libro Lucæ, qui Acta apostolorum inscribitur, exprompsi. Quæ præterea ipse de se scribit, ea quoniam uera sunt, iam explicabo. In posteriore quidem ad Corinthios, extrema ferè, ter uirgis cesum se esse scribit: cum semel tantum eum Lucas uerberatum esse narret, unam cum Sila. nam à Centurione uerberatus non est, cum se ciuem Romanum esse dixisset. Ter etiam naufragium fecisse, in eadem epistola scribit, & nocte ac die in profundo maris se fuisse: quorum posterius si à Luca commemoratum est, certè non solum noctem et diem unum, uerum multos in maris fundo fuit. Nam nec solem, nec sidera ipsa multis diebus nauiganti ei, cum ceteris, uisa esse, commemorat. Neque enim hoc quod Paulus scribit, se nocte et die in profundo maris fuisse, ita intelligendum est, quasi ipse è naui caderet, in mare præceps demersus sit. hoc enim non prætermisisset Lucas. Quod autem ad naufragium attinet, amissionem nauis Paulus socijs nauigantibus prædixit, naufragij autem alterius nullam Lucas mentionem facit. Atque hic quidem locus me admonet, ut de tempore ac loco, quo hæc missa epistola est, aliquid dicam. Alij ex Macedonia Philippis, alij Troade missam esse scribunt. Quod si uerum est, id constare non potest, si ad illud tempus referatur, cum Paulus Romam nondum uinctus uenerat. Illud enim quod modò ex ea epistola de naufragio protuli, tum accidit, cum Paulus unam cum socijs mari in Meliten insulam, deinde Syracusas, Rhegium, ac tum Puteolos, postremò Romam peruenit. Ita si Troade missa est, aut è Macedonia, eò se retulerit, postea quam Romam uinctus uenisset, necesse est. Quod satis argumèti est, eum post biennium illud, de quo Lucas scribit, non semper usque ad extremum uitæ diem Romæ fuisse. Quod si quis contra proferat, id quod ipse paulo infra scribit, raptum se ante quatuordecim annos in tertium cælum: huic ego respondeo, primum non esse tam perspicuum, quando illud euenerit, quàm hoc quod de naufragio commemorat. Deinde ab eo qui


A qui hoc opponat, petam, ut illud ipsum quod de naufragio Paulus scribit, explicet. Tum enim tam difficile hanc quaestionem cognoscet, quam facile nobis opposuit. Præterea si illum, ut ita dicam, raptum euenisse dicamus illo tri-duo, quo Paulus Damasci in uia recta in edibus Iudæ orasse dicitur, certe sub-ducta & habita ratione totius temporis, ad eum diem quo alteram ad Corin-thios epistolā misit, annos amplius quatuordecim intercessisse intelligemus, Sed ad alia ueniamus. In eadem epistola, pericula multa enumerat, qui-bus se obiecerit, quorum mentio à Luca nulla facta sit. In ijs sunt fluminum et latronum pericula. In epistola etiam ad Galatas se in Arabiā uenisset scribit. Deinde cum redisset Damascū, & Hierosolymam Petri uidendi causa, apud quem dies quindecim commoratus sit: deinde post annos quatuordecim iterum Hierosolymam, una cum Barnaba, & Tito, ut de Euangelij docendi ratione cum Apostolis cōmunicaret. Scribit etiam, se Petro, quem Cephā uocat, cum Antiochiā uenisset, restitisse, quod se non recte in euangelij ue-ritate gereret. In ea etiam quam ad Corinthios priorē misit, se cum bestijs pu-gnassee, id est, feris obiectum esse scribit: nisi fortē bestiarum nomine homines fera crudelitate præditos intelligamus, sicuti nomine leonis Neronem in po-steriore ad Timotheū intellexisse dicitur. Sed de illius morte aliquid dicendū est. Eodem non solum die, sed etiam anno, quo est Petrus Apostolus in crucē actus, Romæ Neronis iussu securi percussus est. quo autem ordine, quæq; de causa, exponendum uidetur. Romæ, cum in disciplina & religione nostra pro-paganda omnem operam & studium dicendo consumeret, pluresq; in dies in fidem ditionemq; Christi subigeret, fortē Patroclus adolescēs, qui Neroni pocula ministraret, quemq; ille charum haberet, cum Pauli audiendi summa cupiditate duceretur, nec ad eum propius accedere propter frequentiam pos-set, ad locum superiorem, quod eum facilius & audire & uidere posset, ascende-rat. Is cū somno oppressus dormiret, cecidisse, eoq; casu interisse dicitur: quod Deo patefaciente Paulus statim cognouit. Itaq; eum introferri ad se iussit, ex-citauitq; ab inferis, cum omnes hortatus esset, ut in commune id à Deo pre-ca-rentur. Excitatum ad Neronem ire iussit, unā cum alijs Caesarianis, ut cum ex-citatum cerneret, quem mortuum non solum sciret, sed acerbē tulisset, ipse ad Dei cultum deduceretur. Alij priores ad Caesarem adeunt, eiq; Patroclum re-uisisse nunciant. Caesar continuò eum accersiri iussit: quem ut uiuum saluum & incolumem uidit, miratus est primū: deinde ab eo quæsiuit, num uiueret? Cumq; Etiam respondisset: quærere etiam institit, cuius benignitate & opera uiueret, qui mortuus fuisset: ille se I E S V Christi domini sui, regis seculorum omnium, beneficio ac munere uiuere respondit. Caesar cum Christum omnium seculorum regem dici audisset, conturbatus est: eumq; illius animi terrorem auxit id quod deinceps Patroclus addidit, fore ut Christus omnia orbis impe-ria deleteret, eiusq; uoluntati quicquid hæc uniuersitas complecteretur, obtem-peraret, quod regum omnium esset & maximus & potentissimus. Tum eum colaphum ei infregisse dicitur, cum hac oratione: Ei ergo regi nomen dedisti? Quod cū annuisset, nonnulli qui aderant ex suis, eū grauiter obiurgasse dicun-tur, quod adolescentem, qui tam prudenter respondisset, malè mulctasset. Ita-que se etiam regi illi parere dixerunt. Nero furore incensus, eos omnes in uin-cula conjici quamprimū iussit, omnesq; conquiri atq; interfici diuersis sup-plicijs, qui se illius regis imperio obedire dicerent. Producentur multi cum uinculis, & ad Neronem adducuntur: in his Paulus, in quem ita cæteri uincti con-spiciebant oculos, ut in ducem, ut hoc etiam Nero facile intelligere posset. Itaq; ad eum unum orationem auertit, quo ore in imperium Romanum clam-venire ausus esset, ut inde abstractum & abductum populum Christo, quem regem suum prædicaret, adiungeret. Paulus non solum ex illo quasi orbis an-gulo, sed ex omnibus imperijs se Christo homines colligere et comparare di-

xit. Sibi enim ab illo negotium datū esse, ut neminem cōtemneret aut abijce- A
ret, qui in ipsius fide & imperio esse uellet. Quod si ipse & in illum credere, &
eius dicto audiens esse constitueret, id sibi licitum esse intelligeret: quod si fa-
ceret, uitam eum sempiternam esse consecuturum. Eundemq; uenturum esse
dixit, ut suum cuiq; pro dignitate reddat, tum que hæc omnia igne deflagra-
turum. Nero cum mundi deflagrationem audisset, iracundia incitatus, furia-
que quadā agitatus, omnes qui huic tali regi parērent, quā primū uiuos
exuri iussisse dicitur. Sed Paulus quoniam ciuem se Romanū esse prædicau-
rat, Longino, Megisto & Aresto traditus est, qui eū quā primū extra ur-
bem palam & publicē securi ferirent. Cumq; nuncius eius mortis & supplicij
ferius quā optaret, ueniret, duos ex militibus suis, Feregam & Partemium
misit, qui uiderent, an securi percussus esset. Illi uenientes, eum in media ferē
urbe ad populum de magnis Christi uirtutibus & operibus differentē offen-
dunt. quos ut uidit: Venite, inquit, & uos filij, credite in Deum unū, & filium
eius unigenitum, Dominū nostrū I E S U M Christum, Seruatorē omniū, ut
uiuant animi uestri. Milites se à Nerone missos dixerunt, qui uiderent, an eo
mortis genere quod præscripsisset, affectus esset. Quod si ab inferis, cum mor-
te mulctatus fuisset, excitaret, ita deniq; se credituros. Ad hæc ille respondēs,
eos admonuit, si ad sepulchrum ipsius uenirent, fore, ut duos uiros, Titum &
Lucam orantes inuenirent, à quibus hoc ipsum cōperire possent. Vix dicen-
di finē fecerat, cum alij duo à Nerone missi interuenientes, arreptū compre-
hensumq; eum extra urbem in uiam Ostiensem pertrahunt, & iuxta gladium
crucē parare iubent. Quod ut uidit Paulus, ad ortum se cōuertisse, passisq; in
coelum manibus, cū lachrymis diu orasse dicitur. Finem orandi cum fecisset, B
Christianis omnibus qui eum secuti fuerant sublati, eisq; pace data, genua
humī defixit, totum que se signō crucis muniens, lictori ceruicem & iugulū
præbuit. Ex ceruice, cum securi percussus esset, pro sanguine lac, quasi integri-
tatis & innocētiæ signū, fluxisse dicitur. Sepultus est autem eadem uia, ubi po-
stea templum ei ædificatum & dicatum est. Quatuordecim, quæ extant, scrip-
psit epistolas: ad Romanos unam, ad Corinthios duas, ad Galatas unam, ad
Ephesios unam, ad Philipenses unam, ad Colossenses unam, ad Thessaloni-
censes duas, ad Timotheum duas, ad Titum unam, ad Philomenem unam,
ad Hebræos unam. Eum ego ordinē ijs enumerandis secutus sum, nō quem
ille mittendis tenuit, sed quem maiores nostri ecclesiæ instituto eis describē-
dis & attexendis ijs libris qui Noui Testamenti nomine appellantur, adhibu-
erunt. Plenæ sunt omnes institutionis, disciplinæq; Christianæ, refertæ que
omnibus quæ ad bene beateq; uiuendum pertinent, præceptis & sententijs.
Vehementi & maximē incitato dicendi genere usus est, quod crebræ illi-
us interrogationes uel docendi causa, uel refellendi, uel etiam obiurgandi ad-
hibite, indicant. Ordinem eum quem natura & ars proponunt, secutus est.
Primū enim si quid est quod obsit, tollit ac reprehendit: deinde quæ tenen-
du sunt docet, & ad extremum epistolam cohortatione concludit. Obscuræ
sunt in eo pleræque circumscriptiones, quod de nonnullis beatus Petrus in
extrema altera minimē tacuit. Hinc pleriq; usque à primis disciplinæ nostræ
temporibus, cum arbitrato suo difficilia loca interpretarentur, errare cœpe-
runt, & ab ecclesia discedere: quod etiam hac memoria nostra in ple-
risque animaduertimus. Duas præterea, quæ non extant,
se scripsisse confirmat: ad Corinthios unam, alteram
ad Laodicenses,

181

VITA BEATI ANDREAE

apostoli, Ioachimo Perionto Benedictino Cormac-
riaceno auctore.

A  **NDREAS** Simonis Petri frater, Iona, siue Ioanne patre, in ui-
co Bethsaida, prouinciæ Galileæ, natus est. Is primum, ut cæteri
Apostoli, in Christi disciplinam se tradidit: deinde eius benigni-
tate, ex cõmuni discipulorum numero ad Apostolatus ascendit
dignitatem. faciamus enim hoc uerbũ tritum, ut alia quæ in eas-
dem syllabas exeunt, in quas cõsulatus. Quod quemadmodũ contigerit, non
alienũ erit ex literis sacris exponere. Bis quidẽ Andream & Petrum eius fra-
trẽ uocatos esse, inuenio: semel, cũ Ioannes is qui Baptista (teramus enim usu,
hoc etiã uocabulum) uocatus est ex eo, quòd Christũ potissimum baptizauit,
absente Petro, ambulante Christum uidens, discipulis duobus audiẽtibus
(in his Andreas) eũ esse agnũ Dei dixit: iterũ, cum ad mare Galileæ ambulãs,
Petrũ & Andream fratrẽ eius uocauit. Sed melius est, hæc duo eo ordine quo
gesta sunt, exponere. Ioannes quidem is de quo paulo antẽ dixi, cũ **I E S V M**
ambulantem cerneret, hoc de eo, duobus discipulis audientibus & spectanti-
bus asseuerauit, eum esse Dei agnum. Quod cum duo illi (in his, ut dixi, An-
dreas) audiissent, Christum secuti sunt, Christus, qui eos se sequi cognosce-
ret, conuersus, eos rogauit, quid' nam quæerent. **A'** quo cum illi quæsiuis-
sent, ubi habitaret, ille quæ ita respondisset, ut diceret, Venirent ac uiderent:
ipsi uenerunt ac uiderunt, eo' que die, cum iã tum hora ferẽ decima esset, apud
eum commorati sunt. Andreas autem, qui unus eorum duorum, ut dixi, erat,
cum huius tantæ charitatis & muneris Simonem fratrem, socium esse uellet,
eum primum diuini consilij instinctu inuenit, ei' que se Christum inuenisse
dixit, eumq; ad **I E S V M** adduxit: quem cũ **I E S V S** uidisset, eum & Simo-
nem uocari, & longẽ filiũ esse dixit: post uerò Cephã, id est, Petrum eundẽ uo-
catum iri. Atque ea quidem, quæ de priore, ut ita dicam, uocatione utriusq; à
Ioanne exposita sunt hactenus. Altera autẽ à Matthæo & Marco exposita est,
his uerbis: **I E S V S** cũ ad mare Galileæ ambularet, duos fratres uidit, Simo-
nem qui uocatur Petrus, & Andreã, qui retia in mare iaciebant: eisq; iussit, ut
se sequerentur. Quod si facerent, fore ut ab ipso piscatores hominũ fierent.
Quod illi ita sibi faciendũ censuerũt, ut statim eum relictis retibus sequerentur.
Lucas uerò aliquid aliud addit. ait enim, Christũ, cum ad stagnũ Genesara
ret staret, duas naues ad stagnũ stantes cõspexisse, tum cum piscatores retia la-
uarent: eumq; in alteram, quæ esset Simonis, conscendisse, ab eoq; cõtendisse,
ut eã paulũ à terra reduceret. In ea uerò **I E S V M** sedentẽ docuisse turbas.
Cum autẽ sinem dicẽdi fecisset, Simoni imperasse, ut in altum duceret, & ad ca-
piendos pisces retia laxaret. Petrum uerò dixisse, cum præceptorem eum ap-
pellasset, se, etsi unã cum socijs totã noctem consumpsisset, nihilq; capissent,
tamen eius iussu ac nomine rete laxaturum: quod cum fecisset, tantam uim ca-
ptam esse piscium, ut rete rumperetur. Quæ quidem res (ut alia prætereã, quæ
alio loco cõmodius exponentur) Simoni socijsq; eius omnibus tantę fuit ad-
miratori, ut relictis omnibus eum secuti fuerint. In ijs autem cum fuerit An-
dreas, Matthæi Marciq; sententiã, non est id quidẽ dubium, quin Lucas eun-
dem sociorũ Petri nomine & in ijs qui cum eo erãt, intelligat. Atque hæc qui-
dem sunt, quæ de Andrea ab Euangelistis tradita accepimus. Nihil enim de
eo in libro qui Acta apostolorum inscriptus est, tradit: nisi quod unã cũ cæte-
ris Apostolis, cũ Christus ijs spectantibus in cœlũ conscendisset, Hierosolymã
reuerterit. Nec uerò dubiũ est, quin idẽ euangeliũ, Christi iussu mũdo diuul-
gauerit atq; patefecerit, Quod ubi nã perfecerit, quoq; modo, & quo mortis

supplicijq; genere in coelū ad Christū migrauerit, in animo est ea secutis quae A
ab eius discipulis tradita sunt, exponere. Andreas quidē in prouinciarū diuisione ac partitione Achaia obtinuit, sed in urbe eius prouinciā clarissima, quae Patre dicitur, ferē exhortationis legationisq; munere functus est. Is cum in illa prouincia, ea quae Christianae religionis sunt, traderet ac doceret, angeli monitu ac iussu Myrmidonem urbem uenit, ut Matthaeum apostolum, quem effossis oculis incolae in uincula coniectum, paucis interiectis diebus interficere cogitabāt, liberaret. Cumq; ad carcerem diuino nutu rectā, obliuente nemine, peruenisset, uiso beati uiri squalore, animaduersisq; oculis, quibus priuatus erat, ingemiscens, orauit Christum, ut ipse qui cū morbos omnes curasset, tū cecis aspectū restituisset, Matthaeo seruo suo oculorum munus redderet, ut uerbū suum annuntiaret. Vix ille perorauerat, cū & carcer terrae motu cōmoueri, magnoq; fulgore collucere illustrariq; coepit: & Matthaeo aspectus restitutus est, & illius ac ceterorum qui in eodem carcere erant, uincula soluta sunt. Quae omnia tantā admirationem omnibus, qui tanto beneficio affectos se uiderunt, excitauit, ut magnum Deum esse praedicarent, quem serui sui nunciaret. Tum uerō educti omnes ē carcere, ad sua quisq; se recepit: Matthaeus aliō cōmigrasse, Andreas in ea urbe aliquādiu cōmoratus esse dicitur, praedicandi uerbi diuini gratia. Quod cum facere constituisset, incolae ex ijs qui uincti fuerant, re, quae ab eo acta erant, cognita, comprehensum eum ac uinctum per urbem trahere coeperunt. Iamq; euulsis crinibus cruor ē capite defluebat, cum ipse Christum rogare coepit, ut illorum mentē animumq; lumine sancto illustraret, ut & ipsum cognoscerent, & ab illo errore peccatoq; quod eis ne noxae esset peteret, resipiscerent. Metus omniū statim animos occupauit tantus, ut dimisso Apostolo se in illū magnum scelus, imprudētes admisisse faterentur. Itaq; rogare eum se, ut & hāc ueniā sibi daret, & uia salutis ostenderet. Ille erectis (se enim ad eius pedes abiecerant) Christi uitam, mira B
opera, deniq; poenam crucis, quam ille salutis omnium causa subiisset, exposuit. Quod illi ita libenter cupideq; audierūt, ut quam primū saluari aqua expiarentur. Cum uerō eos satis in Christi fide ac religione cōfirmatos cerne ret, in Achaia Patras reuersus est. In hac urbe cum oratione sua multos iam ad Christi fidem traduxisset, Aegeas proconsul (proconsulem enim eum fuisset inuenio) hac re comperta, in eam eo consilio uenit, ut eos qui Christū Deum esse credebant, idolis immolare, diuinisq; honores tribuere cogeret. Andreas, qui Aegeae consilio factoq; quā primū obliuendum esse intelligeret, eum adiit, hisq; uerbis est allocutus: Eum oportere, qui hominum iudex esset, iudicem suum qui in coelis uersaretur, cognoscere, cognitum colere, & colendo eum qui uerus esset Deus, animū a fallis dijs reuocare. Quae ille uerba tam impotenti animo accepit, ut ab eo quæreretur, esset ne ipse Andreas is, qui & deorum templa euerteret, & hominibus superstitiosam sectam, quam nuper Romani principes explodi eiicq; iussissent, suaderet. Andreas Romanos principes planē cognosse negauit id quod uerum esset, Dei filium, cum salutis hominum causa in mundum ē cōlo uenisset, docuisse idola, quibus diuinitatem tribuerent, non solum deos non esse, sed daemōnia teterrima, generi hominum inimica, quae nihil homines docerēt, nisi id quo Deus offēdat, offēsus auertatur, auersus eos non audiat: ob eamq; causam ita precipites illi in omne peccati genus diaboli quasi imperio in omni uita ruant, ut in eis cū migrant, nihil praefer malē facta remaneat. Hāc ille anilia delyramenta esse, praesertim cum Iudaei I E S V M, quem ille praedicaret, eadem docentē, in crucem egissent. Itaq; aut hāc docere atq; eum praedicare desineret, aut se cruci suffigendum quā primū intelligeret. Ille in semel suscepto cōsilio permanens, hoc de supplicij genere respondit: Se, si crucis patibulum extimesceret, crucis honorē & gloriam non praedicaturum fuisse. Tum sentētia in eum lata esse

A esse dicitur, Andream nouam sectam quæ deorum religionem tolleretur, inuenientem & docentem, in crucem agendum esse. Cum autem ad locum in quo crux fixa erat, supplicij causa duceretur, concursus factus est uoce magna clamantium, innocentem eum sine causa atque adeo iniuria damnari. Ille uero cum crucem eminus intueretur, eam salutauit: hortatusque est, ut discipulum eius, qui ei suffixus fuisset, exciperet: eam dedicatam atque consecratam esse Christi corpori, eiusque membris quasi margaritis ornatam, diu eum defatigari ipsam expectando, quemadmodum Christum magistrum expectasset: latum se ad illam uenire, cuius desiderio iam diu teneretur. Itaque orare, ut se exciperet, ac magistro redderet: ut per illam ipsum Christus reciperet, qui per eam ipsum redemisset. Cumque uentum esset ad crucem, primum Christum orauit: deinde populum hortatus est, ut in ea fide ac religione quam tradidisset, permaneret. In cruce uero biduum uixit, cum interea nullum finem docendi populi fecit. Qua illius doctrina & maxima constantia adductus populus, proconsulem adiit, maximamque uoce ab eo contendit, ut sibi hominem, qui iustum, pie, sancte uixisset, redderet, neque hominem Deo charum, ac clementem interficeret. Quod si in proposito permaneret, se effracturum ipsius fores, minitari, eumque interfectorum. Aegæas proconsul populi tumultuantis furori cedendum ratus, egreditur, atque una cum eo ad crucem, ut Andream eriperet ac solueret, proficiscitur. Quæ ut uidit Andreas, eum rogauit, quamobrem ueniret: num in animum induxisset, eis assentiri quæ doceret. Cumque populus eum eo consilio uenire diceret, ut illum liberaret: ille Christum orare coepit, ne se ab ipso separari, ac de cruce deponi sinneret: se enim uim crucis, quam semper optasset, sentire: tempus esse, ut terræ corpus ipsius committeret, ac spiritum quem illi commendaret, acciperet. Ita in cruce pridie Calendas Decembris spiritum edidit. Eius autem corpus Maximilla quadam Deo chara, cum aromatibus, preclarissimo, tantoque & Apostolo & uiro dignissimo loco sepeliuit. Eius sacrosantas reliquias, cum Lucæ ac Timothei, Hieronymus, in libro quæ in Vigilantiū sanctorum eorumque reliquiarum hostem scripsit, à Constantino imperatore Constantinopolim translatis, maxima populi frequentia asserit. Gregorius uero Turonensis, sanctus pontifex, scribit, in Achaie oppido, in quo Andreas Christi nomine mortem, ut dixi, perpeffus est, die illius festo etiam memoria sua mannâ farinæ specie, cum odore miræ suauitatis, ex illius tumulo manare solitam, ex eo quæ oppidanos ita anni insequētis tum ubertatem, tum caritatem & sterilitatem intelligere, ut si magna copia redūderet, ubertatem, si exigua, sterilitatem significari sciant: oleum quæ scribit, quod interdum usque ad medium templum fluxerit, profuisse tum agris, siue in portione adhiberetur, siue eo plagæ uel membra morbis affecta inungerentur. Idem miraculum exponit, quod pretermittendum non censui. Valet enim ad Christi, & Apostoli eius laudem & gloriam. Clodomere Francorum rege interfecto, cum exercitus collectis uiribus Burgundiam uastaret, templum quoddam, in quo beati Andree & Saturnini reliquie condite erant, ita iam incensum erat, ut tigna exusta caderent. Loci autem incolæ non tam rerum suarum, quam harum reliquiarum amissione permouebantur, ut miseros se esse clamarent, quibus tantorum sanctorum presidio carendum esset. quod si contingeret, nullam iam sibi salutis spem reliquam fore iudicabant. His ita conquerentibus, & acerbè ferentibus: Turo quidam prestò fuisse dicitur: qui cum horum lachrymis ductus, tum sanctorum uirtutem sentiens, non minus fide quam armis protectus, se in medias flamas immisit, arreptasque à sancto altari reliquias saluus & incolumis foras extulit. Sed continuo ita cōstrictus hæsit, ut se antè mouere non posset. Itaque se indignum ratus, qui reliquias ferret, puellam quæ sacra præda se non cōtaminasset, delegit, eiusque ceruici reliquias alligauit.

DIVI IACOBI APOSTOLI, IO-

*annis apostoli fratris uita, Ioachimo Perionio Benedicti-
no Cormæriaceno auctore.*



IACOBVS Zebedæi filius, Ioannis autem apostoli & Euange-
listæ frater, à Christo hoc ordine, ut Matthæus scribit, discipu-
lus delectus est. Cum Petrus, & Andreas eius frater, in naui es-
sent, retiaq; in aquam capiendis piscibus demitterent, Christus
illis in disciplinam uocatis, longius progressus, Iacobum, de
quo dicimus, & Ioannem, in naui animaduertit unâ cum Zebedæo patre re-
tia reficientes: quos cum moneret, ut se sequerentur, illi sine mora relicto pa-
tre, abiectisq; retibus, eum secuti sunt. quod de disciplinæ ratione intelligen-
dum est. Neq; enim Christus quenquam ex discipulis Apostolum separatim
delegit, sed cum magnum iam discipulorum numerum partim nouis inaudi-
tisq; operibus, partim uitæ quàm integerrimam ageret, opinione sibi adiun-
xisset, ex tanto numero duodecim modò selegit, quos Apostolorum appella-
uit nomine: quod in mōte factū esse, Lucas cōmemorat. Iacobus autē hic, cu-
ius uitam scribimus, quantum apud Christum gratia & amicitia ualeret, hinc
intelligi potest, quod eū ille quādiu hic uixit, in ijs habuit semper, quos remo-
tis cæteris quasi arbitris, ad res præcipuæ charitatis indices adhibuit. Nam &
in montem, in quo tum eius facies summo splendore illustrata est, tum uestes
simili candore nituerant, unâ cum alijs duobus Petro & Ioanne, tantæ gloriæ
suæ testem futurum duxit: & pridie quàm salutis hominum causa interficere-
tur, eum duobus eisdem adiunctis, secreuit à cæteris. Eum quidem ab Hero-
de securi percussum esse, Lucas in Actis apostolorum commemorat: sed quo-
niam ad alia properans, rei ordinem prætermisit, non erit alienum pauca de
eius & doctrina & morte dicere. Ei Samaria & Iudæa prouinciæ obtigerunt,
quas cum docendæ ueritatis causa peragraret, atq; in publicis conuentibus
palàm ac liberè Christum Dei filium esse profiteretur: Hermogenes quidam B
magus, discipulum quendam ex suis, Philetum nomine, ad illum misisse dici-
tur, eo consilio, ut eum refelleret. Quò cū ille adhibitis aliquot Phariseis ue-
nisset, conareturq; docere, **I E S V M** Christum, cuius se Apostolum comme-
moraret, non esse, ut ipse prædicabat, Dei filium: Iacobus ei facile restitit, eūq;
ita scripturis refellit, ut ad Hermogenem rediens, hæc magna clara que uo-
ce, uictus à ueritate, dixerit: Iacobum, inquit, Hermogenes, eum qui se **I E S V**
Christi & seruum & apostolum esse confirmat, scito abs te uinci superariq;
non posse. Nam & cacodæmones eius appellato nomine, ex hominum cor-
poribus eijci ac expelli, & cæcis pristinum oculorum aspectum restitui, & eos
qui elephantia infecti erant, purgari uidimus. Quinetiam mortuum ab infe-
ris eum excitasse, nonnulli qui maxima mecum necessitudine coniuncti sunt
asseuerant. Quid multa? Scripta diuina omnia memoria tenet, quibus do-
cet non alium esse Dei filium, nisi **I E S V M** quem Iudæi in crucem egerint.
Itaq; si consilium quod tibi do, magistro discipulus, sequare: ueniensq; ad eū
ueniā petas, melius certè tibi rationibusq; tuis consules. Si enim hoc neglexe-
ris, artē istam tuā scito nihil tibi deinceps prodesse posse. Nā quod ad me atti-
net, hoc tibi uelim persuadeas, me ad illum reuerti decreuisse, petereq; ab illo
maiorē in modum, me ut in disciplinam recipiat. Hęc cum Hermogenes ac-
cepisset, ira percitus, Philetum ita arte sua fixit, ut penitus se loco mouere non
posset: tumq; per ridiculū: lam, inquit, uidebimus an Iacobus tuus ueniens, te
possit soluere. Philetus, qui his uerbis Apostolum malè acceptum irrisumq;
cerneret, misit ad illum continuò puerum suum, qui ei hæc omnia exponeret.
Apostolus factus certior, ei sudarium suum ad Philetum perferendum dedit,
ut

A ut cum illud accepisset, hæc diceret, Dominus Iesus Christus erigit elisos, com-
 peditosq; soluit. Puer ilicò præceptis apostoli paret, magnisq; itineribus ad he-
 rum contendit. Philetus sudario accepto, cum uerba illa pronunciaisset, statim
 uinacula quibus uinctus erat, soluta sunt. Quod cum non sine summa admira-
 tione animaduerneret, contempra irrisaq; arte Hermogenis, ad Iacobum con-
 fugit. Hermogenes hinc furijs quibusdā agitatus, ad infaniā adigit, nec quid
 faciat, habet, ab arte tamen sua præsidium petit, appellat cacodæmones, eisq;
 imperat, ut se ad Iacobum Philetumq; cōferant, eosq; ad se, ut de illis ipse sup-
 plicium sumeret, pertrahant. sic enim fore, ut Phileti supplicio ceteri discipuli
 à simili audaciā deterreantur. Parēt illi quidem, sed ut primū ad eum locum
 in quo Iacobus orabat, peruenerunt, uociferari ac rogare cœperunt, ut miseri-
 cordia ipse commoueretur, se enim iam ante incēdij tempus ardere. Ille quā-
 obrem uenerint rogat, causam quam paulo antē exposui, ab eis discit, eosq; Ie-
 su nomine ut Dei angelus soluat, clara uoce ut omnes intelligerēt, Deum pre-
 catur, eisq; imperat, ut ad se Hermogenem saluum & incolumem perducant.
 Abeūt illi, Hermogenemq; ligatum uinctis à tergo manibus, ducunt ad Iaco-
 bum: ita tamē, ut hoc illi in itinere obijcerent, quod ipsos eò misisset, ubi incen-
 dio cōflagrassent. Perductū Iacobum stultissimū eum hominē appellat, quod
 cum generis hominū hoste rem haberet: nec cōsideraret, se ab illo cōtendisse,
 ut angelos suos ad ipsius perniciē exitiumq; mitteret, quos ipse ne in illum im-
 petum facerent, ueraret. Clamare etiā tum cacodæmones, rogareq; Iacobum,
 ut Hermogenē sibi dederet, de quo ita consulerent, ut & illius iniurias, & sua
 incendia ulciscerentur. Iacobus eos rogat, cur Philetū qui aderat, nō arriperēt:
 cumq; illi negarēt uel formicā quæ in ipsius cubiculo esset, se posse cōtingere,
 B ipse Philetum docuit, disciplinæ religionisq; nostræ esse, bene mereri de ijs qui
 malē de nobis meriti sint. Itaq; eum iubet Hermogenē soluere, qui ipsum uin-
 xisset: & qui uinctū à dæmone ad ipsum pertrahere conatus esset, liberū solu-
 tumq; eū dimittere. Solutus Hermogenes primū abiectus stare cœpit: dein-
 de cum ei Iacobus potestātē abeundi quod uellet, fecisset, quod negaret discipli-
 nā nostrā esse, quenq; ad eam inuitū traducere, se ille dæmonū furorē nosse
 dicit: ob eamq; causam minimē dubitare, quin arreptum se illi diuersis suppli-
 cijs necarent. Apostolus eius uicem dolens, illi scipionem, quo ipse in itinere
 uti solitus esset, tradidit, eumq; bono esse animo illo comite iussit. Magna uis
 illo in bacillo inesse uisa est. Vt enim domū Hermogenes uenit, illudq; & suis
 & discipulorū suorum ceruicibus apposuit, repente totus mutatus est. cōquisi-
 tos etiā tunc libros qui de magia scripti erant innumerabiles ad Iacobū pertu-
 lit, eosq; æquo animo exuri passus est. Hinc se ad Apostoli pedes abijcere cœ-
 pit, petēs ab eo maiore in modū, ut poenitentē reciperet, quem inuidētē et ob-
 trectantē adhuc tulisset. Iacobus qui ignoraret, quo id animo cōsilioq; faceret,
 respōdet: Si uerē & ex animo ipsum actē ad illud tēpus uitę poeniteret, ueram
 eum misericordiā à Deo ueniāq; esse consecuturū. Ad quā ille: Tam, inquit,
 ueram Deo poenitentia offero, ut & omnes codices meos qui malis artibus re-
 ferti erant, ut scis, abiecerim, & omnibus inimici artibus nunciū remiserim.
 Quod cum Apostolus ex eo accepisset, imperauit illi, ut iam uerū esse doceret
 ac profiteret, quod falsum esse asseuerasset: simulacrū quod ueneraret, & à quo
 oracula se accipere putaret, in partes diuideret ac cōminueret: pecunias quas
 malis artibus quasiuisset, in res bonas profunderet: ut quemadmodū diaboli
 filius eum imitando fuisset, Dei iam filius efficeretur, qui quotidie in ingratos
 beneficia cōferret, & in obtrectatores clementem se præberet. Si enim tu, in-
 quit, cum in Deum impiē tam multa feceris, ipse cōtrā multis te bonis affecit,
 quāto in te futurus est benignior, si & magus esse desieris, & benefactis ei gra-
 tus studueris esse? Hæc atq; talia cum Iacobus dixisset, ita Hermogenes eius
 C c præceptis

præceptis paruit, ut perfecta absolutaque uirtus quæ deinceps in eo fuit, ad mira
 inusitataque opera perueniret. At Iudei cum non Hermogenem modo quem inui
 etum putarant, uerum etiam eius discipulos & amicos omnes in Christi fidem Ia
 cobi oratione traduci recipere animaduernerent, Lysia ac Theocrito centurio
 nibus, qui tum illis locis præfuisse dicunt, pecunia largitionibusque persuaserunt,
 ut eum in custodiam traderent. Orta autem seditione, ut fit, in populo, eum educi
 custodia, audiri que admodum lex iubebat, placuit. Eductum Pharisei rogant,
 cur Iesum Christum hominem, quem inter latrones in crucem sublatum esse consta
 ret, publice laudibus ornaret. Ipse cum eos Abrahamæ filios appellauisset, aliter peti
 to exordio, hoc Abrahamæ à Deo promissum esse dixit, fore ut nationes omnes
 illius seminis, id est posterorum hereditatem adirent, semenque illius non in Ismahe
 le, qui una cum Agara matre eiectus fuisset, sed in Isaac intelligi, cum hoc Deus
 ipse declarauerit his uerbis, In Isaac uocabitur tibi semine, Abrahamum uero amicū
 Dei appellatum esse ante quam præceptum de circumcidendo preputio à Deo accepis
 set, ante quam sabbatum coleret, ante quam legem ullam diuinitus latam cognosceret;
 eumque amicitia cum Deo coniunctum fuisse, non quod preputij sui carnem ipse cir
 cuncidisset, sed quod Deo credidisset, cum prædixisset, ad omnes gentes eius
 seminis uenturam esse hereditatem. Quod si Abraham, inquit, gratiam à Deo
 iniit, cum ei fidem hoc pollicenti ac prædicenti habuit, certe perspicuum est, eum
 qui illi non credat, inimicitias cum eo exercere. Cumque Iudæi quærerent, quis
 nam esset tam amens, qui Deo non crederet: eum respondit, qui non crederet
 seminis Abrahamæ hereditatem ad omnes gentes minimè peruenituram esse, qui
 Moysi, Esaiæ, Hieremiæ, Danieli, Dauidi, cæterisque prophetis, qui de Christi
 aduentu, morte, resurrectione, ascensu in cælum certissima clarissimaque testi
 monia dixissent, fidem non haberet. Atque hæc omnia Iacobus ex prophetis
 memoriter cum maxima eorum qui aderant admiratione pronunciauit; mul
 taque præterea exposuit, quæ à Christo facta sunt & tolerata, ut prophetæ præ
 dixerant. Quibus commemoratis omnibus, fieri posse negauit, quin Iudæi qui
 hæc minus crederent, perpetui ignis supplicio afflicti essent, ac debitas poenas
 daturi, cum præsertim illi qui essent ex gentibus, in prophetarum scripturis senten
 tiisque acquiescerent. Itaque omnes qui circumstantabant, hortatus est, atque monuit, ut
 hæc ipsa tam grauiam tamque indignam scelera lacrymis obliterarent atque delerent, ut
 nostram, inquit, poenitentiam Deus pro eximia sua misericordia et benignitate
 gratam acceptamque habeat, ne ea nobis eueniant, quæ contemptoribus euenie
 runt, de quibus Dauid ita scriberet, Aperta est terra, & deglutiuit Datan, & o
 peruit super congregationem Abiron. Quæ cum dixisset, aliaque permulta, in
 eandem sententiam omnes ad unum clamare coeperunt, se peccasse, iniuste se
 egisse: itaque orare, ut ipse quid agerent, præscriberet. Ille eos bono esse animo
 iubet, admonetque ut tantum credant, uitalique aqua expientur. Erat tum Hiero
 solymis Abiatharus pontifex, qui cum tam magnam multitudinem ad Christi
 religionem fidemque traduci molestè, acerbèque ferret, pecunia Apostolum in tan
 tam inuidiam odiumque apud Phariseos adduxit, ut Iosias scribarum unus eum
 iniecto in collum fune ad Herodem statim perduxerit. Perductum Herodes
 securi feriri iussit, quemadmodum ex eo libro Lucae, qui Acta apostolorum in
 scriptus est, intelligi potest, quo in libro ille missos esse milites scribit ab Hero
 de qui Iacobum comprehenderent: quod factum esse tum, cum primum Iudæi
 ob Hermogenem infesto in eum animo esse coeperunt, intelligere debemus.
 Sed ad propositum reuertamur. Cum Iacobus Herodis iussu ad locum in quo
 securi eum feriri oporteret, duceretur, paralyticum in uia, ut Clemens Alexan
 drinus, teste Eusebio in historia Ecclesiastica, tradit, uidisse dicitur, orantem
 ut se curaret. Quod cum ipse Christi nomine fecisset, Iosias Scriba ille, quem
 funem eius ceruicibus iniiecisse, paulo ante dixi, eo extracto, se ad illius pedes
 misit,

A misit, magnis precibus petens, ut & sibi ignosceret, & se sacro lauacro expiaret. Iacobus qui hæc illum diuino afflatu ductum dicere intelligeret, rogare eum coepit, Iesum ne Christum, quem Iudæi in crucem egissent, uerum Dei filium esse crederet: quod cum ille se credere profiteretur, Abiatharus pontifex eum statim comprehendi iussit, eodemque mortis genere quo Apostolum mulctatum iri dixit, nisi quæ primum & à Iacobo se disiungeret ac secerneret, & nomini Christi malediceret. Sed cum, ut nostri loquuntur, maledictum illius nomen, Christi autem benedictum uoce magna diceret, Abiatharus os eius pugnis cædi, eumque cum Iacobo securi feriri iussit. Cum autem uentum esset ad locum supplicij, licitorum Iacobus rogasse dicitur, ut antequam feriret, aquam iuberet afferri. Aqua allata quasiuit à Iosia Apostolus, num in Christum Dei filium crederet: qui cum se credere diceret, expiatus est ab Apostolo aqua salutari, osculoque dato cruce fratris illius consignata est. Quibus ritibus perfectis, uterque eadem hora eodemque loco morte mulctatus migravit ad Christum VIII. Calen. April.

DIVI IOANNIS APOSTOLI VITA,

Ioachimo Perionio Benedictino Cormacriaceno auctore.



Oannes Iacobus Apostoli, quem Herodes gladio interficiendum curauit, frater, Zebedæo patre natus est. Is à Christo unum cum Iacobo fratre, cum in mare Galilæe piscatores retia reficerent, uocatus, statim relicto patre rebusque omnibus, se in illius disciplinam, quemadmodum Matthæus & Marcus exponunt, tradidit. Inde ex communi discipulorum numero ad Apostolici ordinis dignitatem & honorem Christi benignitate ascendit. Eundem Christus præcipuo quodam amore persecutus est semper, quod ex illius libro qui Euangelium inscriptus est, intelligi potest. Semper enim cum de se sermonem infert, proprio prætermisso nomine, discipulum se esse dicit eum, quem Christus charum haberet, quasi ex illa re aduentitia omnes quis esset, intellecturos arbitraretur. Quod si nefas est quenquam ab illo falso iactatum esse existimare, nos & uerum id esse credere, & qua de causa omnium charissimus Christo fuerit, exquirere debemus. Eum quidem ipse Christus cum remotis arbitris & in monte mutata forma instar solis fuisse eius facies, & in orto oleis consito pridie quam mortem perferret, patrem orauit, semper adhibuit: sed quoniam & Petrum & Iacobum eius fratrem illius gloriæ suæ atque consilij participes esse uoluit, non ex eo singularem præcipuamque illius in eum charitatem intelligere aut colligere possumus. Alia igitur querenda sunt summi huius amoris argumenta. Duo quidem potissimum mihi diligenter consideranti occurrunt. Vnum quod in extrema illa cena, ad quam duodecim apostolos adhibuit, cum perturbato more hominum animo eis ipse prædixisset fore, ut unus ex eis ipsum proderet, omnesque maximo, ut par erat, dolore affecti, quem hoc uerbo intelligeret, hesitarent, Petrus qui omnia solitus esset audacius gerere non à Christo, sed à Ioanne quisnam esset quem suo sermone Christus significaret, quesitum, quod scilicet tantum sibi de Christi in Ioannem amore persuaderet, ut facile ei rem totam enunciaturum putaret. Quæ enim non fecellit opinio. Nam cum Ioannes caput in Christi sinu, quod maximæ familiaritatis amorisque singularis argumentum est & certissimum & clarissimum, reposuisset, rogatus quisnam esset quem diceret, eum esse respondit, cui intinctum panem iam porrecturus esset. Hinc omnes disciplinæ nostræ auctores hominesque clarissimi ex Christi pectore eum hausisse tradunt mysteria maxima, quæ initio euangelij sui de Verbo (terendum est enim uerbum hoc uocabulum) id est de Dei filio exposuit & enuntiavit. Sed non uideo cur non etiam in exilio hæc, multoque plura alia ei patefieri ostendique potuerint. Atque hoc quidem unum argumentum est, Alterum est eiusmodi. Cum Christus salutis omnium nostrum causa

cruci suffixus, Mariam matrē Ioannēq; discipulū quē diligeret, ad crucē stan-
tes animaduertisset, matri primū, ut ipse Ioannes auctor est, Ioannē eius esse
filiū, deinde Ioanni, Mariā eius matrē esse dixit. Quā Christi cōmendatio a-
pud Ioannē discipulū tantū ualuit, ut quādiu illa talis mater uixit, eam quibuf-
cunq; potuit officijs sit profecutus. Quod si Christus in hoc mūdo moriens ni-
hil matre quam Ioanni de quo dicimus, matrē attribuit, charius habuit, profe-
ctō uel ex hoc uno q; eum charū habuerit, intelligere possumus. Nec mirū ui-
deri debet, si matrē Ioanni moriēs cōmendauit, cum uirgo uterq; permāserit.
Hinc etiā pleriq; præcipui amoris causam ducunt, q; & uirgo tum esset, cum à
Christo uocatus accersitusq; est, & in suscepto castitatis seruādæ consilio ppo-
situsq; permāsit. Quemadmodū autē singulari quodā ac præcipuo amore Chri-
stus in eum fuit, sic ipse Christū præ cæteris amauit. Quod hinc intelligi potest
cū Christus tertio q; in crucē actus esset die excitatus ab inferis, sepulchrū in q
humatus fuerat, prima luce uacuū reddidisset, quēdamq; mulieres, in ijs Maria
Magdalene, sepulcrum sine Christi corpore reperissent, Maria Magdalena ad
Simonem Petrū uenit & ad hūc Ioannē, eisq; dixit sublatū esse ē monumento
Dñm, nec scire se ubi collocatus esset. Quod cū illi audiuisent, sine mora ad se-
pulchrū sibi eundū esse censuerūt. Currētes autē præ desiderio magistri, nō simul
eodēq; momēto tēporis peruenerūt, sed Ioannes anteuerit, priorq; ad sepul-
crum ingressus est. Nō est autē id quidē dubiū, quin hi duo Christū charissimū
habuerint. Quod si Ioannes hoc suo officio Petro in Christi amore nō cōces-
sit, sed eum superauit, certē omnes facile uicit. Hunc Christus unā cum Petro
misit, qui significarēt ei quē uellet, apud illū se unā cum discipulis agnū pascha-
lem esse comesturū. Mira erat in eodē agnoscēdi Christi solertia & ratio. Nā
cum Christus ab inferis excitatus, Petro, Ioanni, Thomæ, alijsq; discipulis pi-
scātib; se in littore maris ostēdisset, quæsissetq; ab eis ipsum ignorantib; num
quid cepissent, illiq; se quicq; cepisse pernegassent, atq; ille auctor eis fuisset, ut
rete ad nauigij dexterā mitterent, missōq; rete tantā uim pisciū cepissent, ut tra-
hi præ multitudine nō posset, eis etiā tum tāto edito miraculo ignotus fuisset,
nisi Ioannes Petro Dñm esse dixisset. Itaq; Petrus cum ille Dñm esse dixisset,
eius orationi fidē habuit, cæteri q; qui aderāt, qui omnes à Christo in conuiuū
adhibiti sunt. Eodēq; die nec ita multo pōst, cum Christus Petro ut se sequerē,
imperaret, Petrusq; qui Ioannē sequentē cerneret, à Christo quid Ioannē face-
re uellet, quæsiuisset, Christus ei respōdit: Si eum manere in uita uellet, quoad
ipse ueniret, qd ad eum. Ex quo factū est, ut discipuli hoc ita acceperint. ut ex-
istimarēt Ioannē nō esse moriturū, quanq; hoc Christi uerba, quēadmodū ipse
Ioannes ait, nō significarēt. Idē accepto spīritu sancto, unā cū Petro hora no-
na orādī causa Hierosolymitanū templū ingredi cœperat, cū Aeneas quidam
qui paralyticus & claudus ex utero matris natus erat, ferebat, ut ad portā spe-
ciosam quēadmodū quotidie solitus erat, collocatus, ab introeuntib; in tēplum
aliqd acciperet. Is cū Petrū & Ioannē tūc uidisset, rogare eos cœpīt, ut sibi ali-
quid erogarēt. Illi ut se intuerent, cū dixissent, cōtinuō paruīt, q; se aliqd ab eis
accepturū esse speraret. Petrus autē se argēto & auro carere quidē dixit, sed qd
haberet, id se illi dare, id est sanitatē. Itaq; cū primū ei imperauit ut Iesu Chri-
sti Nazarenī nomine surgeret & incederet, saluus & incolumis surgere & in-
gredi cœpīt: intrās q; cū illis in templū, Deo cū laudib; gratias egit. Hoc autē mi-
raculū nō solū ad Petrū, uerūetiā ad Ioannē pertinere, hinc sciri potest, q; cum
Aeneas apostolos in templo teneret, cōcursusq; eō magnus populi admirātis
factus esset, Petrus omnes hortatus est, ne sic ipsos intuerentur, quasi illum sua
ipsoꝝ uī & auctoritate curassent. Hoc totum esse tribuendū fidei Iesu, quem
illi quidem tradidissent, & auctorē uitæ interfecissent, Deus autem ab inferis
excitasset, cuius rei ipsi testes essent. Sibi quidem exploratū esse, id factum ab
eis esse

A eis esse imprudētia, Itaq; se illos metuere, si illius sceleris eos poeniteret, & cō-
 uerterent, fore ut eorū peccata obliterarent. Hęc & similia eorū cum ad popu-
 lum loquerent (Lucas em̄ sermonē utriq; attribuit) sacerdotes magistratusq;
 templi & Saducei interuenerūt, qui q; egrē ferrēt ab eis Iesū uī ac nomine re-
 surrectionē mortuorū doceri atq; tradi, cōprehenso eos in custodiā in crasti-
 num tradiderūt. Eorum aut̄ illa oratio tantū in animis populi ualuit, ut quinq;
 milia hominū ad Christi fidem religionēq; deduxerint. Postridie scribā & se-
 niores, itemq; Annas pontifex, & Caiphas, ceteriq; sacerdotes conuenerūt, ut
 quid in eos statuendū esset uiderēt. Productosq; illos, cuius uī ac nomine hoc
 fecissent, rogauerūt. Christi nomine, Petrus respōdit, quē illi cruci suffixissent;
 Deus aut̄ a mortuis excitasset, eum hominē sanum esse quē cernerēt. Eum es-
 se lapidē qui ab illis edificantib; improbat; a Deo in capite anguli collocatus
 esset: nec in alio salutem cōsistere. neq; enim nomē aliud in terra hominib; dā-
 tum esse, q; seruari nos oporteat. Illi cum utriusq; constantiā animaduernerent,
 quos imperitos & ignaros scirent, admirabant, nec cōtradicare ac repugnare
 poterāt, cum hominē quem curassent cernerēt. Secedere tamen eos paulisper
 extra conciliū iusserunt, ut quid agendū esset, inter se deliberare possent. Nec
 uerō quicq; statuere potuerūt, cum res ita illustris & clara esset, nisi cū minis ue-
 tare eis, ne iam Christi nomine quicq; loquerent̄ aut docerēt. Quod cū eis im-
 peratū prescriptūq; esset, hoc tantū respōdisse dicunt: Si aequū esset apud Deū
 eos potius audire q; Deum, ipsi uiderēt ac iudicarēt. se enim nō posse non lo-
 qui quē uidissent & audissent. Paulus in epistola ad Galatas scribit, septimode-
 cimo q; a Christo uocatus esset, anno, se iterū Hierosolymā unā cum Barnaba
 & Tito propter euāgelij causam rationēq; uenisse, qua in urbe cū Iacobus, Pe-
B trus, & Ioannes hic quos dicit habitos esse columina, munus quod ipsi a Chris-
 to cōcessum esset, cognouissent, dextras ipsi ac Barnabę societatis, ab illis da-
 tas esse, ut ipsi ad gentes, illi aut̄ ad Iudeos nostrę religioni instituendos infor-
 mandosq; proficiscerent. Philippī, qui ex septem diaconis unus fuit, orationē
 atq; doctrina Samaritani magna ex parte Christianā religionē acceperant, cū
 apostoli re cōperta & cognita, Petrū & Ioannē eō miserūt, ut eorū manuū im-
 positione Samaritanis spīritus daret. Illi ergo cū uenissent, orassentq;, ut illi spī-
 ritum acciperēt, impositis manib; spīritus sanctus in eos descēdit. Hoc cum Si-
 mō qui magus dicit, quemq; Philippus quē modō dixi, cōuersum aqua saluta-
 ri expiauerat, animaduertisset, ab apostolis cōtendit maiore in modū, ut pecu-
 nia ad hanc ipsam uim dignitatēq; perueniret. Quod illi ita insensib; animis ac-
 ceperūt, ut Petrus pecuniā illi malē euenire uertiq; optauerit, q; Dei munus pe-
 cunia quārī haberi q; existimaret. Eum tamē admonuit, ut illius sceleris ipsum
 poeniteret, rogaretq; Deū, ut flagitio suo ignosceret. Ille cōtrā ab eis petiuit, ut
 ipsi pro se Deū precarent, ne quid eorū quę dixissent, ipsi eueniret. In partiti-
 one aut̄ prouinciā Iōāni Asia obtigit, quemadmodū etiā Eusebius principio
 tertij libri historię Ecclesiasticę cōmemorat. Quod multo post Christi ascen-
 sum factū esse, primū hinc sciri potest, quia Iōānis mentionē nullā facit Lucas
 in libro q; Acta apostolorū inscribit, cū totā Asiā Paulū peragrasse scribit. De-
 inde q; Paulus Timotheū pontificē Ephesinū creauit, queadmodū ex priore
 ad eum epistola intelligi potest. Hoc aut̄ cum accidit, quot anni intercessissent
 a Christi ascensu cognoscere poterit, qui Acta apostolorū cum Chronicis Eu-
 sebij conferet. Præterea si Timotheus Paulo superfuit, sicuti superfuit, non lo-
 cō suo eam Ioannes mouit. Ita eo uiuo Ephesinā Ioannes ecclesiam non gu-
 bernauit. Atqui omnes qui eum Asię Christianam religionem disciplinamq;
 tradidisse, aut potius prouinciā totam in ea cōfirmasse scribunt, eum Ephe-
 si sedisse & mansisse uolunt. Fieri tamen potest, ut uiuo Timotheo, & ante,
 & post mortem Pauli Asiā illustrauerit. Timotheo autem mortuo pontifex

Ephesinus creatus sit, & quasi in demortui locum successus. Quo autem tem- A
pore primū in Asiam docendę amplificandęq; Christianę fidei religionisq;
causa profectus sit, etli cōperire non possumus, hoc tamen perspicuū est, eum
totam illam obuiisse prouinciā, quod quidem mihi fecisse ante Marię uirginis
matris Christi mortem non uideť, idq; mihi duros spero omnes, qui quantę
curę ei illa fuerit, cōsiderauerint, presertim cum ā Christo sibi cōmendatā fuis-
se meminisset. Marię aut mortem quindécimo anno post Christi ascensum ac-
cidisse Eusebius in Chronicis auctor est. Sed de his hactenus. Ioannes quidē
cū Ephesi atq; adeo in tota Asia uerbū Dei predicaret, Domitiano Vespasiani
filio imperatore, ab illo quartodecimo imperij anno, qui extremus fuit, ut etiā
Hieronymus tradit, Epheso Romā accersitus, & ad portam Latinā in conspe-
ctu Senatus in dolium feruentis olei plenū missus esse dicit, ex quo saluus et in-
columis sine ullo doloris sensu magna omniū admirattione exierit. Hoc ita es-
se, ecclesia declarat, quę eo ipso die, id est pridie Nonas Maij quotannis sacriū
solenne eius rei et honoris illius causa agit. Quinetiā eo ipso loco, ei templum
miro opere ædificatū cōsecratūq; esse dicit. Domitianus, quem Ioannis oratio
tam inusitatę rei miraculo adductum, credere, eumq; inprimis colere & habe-
re oportebat, nō modò ei honorem ullum nō habuit, uerum etiam in propoli-
to tradendę disciplinę nostrę permanentē, contra imperiū suum, in insulā Pat-
mos deportandā curauit. In ea insula eo die quē Dominicū nunc etiā dicimus,
uisio quędam ei oblata est, qua illi multa magnaq; mysteria ita patefacta sunt,
ut ea cum scripsisset, ad septem Asię ecclesias, Ephesinā, Smyrnensem, Perga-
menā, Thyatiranā, Sardēsem, Philadelphianā, Laodicenēq; iussu Dei miserit.
Illic aut annum unum, & eo amplius fuit. nam quartodecimo Domitiani an-
no eò in exiliū missus est, & Ephesum Nerua imperatore qui Domitiano suc- B
cessit, quicq; bienniū tantū uixit in imperio, rescisis Domitiani actis, magna
cum gloria redijt. Cum in urbē introiret, fortē Drusiana quędā mortua effere-
bat, uidua & nostrę disciplinę particeps, & magnis uirtutib; prædita, quę eadē
magno Ioannis desiderio tenebat. Propinqui illius omnes ut eum aspexerūt,
Drusianā se efferre clamauerūt, quę & eius præceptis monitisq; paruisset sem-
per & ipsos aluisset, & desiderio ipsius tanto flagrasset, ut ferē q̄tidie se ita eius
uidendi cupidā esse diceret, ut si illi semel eum cōtingeret uidere, equo animo
hinc euolaret. eū uenisse, & illū eam iā uidere nō posse, itaq; rogare se, ut ei sub-
ueniret. Ioannes illorū precib; ac lacrymis impulsus, & q; Drusianā ipse uicis-
sim charā habuisset semper, ei ut surgeret, et domum ad instruendū cōuiuium
iret, imperauit, cum hoc ei dixisset, Dominus Iesus te ab inferis excitet. Illa sta-
tim surgēs domū ut qd Apostolus iusserat, faceret, pperare ita cōpit, quasi nō
mortua, sed ā somno expergefata uideret. Craton erat philosophus illis tēpo-
rib; in magno apud suos honore et precio. Is fortē cum mundū cōtemnendū ei
se docere uellet, duos adolescētes fratres admodū locupletes suo sermone im-
pulerat. ut totū patrimoniū primū uenderēt, deinde ea pecunia quā magnā
collegissent, gēmas aliquot quę in precio essent, emerēt, postremò certo qdam
die palām in foro in cōspectu totius populi eas frangerēt. Quod cum Ioānes
illac præteriens animaduertisset, accersiu it ad se Cratonē, eiusq; illum diuitia-
rum contemptū & despicientiā triplici ratione damnauit, primū q; cum ser-
mone hominū laudaret, diuino tamen iudicio uituperaret, & improbaretur.
deinde q; eiusmodi contemptio cum eam uim nō habeat, ut uitia curaret ani-
mi, uana esset & inutilis, nō secus atq; medicina, quę adhibita, morbum mini-
mē curaret. postremò q; tum demum diuitiarū contemptus dignus laude glo-
riāq; sempiterna esset, cum quis uenditis suis omnibus, precium pauperibus
largiretur, quemadmodum Iesus adolescenti cuidam dixisset: Si uis perfectus
esse, uade, & uende omnia quę habes, et da pauperibus, Craton ad hec respon-
dit: Si

A dit: Si uerè Deus esset magister ipsius, & uellet, quemadmodū dixisset, uendi omnia, & erogari pauperibus, faceret ipse Ioannes, ut gemmę illę quę fractę essent, ad pristinā formam integritatēq; redirent, ut qđ ipse aucupadę aurę popularis causa fecisset, ille diuinę glorię tribueret. Ioannes tum collectis gemmarum fragmentis orauit, & tam integrę, q̃ prius fuerant, gemmę extiterunt. Quo miraculo Craton & duo illi adolefcētes obstupefacti, crediderūt: uenditisq; gemmis, precium egentib; erogarunt. Idem cum totam Asiā religionē nostra imbueret, barbaris q̃s infideles uocamus, seditione cōcitata, in tēplum Dianę pertractus est, ut ei immolaret & sacrum faceret. Ipse aut hanc eis conditionē proposuit, ut si illi Christi templū Dianę fide implorata euerterēt, ipse Dianę sacrificaret; sin ipse appellato inuocatoq; Christi nomine, Dianę templum funditus tolleret, illi Christo crederēt. Quę cum maiori parti placuisset cōditio, egressiq; essent omnes ē templo, ut primū Ioannes orare cōp̃it, & templū corruit, & Dianę simulacrū comminutū est. Aristodemus aut quidam pontifex erat tum sacerdotū, qui re cognita ita populū concitauit, ut una pars cum altera pręlio decertare cōstitueret. Quod cum molestē ferret Apostolus, Aristodemū adiit, quęsiuitq; ab eo quā tandem ratione ipsius animū ita infestum placare posset. Ille ita demum se & omnem animi iracundiā ac ferociam deposuit: & Christo, quem Deum prędicaret, crediturū pollicitus est, si uenenum quod daturus esset biberet, nec ei quicq; mali afferret. Accepit conditionem Apostolus: quem ut uidit Aristodemus tanta fiducia pręditū, quo facilius eū a suscepto cōsilio deterreret, duob; se daturū esse dixit, qui ut primū bibissent, necarent. Ne hoc quidē Ioannē deterruit. Aristodemus ad proconsulē ueniens, duos petiuit, qui crimine capitis damnati erant, hi cum primū uenenum biberūt, spiritum ediderūt. Ioannes aut poculo accepto, cum signū crucis exprelsisset, magno fortiq; animo cum totū uenenū hausisset, nihil malī sensit, omnes mirari, Deumq; laudib; efferre. Aristodemus aut nondū sibi satisfactū esse dixit, nec animo suo satis fieri posse, nisi eos ipsos q; mortui essent, ab inferis excitaret. Tum Apostolus ei tunicā suā tradidisse dicit: quam cum Aristodemus accipiens, quæreretur cur eam traderet, an eo pacto ipsum facilius sibi assensurū putaret, ille quo facilius se uictum fateret, acceptā iussit mortuis adhibere ac dicere, se ab Apostolo Christi missum, ut reuiuiscerent. Quę cum dixisset, statim surrexerūt. Proconsul & Aristodemus unā cum suis omnibus tam inusitatę rei miraculo impulsī, sacris disciplinę religionisq; nostrę initiati sunt. Non erit alienū hoc loco aliquid cōmemorabile quod Eusebius ex Clementis Alexandrini libro quodā prolatus, de Ioāne scribit, exponere. Ioannes cum ex insula Patmos reuocatus esset, rogari solitus erat, ut finitimas etiā ecclesias illustraret. In eo munere cū esset, ad quandā urbē uenit, in qua omnibus peractis solennib; institutis, cum adolefcētē quendā bene affecto corpore, formaq; elegantī, sed nimis acri ingenio pręditū cōspicatus esset, eum pontifici eius loci, qui paulo antē institutus fuerat, summo studio cōmendauit, cuius se rei testem & Deum & ecclesiā habere dixit. Ille omnem se curā, diligentiaq; adhibiturū esse promisit. Eadē cum Apostolus sępe dixisset, Ephesum reuertit. Pontifex ille adolefcētē sibi a tanto apostolo cōmendatū domi suę educauit, erudiuit, ad extremū etiā saluari aqua expiauit. Tum uerō paulo indulgentius & lenius habere adolefcētē & tractare cōp̃it. Quod ille ut intellexit, cum æqualib; uersari liberius cōp̃it, quorū cōsuetudine corruptus, uoluptatisq; illecebris delinitus, nihil prius habuit, q̃ ut uirtutes fugeret, ac odisset, uitia sequeret & amaret. primū quidē eū conuiuiorū epulis, apparatusq; alluciuit. deinde nocturnorū furtorū sociū asciscūt, post etiā ad maiora flagitia pertrahūt. postremo eū ita instituūt et inficiūt, ut quali equus freni impatiēs, nullū esset facinus tantū, nullūq; scelus, qđ nō et susciperet libēter, et p̃ficeret libētius.

Quinetiam

Quinetiam eum se in eo genere certaminis præstitit, ut statim ei discipulo con-
 tigerit omnes magistros longè multumq; superare. Quid multa? Eis auctor
 est, ut siue licariorum, siue prædonum ex se manum instituerent, cuius ducem
 se ac antesignanum fore profiteretur. Interea Ioannes rogatur, ut ad illam ip-
 sam urbem ueniret. Ad eam ut uenit, compositis confectisq; rebus omnibus,
 quarum causa accersitus erat, pontificem adit, ab eoq; repetit pignus quod ap-
 pud illum deposuisset. Ille qui pecuniam à se repeti, quam non acceperat existi-
 maret, primùm mirari, deinde cum Ioannem eiusmodi putaret, qui nec fallere
 sciret, nec quærere uellet, quod non tradidisset, stupore quodam hædere. Ioan-
 nes qui illum hærentem animaduerneret, reposcere se dicit eum adolescentē,
 quem non ita pridem illi maximo studio cōmendasset. Senex tum lachrymis
 profusis, eum mortuum esse dixit: quo autem mortis genere, cum rogaretur,
 Deo mortuum esse respondit, sceleratum eum & facinorosum euasisse. Eum
 latronum & licariorum ducem cum illis montem quendā occupasse. Eo nun-
 cio ita perturbatus Apostolus fuisse dicitur, ut lacerata ueste, percussosq; capite
 cum ingenti gemitu ei dixerit, O bonum animi fratris custodem. Statimq; sibi
 equum sterni, & ducem itineris dari iussit. Conscenso equo, ad montem pro-
 perare cœpit. Eò cum peruenisset, prædones, qui in insidijs erant, eum occupa-
 pant. Ille cum nec elabi ex eorum manibus, nec usquam diuertere niteretur,
 magna tantum uoce clamare cœpit, se de industria eò uenisse, tantum ad se du-
 cem suum adducerent. Veniebat iam armatus ad certam ut sperabat prædā,
 cum eminus agnito Ioanne, pudore prohibitus nō est ausus accedere, sed quā-
 ta potuit celeritate fugere cœpit: quem Apostolus, subditis equo calcaribus, su-
 gientem secutus, à tergo quærebat quid fugeret conspectum patris filius: cur
 inermem senem armatus iuuenis. Hinc bono animo eum esse iubet, spem ei
 magnam reliquam etiam esse dicit: se præterea rationem illius redditurum, &
 mortem pro illo libenter subiturum, quemadmodū pro nobis eam Deus per-
 tulisset. Itaq; tantum insisteret, & crederet: se enim missum esse à Deo. Restitit
 ille tandem: uultuq; demisso, primùm arma abiecit, deinde ingentem uim la-
 chrymarum profundere cœpit, postremò se ad pedes accedentis ad se Aposto-
 li misit: magno gemitu, suspirijs, lachrymis deniq; ueniam precatur, cum inter
 ea dextrā qua multos se interfecisse reputabat, occuleret. Apostolus iurisiurā-
 di sacramento ueniam se à Deo impetraturum pollicetur: prouolutusq; eius
 pedibus, dextram quam ille cædis conscientia, quæ eum angebat & torque-
 bat, occulebat, osculans quasi pœnitentiā iam expiata esset, ad ecclesiam eum
 reuocat & reducit. Tum uerò crebris ieiunijs, precibusq; unā cum eo susceptis
 & seruatis, ueniam quam ei pollicitus erat, à Domino impetrare conatus est:
 admixtis interim crebris sermonibus cōsolandi causa, quib. eius efferatos mo-
 res leniebat: nec antè destitit, quā eum omnino pœnitentiā mutatum, & cor-
 rectum, ecclesiæ præficeret. Hoc Ioannes facto suo docuit, quantæ curæ sibi
 esset peccatoris salus. Vt autem beneuolentiā peccatoribus quamuis penē,
 ut ita dicam, desperatis ac comploratis præbebat, sic eis qui Christianam reli-
 gionem fidemq; pertinaciter oppugnabant, ita resistebat & aduersabatur, ut
 rei nullius cum eis societate coniungi uellet. Id quod Irenæus libri tertij tertio
 capite, una in re tradidit, ex qua de cæteris coniecturam facere possumus. Scri-
 bit enim fuisse etiam tum cum libros qui aduersus hæreses inscripti sunt, com-
 poneret, qui se à Polycarpo Ioānis huius discipulo audiuisse dicerent, cum Io-
 annes ipse Ephesi ad balneas lauandi causa ueniens Corinthum hæreticū ani-
 maduertisset, eum re infecta q; primùm discessisse, quod uereri se diceret, ne
 balneæ, in quib. Corinthus ueritatis hostis esset, cōciderent. Idem eodem & li-
 bro & capite ecclesiam Ephesinam à Paulo fundatam esse tradit. Ioannemq;
 in ea urbe & ecclesia usq; ad Traiani tempora remansisse. Eundemq; scribit
 eiusdem

A eiusdē libri capite primo, extremo Euangeliū suum tum scripsisse, cum Ephesi
 esset. Quāq; Dorotheus in ea est sentētia, ut dicat Euangeliū ab eo in Patmo
 insula scriptū esse, & per Caium Ephesi ab illo editū. Quā autē ei causa Euan-
 gelij scribēdi post Matthaeum, Marcum, & Lucam fuerit, docet Hieronymus.
 Ait enim eum scripsisse, uel quod tum iam ortæ essent hæreses Corinthiorum
 & maxime Ebionitarū, qui Iesum ante Mariam nō fuisse assererent, ob eamq;
 causam à diuinitate coactus fuit capere exordiū: uel quod cum trium quorum
 modò mentionē feci, Euangelia euoluisset, probarit illa quidē: sed cum unius
 tantum anni Christi res gestas, in quo etiam mortem perpeffus esset, expositas
 ab illis offendisset, ea sibi quæ ille superioribus duobus gessisset, exponenda
 cōmemorandaq; cēfuit. Scripsit etiā tres epistolas, primā ad omnes Ecclesias,
 alterā ad quandam mulierē, quam dominā etiam uocat, & ad eius liberos, ter-
 tiā ad Caium. Eas Ecclesia uniuersa probauit, Ioāniq; apostolo attribuit. De
 uitā, quā longissimā sanctissimāq; traduxit, diuturnitate, id est, quādiu uixē-
 rit, uaria traduntur. Dorotheus quidē eum annos $\overline{r}x$, id est centum & uiginti
 expleuisse, scribit. Cōmunis nūc opinio est, eum nouem & nonaginta uixisse.
 Nam ex eo quod Hieronymus tradit, eum octauo & sexagesimo post Chri-
 sti mortem anno excessisse ē uita, lōgam eius etatē fuisse intelligimus: q; uerò
 longa fuerit, planē non intelligimus, nisi quod minimū ad centesimū ferē per-
 uenerit. Neq; enim eum Christus tum, cum puer esset, delegit, sed maiore uir-
 ginti annis. De morte autē eius hoc ab Ecclesia traditū accepimus. palām em̄
 ac publicē in templis ante mille annos, quantū ex librorū antiquitate intelli-
 gitur, canitur. Is ergo paulo ante diē festū paschæ octauo & sexagesimo à Chri-
 sti morte anno, ut Hieronymo placet, Christū unā cum condiscipulis uisus est
 uidere, aut uidit potius, inuitantē ipsum ad conuiuiū suum, cui iam cōdiscipu-
 li adhibiti essent. Quem ut uidit & audiuit, pāsis manibus primū ei gratias
 egit quod ad se uenisset, quē sciret maximo sui desiderio teneri. deinde eum
 obnixē rogauit, ut se ad epulas & conuiuiū suum transferret, ut esset cum con-
 discipulis suis, cum quibus ipsum inuississet. Tum ei Christus pollicitus esse di-
 citur, se ad diē festū paschæ qui ad paucos dies futurus esset, esse uenturum.
 Itaq; ad eum se ipse compararet, terramq; defodiendam curaret, in qua se ipse
 componeret & inhumaret. Itaq; Dorotheus ait Ephesi eum se ipsum Dei uo-
 luntati ac praecepto parentem, sepelisse. Hieronymus autem eum ad urbem
 sepultum esse scribit. Quo autem modo, congruenter ijs quæ de Ecclesia pau-
 lo antē dixi, exponam. Die igitur cōstituto præsriptoq; à Christo, omnes
 eos qui sacerdotum ordinem explebant, conuocasse, atq; in specum se abiēcisse
 dicitur, ac praecepisse, quemadmodum Gregorio Turonensi pontifici qui
 mille ferē abhinc annis fuit placet, ut se circumstantes, humo contegerent.
 Quod cum factum esset, tantum ibi lumē repentē extitisse dicitur, ut nihil prae
 eo omnes qui aderant, cernere possent. Eo autem subtraeto, ferunt cum in fos-
 sa quidnam reliqui esset scrutati essent, eos mannam tantum farinam imitan-
 tem reperisse: eamq; ex sepulchro illius sua etiam memoria manare solitam.
 idem Gregorius scribit, quā eam uim haberet, ut per uniuersum orbem lon-
 gē lateq; deportata, medicinam agrorum morbis afferret. Idemq; auctor est,
 in cuiusdam montis urbi proximī cacumīne, quatuor parietes sua etiam me-
 moria extitisse, intra quos ille semper populi peccatis Deum placare solitus
 esset. Quinetiam cum ad Euangelium scribendum eum delegisset locum, &
 illum petisse, ut nullus eò ē cœlo imber, quoad opus institutum absoluisset, de-
 scenderet, & miraculis illud ad suam etiam ætatem perseverasse scribit. Augu-
 stinus autē explanans illius librum extremū, qui Euangeliū inscribit, commē-
 morat ætate sua famam constantē fuisse, in sepulcro eius terrā sensim scaturire,
 & quasi ebullire solitā, quod quāobrem fiat, non audet certū aliquid pñunciare.

VITA BEATI MATTHAEI A A

postoli, Ioachimo Perionio Benedictino Cormæ-
riaceno auctore.



Matthæus publicanus, cui & Leui, quemadmodum Marcus & Lucas commemorant, nomen fuit: Alphæi, ut ait Lucas, fuit filius. Is primū ex communi discipulorum numero fuit, deinde ex eo à Christo ad apostolicam dignitatem honoremq; euectus. In numerum quidem discipulorum ascriptus fuit hoc modo.

Cum ipse publicanus, ut dixi, esset, publicanorumq; munus exequeret, eum Christus, ut se sectaretur, hortatus est. quod non grauātē ilico fecit, introduxitq; domum suam Christum: ubi ei, adhibitis multis publicanis, alijsq; hominibus, quorum de uita pharisæi malē existimarēt, conuiuiū apparauit. Quod cum Pharisæi, qui Christi facta calumniandi causa obseruabant, animaduertissent, illud ei ut probrū obijcere cœperunt, quod cum publicanis peccatoribusq; uesceret. At ille eam illorum calumniā ita uel elusit, uel diluit, ut diceret, Non ualentib. medico opus esse, sed agris. Atq; hoc quidē modo se Matthæus in Christi disciplinā tradidit. Apostolorū autem duodecim numerus non ita sensim auctus & expletus fuit, sed duodecim, quorum est Matthæus, simul ex cōmuni discipulorū numero delecti atq; adeo selecti, tum fuerunt, Luca teste, cum Christus nocte in oratione in mōte quodā cōsumpta mane ad se omnes accersiu. Non est quod hoc loco dicam, Matthæum ex quo Christum secutus sit, nunquam ab illo discessisse, testemq; ac spectatorem eius miraculorum, totius uitæ etiam imitorem, socium itineris, ac laborum, curarum, angorum, participem fuisse. Hæc enim ei sunt cum cæteris communia. Itaque ad ea quæ ad eum propriè pertinent, festinat oratio. Cum illud tempus uenisset, quo Christus suos omnes, atque in his maximē duodecim uniuersum orbem peragrarē docendi Euangelij causa uoluit, diuisis inter se ex præscripto attributisq; spiritus, prouincijs, Aethiopia Matthæo obtigisse dicitur. Huc ille primo quoque tempore uenit, ac primū in urbe & maxima & nobilissima commoratus est, in qua magi duo Zaroës & Arphaxat falsis quibusdam inanibusq; editis operibus, in eam sui admirationem Aegippum regem cum populo excitauerant, ut eos Deos esse crederent. Matthæus autem primo suo aduentu, eorum præstigias fraudesq; aperuit atque repulit. Nam & eis quos illi excæcasse uidebantur aspectum, & surdis auditum, restituebat. Angues quos in homines ita concitabant, ut grauissima uulnera infligere uiderentur, expellebat, uulneraq; curabat. Erat tum in eadem urbe, Candaces Eunuchus reginæ, qui à Philippo baptizatus fuisse in Actis apostolicis dicitur. Is cum Matthæum hæc omnia facere animaduertisset, prouoluit se ad eius pedes: Deumq; laudauit, qui misertus esset populi sui, quem cum Magi in errorem induxissent, ipse per Apostolum suum ab errore ad rectam uiam reuocauisset. Recepitq; eum domum suam, quod amici illius ac necessarij confluere cœperunt: auditoq; uitæ uerbo, crediderunt, salutariq; aqua expiati sunt. Plures inde partim miraculis, non ijs modò in quæ paulo antè commemoraui, sed nouis alijs quæ maximē in ægrorum curatione uersabantur, adducti, partim singulari illius eloquentia, religionem disciplinamq; nostram comprobarunt. Itaque Candaces Eunuchus ille, tot linguarum in eo cognitionem admiratus, rogare eum cœpit, ut exponere uellet, quifieri posset, ut ille cum Hebræus esset, tamen tam plenē linguam Græcam, Aegyptiacam, Aethiopicamq; nosset, ut earum homines ipsi concederent. Tum Matthæus homines inquit, quondam principio generis sui, uno sermone omnes

A omnes usos fuisse, eorumque arrogantiam fecisse, ut unus in multos eosque dissimiles sit, variosque diuisus. Arrogantiam autem fuisse eiusmodi, ut turrim communi consilio ædificarent, cuius fastigium cœlum pertingeret. Quod cum Deus animaduerneret, eum tantam linguarum sermonumque uarietatem repente eis admiscuisse, ut quid quisque diceret, aut uellet, nemo homo alius, nec ipse intelligeret, nec alij explicare posset. Hoc linguarum multitudinem initium habuisse, hoc quasi supplicio hominum temeritatem & audaciam tantam retardatam ac repressam fuisse. Neque enim hanc uitam esse quæ rectâ ad cœlum ferat, sed eam quam Christus Dei filius in mundum ueniens ostenderit. Eum enim decimo quàm in cœlum ascendisset die, misisse ad ipsum & condiscipulos Spiritum sanctum. quo afflati, uarijs linguis apud homines, qui tum Hierosolymam ex omnibus penè imperijs conuenerant, Christi uirtutes beneficiaque in genus hominum prædicassent. Se enim & rationem qua humanam naturam ille assumpsisset, exposuisse: & eum natum ex matre uirgine, ab eadem educatum, cum triginta annos natus esset, baptizatum, inde tentatum à diabolo, denique in crucem actum narrasse, tertio inde die ab inferis mortuisque excitatum, quadragesimoque ipsis spectantibus uisua cœlos conscendisse, eum ibi à dextra patris sedere, unde sit tandem aliquando uenturus, ut homines pro suis quemque meritis iudicet. Non igitur se istas tantum quatuor linguas, sicuti putaret, nosse, sed omnes omnium gentium quasunque adirent. Nunc ergo turrim ædificari, non lapidibus, sed Christi uirtutibus. Omnibus qui Patris, Filij, & Spiritus sancti nomine baptizarentur, aditum ad turrim quam Christus ædificauerit patere, unde facilis in cœlum ascensus ostenderetur. Hæc atque talia cum mystico sermone Matthæus differeret, uenit qui nuntiaret magos duos aduentare cum singulis draconibus, qui ore flammam redderent, naribus auras sulphureas spargerent, quarum odor teterrimus homines enecaret. Matthæus statim signo crucis intentato, egredi coepit: quem cum Candaces Eunuchus prohiberet, admoneretque ut sibi potius consuleret, atque e specula tuto feram conspiceretur, Tu uero, inquit, qui times, in specula consistes: ego qui nihil timeo, in publicum prodeo. Vix dicendi finem fecerat, cum apertis foribus dracones atque magos qui eos sequebantur, conspiciat. Færæ autem ut primum Matthæum animaduernerunt, ad pedes illius cubantes, somno se ac quieti dederunt. Tum Apostolus per ridiculum Magis, Vbi est, inquit, ars uestra? Excitate eos, si potestis. Equidem si Christum Dominum non rogassem, furor quem in me concitauistis, in uos omnis retortus recidisset. Cumque illi arte sua dracones expergefacere conarentur, diuque id tentantes nihil proficerent, Matthæus hoc artis eorum esse negauit, hoc se facile posse facere, dixit: eosque ita præceptis suis parituros, ut deposita iracundia, eiectoque furore, quàm primum ad lustra sua redirent. Hoc populus orare, hoc precari, ut se à bestiarum furore, quem expertus esset, liberaret. Tum Matthæus Christi nomine qui ex Spiritu sancto natus esset, ac Maria uirgine, quemque Iudas apostolus Phariseorum libidini, dedisset quæ illi postea cruci suffixissent, qui sepultus tertio die quam mortuus esset, excitatus esset ab inferis & mortuis, qui cum discipulis quadraginta diebus uersatus esset, eisque omnia quæ ante mortem dixerat, commemorasset, qui denique quadragesimo quàm excitatus fuisset à mortuis, die, ad cœlos conscendisset, unde aliquando rediret, ut uiuos mortuosque iudicet, Spiritum Dei adiurasse dicitur, ut dracones excitaret, excitatos iuberet ita repetere sua lustra, ut nihil cuiquam mali ac detrimenti afferrent. Cum his uerbis repente fere discesserunt, nec ex eo tempore à quoquam uisi sunt. Tum hortari eos qui circumstant, stabant,

stabant, coepit, ut à dracone diabolo liberari uellent, se enim à Deo salutis a
 eorum causa missum esse, ut relicta idolorum superstitione, se ad ueram u-
 nius Dei religionem conuerterent, qui omnia creasset. Deum enim homi-
 nem quem primum condidisset, unà cum uxore quam ex illius costa finxisset,
 in paradiso collocasse. Paradisum autem, quæ altissimos montes superaret,
 cœloq; uicina esset, locum amœnum esse, in eo nec senectuti, nec morbo,
 nec his miserijs, calamitatibus & malis quæ sentiamus locum esse.
 Omnia iucunda illic ostendi, grata omnia, & ex animi sententia euenire. Ad-
 didit hoc etiam, cum primi illi homines in tam amœno loco à Deo collocati
 fuissent, diabolum tanta in eos statim inuidia exarsisse, propter Dei imagi-
 nem & similitudinem quam in eis cerneret, ut serpentis anguisq; specie, ad
 mulierem accedens, nunquam eam destiterit uel diuinitatis quam illis pro-
 mitteret, specie illicere, quoad persuasisset, ut fructum à Deo poena capitis
 uetitum comederet, quod etiam Adamus ab uxore pellectus & deceptus
 fecerit. Quæ cum Deus animaduertisset, illos primos homines ab eo ex lo-
 co perpetuæ iucundæq; uitæ, in hunc calamitatis miseriæq; plenum expul-
 sos esse supplicij causa. Non tamen eos, eorumq; posteros à Deo neglectos
 esse, sed tam charos habitos, ut ad extremum Dei filius pro singulari exi-
 miæq; erga nos benignitate, homo fieri diuinitate retenta, minimè dubita-
 uerit. Natum enim eum esse ex Maria uirgine, cum Spiritus sancti uirtute
 conceptus esset, sicuti angelus ei prædixerat, fore, ut uirginalis in ea casti-
 monia quam Deo uouisset, salua permaneret. Idq; multo antè à Salomone
 prædictum fuisse, cum diceret: Sapientiam Dei, id est Dei filium, sibi do-
 mum ædificauisse. Hoc etiam consentaneum fuisse, ut quemadmodum Ada-
 mus fictus compositusq; fuerat ex terra, quæ uirgo esset, cum nec peccato
 contaminata, nec sanguinis effusione polluta, nec mortui ullius sepultura in-
 quinata antè fuisset, sic Dei filius qui Adamum restituere ac redimere uo-
 luit, ex uirgine nasceretur. Atque ut ille à diabolo contra Dei præceptum
 uescendo uictus fuerat, ita hic ieiunando diabolum uinceret. Quinetiam
 superatum eum esse ab illo patientia, quam ad flagra, ad colaphos, ad sputa,
 ad coronam spineam, denique ad crucem uoluerit peruenire, uicisse mor-
 tem oppetendo, ut cœlos nobis resurgendo aperiret. Cum nemini dubium
 esse debeat, quin animi sanctorum ex corporibus excedentes illuc conuo-
 lent. Extrema eius oratio fuit, qui uelit à morte iam ad uitam redire, & ad
 paradisum, unde Adamus parens noster eiectus, hic nos procreauerit. Ape-
 ruisse nobis Christum paradisi portas, ut ad patriam reuertamur in qua mors
 nihil possit, in qua nullus miseriæ locus sit, nullus mœrori, sed latititia & gau-
 dium, quod nulla tempora nec tollere, nec obruere possint. Cum hac alia
 que eiusdem generis Matthæus peroraret, repente tumultus quidam tristitiæ
 luctusq; plenus exortus est. Efferebatur enim cum gemitu omnium Regis fi-
 lius, ad cuius funus cum ingenti multitudine duo quoq; magi illi cōuenerant.
 Qui cum illum ab inferis excitare frustra conati essent, suadere Regi coepe-
 runt, ut filium qui ad deorum concilium raptus esset, in deorum numero re-
 poneret, eiq; templum ædificandum curaret, in quo illius statua poneretur.
 Quod cum Candaces Eunuchus intellexisset, reginam adiens, ei suasit, ut
 Magos in custodiam traderet, Matthæumq; accerferet, qui si filium mor-
 tuum à mortuis excitaret, Magos quorum sceleribus mala omnia in ciuitate
 euenirent, uiuos exuri iuberet. Accersitur Matthæus, cum honore introdu-
 citur, Euphinsia regina supplex eum rogare, ut filium suum excitaret. Se
 enim credere illum à Deo salutis hominum causa missum esse, eiusq; esse di-
 scipulū, qui & mortuis uitam restituisset, & ab omnibus solo imperio morbos
 omnes

omnes depulisset. Itaq; sibi non esse dubium, quin si illius nomē appellauerit, filius mortuus reuiuisceret. Apostolus fidem Reginæ admiratus, hæc ei dixisse fertur, Eam profiteri se credere, quæ nondum ex ipsius ore uerbum ullum audiuiisset. Itaq; hoc sibi persuaderet, excitatū iri filium ab inferis. Cumq; in cœlum manus tendisset, Deus, inquit, Abrahā, Deus Isaac & Iacob, qui in mundum salutis nostræ causā filium tuum ungenitū misisti, ut & nos ab errore abduceret, & te nobis Deum uerum ostenderet, rogo te ac deprecor, ut hunc excites, ut hi Deum præter te præpotentē esse neminem credant, & quæ dixi uera esse intelligant. Cumq; hæc perorasset, manum mortui comprehendit, cum his uerbis: Domini mei Iesu Christi qui cruci suffixus est, nomine, Euphronome (erat enim hoc nomen regis filio) reuiuifce, & surge. statimq; reuixit, cum summa patris regis & uoluntate et admiratione. Itaq; cōfestim coronas & purpuram ei deferri iussit, præconesq; misit, qui ex toto imperio suos accerferent, ut Deum in hominum specie ac figura latentem cernerent. Fit concursus hominum innumerabiliū, qui cum cereos & lampadas deferrent, thuraq; incendere uellent, adhibito uario sacrificiorū genere, tum Matthæus ne id facerent prohibuit: se enim non Deum esse, sed Domini sui Iesu Christi seruum, a quo missus esset, ut ipsi relicta simulacrorū, quæ colerent, superstitione & errore, ad ueri Dei cultum religionemq; reuocarentur. Qui si ipsum hominem eis similem Deum esse crederent, quanto magis eum Deum esse credere deberent, cuius se ipse seruum esse prædicaret: cuius etiam nomine regis filium excitasset ab inferis? Itaq; cum hæc ipsi ratione atq; animo uera esse perciperent, aurum & argentum coronasq; aureas e conspectu ipsius tollerent, templumq; Deo uero edificarent, in quod ad Dei uerbum audiendum conuenirent. Hæc illius uerba ut Dei oraculum accipientes, tantum architectorū operatorumq; numerum adhibuisse dicuntur, ut intra dies triginta opus perfectum absolutumq; sit. Templo autem nomen, ut ita dicam, Resurrectionis imposuit, propterea q; regis filij excitatio ei edificando occasionē attulisset. Tres & uiginti annos illic præfuisse, atque presbyteros & diaconos instituisse, ciuitatibusq; episcopos præposuisse, & complura templa fundasse dicitur. Salutari etiam aqua & Aegippum regem expiauit, & Euphinsiam reginam, & Euphronomum quem excitauit, & Iphigeniam eorum filiam, quæ, ut mox dicetur, ab eodem Christo dicata uirgo permansit. Quoniam autem longum est exponere, quot cæcis aspectum reddiderit, quot leprosos curauerit, quot paralyti liberauerit, quot deniq; a mortuis excitauerit, quā religiosus Aegippus rex fuerit, q; proba eius uxor regina, hic quam ob causam, quoq; modo mortem pro Christo obierit, narrari melius est. Aegippus quidem, cum admodū senex in sancto proposito permanēs, excelsisset e uita, Hirtarchus regnū adeptus est. Is Iphigeniam Aegippi filiam in matrimoniū accipere cupiebat, idq; se facile ab Apostolo impetraturū esse sperabat. quanquam enim eam nō solum Christo consecratam uidebat, uerum etiam iam amplius ducentis uirginibus præpositam, tamen eius animum facile Matthæi auctoritate commoueri abduci que posse existimabat. Itaque hac spe fiduciaque fretus, Apostolum adiit, eiq; dimidium regni pollicitus est, si hoc uirginī in animum induxisset. Hoc illi Apostolus primū nec planē concessit, neque denegauit, sed eum tantum admonuit, ut consuetudinem Aegippi seruans, qui omni sabbato eō conueniret, ubi uerbum Dei prædicaret, ipse uirgines omnes quæ cum Iphigeniæ essent, conuocaret: tum illum auditurum, quot coniugium laudibus ornaret, ipsumq; Deo gratum acceptumq; esse doceret. Omnes cum conuenissent, Matthæus hortatus est, ut & attentē audirent quæ dicturus esset, & memoria quæ iam audissent, tenerēt. Hirtarchus, qui hæc Apostolū dicere arbitraret, ut Iphigeniæ animum ad ea quæ de coniugio quod initura esset, prepararet, laudibus cum

bus eum efferre cœpit, de ijsq̃ rebus, cum ijs quos secum adduxerat, communicabat. Facta rursus audientia, ita Apostolus exorsus est: Viderent illi, quàm longè oratio progressa esset, ut etiam eadem rectè fieri posse doceret, cum is occiditur, qui si ipse solus interfectus non esset, multos innocentes occideret. Sic Goliath occisum esse, sic Sisaram, sic Amanum, sic Olofernem, sic deniq̃ interfectos esse, qui eorum sedibus ac regnis insidias parassent. Itaque coniugia etiam dum inirentur, præclaris honestis que actionibus & officijs ornari, si iuste, si legitime, si sanctè, si integrè inirentur. Quod si sponsam regis eius seruus usurpare audeat, is non solum peccare, sed etiam tam graue scelus admittere dicitur, ut quàm primùm uiuus exuratur, non quòd coniugium omnino ineat, sed quia regis aut domini sui uxorem usurpet. Sic Hirtarchus rex (ad eum autem orationem conuertisse dicitur) cum Iphigeniam regis cui successisset filiam sciret, Regisq̃ cœlorum sponsam, & sacro uelamine consecratam, quo tandem modo posset potentiori ereptam, in matrimonio ducere: Hirtarchus qui adhuc Apostoli uerba omnia laudauerat, tum iracundiæ facibus concitatus, discessisse dicitur. Ipse uerò multo alacrior cœptum sermonem persecutus est, cum ceteros ad audiendum non minus quàm antea paratos uidisset. Regem dixit, qui in orbe terrarum dominatu alios teneret, haud diuturnum imperium tenere posse: Regis autem qui cœlis præesset, æternum esse dominatum & imperium. Eundemq̃ ut letitia gaudioq̃ maximo eos qui ipsi fidem seruant, perfundit, & afficit, ita eos acerrimis supplicijs afficere, qui ab illius fide deficerent. Quòd si regis ira & furor pertimescendus esset, quid de Deo existimare deberent? præsertim cum hominis ira siue tormentis, siue ignibus, siue ferro & igne satietur, ad quoddam tempus dureret, diuina autem ultio sempiterni ignis in scelestos supplicium statuerit? Itaque Dominum nostrum Iesum Christum suis præcepisse, cum in conspectum regum processissent, ne eos timerent, qui cum uerberauerint & interfecerint, nihil quod præterea facerent, haberent: eum metuerent potius, qui cum occiderit, & perdere posset, & in gehennā mittere. Iphigenia tum spectante populo se ad pedes Apostoli misit, orauitq̃ eum eius nomine, cuius apostolus esset, ut sibi socijsq̃ uirginibus omnibus, quæ Domino ipsius sermone consecratae essent, manus imponeret, quo facilius minas regis possent contemneret. Ille eius precibus adductus, Christi q̃ præsidio ac spe fretus, contempto regis odio, uelum omnium capitibus apposuisse dicitur, Deumq̃ orasse, ut illas famulas suas, quas ex omni numero bonus pastor ad seruandam ornandam que perpetuæ uirginitatis castimoniam elegisset, ipse custodiret, atque tueretur, & ad omnia uirtutum munera & officia, duce sapientia, ita excitaret atque præpararet, ut uictis carnis illecebris, coniugijsq̃ non legitimis repudiatis, uinculo quod res nulla soluere posset, cum Christo colligarentur. Hac atque alia eiusdem generis cum Apostolus uirginibus illis bene precatus esset, Missæ sacro peracto, ad aram in qua Christi corpus confecerat, reuersus est: ibi cū pæsis manibus precaret, eū licetor ab Hirtarcho rege missus, securi percussit. Quod ut populus accepit, statim ad palatiū cū igne proficisci cœpit, ut ligna & sarmenta circundaret, ignemq̃ subijceret, quo incendio totum deflagraret. Obuiam fiunt populo furenti sacerdotes omnes ac clerici, qui hortati sunt ne id facerent, quod uoluntatem diuinam offenderet. Petrum enim apostolum cum districto gladio Malchi cuiusdam auriculam præcidisset, à CHRISTO ne par pari referre uideretur, obiurgatum esse, atque auriculam suo loco integram sine ullo doloris sensu restitutam. Itaque Apostoli martyrium lætis animis celebrarent, & quid Deus constitueret, expectarent. Iphigenia autem CHRISTI uirgo, quicquid auri & argenti & gemmarum habuit, id cum ad sacerdotes attulisset, ea omnia se ita conferre dixit, ut

xit, ut cum dignum Christi Apostolo templum ædificassent, quod reliquum esset, egentibus erogarent. Sibiq; dixit certamen remq; cum Hirtarcho fore. Quod nō ita multo post accidit. Hirtarchus enim omnium nobilium uxores ad eam proficisci iussit, quod earum siue precibus, siue cohortationibus illam flecti adduciq; posse speraret, ut ipsi in matrimonio collocaretur. Quò cum illa nullo modo deduci posset, magos conuocat, qui eam dæmonum præsidio usi, raperent. Sed nihil ars eorum potuit. Itaque alia uia rem aggreditur. Incendere constituit locum in quo Iphigenia, unā cum cæteris uirginibus die noctuq; Deo seruiebat. Nec uerò subiecti ignes nocere potuerunt, flammaq; circum domum tantum apparuit. Quinetiam angelus unā cum Matthæo uisus esse dicitur, qui Iphigeniam bono animo esse iuberet, nec ignem timere, qui in eum à quo paratus erat, redundaturus esset. Vix angelus finem dicendi fecerat, cum uentus ortus est, qui suo impetu flammam à domo uirginis ad regis palatium transtulit, ut consumptis omnibus, ipse cum filio quem unum habebat, ægre potuerit euadere. Quanquā multo illud supplicium leuius ei accidisset, quā quo affectus est. Nam & in illius filium cacodæmon inuasit, atque intrauit, cuius impulsu cum ad Apostoli sepulcrum magno impetu cucurrisset, manibus à tergo uinctis, eum paterna crimina & scelera cogeabat confiteri: & ipsum elephantia totum infecit, quem morbum cum medici adhibiti curare non possent, ipse ui morbi coactus, in gladium incubuit. Quod ut rescituit populus, magnam ex morte illius cepit uoluptatem, fratremq; Iphigenia, Beorium nomine, qui sororis opera à Matthæo aqua saluari expiatus erat, regalem potestatem administrare uoluit. Is cum quinque & uiginti annos natus regnare cœpisset, ad tres & sexaginta imperium prorogauit. Duobusq; susceptis liberis, unum exercitui præfecit, alterum regni heredem instituit. Ita pace in ecclesia Aethiopiæ constituta, Respublica Christiana illi Matthæi meritis ac precibus amplificata est. Scripsit Euangelium, quod eius nomine circumfertur, Hebraico sermone, ut ait Hieronymus: quod incertum est quisnam postea in Græcum conuerterit.

B. BARTHOLOMÆI APOSTO.

liuita, Ioachimo Perionio Benedictino Cormæriaceno auctore.



Bartholomæus primū Christi discipulus, deinde apostolus fuit. Ei India (neq; enim in libris qui Noui testamenti nomine inscripti sunt, aliud de eo scriptum est) ei inquam India prouincia, quæ orbis finis & terminus est, obtigit: in quam ut uenit, templum quoddam ingressus est, in quo idolum & simulacrum, quod incolæ Astarotum nuncupabant, erat eiusmodi, ut se homines quouis morbo afflictos, curaturum profiteretur. Sed curatio, quam adhibebat, non uera erat, sed quædam eius, quæ homines captabat, simulatio. Neque enim quenquam curabat, sed cum eos quos in morbum coniecerat, torquere & excruciare desineret, hominibus hoc ipso curare uidebatur. Primo autem Bartholomæi aduentu simulacrum, aut potius dæmon qui in eo latebat, nec responsa dare, nec cuiquam ex ijs quos in morbum coniecisset, subuenire poterat. Itaque cum indies maior ægrorum multitudo in templum, curationis causa, conflueret, quorum nemo ulla ratione remedium inueniret, coacti sunt sacerdotes ad proximum oppidum uenire, atque à deo qui ibi colebatur querere, cur deus quem ipsi colerent, iam responsum nullum daret. Respondet Beritus (hoc enim deo nomen erat) ob eam causam illum iam loqui non posse, quòd ibi esset Bartholomæus Dei Apostolus. Cumq; rogarent quisnam ille esset, & ex qua re eum possent internoscere, Amicū uerī Dei eum esse ait, ob eamq;

ob eamq̃ causam uenisse in illam prouinciam, ut omnia deorum numina e-
 uerteret: eius barbam prolixam esse paucis iam canis distinctam, nigrum ca-
 pillitium, carnem candidam, nares iustas, staturā iustam, pallium album. Sex
 & uiginti annis, uestem eius nec sordes contraxisse, nec sensisse uetustatis in-
 iurias. Centies interdū totiesq̃ noctū flexis genubus ab eo Deum uerum ro-
 gari, se ab eis petere, ut eum cum inuenissent, rogarent, ne eò migrās eodem
 supplicij genere se afficeret, quo in Astarotum collegam suum animaduertis-
 set. Illi, cum Deus conticuisset, redierunt: cumq̃ magna cum diligentia Apo-
 stolum quærerent inter peregrinos, fortè quidam quem dēmon agitabat, ma-
 gno clamore Bartholomæum nomine appellare cœpit, ac palām dicere, se il-
 lius precibus incendi: quod cum Apostolus audisset, imperauissetq̃ ut & ob-
 mutesceret, & abiret, statim & obtemperauit ille, & homo curatus est. Erat tū
 in ea prouincia Polimius rex, qui cum à Bartholomæo ex corpore huius ho-
 minis cacodæmonē expulsum esse auditione accepisset, filiam quam dæmon
 torquebat ad eum misit, rogans, ut quemadmodum Eustium (ei enim homi-
 ni quem curauerat, hoc nomen fuit) ab eo morbi genere liberasset, sic filia,
 quam charissimam haberet, subueniret. Virgo autem ita à malo genio agita-
 batur, ut præ dolore omnes morderet: & quos arripere poterat, discerperet.
 Itaque catenis uincta ad Apostolum adducta est, quam ut uidit, eam solui ius-
 sit. Ministri hoc se facturos pernegarunt, quòd nemo ad eam accedere, nemo
 eam attingere auderet. Eos ille primū obiurgat quòd cum hostem qui in uir-
 gine esset, uinctum & cōstrictum teneret, ipsi eam etiam tenerent, deinde eis
 imperat, ut ad eam accederent, eamq̃ soluerent, ac abluerent, & postridie pri-
 ma luce ad se introferrent. Illi cum dicto audientes fuissent, dæmon ita expul-
 sus eiectusq̃ est, ut eam postea nunquā agitauerit. Rex ne tanto beneficio ac-
 cepto immemor ingratusq̃ uideretur, ei camelos auro, argento, gemmis, ue-
 stibusq̃ onustos muneri misit. quæ omnia cum Apostolus diligenter quæsitus
 inueniri minimè potuisset, reportata sunt in palatium. Postridie prima luce oc-
 clusis foribus Apostolus in regis cubiculum cum solus esset, introisse dicitur,
 eiq̃ dixisse, frustra se ab eo cum auro & argento quæsitum esse, cum ea omnia
 illi requirant, & desiderent, qui terrena sapiant & quærant. cuiusmodi nihil i-
 pse requireret. Itaq̃ se hoc sibi ipse persuadeat uelle. Dei filium nasci uoluisset
 ex uirgine, cuius initium ante orbem conditum à Deo patre esset, quiq̃ natu-
 ris omnibus tam ijs quæ cernerentur, quàm ijs quæ aciem oculorum effuge-
 rent, principium dedisset. Virginem autem eam, ex qua natus esset, omnem
 uiri concubitus declinasse ac repudiasse semper, primamq̃ omniū Deo uir-
 ginitatis uotum nuncupasse. Ad eandem missum à Deo Gabrielem archan-
 gelum in cubiculum quod occlusum esset uenisse: eumq̃ cum illam metu per-
 cussam cerneret, hortatum esse ne timeret, quòd ipsa à Deo gratiam inisset
 tantam, tamq̃ ei grata esset, ut filium & conceptura & paritura esset, quem le-
 sum uocaret, quiq̃ filius summi Dei diceretur. Illa uerò iam metu deposito,
 constanter rogasse, quid id fieret, cum Deo uirginitatem castimoniamq̃ uo-
 uisset, ad eaq̃ angelum respondisse, Spiritus sancti illum munere & cperere, nō
 uiri semine concepturam esse atq̃ parituram. Itaq̃ quod sanctum ex ea nasce-
 retur, id Dei filij uocatum iri nomine. Hæc etiam Bartholomæus Polimio re-
 gi patefecit, hunc Dei filium cum natus esset, se triginta annos natum, passum
 esse tentari à diabolo eo, qui primum hominem uicerat, cum ei auctor fuisset,
 ut fructū quem Deus uetuisset, ederet. Itaq̃ eum ad se accedere propterea pas-
 sum esse, ut quemadmodum Adamo, id est primo homini per mulierem sua-
 serat, ut uesceretur, & comedit, ob eamq̃ causam ex paradiso in hunc mundū
 exilij supplicijq̃ causa expulsus, omne hominū genus propagauit & genuit:
 sic huic cum suauisset, ut lapides quos ostendebat, in panes, si filius Dei esset,
 conuer-

A conuerteret & ederet uictoriam qua potitus erat, ieiunantis uirtute constantiaq; amitteret, cum ei respondisset: Non solo pane hominem, sed omni etiam uerbo quod ex Dei ore exiret, uiuere. Aequum enim fuisse, eum à uirginis filio uinci, qui filium uirginis ante uicisset. Hoc loco Polimius Apostolum rogat, cur primam uirginem uocasset eam, ex qua homo & Deus natus esset, Ille cum gratias Deo primum egisset, quòd regi mentem ad se audiendum dedisset, ita respondit, primum hominem Adamum dictum esse, terramq; ex qua fictus compositusq; fuisset, & matrem eius, & uirginem fuisse, propterea quòd nec sanguine humano adhuc polluta contaminataq; fuisset, nec ad cuiusquam mortui sepulturam aperta. Itaque consentaneum fuisse, id quod iam dixerat, ut qui filium uirginis, id est terræ, uicisset, is à uirginis filio uinceretur. Vicisse autem, illum quòd arte & fraude egisset, ut Adamus contra Dei præceptum uesceretur, ob eamq; causam expulsus eum esse ex paradiso, quòd ei reditus postea non patuerit. Hunc autem uirginis filium egisse, ut artem diaboli & experiretur & uinceret, ut cælum homini uictoria sua aperiret. Nec uerò eius temperantiam ante quadragesimum diem diabolum tentare cœpisse, quòd ita existimaret, ac secum reputaret, si tricesimo die minime esuriret, illud certum fore diuinitatis argumentum: sin intra illud tempus esuriret, hominem eum esse, qui ea quæ homines, pateretur. Multaq; alia Apostolus de illa triplici tentatione & uictoria commemorauit, eaq; omnia eò pertinere uoluit, ut doceret ad extremum quemadmodum ij qui tyrannos uincunt, suos mittere solent, qui in omnibus locis quæ illi usurparent, insignia uictoriae ipsorum statuunt: sic Iesum Christum qui diabolum tyrannum superauerit, Apostolos suos misisse in omnes prouincias, ut & diabolum eiusq; ministros, qui in statuis templorum habitarent, expellerent, & homines qui eos colerent, ex illius qui uinctus esset imperio ac potestate eriperent. Itaque argentum & aurum se contemnere ac pro nihilo putare, sicut CHRISTVS ipse contempserit, quòd ibi diuites esse cupiant, ubi solum eius imperium dominatur, in quo nec languori, nec morbo locus sit, nec tristitiæ, nec morti: sed contra uitam ibi, beatitudinem, cœlicitatem, lætitiâque sempiternam uigere. Quo factum esse dicebat, ut cum primum in eius templum intrasset, dæmonem qui responsa dare solitus esset, ab eius angelis qui ipsum misisset, uinctum & constrictum teneret. Quòd si saluari lauacro expiari uellet, fore, ut quanto malo caruisset, cerneret. Quod quò facilius comprehendere, & intelligere posset, iubebat eum audire, qua arte eos, qui in templo ægrotarent, dæmon is qui primum hominem uicisset, curare uideretur. Dicebat ergo diabolum arte & fraude sua agere, ut homines in uarios morbos inciderent, ac tum denique eis suadere solitum, ut simulacris idolisq; crederent, atque ut animos eorum dominatu suo teneret, tum denique morbos immittendi, finem eum facere solitum, cum lapidem aut metallum deum suum esse dixissent, quod illi curare nuncuparent. Tum uerò quoniam constrictum eum ipse teneret, etsi essent qui deum suum illum esse profiterentur, eum tamen responsa nulla dare posse. Quod quò facilius re intelligere & probare posset, promisit Apostolus se imperaturû dæmoni, ut & in statuum rediret, & se uinctum esse, nec responsa dare posse, fateretur. Rex postridie prima luce pontifices ei sacrum facturos respondit, seq; adfuturum, ut rem tam mirabilem & inusitatam cerneret. Postridie conueniunt pontifices, prima luce, ijq; ut primum sacri instituta agere cœperunt, dæmon magno clamore, ne id facerent, prohibere cœpit: se enim catenis igneis uinctum & constrictum ab angelis IESU CHRISTI teneri, quem Iudæi in crucem sustulissent, cum eum à se morte multari existimarent: illum autem de morte eiusmodi triumphum egisse ut & dæ-

Ee monum

monum principem catenis igneis uinxerint, & tertio die uictor reuixerit, & A
discipulis suis crucis signū dederit, eosq̃ in uniuersum orbem miserit, in hisq̃
Bartholomæum qui ipsum constrictum teneret. Petere se maiorem in mo-
dum, ut illum etiam atque etiam rogarent, ut ipsum aliò proficisci pateretur.
Tum Apostolus ea omnia eum confiteri coegit, quæ de morbis & diuinita-
tis professione illum regi paulo antè pollicitum esse dixi. Quæ cum omnia
dæmon planè confessus esset, tum Apostolus omnes qui aderant, hortari mo-
nereq̃ coepit, ut uiderent, quem ipsi Deum coluissent, & à quo se curari pu-
tassent. Itaque eo contempto, iam Deum uerum colerent, qui & ipsos creas-
set, & in cœlis habitaret. Quòd si eum pro ipsis rogare uellent, & ut omnes æ-
gri curarentur, impetrare, ipsi simulacrum deijcerent & confringerent. Sic e-
nim fore, ut & templum Christo consecraret, & eos aqua saluari Christi no-
mine expiaret. Regis iussu omnes simulacrum funibus alijsq̃ machinis auel-
lendum curauerunt, quo cæterisq̃ minoribus diaboli opera, id iubente Apo-
stolo comminutis, omnes clamare, Vnum Deum præpotentem, quem Bar-
tholomæus prædicaret. Ipse tum pæsis sublatissq̃ in cœlum manibus, Deus in-
quit, Abraham, Deus Isaac, & Deus Iacob, qui filiū tuum Deum Dominum
nostrum misisti, ut nos, qui peccati serui eramus, sanguine suo redimeret, &
tibi filios quæreretur, qui idem uerus Deus ex hoc cognosceris, quòd semper
idem es, & immutabilis permanes. Vnus es Deus pater, sine origine & ortu,
unus etiam filius tuus unigenitus, Dominus noster Iesus Christus, & unus Spi-
ritus sanctus illustrator & altor animorum nostrorum. hinc Iesus Christus suo
nomine hanc uim nobis dedit, ut omnis generis morbos curemus, te uehemen-
ter etiam atque etiam rogo, ut omnis hæc multitudo hominum salutem asse-
quatur, teq̃ omnes Deum unum esse cognoscant, qui per Christum salutem B
restituas. Quæ cum dixisset, angelus circunuolasse dicitur, & digito in qua-
dratis lapidibus signum crucis sculpsisse, cum hac oratione: Hoc Deum à quo
missus esset, dicere, quemadmodum illi morbis curarentur, sic se templum
mundare & expiare omni sorde, eoq̃ quem Apostolus in solitudinem misis-
set. Polimius rex tum unā cum uxore & duobus liberis, exercitu omniq̃ po-
pulo aqua saluari expiatus est: abiectoq̃ ornatu regio, Apostolum sequi cœ-
pit. Quod cum Astyages eius frater maior natu pontificum opera rescīuisset,
misit unā cum eis mille armatos qui eum comprehensum ad se adducerent.
Perductus autem cum ab eo rogaretur, is ne esset, qui ipsius fratrem euertisset:
Non, inquit, euerit eum, sed conuertit: & is ne esset, qui deos lares confringen-
dos curasset: se, dæmonibus qui in eis erant imperasse respondit, ut ipsi idola
futilia comminuerent, ut omnes homines relicto errore Deum uerum, qui in
cœlis esset, agnoscerent & colerent. Cumq̃ Astyages rex Apostolo dixisset
quemadmodum fratri auctor fuisset, ut Deo suo cōtempo, illius Deum cole-
ret, ita se facturum, ut ipse relicto Deo suo, ipsius deo crederet & immolaret.
Apostolus Deum quem illius frater coleret, se uinctum & constrictum osten-
disse respondit, & fecisse, ut simulacrum suum confringeret. Itaque si hoc
ipsum Deo quem coleret facere posset, eadem opera illum facturū, deo ipsius
immolaret: sin nihil tale, Deo cuius seruus esset, facere posset, ipse autē deum
illius confringeret, ita denique Deo illius crederet. Hæc cum Bartholomæus
diceret, nunciatum est regi, deum suum cecidisse, atque in multas partes fra-
ctum atque distractum: quo ille nuncio adeò conturbatus est, ut & purpuram
qua indutus erat, sciderit, & Apostolum fustibus cædi & ex coriari primum,
deinde securi feriri iusserit. Rex autē Polimius cum populo ueniens, eius cor-
pus magno cum honore extulit. Nec uerò Astyages diu scelus hoc multum
tulit. Tricesimo enim à morte die arreptus à dæmonio, in templum Apostoli
uenit, eumq̃ pontifices eodē morbi genere afflictati & correpti secuti sunt, in
quo

A quo omnes intra paucos dies ex illo morbo mortui sunt. Corpus autē Apostoli diu illuc in summo honore fuit maximaq̃ ueneratione, quoad Barbari, id est qui à nostra religione abhorrerēt, cum molestè ferrēt illud à nostris, ut Gregorius pontifex Turonū scribit, colī, inuidia odioq̃ impulsī, clam ē sepulcro sublatum, in aliud quod plumbeū esset, conclusum in mare eiecerūt cum hac oratione: Populū nostrū iam nō decipies. Sed providentiā diuinā factū est, quem admodum idem scribit, ut aquis cōuehentibus delatum sit ad insulam Siciliæ quæ Lipara dicitur: quò cum peruenisset, patefactum esse Christianis & imperatum dicit, ut illud colligerent, ac cōderent, ab eisq̃ templum eo loco quo situm sit magnificum miroq̃ opere ædificatum esse, in quo tum cum hæc ipsa proderet, coleretur cum maxima eorum utilitate, qui eius fidem implorarent.

VITA BEATI THOMÆ APO.

*Stoli, Ioachimo Perionio Benedictino Cormæ-
riaceno auctore.*



Thomas quidē qui à Ioanne in Euangelio Didymus appellat, quò primum tempore se ipse in Christi disciplinā tradiderit, aut à Christo uocatus sit, diuinis literis mandatū nō est. Hoc autē ex iisdem intelligi licet, eum ex cōmuni discipulorū ordine ac numero ad apostolatus dignitatē unā cum alijs undecim euectū & elatum fuisse. Is quāto in magistrū amore flagraret, tum declarauit, cum, languente Lazaro Mariæ Marthæq̃ fratre, earum rogatu ad illum curandum Christus se ire uelle discipulis exposuit. Nam eum ceteri cum à suscepto propositoq̃ consilio detererent, quòd in Iudæā uenire cōstitueret, unde uix saluus & incolumis ē Iudæorum manibus elapsus esset, multaq̃ alia ipse de Lazari morte primum obscure, deinde apertè dixisset, unus Thomas cōdiscipulis, ut Ioannes cōmemorat, hæc dixit: Eamus & nos, cum eoq̃ moriamur. Hoc quidē unū de Thoma ante Christi mortē scripta diuina cōmemorant. Cum autē tertio q̃ in crucē actus esset, die, à mortuis inferisq̃ Christus excitatus fuisset, idē penē amoris singularis in eundē documentū ut mihi quidē uidetur, dedit. Cum enim eo ipso die quo excitatus est, uesperī Christus eo in loco in quē eius discipuli habitādi gratia cōuenerant, & unde Thomas aberat, ceteris se ostēdisset, eiq̃ redeunti cōdiscipuli se Dominū uidisse narratēt, eis se ille habiturū fidem antē negauit, q̃ uulnera, & plagarū cicatrices & uestigia nō solū uidisset, uerū etiam tractasset. Amantis enim etiā, nō solū diffidētis aut dubitātis hæc uidet oratio. Nam eodem nos animo esse solemus, cū rem quæ nobis chara esset, amisimus. Tum enim si recuperatā in luctu inuētāq̃ audiamus, aut nos rideri putamus, aut certè id fieri posse uix tandē aliquādo, aut ne uix quidē credimus. Quòd si aliqua ex parte culpāduus est, accusandusq̃ diffidētia, quippe qui toties à magistro in spem uocatus esset, fore ut tertio die excitaret, hanc talē siue dubitationē, siue diffidentia, clarissima illa eius professio quam octauo inde die Christū plagas ei tractādas, manusq̃ uidēdas dantē, & Dominū et Deum suum agnouit, non solū cōpensare, sed multū etiā superare debet. Atq̃ hæc tantū literis diuinis de illo scripta inueni. Quæ autē sequunt, etsi ex libro cuius auctor nō nominatur, deprompta sunt, tamē quia passim ab Ecclesijs leguntur, cōprobare debemus. Igitur cum misso sancto Spiritu, Apostoli prouincias instinctu diuino docendæ religionis ueritatisq̃ causa sortirent, Thomæ India diuinitus hoc modo obtigit. Gundaphorus Indiæ rex cum palatiū ædificare miro eoq̃ Romano opere instituisset, Abanem qui ad id opus architectū prætantissimū conquireret, Romam misit. Is cum Cæsareā uenisset, à Christo rogatus esse dicit, quid uenisset, quæ ue eum illò causa adduxisset. Cum respōdisset, missum se à Domino Indiæ rege, ut architectū peritissimū locaret, Est, inquit ille, mihi seruus, qui ea

in arte excellit. Credit primū Abanes, Thomamq̃ sibi traditū asciscit, dein-
 de eum rogat, num seruus eius esset, à quo esset traditus. Ad hęc Thomas, Ego
 inquit, si eius seruus nō essem, cum me tibi tradidit, restituissem. Nunc quia ser-
 uus illius sum, nō quod mihi libet facio, sed domini uolūtati morē gero, eiusq̃
 p̃ceptis pareo. Nec uerò unus ego seruus eius sum, sed unus ex millibus, qui
 omnes illius cōmodis ita inseruimus, eiusq̃ rē sic p̃curamus, ut ex artib. quas
 quisq̃ multas uariasq̃ nouit, prouincias omneis obeūtes quicquid lucri feceri-
 mus, id illi sine fraude paremus atque afferamus. Dum hęc inter se ambulātes
 agūt, ad nauē perueniūt, qua cōscensa rursus sermonē ultro citroq̃ cōferunt.
 Abanes prior, quid ille in arte p̃cipui teneret, rogat, q̃ eum dñs suus ceteris
 p̃tuleret. Tum se Thomas iacere fundamēta, quę nūq̃ uetustas cōsumeret,
 dixit: parietes, construere & erigere, quę nūq̃ collaberent: facere ex edras &
 speculas eiusmodi, quę lumē deesse aut deficere nūq̃ pateretur: fabricam to-
 tius ædificij ita erigere, ut excellat. Aedificia autē et si extrinsecus nō magnam
 speciem pulchritudinēq̃ præferrent, at intrinsecus mira specie præstare. Quid
 pluribus, inquit, tibi artē meam p̃dicē efferamq̃ laudibus? Quicquid mar-
 more aut structura effici potest, in eo me genere excellere & præstare profi-
 teor: & si quos mihi discipulos trades, diligēter erudiā. Cumq̃ Abanes & ma-
 gnum dominū esse qui huiusmodi seruos haberet, dixisset, et quouis rege p̃e-
 stantiorē atq̃ sapientiorē. Est, inquit Thomas, ita ut ais. Est enim unicus patris
 filius, qui regnū tenet atq̃ imperat in excelsis montibus, quò nec hostis ullus,
 nec morbus, nec paupertas egestas ue potest accedere. Hęc atq̃ his similia cū
 Thomas narraret, secundis uentis usi contento cursu Andranopolin urbē ap-
 pellunt, Tum fortē rex eius loci, quòd filiā suam nuptui tradebat, quò magni-
 ficentior celebriorq̃ apparatus esset, per p̃æcones omnes omniū ordinū con-
 ditionūq̃ homines ad nuptiarū solenne cōuiuiū cōuocabat, hac lege ut si quis
 abfuisset, ipsum offenderet. Itaq̃ Thomas & Abanes cū ceteris peregrinis con-
 ueniūt. Mensæ omni genere ciborū instruunt, cōjciunt ciues oculos in pere-
 grinos quos nūq̃ uiderāt. Tibi cinistria interim quæ Iudæa erat, circūcursa-
 bat, ut tibiæ modis singulos cōuiuas oblectaret. Cūq̃ ad Thomā ueniens, ho-
 minē nec edentē, nec bibentē animaduerneret, diutius aduersa stetit, ex eoq̃
 illius habitu statim Hebræū esse intellexit. Quod suū de illo iudiciū aperto te-
 stimonio declarauit. nam Hebraicē canere cœpit, Vnū esse Deū Hebræorum,
 qui omnia creauerit, mariaq̃ effuderit. Thomas hęc audiēs, uehementius ora-
 re, admonereq̃ puellā, ut hęc eadē uerba, quæ uera essent, repeteret. Tum ue-
 rò is qui pocula ministrabat, cernēs Thomam nec uescentē, nec bibentē, cola-
 phum ei infregit. Thomas autē Hebraico sermone dixit, satius esse, ut ei in fu-
 tura uita, in qua nullus esset supplicij finis, ignoscere, & in hac pœnas quæ ad
 tempus durarēt, eiusmodi pēderet, ut & ipse interiret, et manus qua colaphum
 infregisset, derosa à canib. in mediū conuiuiū inferret. Hęc Thomas Hebrai-
 co, ut dixi, sermone uocē misit, quo factū est, ut p̃ter psaltriā nemo intelligen-
 ret. Itaq̃ cum pincerna ut aquā deferret, egressus, & à leone interfectus esset,
 canisq̃ manū illius in mediū conuiuiū intulisset, uirgo quæ rem ita ut ab Apo-
 stolo p̃dicta erat, euenisse animaduerneret, cōuiuis rem admirātibus, ipsa pe-
 dibus illius prouoluta, Hic, inquit, propheta est. Nam cum pincerna ei cola-
 phū infregit, id fore p̃dixit, quod euenisse cernitis. Tum clamor ac strepitus
 hominū primū à proximo quoq̃, deinde à rege etiā exauditus est. Rex quid
 rei esset, rogare cœpit. Re cōperta, Thomam ad se uenire iubet, atq̃ sponse &
 sponsæ bene precari. Sic enim mihi uidetur Latine dici quod nostri dicunt be-
 nedicere. Introductus autem in thalamū Apostolus hac usus oratione dicitur:
 Deus Abraham, Deus Isaac, Deus Iacob, benedic his adolescētibus, eorumq̃
 in mentibus uitæ æternæ semen consere, ut quicquid ad salutem suam per-
 tinere

A tinere didicerint, id perficere et exequi uelint. Hęc cum Apostolus dixisset, salutato rege, abire cœpit, eumq; sponsus deducere: quo in officio cum esset, repente palmarum ramus ei uisus est, quem manu arreptū latus ad sponsam detulit. Cumq; uterq; eius fructum degustasset, somno oppressus est. In somno uisus est rex præpotēs, gemmis fulgens, eos amplecti, cum hac oratione: Apostolus meus uobis tantū precatus est, ut sempiterna uita perfruamini. Experfecti dūque uisi erant uidere, uterq; alteri exponit, ecce Thomas in cubiculū introit, eosq; his uerbis alloquit, A domino magistroq; suo qui eis uisus esset foribus obstructis introductū esse ait, ut id omne quo ulus esset in eos, bene eis procederet. Eos uirginitate præditos esse, quæ omnium regina uirtutum esset, soror angelorum, libidinū uictrix, fidei trophæum, quæ de hoste triumpharet, & ad uitam homines æternā tutò perduceret. Tum stupri corruptionisq; mala eis exponit, in hisq; mortem sempiternā, quam si effugere uellent, castimoniam colerent, quæ facilem ad uitam sempiternā aditū patefaceret. Uterq; eius pedibus prouoluī, oratq; ut se in ueritate cōfirmet, ne quid de doctrina diuina eis desit. Thomas eis se proxima nocte rediturū pollicet, eaq; plenius traditurū, quæ ad uitam recte & ex religione degendā pertinerent. Quod cum ille diligēter officiosq; præstitisset, tum deniq; prospero cursu in Indiam cōtendit. Nec ita multo post, Dionysium quendā ē discipulis suis Andranopolin misit, qui institutis sacerdotibus, fundataq; ecclesia, multos in ea urbe ab idolorum cultu ad Christi fidem religionemq; deduxit. Ipse uerò Dionysius adolescens ab illo pontifex creatus, sponsam suam Pelagiā nomine uirginū sacris initiāuit atq; consecrauit. Hęc sponso mortuo duplex martyrium pertulisse dicit, unum q; nubere, alterum quod idolis sacra facere noluit. His enim duabus de causis, se curi feriri iussa est. In eius autem sepulcro Græcis literis hoc incisum esse dicitur, Hic sita est sponsa Dionysij pontificis, Thomæ apostoli filia. Sed ad rem reuertendum est. Cum Thomas unā cum Abane in Indiam peruenisset, Gundaphorus rex eum accersiuī, rogauitq; primū quo opere exædificare ædes ipse sciret, deinde cum ille ad singula ita prudenter respondisset, ut summā de eius arte opinionem rex cōciperet, numerata ingenti uī pecuniæ ad futurum ædificiū, ipse ad aliam regni partem profectus est. Thomas autem toto illo biennio, quo rex absuit, nullum finem fecit docendæ Christianæ religioni, largiendæ egentib; pecuniæ regiæ. Quo quidem factum est, ut innumerabilem multitudinem ad profitendū Christi nomē perduxerit. Rex uerò Gundaphorus cum perfecta re, quæ eum abesse coegerat, rediens, hoc totum comperisset, quod fecisset Apostolus, eum statim in uincula unā cum Abane coniecit, ut eos paucis post diebus interficeret. Tum Gadius, regis frater, grauius ægrotabat. Nec ita multo post uī morbi interiit. Quæ Apostoli mortem in aliud tempus differre coegerunt. Dum autem in magnifico funeris sumptu atque apparatu rex occupatus est, quatrīduo quā mortuus erat, Gadius ab inferis excitatus reuixisse dicitur. Qui cum ad Gundaphorum regem fratrem uenisset, ei quæ uidisset ordine narrauit. Sibi ab Angelis in cœlo palatium, quod ei Thomas miro magnificoq; opere extruxisset, ostensum esse, illius cum pulchritudinem consideraret, eaq; laudata & suspecta, angelis qui ostendebant, dixisset, se hoc unum optare, ut dignus esset, qui uel ianitor eius palatii deligeretur: tum angelos respondisse, indignum eo se fratrem fecisse, itaque si in eo habitare uellet, se rogasse Dominum I E S U M C H R I S T U M, ut reuiuisceret, adiretq; regem fratrem qui illud uenderet, accepta pecuniā, quam se profudisse existimaret. Legi Thomæ uitam descriptam in eodem libro, in qua scriptum est, nō excitatum esse Gadium, sed cum grauissimè egrotaret, hæc illi in somnis uisa esse omnia. Gadius cum hæc fratri exposuisset, in carcerē uenit: prouolutusq; Apostoli pedib; eum primū rogare cœpit, ut fra

tri, qui imprudēs tam graue scelus admisisset, ignosceret; deinde ut uestimen-
ta elegantiora sumeret. Tum Apostolus respondit, illum etiam ignorare, eos
qui ad cœlum aspirarent, re nulla uti quæ terram carnemq̃ attingeret. Itaque
sibi satis esse sciret, colobium quo in humeris uteretur, & pallium atque san-
dalia, quæ nunquam omnino antè abijceret, quàm excederet e uita. Iam
uterque e carcere egrediebatur, cum Gundaphorus ipse se mittens ad pedes
Apostoli ueniam precatur. Ad utrumque autem orationem conuertens A-
postolus: Magna, inquit, uobis concessit Dominus meus I E S V S Christus,
qui uobis mysteria sua patefecit. Prouinciæ iam uestræ nomen Christo dede-
runt, facite etiam uos ut expiæmini: expiatiq̃ lauacro sacrosancto, regnum
sempiternum consequamini. Cumq̃ Gadius Apostolo dixisset, uisum a se es-
se palatium, quod regi fratri ædificasset, idq̃ ut ab eo emeret, se ab angelo im-
petrasse, respondissetq̃ Thomas, hoc in fratris situm esse potestate, Gunda-
phorusq̃ dixisset, id sperare se consecuturum, quod iam ipsi ædificatum es-
set: illi uerò, alterum ab Apostolo extrueretur: tum hac Thomas oratione
usus est: Hoc uobis persuadeatis uelim, innumerabilia iam in cœlo constru-
cta esse palatia, eaq̃ a primamundi origine præparata, quæ fidei precio eman-
tur. Itaque si cœlestium diuitiarum, si regnorum & palatiorum cupiditate du-
cemini, diuitiæ uestræ uos antecedere morientes possunt, sequi migrantes ab
hac uita omnino non possunt. Eas igitur egentibus, peregrinis, uiduis, pu-
pillis, alijs que indigentibus largimini, freti hac spe, eas uos ibi multo maio-
res, ubi nullus est finis, consecuturos. His ita gestis, cum iam locus esset nul-
lus in India, quò non fama & sanctissimæ uitæ quam ageret beatus Thomas,
& mirabilium operum quæ in quouis morbi genere depellendo ederet, per-
uaderet, undique ad eum concursus fiebat hominum, qui ad eum coronas ex
auro & gemmis deferabant, uestesq̃ regias, eo consilio, ut ei tanquam Deo
cultum honoremq̃ præstarent, uitulosq̃ & arietes immolarent. Quod cum
Apostolus animaduerneret, Gundaphorum regem rogauit, ut res ad tricesi-
mum diem differretur, dum tota prouincia cōuenisset. Fit igitur maior indies
populi concursus, tantusq̃ tricesimo demum die numerus apparuit, ut coac-
tus fuerit Apostolus in campum homines conuocare. Quo in cœtu quoniā
ægroti sine delectu cum ualentibus permixti, confusiq̃ erant, omnib. unum
in locum conuocatis, seiunctisq̃ a ualentibus, ipse medijs, passis in cœlum
manibus, precari supplex patrem cœpit, his uerbis: Te sanctissime Deus,
præpotens rerum omnium pater, nomine unigenij tui, quem ad nos tene-
brarum uitiorumq̃ expulsores, luminisq̃ tui largitorem misisti, precor, ut
nunc uerba eius confirmes, quibus ipse pollicitus est nos laturos esse quic-
quid a te suo nomine peteremus. Hic populus quem uides, aliqua opinione
mirabilium tuorum operum excites, cōuenit, hic surdi sunt, hic muti, hic clau-
di, hic mille morborum generibus afflictati sunt, ut tua benignitate sani & in-
columes redire possint. Hæc illorum spes eos ne fallat, uehementer te etiam
atque etiam rogo, ut ex mirabilibus tuis operibus te cognoscant esse solum ue-
rum Deum & Domini nostri I E S V Christi patrem, per quem omnia condita
disti, & unum spiritum sanctum, qui animos illustret, sanctosq̃ efficiat, & hoc
tempore, & futuris seculis. Cumq̃ ij omnes qui sacro lauacro expiati erant, res-
pondissent, Amen, tantum repente fulgur in eos uisum est cadere, ut tactos se
de cœlo interituros putarent. Cumq̃ horam ferè dimidiatam prostrati solo ia-
cuissent, primusq̃ Apostolus surgens illis ut consurgerent imperasset, quòd
Dominus I E S V S ut fulgur ueniens eos morbis liberasset, illiq̃ ualentes Deo,
eiusq̃ Apostolo egissent gratias, tum demū e superiore loco ita ad eos locutus
est, se a I E S V Christo, cuius seruus esset, missum esse, qui omnes egros eorū
paulo antè curasset, se em̃ hominē quemadmodū ipsi omnes essent, esse, ac mis-
sum a

A sum à Deo, ut eos à cultu uano & falso simulacrorum ad unius ueri Dei omnium conditoris, qui in cœlis esset, cultum religionemq̃ traduceret. Itaque si uitam gloriamq̃ sempiternam consequi uellent, primum omnium in unum Deum patrem, qui uideri non posset, nec comprehendi, quiq̃ immensus esset, crederent, deinde in unigenitum eius filium Dominum **I E S V M C H R I S T V M**, per quem effecta essent omnia uoluntate patris, & quæ sub aspectum caderent, & quæ aciem oculorum effugerent, tam terrena quàm cœlestia. Postremò in spiritum sanctum cōsolatorem, qui sub cernendi sensum non cadens, & initio careret, quemadmodum & pater, & Dominus **I E S V S C H R I S T V S** eius filius, cum quibus ita essent futuri, si sincerè & integrè in Deum crederent, & ueterem hominem unà cum ipsius operibus abijcerent, si omnia simulacra, & eorum dies festos delerent atq̃ conculcarent: si tenebras abijcerent, ut aeternam lucem inuenirent: si mortem refugerent, ut uita aeterna digni essent. Quod ita deniq̃ perficere possent, si duodecim uirtutib. quas enumerasset, præditi essent. Primum omnium hortabatur eos, ut rectè crederent: deinde, ut credentes saluari aqua expiarentur, tum ut se à stupro abstinere, tum ut ab auaritia, tum ut gulæ & edacitati imperarent: sexto loco, ut patientes essent rebus aduersis: septimo, ut perseverarent in bonis actionibus: octauo, ut hospitalitati studerent: nono, ut quid Deus uellet ac iuberet exquirent: & cum inuenissent, id diligenter efficerent: decimo, ut quid idem prohiberet ac uetaret exquirent: quod cum inuenissent, id omnino declinarent. undecimo, ut non solum amicos, uerumetiam inimicos charos haberent. postremò ut diu noctuq̃ in custodiendis conseruandisq̃ uirtutum diuitijs omnem operam, studium, diligentiamq̃ ponerent. In his enim duodecim integram absolutamq̃ æquitatis cognitionem consistere dicebat. Tum eos monuit, ut ea dona quæ contulissent, ipsi pauperib. & egentibus erogarent (neq̃ enim se Deum esse, sed Dei seruum) & seipsi cōpararent, ut propediem saluari aqua expiarentur. His eos uerbis dimisit Apostolus. Illi autem cum is dies, quem nos Dominicū dicimus, uenisset, expiati sunt aqua saluari, numero nouem millia, præter pueros & mulieres. His ita gestis, diuino instinctu in Indiā superiorem profectus est. Ibi magnus ad eum concursus fiebat populorū cum orationem illius multa inusitata opera sequerent. nam & daemones ejiciebat, & cæcis aspectum restituebat, omniaq̃ morborū genera curabat. Interea accidit, ut Syntyche quædam quæ Migdoniæ Carisij propinqui regis uxori charissima erat, cum cæca esset, à Thoma aspectū recuperaret. Quod cum Migdonia animaduertisset, nec uestigiū ullum pristini morbi notaret, magna uoce clamare cœpit, eum uel Deum esse, uel Dei angelū, qui nulla adhibita medicina, ita illam curasset. Illa uerò hoc ita Migdoniā mirari dixit, quasi præter ipsam curasset neminem, cum innumerabiliū morbos **I E S V** Christi Dei sui nomine profligasset. Migdoniæ aut summa Thomæ uidendi cupiditate teneri se dicenti, eum postera die loqui ad populum cōstituisse dixit. Itaq̃ si eum uidere et audire illi in animo esset, uestem mutaret, ne fortè agnosceret. Quid multa: Syntyches cōsilio utitur, mutat uestem, familiari habitu ad constitutū locum inter ancillas suas uenit. Thomas tum fortè causam cur Christus Dei filius in mundum uenisset, exponebat his uerbis: Quoniā uita hæc quā agimus, tot miserijs casibusq̃ opportuna est, ut cum eam se tenere homines putāt, ipsa effugiat, atque labatur, repentinòq̃ casu ita effluit, ut iam inueniri non possit, idcirco ueram lucem Dei filium è cœlo ad nos descendisse, ut nos alteram uitam esse doceret, quæ omnino immortalis esset, omnisq̃ doloris, gemitus, miseriæ, & calamitatis expers, contraq̃ cum summa uoluptate, gaudio, lætitiāq̃ degere. Fecisse autem hoc eum, ut omnes qui ea cōditione nascerent, ut tandē aliquādo morerent, ad uitam quasi renati peruenirēt, Deiq̃ filij apostolorū doctrina efficien-



efficerentur, qui essent peccatores, peccatorumque filij. Neque enim mortalium A
hominum filios immortales fieri potuisse, nisi aqua & spiritu sancto iterum
nati, Dei filij fierent. Atque eundem, ne forte ea quæ traderent appro-
barentur, eam uim dedisse omnibus Apostolis, ut ipsius appellato nomi-
ne, cæcis oculorum, surdis auditus usum munusque redderent, daemones ex-
pellerent, mortuos denique excitarent, ut homo qui rationis est particeps,
hoc secum reputaret, si uera ea non essent quæ docerent, tam inusitata opera
& portenta consecutura non fuisse. Quapropter cum superiore biduo eo ac-
cerliti fuerint, ut eorum corpora prius curarentur, eo ipso die se de animo-
rum salute decreuisse dicere. Quemadmodum oculi male affecti à medicis ni-
si collyrio inuncti non curantur: sic animos ab Apostolis & doctoribus nisi
uerbis & ueritati quæ docerent, assentirentur, castimoniamque amplecteren-
tur, & ab auaritia, intemperantiaque, omnibusque uitijis se continuerint, non
posse curari. Multaque alia Thomas apostolus cum docuisset, omnes qui ade-
rant, religionem nostram approbauerunt, septemque dierum ieiunio aqua sa-
lutari uicissim expiati sunt. Migdonia autem cum Carisio uiro regis, ut dixi,
propinquo, coniungi, miscerique iam noluit. Quod cum ille propterea euenisse
intelligeret, quod illa Thomam concionantem audiuiisset, statim à Migdeo
rege impetrauit, ut ipse in carcerem conijceretur. Ad eum Syntyche Migdo-
niam in carcerem adduxit, quæ statim ad pedes eius se mittens, orare coepit,
ne se cuius causa & culpa ipse tantum mali sentiret, pœnas diuinas uellet pen-
dere. Apostolus eam domum suam redire iussit, quod ipse uenturus esset,
quod facilius ipsum sponte hæc ipsa perpeti intelligeret. Illa ocluso ostio, in cu-
biculo humi iacens orabat Deum quem Apostolus prædicaret, ut se illius do-
ctrinæ participem facere uellet. Nocte autem intempesta ad eam Apostolus
uenisse dicitur, admonuisseque ut constans esset atque bono animo, quod quem-
admodum illa ipsius opera & præsidio uitam & gloriam sempiternam conse-
cuta esset, sic ipse per eam cum martyrij corona ad Christum esset euolaturus.
Cumque Migdonia ab eo maiorem in modum peteret, ut quemadmodum cæ-
corum oculos aperuisset, ita animi sui oculos aperiret, ut rectam uitæ uiam
cerneret, nec in errorem incideret: Apostolus eam septem dierum ieiunium
explere iussit, octauoque se ad eam rediturum esse pollicitus est, eamque aqua sa-
lutari expiaturum, omnesque qui illius opera essent credituri. Dum hæc ge-
runtur, Carisius Migdeum regem, qui eius sororem uxorem habebat, rogat
ut illa uxorem suam adeat, si forte eam de sententia dei cere, & à suscepto pro-
positoque consilio abducere posset, quam omnes quos adhibuisset, nec preci-
bus ab ea, nec ulla ratione impetrare potuissent, ut ad uiri thorum rediret, uel
unam cibum caperet, aut etiam eum illa intueretur. Impetrat, Treptia (hæc
nim reginæ nomen erat) proficiscitur, omnibus modis Migdoniam abstra-
here conatur, sed frustra. Quinetiam hanc Migdonia hortatur, ut Thomam
cuius de uirtutibus diceret, cognoscendi experiendique causa secum adiret.
Thomam in carcere multos ægros curantem offendunt: quod cum regina cer-
neret, misit ad pedes apostoli petens supplex, ut se uitæ æternæ participem fa-
ceret. Ipse primum omnium eam aqua salutari expiauit, cum illi ea omnia
quæ ad religionem pertinent, tradidisset: deinde cum alijs dimisit. Treptia
cum ad domum regiam se recepisset, Migdeus eam rogauit, cur tam diu ab-
fuiisset. Illa ob eam causam id contigisse dixit, quod Migdoniam, quam antea
stultam existimasset, summa sapientia præditam inuenisset. Quinetiam se A-
postolum Dei, qui omnibus salubre consilium daret, uidisse. Itaque si ipse qui
rex esset, nec immortalis fieri posset, eum audire uellet, fore ut nunquam mor-
te occumberet. Ad hanc Treptiæ reginæ orationem regis animus non solum
immutatus est, sed planè obriguit: accersitoque Carisio, Dum tuam, inquit,
uxorem

A uxorem recuperare uolo, amisi meam. Treptia enim mea multo est in me iniquior, quàm in te tua Migdonia. His quasi furis agitatus Misdeus, Thomam ad se uinctis manibus pertrahi iubet. Ab eo quærit quis nam Deus illius esset, qui eius opera coniuges ipsius & Carisii ab eis separaret: Thomas eum Regem esse respondit, qui indigna seruitia habere nollet. Quod si ipse qui homo & rex esset, nitidos mundosque seruos habere uellet, quantò magis eum credere debere à Deo sancta castaque coniugia diligere? Quæ nam culpa ipsius esset, si ea Deo chara esse prædicaret, quæ ille in famulis requireret? Cumque Misdeus uxorem suam quam ad Migdoniam proficisci uoluisset, ut eam à præcipitio liberaret, in præcipitium ab eo missum diceret, Apostolus non esse ruïnã dixit, nisi deficere à castimonia & ruere in libidinē. Eos enim qui se & à libidine subtraherēt, & ad uirtutē referrēt, à ruina qua & oppressi fuissent, ad salutem reuocari, & ex tenebris ad lumen egredi. Cumque rex ei imperaret, ut quemadmodum uerbis artibusque magicis suis uxores à coniugum consuetudine separasset, sic eas eodem reuocaret: imperium edictumque eius iniquum esse dixit, propterea quod arcem quam ipse ædificasset, ut destrueret, imperaret: & fontem obrueret, quem alta terræ fossione eduxisset. Itaque se Christi uerbis ad eas usurum esse potius, Qui amat patrem, aut matrem, aut uxorem, aut filios plus quàm me, Deo dignus nō est. Eum quidē cum rex sit ad quoddam tempus, tamen si quis eius uoluntati non paruerit, pœna aliqua quæ ad quoddam tempus duret, afficere illum solere. Nec posse tamen cum corpus occiderit, animum occidere. Deum autem qui rex sit æternus, si eius uoluntas contemnatur, æterno supplicio in contemptore ita animaduertere, ut occiso corpore, animum etiam interficere possit. Hec omnia Carisius audiebat inuitus. Itaque ira & furore concitatus, regem admonet, si seruis Thomam quem magum appellaret, interficiendum curaret, fore, ut ipsos malè perdat. Itaque rex lanceas ferreas totas igne incendi iussit, Thomamque apostolum nudis pedibus eis appositum ita uitæ priuari. Quod ut factum est, aquæ effusione diuinitus ignis restinctus est: idque factum esse Apostolus dixit non causa sua, sed illius, ut ita tandem aliquando crederet. Quanquam Deus hanc fortitudinem ipsi dare posset, ut sine aqua ipse ignem timere non posset. Hinc eundem in fornacem ardentem Carisii consilio adductus coniiciendū curat: sed ubi flamma talem hostiam sensit, uim suam ita repressit, ut postridie incolumis sit inuentus. Tum Carisius auctor regi fuit, ut eum simulacrum solis colere uenerarique cogeret. Apostolum ergo uirgines eo ritu quo solitæ erant, in templum cum tibis, lyris, tympanis canentes, deducunt. Apostolus ut ingressus est, primum regem obiurgauit & irrisit, quod cum statuam suam sibi postponendam intelligeret, tamen simulacro solis quàm ipsi soli plus honoris tribueret, præsertim qui relicto sole eius imaginem ipsi aliisque colendam censeret. Deinde Christi nomine dæmoni qui in simulacro latēret, imperauit, ut sine ullius damno & iniuria abiret, solisque simulacrum confringeret. Quam Apostoli orationem mirantibus omnibus & obstupētibus, utraque res subsecuta est. Nam & dæmon abiit, & simulacrum solis instar ceræ liquefactum solutumque est. Quare commoti cum sacerdotes omnes, tum uel maxime pontifex, arrepto gladio Apostolum interfecit, cum hac oratione, Ego deorum iniuriam ulciscar: cuius corpus magno cum honore ibi primum sepultum est. deinde Edissam translatum esse dicitur imperatore Alexandro, quam in urbem idem Apostolus Taddæum unum ex duobus & septuaginta discipulis ad Abagarum regem, ut scriptum est apud Eusebium, misit.

VITA BEATI PHILIPPI APO.

*Stoli, Ioachimo Perionio Benedictino Cormæ-
riaceno auctore.*



Philippus Galileus è uico Bethsaida, quæ patria Petri et Andreæ fratrum fuit, originē duxit, quēadmodū Iohānes principio ferē Euāgelij sui commemorat. Is se Christo postridie quā Petrus uocatus est, in disciplinā tradidit, cum eum Iesus admonuisset, ut se ille sequeretur. Sic autē eum secutus est, ut ipsum nō hominē solum, sed Christum quem Moses & prophetæ uenturū prædixissent, esse profiteretur. Neq; uerō eam quā de Iesu opinionē habebat, dissimulauit, aut celauit: sed eius Nathanaelē qui ei primus factus est obuiā, participē sociūq; fecit. Nathanael em̄ cum Christū à Philippo Nazarenū esse audiuiſſet, & ex eo quæsiuiſſet, num quid boni ex eo oppido proficisci & prodire posset, Philippus ita ei respōdit, ut illi experiēdi causa ueniendū esse censeret. Ad Iesum ergo unā profecti sunt, qui cum Nathanaelē unā cum Philippo ad se uenientē uideret, eum esse professus est Israelitā in quo dolus nullus esset, nulla fraus. Nathanael qui miraret quod hæc de ipso Christus quē nunq; uidisset, prædicaret, eum, qui ipsum nosset rogauit. Eum se ille uidisse dixit sub ficu, anteq; à Philippo uocaret. Hic autē Philippus postea ex cōmuni discipulorū numero ad summā Apostolicę dignitatis gradū Christi benignitate euectus est, id qd ex Matthæi, Marci, & Lucæ Euāgelij perspicui licet. Paucis ante Christi mortē diebus nōnulli eorū q Genitiles à Iudæis quasi Barbari appellabant, Hierosolymā fortē uenerāt, ut die festo qui pascha dicit, sacrum solenne agerent. Ii ad Philippū uenientes, ei exposuerunt, quāta Christi uidēdi cupiditate ducerent. Philippus hoc primū Andreæ cōdiscipulo enūciauit, deinde uterq; Iesu narrauit. Ille uerō cum multis uerbis omnes aderāt hortatus esset, ut & hanc quā agimus uitā præ æterna cōtemneret, ac pro nihilo putarent, & sibi ministraret, quod ita futurū esset, ut in cœlo eis à patre honos tribueret: patrē rogare cœpit, ut sibi gloriā tribueret. Quam illius orationē uox è cœlo subsecuta est dicentis se & gloriā ei tribuisse, & rursus tributurā. Omnes qui aderant, non planē uocem exaudierunt. Itaq; alij tonitru illud fuisse, alij angelum cum Christo locutum esse duxerunt. Ipse autem eam uocem non sua, sed illorum causa fusam esse dixit, causamq; exposuit multis uerbis, quæ enumerare longum esset. Idem cum è Christo à cœna pridie quā mortem perferret, audiret, neminem ad patrem nisi eius beneficio uenire posse, eum rogauit, ut sibi ac cōdiscipulis patrem ostenderet: sic enim fore, ut nihil præterea requirerent. Qua oratione ostendit, quanto sempiternæ gloriæ studio traheretur, etsi nondum planē intelligebat quid diceret, nec de Christo ita ut æquum erat, sentiebat. Itaque eum ille obiurgauit, quod cum tamdiu cum ipso uersatus esset, tamen nondum eum qui esset cognosceret. Præsertim cum uidēdi patris se cupiditate duci exponeret, quem uideret cum ipsum cerneret. Atq; hæc quidem tantum literarum sanctarum monumentis de hoc Philippo mandata sunt. Nunc de eius doctrina & morte aliquid dicendum est. Ei Scythiam in partitione prouinciarum obtigisse inuenio, in qua cum annos ferē uiginti Christianæ religionis institutis animos populi imbuisset, innumerabilemq; multitudinem à falso cultu ad uerum traduxisset, à nonnullis qui à religione nostra abhorrebant, comprehensus est primū, deinde ad statuam Martis ductus, ut ei diuinum honorem & cultum tribueret. Eō ut uentum est, draco inusitata magnitudinis ex basi statuæ erupisse dicitur, pontificis que filium, qui ignem ad sacrificium ministraret, duos que tribunos qui prouinciæ præessent, cuius satellites Philippum cōprehensum habebant, certo quodam impetu uulnerauisse, multosq; statu oris in grauem morbum præcipitauisse.

A pitauisse. Philippus autem qui omnia lamentationum, gemitus, morborumque plena cerneret, omnibus tum exposuit, si consilium ipsius sequi uellent, fore, ut non solum ij qui draconis flatu in morbum incidissent, conualescerent, uerum etiam ij qui iam extincti essent, & occidissent, ab inferis excitarentur. Quinetiam se Dei sui nomine draconem qui eis tam pestifer esset, fusurum atque fugaturum esse promisit. Omnes eum tum orare ut consilium daret, quo quam primum uteretur. Ille Martis statuam deſciendam esse dixit, & in eius loco I E S V C H R I S T I crucem figendam, quam ipsi uenerarentur & colerent. Cumque agri sibi uires deesse clamarent, ostenderentque lachrymis se si possent quamprimum deiecturos esse statuam, Philippus draconi Christi nomine ut eo abiret, ubi nocere nemini posset, imperauit: atque ita eius iussu euasit. Tum autem & pontificis filium, & duos tribunos quos paulo ante dixi, ab inferis excitauit, & omnes qui flatu draconis in morbum inciderant, curauit. Quo factum est, ut omnes qui antea Philippo infesti erant, poeniteret scelerum suorum, ipsique eum ut Deum hominis specie & figura adorarent. Ipse autem annum ibi præterea commoratus est, totumque illud tempus in tradendis docendisque religionis nostræ mysterijs institutisque consumpsit. Christum enim docebat mundo, qui in maximum discrimen salutis deductus esset, aduentu suo remedium attulisse, eumque liberasse: eundem natum ex Maria uirgine, mortem salutis hominum causa perpeſsum, sepultum, ac tertio die excitatum à mortuis, quæ ante mortem docuisset, eadem docuisse cum reuixisset: quadragesimo die, in cœlum discipulis spectantibus ascendisse, unde Spiritum sanctum sicuti pollicitus erat, ad suos misisset, à quo specie ignis in singulis insidente, omnium populorum atque nationum sermone et linguis fuissent eruditi.

B Se ex eorum numero unum eò missum, docuisse simulacra uana & futilia esse, generique hominum aduersa. Hæc atque alia eiusdem generis cum Philippus doceret, innumerabiles homines ad Christi cultum & religionem traducti baptizati que sunt. Institutis autem eorum hominum ordinibus & gradibus, qui rem diuinam procurarent, delectoque pontifice, multisque templis ædificatis, ipse oraculo diuino admonitus, in Asiam reuersus est. Ibi in urbe Hierapoli sectam Ebionitanorum qui Dei filium ueram hominis naturam ex Maria uirgine sumpsisse negabant, eueruisse ac sustulisse, eorumque inuidia & scelere in crucem actus & lapidibus obrutus esse dicitur. Quamquam in peruetusto bibliothecæ Cormæriacenæ uolumine non cruci suffixum eum reperio, sed septimo quam excederet e uita die, omnes clericos ad se accersisse, eisque exposuisse, septem dies sibi à Deo concessos esse, ut eos hortaretur, ut in Christi doctrina & cultu permanerent: eumque annos natum septem et octoginta in cœlum ad Christum migrasse, duasque eius filias uirgines post aliquot annos mortuas à dextra læuaque eius sepultas fuisse. Quarum etiam mentionem apud Eusebium facit Polycrates in epistola quam ad Victorem Romanum pontificem misit. Sed ne errore labamur, quemadmodum Eusebius, diligenter uidendum est. Neque enim Philippus, is quem in actis Apostolorum Cæsarea uisum à Paulo & eius quatuor filias uirgines Lucas scribit, apostolus, sed tantum diaconus fuit.

D. IACOBI, IVDAE APOSTOLI FRATris, Ioachimo Perionio Benedictino Cormæriaceno auctore.



Iacobus Iudæ ac Simonis frater, Alphaum patrem habuit, & Mariam matrem, quæ interdum in sanctis scripturis, Maria Iacobi, interdum Ioseph mater, interdum etiam Maria Cleophae s. filia dicitur. Hic quidem quando à Christo uocatus fuerit, incertum est. uocatum autem eum esse, hinc intelligi potest, quod Apostolatus dignitatem

ab eo consecutus est, cum nemo ad eum honoris gradū ascēderit, qui se antē in Christi disciplinam tradidisset. De eo priuatim ac propriē nihil prorsus ij quatuor sanctissimi uiri, qui libros quatuor qui Euāgelia inscripti sunt, scripserūt, literis mādarunt. Paulus autē eius mentionē facit multis locis, & Lucas in eo libro quem Acta Apostolorū inscripsit. Ac Paulus quidē in priore epistola ad Corinthios, Christum cum excitatus esset ab inferis, ei se ostendisse scribit. De inde, inquit, uisus est Iacobo. Quod quemadmodum gestum sit, Hieronymus in Euangelio quod Hebræorum diceretur, quodq; ipse, ut ait, ex Hebræo in Græcum & Latinum conuertit, se reperisse commemorat. Iurauerat ipse, ut Euangelium illud exponit, nunq̃ se cibum esse capturum ex ea hora qua cruci Christus suffixus fuerat, quoad excitatum eum à mortuis cerneret. Itaque Christus qui quanto ille sui desiderio moueretur, consideraret, uenit ad eum, instructaq; mensa, panem ei porrexit, admonens eum ut ederet, quod ipse ab inferis excitatus esset. Idemq; Paulus in principio epistolæ quam ad Galatas scripsit, anno tertioq; à Christo delectus esset, Hierosolymam se profectū esse dicit, ut Petrū uideret, apud quem etiā dies quindecim sit cōmoratus. Alium autem apostolorū se uidisse negat, præter Iacobū Domini fratrem. Anno inde quartodecimo eandē in urbē se uenisse scribit, unā cum Barnaba & Tito, afflatu diuino incitatū, ut de Euangelio cum ijs qui in precio erant & honore cōmunicaret. Ibi autē cum Iacobus hic, Petrus & Ioannes qui columnina disciplinæ nostræ esse uiderent, munus ac beneficiū quo ipsum Deus affecisset, cognouissent, illos ipsi ac Barnabæ dextras societatis dedisse, ut illi Gentibus, ipsi Iudæis mysteria religionis nostræ enūciarent & traderēt. Atq; hæc quidē Paulus de eo scribit. Lucas autē in eo libro quē modō nominaui, scribit, cum Antiochiæ factione quorundā Iudæorū inter religionis nostræ homines, magna quædā de circūcisione Mosaicę legis orta esset dissensio, nonnulliq; ei legi hac in parte parendū esse necessariō censerent, alij cōtrā, in ijs Paulus & Barnabas negarent, omnibus tandē placuisse, mitti Paulū & Barnabā cum quibusdā alijs alterius factionis Hierosolymā consultū apostolos maioresq; natu, quæ nam eorū de hac re esset sententia. Eosq; cum eō uentū esset, curasse conuocandos apostolos & maiores natu, quorū Petrus exposuerit sibi à Deo patefactū esse, barbaros quos Gentes uocarent, ad religionē disciplinamq; nostrā pertinere. Itaq; non esse, quod conarent iugum imponere ceruicibus omnīū, quod neq; ipsi, neq; maiores eorum ferre pati q̃ potuissent. Fide enim eos quēadmodum & Iudæos salutem posse consequi. Quæ cum Petrus dixisset, indicio paulisper silentio, Iacobum censuisse, quoniam Simon ut omnes audiuerant, diceret, sibi à Deo significatum, barbaros quos Gentes appellarent, ab ipso electos esse, cui etiam cum aliorum prophetarū, tum uerò Amos uerba & testimonia congruerent, barbaros non esse ex ordine & loco mouendos, scribendūq; ad eos esse, ut se ab ijs cibis qui idolis immolati essent, à stupro & fornicatione, à suffocatis animalibus & sanguine abstinere. Hanc uerò Iacobi sententiam adeo cōprobatam esse omnibus, & apostolis & maioribus natu, ut epistolā ad Gentes quæ nostræ religionis institutis parerent, in eandem sententiā scribendam censuerint. Atq; hæc de Iacobo in scriptis diuinis sola reperiuntur. In quibus quanquam non est scriptum, eum ab Apostolis statim post ascensum Christi Ecclesiæ Hierosolymitanæ præfectum esse pontificem, tamen & Egesippus & Clemens Alexandrinus & Eusebius & Hieronymus hoc asserunt, idemq; Ecclesia ita comprobata, ut eam sententiam, cuius paulo antē mentionem feci, ab eo ut Hierosolymitano pontifice dictam existimet. Quæ sequuntur ex Egesippi cōmentarijs Eusebius conquisita & collecta, ut ipse ait, exposuit: neq; enim in ijs quinque libris eius qui extāt, ea reperire potui. Iacobus hic ex utero matris suæ sanctus fuit, uino nunq; usus est, neq; ulla alia potione quæ ebrios reddit.

reddit, nec animalium carnibus unquam uesci uoluit, ferro et nouacula nunquam rasum
 est eius caput, oleo corpus nunquam perfudit aut unxit. Ei uni in templum interius
 quod Sancta sanctorum dicitur, ingredi licebat, neque enim laneis, sed tantum lineis
 uestibus utebatur. Solus in templum uenire solitus erat, ibique diu genibus humi
 haerentibus Deum ut populo suo propitius esset, orabat: in eoque tam diu persti
 tit, ut genua eius quasi callo quodam obduruerint. Itaque ex hac opinione quam
 de incredibili eius abstinentia & sanctitate omnes habebant, Iusti cognomen in
 uenit. Cum autem multos annos cum hac tali opinione Ecclesiam Hierosolymitam
 tanam sibi traditam & commendatam, rexisset, tricesimo anno nonnulli qui Pha
 risaeorum, Scribarum & Saduceorum sectas sequebantur, eum rogarunt quid nam
 de Iesu sentiret. Ille cum eum seruatore esse predicaret, multi de populo oratio
 ni eius fide habuerunt: illorum nemo eum nec excitatum ab inferis, nec uenturum
 ut pro suis cuique meritis reddat, credidit. Itaque illi cum in suo errore perstarent,
 concitare in Iacobum odia populi, miscere sermones, clamare ac uociferari, nihil
 restare, nisi ut omnes Iesu religionem disciplinamque approbarent. Quod etiam Ia
 cobi maxime opera et crebris concionibus fieri animaduvertebat, hoc tamen non
 sibi ostendendum, sed simulata quadam fronte legendum censuerunt. Hinc ad eum
 conuenerunt, petentem, ut populum qui de Iesu ita sentiret, ut Christum, id est, eum
 quem expectandum seruatore prophetam praedixissent, illum esse predicaret, ab ea
 tantum falsa sententia abduceret. Se ac populum de illius probitate ac uirtute ita ex
 istimare, eique tantum tribuere, ut nullius rationem eum habiturum existimarent, po
 tius quam ueritatis. Diem festum instare qui Pascha diceretur, ad quem in urbe infini
 tam hominum multitudinem affuturam intelligeret: eo die ipse de loco superiore
 uerba de Iesu ad populum faceret, ne deinceps in eum errorem induceretur. Ipse qui
 nihil eos fraude agere existimaret, tantam de Iesu dicendi occasionem nactus, cum
 dies uenisset, templi pinnam eorum rogatu conscendit. quod ut uenit, eum magno cla
 more sublato orare coeperunt, ut ipse quem omnium iustissimum et optimum scirent,
 cuique parere omnes deberent, quid de Iesu sentiret, quem plebs ut Christum co
 leret, palam ac publice profiteretur. Iacobus magna tum uoce, ut omnes intelli
 gerent, ita exorsus est: Quid me ne de Iesu rogatis: enim in caelo a dextra Dei se
 det, uenturusque est, ut inter omnes iudicet. Hoc Iacobi de Iesu testimonio ua
 riae affecti sunt illi qui aderant. Ii enim qui disciplinae religionisque nostrae institutis
 imbuti erant, magna ex eo laetitia affecti, Deum laudibus in caelum ferre coepe
 runt. Scribae autem & Pharisei tantis iracundiae inuidiaeque facibus inflammati sunt,
 se ut peccasse in eo faterentur, quod eiusmodi testimonium Iesu ipsorum opera
 dictum esset. Itaque alij alios hortari, ut ascenderent, & ex pinna Iacobum praeci
 pitem darent, cuius supplicio & morte ceteri a fide & professione Christianae
 religionis deterrerentur, & abducerentur: Iustum etiam errasse dicebant, Iustum
 lapidibus obrui oportere. Quod etiam perfecerunt: nam cum ad pinnam uen
 tum esset, non solum praecipitem uim magna & impetu dederunt, uerum etiam la
 pidatione. Nec tamen eo supplicio extingui potuit, sed conuersus atque in ge
 nua erectus, rogare Deum coepit, ne tale facinus eis noxae ac fraudi esse uellet,
 eos enim ignorare quid facerent. Cumque talia orantem ex superiore loco la
 pidibus obruerent, Rechabius quidam sacerdos Rechabimi filius, orare eos co
 pit ut ignoscerent, ac desinerent eum lapidibus obruere, qui pro ipsis preca
 retur. Illi nec tanta uiri in ipsos charitate, nec Rechabij consilio & precibus du
 cti, finem eum interficiendi fecerunt, quoad unus eorum arreptum fustem
 fullonum, cerebro eius illisit. Tali morte Iacobus ad Christum migravit.
 Eam autem de eius sanctitate omnium Iudeorum opinionem etiam Iosephus
 qui a nostra disciplina abhorruit, fuisse scribit, ut morte eius causam datam Hie
 rosolymitanam oppugnationi atque adeo euerfioni & cladi sapientissimus quisque
 & optimus iudicauerit.

D. SIMONIS ET IUDAE APOSTO. A

*lorum uita, Ioachimo Perionio Benedictino Cor-
maeriaceno auctore.*



Simonis & Iudae Christi Apostolorum uitam uno sermone concludere constitui, propterea quod eodē in loco & religionis nostrae mysteria tradidisse, & mortē pro Christo eodē etiam die per tulisse reperiuntur. Si quidem Alpheo patre, & Maria matre nati sunt, Maria autē eorum mater in Euangelijs modò Mariæ Cleophae s. filia dicitur, modò Iosephi mater qui fuit Christi discipulorū unus, aliās Mariā Iacobi s. mater, aliās Mariā Iacobi & Iosephi mater. Quod si Iudas hic de cuius rebus gestis scribimus, principio Epistolae quam unam eamq; per breuem scripsit, Iacobi se fratrem nominat, profectò iam tres illos, Iacobum, Iudam & Iosephum fratres fuisse intelligimus. Restat ut Simonem de quo sermo est, eorum fratrem fuisse doceamus, quod nisi Ecclesiae auctoritate quae hos duos de quibus loquimur, semper ut fratres uenerata est, non possumus. Iacobum autem horum fratrem eum intelligimus, qui post ascensum Christi ab Apostolis Hierosolymitanus pontifex praefectus est. Affer enim Iacobus qui Zebedaei filius fuit, Ioannem fratrem habuit. Atq; hi quidem quo tempore se in Christi disciplinā tradiderint, literarū sanctarum monumentis proditū non est. Apostolos autē eos delectos esse aut potius selectos ex cōmuni discipulorū numero, Mattheus, Marcus & Lucas docēt. Eo, uerò in Galilae oppido quod Cana dicitur, natos esse, hinc sciri potest, quod Simon hic interdū Cananæus, interdum Zelotes nuncupat. Quoniā enim Cana Zelus ab Hebraeis appellat, duo eorum qui Euangelia scripserunt, Cananæum, Lucas uerò Zelotem eum nomināt: illi uerbū Hebraicū secuti, hic Græcam interpretationē. Nihil de eis in diuinis literis scriptū reperio duntaxat quod ad illos priuatim pertineat, nisi quod in illo prolixo sermone, quem à coena extrema Christus ad apostolos habuerit, cum ipse Christus dixisset, Qui praecepta ipsius haberet, eisq; pareret, eum esse qui ipsum diligeret: eum autem qui ipsum diligeret, Patri charū futurum, seq; ipsum ac Patrē illi ostensurū. Ioannes scribit tum Iudam hunc quasi uisse à Christo, quamobrem ipsi atq; condiscipulis se ostensurū esse, non mundo diceret, Christumq; ei respondentem facit, Si quis ipsum diligeret, fore, ut ipsius praeceptis obediret, eiusq; Pater illum charū haberet, & ad illū uenirent, & apud eum manerent atq; habitarent, & quae apud illum sequunt. Iis autem in partitione prouinciarū Persis obtigit, ad quam ut uenerūt, magos duos Zaroen & Arphaxatium qui Matthaei apostoli cōspectū fugerāt, inuenerūt. Horum doctrina ita falsa erat, ut Deum uerū qui Abrahami & ceterorū ueterum Deus diceret, tenebrarū Deum uocarēt, Mosen ueneficū esse dicerēt, prophetas omnes à Deo tenebrarū missos dicerent, homines animos à Deo delibatos habere, corpora à Deo praeposterē facta. Itaq; contrarijs diuersisq; rebus corpus gaudere, iisdemq; animū offendi solitū, contraq; quibus ex rebus animus uoluptatē caperet, eas corpori dolorē afferre & molestiā. Solem etiā, lunam & aquam in deorū numero reponebāt. Dei autē filiū Iesum Christū Dominum nostrum, nec uerum hominē ex uera uirgine natū, nec uerē tentatū, passum, nec uerē ab inferis excitatū esse tradebāt. Ac Magorū quidē talis disciplina & doctrina erat, eaq; Persarū animos magna ex parte imbuerant, aut potius infecerant, Simon autē & Iudas tum Persidis fines attigerunt, cum Xerxis regis Babyloniorū exercitus, cui Varada dux preerat, cōtra Indos q; Persidis fines inuasērāt, educebāt. Habebat autē in comitatu suo Varada dux aruspices, ariolos & magos, quorū opera & artib. deos cōsulebat, ut quid nam agendū esset, eorū oracula patefacerent. Cum uerò eo ipso die, quo apostoli uenerant, nulla responsa

A responsa dare possent, coacti sunt ad sanum finitimi oppidi consulendi causa proficisci, ubi dæmon respondit deos qui se illis ad precium properantibus committentes præberent, nihil omnino responsum dare posse, propterea quod Dei apostoli ibi essent, quorum unus Simon, alter Iudas diceretur. Eos tantam vim à Deo consecutos esse, ut nullus Deus illis præsentibus loqui audeat. Varada dux diligenter conquisitos apostolos ad se adducendos curauit, præsentibusque rogauit, unde, & qui essent, quæque eorum aduentus causa esset. Simon si genus quereretur, Hebræos se ac fratres esse respondit: si conditionem, IESU Christi seruos: si causam tanti itineris, illius omniumque salutis causa uenisse, ut relicto simulacrorum errore, Deum qui in cœlis esset, possent cognoscere. Negat ille si bi tum ocium esse plura ab eis de his rebus audiendi, quod Indi ascitis socijs Medis in Persidem impetum fecissent. Itaque eos se cum uictor redisset, studiosius auditurum esse dixit. Iudas contra, confirmabat consentaneum esse iam in animo ipsius notitiam aliquam illius imprimi, cuius ope & auxilio uel uictoriam obtineret: uel certe eos qui defecissent, pacatissimos redderet. Quæ Iudæ oratio fecit, ut Varadæ duci ueniret in mentem quod diu respondissent. Itaque eos rogauit, ut quoniam dii patrij nihil illis præsentibus respondere ausi essent, ipsi quem belli euentum & exitum habiturus esset, prædicerent. Simon se ac fratrem illis pristinam facultatem respondendi dare dixerunt, quo facilius eorum errorem quos futura prædicere putaret, coarguere posset. Cumque ille unum hoc se optare, ut loquerentur dixisset, apostoli eis potestatem CHRISTI nomine fecerunt. Illi autem graue ac diuturnum bellum futurum esse dixerunt, & ex utraque parte magnum militum numerum interfectum iri. Quæ illorum oratio risum Apostolis mouit tantum, ut Varada eos accusarit, quod in tanto metu suo ipsi tamen riderent. Apostoli metum illius depulsum esse dixerunt, quod secum in eam prouinciâ pacem inuexissent. Itaque si eo die longius minimè progredere, postridie eos quos premisisset redituros esse cum Iudæorum legatis, qui & loca capta redderent, & ad conditiones pacis quas uellet, Indos descensuros nunciarent. Pontifices eodem modo in risum soluti, ducem admonuerunt, ut ne ignotorum & externorum hominum plus apud eum, quam deorum ualeret autoritas. Illos enim fallendo loqui aliquid, ne speculatores esse uideantur, & illum bono esse animo iubere, ut dum minus cautus esset, posset nec opinato circumueniri, & opprimi. Deos autem ueros esse, dedisseque responsum eiusmodi, quod ipsum admoneret ut prouideret. Simon externos, ignotos & egentes se ac fratrem fateri: sed tamen cum ipsi non mensum unum expectandum esse censuerint, uerum unum diem, eumque posterum quo euentura ea essent quæ ipsi prædixissent, non id longum aut molestum uideri debere. Pontifices tum furere ac dicere, Quid inter aureas et gemmis distinctas uestes, inter purpuram & auro textas tunicas, deos patrios mentiri posset, quam primum eam deorum iniuriâ omni supplicio uindicari oportere. Varada cum hoc mirum uideri dixisset, quod externi & ignoti homines tam constanter asseuerarent quod ab oraculis eorum discreparet, illique eum hortarentur, ut Apostolos in custodiâ traderent, ne fugerent. At uero, inquit, non igitur solum, sed uos etiam in custodiâ eritis, ut rerum exitus doceat, utrorum testimoniū sit uerius. Tum uidebitis, utri honoribus merito affici, utri supplicijs debeant. Postero die hora tertia ea omnia acciderunt quæ Apostoli prædixerant. Itaque dux ignem excitari iussit, in quem uiui pontifices conicerentur: quod cum apostolis nuntiatum esset, se ad illius pedes miserunt, ab eo petentes, ne id faceret, ne ipsi qui salutis hominum causa uenissent, ut mortuos ab inferis excitarent, uiuos occidere uiderent. Mirari se tum dixit dux, quod pro illis peccatores accederent, qui nihil aliud egissent per præfectos & tribunos. pretio etiam adiecto, nisi ut ipsi uiui exurerent, apostoli autem cum discipline nostræ instituta postulare dicerent, ut non so-



lum malum pro malo non referrent, sed etiam bonum pro malo, hoc ille ab eis contendit, ut uel hoc paterentur, omnes eorum facultates sibi tribui. Tum censa sunt bona omnium, quorum quisque quoque mense de fisco libram unam capiebat, cum centum uiginti pontifices templorum essent præter eum qui principatum obtinebat, cui quadruplum pendeatur. Adduxit postea dux ad regem apostolos, eosque deos esse dixit, specie ac figura hominum, eisque exposuit ea omnia quæ accidissent, uictoriam, pontificum insaniam, eorum in pontifices misericordiam & charitatem singularem, quanta in eis esset diuitiarum despicientia & contemptio, quod cum facultates pontificum eis uellet tradere, ipsi sibi quicquam possidere in terra nefas dicerent: esse enim eorum possessionem æternam in cælo, ubi regnaret immortalitas. Itaque eos dicere, se non posse ulla ratione aurum accipere, uel argentum, uel domos, uel prædia, uel seruos, uel ancillas, quippe cum hæc omnia terrena sint, & morientem hominem non sequantur. Hoc etiam addidit, cum eos admoneret, ut uel pauxillum acciperent, quod essent exteri & egentes, se egentes esse negasse, quod diuitias cœlestes haberent. Quinetiam eos ipsi hoc consilij dedisse exposuit, si censum sibi saluti esse uellet, erogaret debilibus, largiretur uiduis & pupillis, conferret in egentes & ægrotos: multaque alia quæ ab eis didicerat, regi exposuit. Interea Zaroes & Arphaxatius magi, de quibus initio multa dixi, qui aderant cum hæc Varada de apostolis regi narraret, coniurasse eos contra deos & regnum illius dixerunt, quod ut uerum esse intelligeret, prohiberet eos loqui, nisi ante deos adorassent. Cumque Varada Apostolorum patrocinium suscepisset, magisque diceret ut facerent, si auderent, artibus suis, ut deos Babyloniorum adorarent: illi contenderunt ab eo, ut si quid possent experiri uellet, accersiri iuberet homines qui plurimum dicendo possent: tum fore, ut omnino muti redderentur. Placuit conditio. homines accersuntur, qui & copia dicendi, & disputandi acumine præstabant. Cumque magi illi (huic autem spectaculo rex, dux, clarissimique Babylonij interfuerunt) primi uerba fecissent, repente illi disertissimi homines ita muti effecti sunt, ut ne nutu quidem quod uerbis non poterant, significare possent. Quod cum regi mirum uideretur, magi paulo post ei exponunt, se tam disertis uiris illius ita loquendi potestatem facere, ut tamen se ipsi penitus loco mouere non possent. Quo facilius nos, inquit, ex numero deorum esse intelligas. Nec uero hoc unum se facturos, sed hoc etiam ut iterum illis mouendi se loco facultate ipsorum nutu & uoluntate concessa, apertis oculis nihil cernerent: utrumque horum regis ducisque animis terrorem stuporemque tantum iniecit, ut & ipsi quod contra dicerent, non haberent: & amici eorum asseuerarent, non esse illorum uim tantam, quantam cernerent, contemnenda, ne ipsis idem quod ipsi quos uiderent, magorum artibus contingeret. Dux qui apostolos charos haberet, hæc omnia eis exposuit, quæ cum audissent, ab eo contenderunt, ut eloquentes illos homines, ad se prius adducerent, quam ad magos, ut eodem certaminis genere dimicaret. Sic enim perspecturum eum, quam imbecillia sint uanitatis arma, si cum ueritate congrediantur. Dux hac apostolorum oratione adductus, uiros illos qui summa dicendi facultate præditi erant, adit, eisque narrat quanta molestia affectus esset ex ea ignominia & infamia quam superiore certamine suscepissent. Itaque ex eo tempore nihil aliud à se actum esse, nisi quemadmodum maculam illam obliterare & delere possent. Neque uero se ante destitisse, quam excogitarit, quod huic malo remedium offerret. Esse enim homines à se inuentos, quorum præceptis instructi, facile magos uincerent. Gratias illi maximas Varadae, cum se ad illius pedes abiicissent, egerunt, eum querogarunt, ut rem maturare uellet. Producit ille Apostolos, quos cum illi sordidis uestibus indutos aspexissent, eos ferè contempserunt, ac pro nihilo putarunt.

A runt, Simon qui hoc ex uultu eorum intelligeret, ferè dixit fieri, ut in aureis & argenteis res minimi precij recondantur. contraq; , ut in ligneis thecis, paterae, scyphi, candelabraq; aurea gemmisq; distincta reponantur. Solere etiam uasa pulcherrima in quibus acetum sit, contemni: dolia uerò uini præstantissimi plena, quanquam aspectui ingrata essent, tamen homines odoris & saporis sensu ita afficere, ut degustare uelint, nec eos de aspectu qui offendit, sed de sapore tantum cogitare. Itaq; omnes qui alicuius rei cupiditate ducantur, non magnopere de eo in quo inclusa sit laborare, dummodo re ipsa perfruantur. Nihil ergo esse quod eos habitus ipsorum seruilis, offenderet, cum intus laterent ea, quæ facere possent, ut & gloriam & uitam consequerentur sempiternam. Omnes enim homines ipsidem parentibus natos esse, eos cum à Deo in loco amœno, in quo tantum uitæ nullus morti locus erat, collocuti essent, consilio impulsuq; angeli qui hominis felicitati tantæ inuideret, legem quā à Deo acceperant, uiolasse, ob eamq; causam seruos eius affectos esse, cui parère uoluissent. Hinc factum esse, ut ex illo tam amœno fortunatoq; loco in hanc terram tanquam in exilium quoddam expulsi sint. Ipsos autem atq; eorum posteros, quanquam in hoc quasi exilium missi essent, tamen non neglectos esse à Deo, sed tam charos habitos, ut si Deum effectorem solum colere uenerariq; uelint, nihil eis angelus ille nocere & obesse possit. Egisse tamen hoc inimicum illum angelum, ut homo à conditore suo desciscens, idola coleret, elementa adoraret, lignumq; quod ipse dolauerat, deum suum appellaret. Hunc autem errorem illum in hominibus ob eam causam fouere, ut eos imperio suo dominuq; cohibeat, eisq; arbitrato suo abutatur. Itaq; illum fecisse magorum suorum artibus, ut ipsi quandiu uoluerit, primum tacerent, deinde oculorum munere non fungerentur, postremo ut moueri loco non possent. Quod si idolorum cultum repudiaturos se esse promitterent, & eum qui solus sit Deus ueneraturos atq; adoraturos, fore ut ipsi manus capitib; eorum imponerēt, & Christi signum in eorum frontib; imprimerent, quibus illi rebus & quasi armis instructi, nisi magos refellerēt, ac superarēt, falsa omnia & futilia quæ ab ipsis assererent, crederēt. Omnes tū se ad apostolorū pedes miserunt, pollicitiq; sunt, si impedirent quo minus magi nihil ipsis obesse possent, fore ut ab idolis discederent. Apostoli cum Deum orassent, ut magis quanta posset ostenderet, quæ admodum Zambri & Mambri ostendisset, illosq; qui religionem fidemq; ipsius se accepturos pollicerentur, tanta constantia & fortitudine armaret, ut omnes præpotentem eum cognoscerent, eos ad regem abire permisit. Magi eodem uenerunt: qui cum maximè conarentur, idem quod antea facere non potuerunt. Prouocabant etiam eos illi, quos pridie uicerant, ut si possent eadem agerent, illi cum nihil aliud possent, serpentum ingentem uim excitarunt. Accersendos omnes apostolos censent. In primo aduentu suo congesserūt in palatia sua serpentes, quas in magos concitarunt: ita tamen, ut morderi illos ab eis tantum sinerent, nō morsibus etiam interfici. Itaq; rex ceteriq; omnes agebant cum apostolis, ut serpentū morsib; eos necari sinerent. Illi uerò missos se esse, non ut à uita quenquā in mortem præcipitem darent, sed ut omnes ad uitam à morte reuocarēt. Proinde Christi nomine serpentib; imperarūt, ut ueneno quod in corpora magorū diffuderāt collecto, loca sua repeterent. Iussu autem eorum ita abierunt, ut maiore cruciatū sugendo uenenū, q̃ infundēdo, magi sentirent. Liberatos apostoli monuerunt, ut scripturam audirent, quæ diceret, eum qui alteri foueam pararet, in eam priorem casurū. Eos quidem ipsis mortem parauisse, se cōtrā Christū rogasse, ut eos à morte seruaret; neq; hoc solum, sed cum id scelerib; eorum deberet, ut multos annos ex serpentū morfu ac uulneribus laborarent, se tamen impetrasse, ut tertio die pristinam ualitudinem recuperarent. Eos fortassis ab impietate discessuros, cum Dei uoluntatē in se experi-

experirent. se enim illos triduum illud ob eam causam excruciaci uelle, ut eos erro- A
 rum scelerumque suorum poeniteret. Ita admonitos domum duci iusserunt. illi autem triduo
 illo nec cibum, nec somnum capere potuerunt, sed sensu doloris coacti, nullum fi-
 nem uociferandi clamandi-que fecerunt. Iamque spes salutis omnis propere adempta es-
 rat, cum apostoli ueniētes, ita eos allocuti sunt, Deum coacta seruitia respuere,
 itaque salui & incolumes ita surgeret, ut si uellent, se a malo ad bonum conuerteret;
 tenebrisque relictis, lucem sequerentur. Illi autem in perfidia erroreque perstantes, quem
 admodum Matthaei apostoli, sic horum conspectum fugerunt, uniuersamque Per-
 sidentem peragrantes, omnium qui idola colebant, inuidiam & odium in eos concita-
 runt. Apostoli regis aliorumque rogatu Babyloniam diu commorati sunt, cum in-
 terea miris operibus editis, curandis morbis omnium innumerabiles ad Christi re-
 ligionem traduxerunt. Post autem peragrata uniuersa Perside, ad urbem quandam
 Sunirum nomine peruenerunt. In ea magi pontifices admonuerant, uenturos esse
 duos Hebraeos, qui illorum deos & ipsi contemnerent, aliisque contemnendos re-
 linquendosque censerent, quod si obtinerent, fore ut ipsi sine honore, sine glo-
 ria, sine re uiuerent. Apostoli cum eo uenissent, a ciue quodam cui nomen Sēni
 erat, quemque primo suo aduentu Christi religione ac fide imbuerant, hospitio
 accepti sunt. Quod ut primum pontifices rescuerunt, omnes eo cum populo
 quem concitassent, uenerunt, Semni-que imperarunt, ut inimicos deorum suo-
 rum produceret, ac si cum eis non sacrificaret, deosque coleret, se illum ac do-
 mum ipsius cum eis incensuros esse minati sunt. Comprehendunt apostoli, &
 ad templum Solis deducuntur. Illi cum in primo etiam templi aditu essent, dæ-
 mones per eos homines in quibus erant, clamare coeperunt, quid eis cum ipsis
 rei esset, cum apostolos Dei uiui eos appellassent, se enim aduentu eorum ex-
 uri. Erat in ea templi parte, quae ad Orientem pertinebat, currus fusilis ex auro, B
 in quo sol cum radijs fusilis ex auro erat collocatus. Ex altera parte stabat luna
 fusilis ex argento cum curru bouum fusili ex argento. Eos ut colerent, Apostoli
 pontifices cum magis duobus quos fugisse dixi, & populo, cogeant. Interea
 apostoli inter se Hebraico sermone colloquebantur: prior Iudas cernere se Ie-
 sum dixit, a quo uocarentur. Simon eundem se etiam iamdiu uidere dixit, an-
 gelum enim sibi cum oraret, hoc praedixisse, se utrumque emissurum e templo,
 ac tum denique templum casurum, cuius ruina illi omnes opprimerentur. Se ta-
 men orasse, ne ita fieret, quod nonnulli fortasse Deum relictis idolis secuturi essent.
 Haec dum illi Hebraico, ut dixi, sermone inter se colloquuntur, angelus eis se
 ostendit. eisque potestatem alterutrum eligendi fecit, ut uel unus aliquis eorum qui
 aderant, interiret, uel ipsi martyres ad Christum migrarent. Illi Deum se ora-
 re responderunt, ut pro sua misericordia eximiaque bonitate & illis ignosceret,
 & ad coronam martyrii perducerent. Haec cum soli apostoli & uidissent & au-
 dissent, eos pontifices Solem & Lunam colere cogeant. Ipsi uero indicto si-
 lentio, Solem & Lunam seruos Dei esse scire se professi sunt, qui tamen in coe-
 lo essent collocati. Itaque eos non sine iniuria, in templo includi, quos in coe-
 lo collucere ab orbe condito constaret. Atque ut intelligerent non Solem & Lu-
 nam in simulacris inesse, sed daemonia, ipsi imperaturos se daemonibus profes-
 si sunt, ut ex simulacris exirent, atque ea comminuerent. Haec inter eos officia di-
 uisa sunt, ut uno eodemque puncto temporis Simon daemoni qui in Solis, Iu-
 das ei qui in Lunae simulacro inclusum erat, imperaret. Quod cum ab eis factum
 esset, statim duo Aethiopes nigri, nudi, horribili-que specie uisi sunt egredi, qui
 simulacris in frustra concisis, cum magno clamore abierunt. Hoc cum moleste
 acerbeque ferrent pontifices, impetu facto Apostolos interfecerunt. Ea ipsa hora
 cum summa esset serenitas, & tranquillitas, repente templum illud de caelo ta-
 ctum tres in partes discissum est. magi autem etiam de caelo tacti sunt, cum nul-
 lam speciem nisi prunarum eorum corpora gererent, Xerxes autem rex non
ita

A ita multo pōst de pontificibus supplicium sumpsit, apostolorum uerò corpora Babyloniam transferēda curauit, eisq; templum miro magnificoq; opere ex-
 ædificauit. Hæc ex ueteri quodam Cormœriacensē bibliothecæ uolumine de-
 scripsi, quæ auctor uacans nomine ex Africani ueteris scriptoris libris se ex-
 cerpsisse confirmat.

B. MATHIÆ APOSTOLI VITA

Ioachimo Perionio Benedictino Cormœriace-

no auctore.



Athias Christi Apostolus, Bethleemitanus ex tribu Iudæ originē
 habuisse dicitur. Is quemadmodū ex libro Luca, qui Acta Apo-
 stolorum inscriptus est, intelligi potest, Christū ab initio doctrinæ
 ac prædicationis secutus, nunq; ab eo postea discessit: nec tamen
 unā cum cæteris ex communi discipulorū numero ad apostoli-
 cæ dignitatis arcem elatus est, sed in locum Iudæ qui magistrū discipulus pro-
 didit ac uendidit, post Christi ascensum successit. Quod quemadmodū euene-
 rit aut factum sit, quoniam ad eius laudem pertinet, nō erit alienum expone-
 re. Cum Christus apostolis spectantibus in cœlum ascendisset, apostoliq; & a-
 lij qui unā aderant Hierosolymā domum in qua habitabant, rediissent, nō ita
 multo pōst Petrus apostolus surgens, omnes qui circūstabant, numero ferè cen-
 tum & uiginti, his uerbis discipulos cōuenit Scripturā impleri oportere, quam
 spiritus sanctus ore Dauidis prædixisset de Iudæ, qui dux fuisset eorū qui Iesum
 Christum cōprehenderant. Eum quidem eundē gradum honoris adeptū esse,
 quem ipsi consecuti essent, sed præmium scelere dignissimū consecutum esse
 eiusmodi, ut suspensus medius crepuerit, diffusis intestinis omnibus. Idq; om-
 nibus Hierosolymitanis ita compertū exploratumq; fuisse, ut ager lingua eo-
 rum Ager sanguinis nominaret. Scriptum enim esse in libro Psalmorū: Fiat
 domiciliū eorum desertum, nec sit qui in eo habitet, episcopatumq; eius alter
 accipiat. Proinde in eius locum sufficiens dum cooptandumq; esse unum ex ijs
 qui semper Christum unā cum ipsis iam ex eo tempore secuti essent, cum à Io-
 hanne baptizatus esset, ad eum quō in cœlum ascendisset, qui unā cum eis pa-
 lām ac publicè Christum à mortuis excitatum esse testificaret. Hac Petri ora-
 tione cæteri adducti duos constituerūt ac proposuerunt, Iosephum qui Bar-
 bas diceretur, & Mathiam, de quo dicimus: oraueruntq; Deum in commu-
 ne, ut doceret ac patefaceret, utrum eorum uellet in Iudæ locum succedere.
 Cūq; eis sortes dedissent, Mathias sorte Apostolus delectus est. Nec uerò hoc
 gradu honoris indignum se præstitit. Nam cum in partitione prouinciæ
 Iudæa ei nutu diuino obtigisset, multos partim doctrina, partim uita quā inte-
 gerrimā ageret, partim miris inusitatisq; operib. quæ in egrotorū morbis pro-
 fligandis ederet, ad Christianā religionē fidemq; traduxit. Quod cū Iudei quos
 ad sanam mentē à praua deducere nō potuit, acerbè ferrēt, eum ad Pōtificem
 pertraxerūt, doctrināq; ac religionē ei ut crimē obijcere cœperūt. Ille magna
 fiducia presentiq; animo fretus, hoc statim respōdisse dicē, ea quæ ipsi ut pro-
 bra & crimina obiectaret, non longam desiderare orationē. Christianū enim
 esse, nō criminofum esse, sed gloriosum. Cumq; pontifex ex eo quasiuisset, si
 tempus ac locus pœnitentiæ dare, mutare ne cōsiliū uellet: Deus, inquit, pro-
 hibeat, ne à ueritate quam semel inueni ac secutus sum, aliquādo quasi trās-
 fuga deficiam. Tum cōcitati populi furore pontifex præter priuatū odium impul-
 sus, eum sententiā sua lapidib. primò obruendū, deinde securi feriendū esse pro-
 nunciāuit. Duo aut testes quos subornauerant, primi in eum lapides iaculati
 sunt. Ille uerò lapides testimoniū causa ut secum sepelirent, rogauit: sic beatus
 Apostolus ad Christū migrāuit v. II. Cal. Martij. Eius autem corpus ex Iudæa
 Romam primū, deinde Roma Treuiros translatum esse dicitur.

A IN HISTORIAM SEVERI SVLPITII

QVA IS DIVI MARTINI SABARIENSIS PANNONII,
& Orientalium Monachorum res gestas enarrat, Præfatio VVOLFGANGI
LAZII Viennen. Austriaci Pannonij, ad doctissimum & magnificum vi-
rum D.D. IACOBVM IONAM I.V. consultiss. & inclyti Romanorum
Regis FERDINANDI Scriniorum Magistrum dignissimum,
Patronum unice observandum.



N parte editionis nostræ libet præfari mihi,
observandissime Patrone. Nam cum Ab-
diam, vetustissimum autorem, iam audie-
ris, sanctorum Apostolorū res gestas enar-
rantem, idēq; eisdem cum maximo heroe Do-
mino Georgio Giengero & auspicijs & au-
ribus: operæ precium me facturum existi-
maui, si congentilem tibi etiam quendam in

harenam produxero, ex his autoribus qui & vetusti sunt, & floren-
tibus Romanorū temporibus res pias adnotarunt. Qualem fuisse
absq; controuersia Seuerum Sulpitium Rhetorem existimo: qui
terso dictionis filo, Martini nostri Pannonij uitam inculpatam, &
obitum beatum, simulq; Orientalium monachorum res gestas pro
religione nostra sacrosancta complexus est. Id quod historia ipsa
in transcurso à te lecta indicabit, & piē & eleganter ab homine Ro-
mano Christianoq; scripta: & de eo quidem iam non homine so-
lum, uerū ob merita etiam, atq; augustioris uitę conuersationem,
diuorū cœtui consociato. Extat patria diui Martini etiamnum
apud nos in Pannonijs, ueteri nomine retēto: tametsi pristina ma-
iestas loco decesserit. Extat & templū loco diuo Martino alumno
consecratum. Quod cum superioribus annis, antiquitatis simul &
religionis ergo ductus inuiserem, deprehendi obiter & uerum esse
quod Plinius libro 3. cap. 24. de Sabaria scribit, diui Claudij Cæ-
saris colonia: & quod noster hic Sulpitius commemorat, beatum
Martinū, longo & periculoso suscepto ex Gallijs itinere, ubi Chri-
stum cœperat cognoscere, primū reuersum in patriam, paren-
tes, congentilesq; salubribus Christi præceptis instituisse. Quibus
rebus & monimēta uetustatis consentiunt, quæ fidei ergo subijcie-
mus: & nostri pariter annales, quibus adnotat, beatum Martinum
post diuos, Florianum, Maximilianum & Quirinum, quartum
Pannoniarum extitisse Apostolum. Sed placet monumentorum
rhapsodias subnectere quæ isthic extant:

De Christianis in Sabaria.

In quo Claudie fit mentio.

L. VAL. L. F. CL. CENSORINVS
DEC. C. C. S. ITEM VET. LEG. I. AD.
EX B. F. COS. A. V. F. S. ET FLAVIAE
IN SEQVENTINAE CON. AN IX.

HIC POSITVS EST FLOREN-
TINVS INFANS QVI VIXIT
ANNOS SEPTEM, ET REQVI-
EM ADCEPIT IN DEO PATRE
NOSTRO ET CHRISTO EIVS.

A Iam

Iam nihil dico de arcubus triumphalibus, quos in Sabaria excitasse uictis Alemannis Iulianum Cæsarem, Marcellinus lib. 21. est autor, & quorum adhuc hodie in ruinis sepe dictis ingentes saxorum moles, uestigia ad nostram ætatem peruenerunt. Præterea nihil de tot Traiani aliorumq; inscriptionib. addo, quorum ingens ibi acerrimus quotidie eruitur. Hoc satis fuerit, & ad laudem nostræ Pannoniæ cum primis pertinet, beatum Martinum Pannonium fuisse. Quem Pannoniæ incolæ hodierni præ alijs diuis in hunc usq; diem uenerantur. Id quod tot beato Martino consecrata non solum cœnobîa, uerumetiam ciuitates ac castra amplissima eius nomini inscripta abundè testantur. Atq; de Diuo hætenus. De interprete, qui eius memoriam temporalem retinuit, hoc est Seuerio Sulpitio, Abbas Spanhaymensis, in opere de Claris uiris, ita scriptum reliquit. Seuerus, presbyter, cognomento Sulpitius, ex Aquitanica prouincia ortus, uir genere & literis nobilis, & paupertatis atque humilitatis amore conspicuus, clarus etiam sanctorum uiro-
rum Martini Turonensis & Paulini Nolani Episcoporum conuersatione: in senectute sua deceptus à Pelagianis, & agnoscens loquacitatis culpam, silentium usq; ad mortem tenuit: ut peccatum quod loquendo contraxerat, tacendo salubriter emendaret. Scripsit non spernendæ lectionis opuscula, de quibus referuntur subiecta. De uita Sancti Martini Episcopi libros tres. Collationem Posthumiani & Galli libros tres. Epistolarum ad Sororem librum unum, Ad Paulinum Nolanum Episcopum libros duos. Alia quoq; nonnulla scripsisse dicitur, quæ ad notitiam meam non uenerunt. Claruit cum Sancto Martino Turonensi Archiepiscopo, sub Archadio et Honorio Principibus, anno Domini 520. & c. Hæc ille. Quæ cum ita sint, suscipe Patrone optime, hilari fronte, ut soles, & eodem animo, & diui Martini contrerranei nostri res gestas, & Seueri nectaream elocutionem audi atq; lege. Quem tibi uel eo nomine dedicandum autorem putauî, quod in Pannoniis à seruitute Turcica liberandis, tu unus omnium post Regem inclytum die noctuq; desudas. Deinde q; Pannoniæ, patriæ scilicet huius sancti, chorographiam, uti Rex clementissimus, meo radio, & eorum opera qui isthic sunt quàm uersatissimi, conscribi curet, tu scilicet autor tam præclari instituti primarius existas. Quapropter cum in Pannoniis ornâdis tibi reliqui nihil facias, agere nostrum omnium nomine alumnis terræ diuus Martinus gratias & potest, & debet. Cuius historiam, utpote uerè scriptam, & ab homine docto, & qui sancto conuixerit, plurimi (ut soles) facere debes. Bene uale, Vienna Pannoniæ, ex ædibus nostris, octauo ante Diui Martini sole una die, Anno 1551.

EPISTO-

EPISTOLA SEVERI POSTHVMIANI

RHETORIS AD DESIDERIVM IN HISTO-

riam Diui Martini.



Euerus, Desiderio fratri charissimo, Salutem. Ego quidem frater, libellum quem de uita sancti Martini scripseram, scheda sua premere, & inter domesticos parietes cohibere decreueram: quia ut sum natura infirmus, iudicia humana uitabam, ne (quod forte arbitror) sermo incultior legentibus displiceret, omniq; reprehensione dignissimus iudicaret, qui materiam disertis merito scriptoribus reseruandam, impudens occupassem. sed petenti tibi sapius, negare non potui. Quid enim est, quod non amoris tuo, uel cum detrimento mei pudoris impenderem? Ea tibi fiducia libellum edidi, quem nulli a te prodendum reor, quia id spondidisti. Sed uereor, ne tu ei ianua sis futurus: & emissus semel, non queat reuocari. Quod si acciderit, & ab aliquibus eum legi uideris, bona id uenia a lectoribus, postulabis, ut res potius quam uerba perpendant: & æquo animo ferant, si aures eorum uitiosus forsitan sermo perculerit. Quia regnum Dei non in eloquentia, sed in fide constat. Meminerint etiam, salutem seculo non ab oratoribus, sed a piscatoribus prædicatam, cum utiq; si utile fuisset, id quoq; Dominus prestare potuisset. Ego enim, cum primum animum ad scribendum appuli, quia nefas putarem tanti uiri latere uirtutes, apud me ipse decidi, ut solacismis non erubescerem, quia nec magnam istarum unquam rerum scientiam contigissem: & si quid ex his studiis olim fortasse libassem, totum id desuetudine tanti temporis perdidissem. Sed tamen ne nos maheat tam molesta defensio, suppresso, si tibi uidetur, nomine, libellus edatur. Quod ut fieri ualeat, titulum frontis erade, ut muta sit pagina: & quod sufficit, loquatur materiam, non loquatur auctorem.

ALIA EPISTOLA EIVSDEM, DE VIR-

tute Sancti Martini.



Hæsterna die cum ad me pleriq; monachi uenissent, inter fabulas iuges, longumq; sermonem, mentio incidit libelli mei, quem de uita beati uiri Martini edidi: studiosèq; eum a multis legi, libentissimè audiebam. Interea indicatur mihi, dixisse quendam malo spiritu suscitatum, cur Martinus, qui mortuos suscitasset, flammis domibus depulisset, ipse nuper adustus incendio, periculosa fuisset obnoxius passio. O istum, quisquis est, miserorum Iudeorum in uerbis eius perfidiam & dicta cognoscimus, qui in cruce positum Dominum his uerbis increpabant: Alios saluos fecit, seipsum saluare non potest. Verè planè iste quicumq; est, si illis temporibus natus esset, & in Dominum hanc uocem dicere potuisset, qui simili sanctum Domini blasphemiat exëplo. Quid ergo, quisquis es, Martinus ideo non potens, ideo non sanctus, quia est periclitatus incendio? O beatum, & per omnia similem Apostolis, etiam in his conuicijs, uirum. Nempe hoc & de Paulo gentiles illi, cum eum uipera momordisset, sensisse referuntur: Hic homo debet homicida esse, quem saluum factum de mari, fata uiuere non sinunt. At ille, excussa uipera in ignem, nihil malè patiebatur. Illi autem subito casurum, & repente moriturum eum putabant: sed cum uiderent nihil malè contingere ei, cōuertentes se, dicebant eum Deum esse. Alioquin uel horum exemplo, omnium mortalium infelicissime, perfidiā tuam coarguere ipse debueras: ut si tibi scandalū mouerat, quod Martinus flamma ignis uidebatur attentus, hūc rursus ignis attentū ad merita illius & uirtutē referres, quod circumseptus ignibus non perisset. Agnosce enim miser, agnosce quod nescis, omnes ferè sanctos magis insignes periculorum suorum fuisse uirtutibus. Video quidem Petrū fide potentē, rerum obstante natura mare pedibus supergressum,

A 2 & instabiles

& instabiles aquas corporeo pressisse uestigio : sed nō ideo minor mihi uidetur gentium prædicator, quem fluctus absorbuī, & post triduū totidemq; noctes emergentem ē profundo unda restituit : atq; haud scio, an penē plus fuerit uixisse in profundo, an supra maris profunda transisse. Sed hæc, ut arbitror, stulte, non legeras, aut lecta non audieras. Neq; enim absq; diuino consilio istiusmodi exemplum, beatus Euāgelista sacris literis protulisset, nisi ut ex his humana mens erudiretur naufragiorum atq; serpentium casibus. Et sicut Apostolus refert, qui nuditate, fame, latronumq; periculis gloriæ omnia sanctis hominibus, atq; omnibus ad percipiendum quid esse communia, sed his tolerandis atq; uincēdis præcipuam semper iustorū fuisse uirtutem, dum per omnia tentamenta, patientia semper inuicti, tanto fortius uincerent. quanto grauius pertulissent. Vnde hoc quod ad Martinī infirmitatē notatur, plenum est dignitatis & gloriæ: siquidē periculosisimo casu tentatus, euicerit. Ceterū id omissum à me in libello illo quem de uita illius scripsimus, nemo miretur: cum ibidem sim professus, me non omnia illius facta complexum: quia si persequi uniuersa uoluissē, immensum uolumen edidissē. Neq; sunt tam pauca quæ gessit, ut omnia potuerint comprehendi: sed tantum hoc de quo quæstio incidit, latere non patiar, & rem omnem ut gesta est, referam, ne fortē inconsultum hoc quod ad uituperationem beati uiri poterat opponi, prætermisisse uideamur. Cum ad diocesim quādam pro solenni cōsuetudine (sicut Episcopis uisitare ecclesias moris est) media ferē hyeme Martinus uenisset, mansionem ei in secretario ecclesiæ clerici parauerunt, multumq; ignem scabro iam pertenui pauimento subdiderunt, & lectum ei plurimo stramine extruxerunt. Deinde cum se Martinus cubitū collocasset, insueta mollicie strati malē blandientis horrescit: quippe qui nuda humo, uno tantum cilicio superiecto, accubare cōsueuerat. Itaq; quasi accepta permotus iniuria, stramentum omne proiecit: & casu super fornaculam, partem paleæ illius quam remouerat, aggersit. Ipse ut erat moris nuda humo, lassitudine itineris urgēte, requieuit. Ad mediam ferē noctem per interruptum, ut suprā diximus, pauimentum ignis æstuans, arescētes paleas apprehēdit. Martinus somno excitatus, re inopinata. ancipiti periculo, & maximē, (ut ipse referebat) diabolo insidiāte atq; urgente præuentus, tardius quā debuit, ad orationis confugit auxiliū. Nam erumpere fores cupiens, cum pessulo, quem ostio obdiderat, diu multumq; luctatus, grauissimum circa se sensit incendium: adeo ut uestem, qua indutus erat. ignis consumpsit. Tandem in se reuersus, non in fuga, sed in Domino esse præsidium: scutum fidei & orationis arripens, medijs flammis totus ad Dominum conuersus, incubuit. Tunc uerò diuinitus igne submoto, innoxio sibi orbe flammarum uallatus, orabat. Monachi autem qui pro foribus erant, crepitante & colluctante incendiū sono excitati, obseratas effringunt fores: dimotoq; igne, ē medijs flāmis iam Martinū auferunt, cum iam penitus esse consumptus tam diuturno incendio putaret. Cæterū (ut uerbis meis Dominus est testis) mihi ipse referebat, & nō sine gemitu fatebat, in hoc se diaboli arte deceptum, ut excussus ē somno cōsilium non haberet, quo per fidem et orationē periculo repugnaret. Deniq; tam diu circa se sauisse ignem, quamdiu erumpere ostium, turbatus mente tentauerit. Vbi uerò auxiliū crucis & orationis arma repetisset, medias celsisse flammis: seq; tunc sensisse rorantes, quas malē esset expertus urentes. Vnde intelligat, quisquis hæc legerit, tentatum quidem illo Martinum periculo, sed probatum.

PROLOGVS SEVERI SVLPITII IN VITAM

Sancti Martini Episcopi.

Periq; mortalium studio & glorię seculari inaniter dediti, exinde perennem (ut putabant) memoriam nominis sui quęsiuerunt, si uitas clarorum uirorum stylo illustrassent. Quę res utiq; non perennem quidem, sed aliquantulum tamen conceptę spei fructum afferebat: quia & sui memoriam, licet incassum, propagabant: & propositis magnorum uirorum exemplis, non parua æmulatio legentibus excitabatur, sed tamen nihil ad beatam illam æternamq; uitam hæc eorum cura pertinuit. Quid enim aut ipsis occasura cum seculo scriptorum suorum gloria profuit? aut quid posteritas emolumentū tulit, legēdo Hectorem pugnātem, aut Socratem philosophantem; cum eos non solum imitari stultitia sit, sed non à crimine etiam impugnare, dementia: quippe qui humanam uitam præsentibus tantum actibus æstimantes, spes suas fabulis, animas suas sepulchris dederint. Siquidem ad solam hominum memoriam se perpetuandos crediderunt: cum hominis officium sit perennem potius uitam, perennem memoriam quærere, non scribendo, aut pugnando, uel philosophādo, sed pię, sanctę, religiōisq; uiuendo. Qui quidem error humanus, literis traditus, intātum ualuit, ut multos tamen æmulos uel inanis philosophiæ, uel stultę illius uirtutis inuenerit. Vnde facturus mihi operę precium uideor, si uitam sanctissimi uiri, exemplo alijs mox futuram, perscripsero, quo utiq; ad ueram sapientiam, & cōlestem militiam, diuinamq; uirtutem legentes incitabuntur: in quo ita nostri quoq; rationem commodi, utilitatis ad quæstum ducimus, ut non inanem ab hominibus memoriam, sed æternum à Deo præmium expectemus. quia & si ipsi non uiximus, ut alijs exemplo esse possimus; dedimus tamen operam ne is latēret, qui esset imitandus. Igitur sancti Martini uitam scribere exordiar, ut quę uel ante episcopatum, uel in episcopatu gesserit, quamuis nequaquam ad omnia illius potuerim peruenire, aded ea in quibus ipse tantum sibi conscius fuit nesciuntur: quia laudem ab hominibus non requirēns, quantum in ipso fuit, omnes uirtutes suas latēre uoluisset. Quanquam etiam ex his quę comperta nobis erant, plura omisimus: quia sufficere credimus, si tantum excellentiora notarentur. Simul & legentibus consulendum fuit, ne quod his pareret copia congesta fastidium. Obsecro autē eos qui lecturi sunt, ut fidem dictis adhibeant: neq; me quicquam nisi compertum & probatum scripsisse, arbitrentur: alioquin tacere, quā falsā dicere, maluissē.

DE VITA DIVI MARTINI SABARIEN-

SIS, TVRONENSIS ECCLESIAE GALLIAE EPISCO-

pi, autore Seuero Sulpitio Rhetore,

Liber Primus.



GITVR Martinus Sabarię Pannoniorū oriundus fuit, sed intra Italiam Ticinī alitus est, parentibus secundum seculi dignitatem non infimus, gentilibus tamen. Pater eius miles primū, post tribunus militum fuit. Ipse armatam militiam in adolescētia secutus, inter seculares alas sub rege Constantino, deinde sub Iuliano Cæsare militauit, non tamen sponte: quia à primis ferē annis diuinam potius seruitutem, sacra illustris pueri spirauit infantia. Nam cum esset annorum decem, inuitis parentibus ad ecclesiam confugit, seq; catechumenum fieri postulauit. Mox mirum in modum totus in Dei opere conuersus, cum esset annorum duodecim, heremum con-

cupiuit: fecisset que uotis satis, si ætatis infirmitas non obstitisset, animus tamen eius, aut circa monasteria, aut circa ecclesiam semper intentus, meditabatur adhuc in ætate puerili, quod postea deuotus impleuit. Sed cum edictum esset à regibus, ut ueteranorum filij ad militiam scriberentur, prodente patre, qui felicibus eius actibus inuidebat, cum esset annorum quindecim, raptus & catenatus, sacramētis militaribus implicatus est, uno tantum seruo comite contentus: cui tamen uersa uice dominus seruiēbat, adeo ut plerumq; ei & calceamenta ipse detraheret, & ipsa detergeret; cibum unā caperent, hic tamen sapius ministraret. Triennium ferē ante baptismum in armis fuit, integer tamen ab ijs uitijs, quibus illud hominum genus implicari solet. Multa illi circa commilitones benignitas, mira charitas: patientia uerò atq; humilitas ultra humanum modum. Nam frugalitatem in eo laudare non est necesse, quia ita usus est, ut iam illo tempore non miles, sed monachus putaretur. Quibus rebus ita sibi omnes commilitones suos deuinxerat, ut eum miro affectu uenerarentur. Nec dum tamen regeneratus in Christo, agebat quendam bonis operibus baptismatis candidatum, assistere scilicet laborantibus, opem ferre miseris, alere egentes, uestire nudos solitus nihil sibi ex militiæ stipendijs præter cotidianum uictum referuabat: iam tunc euangelij non surdus auditor, de crastino non cogitabat. Quodam itaq; tempore cum iam nihil præter arma & simplicem militiæ uestem haberet, media hyeme, quæ solito austerior inhoruerat, adeo ut plerosq; uis algoris extingueret, obuium habet in porta Ambiensium ciuitatis pauperem nudum: qui cum prætereuntes, ut sui misererentur, oraret, omnesq; miserum præterirent: intellexit uir Dei, Deo plenus, sibi illum alijs misericordiam non præstantibus, referuare. Quid tamen ageret: nihil præter chlamydem, qua indutus erat, habebat: iam enim reliqua in opus simile consumperat. Arrepto itaq; ferro quo accinctus erat, mediam diuidit, partemq; eius pauperi tribuit, reliqua rursus induitur. Interea de circumstantibus risere nonnulli, quia deformis esset, & truncatus habitus uideretur. Multi quidem, quibus erat mens sanior, altius gemuere, quod nihil simile fecissent: cum utiq; plus habētes, uestire pauperem sine sua nuditate potuissent. Nocte igitur insecuta, cum se sopori dedisset, uidit Christum chlamydis suæ, qua pauperem texerat, parte uestitū. Intueri diligentissimè Dominū, uestemq; quam dederat, iubetur agnoscere: moxq; ad angelorū circumstantiū multitudinem, audit Iesum clara uoce dicentē: Martinus adhuc catechumenus, hac me ueste contextit. Verè memor Dominus dictorū suorū, qui antè prædixerat: Quamdiu fecistis hoc uni ex minimis istis, mihi fecistis: se in paupere professus est fuisse uestitū: & ad cōfirmandū tam boni operis testimoniū, in eodē se habitu, quem pauper acceperat, est dignatus ostēdere. Quo uiso, uir beatissimus non in gloriā est elatus humanam, sed bonitatē Dei in suo opere cognoscens, cum esset annorū duodeuiginti, ad baptismum cōuolauit. Nec statim militiæ renunciāuit, tribuni sui precibus euictus, cui contuberniū familiare præstabat: etenim transacto tribunatus sui tempore, renunciaturū se seculo pollicebat. Quam Martinus expectatione suspensus, per bienniū ferē, posteaq; est baptismum consecutus, solo scilicet nomine militauit. Interea irruentibus intra Gallias Barbaris, Iulianus Cæsar, coacto in unum exercitu apud Vangionum ciuitatem, donatium cœpit erogare militibus, ut est cōsuetudinis: singuli citabantur, donec ad Martinum uentum est. Tunc uerò opportunum tempus existimans, quo peteret missionem, neq; enim integrum sibi fore arbitrabatur, si donatium non militaturus acciperet: Hactenus, inquit ad Cæsarem, militaui tibi: pātere ut nunc militem Deo: donatium tuum pugnaturus accipiat: Christi ego miles sum, pugnare mihi non licet. Tunc uerò aduersus hanc uocem tyrannus infremuit, dicens, eum metu pugnæ, quæ postera die erat futura, non

A ra, non religionis gratia, detrectare militiam. Ad quæ Martinus intrepidus, imò illato sibi terrore constantior: Si hoc, inquit, ignauia ascribitur, non fidei, crastina die ante aciem inermis astabo, & in nomine Domini IES V, signo crucis, non clypeo protectus, aut galea, hostium cuneos penetrabo securus. Retrudi ergo in custodiam iubetur, facturus fidem dictis, ut inermis barbaris obijceretur. Postero die hostes legatos de pace miserunt, sua omnia seseq; deditores. Vnde quis dubitet, hanc uerè beati uiri fuisse uictoriam, cui præstitum sit, ne inermis ad prælium mitteretur. Et quamuis pius Dominus seruare militem suum, licet inter hostium gladios & tela potuisset: tamen ne uel aliorum morte sancti uiolentur obtutus, exemit pugnae necessitatem. Neq; enim aliam pro milite suo Christus debuit præstare uictoriam, quam ut subactis sine sanguine hostibus, nemo moreretur. Exinde relicta militia, sanctum Hilarium Pictanæ episcopū ciuitatis, cuius tunc in Dei reb. spectata & cognita fides habebat, expetiuit: & aliquandū apud eum cōmoratus est. Tentauit autem idem Hilarius, imposito diaconij officio, sibi eum arctius implicare, & ministerio uincire diuino: sed cum sapissimè restitisset, indignum se esse uociferans, intellexit uir Dei, altioris ingenij hoc eum modo posse constringi, si id ei officij imponeret, in quo quidem locus iniuriæ uidetur. Itaq; exorcistam eum esse præcepit. quam ille ordinationem, ne despexisse tanquam humiliorem uideretur, non repudiavit. Nec multum post admonitus per soporem, ut patriam parentesq; quos adhuc gentilitas detinebat, religiosa solitudine uisitaret, & ex uoluntate sancti Hilarij profectus est, multisq; ab eo obstrictus precibus & lachrymis ut rediret, moestus (ut ferunt) peregrinationem illam aggressus est, cōtestatus fratres, multa se aduersa passurum, quod postea rei probauit euentus. Ac primū inter alpes deuia secutus, incidit in latrones. Cumq; unus securim eleuatā in caput eius librasset, ictum ferientis dextera sustinuit alter: uinctis tamen post tergum manibus, uni seruandus & custodiendus traditur. qui cum eum ad remotiora loca duxisset, percontari ab eo coepit, quisnam esset? Respondit, Christianum se esse. Quærebat etiam ab eo, an timeret. Tunc uerò constantissimè profitetur, nunquam se fuisse tam securum, quia sciret misericordiam Domini maximè in tentationibus affuturam: se magis illius condolare, qui Christi misericordia, utpote latrocinia exercens, esset indignus. Ingressusq; euangelicam disputationem, uerbum Dei latroni prædicabat. Quid longius morer? Latro credidit, prosecutusq; Martinum uie reddit, orans ut pro se Dominū precaret: idemq; postea religiosam agens, uitam uisus est, adeo ut quæ suprā retulimus, ab ipso audita dicant. Igitur Martinus inde progressus, cum Mediolanū præterisset, diabolus in itinere, humana specie assumpta, se ei obuiū tulit, Quò tenderet, querens. Cumq; id à Martino responsi accepisset, Se quò Dominus uocaret, tendere: ait ad eū, Quocūq; ieris, uel quæcūq; tentaueris, diabolus tibi aduersabit. Tunc ei prophetica uoce respōdit: Dominus mihi adiutor est, nō timebo quid faciat mihi homo. statimq; cōspectu eius inimicus euauit. Itaq; ut animo & mente cōceperat, matrem gentilitatis absoluit errore, patre in malis perseverante: plures tamē suo saluauit exemplo. Deinde cum heresis Arriana per totum orbem et maximè intra Illyricum pullulasset, cum aduersus perfidiam sacerdotū solus penè acerrimè pugnaret, multisq; supplicijs esset affectus (nam & publicè uirgis cæsus est) & ad extremū de ciuitate exire compulsus, Italiam repeditans, cum intra Gallias quoq; discessum sancti Hilarij, quem ad exilium hæreticorum uis coegerat, turbatam ecclesiam comperisset, Mediolani sibi monasterium statuit: ibi quoq; eum Auxentius, auctor & princeps Arrianorum, grauissimè infectatus est: multisq; affectum iniurijs, de ciuitate exturbauit. Ceddendum itaq; tempori arbitratus, ad insulam Gallinariam nomine secessit:

comitē

comite quodam presbytero, magnarum uirtutum uiro. Hic aliquandiu radicibus uixit herbarum: quo tempore elleborum, uenenatum (ut ferunt) gramen, in cibum sumpsit. Sed cum uim ueneni in se grassantis uicina iam morte sensisset, imminens periculum oratione repulit, statimque omnis dolor fugatus est. Nec multo post cum sancto Hilario comperisset regis indulgentia potestatem indultam fuisse redeundi, Romae ei tentauit occurrere, profectusque ad urbem est. Cum uero iam Hilarius praeterisset, ita eum est uestigijs profectus: cumque ab eo gratissimè fuisset susceptus, haud longè sibi ab oppido monasterium collocauit, quo tempore se ei quidam catechumenus iunxit, cupiens sanctissimi uiri institui disciplinis: paucisque interpositis dieb, languore correptus, ui febrium laborabat. At tunc Martinus fore discesserat, & cum per tri-duum defuisset, regressus corpus exanime inuenit: ita enim subita mors fuerat, ut absque baptismo humanis rebus excederet, corpusque in medio positum tristi moerentium fratrum frequentabatur officio, cum Martinus flens & eulans accurrit, tunc uero sanctum spiritum tota mente concipiens, egredi cellulam in qua corpus iacebat, ceteros iubet: ac foribus obseratis, super exanimata defuncti fratris membra prosternitur: & cum aliquandiu orationi incubuisset, sensissetque per spiritum Domini adesse uirtutem, erectus paululum, & in defuncti ora defixus, orationis suae ac misericordiae Domini intrepidus expectabat euentum: uixque duarum fere horarum spacium intercesserat, & uidit defunctum paulatim membris omnibus commoueri, & laxatis in usum uidendi palpitare luminibus. Tunc uero magna ad Dominum uoce conuersus gratias agens, cellulam clamore compleuerat: quo audito, qui pro foribus astiterant, statim irruunt. Mirum spectaculum, quod uidebant uiuere, quem mortuum reliquissent. Ita redditus uitae, statim baptisma consecutus, plures postea uixit annos: primumque hoc apud nos Martini uirtutum uel materia uel testimonium fuit. Idem tamen referre erat solitus, se corpore exutum ad tribunal iudicis ductum, deputatumque obscuris locis & uulgaribus turbis, tristem excepisse sententiam. Tunc per duos angelos iudici fuisse suggestum, hunc esse pro quo Martinus oraret, & ita per eosdem angelos se iussum reduci, & Martino redditum, uitaeque pristinae restitutum. Ad haec primo tempore beati uiri nomen enituit, ut qui sanctus iam ab omnibus habebatur, potens etiam & uere apostolicus haberetur. Nec multo post, dum agrum Lupicini cuiusdam honorati secundum seculum uiri praeteriret, clamore & luctu turbae plangentis excipitur: ad quam sollicitus cum astitisset, & quis esset hic fletus, inquireret, indicatur, unum e familia seruulum laqueo sibi uitam extorsisse: quo cognito, cellulam in qua corpus iacebat, ingreditur. Exclusisque omnibus turbis, superstratus corpori, aliquantisper orauit: mox uiuescente uultu, marcescentibus oculis in ora illius defuncti erigitur, lentoque conamine enisus ascendere, adprehensa beati uiri dextera, in pedes constitit: atque ita eum eousque ad uestibulum domus turba omni inspectante, processit. Sub eodem fere tempore Martinus ad episcopatum Turonicae ecclesiae petebatur: sed cum erui monasterio suo facile non posset, Ruicitius quidam, unus ex ciuibus, uxoris languore simulato, ad genua illius prouolutus, ut egrederetur obtinuit. Ita dispositis iam in itinere ciuium turbis, sub quadam custodia ad ciuitatem usque deducitur. mirum in modum incredibilis multitudo non solum ex illo oppido, sed etiam ex uicinis urbibus ad suffragia ferenda uenerat. Vna omnium uoluntas, eadem uota, eademque sententia, Martinum episcopatu esse dignissimum, felicem fore tali ecclesiam sacerdote: pauci tamen, & nonnulli ex episcopis, qui ad constituendum antistitem fuerant euocati, impie repugnabant dicentes: Scilicet contemptibilem esse personam, indignum esse episcopatu, hominem multum despicabilem, ueste sordidum, crine deformem. Ita a populo

populo sententiæ sanioris hæc illorum irrita dementia est, quæ illustrem uirum dum uituperare cupiunt, prædicabant. Nec uerò aliud his facere licuit, quàm quòd populus Domino uolente cogitabat: inter episcopos tamen qui assue- rant, præcipue Defensor quidam nomine, dicitur restitisse: unde animaduersum est, grauiter illum lectione prophetica tunc notatum. Nam cum fortuitus lector, cui legendi eo die officium erat, interclusus à populo defuisset, turbatis ministris, dum expectatur qui non aderat, unus è circumstantibus sumpto psalterio, quem primum uersum inuenit, arripuit. Psalmus autem hic erat: Ex ore infantium & lactentium perfecisti laudem, propter inimicos tuos, ut destruas inimicum & defensorem, quo lecto, clamor populi tollitur, pars aduersa confunditur. Atque ita habitum est, diuino nutu psalmum hunc lectum fuisse, ut testimonium operis sui Defensor audiret, quia ex ore infantium atque lactentium in Martino Domini laude perfecta, & ostensus pariter & destructus inimicus. Iam uerò sumpto episcopatu, qualem se, quantumque præstiterit, non est nostræ facultatis euoluere. Idem enim constantissimè perseuerabat, qui prius fuerat. Eadem in corde eius humilitas, eadem in uestitu eius uilitas erat: atque ita plenus auctoritatis & gratiæ, implebat episcopi dignitatem, ut non tamen propositum monachi, uirtutemque desereret. Aliquandiu ergo adhærenti ad ecclesiam cellula usus est: deinde cum inquietudinem frequentantium ferre non posset, duobus ferè extra ciuitatem milibus monasterium sibi statuit. Qui locus tam secretus & remotus erat, ut heremi solitudinem non desideraret. Ex uno enim latere, præcisa montis excelsa rupe ambiebat: reliquam planiciem Liger fluuius reducto paululum sinu clauserat, una tantum eademque arcta admodum uia adiri poterat: ipse ex lignis contextam cellulam habebat. Multi quidem è fratribus in eundem modum plerique saxo superiecti montis cauato, receptacula sibi fecerant. Discipuli uerò octoginta erant, qui ad exemplum beati magistri instituebantur. Nemo ibi quicquam proprium habebat, omnia in medio conferebantur. Non emere, aut uendere (ut plerisque monachis moris est) quicquam licebat. Ars ibi, exceptis scriptoribus, nulla habebatur: cui tamen operi minor ætas deputabatur: maiores orationi uacabant. Rarus cuiquam extra cellulam fuit egressus, nisi cum ad locum orationis conueniebant. Cibus una omnes post horam ieiunij accipiebant, uinum nemo nouerat, nisi quem infirmitas coegisset. Plerique camelorum setis uestiebantur, mollior ibi habitus pro crimine erat: quod eo magis sit mirum necesse est, quòd multi inter eos nobiles habebant, qui longè aliter educati, ad hanc se humilitatem & patientiam coegerant: pluresque ex his postea episcopos uidimus. Quæ enim esset ciuitas, aut ecclesia, quæ non sibi de Martini monasterio cuperet habere sacerdotem? Sed ut reliquas uirtutes eius, quas in episcopatu egit, aggrediar, erat haud longè ab oppido proximus monasterij locus, quem falsa hominum opinio, uelut conspulis ibi martyribus sacrauerat. Nam & altare ibi à superioribus episcopis constitutum habebatur. sed Martinus non temerè adhibens incertis fidem, ab his qui maiores natu erant presbyteris, uel clericis, flagitabat nomen Sancti martyris, & tempora passionis ostendi. Cœpit grandi se scrupulo permoueri, quòd nihil certi uel constans sibi maiorum memoria tradidisset. Cum aliquandiu ergo à loco illo se abstinuisset, nec derogans religioni, qua incertus erat: nec auctoritatem suam uulgo accommodans, ne superstitio conualesceret: quodam die paucis secum adhibitis fratribus, ad locum pergit. Deinde super sepulchrum istum astans, orauit ad Dominum, ut quis esset, uel cuius meriti sepultus, ostenderet. Tunc conuersus ad laeuam, uidit propè assistere umbram sordidam, trucem. imperat, nomen meritumque requirit. nomen edidit, de crimine confiteretur, latronem se fuisse, ob scelera percussus, uulgi errore celebratum, sibi nihil cum martyribus

esse commune: cum illos gloria, se poena retineret. Mirum in modum uocem a loquentis, qui aderant, audiebant, personam tamen non uidebant. Tunc Martinus, quid uidisset, exposuit: iussitque ex eo loco altare, quod ibi fuerat, submoueri: atque ita populum superstitionis illius absoluit errore. Accidit autem in sequenti tempore, dum iter ageret, ut gentilis cuiusdam corpus, quod ad sepulchrum cum supersticioso funere deferebatur, obuium haberet: conspicatusque eminus uenientem turbam, quid nam id esset ignarus, paululum stetit: namque fere quingentorum passuum interuallum erat, ut difficile fuerit dignoscere quid uideret. Tamen quia rusticam manum cerneret, & agente uento lintheamina corpori superiecta uolitarent, profanos sacrificiorum ritus agi credidit: quia esset hanc Gallorum rusticis consuetudo, simulacra daemonum candido tecta uelamine misera per agros suos circumferre dementia. Eleuato ergo in aduerso signo crucis, imperat turbam, non moueri loco, onusque deponere: hic uero mirum in modum uideres miseros primum uelut saxa riguisse. Deinde, cum primo mouere se summo conamine niterentur, ultra accedere non ualentes, ridiculam in uertiginem rotabantur: donec uicti, corporis onus deponunt: attoniti & semetipsos aspectantes, quid nam sibi accidisset, taciti cogitabant. Sed beatus uir cum comperisset, exequiarum esse illam frequentiam, non sacrorum, eleuata rursus manu, dat eis abeundi & tollendi corporis potestatem. Ita eos & cum uoluit, stare compulit: & cum libuit, abire permisit. Item, dum in uico quodam templum antiquissimum diruisset, & arborem primum quam fano erat proxima, esset aggressus excidere, tunc antistes loci illius cum cetera gentilium turba cepit obsistere: & cum iidem illi dum templum euerteretur, imperante domino quieuissent, succidi arborem non patiebantur. Ille eos cepit sedulo commonere, nihil esse religionis in stipite: Dominum potius, cui seruiret ipse, sequerentur. arborem illam excidi oportere, quia esset damoni dedicata. Tunc ex illis unus, qui erat audacior ceteris: Si habes, inquit, aliquam de Deo tuo, quem dicis te colere, fiduciam, nosmetipsi succidemus hanc arborem, tu ruentem excipe: & si tecum est, quem dicis, Dominus, euades. Tunc ille intrepidus confisus in Domino, facturum se pollicetur. hic uero ad istiusmodi conditionem, omnis illa gentilium turba consentit, facilemque arboris suae habuere iacturam, si inimicum sacrorum suorum casu illius obruissent. Itaque cum unam in partem pinus illa esset accliuus, ut non esset dubium quam in partem succissa corrueret, eo loco uinctus statuitur pro arbitrio rusticorum, quod arborem esse casuram nemo dubitabat. Succidere igitur ipsi suam pinum cum ingenti gaudio letitiaque coeperunt, aderat eminus turba mirantium: iamque paulatim coepit nutare pinus, & ruinam suam casura minitari. Psallebant eminus monachi, & periculo iam propiore conterriti, spem omnem fidemque perdiderant, solam Martini mortem expectantes. At ille confisus in Domino, intrepidus operiens, cum iam fragorem sui pinus concidens edidisset, iam cadenti, iam super se ruenti, eleuat obuiam manum, signum salutis opponit: tunc uero turbinis modo retroactam putares, diuersam partem ruit: adeo, ut rusticos qui tuto in loco steterant, penes prostrauerit. Tunc uero in coelum clamore sublato, gentiles stupere miraculo, monachi flere praegaudio, Christi nomen in commune ab omnibus praedicari: satisque constitit, eod die salutem illi uenisse regioni. Nam nemo fere ex immani illa multitudine gentilium fuit, qui non impositione manus desiderata in Dominum Iesum, relicto impietatis errore, crediderit: Et uero ante Martinum pauci admodum, imo penes nulli in illis regionibus Christi nomen receperant: quod adeo uirtutibus illius, exemploque conualuit, ut iam ibi nullus locus sit, qui non aut ecclesiis frequentissimis, aut monasteriis sit repletus. Nam ubi fana destruxerat, statim ibi aut ecclesias, aut monasteria construebat. Nec minorem sub idem fere tempus eodem in opere

in opere uirtutem edidit. Nam cum in uico quodā, fano antiquissimo & celeberrimo ignem immisisset, in proximā, imò adhaerentē domum agente uento, flammarū globi ferebantur. Quod ubi Martinus aduertit, rapido cursu tecum domus icandit, obuiū se aduenientibus flammis inferens: tunc uerò mirum in modum cerneret contra uim uenti ignē retorqueri, ut cōpugnantium inter se elementorū quidā cōflictus uideretur. Ita uirtute Martini ibi tantum ignis est operatus, ubi uisus est. In uico autem, cui Leprosum nomē est, cum idē templum opulentissimū superstitione religionis uoluisset euertere, restitit ei multitudo gentiliū, adeo, ut non absq; iniuriā sit repulsus. Itaq; secessit ad proxima loca, ibiq; per triduum cilicio tectus & cinere, ieiunans semper atq; orans, precabatur ad Dominū: ut quia templum illud euertere humana manu non potuisset, uirtus illud diuina dirueret. Tūc subitō ei duo angeli hastati atq; scutati instar militiæ coelestis se obtulerunt, dicentes, missos se a Domino, ut rusticam multitudinē fugarent, præsidiūq; Martino ferrent, ne quis dum templum dirueretur, obsisteret. Rediret ergo, & opus cōceptum deuotus impleret: ita regressus ad uicū, inspectantibus gentiliū turbis, & quiescentibus, dum fana eadem usq; ad fundamenta dirueret, aras omnes atq; simulacra redegit in puluerem: quo uiso, rustici cum se intellerent diuino nutu obstupefactos atq; perterritos, ne episcopo repugnarent, omnes ferē in Iesum Dominum crediderunt, clamantes palām, & confitentes Deum Martini colendum, idola negligenda, quę sibi adesse non possent. Quid etiā in pago Heduoꝝ gestū sit, referamus. Vbi dum templū idē euerteret, furens gentiliū rusticorū in eum irruit multitudo: Cumq; unus audacior ceteris, stricō eum gladio peteret, reiecto pallio nudam ceruicē percussori præbuit. Nec cunctatus ferire gentilis, sed cum dexterā altius extulisset, supinus ruit: cōsternatusq; diuino metu, uenā precabā. Nec dissimile huic fuit illud, cum eum idola destruentē cultro quidā ferire uoluisset, in ipso ictu ferrū ei de manibus excusum, non cōparuit. Plerunq; autem cōtradicientibus sibi rusticis, ne fana destrueret, ita prædicatione sancta gentiliū animos mitigabat, ut luce eis ueritatis ostensa, ipsi sua templa subuerterent. Curationū uerò tam potens in eo gratia erat, ut nullus ferē ad eum ægrotus accesserit, qui non continuo receperit sanitatē: quod uel ex cōsequēti liquebit exēplo. Puella quādā Treueris paralytis aegritudinē tenebā, ita ut iam per multū tempus nullo ad humanos usus corporis officio fungere, omni ex parte præmorta, uix tenui spiritu palpitabat. Tristes ad solam funeris expectationē adlisterāt propinqui. Tunc subitō nunciatur ad ciuitatē illam uenisse Martinū. Quod ubi pater puellæ cōperit, cucurrit ex animo pro filia rogaturus. Et fortē Martinus iam ad ecclesiā fuerat ingressus, ibi inspectante populo, multisq; alijs episcopis præsentibus, eiulans senex, genua eius amplectitur, dicens: Filia mea moritur, misero genere languoris, & quod ipsa est morte crudelius, solo spiritu uiuit, iam carne præmorta, rogo ut eam adeas, atq; benedicas: cōfido enim quod per te reddenda sit sanitati. Qua ille uoce confusus obstupuit, & refugit dicens, hoc suæ non esse uirtutis, senē errare iudicio, non esse se dignū per quem Dominus signū uirtutis ostenderet. Perstare uehemētius flens pater, & orare cœpit ut exanimē uisitaret. Postremò à circūstantibus episcopis ire cōpulsus, descendit ad domum puellæ. Ingens turba pro foribus expectans, quid nam Dei seruus esset factururus. Ac primū quę erant illius familiaria in istiusmodi rebus arma, solo prostratus orauit. Deinde agram intuens, dari sibi oleum postulat: quod cum benedixisset, in os puellæ uim sancti liquoris infudit, statimq; uox reddita est. Tunc paulatim singula cōtactu eius cœperunt mēbra uiuiscere, donec firmatis gressibus, populo teste surrexit. Eodemq; tempore Tetrādū cuiusdam procōsularis uiri seruus demonio correptus, dolendo exitu cruciabatur. Rogatus

ergo Martinus, ut ei manum imponeret, deduci eum ad se iubet: sed ne-
 quam spiritus nullo proferri modo ex ea aede in qua erat potuit, ita in adue-
 nientes rabidis dentibus sauebat. Tunc Tetradius ad genua beati uiri aduo-
 luitur, orans ut ad domum in qua daemoniacus habebat, ipse descenderet. Tunc
 uero Martinus negare, se profani & gentilis domum adire posse. Nam Tetra-
 dius eodem tempore adhuc gentilitatis errore implicatus tenebat. Spopondit er-
 go se si de puero daemon fuisset exactus, Christianum fore. Ita Martinus imposi-
 ta manu puero, immundum ab eo spiritum eiecit: quo uiso, Tetradius Dominum
 nostrum Iesum credidit: statimque catechumenus factus, nec multum post baptiza-
 tus est, semperque Martinum salutis suae auctorem miro coluit affectu. Per idem
 tempus in eodem oppido Martinus ingressus patrisfamilias cuiusdam domum, in
 limine ipso restitit, dicens: Horribile in atrio domus daemonium se uidere. cui
 cum, ut discederet, imperaret, quendam familiam, qui in interiore parte aedium
 morabatur, arripuit: sauire dentibus miser coepit, & obuios quoscunque laniare.
 Comota est domus, familia turbata, populus in fugam uersus. Martinus se furen-
 ti obiecit, ac primum stare ei imperat, sed cum dentibus fremeret, hiantemque ore
 morsum minaret, digitos ei Martinus in os intulit: Si habes, inquit, aliquid po-
 testatis, hos deuora. Tunc uero, ac si candens ferrum faucibus accepisset, longe
 reductis dentibus digitos beati uiri uitabat attingere: & cum fugere de obsessio-
 corpore poenis & cruciatibus cogeretur, nec tamen exire ei per os liceret, foeda
 relinquens uestigia, fluxu uentris egestus est. Interea cum de metu atque impetu
 barbarorum subita ciuitatem fama turbasset, daemoniacum ad se exhiberi iubet, im-
 perat ut an uerus esset hic nuncius fateretur. Tunc confessus est: sed eum demo-
 nes fuisse, qui rumorem hunc per populum disseminassent, ut hoc saltem metu
 ex illo Martinus oppido fugaretur, barbaros nihil minus quam irruptionem
 cogitare: ita cum hac immundus spiritus media in ecclesia lateretur, metu &
 turbatione praesenti ciuitas liberata est. Apud Parisios uero, dum portam ci-
 uitatis illius magnis secum turbis euntibus introiret, leprosum miserabili facie
 horrentibus cunctis osculatus est, atque benedixit, statimque ab omni malo emun-
 datus est. Postera die ad ecclesiam ueniens nitenti cute, gratias pro sanitate,
 quam receperat, agebat. Sed nec hoc praetereundum est, quod fimbriae ue-
 stimenti eius, cilicioque detractae, crebras super infirmantibus egere uirtutes:
 nam cum aut digitis illigatae, aut collo inditae sunt, persaepe ab aegrotantibus
 morbos effugauerunt. Arborius autem, uir praefectorius sancti admodum &
 fidelis ingenij, cum filia eius grauissimis quartanae febribus ureret, epistolam
 Martini, quae casu ad eum delata fuerat, pectori puellae in ipso accessu ardoris
 inseruit, statimque fugata febris est. Quae res apud Arborium intantum ualuit,
 ut statim puellam Deo uoueret, & perpetuae uirginitati dicaret: profectusque
 ad Martinum puellam ei praesens, ob uirtutum eius testimonium, quo absen-
 te licet curata esset, obtulit: neque ab alio eam, quam a Martino, habitu uirgini-
 tatis imposito, passus est consecrari. Paulinus uero, uir magni postmodum
 futurus exempli, cum oculum grauiter dolere coepisset, & iam pupillam eius
 crassior nubes superducta texisset, oculum ei Martinus panniculo contigit, pri-
 stinamque statim ei sanitatem sublato omni dolore restituit. Ipse autem cum
 casu quodam esset de coenaculo deuolutus, & per confragosos scalae gradus de-
 cidens, multis uulneribus esset affectus, cum exanimis iaceret in cellula, & im-
 modicis doloribus cruciaretur, nocte ei angelus uisus est lauare uulnera, & sa-
 lubri unguento contusi corporis membra contingere: atque ita postera die resti-
 tutus est sanitati, ut nihil unquam pertulisse incommodi putaretur. Sed quia
 longum est ire per singula, sufficiant haec uel pauca de plurimis: satisque sit nos
 & in excellentibus non subtrahere ueritatem, & in multis uitare fastidium, atque
 ut minora tantis inseram, quamuis, ut est nostrorum aetas temporum, quibus
 iam deprae-

A iam deprauata omnia atq; corrupta sunt, ut penè præcipuū sit adulationi regiae sacerdotalē cessisse constantiā. Cum ad Imperatorem Maximum, ferocis ingenij uirum, & bellorum ciuiliū uictoria elatum, plures ex diuersis partibus episcopi cōuenissent, & fœda circa principem omniū adulatio noraretur, seq; degeneri inconstantia regiae clientelæ sacerdotalis dignitas subdidisset, in solo Martino apostolica auctoritas permanebat. Nam etsi pro aliquibus supplicandum regi fuit, imperauit potius quàm rogauit: & à conuiuiū eius frequenter rogatus abstinuit, dicens, Se mensæ eius participem esse non posse, qui Imperatores unū regno, alterū uita expulisset. Postremò cum Maximus se non sponte sumplisse imperium affirmaret, sed impositam sibi à militibus diuino nutu regni necessitatem armis defendisse, & non alienam ab eo Dei uoluntatem uideri, penes quem iam incredibili euentu uictoria fuisset, nullumq; ex aduersarijs nisi in acie occubuisse. Tandem uictus uel ratione uel precibus, ad conuiuium uenit: mirum in modum gaudete rege, quòd id impetrasset. Conuiuæ autem aderant ueluti ad diem festū euocati, summi atq; illustres uiri, præfectus, idemq; consul Euodius, uir quo nihil unquam iustius fuit, comites duo summa potestare prædicti, frater regis & patruus, medius inter hos Martini presbyter accubuerat: ipse autē sellula iuxta regem posita confederat. Ad medium ferè conuiuium (ut moris est) pateram regi minister obtulit. ille sancto admodum episcopo potius dari iubet, expectans atq; ambiens ut ab illius dextera poculum fumeret. Sed Martinus ubi ebibit, pateram presbytero suo tradidit, nullum scilicet existimās digniorē qui possit prior bibere: nec integrum sibi fore, si aut regē ipsum, aut eos qui à rege erant proximi, presbytero pretulisset. Quod factum Imperator, omnesq; qui tunc aderāt, ita admirati sunt, ut hoc ipsum eis in quo contempti fuerant placeret. celeberrimumq; per omne palatium fuit, fecisse Martinum in regis prædio, quod in infimorum iudicum conuiuijs episcoporum nemo fecisset. eidemq; Maximo longè antè prædixit futurum, ut si ad Italiā pergeret, quò ire cupiebat, bellum Valentiniano imperatori inferens, sciret se primò quidem futurum esse uictorē, sed paruo post tēpore esse periturū, quod quidem ita uidimus. Nam primo aduentu eius Valentinianus in fugam conuersus est: deinde post annū ferè resumptis uiribus, captum intra Aquileiæ muros Maximū interfecit. Constat autē etiam angelos ab eo plerunq; uisos, ita ut cōserto inuicē apud eum sermone loquerentur. Diabolum uerò tam cōspicabilē & subiectū oculis habebat, ut siue in propria substantia cōtineret, siue in diuersas figuras spiritualesq; nequitias transfulisset, qualibet ab eo sub imagine uideretur. Quod cum diabolus sciret se efugere non posse, cōuicijs eum urgebat frequenter, quia fallere non posset insidijs. Quodā autem tēpore cornu bouis cruentū in manu tenēs, cum ingenti fremitu cellulam eius irrupit, cruentamq; ostentans dexterā, & admissio recentis scelere cōgaudens: Vbi est, inquit, Martine uirtus tua? unum de tuis modò interfeci. Tunc ille conuocatis fratribus, refert quid diabolus indicasset: sollicitosq; esse præcepit per cellulas singulorum, quisnam hoc casu fuisset adfectus. neminē quidem deesse de monachis, sed unum rusticū mercede conductum, ut uehiculo ligna deferret, isse ad syluam nunciant. Iubet igitur aliquos ire ei obuiā. Itaq; haud longè à monasterio iam penè exanimis inuenitur, extremum tamen spiritum trahens, indicat fratribus casum mortis & uulneris. Iunctis scilicet bubus dum dissoluta arctius lora cōstringit, bouem sibi excussos capite inter inguina cornu inieciisse, nec multo post uitā reddidit. Videres quo iudicio Domini, diabolo data fuerit hæc potestas. In Martino illud mirabile erat, quòd non solum hoc quod suprà retulimus, sed multa istiusmodi, si quotiens accessisset, longè antè præuidebat, & sibi nūciata fratrib. indicabat. Frequenter autem diabolus, dum mille nocendi artibus sanctū uirum con-

nabatur illudere, uisibile se ei formis diuersissimis ingerebat. nam interdum in Iouis personam, plerumque Mercurij, persape etiam se Veneris ac Minerue transfiguratum uultibus offerebat, aduersus quem semper interritus manebat, signoque se crucis & orationis auxilio protegebat. Audiebantur etiam plerumque conuicia, quibus illum turba demonum proteruis uocibus increpabat, sed omnia falsa & uana cognoscens, non mouebat obiectis. Testabantur etiam aliqui ex fratribus, audisse demonem proteruis Martinum uocibus, increpantem, cur intra monasterium aliquos ex fratribus, qui olim baptismum diuersis erroribus perdidissent, conuersos postea recepisset, exponente crimina singulorum. Martinum diabolo repugnantem respondisse constanter, antiqua delicta melioris uite conuersatione purgari: & per misericordiam Domini absoluendos esse a peccatis, qui peccare desinerent, contradicente diabolo, non pertinere ad ueniam criminosos, & semel lapsis nullam a Domino posse clementiam praestari. Tunc in hanc uocem fertur exclamasse Martinus: Si tu ipse, o miserabilis, ab hominum insectatione desisteres, & te factorum tuorum uel hoc tempore, cum dies iudicii in proximo est, poeniteret, ego tibi uere confisus in Domino, Christi misericordiam pollicerer. O quam sancta de Domini pietate praesumptio, in bua etsi auctoritatem praestare non potuit, ostendit affectum. Et quia de diabolo, eiusdemque artibus sermo exortus est, non ab re uidetur, licet extrinsecus referre quod gestum est: quia & quaedam in eo Martini uirtutum portio est, et res digna miraculo recte memori commendabitur, in exemplum cauendi, si quid deinceps uspiam tale contigerit. Clarus quidam nomine, adolescens nobilissimus, mox presbyter, nunc felici beatus excessu, cum relictis omnibus se ad Martinum contulisset, breui tempore ad summum fidei uirtutumque omnium culmen enituit. Itaque cum haud longe sibi ab episcopi monasterio tabernaculum constituisset, multique apud eum fratres commorarentur, iuuenis quidam ad eum Anatolius nomine, sub professione monachi omnem humilitatem atque innocentiam mentitus accessit, abique aliquandiu in commune cum ceteris. Deinde procedenti tempore, angelos apud se loqui solere dicebat, nam cum fidem dictis nullus adhiberet, signis quibusdam plerisque ad credendum cohortabatur. Postremo eousque processit, ut inter se ac Deum angelos discurrere praedicaret: iamque se unum ex prophetis haberi uolebat. Clarus tamen nequaquam ad credendum cogi poterat, ille ei iram Domini & praesentes plagas, cur sancto non crederet, comminari coepit. Postremo in hanc uocem erupisse fertur: Ecce hac nocte uestem mihi candidam Dominus de caelo dabit, qua indutus in medium uestrum conuersabor: idque uobis signum erit, me Dei esse uirtutem, qui Dei ueste donatus sum. Tunc uero grandis omnium ad hanc professionem expectatio fuit. Itaque ad mediam fere noctem fremitu insulantium commoueri omne monasterium loco uisum est, cellulam autem in qua idem adolescens continebatur, crebris cerneris micare luminibus, fremitusque in ea discurrentium, & murmur quoddam multarum uocum audiebat. Deinde facto silentio egressus, unum de fratribus, Sabatium nomine ad se uocat, tunicamque ei qua erat indutus ostendit. Obstupefactus ille, conuocat ceteros. ipse etiam Clarus accurrit, adhibitoque lumine, uestem omnes diligenter inspicunt, erat autem summa mollitie, candore eximio, micanti purpura, nec tamen cuius esset generis aut uelleris, poterat agnosci, curiosius tamen oculis aut digitis atrectata, non aliud quam uestis uidebat. Interea Clarus fratres admonet, orationi instare, ut manifestius eis Dominus quid nam esset ostenderet. Itaque reliquum noctis hymnis psalmisque consumit. At ubi illuxit dies, adprehensum dextera trahere eum ad Martinum uolebat, bene conscius, illudi illum diaboli arte non posse. Tunc uero reniti ac reclamare miser coepit interdictumque sibi esse dicebat, ne se Martino ostenderet. Cumque inuitum ire compellerent, inter trahentium manus uestis euauit. Unde quis

A quis dubitet hanc etiam Martini fuisse uirtutem, ut phantasiam suam diabolus, cum erat Martini oculis ingerenda, dissimulare diutius, aut tegere non posset. Animaduersum est tamen eodem ferè tempore fuisse in Hispaniis iuuenem, qui cum sibi multis signis auctoritatem peperisset, eousque elatus est, ut se Heliam profiteretur. Quod cum plerique temere credidissent, addidit, ut se Christum esse diceret; in quo etiam adeò illudit, ut eum quidam episcopus nomine Ruffus, ut Dominum adoraret; propter quod eum postea ab episcopatu deiectum uidimus. Plerique etiam nobis è fratribus retulerunt, eodem tempore in Oriente quendam extitisse, qui se Iohannem esse iactaret; ex quo conijcere possumus, istiusmodi pseudoprophetis existentibus, Antichristi aduentum imminere, qui iam in istis mysterium iniquitatis operatur. Neque enim prætereundum uidetur, quanta Martinum sub iisdem diebus diabolus arte tentauerit. Quadam enim die præmissa præ se potestate, & circumtectus ipse luce purpurea, quo facilius claritate adsumpti fulgoris illuderet, ueste etiam regia indutus, diademate ex gemmis auroque redimitus, calceis auro illitis, fere no ore, lata facie, ut nihil minus quam diabolus putaretur, oranti in cellula assistit. Cumque Martinus primo aspectu eius fuisset hebetatus, diu multumque silentium ambo tenuerunt. Tunc prior diabolus: Agnosce, inquit, Martine, quem cernis. Christus ego sum: descensurus ad terram, prius me manifestare tibi uoluì. Ad hæc cum Martinus taceret, & nequicquam responsi referret, iterare ausus est diabolus professionis audaciam: Martine quid dubitas credere, cum uideas: Christus ego sum. Tunc ille reuelante sibi spiritu, ut intelligeret diabolum esse, non Deum: Non se, inquit, IESVS Dominus purpuratum & diademate renitentem uenturum esse prædixit. Ego Christum, nisi in eo habitu, formaque qua passus est, nisi crucis stigmata proferentem, uenisse non credam. Ad hanc ille uocem statim ut fumus euauit, & cellulam tacito foetore compleuit, ut indubia indicia relinqueret, diabolum se fuisse. Hoc itaque gestum, ut supra retulimus, ex ipsius Martini ore cognoui, ne quis fortè existimet fabulosum. Nam cum olim audita fide eius, uita atque uirtutibus, desiderio illius aestuaremus, gratam nobis ad eum uidendum peregrinationem suscepimus: simul quia iam ardebat animus uitam illius scribere, partim ab ipso, in quantum ille interrogari potuit, sciscitati sumus: partim ab his qui interfuerant, uel sciebant, cognouimus. Quo quidè tempore credi non potest, qua me humilitate, qua benignitate suscepit: congratulaturus plurimum, & gauisus in Domino, quod tanti esset habitus à nobis, quem peregrinatione suscepta expetissemus. Miserrum me penè, non audeo confiteri, cum me sancto conuiuio suo dignatus est adhiberi: aquam manibus nostris ipse obtulit, ad uesperum autem ipse nobis pedes abluìt: nec reniti aut contraire, constantia fuit, ita auctoritate illius oppressus sum, ut nefas putarem, si non acquieuissem. Sermo autem illius non liuius apud nos fuit, quam mundi huius illecebras, & seculi onera relinquenda, et Dominum IESVM liberi expeditique sequeremur. præstantissimumque nobis presentium temporum illustris uiri Paulini, cuius supra mentionem fecimus exemplum ingerebat, qui summis opibus abiectis, Christum secutus, solus penè his temporibus euangelica præcepta compleisset: illum nobis sequendum, illum clamabat imitandum: beatumque esset præsens seculum, tantæ fidei uirtutisque documentum, cum secundum sententiam Domini diues & possidens multa, uendendo omnia & dando pauperibus, quod erat factum impossibile, possibile fecisset exemplo. Iam uero in uerbis & confabulatione eius quanta grauitas, quanta dignitas erat: quam alacer, quam efficax, & quam in exoluendis scripturarum questionibus promptus & facilis? Et quia multos ad hanc partem incredulos scio, quippe quos uiderim, me ipso etiam referente, non credere: IESVM testor, spemque communem, meque ex nullius unquam ore tanta

tum scientiæ, tantum ingenij, tam boni, & tam puri sermonis audisse, quam in Martini uirtutibus: quantum est ista laudatio, nisi quod mirum est homini illiterato ne hanc quidem gratiam defuisse. Sed iam finē liber postulat, sermo claudendus est: nō quod omnia quæ de Martino fuerant dicenda, defecerint: sed quia nos inertēs poetæ, extremo in opere negligentes, uicti materiæ mole succumbimus. Nam etsi facta illius explicari uerbis utcunq; potuerim: interiorē uitam illius, & cotidianam conuersationem, & animum cœlo semper intentum nulla unq; (uerē profiteor) explicabit ratio, illam scilicet perseuerantiam, & temperamentum in abstinentia & ieiunijs, potentiam in uigilijs & orationibus: noctesq; ab eo perinde ac dies actas, nullumq; uacuum ab opere Dei tempus, quo uel ocio indulserit, uel negotio. Sed nec cibo aut somno quidem, nisi in quantum naturæ necessitas cogebat. Verē fateor, nec si ipse (ut aiunt) ab inferis Homerus emergeret, posset exponere: adeo omnia maiora in Martino sunt, quam ut uerbis cōcipi queant. Nunquā hora ulla uel momentum præterijt, quo nō aut orationib; incūberet, aut insisteret lectioni. Quamquam etiam inter legendum, aut si quid aliud fortē agebat, nunquā animum ab oratione laxabat. Nimirum ut fabri ferrarij moris est, qui inter operādum pro quodam laboris leuamine incudem suam feriunt: ita Martinus etiā dum aliud agere uideretur, semper orabat. O uerē beatus, in quo dolus nō fuit: neminē iudicās, neminē damnās, nulli malū pro malo reddēs. Tantā quippe aduersum omnes iniurias patientiā adsumpserat, ut cum esset summus sacerdos, impunē etiam ab infimis clericis læderet. nec propter id eos aut loco unquā amouerit, aut à sua (quantū in ipso fuit) charitate repulerit. Nemo unquā illum uidit iratum, nemo commotum, nemo mœrentem, nemo ridentem: unus idemq; semper, cœlestem quodammodo lætitiā uultu præferens, extra naturam hominis uidebatur. Nunquam in illius ore nisi Christus, nunquam in illius corde nisi pietas, nisi pax, nisi misericordia inerat. Plerunq; etiam pro eorum qui obrectatores illius uidebantur, solebat flere peccatis, qui remotum & quietum uenenatis linguis & uipereo ore carpebant. Et uerē nōnullos experti sumus inuidos uirtutibus uitæq; eius, qui in illo oderant quod in se non uidebant, & quod imitari non ualebant. Atq; ô nefas dolendum & ingemiscendum. Non alijs fuere insectatores eius, licet pauci admodum, non alijs tamen quam episcopi ferebantur. Nec uerò quenquam nominare necesse est, licet nosmetipsos pleriq; circumlatrent, sufficit, ut si quis ex his legerit & agnouerit, erubescat. Nam si irascitur, de se dictum fatebitur: cum fortasse nos de alijs senserimus. Non refugimus autem, ut si qui eiusmodi sunt, eos quoque uiros cum tali oderint. Illud facile confido, omnibus sanctis opusculum istud gratum fore: de cætero si quis hæc infideliter legerit, ipse peccabit. Ego mihi conscius sum, me rerum fide, & amore Christi impulsus, ut hæc scriberē, manifesta exposuisse, uera dixisse: paratumq; (ut spero) haebit à Deo præmium, non quicumq; legerit, sed quicumq; crediderit. Amen.

LIBER SECVNDVS DE OBITU

ET TRANSLATIONE

S. Martini.

SEVERVS SVLPITIVS DORELIO

Diacono Salutem.



Osteaquā à me manē digressus es, eram residens solus in cella, subieratq; me illa, quæ sapius occupat, cogitatio, spes futurorum, præsentiumq; fastidium, iudicii metus, formido poenarum: & quod consequens erat, atq; unde cogitatio tota descendat, peccatorum meorum recordatio tristē me confectumq; reddiderat. Deinde cum fatigata angore animi in lectulo membra posuissē (ut plerūq; accidere ex mœstitudine solet) somnus obrepfit: qui ut semper matutinis horis leuior, interritusq; ita suspensus & dubius per membra diffunditur, ut quod in alio sopore non euenerit, penē inuigilans dormire te sentias. Cum repentē sanctum Martinum episcopū uidere mihi uideor, prætextum toga candida, uultu niueo, stillantibus oculis, crine purpureo: atq; ita mihi in ea habitudine corporis, formaq; , quam noueram, uidebatur, ut quod eloqui nobis penē difficile est, non possit aspici, cum possit agnosci. Arridensq; mihi paululum, libellum quem de uita illius scripseram, dextra præferbat. Ego sancta genua eius amplexus, benedictionem pro consuetudine flagitabam, superposita capiti meo manu tactu blandissimo sentiebam, cum inter benedictionis uerba solennia familiare illud ori suo crucis signum iteraret: mox in eum luminibus intentis, cum exatari uultu illius conspectuq; non possem, subito mihi in sublime sublatus eripitur: donec immensa aeris istius uastitate, cum tandem rapida nube subuectum acie sequeremur oculorum, patienti cœlo receptus, uideri ultrā non potuit. Nec multum post, presbyterum sanctum Clarum, discipulum illius, qui nuper excesserat, uideo eandem quā magistrum uiam scandere. Ego impudens sequi cupiens, dum altos gressus molior & nitor, euigilo: somnoq; excitatus, congratulari cœperam uisioni, cum ad me puer familiaris ingreditur, solito tristior uultu, loquentis pariter & dolentis. Quid tu, inquam, tam tristis loqui gestis? Duo, inquit, monachi à Turonis adfuerunt, qui dominum Martinum obisse nunciant: concidi fateor, obortisq; lachrymis fleui uberrimē: quinetiam dum hæc ad te frater scribimus, fluunt lachrymæ, nec ullum impatientissimī doloris admitto solatium. Te uerò, ubi hoc nunciatum est, participem esse uolui luctus mei, qui eras socius amoris. Veni ergo ad me statim, ut pariter lugeamus quem pariter amabamus: quanquam sciam uirum illum non esse lugendum, cui post euictum triumphatq; seculum, nunc demum reddita est corona iustitiæ, sed tamen ego non possum mihi imperare, quin doleam. Præmisi quidem patronum, sed solatium uitæ præsentis amisi: & si rationem ullam dolor admitteret, gaudere deberem. Est enim ille, ubi est consertus apostolis ac prophetis: & quod pace sanctorum omnium dixerim, in illo iustorum grege nulli secundus, ut spero, credo, & confido: illis potissimum, qui stolas suas in sanguine agni lauerunt, adgregatus, agnum ducem ab omni integer labe comitatur. Nam si licet ei ratio temporis non potuerit præstare martyrium, gloria tamen martyris non carebit, quia uoto atq; uirtute & potuit esse martyr, & uoluit. Quod si ei Neronianis Decianisq; temporibus, in illa quæ tunc extitit, dimicare congressione licuisset, testor Deum cœli atq; terræ, spontē equuleum ascendisset, ultrò se ignibus intulisset: Hebræisq; pueris æquandus, inter flammarū globos media licet hymnum Domini in fornace cantasset. Quod si Esaianum illud supplicium persecutori fortē placuisset, nunquam profectò impar Prophetæ, ferris & laminis dissecari membra timuisset: ac si præcis ru-

C pibus,

pibus, abruptisq; montibus agere felicem furor impius maluisset, perhibeo, confusus testimonium ueritatis, sponte cecidisset. Si uerò gentium doctis ex emplo, gladio deputatis inter alias, ut saepe prouenit, uictimas duceretur, primus omnium carnifice compulso, palmam sanguinis occupasset. Iam uerò ad uersus omnes poenas atq; supplicia, quibus plerumq; humana cessit infirmitas, ita à confessione Domini non recedens, immobilis obstitisset, ut latus ulceribus congaudensq; cruciatibus quaelibet inter tormenta risisset. Sed quam ista non tulerit, impleuit tamen etiam sine cruore martyriū. nam quas ille pro spe eternitatis humanorū dolorū nō pertulit passiones, fame, uigilijs, nuditate, ieiunijs, opprobrijs inuidorū, insectationib. improborum, cura pro infirmatibus, sollicitudine pro periclitatibus. Quis em̄ illo dolente nō doluit? quo scandalizante nō uisus, q̄ pereunte non gemit: præter illa cotidiana illius aduersum humanę spiritualisq; nequitie diuersa certamina, dum in eo uarijs tentationib. appetito, semper exuperat fortitudo uincēdi, patiētia expectādi, æquanimitas sustinendi. Ouerē ineffabilē uirum, pietate, misericordia, charitate, quę cotidie etiam in sanctis uiris seculo frigescente frigescit: in illo tamen usq; ad finē aucta, indies perseuerauit. quo ego illius bono uel specialiter frui sum, cum me indignum & nō merentem unicē diligebat. En rursus lachrymę fluunt, imoq; de pectore gemitus erumpit: in quo mihi post hęc homine si milis requies, in cuius erit charitate solatiū. Me miserum, me infelicē, potero ne unquam, si diutius uixero, non dolere, quòd Martino superstes sum? Erit post hęc uita iucunda, erit dies aut hora sine lachrymis, aut tecum frater dilectissime, potero illius mentionem habere sine fletu: aut unquā loquens apud te aliud quā de illo loqui potero? Sed quid te in lachrymas fletusq; commoueo, ecce nunc consolatum esse te cupio, qui me consolari ipse non possum: non deerit nobis ille, mihi crede, non deerit, intererit de se sermocinantibus, adstabit orantibus. Quod iam hodie præstare dignatus est, uidendū se in gloria sua saepe præbebit, & assidua, sicut antē paululum fecit, benedictione nos proteget. Inde secundum ordinem uisionis qua cœlum sequentibus se petere monstrauit, quò sequendus esset, edocuit: quò spes nostra tendenda, quò animus dirigendus instruxit. Quod tamē fiet frater, quod mihi ipse sum cōsciū, condescendere arduum illud, ac penetrare non potero, ita sarcina molesta me prægrauat, & peccati mole depressum negato in astra conscensu, sæua mirabilem ducit in tartara. Spes tamen superest illa sola, illa postrema, ut quod per nos obtinere non possumus: saltem pro nobis orante Martino mereamur. Sed quid te frater diutius occupo, epistola tam loquaci? demororq; uenturum, simul iam pagina impleta non recipit? Mihi tamen hęc fuit ratio, sermonem istum longius proferendi, ut quia doloris nuncium epistola deferebat eadem tibi ex quadam nostri confabulatione præstaret charta solatium.

EPISTOLA EIVSDEM AD BASV-
lam de eadem re.

SVLPIIVS SEVERVS BASVLAR PARENTI
Venerabili Salutem.



I parentes uocari in ius liceret, te planē expilationis furtiq; ream, ad prætoris tribunal iusto dolore traheremus. Quid enim nō con querar, quam te patior iniuriā? Nullam mihi domi chartulam, nullum libellum, nullam epistolam reliquisti: ita furaris omnia, ita uniuerſa diuulgas. Si quid ad amicum familiariter scripsi, si quid fortē dum ludimus, quod uellem tamen occultum esse, dictaui, omnia ad te prius penē, quā fuerint scripta, aut dictata, perueniunt. nimirum obaratos habes notarios meos, per quos tibi nostrę ineptię publicantur. Nec tamen aduersum eos possum moueri, si tibi parent, qui in ius nostrum ex tua potissimū libe-

A mum liberalitate uenerunt, seq̃ adhuc tuos quàm meos esse meminerunt. Tu sola es rea, tu sola culpabilis, quæ & mihi inlidiaris, & illos fraude circumuenis, ut sine delicto ullo familiariter scripta, aut negligēter emissā, inlucubrata tibi penitus atq; impolita tradant. Nam ut de reliquis taceam, rogo quemadmodum tam citò ad te epistola illa potuit peruenire, quam nuper ad Aureliū Diaconum scripseramus. Ego enim Tolosæ positus, tu Treueris constituta, et tam longè à patria filio inquietante diuulsa, qua tandem familiarem illam epistolam occasione furata es: Namq; accepi literas tuas, quibus scribis in eadem epistola, qua de obitu domini Martini fecerim mentionem, ipsum beati uiri transitum exponere debuissim. Quasi uerò ego illam epistolam aut legendā alij præterquam ipsi ad quem missa uidetur, ediderim: aut ego tanto sum operi destinatus, ut omnia quæ de Martino cognosci oportet, me potissimum scribentem notescant. Itaq; si qua de obitu sancti episcopi audire desideras, ab illis potius qui interfuere, cognosce. Ego tibi statui nihil scribere, ne ubique me publices: tamen si das fidem, nulli te esse lectionem, paucis tuæ satisfaciam uoluntati, itaq; præstabo his, ut quæ mihi sunt comperta, participem.

E I V S D E M D E T R A N S I T V S A N C T I M A R T I N I.



Artinus igitur obitum suum longè antè præsciuit, dixitq; fratribus suis dissolutionem sui corporis imminere. Interea causa extitit, qua Candacensem diocelimum uisitare: nam clericis inter se ecclesiæ illius discordantibus, pacem cupiens reformare, licet finem dierum suorum nō ignoraret: proficisci tamen istiusmodi ob causam non recusauit: bonam hanc uirtutum suarum consummationem existimans, si pacem ecclesiæ redditam reliquisset. Ita profectus cum suo illo, ut semper frequentissimo discipulorum sanctissimoq; comitatu, mergos in flumine conspicatur piscium prædam sequi, & rapacem ingluuiem assiduè urgere capturis. Forma, inquit, hæc dæmonum est, insidiantur incautis, capiunt nescientes: captos deuorant, exaturari que non queunt deuoratis. Imperat dein de potenti uirtute uerborum, ut eum cui innatabant gurgitem relinquentes, aridas peterent, desertasq; regiones: eo nimirum circa aues illas usus imperio, quo dæmones fugare consueuerat. Ita grege facto, omnes in unum illæ uolucres congregatæ, relicto flumine, montes syluasq; petierunt, nō sine admiratione multorum, qui tantam in Martino uirtutem uiderent, ut etiam auiibus imperaret. Aliquandiu ergo in uico illo, uel in ecclesia ad quam ierat, commoratus, pace inter clericos restituta, cum iam regredi ad monasterium cogitaret, uiribus corporis cœpit repente destitui: conuocatisq; discipulis, indicat se iam resolui. Tunc uerò mœror & luctus omnium, uox una plangentium: Cur nos pater deseris? aut cui nos desolatos relinques? Inuadent gregem tuum lupi rapaces, & quis eos à moribus nostris, percussio pastore, prohibebit? Scimus quidem, desiderare te Christum: sed salua tibi sunt tua præmia, nec dilata minuentur: nostri potius miserere, quos deseris. Tunc ille motus his fletibus, ut totus semper in Domino misericordiæ uisceribus affluebat, lachrymasse perhibetur: conuersusq; ad Dominum, hæc tantum flentibus uoce respondit: Domine si adhuc populo tuo sum necessarius, non recuso laborem: fiat uoluntas tua. Nimirum inter spem amoremq; positus, dubitauit penè quid mallet: quia nec hos deserere, nec à Christo uolebat diutius separari: nihil tamē in uoto suo ponens, aut uoluntati suæ relinquēs, totum se Domini arbitrio potestatisq; commisit. Nonne tibi his paucissimis uerbis dicere uidetur: Grauis quidem est Domine corporeæ pugna militiæ, & iam satis est, quod hucusque certauit? Sed si adhuc in eodem labore pro castris tuorum stare me præcipis, non recuso laborem, nec fathiscentem causabor atatem. Munia tua deuotus implebo, sub signis tuis quoadusque tu ius-

feris militabo. & quamuis optata sit seni misio post laborem, est tamen animus victor annorum, & cedere nescius senectuti: ac si iam parvis ætati, bonum est mihi Domine uoluntas tua. Hos uero de quibus timeo, ipse custodiat. O uirum ineffabilem, nec labore uictum, nec morte uincendum, qui in nullam se partem pronior inclinauerit, nec mori timuerit, nec uiuere recusauit. Itaque cum iam per aliquot dies ui februm teneretur, non tamen à Deo opere cessauit: pernox etiam in orationibus & uigilijs, fathiscentes corporis artus seruire spiritui cogebat, nobili illo stratu suo, cinere & cilicio recubans. Et cum à discipulis rogaretur, ut saltem uilia sibi sineret stramenta supponere. Non decet, inquit, filij, Christianum, nisi in cilicio & cinere mori. Ego si aliud uobis exemplum relinquo, ipse peccabo. Oculis igitur ac manibus in coelum semper intentis, in uictum ab oratione spiritum non relaxabat. & cum à presbyteris, qui tunc ad eum confluxerant, rogaretur, ut corpusculum lateris mutatione releuaret: Sinite, inquit, sinite me fratres, coelum potius respicere, quam terram, ut suo iam itinere iturus ad Dominum spiritus dirigatur. Hæc locutus, diabolum uidit propè assistere: Quid tu hic, inquit, aditas cruenta bestia? nihil in me funesti reperiens. Abrahamæ me sinus recipiet. Cum hac ergo uoce flagitatum diuinis operibus spiritum coelo reddidit: testatiq; nobis sunt qui affuerunt, iam ex animo corpore glorificati hominis uidisse se gloriam. Vultus siquidem eius luce clarior renitebat, cum membra cætera nece nuiis quidem macula fuscaret. in alijs etiam, & in illo tantundem artibus non pudendis, septennis quodammodo pueri gratia uidebatur. Quis istum unquam cilicio tectum, quis cineribus crederet inuolutum? ita uitro purior, lætè candidior, iam in quadam futuræ resurrectionis gloria, & natura demutatæ carnis, ostensus est. Iam uero in obsequiū funeris, credi non potest, quanta hominum multitudo conuenerit. tota ciuitas obuiam corpori ruit, cuncti ex agris atque uicis, multiq; ex uicinis etiam urbibus affuerunt. O quantus luctus omnium, quanta præcipue moerentium lamenta monachorum, qui eo die ferè ad duo millia conuenisse dicuntur, specialis Martini gloria, cuius exemplo in Domini seruitute stirps tanta fructificauerat. Agebat nimirum ante se pastor extinctus greges suos, sanctæ illius multitudinis pallidas tubas, agmina palliata, & aut emeritorum laborum senes, aut iuratos Christi in sacramenta tyrones: tum uirginum choros, fletu abstinentes præ pudore, cum lætandum potius esse sentirent, quem iam suo Dominus gremio confoueret. Quàm sancto dissimulabant gaudio, quod dolebant: cum siquidem, etsi fides flere prohiberet, gemitum extorqueret affectus. Etenim tam erat sancta de illius gloria exultatio, quam pia de morte confusio. Ignoscis flentibus, gratulare gaudētibus: quia & pium est gaudere Martino, & pium est flere Martinum, dum unusquisque & sibi præstat, ut doleat: & illi debet, ut gaudeat. Hoc igit beati uiri corpus usque ad locum sepulchri, hymnis canora cœlestis turba prosequitur. Comparetur, si placet, secularis illa pompa, non dicam funeris, sed triumphi, quid simile poterit Martini conferri exequijs. Ducant illi uictores præ curribus suis uinctos, post terga captiuos: Martini corpus, hi qui mundum ductu illius uicerant, prosequuntur. Illos confusis plausibus populorum honorat insania, Martino diuinis plauditur psalmis. Martinus hymnis cœlestibus honoratur: illi post triumphos suos in tartara sæua trudent, Martinus Abrahamæ sinu lætus excipitur. Martinus hic pauper & modicus, co-

lum diues ingreditur: illinc nos, ut spero, custodiens

me hæc scribentem respicit, te
legentem.

SEVERI SULPITII LIBER TERTIVS

DE VIRTVTIBVS ORIENTALIVM

Monachorum.



Vm in unum locum ego & Gallus noster interim conuenissemus, uir mihi & propter Martini memoriam ex illius discipulis erat et propter sua merita charissimus, interuenit nobis Posthumianus meus, nostri causa ab oriente, quò se ante triennium, patriam relinquens, contulerat. Regressum complèxi hominem amantissimum, ex osculatiq; genua & pedes eius, cum uno atque altero spacio obstupefacti inuicem flentes gaudio deambulassimus, iactis in terra cilicis confedimus. Tunc prior Posthumianus me intuens: Cum essem, inquit, in remotis Aegypti, libuit ut ad mare usque procederem. nauemq; illic oenrariam offendi, quæ cum mercibus Narbonam petens, soluere parabat. Eadem nocte in somnis mihi adstare uisus es, & iniecta me manu trahere, ut nauim illam conscenderem, mox per tenebras erumpente diluculo, cum eo loco in quo quieueram, surrexissèm, somnium meum ipse mecum reputans, tanto tui desiderio subito correptus sum, ut nihil cunctatus, nauim conscenderem: & tricesima die Malsiliam adpulsus, inde huc decimo aduenerim. adeò prospera nauigatio piæ adfuit uoluntati. Tu modò, propter quem tot maria transnauigauimus, tantum terræ transcurrimus, complectendum, perfruendumq; te, remotis omnibus, trade. Ego uerò, inquam, etiam cum in Aegypto morareris, totus tecum semper animo & cogitatione uersabar: meq; de te die ac nocte cogitantem, totum tua charitas possidebat: nedum modò me tibi æstimes puncto temporis defuturum, quo minus amore tuo pendens, te intuear, te audiam, & tecum loquar: nullo penitus in secretum nostrum, quod nobis hæc remotior cellula præstat, admissio. Nam huius nostri, ut arbitror, Galli præsentiam non moleste feres, quia huc aduentu tuo (ut uides) perinde atque ego ipse, triumphat gaudio. Rectè planè, inquit Posthumianus, in societate nostra Gallus iste retinebit: quia etsi mihi parum cognitus est, pro eo tamen quòd tibi est charissimus, non potest mihi non esse charus, maximè cum ex Martini sit disciplina. Neque grauabor quamlibet consertè uobiscum, ut poscitis, fabulari: quippe cum huc uenerim, ut me huius Sulpitij mei (me autem utraque manu complectebatur) desiderio etiam uerbosius impenderem. Enimvero, inquam, satis probasti, quantum pius amor possit, qui nostri causa tot maria, tantumq; terrarum emensus, à summo (ut ita dicam) solis egressu, usque in eius occidua uenisti. Age ergo, quia & secreti inter nos, nec occupati sumus & sermoni tuo uacare debemus, edisseras nobis uelim omnem peregrinationis historiam. qualia ter in Oriente fides Christi floreat, quæ sit sanctorum quies, quæ instituta monachorum, quantis signis ac uirtutibus in seruis suis Christus operetur. Nam certè, quia in his regionibus, inter ista quæ uiuimus, ipsa nobis uitæ fastidio est: libenter ex te audiemus, si uel in heremo uiuere Christianis licet. Ad hæc Posthumianus: Faciam, inquit, ut desiderare te uideo. Sed quæso prius ex te audiam, an isti omnes quos hic reliqueram sacerdotes, tales sunt, quales eos antè quàm proficiscerer, noueramus. Tunc ego: Absit, te, inquam, ista quærere, quæ aut unà mecum (ut puto) nosti: aut si ignoras, non audire sit melius. Illud reticere non possum, non solum illos de quibus interrogas, nihil meliores quàm noueras factos: sed unum illum nostri quondam amantem, in quo respirare ab istorum insectationibus solebamus, asperiores nobis fuisse, quàm debuit. Nec uerò quicquam in illum inclemētius dicam, quia & amicum colui, & tunc etiā amaui cum putabatur inimicus. Me autem hæc

tacitis cogitationibus reuolvente, admodum dolor iste compungit penē, nos A
 sapientis & religiosi uiri amicitia destitutos, illum quondam tam amicum no-
 bis, tam amarum in nos esse potuisse. Verū hęc quæ mœroris plena sunt, re-
 linquamus: te potius, ut dudum sponderas, audiamus. Ita, inquit, fiat,
 Posthumianus, & cum dixisset, paululū omnes conticuerunt: deinde cilicium
 cui infederat, ad me propius admouit, atq; ita exorsus est. Ante hoc trien-
 nium, quo tempore tibi Sulpiti hinc abiens ualedixi, ubi Narbona nauim sol-
 uimus, quanto die portum Aphricæ intrauimus (adeo prospera Dei nutu na-
 uigatio fuit) libuit animo adire Carthaginem, loca uisitare sanctorum, & præ-
 cipue ad sepulchrum Cypriani martyris adorare. Quintodecimo die ad por-
 tum regressi, prouectiq; in altum, Alexandriam petentes, reluctante Austro,
 penē in Syrtes illati sumus: quod prouidi nautę cauentes, iactis nauem ancho-
 ris sistunt. Sub oculis autem terra continens erat, in qua scaphis egressi: cum
 uacua ab humano cultu omnia cerneremus: ego studiosior explorandorum
 locorum gratia longius processi, tribus ferē milibus à litore paruum tugurium
 inter arenas cōspicio: cuius tectum, sicut Salustius ait, quasi carnia nauis erat,
 contiguū terrę, satis firmis tabulatis constratū, non q̃ ibi uis imbrīū ulla timea-
 tur, fuisse aut illic pluuiam, ne unq̃ quidem auditum est: sed q̃ uentorū ea uis
 est, ut si quando uel clemētiori cœlo aliquantulū spirare flatus cœperit, maius
 in illis terris q̃ in ullo mari naufragium sit. Nulla ibi germina, sata nulla pro-
 ueniunt: quippe instabili loco arētibus arenis, ad omnem motum uentorum
 cedentibus. Verū ubi auersa quadam à mari promontoria uentis resistunt,
 terra aliquantulum solidior, herbam raram atq; hispīdam gignit. ea ouibus
 est pabulum satis utile, incolę lacte uiuunt, qui solertiores sunt, uel ut ita dixe-
 rim, ditiores, hordeaceo pane utūtur, ea ibi sola mēsis est, quæ celeritate pro-
 uentus, per naturam solis siue aëris uentorum casus euadere solet. Quippe fer-
 tur à die iacti seminis, tricesimo die maturescere. Consistere autem ibi homi-
 nes non alia ratio facit, quā quod omnes tributo liberi sunt. extrema siqui-
 dem Cyrenorū. Ora est deserto illi contigua quod inter Aegyptum & Aphri-
 cam interiacet, per quod olim Cato Cæsarem fugiens, duxit exercitum. Ego
 ut ad tugurium illud quod eminus conspexeram, protendi, inuenio senem in
 ueste pellicea, molam manu uertentem. Cōsalutatus ille accepit nos benigne
 eiectos nos in illud littus exponimus, & ne statim repetere cursum possimus,
 maris molestia detineri: egressos in terram (ut est mos humani ingenij) natu-
 ram locorum, cultumq; habitantiū uoluisse cognoscere: Christianos nos esse:
 idq; præcipue querere, an essent aliqui inter illas solitudines Christiani. Tunc
 uerō ille flens gaudio, ad gēua nostra prouoluitur, iterum nos ac sapius ex-
 osculatos inuitat ad orationē: deinde impositis in terra * nerue cum pellibus
 facit nos discūbere. Apponit prandium sanē locupletissimū, dimidiū panem
 hordeaceū. Eramus autem nos quatuor, ipse erat quintus. Fasciculum etiā her-
 bæ intulit, cuius nomen exeidit, quæ mentæ similis, exuberans folijs, saporem
 mellis præstabat: huius prædulci admodum suauitate delectati atq; exatiati su-
 mus. Ad hęc subridens ego, ad Gallum meum, Quid, inquā, Gallo, placet ne
 tibi prandium fasciculus herbarum, & panis dimidiū quinq; uiris? Verē,
 tunc ille (sicut est uerecundissimus) aliquantulum erubescens, dum fatigatio-
 nem meam accepit: Satis, inquit, Sulpiti tuo more, qui nullam occasionem, si
 qua tibi porrecta fuerit, omittis, quin nos edacitatis fatiges: sed facis in huma-
 nē, qui nos Gallos homines, cogis exemplo Angelorum uiuere. quanquam
 ego studio manducandi etiā Angelos manducare credam. Nam istum di-
 midium hordeaceum timeo uel solus attingere. sed contentus sit hoc Cyrenē-
 sis ille, cui uel necessitas, uel natura est esurire: uel postremo isti, quibus credo
 marina iactatio mediam cibi fecerūt: nos procul à mari absumus, & quod tibi
 sape

A ape testatus sum, Galli sumus. Sed pergat hic potius explicare sui Cyrenensis historiam. Enimvero, Posthumianus ait, cauebo posthac cuiusq; abstinentiam predicare, ne Gallos nostrum arduum penitus offendat exemplum. Statueram autem etiam cœnam Cyrenensis illius uel consequentia dicere: septem enim diebus apud ipsum fuimus. Referrem communia, sed supersedendum est, ne Gallus se æstimet fatigari. Cæterum postero die cum aliqui ex incolis ad nos uisendos cōfluere cœpissent, cognoscimus illum hospitem nostrum esse presbyterū, quod summa nos dissimulatione celauerat. deinde cum ipso ad ecclesiam processimus, quæ ferè duobus milibus aberat à conspectu nostro interiectu montis exclusa. Erat autem milibus texta uirgultis, non multo ambitiosior quàm nostri hospitis tabernaculū, in quo nisi incuruus quis non poterat consistere. Cum hominum mores quæreremus, illud præclare animaduertimus, nihil eos neq; emere, neq; uendere, quin & quid sit fraus aut furtum nesciunt. Aurum atq; argentū, quæ prima mortales putant, neq; habent, neq; habere cupiunt. Nam cum ego presbytero illi decem nummos aureos obtulissim, refugit, altiore cōsilio protestatus, ecclesiam auro nō instrui, sed potius destrui, aliquantulum ei uestimentorum indulsumus. Quod cum ille benignè accepisset, reuocantibus nos ad mare nautis, discessimus. Prosperoq; cursu septimo die Alexandriam peruenimus, ubi fœda inter episcopos atq; monachos certamina gerebantur. Ex ea occasione uel causa, qua cōgregati in unum sapius sacerdotes, frequentibus decreuisse Synodis uidebantur, ne quis Origenis libros legeret, aut haberet, qui tractator scripturarum sanctarum peritissimus habebatur. Sed episcopi quædam in libris ipsius insanius scripta memorabant, quæ adsertores eius defendere non ausi, ab hereticis potius fraudulentè inserta dicebant: & ideo non propter illa quæ in reprehensione meritò uocarentur, etiam reliqua esse damnanda, cum legentium fides facile possit habere discrimen, ne falsata sequerentur, & tamen catholicè disputata retineret. Non esse autem mirum, si in libris neotericis & recens scriptis, fraus hæretica fuisset operata, quæ in quibusdam locis non timuisset incidere euangelicā ueritatem. Aduersum hæc episcopi obstinatis renitentes pro potestate cogebantur, rectè etiā uniuersa cum primis & cum ipso authore dānare: quia satis superq; sufficerent libri quos ecclesia recepisset, respuendamq; esse penitus lectionem, quæ plus esset nocitura insipientibus, quàm profutura sapientibus. Mihi autem ex illius libris quædam curiosius indaganti, admodum multa placuerunt: sed nonnulla reprehendi, in quibus illum praua sensisse non dubium est, quæ defensores eius falsata contendunt. Ego miror unum eundemq; hominem tam diuersum à se esse potuisse, ut in ea parte qua probatur, neminem post Apostolos habeat æqualem: in ea uerò quæ iurè reprehenditur, nemo deformius doceatur errasse. Nam cum ab episcopis excerpta in libris illius multa legerentur, quæ contra catholicam fidem scripta cōstarent, locus ille uel maximam parabat inuidiam, in quo editum legebatur, quia Dominus Iesus Christus sicut pro redemptione hominis in carne uenisset, crucem pro hominis salute perpassus, mortem pro hominis æternitate gustasset, ita esset eodem ordine passionis etiam diabolum redempturus: quia hoc bonitati illius pietatq; congrueret, ut qui perditum hominem reformasset, prolapsum quoq; angelum liberaret. Cum hæc atq; alia istiusmodi ab episcopis proderentur, ex studijs partium orta est seditio. Quæ cum reprimi sacerdotum autoritate non posset, sauo exemplo ad regendum ecclesiæ disciplinam præfectus assumit: cuius terrore dispersi fratres, ac per diuersas oras monachi sunt fugati, ita ut præpositis edictis in nulla consistere sede sinerentur. Illud me admodum permouebat, quod Hieronymus uir maximè catholicus, & sacre legis peritissimus, Originem secutus primo tempore putabatur, qui nunc idem præcipuè,

uel omnia

De Origene eiusq; scriptis.

uel omnia illius scripta damnaret, nec uerò ausus sum de quoquam temerè iudicare: præstantissimi tamen uiri & doctissimi ferebantur in hoc certamine disfidere. Sed tamen siue illud error est, ut ego sentio: siue hæresis, ut putatur: non solum reprimi non potuit multis animaduersionibus sacerdotum, sed ne quaquam tam latè se potuisset effundere, nisi contentione creuisset. Istiusmodi ego turbatione cum ueni Alexandriam, fluctuabat: me quidem episcopus illius ciuitatis benignè admodū, & melius quàm opinabar excepit, & secum tenere tentauit. Sed non fuit animus ibi consistere, ubi recens fraternæ cladis feruebat inuidia, nam etsi fortasse uideatur parère episcopis debuisse, non ob hanc tamen causam multitudinem tantam sub Christi cōfessione uiuentem, præsertim ab episcopis oportuisset affligi. Igitur deinde digressus Bethleem oppidum petij, quod ab Hierosolymis sex milibus separatur, ab Alexandria autem sedecim mansionibus abest. Ecclesiam loci illius Hieronymus presbyter regit, nam parrochia est episcopi, qui Hierosolymam tenet: mihi iam pridem Hieronymus superiore illa mea peregrinatione compertus, facile obtinuerat, ut nullum mihi expetendum rectius arbitrarer. Vir enim propter fidei meritum, dotemq; uirtutum, non solum Latinis atq; Græcis, sed & Hebræis etiam ita literis institutus est, ut se illi in omni scientia nemo audeat comparare. Miror autem, si non & uobis per multa quæ scripsit opera compertus est, cum per totum orbem legatur. Vobis uerò, Gallus inquit, nimium nimiumq; compertus est, nam ante hoc quinquennium quendam illius libellum legi, in quo tota nostrorum natio monachorum ab eo uehementissimè uexatur, & carpitur. Vnde interdum Belgicus noster ualdè irasci solet, quòd dixerit, nos usq; ad uomitum satiari. Ego autem, inquam, Gallus illi uiro ignosco, atq; ita sentio, de Orientalibus illum potius monachis, quàm de Occidentalibus disputasse. Nam edacitas in Græcis gula est, in Gallis natura. Tunc ego: Scholasticè, inquam, Galle defendis gentem tuam: sed quæso te, liber iste nunquid hoc solum uitium damnat in monachis? Imò uerò, inquit, nihil penitus obmisit, quod non carperet, laceraret, exponeret: præcipuè auaritiā, nec minus uanitatē infectatus est. Multa de superbiā, non pauca de superstitione disseminauit: uerè fateor, pinxisse mihi uidetur uitia multorum. Ceterum de familiaritatibus uirginum & monachorum, atq; etiam clericorum, quàm uera, quàm fortia disputauit: unde à quibusdam, quos nominare nolo, dicitur non amari. Nam sicut Belgicus noster irascitur, edacitatis nimiae nos notatos: ita illi fremere dicuntur, cum in illo opusculo scriptū legunt, Cœlibe spernit uirgo germanum fratrem, quærit extraneum. Ad hæc ego: Nimium, inquam, Galle progredieris, caue ne & te aliquis qui hæc fortassis agnoscit, exaudiat, teq; unā cum Hieronymo incipiat non amare. nam quia scholasticus es, non immeritò te uersu Comici illius admonebo: Obsequium amicos, ueritas odiū parit. Tua nobis, ut cœperas, potius Posthumiane repetatur Orientalis oratio. Ego, inquit, ut dicere instituerā, apud Hieronymum sex mensibus fui, cui iugis aduersus malos pugna, perpetuumq; certamen. Consciuit odia perditorum, oderūt eum hæretici, quia eos impugnare non desinit: oderunt eum clerici, quia uitam eorum infectatur, & crimina. Sed planè eum boni omnes admirantur, & diligunt: nam qui eum hæreticum esse arbitrantur, insaniunt. Verè dixerim, catholica hominis scientia, sana doctrina est. Totus semper in lectione, totus in libris est: non die, nō nocte requiescit: aut legit aliquid semper, aut scribit, quod nisi mihi fuisset fixū animo, & prouisum, Deo recte, ante propositum heremum adire, uel exigui temporis punctum à tanto uiro discedere uoluissē: huic traditis atq; commissis omnibus meis, omniq; familia, quæ me contra uoluntatem animi mei secuta tenebat implicitum, exoneratus quodāmodo graui fasce penitus, ac liber regressus ad Alexandriam, uisitatis

A uisitatis ibi fratribus, ad superiorem inde Thebaidam, id est ad Aegypti extre-
 ma contendí. Ibi enim uastè patentes heremi solitudines, plurimum fereban-
 tur habere monachorum. Longum est, si omnia cupiam referre, quæ uidi: ta-
 men pauca perstringam è plurimis. Haud longè ab heremo cōtigua Nilo;
 multa sunt monasteria, habitant in uno loco pleriq; centeni, quibus summum
 ius est, sub abbatis imperio uiuere, nihil arbitrio suo agere, per omnia ad nu-
 tum illius potestatēq; pendere. Ex his si qui maiorē uirtutem mente concepe-
 rint, aut acturi solitariam uitam se ad heremum conferant, non nisi permit-
 tente abbate discedunt: hæc illorum prima uirtus est, parēre alieno imperio.
 Transgressis ad heremum, abbatis illius ordinatione panis, uel quilibet cibus
 alius ministratur. Casu super illos dies, quibus illò adueneram, cuidam qui
 nuper ad heremum secesserat, neq; amplius ab hoc monasterio, quàm sex mi-
 libus tabernaculum sibi constituerat, panem abbas per duos pueros miserat,
 quorum maior habebat ætatis annos quīdecim, minor duodecim erat. His
 ergo inde redeuntibus, aspīs miræ magnitudinis sit obuīam. cuius occursum ni-
 hil perterriti, ubi ante pedes eorum uenit, quasi incantata carminibus, cœru-
 lea colla deposuit. minor ē pueris manu adprehensam, ac pallio inuolutam fer-
 re cœpit. deinde monasteriū quasi uictor ingressus, in occursum fratrum, ex-
 pectantib; cunctis, captiuam bestiam resoluta pallio, non sine iactantiæ tumo-
 re deposuit. Sed cum infantū fidem atq; uirtutem ceteri prædicarēt, abbas ille
 altiori consilio, ne infirma ætas insolesceret, uirgis utrūq; cōpescuit: multum
 obiurgatos, cur ipsi, qd per eos Dominus operatus fuerat, prodidissent, opus
 illud nō suæ fidei, sed diuinę fuisse uirtutis; discerent potius, Deo in humilitate
 seruīre, et nō in signis & uirtutib; gloriari, quia melior esset infirmitatis con-
 scientia, uirtutū uanitate. Hoc ubi ille monachus audiuit, & periclitatos infan-
 tulos serpentis occursum, & ipsos multa uerba uicto serpente meruisse, abba-
 tem obsecrat, ne sibi post hæc panis ullus, aut cibus aliquis mitteretur. Iamq;
 octauus dies fuerat emensus, quo se homo Christi intra periculum famis ipse
 concluderat: arebant mēbra ieiunio, sed deficere mens cœlo intenta nō pote-
 rat: corpus inedia fathiscebat, fides firma durabat. Cum interim admonitus ab
 bas ille per spiritum, ut discipulum uisitaret, piā solitudine cognoscere cu-
 piens, qua uitæ substantia uir fidelis aleretur, qui ministrari sibi ab homine nō
 luisset, ad requirendum eum ipse proficiscitur. Ille ubi eminus senem uenire
 conspexit, occurrit: agit gratias, ducit ad cellulam: cum ingressu pariter am-
 bo conspiciunt palmitiam sportam calido pane congestam, foribus affixam
 de poste pendere. Ac primū calidi panis odor sentitur: tactu uerò, ac si an-
 tē paululum focus esset ereptus, ostenditur. Aegyptij tamen panis forma non
 cernitur. Obstupescit ambo, munus cœleste cognoscunt. Cum ille hoc abba-
 tis aduentu præstitum fateretur, abbas uerò illius fidei ac uirtuti id potius ad-
 scriberet, ita ambo cœlestem panem cum multa exultatione fregerunt. Quod
 cum senex ad monasteriū post regressus, fratrib; retulisset, tantus omnium in-
 cenderat ardor animos, ut certatim ad eremū & sacras solitudines ire prope-
 rarent: miseros se fatentes, qui diutius in congregatione multorum, ubi huma-
 na esset patiēda cōuersatio, resedissent. In hoc monasterio duos ego senes
 uidi, qui iam per quadraginta annos ibi degere, ita ut nunquam inde discesse-
 rint, ferebant. quorum prætereunda mihi cōmemoratio nō uidet: siquidē id
 de eorum uirtutibus, & abbatis ipsius testimonio, & omnium fratrum audie-
 rim sermone celebrari, quod unum eorum sol nunquā uidisset epulantem, al-
 terum uidisset iratum nunq;. Ad hæc Gallus, me intuens, O si uir ille (nolo no-
 men edicere) nunc adesset, uellem admodum istud audiret exemplum, quod
 non multorum sæpe personis nimium experti sumus, uehementer irasci: sed
 tamen quia inimicis suis, quantum audio, nuper ignouit, si istud audiret, ma-

gis, magisq[ue] proposito confirmaret exemplo, præclarā esse uirtutem, iracūdia A non moueri. Nec uerò inficiabor iustas illi causas irarum fuisse: sed ubi durior pugna, ibi gloriosior est corona, unde quendā, si agnoscit, censeo iurē laudandum, quod cum eum libertus deseruerit ingratus, miseratus est potius, q[uam] infestatus abeuntem. Sed neq[ue] illi irascitur à quo uidetur abductus. Ego autem, nisi istud uincendi iracundię Posthumianus prodidisset exemplum, grauiter irascerer discessione fugitiui: sed quia irasci non licet, tota istorum commemoratio, quæ nos compungit, abolenda est. Te inquam Posthumiane, te potius audiamus. Faciam, inquit, Galle quod præcipis, quatenus tam studiosos esse audiendi uos uideo. Sed mementote, quia non sine fœnore istum apud uos depono sermonem, libens præsto quod poscitis: dummodo paulo post quod poposcero, non negetis. Nos uerò, inquam, nihil habemus, in quo tibi mutuum uel sine fœnore restituere possimus: sed tamen quicquid putaueris, imperato, dummodo ut cœperas, desiderijs nostris satisfacias, ualde enim nos delectat tua oratio. Nihil, inquit Posthumianus, uestra studia fraudabo: & quia eremitæ unius incipientis agnouistis uirtutem, referam adhuc uobis pauca de plurimis. Ergo ubi prima eremi ingressus sum, duodecim ferè à Nilo milibus, habebam autem unum ex fratribus ducem locorum peritum, peruenimus ad quendam senem monachum, sub radice montis habitantem, ibi quod in illis locis rarissimum est, puteus erat. bouem unum habebat, cuius hic erat totus labor, impulsā rotālī machinā aquam producere, nam ferè mille aut amplius pedum, profundum putei ferebatur, hortus illi erat multis oleribus copiosus: et id quidem contra naturam eremi, ubi omnia arentia, exusta solis ardoribus, nullius unq[ue] seminis uel exiguam radicem deperisse ferunt. Verū B hic sancto illi labor cum pecore communis, & propria cōstabat industria. Frequens enim irrigatio aquarum tantam pinguedinem arenis dabat, ut mirum in modum uiuere atq[ue] fructificare horti illius holera uideremus. His igitur unā cum domino bos ille uiuebat, nobis quoq[ue] ex ea copia, cœnam sanctus dedidit. Ibi uidi quod uos Galli fortè non creditis: ollam cum oleribus, quæ nobis in cœnam præparabant, sine igne feruere. Tanta uis solis est, ut quilibet quis etiam ad Gallorum pulmenta sufficiat. Post cœnam autem iam inclinante uespera, inuitat nos ad arborem palmam, cuius pomis uti solebat: quæ ferè duobus milibus aberat. Nam hæc tantum in eremo arbores, licet rarò, habentur tamen, quod utrum solers antiquitas procurauerit, an solis natura gignat, ignoro: nisi Deus præsciens ad habitandam quandoq[ue] à sanctis eremum, hæc seruis suis parauerit. Ex maiore enim parte quæ inter illa secreta consistunt, cum alia ibi germina nulla succedant, istarum arborum pomis aluntur. Ergo ubi ad illam, ad quam nos humanitas nostri hospitis ducebat, arborem peruenimus, leonem ibi offendimus: quo uiso, ego & ille dux meus intremuimus, sanctus uerò ille incunctanter accessit: nos, licet trepidi, secuti sumus. * Fera paululum cernens imparatā adeo, modesta discessit, & constitit: dum ille adtingua ramis humilioribus poma decerperet, cumq[ue] plenā palmulis manum obtulisset, accurrit bestia, accepitq[ue] tam liberè quā nullum animal domesticum: & cum comedisset, abscessit, nos hoc intuentes, & adhuc trementes, facile potuimus expendere, quanta in illo fidei uirtus, & quanta in nobis esset infirmitas. Alium æquè singularem uirum uidimus paruo tugurio, in quo non nisi unus recipi possit ad habitandum, de hoc illud ferebatur, quod lupa ci solita erat ad stare cœnanti: nec facile unquam bestia falleretur, quin illi ad legitimam horam refectionis occurreret, & tamdiu pro foribus expectaret, donec ille panem, qui cœnulæ superfuisset, offerret. Illa manum eius lambere solita, atq[ue] ita quasi impleto officio, & præstita consolatione discedere. Sed fortè accidit, ut sanctus ille, dum fratrem qui ad eum uenerat, deducit abeuntem, diu-
tius ab:

A tius abesset, & non nisi sub nocte remearet. Interim bestia ad consuetudinarium illud cœnæ tempus occurrit, & uacuâ cellam, cum familiarē patronum abesse sentiret, ingressa, curiosius explorans ubi nam esset habitator: casu contigua cum panibus quinque palmitica sportella pendeat. Ex his unum præsumit, & deuorat, deinde perpetrato scelere discedit. Regressus eremita, uidit sportulam dissolutâ, non constante panum numero, damnum rei familiaris intelligit, ac prope limen panis absumpti fragmenta cognoscit. Sed nō erat incerta suspicio, quæ furtum persona fecisset. Ergo cum sequentibus diebus secundum consuetudinē bestia nō uenisset, nimirum audacis facti conscia, ad eum uenire dissimulans, cui fecisset iniuriâ, ægrè patiebatur eremita, se alumnæ solatio destitutū. Postremò illius oratione reuocata, septimum post diem affuit, ut solebat antè cœnanti. Sed ut facili cerneret uerecundiâ poenitentis, nō ausa propius accedere, deiectis in terram profundo pudore luminibus, quod palam licebat intelligi, quandam ueniam precabatur: quam illius confusionē eremita miseratus, iubet eam propius accedere, ac manu blâda caput triste permulcet. Deinde pane duplicato ream suam refecit. ita indulgentiâ consecuta, officij consuetudinē deposito mœrore reparauit. Intuemini quæso Christi etiam in hac parte uirtutem, cui sapit omne quod brutum est, cui mite est omne quod sauit. Lupa præstat officium, lupa furti crimen agnoscit, lupa cōscio pudore confundit: uocata adest, caput præbet, & habet sensum indultę sibi uenię, sicut pudorem gessit erratī. Tua hæc uirtus Christe, tua sunt hæc Christe miracula. Etenim quæ in tuo nomine operantur serui tui, tua sunt: & in hoc ingemiscimus, quod maiestatem tuam feræ sentiunt, homines nō merentur. Ne cui aut hoc incredibile fortè uideat, maiora memorabo. Fides Christi adest, me nihil fingere, neq; incertis autorib. uulgata narrare: sed quæ mihi per fideles uiros cōperta sunt, explicabo. Habitant pleriq; in eremō sine ullis tabernaculis, quos Anachoretas uocāt. uiuunt herbarū radicibus: nullo unquā certo loco cōsistunt, ne ab hominib. frequentent, quas nox coegerit, sedes habēt. Ad quendam igitur hoc ritu atq; hac lege uiuentē, duo ex Nitriā monachi, licet longa & diuersa regione, tamen quia olim ipsis in monasterij cōuersatione clarus & familiaris fuisset, auditis eius uirtutibus, tetenderunt: quem diu multumq; quæsitū, tandem mense septimo reppererunt, & in extremo illo deserto quod est Memphis contiguū, demorantem: quas ille solitudines iam per annos duodecim dicebat habitare. Qui licet omnium hominū uitaret occursum, tamen agnitos nō refugit, sed charissimis per triduū non negauit. Quarto die aliquantulū progressus, cum prosequeretur abeuntes, leānam mirę magnitudinis ad se uenire cōspiciunt, bestia licet tribus repertis, nō incerta quem peteret, anachoretæ pedib. aduoluitur, & cum fletu quodam & lamentatione procumbens, indicabat gemētis pariter & rogantis affectū, mouit omnes, & præcipuē illum qui se intellexerat expetitū: præcedentē sequunt, nam præiens, & subinde restans, subinde respectās, facili poterat intelligi, id eā uelle, ut quod ille ducebat, Anachoreta sequeretur. Quid multa? Ad speluncā bestię peruenitur, ubi illa adultos iam quinque catulos malē foeta nutrebat: qui ut clausis luminib. ex aluo matris exierāt, cæcitæ perpetua tenebātur. quos singulos de rupe prolato, ante Anachoretę pedes mater exposuit. Tum demū sanctus animaduertit, quid bestia postularet, inuocatoq; Dei nomine, cōtreclauit manu lumina clausa catulorū: ac statim cæcitæ depulsa, apertis oculis bestiarum diu negata lux patuit. Ita fratres illi, Anachoreta quem desiderabant uisitato, cum admodū fructuosa laboris sui mercede redierūt: qui in testimoniū tantę uirtutis admissi, fidem sancti, & gloriā Christi, quæ per ipsos esset testificanda, uidissent. Mira dicturus sum. Leæna post dies quinque ad autorem tanti beneficij reuertisse dicitur, eidemq; inusitatæ feræ pellem pro munere detulisse:

lisse: quæ plerumque sanctus ille quasi amiculo circumtectus, non dedignatus est munus per bestiam sumere, cuius alium potius interpretabatur autorem. Erat etiam alterius Anachoretæ in illis regionibus nomen illustre, qui in ea parte deserti quæ Syenis iungitur, habitabat, hic cum primum se ad heremum contulisset, & herbis herbarumque radicibus, quas prædulces interdum & saporis eximij fert arena, victurus, ignarus germinis eligendi, noxia plerumque carpebat. nec erat facile uim radicum sapore discernere: quia omnia æque dulcia, sed pleraque occultiore natura uirus lethale continebant. Cum ergo edentem uis interna torqueret, & immensis doloribus uitalia uniuersa quaterentur, ac frequens uomitus cruciatibus non ferendis ipsam animæ sedem stomacho iam fathiscente dissolueret, omnia penitus quæ essent edenda formidans, sempiternum in ieiunijs diem spiritu deficiente ducebat. Tunc ad eum fera, cui ibicis est nomen, accessit, huic propius astanti, fasciculū herbarum, quem collectum pridie attingere non audebat, abiecit. Sed fera, quæ uirulenta erant, ore discutiens, quæ innoxia nouerat, eligebat: ita uir sanctus eius exemplo quid edere, quid respuere deberet, edoctus, & periculum famis euasit, & herbarum uenena uitauit. Sed longum est de omnibus, qui eremum incolunt, comperita nobis, uel audita memorare. Annum integrum & septem ferè menses intra solitudines constitutus exegi, magis uirtutis admirator alienæ, quàm quod ipse tam arduum atque difficile potuerim tentare propositum. Sapius tamen cum sene illo, qui puteū & bouem habebat, habitauī. Duo beati Antonij monasteria adhuc, quæ hodieque à discipulis eius incoluntur. Ad eum etiam locum, in quo beatissimus Paulus primus eremita est conuersatus, accessi. Rubrum mare uidi, iugū Syna montis, cuius cacumē cælo penè contiguū, nequaquam adiri potest. Inter huius recessus Anachoreta esse ferebat, quem diu multumque questitū uidere non potui, qui ferè iam ante quinquaginta annos à cōuersatione humana remotus, nullo uestis usu, setis corporis sui tectus, nuditatē suā diuino munere uestiebat. Hic quoties eum religiosi uiri adite uoluerūt, cursu auia petēs, cōgressus uitabat humanos, unī tantūmodo ferebat se ante quinquennium prebuisse, qui credo potenti fide id obtinere promeruit: cui inter multa colloquia percunctanti, cur homines tātopere uitaret, respondisse perhibet, Eum qui ab hominibus, frequetare, non posse ab angelis frequetari. Vnde non immerito recepta opinione multorum fama uulgauerat, sanctum illum ab angelis uisitari. Ego autem à Syna monte digressus, ad Nilum flumen regressus sum, cuius ripas frequentibus monasterijs consertas utraq; ex parte lustraui. Plerumque uidi, ut dudum dixeram, uno in loco habitare centenos: sed & bina & terna millia in illis uinculis degere constabat. Nec sanè ibi minorem putetis diuersantium in multitudine monachorum esse uirtutem, quàm eorum esse cognoscitis, qui se ab humanis cœtibus remouerunt. Præcipua, ut iam dixeram, ibi uirtus, & prima, obedientia est: neque aliter adueniens ad monasterium abbatis suscipitur, quàm qui tentatus prius fuerit, & probatus: nullum unquam recusaturus, quamlibet arduum ac difficile, indignumque toleratu, abbatis imperium. Duo uobis referam incredibilis obedientiæ, admodum magna miracula, licet suppetant plura recolenti: sed ad excitandā uirtutum æmulationem, cui pauca non sufficiunt, multa non proderunt. Ergo cum quidā seculi actibus abdicatis, monasteriū magnæ dispositionis ingressus, cœpisset rogare: Abbas ei cœpit multa proponere, graues esse istius disciplinæ labores, sua uerò dura imperia, quæ nullius facile ualeret implere patientia. aliud potius monasteriū, ubi facilioribus legibus uiueretur expeteret: non tentaret aggredi, quod implere non posset. Ille uerò his terroribus permoueri, sed magis ita omnem obedientiā polliceri, ut si Abbas in ignē eum ire præceperit, non recusaret intrare, quā illius professionē, ubi magister accepit, non cunctatus est probare profitemem, Casu

A tem. Casu clibanus propè ardebat, qui multo igne succensus, coquēdis panib. parabat. Exundabat abruptis flāma fornacibus, & intra camini illius cōcaua totis habenis regnabat incendiū. Hoc igit aduenā illum iubet magister intrare, nec distulit parere præcepto, medias flāmas nihil cunctatus ingredit: quæ mox tam audaci fide uicte, uelut illis quondā Hebræis pueris, cessere ueniēti. Superata natura est, fugit incendiū: et qui putabatur arsurus, uelut frigidore perfusus se ipse miratus est. Sed quid mirum, si tuū Christe tyronem ignis ille nō attigit: ut nec abbatē pigeret dura mandasse, nec discipulum pœniteret imperio paruissē, qui eo die quo aduenerat, dum tentaretur infirmus, perfectus inuentus est: meritò foelix, meritò gloriosus, probatus obedientia, glorificatus est passione. In eodem autem monasterio factum id quod dicturus sum, recenti memoria ferebatur. Quidam itidem ad eundem abbatem recipiendus aduenerat, cum prima ei lex obedientiæ poneretur, ac perpetè polliceretur ad omnia uel extrema patientiam, casu abbas storacinam uirgam, quam pridem aridā manu gerebat, hanc solo fixit, atq; illi aduenæ id operis imponit, ut tandiu uirgulæ aquam irriguam ministraret, donec, quod contra omnē naturam erat, lignum aridum in solo arente uiuisceret. Subiectus aduena durę legis imperio, aquam proprijs humeris cotidie conuehebat, quæ à Nilo flumine per duo ferè miliaria petebatur, iamq; emenso anni spacio, labor non cessabat operantis, & de fructu operis spes esse non poterat: tamen obedientiæ uirtus in labore durabatur. Sequens quoq; annus uanum laborē iam affecti fratris cludit. Tertio demum succedentiū temporum labente curriculo, cum neq; nocte neq; die aquarius ille cessaret operator, uirga floruit. Ego ipsam ex illa uirgula arbusculam, quæ hodieq; intra atrium monasterij est ramis uiuentibus, uidit:

B quæ quasi in testimonium manens, quantum obedientia meruit, & quantum fides possit, ostēdit. Sed me dies antè deficiet, quā diuersa miracula, quæ mihi de uirtutibus Sanctorum sunt comperta, possim consumere. Duo uobis adhuc præclara memorabo, quorum unum egregium erit aduersus inflationem miseræ uanitatis exemplum: alterum, aduersus falsam iustitiam nō mediocre documentum. Quidam ergo Sanctus fugandorum de corporib. obsessis dæmonum incredibili præditus potestate, inaudita per singulos dies signa faciebat: non solum enim præsens, neq; uerbo tantum, sed absens quoq; interdum cilicij sui fimbrijs, aut epistolis missis, corpora obsessa curabat. Hic ergo mirum in modum frequētabatur à populo, ex toto ad eum orbe uenientibus. Taceo de iunioribus: præfecti comitesq;, ac diuersarum iudices potestatu proforibus illius sæpe iacuerunt. Episcopi quoq; sanctissimi, sacerdotali auctoritate deposita, contingi se ab eo, atq; benedici humiliter postulātes, sanctificatos se ac diuino munere illustratos, quotiens manum illius uestemq; contigerant, non immeritò crediderunt. Hic ferebatur omni potu in perpetuum penitus abstinere, ac pro cibo (tibi Sulpiti in aurem loquar, ne Gallus hoc audiat) septem tantum caricis sustentari. Interea Sancto uiro, ut ex uirtute honor, ita ex honore uanitas cœpit obrepere, quod malum ille ubi primū potuit in se sentire, grassari, diu multumq; discutere conatus est: sed repelli penitus, uel tacita conscientia, uanitas, perseverante uirtute non potuit. Vbiq; nomen eius dæmones fatebantur, excludere à se confluentium populos non ualebat. Virus interim latens serpebat in pectore, & cuius nutu ex aliorum corporibus dæmones fugabantur, seipsum occultis cogitationibus uanitatis purgare non poterat. Totis igitur precibus cōuersus ad Dominum, fertur orasse, ut permissa in se mensibus quinq; diaboli potestate, similis his fieret quos ipse curauerat. Quid multis morer: ille prepotens, ille qui signis atq; uirtutibus toto oriente uulgatus, ille ad cuius limina populi antè confluxerant, ad cuius fores summæ istius seculi se prostrauerant potestates, correptus à dæmone est,

tentus in uinculis, omnia illa quæ in ergumines solet ferre, perpeffus. Quinto demum mense purgatus est non tātum dæmone, sed quod illi erat utilius atq; optatius uanitate. Sed mihi ista replicanti, nostra infœlicitas, nostra occurrit infirmitas. Quis enim nostrum est, quem si unus homunculus humilis saluauerit, aut fatuis atq; adulantibus uerbis fœmina una laudauerit, non continuè elatus sit in superbiam, nō statim inflatus sit uanitate: ut etiam si non habeat conscientiam sanctitatis, tamen quia uel stultorum adulatione, aut fortassis errore sanctus esse dicatur, sanctissimum se putabit. Iam uerò si ei munera crebra mittantur, Dei se magnificentia asserit honorari, cui dormienti atq; resoluta necessaria conferantur. Quod si ei uel de medico aliqua uirtutis signa succederent, angelum se putaret. Cæterum cum neq; opere neq; uirtute conspicuus sit, si quis clericus fuerit effectus, dilatat continuo fimbrias suas, gaudet salutationibus, inflatur occursionibus: ipse etiam ubiq; discurrit. Et qui antè pedibus aut asello ire consueuerat, spumeo equo superbus inuehitur: parua prius ac uili cellula contentus habitare, erigit celsa laquearia, construit multa conclauias, sculpit ostia, pingit armaria, uestem respuit grossiorem, indumentum molle desiderat, atq; hæc charis uiduis ac familiaribus mādāt tributa uirginibus: illa, ut birrum rigentem, hæc ut fluentem texat lacernam. Verum hæc describenda mordacius, beato uiro Hieronymo relinquamus, ad propositum reuertamur. Tu uerò, inquit Gallus meus, nescio quid Hieronymo reliqueris disputandum, ita breuiter uniuersa nostrorum instituta cōplexus es: ut pauca hæc tua uerba, si æquanimiter acceperint, & patienter expenderint, multum eis arbitrer profutura, ut non indigeant libris post hæc Hieronymi coherceri. Sed tu illa potius euolue, quæ coeperas, & illud quod aduersus falsam iustitiam dicturum te esse promiseras, prode documentum. nam ut uerè tibi fatear, nullo perniciosius malo inter Gallias laboramus. Ita faciās, Posthumianus inquit, nec te diutius tenebo suspensum. Adolescens quidam ex Asia prædiues opibus, genere charus, habens uxorem & filium paruulum, cum in Aegypto tribunus esset, & frequentibus aduersum Blembo expeditionibus quædam eremi contigisset, sanctorum etiam tabernacula complura uidisset, à beato uiro Iohanne uerbum salutis accepit. Nec moratus inutilem militiam cum uano illo honore contemnere, eremum constanter ingressus, breui tempore in omni genere uirtutum perfectus emicuit: potens ieiunijs, humilitate conspicuus, fide firmus, facile se antiquis monachis studio uirtutis æquauerat: cum interim subiit eum cogitatio, iniecta per diabolum, quod rectius esset ut rediret ad patriam filiumq; unicum ac domū totam cum uxore saluaret: quod utiq; esset acceptius Deo, quàm si solum se seculo eripere contentus, salutem suorum non sine impietate negligeret. Istiusmodi ergo falsæ iustitiæ colore superatus post quadriennium fere cellulam suam atq; propositum eremita deseruit. Sed ubi ad proximum monasterium, quod à multis fratribus habitabatur, accessit, causam discessionis atq; consilium quærentibus, confitetur. Renitentibus cunctis, & præcipuè loci illius abbate renitente, malè animæ fixa sententia non potuit auelli. Igitur infœlici se obstinatione prorapiens, cum dolore omnium digressus à fratribus, uix è conspectu abbatis abscefferat, impletus à dæmone, cruentasq; spumas ore prouoluens, suis dentibus se ipse lacerauit. deinde ad idem monasterium fratrum humeris reportatus, cum coherceri in eo immundus spiritus non ualeret, necessitate cogente, ferreis nexibus alligatur, pedes cum manibus uinciunt. Nō immerita pœna fugitiui ut quem non cohibuerat fides, cathenæ cohiberent. Post biennium demum oratione sanctorum ab immundo spiritu liberatus, ad eremum, unde discefferat, mox regressus. & ipse correptus & alijs post futurus exemplo, ne quem aut falsæ iustitiæ umbra decipiat, aut incerta mobilitas inutili leuitate compellat semel cōpta deserere

pta deferere. Hæc uos de uirtutibus Domini, quæ in seruis suis uel imitanda operatus est, uel timenda, scire sufficiat.

EXPLICIT DE VIRTUTIBVS ANTIQVORVM PATRV,

Sequitur rursus de sancto Martino.



Ed quia satisfeci uestris auribus, imò etiam uerbosior fui fortasse quam debui, tu modò ad me ut loquebaris debitum fœnus exolve, ut te de Martino tuo, ut es solitus, plura referentem, iam pridem in hoc desiderijs meis æstuatibus audiamus. Quid, inquam, tibi de Martino meo? Liber ille non sufficit, quem ipse tu nosti, me de illius uirtutibus edidisse. Agnosco id quidē, Posthumianus inquit, neququam à dextera mea liber ille discessit, nam si agnoscis (aperit librum, qui sub ueste latebat) En ipsum, hic mihi, inquit, terræ ac mari comes, hic in peregrinatione tota socius & consolator fuit. Sed referam tibi planè, quò liber iste penetrauerit: & quàm nullus ferè in orbe terrarum locus sit, ubi non materia tam facilis historiæ peruulgata teneatur. Primus eum Romanæ urbi, uir studiosissimus tui, Paulinus inuexit, deinde cum tota certatim urbe raperet, exultantes librarios uidi: quo nihil ab his quæstuosius haberetur: siquidem nihil illo promptius, nihil charius uenderetur. Hic navigationis meæ cursus, longè antè progressus: cum ad Africam uenissem, iam per totam Carthaginem legebatur: solus eum Cyrenensis ille presbyter non habebat, sed me largiente descripsit. Nam quid ego de Alexandria loquar? ubi penè omnibus magis quàm tibi notus est, hic Aegyptū, Nitriam, Thebaidam, ac tota Memphitica regna transiuit, hunc ego in eremo à quodam sene legi uidi, cui cum me familiarem tuum esse dixissem, iam abituro à multis fratribus hæc mihi iniuncta legatio est, ut si unquam terras istas te incolumi contigissem, ea te supplere compellerem, quæ in illo tuo libro de uirtutib. beati uiri te professus es præterisse. Age ergo, quia non illa à te audire desidero quæ scripta fuerunt, illa quæ tunc uel propter legentium (ut credo) fastidium præteristi, multis id unà mecum à te poscentibus explicantur. Equidem, Posthumiane, inquam, cum te iam dudum de sanctorum uirtutibus intentus audirem, tacitus ad Martinum meum cogitationibus recurrebam, meritò perspiciens omnia illa quæ singuli diuersi fecissent, per unum istum facile completa. Nam cum excelsa retuleris (quod mihi dixisse liceat pace sanctorum) nihil penitus à te audiui, in quo Martinus esset inferior. Sed sicut nullius unquam cum illius uiri meritis profiteor conferendam esse uirtutem: ita & illud animaduerti decet, inquam, illum cum eremitis, uel etiam Anachoretis conditione conferri. illi enim ab omni impedimento liberi, cœlo tantum, angelis atque testibus planè admirabili docentur operari. Ille in medio cœtu & cōuersatione populorum inter clericos dissidentes, inter episcopos fauientes, cum ferè quotidianis scandalis hinc atque inde premeretur, inexpugnabili tamen aduersus omnia uirtute fundatus stetit: & tanta operatus est, quanta ne illi quidem, quos antè audiui, esse in eremo, uel fuisse, fecerunt. At si illi paria fecissent, quis iudex tam esset iniustus, ut non istum esse potiorē meritò iudicaret? Puta enim istum fuisse militem qui pugnauerit in iniquo loco, & tamen uictor euaserit: illos autem æquè compone militibus, sed qui ex æquo loco, aut etiā de superiore certauerint. Quid ergo? & si omnium una uictoria est, non potest par esse omnium gloria: tamē cum preclara retuleris, à nemine retulisti mortuum suscitatum: quo uno utique te necesse est confiteri, Martino neminem conferendum. Nam si admirandū est, quòd illum Aegyptium flamma non attigit: hic quoque sæpius imperauit incendijs. Si reuoluas, quod anachoretis feritas bestiarum uicta succubuit: hic familiariter & rabiem bestiarum, & serpentium uenena compescuit. Quod si illum conferas, qui immundos spiritibus obsessos uerbi imperio, ac etiā fimbriarum

briarum uirtute curabat: ne in hac quidem parte inferiorem fuisse Martinum, multa documento sunt. Si etiam ad illum recurras, qui fetis suis pro ueste con-
 tactus, putabatur ab angelis uisitari: cum isto angeli quotidie loquebantur. Iam uerò aduersus uanitatem atq; iactantiam ita inuictum spiritum gessit, ut illa uitia fortius nemo contempserit, cum quidem immundis spiritibus adflatos absens plerunq; curauerit. Non solum comitibus, aut praefectis, sed ipsis etiam regibus imperaret, minimum id quidem in illis uirtutibus: sed credas uelim non solum uanitati, sed causis etiã atq; occasionibus uanitatis, neminem fortius repugnasse. Parua quidem, sed non praetereunda dicturus sum: quia & ille laudandus est, qui summa praeditus potestate, tam religiosam ad reuerentiam beati uiri ostenderit uoluntatem. Memini Vincentium praefectum, uirum egregium, & quo nullus sit intra Gallias omni uirtutum genere praestantior, dum Turonis praeteriret, à Martino sapius poposcisse, ut ei conuiuium in suo monasterio daret. In quo quidem exemplum beati Ambrosii episcopi praeferebat, qui eo tempore Consules & Praefectos subinde pascere ferebatur: sed uirum altioris ingenij, ne qua ex hoc uanitas atq; inflatio obreperet, noluisse. Ergo fatearis necesse est, in Martino omnium illorum quos enumerasti, fuisse uirtutes: Martini autem in illis omnibus non fuisse. Quid tu, inquit Posthumianus, ita mecum, quasi non eadem tecum sentiam semper, quae senseris? Ego uerò quoadusq; uiuam, semper & sapiam Aegypti monachos, & praedicabo: laudabo anachoretas, mirabor eremitas, Martinum semper excipiam: non illi ego quenquam audebo monachorum, certè non episcoporum quempiam comparare. Hoc Aegyptus fatetur, hoc Syria, hoc Aethiops comperit, hoc Indus audiuit, hoc Parthus & Persa nouerunt: nec ignorat Armenia, Bosphorus exclusa cognouit, & postremò si quis aut fortunatas Insulas, aut glaciale frequenter oceanum: quo miserior est regio ista nostra, quae tantum uirum cum in proximo habuerit, nosse non meruit. Nec tamen huic crimini miscebo populares: soli illum clerici, soli nesciunt sacerdotes, nec immeritò. Nosse illum inuidi noluerunt: quia si uirtutes illius nosset, sua uitia cognouissent. Horreo dicere quod nuper audiui, infelicem dixisse nescio quem, te in illo libro tuo plura mentitum. Non est hominis uox ista, sed diaboli: nec Martino in hac parte detrahitur, sed fidei euangelij derogatur. Nam cum Dominus ipse testatus sit istiusmodi opera, quae Martinus impleuit, ab omnibus fidelibus esse facienda: qui Martinum non credit ista fecisse, non credit Christum ista dixisse. Sed infelices, degeneres, somnolenti, quae ipsi facere non possunt, facta ab illo erubescunt: & malunt illius negare uirtutes, quam suam inertiam confiteri. Verum nobis ad alia properantibus, omnis istorum memoria relinquatur: tu potius, ut iamdudum desidero, residua Martini opera contexe. At ego, inquam, arbitror rectius istud à Gallo esse poscendum, quippe qui plura nouerit. Neq; enim ignorare poterant magistri facta discipuli: & qui non immeritò istam uicem non solum Martino, sed etiam nobis debeat, ut quia ego iam librum editum, ac tu haecenus orientalium gesta memorasti, iste demum necessarij sermonis historiam Gallus euoluat: quia ut dixi, & nobis debet loquendi uicem, & Martino suo credo praestabit, ut non grauata illius facta cōmemoret. Ego planè, inquit Gallus, licet impar sim tanto oneri, tamen relatis superius à Posthumiano obedientiae cogor exemplis, ut munus istud quod imponitis, non recusem. Sed dum cogito me hominem Gallum inter Aquitanos uerba facturum, uereor ne offendat uestras nimium urbanas aures sermo rusticior. Audietis me tamen ut Gurdonicum hominem, nihil cum socco aut cothurno loquentem. Nam si mihi tribuitis Martini me esse discipulum: illud etiam cōcedite, ut mihi liceat exemplo illius inanes sermonum phaleras & uerborum ornamenta cōtemnere. Tu uerò, inquit

inquit Posthumianus, uel Celticè, aut si mauis Gallicè loquere, dūmodo iam Martinū loquaris. Ego aut̃ profiteor, quia etiā si mutus esses, nō defutura tibi uerba, quibus Martinū facundo ore loquereris: sicut Zachariæ in Ioannis nomīne lingua resoluta est. Ceterū cū sis scholasticus, hoc ipsum quasi scholasticus artificiose facis, ut excuses imperitiā, quia exuperas eloquentia. sed neque monachū tam astutum, neq; Gallum decet esse tam callidū. Verū aggredere potius, & quod remanet explica. nīmīum enim dudum alias res agentes consumimus tempus: & iam solis occidui umbra prolixior monet, non multum de uicina nocte superesse. Deinde cum paululum omnes cōticuissēmus, Gallus ita cōepit: Cauendum mihi in primis esse arbitror, ne ea de Martini uirtutib. repetam, quæ in libro suo Sulpitius iste memorauit. Vnde prima illius inter militandum gesta prætereo, quia neq; ea attingam, quæ laicus egit, ac monachus: nec uerò audita ab alijs potius, quā quæ uidi ipse, dicturus sum.

DIALOGVS SECVNDVS, EORVNDĒM, DE VIRTUTIBVS sancti Martini, Gallo narrante.



Vo primo igitur tēpore relictis scholis, beato me uiro iunxi, paucos post dies euntem ad ecclesiam sequebar. Interim ei semindus hybernīs mensibus pauper occurrit, orans sibi uestimentum dari. Tunc ille, accersito archidiacono, iussit argentem sine dilatione uestiri. deinde secretarium ingressus, cum solus (ut erat illi consuetudo) resideret, (hanc enim sibi etiam in ecclesia solitudinem permīssa clericis libertate præstabat) cum quidem in alio secretario presbyteri sederēt, uel salutationib. uacantes, uel audiendis negotijs occupati, Martinū uerò usq; in eam horam qua solennia populo agi cōsuetudo deposceret, sua solitudo cohībebat. Illud non præteribo, q; in secretario sedens, nunq; cathedra usus est. nam in ecclesia nemo unq; illum sedere conspexit: sicut quendā nuper testor Dominū, nō sine meo pudore uidi, sublimi folio quasi regio tribunali, celsa sedere residentē. Sedebat autem Martinus in sellula rustica, ut est in uisib. seruuorum, quas nos rustici Galli tripetias, uos scholastici, ut certē tu qui de Græcia uenisti, tripodas nuncupatis. Ergo hoc secretū beati uiri pauper ille captatū, cum ei archidiaconus dare tunicam distulisset, irrupit, dissimulatū se à clerico querens, algere deplorās. Nec mora, sanctus paupere non uidente, intra amphibalū sibi tunicā latenter eduxit, pauperemq; contactū discedere iubet. Deinde paulopost archidiaconus ingressus, admonet, pro cōsuetudine expectare in ecclesia populū, illum ad agenda solennia debere procedere. Cui ille respondēs ait, pauperē prius de se * aut dicebat oportere uestiri: se ad ecclesiā nō posse procedere, nisi uestem pauper acciperet. Diaconus uerò nihil intelligens, quia extrinsecus indutū amphibalo ueste, nudū, interius nō uidebat: postremo pauperē non cōparere causat. Mihi, inquit, uestis quæ preparata est, deferat: pauper nō deerit uestiendus. Artatus demum clericus necessitate cōpulsus, iamq; felle cōmoto, ē proximis tabernis † bigerrigā uestem, breuē atq; hispīdā, quinq; comparatā argenteis, rapit, atq; ante Martini pedes iratus exponit. En, inquit, uestem, sed pauper hīc non est. Ille nihil motus, iubet eum paululū stare pro foribus, secretū utiq; procurans, dum sibi uestē nudus imponeret: totis uirib. elaborās, ut posset occultū esse quod fecerat. Sed quando in sanctis uiris latent ista, quærentib. uelint nolint cuncta producunt. Cum hac igitur oblaturus sacrificiū Deo ueste procedit. Quo quidem die (mira dicturus sum) cum iam altariū, sicut est solenne benediceret, globum ignis de capite illius emicare. ita ut in sublime cōtendens, longius collum crinemq; flāma produceret. Hoc licet celeberrimū factum in magna populi multitudine uiderimus, una tantum de uirginibus, & unus de presbyteris, tres tantum uidere de monachis: ceteri cur nō uiderint, non potest nostri esse iudicij. Per idem se

E re tempus

† uariēgatā diuersis coloribus uestem sic uocant Gal li.

re tempus, cum Euancius, auunculus meus, uir licet seculi negotijs occupatus, A 2
tamen admodū Christianus, grauissima egritudine extremo mortis periculo
cœpisset urgeri, Martinū aduocauit. Nec cunctatus ille properauit: prius ta-
men q̄ medium uiaē spacium uir beatus euolueret, uirtutē aduenientis senit
aegrotus: receptaq; continuo sanitate, uenientib. nobis obuiam ipse processit.
Altera die redire cupientē, magna prece detinuit. Cum interim unum ē fami-
lia puerum lethali ictu serpens perculit: quem iam exanimē iuuenem ipse E-
uancius suis humeris in latum ante pedes sancti uiri, nihil illi impossibile con-
fusus, exposuit, iamq; se malum serpentis per omnia membra diffuderat. Cer-
nentes omnibus uenis inflatam cutem, & ad utris instar tensa uitalia, Martinus
porrecta manu, uniuersa pueri membra pertractans, digitum prope ipsum
uulnuscum quo bestia uirus infuderat, fixit. Tunc uerò (mira dicturus sum)
uidimus uenenum ex omni parte reuocatum, ad Martini digitum cucurris-
se. Deinde per illud uulneris foramen, exiguum ita uirus serpsisse cum sangui-
ne, ut solet ex uberibus caprarum aut ouium, pastorum manu pressis, longa li-
nea copiosi lactis effluere. Puer surrexit incolumis, nos obstupescit tanto rei
miraculo, id quod ipsa cogebat ueritas, fatebamur, nō esse sub cœlo qui Mar-
tinum possit imitari. Consequenti itidem tempore iter facientes, cum eodem
diœceses uisitante agebamus: nobis ergo nescio qua necessitate remoranti-
bus, aliquantulum ille processerat. Interim per aggerem publicum plena mi-
litantibus uiris fiscalis rheda ueniebat: sed ubi Martinum in ueste hispida, ni-
gro & pendulo pallio circumtectū, contigua de latere iumenta uiderunt, pau-
lulum in partem alteram pauefacta hæserunt. Deinde funibus implicatis, pro-
tentos illos, quibus, ut sæpe uidistis, misera illa animalia conglobantur, ordi-
nes miscuerunt: dumq; ægrè expediuntur, moram fecere properantibus, qua
permoti iniuria milites, præcipitatis in terram saltibus se dederunt. Deinde
Martinum flagris ac fustibus urgere cœperunt, cum quidem ille mutus & in-
credibili patientia præbens terga cadentibus, maiorem insaniam infelicitibus
commoueret, magis ex hoc furentes, quod ille quasi non sentiens uerbera il-
lata contemneret. Nos illico consequuti, foedè cruentum, atque uniuersa cor-
poris parte laniatū, cum exanimis in terra procubisset, inuenimus, statimq;
eum asello suo imposuimus, ac locum cadis illius execrantes, raptim abire
properauimus. Interea illi regressi ad rhedam suam, furore satiati, agi quò ire
cœperant iumenta præcipiunt. Quæ cum solo omnia fixa, ac si ænea signa ri-
guissent, tollentibus altius uocem magistris, flagris hinc atque hinc reſonan-
tibus, nihil penitus mouebantur. Consurgunt deinde omnes pariter in uerbe-
ra, consumit galligas mularum pœnam mastigias. Tota rapitur sylua de pro-
ximo, trabibus iumenta tunduntur: sed nihil penitus sæuæ manus agebant,
uno atque eodem in loco stabant fixa simulacra. Quid agerent infelices homi-
nes nesciebant. Non iam ultrà dissimulare poterant, quin quamlibet brutis
pectoribus agnoscerent diuino numine se teneri. Tandem uerò in se regressi,
cœperunt quærere, quis ille esset quem in eodem loco antè paululum caci-
dissent: cum percunctantes cognoscunt ex uiantibus, Martinum à se tam cru-
deliter uerberatum. Tunc uerò apparere omnibus causa manifesta, nec igno-
rare iam poterant quin nobilis uiri iniuria tenerentur. Igitur omnes rapidis
nos passibus consequuntur, conscij ac meriti pudore confusi, flentes & pulue-
re, quo se ipsi foedauerant, caput atq; ora cōspersi, ante Martini se genua pro-
uoluunt, ueniam precantes, & ut eos abire sineret postulantes, satis se uel sola
conscientia dedisse pœnarum: satisq; intellexisse, quàm eosdem ipsos uiuos
absorbere terra potuisset, uel ipsi potius amissis sensibus in immobilem saxo-
rum naturam rigescere debuissent. sicut affixa locis quibus steterant iumenta
uidissent, orare se atq; obsecrare, ut indulgeret sceleri ueniam, & copiam præ-
staret

A staret abundi. Senferat etiam, priusquam adcurrerēt, uir beatus, illos teneri: nobisq; id antē iam dixerat: ueniam tamen clementer indulgit, eosdem abire permittit, animalib. restitutis. Illud autem animaduerti saepe Sulpiti, Martini ubi dicere solitum, nequaquā sibi Episcopatū eam uirtutū gratiam suppetisse, quam prius se habuisse meminisset, quod si uerum est, imoq; uerū est, conijcere possumus, quanta fuerunt illa quæ monachus operatus est, & quæ teste nullo solus exercuit, cum tanta illū in Episcopatu signa fecisse, sub oculis omnium uiderimus. Multa quidē illius gesta prius innotuere mundo, neq; potuerē celari: sed innumerabilia esse dicunt, quæ dum iactantiā uitat, occultat, neq; in hominū notitiā passus est peruenire: quippe qui humanā substantiā supergressus, uirtutis suæ consciētia mundi gloriā calcans, celans cœlo teste frueretur. Quod uerum esse, uel ex his quæ comperta nobis sunt, nec latere potuerunt, possumus aestimare. siquidē ante Episcopatū duos mortuos uitæ restituerit, quod liber tuus plenius est elocutus: in Episcopatu uerō, quod prætermisisse te miror, unum tantūmodo suscitauerit. cuius rei ego testis sum, si tamen nihil de minus idoneo teste dubitatis, id ipsum aut uobis, qualiter gestū sit, explicabo. Fuerat causa nescio quæ, qua Carnotū oppidū petebamus, interea dū uicū quendā habitantiū multitudinē frequentissimū præterimus, obuiā nobis immanis turba processit, quæ erat tota gentiliū, nam nemo in illo uico nouerat Christianū, uerū ad famam tanti uiri campos omnes latē patentes confluentiū multitudo cōtexerat. Sensit hīc Martinus operandū, & annūciante sibi spiritus totus infremuit: nec mortale sonans uerbū Dei gentilib. prædicabat: sæpius ingemiscens, cur tanta Dominū Saluatorē turba nesciret. Interea sicut nos incredibilis circūdederat multitudo, mulier quædā, cuius filius paulo antē defecerat corpus, exanimū beato uiro protensis manib. cœpit offerre, dicens: Scimus quia amicus Dei es, restitue mihi filiū meū, quia unicus est mihi. iunxit se cetera multitudo, & matris precib. acclamat. Tunc Martinus, uidēs pro expectantiū salute, ut postea nobis ipse dicebat, cōsequi se posse uirtutē, defuncti corpus proprijs manib. accepit: & cum, expectantib. cunctis, genua flexisset, ubi cōsummata oratione surrexit, uiuificatū paruulum matri restituit. Tūc uerō multitudo omnis in cœlum clamore sublato, Christū Dominū fateri: postremū cuncti cateruatim ad genua beatī uiri ruere cœperūt, fideliter postulantes, ut eos faceret Christianos: nec cunctatus, in medio ut erat campo, cunctos imposita uniuersis manu catechumenos fecit, cum quidē ad nos conuersus diceret, nō inrationabiliter in campo catechumenos fieri, ubi solent martyres cōsecrari. Vicisti, inquit Posthumianus, Galle, uicisti: nō utiq; me, qui Martini sum potius adsertor, & qui hæc omnia de illo uiro & sciui semper, & credidi: sed eremitas omnes, anachoretasq; uicisti. Nemo enim illorum, sicut Martinus hīc uester, imò noster, mortib. imperauit. meritoq; hunc iste Sulpitius apostolis cōparat et prophetis: quē per omnia illis esse consimilē, fidei uirtus, ac uirtutū opera testant. Sed perge quæso, quanquā nihil magnificentius audire possimus, perge tamen Galle, quod etiam nunc de Martino supere est sermonis euoluere. nam etiam minīma illius, & cotidiana, animus festinat agnoscere: quia minīma illius, aliorū maximis maiora esse, nulli dubiū est. Ita faciam, Gallus inquit. Verū id quod dicturus sum, ipse nō uidi: prius enim gesta res est, q̄ me illi uiro iungerē. Sed factum celebre est, fideliū fratrum, qui interfuerāt, sermone uulgatū. Eodē ferē tempore, quo primū episcopus datus est, fuit ei necessitas adire comitatū. Valērianus tum maior rerū potiebat. is cum Martinū ea petere cognouisset, quæ præstare nolebat, iussit eum palatij foribus arceri. etenim ad animū illius immittē ac superbū uxor accesserat Ariana, quæ totū illum a sancto uiro, ne ei debitā reuerentiā præstaret, auerterat. Itaq; Martinus, ubi semel atq; iterū superbū principē adire tentauit, recurrit ad no-

ta præsidia, cilicio obuoluitur, cinere conspergitur, cibo potuq; abstinet, orationibus diebus noctibusq; perpetuat. Septimo uero die astitit ei angelus, iubet eum ad palatium ire securum, regias fores quolibet clausas sponte reuerſas, imperatoris spiritum superbum molliendum. Igitur istiusmodi præsens angeli confirmatus alloquio, & fretus auxilio, palatium petit. Patent limina, nullus obſtitit, postremo usq; ad regem nemine prohibente peruenit. Qui cum uenientem eminus uideret, infrendens, cur fuisset admissus: nequaq; assurgere est dignatus astanti, donec regiam sellam ignis operiret, ipsumq; regem ea parte corporis qua sedebat, adflaret incendium. Ita solio suo superbus excutitur, & Martino inuitus assurgit: multumq; complexus, quem spernere ante decreuerat, uirtutem se sensisse diuinam emendatior fatebatur: nec expectatis Martini precibus, prius omnia præsstitit, q̃ rogaretur. Colloquio illum atq; conuiuio frequenter adſciuit: postremo abeunti multa munera obtulit, quæ uir beatus, ut semper paupertatis suæ custos cuncta reiecit. Et quia palatium semel ingressi sumus, licet diuersis in palatio temporibus gesta cōnectam, Nequaq; enim pretermittendū uidetur, circa Martini admirationē, reginæ fidelis exemplum. Maximus imperator temp. gubernabat, uir omni uita meritò prædicandus, si ei uel diadema nō legitime, tumultuante milite impositum repudiare, uel armis ciuilibus abstinere licuisset. sed magnum imperiū nec sine periculo renui, nec sine armis potuit teneri. Hic Martinū sapius euocatum, receptumq; intra palatium, uenerabiliter honorabat: totus illi cū eo sermo de præsentibus, de futuris, de fidelium gloria, de æternitate sanctorū, cum interim diebus ac noctib. de ore Martini regina pendebat, euangelico illi nō inferior exēplo, pedes sancti fletu rigabat, crine tergebat. Martinus, quem nulla unq; fœmina contigisset, istius assiduitatē, imò potius seruitutē non poterat euadere, non illa opes regni, non imperij dignitatem, non diadema, non purpurā cogitabat: diuelli à Martini pedibus solo strata, nō poterat. postremo à uiro suo poposcit, deinde Martinū uterq; cōpellunt, ut ei remotis omnib. ministris, præberet sola cōuiuium, nec potuit uir beatus obstinatius reluctari. Cōponit castus reginæ manib. apparatus: sellulā ipsa cōsternit, mensam admouet, aquā manib. subministrat: cibū, quē ipsa coxerat, apponit. ipsa, illo sedēte, eminus secundū famulantium disciplinā solo fixa cōsistit immobilis, per omnia ministrantis modestiā, & humilitatē exhibēs seruientis, miscuit ipsa bibituro, & ipsa porrexit. Finita coenula, fragmēta panis assumpti, micascq; collegit, satis fideliter illas reliquias imperialis epulis antepōnēs. Beata mulier, tantę pietatis affectu illi meritò cōparanda quę uenit à finib. terre, audire Solomonē, siquidē simplicē sequamur historiam: sed fides reginarū est cōferenda, quod mihi liceat separata mysterij maiestate dixisse. Illa expetiit sapientē: ista non tantū audisse cōtenta, sed & meruit seruire sapiēti. Ad hæc Posthumianus: Iam dudū, inquit, Galle audiēs te loquentem, uehemēter admiror reginæ fidē: sed illud ubi est, q̃ nulla unquam fœmina ferebatur propius assistere Martino: Ecce ista regina non solum astitit, sed etiam ministravit. Et uereor, ne isto aliquantulū se tueantur exemplo, qui libenter fœminis inserunt. Tunc Gallus: Quid tu, inquit, nō uides quod solent docere grāmatici, locum, tempus, personam: Prope ne enim tibi, ante oculos captum in palatium Imperatoris precib. ambire, & reginæ fide cogi, tēporis necessitate constringi, ut clausos carcere liberaret, exilijs datos restitueret: Hæc quanti putes constare episcopo debuisse, ut pro his omnibus nō aliquantulum de rigore propositi relaxaret: Veruntamen quia occasione huius exempli male usuros esse aliquos arbitraris, illi uero felices erūt, si à disciplina exēpli istius uiri non recedāt. Videāt enim, quia Martino semel tantū in uita, iam ipso sancto septuagenario, nō uidua libera, nō uirgo lasciuiēs, sed sub uiro uiuēs, ipso uiro pariter supplicante, regina seruiuit & ministravit. Hæc edenti, non cum
epulante

epulante discubuit: nec causa participare conuiuio, sed deferebat obsequium. Disce igitur disciplinam: seruiat tibi matrona, non imperet: & seruiat, non recumbat: sicut Martha illa ministravit Domino, nec tamen est ascita conuiuio: imò praelata est ministranti, quæ uerbum potius audiebat. Sed in Martino ista regina utrunq; compleuit: & ministravit, ut Martha: & audiuit, ut Maria. Quod si quis uti uoluerit exemplo, per omnia teneat exemplū: talis causa sit, talisq; persona, tale obsequium, tale conuiuium, & in omni uita semel tantum. Præclare, inquit Posthumianus, nostros istos, ut Martini non egrediantur exemplum, tua constringit oratio: sed profiteor tibi, quia hæc surdis auribus audientur. Nam si Martini sequeremur uias, nunquam causas de osculo dicere mus, & uniuersis obscenæ opinionis opprobrijs careremus. Verum sicut tu soles dicere, cum edacitatis argueris, Galli sumus: ita nos in hac parte nunq; uel Martini exemplo, uel tuis disputationibus corrigendos fatemur. Verum tamen hæc nobis iamdudum agentibus, quid tu tam obstinatè Sulpiti taces? Ego, inquit, nō solum modò taceo, sed olim de istis tacere disposui. Nam quia quandam uiduam uagam, nitidulam, sumptuosam obiurgauerim, lasciuius uisitantem: itidemq; uirginem adolescenti cuidam mihi charo indecentius adhærentem, cum quidem ipsam frequenter audissem, alios etiam qui talia agerent increpantem: tanta mihi omnium foëminarū, cunctorum monachorum odia concitauit, ut aduersus me utraq; legiones iurata bella susciperent. Vnde quæso taceatis, ne etiam hoc quod uos loquimini, ad meam referatur inuidiam: tota uobis istorum mentio relinquatur: ad Martinum potius reuertamur. Tu Galle, ut aggressus es, coeptū opus explica. Tunc ille: iam quidem uobis, inquit, tanta narraui, ut satisfacere studijs uestris meus sermo debuerit: sed quia uoluntati uestre non obsecundare mihi non licet, quantum adhuc diei superest, loquar. Nam certè dum stramē illud quod in lectos nostros paratur, aspicio, subuenit in memoriam etiam de stramine in quo Martinus iacuerat, factam esse uirtutem. Res ita gesta est. Gaudiomacus uicus est in confinio Bituricum atq; Tironorum, ecclesia ibi est celebris religione sanctorum, nec minus gloriosa sacrarum uirginum multitudine. præteriens ergo Martinus, in secretario ecclesiæ habuit mansionem. Post discessum illius, cunctæ in secretarium illud uirgines irruerunt, adlambunt singula loca, ubi aut federat uir beatus, aut steterat, stramentum etiam in quo quieuerat, partiuntur. Vna earum post dies paucos partem straminis, quam sibi pro benedictione collegerat, in energumino, quem spiritus erroris agitabat, de ceruice suspendit. Nec mora, dicto citius eiecto dæmone, persona purgata est. Per idem ferè tempus reuertente Martino à Treueris, fit obuia uacca, quam dæmon agitabat: quæ relicto gressu suo, in homines ferebatur, & iam multos noxiè petula confoderat: uerum ubi nobis coëpit esse contigua, hi qui eam eminus sequebantur, prædicere magna uoce coeperunt, ut caueremus. Sed postquam ad nos toruis furibūda luminibus propius accessit, Martinus eleuata obuiam manu, pecudem consistere iubet. quæ mox ad uerbum illius stare coëpit immobilis. Cum interea uidet Martinus, dorso illius dæmonem supersedentem, quem increpans: Discede, inquit, funeste, de pecude, & innoxium animal agitare desiste. Paruit nequam spiritus, & recessit. Nec defuit sensus in bucula, quin se intelligeret liberatam, ante pedes sancti recepta quiete prosternitur: deinde iubente Martino, gregem suum petit, seq; agmini ceterarum oue placidior immiscuit. Hoc illud fuit tempus, quo inter medias flammās positus, nō sensit incendiū, quod mihi non arbitror esse referendum, quia hoc plenius iste Sulpitius, licet in libro suo præteritum, in epistola tamē postea, quam ad Eusebium, tunc presbyterum, modò episcopum, fecit, exposuit: quam tu Posthumiane, ut credo, legisti: aut si incognita tibi est, cum libuerit, in promptu ex illo armario habes. nos

ab illo omiſſa referimus. Quodam autem tempore, dum diœceſes circum-
 iret, uenantium agmen incurrimus. Canes leporem ſequébantur, iamq; mul-
 to ſpacio uicta beſtiola, cum undiq; cãpis latè patentibus nullũ eſſet effugium,
 mortem imminentem iam iamq; capienda crebris flexibus differebat, cuius
 periculum uir beatus pia mente miſeratus, imperat canibus ut deſiſterent ſe-
 qui, & ſinerent abire fugiẽtem, qui continuo ad primum ſermonis imperium
 conſtiterunt. Crederes uinctos, imò potius affixos in ſuis hæere uestigijs; ita
 lepuſculus perſequentoribus alligatis, incolumis euasit. Operaprecium au-
 tem eſt etiam familiaria illius uerba, ſpiritali ſale condita memorare. Quem re-
 cens tonſam fortè conſpexerat: Euangelicum, inquit, mandatum iſta comple-
 uit, duas habuit tunicas, unam earum largita eſt non habẽti, ita ergo & uos fa-
 cere debetis. Item cum ſubulcum algẽtem, ac penè nudum in pellicea ueste ui-
 diſſet, En, inquit, Adam eiectus de paradifo, in ueste pellicea ſues paſcit: ſed
 nos illo uetere deſiſſo, qui adhuc in iſto manet, nouum Adam potius indua-
 mus. Boues ex parte prata depauerant, porci etiam nonnulla ſuffoderant:
 pars cætera quæ manebat illæſa, diuerſis floribus quaſi picta uernabat. Spe-
 ciem, inquit, gerit pars illa coniugij, quæ pecore depaſta, & ſi non penitus gra-
 tiam amiſit herbarum, nullã tamen florum retinet dignitatem: illa uerò quam
 porci, pecora immunda, foderunt, fornicationis imaginem foedam præſendit:
 cæterum illa portio quæ nullam ſenſit iniuriã, gloriã uirginitatis oſtendit,
 herbis foecũda luxuriat, foeni in ea fructus exuberat, & ultra omnem ſpeciem
 diſtincta floribus, quaſi gẽmis micantibus ornata radiat. Beata ſpecies & Deo
 digna: nihil enim uirginitati eſt comparandum. Ita & illi qui coniugia forni-
 cationi comparant, uehementer errant: & illi qui coniugia uirginitati æquan-
 da æſtimant, miſeri penitus & ſtulti ſunt. Verum hæc à ſapiẽtibus tenenda di-
 ſtinctio eſt, ut coniugium pertineat ad ueniam, uirginitas ſpectat ad gloriã:
 fornicatio deputetur ad pœnam, niſi ſatisfactione purgetur. Miles quidam
 cingulum in eccleſia, monachum profeſſus, abiecerat: cellulam ſibi eminũ in
 remoto, quaſi eremita uiſiturus, erexerat: interea aſtutus inimicus uarijs cogi-
 tationibus brutum pectus agitabat: & cõiugem ſuam, quam Martinus in mo-
 naſterio puellarum eſſe præceperat, uoluntate mutata ſecum potius uellet ha-
 bitare. Adiit ergo Martinum fortis eremita, quid haberet animi conſitetur: il-
 le uerò uehementer abnuere, foeminam uiro rurfus, iam monacho, non meri-
 to incongrua ratione miſceri, poſtremò cum miles inſtaret, affirmãs nihil hoc
 proſiſſo eſſe nociturum, ſe ſolo coniugis uti uelle ſolatio: porrò, ne rurfus ſe
 in ſua reuoluerent, non eſſe metuẽdum: ſe eſſe militem Chriſti, illam quoq; in
 eadem militiæ ſacramenta iuraſſe: pateretur episcopus ſanctus, & ſexum fidei
 meritò nescientes pariter militare. tunc Martinus: Verba uobis ipſa dicturus
 ſum, dic mihi, inquit, ſi unquam in bello fuiſti, ſi in acie cõſtituiſti: At ille reſpon-
 dens: Frequenter, inquit, in acie ſteti, & bello frequẽter interfui. Ad hæc Mar-
 tinus: Dic mihi ergo, nunquid & in illa acie quæ armata in prælio parabatur,
 aut iam aduerſus hoſtilem exercitum collocato cominus pede, diſtincto enſe
 pugnabas, ullam foeminam ſtare aut pugnare uidiſti: Tunc demum miles con-
 fuſus erubuit, gratias agens, errori ſuo ſe non fuiſſe permiſſum: nec aſpera in-
 crepatione uerborum, ſed uera & rationabili ſecũdum perſonam militis com-
 paratione correctum. Martinus autem conuerſus ad nos, ſicut eum frequens
 fratrum turba uallauerat: Mulier, inquit, uiroꝝ caſtra non adeat, acies mili-
 tum ſeparata conſiſtat, procul foemina in ſuo degens tabernaculo ſit remota.
 contemptibilem enim reddit exercitum, ſi uiroꝝ cohortibus turba foemi-
 nea miſceatur. Miles in acie, miles pugnet in cãpo: mulier ſe intra murorum
 munimenta contineat, habet & illa gloriã ſuam, ſi pudicitiam uiro abſente
 ſeruauerit: cuius hæc prima uirtus, & conſummata uictoria eſt, non uideri.

Illud

A Illud uerò Sulpiti, meminisse te credo, quo affectu nobiscum & tu coram adestes, illam uirginem prædicari, quæ ita se penitus ab omnium uiro-
rum oculis remouisset, ut ne ipsum quidem ad se Martinum, cum eam ille officij causa uisitare uellet, admisisset. Nam cum præter agellum illius præteriret, in quo se iam antè complures annos pudica cohibebat, audita fide illius, atq; uirtute, diuertit, ut tam illustris meritum puellæ religioso officio episcopus honoraret. Nos consequentes, gauisuram illam uirginem putabamus: siquidem hæc in testimonium uirtutis suæ esset habitura, ad quam tanti nominis sacerdos, deposito proposito rigore uenisset. Verum illa fortissimi uincula propositi, ne Martini quidem contemplatione laxauit. Ita uir beatus accepta per aliam foeminam excusatione laudabili, ab illius foribus, quæ uidendam se salutandamq; non dederat, letus abscessit. O uirginem gloriosam, quæ ne à Martino quidem passa est se uideri. ô Martinum beatum, qui illam repulsam non ad contumeliam suam duxit: sed magnificans illius cum exultatione uirtutem, inusitatum in his dumtaxat regionibus gaudebat exemplum: Ergo cum haud longè ab illa uillula nos manere nox imminens coegisset, xenium beato uiro eadem illa uirgo trans-misit: fecitq; Martinus quod antea non fecerat: nullius enim ille unquam xenium, nullius munus accepit, nihil uerò ex his quæ uirgo uenerabilis miserat refutauit, dicens, benedictionem illius à sacerdote minimè respuendam, quæ esset multis sacerdotibus præferenda. Audiant queso uirgines istud exemplum, ut fores suas, si eas malè obsidere uoluerint, etiam bonis claudant: & ne ad se improbis sit liber accessus, non uereantur excludere etiam sacerdotes. Totus hæc mundus audiat: uideri se à Martino uirgo nō passa est, nō utiq; illa quem-
B cunq; à se repulit sacerdotē: sed in eius uiri conspectum puella nō uenit, quem uidere salus uidentium fuit. Quis autem hoc alius præter Martinum sacerdos, non ad suam iniuriā retulisset: quos aduersum sanctā uirginem motus, quantasq; iras mente concepisset: hæreticam iudicasset, & anathema esse decreuisset. Quam uerò illi beatæ animæ illas uirgines prætulisset, quæ crebris occur-sibus ubiq; se præbent obuias sacerdoti, quæ conuiuia sumptuosa disponunt, quæ unā pariter accumbunt. Sed quò me ducit oratio? paululum iste liberior sermo reprimendus est, ne in aliquorum forsitan incurrat offensam. Etenim infidelibus obiurgationis uerba non proderunt, fidelibus autem satisfaciet exemplum. uerum ego ita uirtutem huius uirginis prædicabo, ut tamen nihil illis quæ ad Martinum uidendum ex longinquis regionib. saepe uenerunt, arbitrer derogandum: siquidem hoc beatum uirum frequenter affectu etiam angeli frequentarint. Caterum id quod dicturus sum Sulpiti, hoc te (me autem intueatur) teste rectè perhibeo. Quadam die, ego & iste Sulpitius pro foribus illius accubantes, iam per aliquot horas cum silentio sedebamus, ingenti horrore & tremore, ac si ante angelî tabernaculum manentes, excubias duceremus: cum ipse quidem clauso cellulae suo ostio, nos ibi esse nesciret. Interim colloquentium murmur audiuius, & mox horrore quodam circumfundimur, ac obstupescences nec ignorare potuimus, nescio quid fuisse diuinum. Post duas ferè horas ad nos Martinus egreditur, ac tunc eum iste Sulpitius (sicut apud eum nemo familiarius loquebatur) cœpit orare, ut perquirentibus indicaret, quid illud diuini fuisset horroris, quod fatebamur nos ambo sensisse, uel cum quibus fuisset in cellula collocutus: Tenuem enim nos licet, & uix intellectum sermocinatum sonum pro foribus audisse. Tunc ille diu multumq; cunctatus, sed nihil erat quod ei Sulpitius non extorqueret inuito, incredibilia fortè dicturus sum, sed Christo teste non mentior: nisi quisquam est tam sacrilegus, ut Martinum aestimet fuisse mētītum. Dicam, inquit, uobis, sed uos queso nulli dicatis: Agnes, Thecla, & Maria mecum fuerunt, referebat autem nobis uultum atq; habitum singularū. Nec uerò illo tantum die, sed frequenter
se ab eis

se ab eis confessus est uisitari: Petrum etiam & Paulum apostolum uideri à se sapius, nō negauit. Iam uerò dæmones, prout ad eum quisquam uenisset, suis nominibus increpabat. Mercurium maximè patiebatur infestum; louem, brutum atq; hebetem esse dicebat. Hæc plerisq; in eodem etiam monasterio constitutis incredibilia uidebātur: necdum ego confidā omnes, qui hæc audient, credituros. Nam nisi inæstimabilem uitam atq; uirtutem Martinus egisset, nequaquam apud nos tanta gloria præditus haberetur: quanquam minimè mirum, si in operibus Martini infirmitas humana dubitauerit: cum multos hodieq; uideamus, nec Euangelij quidem credidisse. A Martino autem sæpe angelos uisos familiariter, & lensimus, & experti sumus. Rem minimam dicturus sum, sed tamen dicam. Apud Nemausum episcoporum synodus habebatur, ad quam quidem ire noluerat: sed quid gestum esset, scire cupiebat. Casu cum eò iste Sulpitius nauigabat: sed procùl, ut semper, à cæteris in remota nauis parte residebat. Ibi ei angelus, quid gestū esset in synodo, nūciauit. Nos postea tempus habiti concilij sollicitè requirentes, satis compertum habuimus, ipsum diem fuisse conuentus, & ea ibi ab episcopis fuisse decreta, quæ Martino angelus nūciauit. Hæc cum maximè Gallus, nec dum explicitis quæ statuerat referre, loqueretur, puer familiaris ingressus est, nūcians, Refrigerium presbyterū stare pro foribus. Dubitare cœpimus, utrum Gallum adhuc esset melius audire: an exoptatissimo nobis uiro, qui officij causa ad nos ueniebat, occurrere. Tunc Gallus, Etiam si non ob aduentum sanctissimi sacerdotis relinquenda nobis hæc esset oratio, nox ipsa cogebat, hucusq; pertractum finire sermonem. Verum quia de Martini uirtutibus nequaquam explicari uniuersa potuerunt, hæc uos hodie audisse sufficiat, cras reliqua dicemus. Ita pariter accepta hac Galli sponsione, surreximus.

DIALOGVS TERTIVS, ADHVC

Gallo narrante.



Vcescit ô Galle, surgendum est. nam ut uides, & Posthumianus instat, & hic presbyter, qui hesterno auditorio admissus expectat, ut quæ de Martino nostro in hodiernum diem explicanda distuleras, debitor sponsionis euoluas. Non ignarus quidem iste omnium quæcuncq; memoranda sunt, sed dulcis & grata cognitio est etiam notare legenti, si quidem natura ita comparatum sit, ut meliore quis conscientia se nosse congaudeat, quæ multorum testimonijs non esse incerta cognoscat. Nam & hic à prima adolescentia Martinū secutus, nouit quidem omnia, sed libenter cognita recognoscit. fateor enim tibi Galle, Martini mihi sapius auditas esse uirtutes: quippe qui de eo etiam literis multa mandauerim, sed per gestorum admirationē semper mihi noua sunt, quæ de illo licet audita sapius reuoluunt. proinde additū nobis Refrigerium auditorē eo impensius gratulamur, quo promptius Posthumianus iste, qui hæc Orienti inferre festinat, quasi sub testibus consignatam abs te accepturus est ueritatem. Hæc me loquente, Gallo iam ad narrandum parato, irruit turba monachorum: Euagrius presbyter, Aper, Sebastianus, Agricola. & post paululū ingreditur presbyter noster Etherius, cum Calypione diacono, & Amatore subdiacono. Posterior Aurelius presbyter dulcissimus, magis longiore uia ueniens, anhelus cucurrit. Quid uos inquam, tam subito & insperati, tam ex diuersis regionibus, tam manē concurritis? Nos, inquiunt, hesterno cognouimus, Gallum istum per totā diem, Martini narraſſe uirtutes: & reliqua in hodiernum diem quia nox oppreſſerat, distulisse: propterea maturauimus frequēs auditorium facere, tantā materiam locuturo. Interea nunciatur, multos seculariū stare pro foribus. nec ingredi audentes, sed ut admitterent orantes. Tunc Aper: Nequaquam istos, inquit, nobis admisceri conuenit, quia ad audiendum curiositate potius

A potius quàm religione uenerunt. Confusus ergo illorum uice, quos nō admittendos esse censebat; ægrè tandem obtinui, ut Eucherii ex uicarijs, & Celsum admitterem consularem; ceteri sunt repulsi. Tunc Gallum mediā in sede componimus, qui cum diu nobili sua uerecūdia silentium tenuisset, tandem ita exorsus est. Conuenistis, inquit, ad me audiendū, & sancti & disertī, sed religio sas potius, quàm doctas aures, uti arbitror, attulistis, audituri me, fide teste, nō orationis copīa locuturū. Quæ autem hesternō dicta sunt, non reuoluam; illa qui non audierunt, ex scriptis recognoscent. Noua Posthumianus expectat, nunciaturus Orienti, ne se in cōparatione Martini præferat Occidentī, ac primū gestit animus, quod Refrigerius in aurem suggerit, explicari. Res in Carnotena gesta est ciuitate. Pater filiā duodecennē ab utero mutā puellam, Martino cōpīt offerre, poscēs, ut linguā ligatā meritis suis sanctus absolueret. Ille cedens episcopis, qui tum fortē latus illius ambiēbant, Valentiniano atq; Victricio; imparem se esse tantæ molī, sed illis quasi sanctioribus nihil impossibile fatebatur. At illi pias preces unā cum patre supplicī uoce iungentes, orare Martinum, ut sperata præstaret; nec cunctatus ultrā, utrumq; præclarū, & ostendendo humilitatem, nec differendo pietatem, iubet circumstantis populi multitudines submoueri: episcopis tantum & puellæ patre assistentibus, in oratione suo illo more prosternitur. Deinde pusillum olei cum exorcismi præfatione benedicit, atq; ita in os puellæ sanctificatū liquorem, cum & linguam illius digitis teneret, infudit. Nec fefellit sanctum uirtutis euentus. Patris nomen interrogat: mox illa respondit, proclamat pater cum gaudio pariter & laachrymis, Martini genua cōplexus, & hanc primam se filiæ audisse uocem cum

B ctis stupentibus fatebatur. Ac ne cuiquam id incredibile fortē uideatur, perhibebat nobis præsens Euagrius testimoniū ueritatis. nam res ipso præsentē tunc gesta est. Parum illud est quod nuper Harpagio presbytero referente cognoui, sed non prætermittendū uidetur, Auiciāni comitis uxorem misisse oleum, quod ad diuersas morborū causas necessarium (sicut est consuetudo) benediceret; ampullam uitream istiusmodi fuisse, ut rotunda in uentrem cresceret, ore producta, sed omnis extantis concauū non repletū, quia id moris sit uascula complere, ut pars umbonibus obstruendis libera relinquatur. Testabatur presbyter, uidisse se oleum sub Martini benedictione creuisse, quod ab exundante copīa supernē deflueret; eandemq; dum ad matrem familiās uasculum referret, seruasse uirtutem. Nam intra manus pueri portantis ita semper exundasse oleum, ut omne illius uestimentū copīa superfusi liquoris operīret, matronam ita usq; ad summū labrum plenum uasculū recepisse, ut perhibeat, hodieq; fateatur, obdendi pelsuli, quo claudī diligentius seruanda cōsueuerunt, in uitro illo spacium non fuisse. Mirum & illud quod huic (me autem intuebatur) meminī cōtigisse. Vas uitreum cum oleo, quod Martinus benedixerat in fenestra paululum editiore deposuit; puer familiaris incautior linteum superpositum, ampullam ubi esset ignarus, attraxit: uas super constratum marmore pauimentum decidit, cunctis metu exterritis, ne benedictio deperisset, ampulla perinde incolumis est reperta, ac si super plumas mollissimas decidisset. Quæ res non potius ad casum, quàm ad Martini est referēda uirtutē, cuius benedictio perire non potuit. Quid illud, quod factum est à quodam, cuius nomen quia præsens est, & prodisse uetuit, supprimetur: cui quidem tempori hic etiam Saturninus interfuit. Canis nobis importunior oblatrabat. In nomine, inquit, Martini iubeo te obmutescere, canī adhæsit latratus in gutture, linguam ut abscissam putares: obmutuit, ita parum est, ipsum Martinū fecisse uirtutes. Credite mihi, quia etiam alij in nomine eius multa fecerunt. Auiciāni quondam comitis noueratis barbaram nimis, & ultra omnes cruentam feritatem, hic rapido spirītu ingressus Turonum ciuitatē, sequentibus cum mi-

F ferabili

serabili facie ordinibus catepatis. diuersa perdendis pacari iubet genera poenarum, disponens postera die attonita ciuitate ad opus tam triste procedere. Quod ubi Martino compertum est, solus paulo ante mediam noctem ad pretorium bestiae illius tendit. Sed cum profundae noctis silentio quiescentibus, cunctis, nulli foribus obferatis pateret ingressus, ante limina cruenta prostermitur: interea Auicianus graui somno sepultus, angelo ingruente percellitur. Seruus, inquit, Dei ad tua limina iacet, & tu quiescis? Qua ille uoce percepta, lecto suo turbatus excutitur: conuocatisque seruis trepidus exclamat, Martinum esse pro foribus irent protinus, claustra referarent, ne Dei seruus pateretur iniuriam. Sed illi, ut est omnium natura seruorum, uix prima limina egressi, irridentes dominum suum, quod somno fuisset illusus, negant quenquam esse pro foribus: ex suomet ingenio coniectantes, neminem nocte posse uigilare: nedum illi crederent, in illo noctis horrore iacere ante aliena limina sacerdotem: idque Auicianus facile persuasus, rursus soluitur in soporem. Sed mox ui maiore concussus, exclamat Martinum stare pro foribus, sibi ideo nullam quietem animi corporisque permitti. Tardantibus seruis, ipse usque ad limina exteriora progreditur, ibi Martinum ut senserat deprehendit. Percussus miser tantae manifestatione uirtutis: Quid, inquit, mihi haec domine fecisti: nihil loqui te necesse est, scio quid desideres, uideo quid requiras: discede quantocyus ne me ob iniuriam tuam coelestis ira consumat: satis soluerim hucusque poenarum. Crede, quia non leuiter apud me actum est, ut ipse procederem. Post discessum autem sancti, aduocat officiales suos, iubet omnes custodias relaxari, & mox ipse proficiscitur: ita fugato Auiciano, laetata est ciuitas, & liberata. Haec cum multis Auiciano referente compta sunt: tum nuper Refrigerius presbyter, quem coram uidetis, ab Agarido fidei uiro, ex tribunis, sub inuocatione diuinae maiestatis audiuit, qui sibi hoc ex ipso Auiciano relatum esse iurabat. Caterum nolo mirari, me hodie facere, quod hesterno non feci, ut ad singulas quasque uirtutes nomina testium personasque subnectam: ad quas si fuerit incredulus, quia adhuc in corpore sunt, recurat. Exigit id infidelitas plurimorum, qui in aliquibus, quae hesterno memorata sunt, nutare dicunt. Accipiant ergo testes adhuc incolumes atque uiuentes, quibus quia de fide nostra dubitant, magis credant. Sed si adeo infideles sunt, profiteor quia nec illis sunt credituri: miror autem quenquam, qui uel tenuem sensum religionis habeat, tantum piaculi uelle committere, ut putet quenquam de Martino posse mentiri. Facessat a quoquam, qui sub Deo uiuit, ista suspicio. neque enim Martinus hoc indiget, ut mendacis asserat: sed tamen totius sermonis fidem apud te Christe depromimus, nos nec alia dixisse, nec alia dicuros, quam quae & ipsi uidimus, & quae manifestis autoribus, uel plerumque ipso referente, cognouimus. Ceterum etsi dialogi speciem, quoad releuandum fastidium lectio uariaret, assumpsimus, nos pie prestare profiteamur historiae ueritate. Haec me extrinsecus inferere, nonnullorum incredulitas, non sine meo dolore compulerit. Sed redeat ad nostrum sermo consensus, in quo cum me tam studiose audiri uideam, fateor necesse est Aprum fecisse constanter, qui repulit infideles: eos tantum iudicans audire debere, qui crederent. Efflor siquidem praeditus spiritu, & praedolore totus insanio. non credent Martini uirtutibus. Christiani, quas demones fatebantur: monasterium beati uiri duobus a ciuitate erat milibus disparatum: sed si quotiens uenturus ad ecclesiam, pedem extra cellulae suae limen extulerat, uideres per totam ecclesiam inergumenos rugientes, & quasi adueniente iudice agmina damnanda trepidare, ut aduentum episcopi clericis, qui uenturum esse nescirent, demoniorum gemitus indicaret. Vidi quendam appropinquante Martino in aera raptum, manibus, extensis in sublime suspensi, ut nequaquam solum pedibus, attingeret. Si quando autem exorcizandorum demonum Martinus operam receperisset, neminem manibus, attrahabat, neminem sermonibus, increpabat, sicut

A sicut plerumque per clericos rotas turbo uerborum: sed ad motis in ergumenis, ceteros iubebat abscedere, ac foribus obseratis in medio ecclesiae cilicio circumtectus, cinere respersus, solo stratus orabat. Tunc uero cerneret miseros diuerso exitu perurgeri, hos sublati in sublime pedibus quasi de nube pendere, ne tamen uestis deflueret super faciem, ne faceret uerecundiam nudata pars corporum. At in parte alia uideres sine interrogatione uexatos, & sua crimina confitentes: nomina etiam nullo interrogante prodebant, ille se Iouem, iste Mercurium fatebatur. Postremo cunctos diaboli ministros cum ipso cerneret auctore cruciari, ut iam in Martino illud fateamur impletum, quod scriptum est: Quonia sancti de angelis iudicabunt. Pagum quendam in Senonico annis singulis grando uastabat. compulsi externis malis incolae a Martino auxilium poposcerunt, missa per Auspiciu praefectoriu uirum satis fida legatione, cuius agros specialiter grauior quam ceterorum adsueuerat procella populari. Sed facta ibi oratione, Martinus ita uniuersam penitus liberauit ab ingruenti peste regionem, ut per triginta annos, quibus postea mansit in corpore, grandinem in illis locis nemo pertulerit. Quod ne fortuitum esse, & non potius Martino praestitum putares, eo anno quo ille defunctus est, rursus incubuit rediuita tempestas, adeo sensit & mundus uiri fidelis excessum, ut cuius uita iure gaudebat, etiam eiusdem mortem lugeret. Ceterum si ad haec probanda, quae diximus, testes infirmior auditor exegerit, non unum ego hominem, sed multa milia producam, & totam in testimonium uirtutis ex parte Senonum aduocabo regionem. Et tamen tu Refrigerii presbyter, credo meministi, nuper nobis super hoc cum Romulo Auspicii illius filio, honorato & religioso uiro, fuisse sermonem: qui haec nobis tanquam incomperta referebat, & cum futuris prouentibus per assidua damna trepidaret, ut ipse uidisti, magno secum moerore lugebat, Martinum non in haec tempora reseruatum. Sed ut ad Auicianum recurram, qui cum in omnibus locis cunctisque urbibus ederet crudelitatis suae infanda monimenta, Turonis tantum innocens erat. Et illa bestia, quae humano sanguine, & infeliciu morte alebatur, mitem se atque tranquillum beato uiro praesente praestabat. Memini quodam die ad eum uenisse Martinum, qui ubi secretarium eius ingressus est, uidit post tergum ipsius daemone mirae magnitudinis assidentem, quem eminus ut uerbo (quia necesse est) parum Latine loquamur, exufflans, Auicianus se exufflari existimans, Quid me (inquit) sancte sic aspicias? Tunc Martinus: Non te, inquit, sed eum qui ceruici tuae teter incubuit. Ita recessit diabolus, & reliquit familiare subsellium. satisque constat, ab illo die Auicianum mitiorem fuisse: seu quod intellexerit, egisse se semper adstantis sibi diaboli uoluntatem: seu quod immundus spiritus ab illius consensu per Martinum fugatus, priuatus est potestate grassandi, cum erubesceret minister auctoritatem, nec [†] magistrum auctor urgeret. In uico autem Ambatiensi, id est castello ueteri, quod nunc frequens habitat a fratribus, idolum noueratis grandi opere constructum: politissimis saxi moles turrata surrexerat, quae in collectione summmitatis thronum sublime procedens, superstitione loci operis dignitate seruabat. Huius destructionem Marcello ibidem consistenti presbytero, uir beatus saepe mandauerat. Post aliquantum tempus regressus, increpat presbyterum, cur adhuc idoli structura consisteret? Ille causatus, uix militari manu & ui publicae multitudinis, tantam molem posse subuerti, nedum id facile putaret per imbecilles clericos, aut infirmos monachos quiuisset curari. Tunc Martinus recurrens ad nota subsidia, noctem totam in orationibus peruiulat. mane orta tempestas, aedem idoli usque ad fundamentum prouoluit. Verum haec Marcello teste dicta sint. Alium eius non dissimilem, in simili opere, uirtutem Refrigerio adstipulante perhibeo. Columnam immensae molis, cui idolum superstabat, parabat euertere: sed nulla erat facultas, qua

id daretur effectui. Tunc ad orationem suo more conuertitur. Visam certum A
est parilem quodammodo columnam ruere de cœlo, quæ impacta idolo tantam illam inexpugnabilem molem soluit in puluerem : parum scilicet, si inuisibiliter cœli uirtutibus uteretur, nisi ipsæ uirtutes uisibiliter seruire Martino humanis etiam oculis cernerentur. Idem autem Refrigerius mihi testis est, mulierem profluuiò sanguinis laborantem, cum Martini uestem (exemplo mulieris illius Euangelicę) contigisset, sub momento temporis fuisse sanatam.

Cum uerò flumen quoddam transire deberemus, serpens ipsum flumen secabat, & ripam in qua constiteramus adnatabat : quem prospiciens Martinus : In nomine, inquit, Domini iubeo te redire. Mox se mala bestia ad uerbum sancti retorfit, & in ulteriorem ripam nobis expectantibus transmeauit. quod cum omnes non sine miraculo cerneremus, altius ingemiscens ait : Serpentes me audiunt, & homines me non audiunt. Piscem Paschæ diebus edere consuetus, paulo aute horam refectionis interrogat, an haberetur in promptu : Tunc Cato diaconus, ad quem monasterij administratio pertinebat, doctus ipse piscari, negat per totum diem sibi uallem celsisse capturā, sed neque alios piscatores, qui uendere solebant, quicquam agere quiuisse. Vade, inquit, mitte linum tuum, captura proueniet. Contigua flumini, ut Sulpitius iste descripsit, habebamus habitacula, processimus, cuncti, utpote feriatis diebus, uidere piscantem : omnium spebus intentis, non incassa futura tentamina, quibus pisces Martino authore, Martini usibus quærerentur. Ad primum iactum in reti pro modico immanem efocem diaconus extraxit, & ad monasterium lætus accurrens detulit : nec mirum, ut dixit poeta, nescio quis. (utimur enim uersu scholastico, quia inter scholasticos fabulamur) Captiuumq; suum mirantibus intulit Argis. Verè Christi iste discipulus, & gestarum à Salvatore uirtutum, quas in exemplum sanctis suis edidit, amulator, B
Christum quoque in se monstrabat operantem, qui sanctum suum usquequaque glorificans, diuersarum munera gratiarum in unum hominem conferebat. Testabatur Arborius, ex præfecto, uidisse se Martini manum sacrificium offerentis, uestiram quodāmodo nobilissimis gemmis, luce micare purpurea, & ad motum dextræ collisarum inter se fragorem audisse gemmarum. Veniam ad illud, quod propter notam temporum semper occultauit : sed nos celare non potuit. in quo illud est miraculi, quòd facie ad faciem cum eo est angelus colloquutus. Maximus Imperator, aliàs sanè bonus, deprauatus consilijs sacerdotum, post Priscilliani necem, Ithacium episcopum Priscilliani accusatorem, ceterosq; illius socios, quos nominari non est necesse, ui regia tuebatur, ne quis ei crimini daret operam, illius cuiuscunq; modi hominem fuisse damnatum. Interea Martinus multis grauioribusq; laborantium causis ad comitatum ire compulsus, procellam ipsam totius tempestatis incurrit. Congregati apud Treueros episcopi tenebantur, qui quotidie communicantes Ithacio communem sibi causam fecerant. His ubi nunciatum est, inopinantibus, adesse Martinum, totis animis labefacti, mulsitare & trepidare coeperunt. Et iam pridie Imperator ex eorum sententia decreuerat, tribunos summa potestate armatos ad Hispanias mittere, qui hæreticos inquirerent, deprehensis uitam & bona adimerent. Nec dubium erat, quin sanctorum etiam maximam turbam, tempestas ista depopulatura esset. Etenim tunc solis oculis paruo discernunt inter hominum genera, cum quis pallore potius, aut ueste, quàm fide hæreticus æstimeretur. Hæc nequaquam placitura Martino, episcopi faciebant : sed malè conscij, illa uel molestissima erat cura, ne se ab eorum communione adueniens abstineret, non defuturis qui tanti uiri constantiam præmissa autoritate sequeretur, Ineunt cum Imperatore consilium,
ut misse

A ut missis obuiam magistri officialibus, urbem illam propius uetaretur accedere, nisi se cum pace episcoporum, ibi consistentium, ad fore fateretur: quos ille callidè est frustratus, & profitetur se cum pace Christi esse ueturum. Postremò ingressus nocturno tempore, adiit ecclesiam tantum orationis gratia. postera die palatium præter multas quas euoluere longum est, has principales petitiones habebat: pro Narsete comite, & Leucadio præside, quorū ambo Gratiani partium fuerant, pertinacioribus studiis, quæ non est huius temporis explicare, iram uictoris emeriti. Illa præcipua cura erat, ne tribuni cum iure gladiorum ad Hispanias mitterentur. pia enim erat sollicitudo Martino, ut non solum Christianos, qui sub illa erant occasione uexandi, sed ipsos etiam hæreticos liberaret. Verum primo die, atq; altero, suspēdit hominem callidus imperator, siue ut reis pondus imponeret, siue quia nimis sibi implacabilis erat, seu quia (ut pleriq; tunc arbitrabantur) auaritia repugnabat: siquidem in bona eorum inhiauerat. Fertur enim ille uir multis bonisq; actibus præditus, aduersus auaritiam parum consuluisse, nisi si regni necessitas quippè exhausto superioribus principibus reipublicæ ærario; penè semper in expectatione atq; procinctu bellorum ciuiliū constitutus, facile excusabatur quibuslibet occasionibus subsidia imperio paruissè. Interea episcopi, quorum communionem Martinus non inibat, trepidi ad regem concurrunt, per damnatos se cōquerentes actum esse de suo omnium statu, si Theognisti pertinaciam, qui eos solus palam lata sententiā condemnauerat, Martini armarēt authoritas. Non oportuisse hominem recipi mœnibus illum: non iam defensorem hæreticorū esse, sed uindicem: nihil actum morte Priscilliani, si Martinus exerceat illius ultionem. Postremò prostrati, cum fletu & lamētatione potestatem regiam implorant, ut utatur aduersus unum hominem uī sua. Nec multum aberat, quin cogeretur imperator Martinum cum hæreticorum sorte miscere: sed licet ille episcopis nimio fauore esset obnoxius, non erat nescius Martinum fide, sanctitate & uirtute cunctis præstare mortalibus: alia longè uia sanctorum uincere parat. Ac primò secreto accersitū, blandè appellat, hæreticos iure damnatos more iudiciorum publicorum, potius quàm insectationibus sacerdotum, nō esse causam, qua Ithacij, cæterorumq; partis eius communionem putaret esse damnandam. Theognistum odio potius, quàm causa fecisse dissidiū: eundemq; tamen solum esse, qui se à cōmunionē interim separarit, à reliquis nihil nouatum. Quin etiam ante paucos dies habita Synodus, Ithacium pronunciauerat culpa non teneri. Quibus cum Martinus parum moueretur, rex ira accenditur, ac se de cōspectu eius abripuit, & mox percussōres his, pro quibus Martinus rogauerat, diriguntur. Quod ubi Martino compertum est, iam noctis tempore palatium irrupit, spondet si parceretur se cōmunicaturum, dummodo ut & tribuni iam in excidium ecclesiarum ad Hispanias missi retraherentur. Nec mora, intercessit Maximus, indulsit omnia. postera die Felicis episcopi ordinatio parabatur sanctissimi sanè uiri, & planè digni, qui meliøre tempore sacerdos fieret. Huius diei communionem Martinus inijt, satius astimans ad horam cedere, quàm his non consulere, quorum ceruicibus gladius imminēbat. Veruntamen summa uī episcopis nitentibus, ut communionem illam subscriptione firmaret, sed extorqueri nō potuit: postero die se inde propriens, cum reuertens in uiam mœstus ingemisceret, se uel ad horam noxiæ cōmunioni fuisse permixtum, haud longè à uico, cui nomē est Andechanna, quò uastam solitudinem sylvarum secreta patiuntur, progressis paululum comitibus, ille subsedit. causam doloris & facti accusante ac defendente inuicem cogitatione peruoluēs, astitit ei repente angelus: Meritò, inquit, Martine compungeris, sed aliter exire nequisti, repara uirtutē, resume constantiam, ne iam non periculum gloriæ, sed salutis incurreris. Itaq; ab illo tempore satis cauit,

cum illa Itachinæ partis communione misceretur: cæterum cum quosdā ex inergumenis tardius quā solebat, & gratia minore curaret, subinde nobis cum lachrymis fatebatur, se propter cōmunionis illius malū, cui se uel puncto temporis, necessitate, non spiritu, miscuisset, detrimētum sentire uirtutis. Sedecim postea uixit annos, nullam synodum adiit, ab omnibus conuentibus se remouit: sed plenē, ut experti sumus, imminutā ad tempus gratiam multiplici mercede reparauit. Vidi præterea ad pseudoforum monasterij ipsius, ad ductum inergumenum, & prius quā ad limen attingat, fuisse curatum. Testantem quēdam nuper audiui, cum in Tyrreno mari cursu illo quo Romam tēditur, nauigaret, subitō turbinibus exortis, extremū uitæ omnium fuisse discrimen. In quō cum quidam Aegyptius negociator, nec dum Christianus, magna uoce clamaret, Deus Martini eripe nos: mox tempestatem fuisse sedatam, seque optatum cursum cum summa placida æquoris quiete tenuisse. Lycontius ex uicarijs, uir fidelis, cum familiam illius lues extrema uexaret, & inaudite calamitatis exemplo per totam domum corpora agra procumberent, Martini per literas implorauit auxilium. Quo tempore uir beatus rem esse promisit difficilem impetrari. nam spiritu sentiebat, domum illam diuino numine uerberari: tamen non prius destitit septem totos dies, totidemque noctes orando & ieiunando continuans, quā id quod exorandum receperat, impetraret. Mox ad eum Lycontius, diuina expertus beneficia peruolauit, nūciāns simul et agens gratias, domum suam omni periculo liberatam. Centum etiam argenti libras obtulit, quas uir beatus nec respuit, nec recepit. Sed priusquam pondus illud monasterij limen attingeret, redimēdis id captiuis cōtinuō deputauit: & cum ei suggereretur à fratribus, ut aliquid ex eo in sumptus monasterij reseruaret, omnibus enim angustum esse uictum, multis deesse uestitum: Nos, inquit, Ecclesia & pascat & uestiat, dummodo nihil nostris usibus quæsisse uideamur. Succurrunt hoc loco illius uiri magna miracula, quæ facilius admirari possumus, quā referre. Agnoscitis profectō quod dico: multa sunt illius quæ non queunt explicari. Veluti est istud, quod nescio an ita ut gestum est, à nobis possit exponi. Quidam autem cum ad fornaculam illius carbonum copiam reperisset, & admota sibi sellula diuaricatis pedibus super ignem illum nudato inguine resideret, continuō Martinus factam sacro tegmini sensit iniuriā, magna uoce proclamans: Quis, inquit, nudato inguine nostrum incestat habitaculum? Hoc ubi ille frater audiuit, & in conscientia quod increpabatur agnouit: continuō ad nos currit exanimis, pudoremque suum non sine Martini uirtute est confessus. Quodam itidem die cum in area, quæ parua admodum tabernaculum illius ambiebat, in illo suo (quod nostis omnes) sedili ligneo resedisset, uidit duos dæmones in excelsa illa quæ monasterio supereminet, rupe consistere, inde alacres ac lætos uocem istiusmodi adhortationis emittere: Eia te Bricchio, eia te Bricchio. Credo cernebant miserum eminus propinquantem, conscij quātam illi rabiem spiritus suscitassent. Nec mora Bricchio furibundus irrupit, ibi plenus insanix, euomit in Martinum mille conuicia, obuiurgatus enim pridie ab eo fuerat, cur qui nihilum ante clericatum (quippe in monasterio ab ipso Martino nutritus) habuisset, equos aleret, mancipia compararet, nam illo tempore arguebatur à multis, quod non solum pueros, sed etiam puellas scitis uultibus coemisset. Quibus rebus infelicitissimus insano felle commotus, & ut credo præcipue dæmonū illorum agitatus instinctu, Martinum ita aggressus est, ut uix manibus tēperaret: cum quidē sanctus uultu placido, mente tranquilla, infelicitis amentiam per milia uerba cohiberet: sed ita in eo nequam spiritus redundabat, ut ne sua quidem illi, quamuis uana admodum mens subesset, tremantibus labijs, incertoque uultu decolore præ furore, rotabat uerba peccati, se asserens sanctiorem: quippe qui à primis annis in monasterio

A nasterio inter sacras ecclesiæ disciplinas ipso Martino educante creuisset: Martinum uerò & à principio, quod ipse diffiteri non posset, militiæ artibus forduisse, & nunc per inanes superstitiones & fantasmata uisionum ridicula prorsus inter deliramenta senuisse. Hæc cum multa, atq; alia etiam, quæ reticere melius est, acerbiora uomuisset, egressus tandem furore satiatus, quasi qui se penitus uindicasset, rapidus ea qua parte uenerat, recurrebat: cum interea, credo per Martini orationes, fugatis ab illius corde dæmonibus, reductus in pœnitentiam, mox reuertitur, atq; ad Martini se genua prostermit, ueniam poscens, fatetur errorem, nec sine dæmonibus se fuisse. Tandem senior confitetur, non erat apud Martinum labor iste difficilis, ut ignosceret supplicanti. Tunc & ipsi, & nobis omnibus sanctus exposuit, qualiter illum à dæmonibus uidisset agitari: se cōuictis nō moueri, quæ magis illi à quo essent effusa, nocuissent. Exinde cum idem Bricchius multis apud eum magnisque criminibus persæpe premeretur, cogi non potuit, ut eum à presbytero submoueret, ne suam perse qui uideretur iniuriā: illud sæpe cōmemorans, si Christus Iudam passus est, cur ego non patiar Bricchionem? Ad hæc Posthumianus: Audiatur, inquit, istud exemplum, noster iste de proximo. qui cum sit sapiens, immemor præsentium, & immemor futurorum, si fuerit offensus, insanit, in sua se nō habens potestate: sæuit in clericos, grassatur in laicos, totumq; terrarū orbem in suam commouet ultionem: in quam per triennium iugiter dimicationem consistens, nec tempore, nec ratione sedatur. Dolenda hominis & miseranda conditio, etiam si hæc sola insanibilis mali peste premeretur. Verum ista ei patientiæ & tranquillitatis exempla referre sapius Galle debueras, ut sciret irasci, & sciret ignoscere: qui si istum ipsum breuiter insertum sermonem meum in se prolatum fortè cognouerit, sciat non magis ore inimici, quam amici animo me locutum: quia si fieri posset, optarem ut Martino potius episcopo, quam Phalari tyranno similis diceretur. Sed istum, cuius commemoratio parum suauis est, transeamus, & ad Martinum nostrum Galle redeamus. Tunc ego, cum iam adesse uesperū occiduo sole sentirem, Dies (inquam) abiit, Posthumiane: surgendum est, simul tam studiosis auditoribus cœna debet. De Martino autem expectare non debes, ut ulla sit meta referendi: latius ille diffunditur, quam ullo ualeat sermone cōcludi. Ista interim de illo uiro portabis Orienti. Sed dum recurris, diuersasq; regiones, loca, portus, insulas, urbesq; præterlegis, Martini nomen & gloriā sparge per populos. In primis memento non præterire Campaniam, & si maxime cursus in deuio sit, non tamen tibi tanti sint uel magnarum morarum ulla dispendia, quin illic adeas illustrem uirum, ac toto laudatum orbe, Paulinum: illi, quæso te, primum sermonis nostri, quem uel hesternum consecimus, uel hodie diximus, uolumē euolue. Illi omnia referes, illi cuncta recitabis, ut mox per illū sacras uiri laudes Roma cognoscat: sicut primum illum nostrum libellum non per Italiam tantum, sed per totam etiam diffudit Illyricum. Ille Martini non inuidus gloriosarum sanctarumq; in Christo uiratum, piissimus existimator, non abnuet præfulem nostrum cum suo Felice componere, inde si fortè ad Africam transfretabis, referes audita Carthagini: licet iam pridem, ut ipse dixisti, uirum nouerit, tamē nunc præcipue de eo plura cognoscat, ne solum ibi Cyprianum martyrem suum, quamuis sancto illius sanguine consecrata, miretur. Iam si ad læuum Achaia sinum paululum diuexus intraueris, sciat Corinthus, sciant Athenæ, non sapientiozem in Academia Platonem, nec Socratem in carcere fortiozem. foelicem quidē Græciam, quæ meruit audire Apostolum prædicantem: sed nequaquam à Christo Gallias derelictas, quibus donauerit habere Martinum. Cum uerò ad Aegyptum usq; peruenieris, quāquam illa suorum sanctorum numerositate & uirtutibus sit superba, tamen non dedignetur audire: quia illi, uel uniuersæ Asia, in solo Martino

Martino Europa non cesserit. Cæterum cum Hyerosolymam inde petiturus, A
uentis cursuum uela commiseris, negotiū tibi nostri doloris iniungo, ut si unq̃
illustris illius Ptolemaidis littus accesseris, sollicitus inquiras, ubi sit consepul-
tus noster ille Pomponius; nec fastidias uisitare ossa peregrina. Multas illic lachrymas,
tam ex affectu tuo, q̃ ex nostris funde uisceribus, ac licet inani munere,
solum ipsum flore purpureo, & suauē redolentibus sparge graminibus:
dices tamen illi, sed non asperē, non acerbē compatiētis alloquio, nō expro-
brantis elogio: Quod si uel te quondam, uel me semper audire uoluisset, &
Martinum magis quā illū, quem nominare nolo, fuisset mutatus, nunquam
à mea tam crudeliter disparatus, ignoti pulueris regione tegetetur, naufragij
sorte prædonis passus in medio mari mortem, & uix in extremo nactus littore
sepulturam. Videant hoc opus suum, quicunq̃ ex illius abscessu mihi nocere
uoluerint: uideant gloriā suam, & uel nunc aduersum me grassari desinant
uindictati. Hæc cum maximē flebili uoce gerneremus, omnium lachry-
mis per nostra lamenta commotis, cum magna quidem Mar-
tini admiratione, sed non minore ex nostris
fletibus dolore discessum est.

F I N I S.

APPENDIX

APPENDIX PRÆCEDENTIBVS

ADIECTA, PER GILBERTVM COGNATVM Nozerenum.

PETRVS GILLIVS ALBIENSIS, OMNI NOMINE REVERENDO Guilielmo Boiffeto, Cisterciensi abbati, S. D.

A



Ntonius Faletus archidiaconus Albiensis, homo integerrimus, oppressorum patronus, studiosorum unicus Mecœnas, & qui non assentando gradum fecit ad dignitates amplissimas, quin potius sine fūco usq; eo tempestiue nouit dicere uerum, ut non alia ratione sibi bona fortunæ pepererit, quàm cum ingenuè & uerè

episcopis Albiensibus boni pastoris officium exponit, tyrannidem castigat, pios uisus memorat, Ludouicum superiorem episcopum Albiensem, eis imitandum ante oculos opponit: nec tamen odium ei ueritas (quod ait Terentius) peperit: imò certè & diuitias, & honores non cōtemnendos. nimirum qui tot annos summam rerum Albiensium moderatus, ab omnibus hanc laudem retulit, offendisse neminem, omnibus profuisse: & quod uix sustinendum uel patientissimo, uarietatem causarum rusticarum errore inextricabili cōfusissimam, audire adeò moderatè tulit, ut nemo quantumlibet morosus, non nisi letus ab eo discesserit unquam. Hoc tamen magis miror, cum eo gefisse inimicitias neminem, qui eius humanitate uictus non libenter similitates deposuerit. Hic itaq; cuius laudes in aliud tempus referuo copiosius explicandas, tam honorificè de te semper loquitur, & sentit, ut nunquam in tui memoriam uenire soleat, nisi cum præfatione tuæ uirtutis, cuius unicus est admirator.

B

teq; præcipuum antiquæ religionis obseruatorem prædicat, literatorum non minus quàm ipsarum literarum patronum existimat, dignum quem omnes Albienses omni officio colamus, omni laude uelut unicum decus nostrum cumulemus, reuerentiâ, si non debita, certè quantâ possimus obseruemus: & eo maxime, quod cum omnibus studiosis faues, tum maxime Albiensibus. Diuitias uerò & honores quàm minimi facias, satis tum ostendisti, cum ter quater delectu in Bernardinorum monarchiam uocatus, ter recusasti: quam obuijs manibus nemo non acciperet, qui tui dissimilis esset, dissimiles autem hac ætate omnes reperio, præter paucos, imò præter unicum Ludouicum Robertetum, sacelli Palatini Canonicum. Is enim in hac re ægerrimè tibi cederet: quin planè (cum tua uenia dixerim) te superat, dum episcopatu Albiensem, non ter oblatum modò recusauit, sed quarto quoq; dum afferret, constantius reiecit: non ob aliam causam, quàm quia sibi temperare didicit, dum sanctum Nicolaum ex professo imitatur, cuius uitam tuo ductu censui publicandam: non ob aliud, quàm cuius mores uerè reddis, eosdem uerè legas, atq; adeò legens, tuos esse agnoscas. Bene uale, & legendo hoc ut doctissimo, ita & sanctissimo Simeonis Metaphrastæ scripto oblectare: cuius de aliorum quoque Sanctorum uitis historia si aliquando à bibliotaphis, apud quos delitescit, extorqueri, atque in publicum edi posset, magnum haud dubiè Rel-

publica Christiana inde perceptura esset emolumentum.

G AD



70

50
 DIVI NICOLAI
 AD DIVVM NICOLAVM PRAESVLEM
 C. Vrsini Velij Hymnus.

Dive, quem vasti maris, ac profunda
 Doridos, mundi pater, & potentem
 Caerule fecit regionis olim,
 Oceaniq.

Ipse nunc Triton tibi paret uni, &
 Saeva tempestas, loca sceta ventis
 Iussa non spernunt tua, cui tricuspis
 Fuscina cecidit.

Stulta Neptuno pelagi vetustas
 Ius dedit, donec ueniens honores
 Sanctior uanos aboleuit aetas
 Ennosigaei.

Saepe salvas miser inter undas
 Naufragus, uanum maris inuocauit
 Numen: heu nullum tamen hinc leuamen
 Sensit, opem'ue.

Saepe te puppes maris obruendas
 Fluctibus, prona tenuisse dextra:
 Saepe praesenti posuisse dicunt
 Numine uentos.

Supplices ergo tibi Nicolae
 Vota mortales adhibent, precesq;
 Et tuum nomen reuerenter aetas
 Omnis honorat.

Sicca tu nobis Elice per altum,
 Et salutaris Cynosura nautis:
 Tu locas semper sinuosa portu
 Vela secundo.

Huc ades rector maris inquieti:
 Nostra felices aditura portus
 Cymba, nos uento facili, & secunda
 Prouehat aura.

LEONARDI IVSTINIANI PATRICII VENETI, IN BEATI NICO-
 lai Myrensis episcopi uitam, è Græco in Latinum tralatam, ad Laurentium eius
 fratrem, urbis Venetiarum Patriarcham,

PRAEFATIO.



Vm ætatis nostræ ingenia mecum cōsidero, Laurenti frater,
 ea uidelicet quibus uetus illud & expolitum scribendi genus
 in cultu est, soleo equidē Christianam gentem (si dicere fas
 est) nōnihil infortunatā putare. Nam cum in illa tot præstan-
 tissimi fuerint in omni primaria laude uiri, ut nulla sit cum il-
 lis gentilitas comparāda: uix quisquam tamen eiusmodi scri-
 ptorum est, qui nō ipse malit gentiliū, quā sanctorum nostrorū facta literis
 celebrare. Id autem cur ita fiat, non certē satis intelligo. Nam cum Christianā
 fidē planē profiteamur, eoq; censerī nomine & felicitati nobis imputemus,
 & laudi: quid causæ dici potest, cur aliena malimus etiam à pueris decantata,
 quā nostra haud satis cognita, gloriose & utiliter illustrare? Nam Metellis,
 Catonibus, Lycurgis, Epaminundis, cæterorumq; gentiliū illustrib. factis pe-
 nē referta sunt omnia, nec noua indigēt laude, in quibus exprimēdis cum græ-
 cē tum latinē summa certauerunt ingenia. At nostrorū nisi paucorū admodū
 iacet memoria, quorū præter nomina nihil fermē celebre est. Non enim Cris-
 pos aut Xenophontas, aut ex illa cohorte quenq; uitæ facinorumq; suorum
 interpretem habuere. Nam ad nominis celebritatē posteritati diutissimē com-
 mendandam, quis nesciat, nō tam referre quibus quisq; moribus, qua uirtute,
 quibus rebus gestis antecellat, sed multo maximē quem factorū & laudū sua-
 rum præconē sit habiturus. Vnde Lyricum illud: Vixere fortes ante Agame-
 mnona multi, Ignotiq; longa nocte, carentq; uate sacro. Scitē igit Alexander
 diuinitatis cupiditate incēsus, statuas suas ab alio quoq; fieri q; a Lysippo ue-
 tuit, quia illius opera ob incōparabilis artis præstantiā immortalia fore puta-
 bat. Ita nō tam res ipsæ scriptorē, q; scriptor illas celebres atq; longæuas facit.
 Quod si Hieronymū, aut eloquentē alterū ceteri nostri fuissent cōsecuti, lege-
 rent illi profectō eo studio ac uoluptate, qua Paulū heremitā legimus, & Hi-
 larium, quorū uitæ splendor parī ab illo uerborū luce & uenustate ornatus
 est. Nēpe Paulos & Hilariones haberemus innumeros, nō eis aut æqua cum
 illis felicitate, aut fortuna, ut scriptorē eloquentissimū nanciscerent: sed uo-
 raginem nescio quam, aut alios indifertos ē turba, quorū si fidei eloquētia par
 fuisset,

A fuisset, sanctorum nostrorum praeclara facinora, non modo per vulgus, verum longe lateque per docta ingenia uolarent. Et omnium uirtutum exempla peteremus ab eis, quandoquidem mille nos habemus ex nostris, quos singulis gentilibus, opponamus. nec uiros modo, sed & mulierum cateruas proferamus, fortiter perpassas animo quaecumque scriptores prisci paucis in uiris tantopere laudauerunt. Adde quod externarum gentium uirtus magna quidem ex parte fucata fuit, nec tam uirtus quam simulachrum uirtutis & species appellanda. Nam si magnitudinem animi, si sapientiam, si continentiam, aequitatem, liberalitatem, ceterasque reuera uirtutes quaerimus, haud facile dixerim, in alijs illas quam in sanctis nostris specie didicius eluxisse. At sancti (dicit aliquis) non duxerunt exercitus, non acies instruxerunt, non classibus, non prelijs, non oppugnationibus denique urbium praefuerunt. Non est omnino id quidem, fuisse tamen concedamus, & haec eadem fateamur praeclara putari debere. sed per Deum immortalem cui tandem usui, aut cuiusmodi hominibus, ista dicuntur? Quotus enim quisque legentium illa fuerit, qui aut classis praefectus, aut instructorem certaminum, aut urbium oppugnatorem futurum se putet? O demetiam singularem? Ego qui nunc uisurus exercitus sum, quibus artibus acies disponantur, multo didicerim studio: quo uero pacto superbiam coteram, iram extingua, auaritiam, reliquasque animi pestes prosterna, ex his scire neglexerim, qui hoc commune omnium bellandi genus scite percalluerunt? Quid igitur, improbabimus ne studium eorum, qui nostro seculo eiusmodi uigilias uigilarunt, & multorum gentiliu facta scripserunt? Non ausim id ego quidem, neque unus pluribus temere bellum indixerim, & his potissimum, quos mihi uel necessitudine studiorum, uel officiorum communi intercessione coniunctos puto. Ceterum pertinax affirmarim, praestitisse nostrorum quam alienas uitas conscribere. Aut si alienae scribendae fuerint, non debuisse nostras omitti. Nos itaque qui dudum aliorum institutum secuti, nonnulla gentiliu facta literarum monumētis mandauimus, nunc, te hortate, Laurenti frater, hunc quem laudamus morem inuicimus. Me etenim quotidie pro tua incredibili pietate admones, ut studia cogitationesque meas ad beatam uitam, animique immortalitatem adipiscendam potissimum conseram, & post longam navigationem aliquando de portu cogitem. Nullius autem in omni re, quae ad bene beateque uiuendum pertineat, maior mihi debet esse auctoritas, quam tua, qui praeter incotaminatam uitae integritatem ab ineuntibus annis susceptam mihi natura frater es, cura & aetate pater; Dei miseratione antistes. Neque me uerbo tantum doces, sed exemplo magis, quod inter maximas episcopatus tui occupationes, & Venetorum alienigenarumque quotidianos accessus, sacrarum literarum studia, scribens non intermittis, ne libri, quos priuatus plureis edidisti, testentur, te in negotio ea mentis & cogitationum potestate carere, qua in ocio perpetuo fruebare. Tibi igitur morem gerens, magni Nicolai uitam scribere orsus sum. Neque omnia in eum libellum congesti, sed ea tantum, quae apud Graecos idoneos, maxime apud Simeonem cognomento Methaphrastem de illo scripta, & ecclesijs probata inuenimus. Nam quae de ipso feruntur tum uetera tum noua miracula, neque numero, neque magnitudine modum habent. Hunc autem potissimum exprimendum tibi elegi, partim quia iocunda ea lectio est, & digna certeque de episcopo ab episcopo accurate legatur: partim ut uiro sanctissimo de Venetis optime merito, aliquam meae patriae nomine gratiam reddam. Nostros enim homines et nauigantes imprimis tanta prosequuntur pietate, tanta misericordia, ut iure post beatissimum Marcum, hunc alterum nostra ciuitas sibi patronum colat. At cum pro susceptis ab eo muneribus, alij ceras, alij argenteas statuas ferant, ego hanc illi longe nobilissimam statuam dedicabo, quae non modo corporis, ceterum quod multo praestabilius est, animi & uitae pulcherrima lineamenta immortaliter exprimat. Nec erit (ut spero) inanis hic noster labor, ceu in scribendis gentilibus. quondam fuit. Nam in eum hoc munus contulimus, qui cum inter primos gratissimus fuerit, plus potest nobis mortuus nunc ex coelo, quam uiuens quisque in terris prodesse.

SIMEONIS METAPHRASTAE IN GE-

STA SANCTI NICOLAI, COGNOMENTO MAGNI,

*Myrensis Episcopi, uera historia, è Greco in Latinum uersa,**Leonardo Iustiniano Patricio Veneto**interprete.*

CAPVT I.



PATARAM rerum scriptores tradunt urbem fuisse in terra Lycia, nobilem inter primas. Eiq; si cætera defuissent ornamenta, quibus tamen plurimis affuebat, poterat sanè uel hoc uno nobilitari præcipuè, quod magnum Nicolaum Myrarum episcopum tulit, uirum profectò quem in republica Christiana nemo propè sanctorum omniū, in omni uirtutum laude facile antèret. Nam Patara natum illum constat, & claro quidem genere. Mater eius fœmina fuit sanctissima atq; grauis. Patri uerò non tam uitæ splendore, quàm integritas: non tam populī, quàm Dei cultus: nō tam diuitiæ, quàm eleemosyna fuerunt in precio. Mundi itaq; relictis illecebris, nullum erat illis nisi bonarum actionum studium atq; uoluptas. Hi tanq; lignum plātatum secus decursus aquarum, in tempore suo speciosissimum edidere fructum, infan-
tem uidelicet hunc, cuius cœlestis indoles, futuræ uirtutis præfagiū præ se ferret. Illum autē primū mater pariter atq; postremū tulit, inlœcūda posthac cum charissimo cōiuge perseuerans, siue desperāte natura, per illos posse huic similem alterū in lucem producere: siue, ut puer hic multifariā Baptista similem in hoc quoq; cum illo quodāmodo cōueniret. Ille enim inlœcundæ matris dissoluit uterum, atq; sterilitatē, iste fœcundæ matris uterū obstruxit. Sic itaq; parentum diligentia omnis, studia, & uoluptates in hunc unum diuinæ ornandum, instituendumq; sunt collectæ. ut quem carnaliter genuerant spiritaliter educandum, & omnibus sanctissimarum institutionū ornamentis excultum, admirabilem cunctis mortalibus redderent.

CAPVT II.

INfantem autē hunc quis dubitet in ipso statim natiuitatis exordio, diuino fuisse numine afflatū, sanctificatumq;: qui non prius uiuere, q̃ Deum uenerari: nō prius comedere, q̃ ieiunare cœperit. Cōpertum enim habemus, illum cum reliquos dies noctesq; omnes nutricis ubera sugeret crebrò: quarta tamē sextaq; feriā nisi semel duntaxat, & id uesperī quidē, lac uoluissē gustare. Atq; hoc semper certo immotoq; seruauit ordine, ut nullis posset blāditijs, nullo nutricis lenocinio, nulla naturæ necessitate à ieiunio cœpto deflecti. Quāobrem uel improbū quencq; bonarū rerum interpretē planè fateri oporteat, nō fortuitū illud, aut intēperie stomachi factū esse, sed quasi consulto, & Dei afflante spiritu. Omiraculū singulare, & inter rara omniū seculorū spectacula, per ecclesias meritò decantatū, & dignū uiuendi principiū, cui tam excellēs uita succederet, quandoquidē crescentibus annis, debebat eius quoq; uirtutibus tum natura tum studio & gratia partis, fieri accessio admiranda.

CAPVT III.

POslea enim q̃ pueritia excessisset, castissimos mores & disciplinā ab optimis acceptā parētibus in melius redigēs. Ipse quoq; suapte natura & ingenio nō desinebat, uelut generosa quædā & fertilis gleba, novos quotidie honestatis & pietatis fructus edere. Inde etate poscente, ad capiendum animi cultum traditur studio literarum, ubi tum ingenij magnitudine, tum uelocitate discendi breuī admodū æuo, multa ingenuarū disciplinarū scientia imbutus, ab omni humane laudis cura abhorrebat. Aequaliū uerò sodalitates, cōuiuia, consuetu-

A. consuetudines uitabat omnino, quia in illis cerneret, sicut festiuitatis multum; ita plurimum esse intemperantiæ atq; periculi. Mulierum non modò colloquia, uerumetiam conspectum, tanquam iuuenilis animi pestilentissimam labem fugiens, totum se honestati pudicitiaeq; addixit. Libidinum uerò & carnis incendia, quibus æstare pleriq; omnes adolescentes solent, quotidiani labores, ieiunia, uigiliæ extinguebant. Talibus instructum artibus, totum sese accepimus ad Christi seruitiū contulisse. Schola illi erat ac diuersoriū, Dei templum: ut se dignū pararet templū, in quo Deus ipse pernox & perdius habitaret. Neq; bonarū disciplinarū studia aut legendo, aut audiendo, aut meditando intermittebat. In quib. tantum excelluit, quantū magno futuro antistiti opus erat. Sed q̄ uita recta, doctrinis omnib. longè maximè præstabilior est, eo plus in componendis formandisq; moribus nauabat operæ ac laboris, quo iuuenilis fluctuantisq; ætatis inconstantiam, senili quadam firmaret grauitate. Quem enim admodum non illud senium laudamus, in quo non emineat parsenio & annis modestia: sic etiam solemus iucundè admirari, multaq; laudè dignam existimare adolescentiam, quæ planè didicerit eiusce ætatis compescere motus, & senectutis grauitatem ac molestiam retinere. Est enim sicut iuuentus in sene turpis, ita pulcherrima quidem in adolescente senectus.

CAPVT IIII.

B. **H**Abuit autem Nicolaus auunculum nomine Nicolaum, à quo nunc nostrum, arbitror id nominis usurpasse. Is cum nepotem animaduerneret religioni & sanctimonix deditum, mundo se penitus abdicasse: parentes hortatur ut adolescentem sacerdotilibus sacris initiari permittant. Illi in sententiam uenere faciles. Cur enim gratos homines pigeat reddidisse, quod gratis acceperint: & fidelium more debitorum æs alienū, cum ipsa etiam usura persolvere. Nam in ueteribus memorijs scriptum inuenimus: Nicolai nostri parentes aliquādiu steriles, & propemodū de sobole desperantes, multa prece & lachrymis à Deo hunc filiū impetrasse, atq; illum propterea Deo qui dederat, reddidisse libentius. Perhibent autem auunculum sancto afflatum spiritu, de nepote uaticinantem, præcuisse in illo cœlestium donorum redundantiam. Cum enim initiaretur, ad astantes conuersus: Nouum (inquit) fratres terris solem oriri uideo, & humano genere grande solatium cōparat. O gregem felicem, qui hunc sibi pastorem sit habiturus. Hunc enim uidebitis, errantes oues ad pietatis pascua reuocantem: hunc periclitantibus salutem, calamitosæ opem, laborantibus præbere quietem. Neq; secus atq; iste prædixit, omnia euenisse, insequēs sermo docebit. Nulli autem mortalium admirabile uideri debet, uel nepotis præclara facinora, usq; adeò mundum illustratura, sui splendoris uatem aliquem habuisse, uel auunculum prophetandi spiritum meruisse, quem admirandæ uitæ integritas, ecclesiæ iudicio inter cœli sidera collocarit. Nam duos fuisse Nicolaos constat: auunculū illum, hunc nepotem: sanctos ambos, episcopos ambos, illustres ambos. quanquam longè illustrior quidem nepos est habitus. Is cuius nunc uitam & facta cōscribimus, cuiq; propterea Magno cognomē fuit. Igitur factus sacerdos, morum & uitæ seueritatem pariter cum dignitate augendam putauit: naturæ sapientiam imitatus, quæ arbores ipsas, quo se celsius in cœlum tollunt, eo altius demissis in terram radicibus, firmiores reddit. Sacerdotij autem quis dubitet solidissimas esse radices, integritatē uitæ, misericordiam, pietatem, continentiam, sobrietatem, reliquasq; uirtutes id genus, quibus potissimum propius ad Deum acceditur. Itaq; corpori suo bellum indicit, non quòd illud necaret, aut contereret, sed quòd domitū, & omnipetulantia exutum redigeret in seruitutē. Igitur somno & quotidiano cibo, quantum ratio permittebat, detrahit, ieiunijs, nocturnisq; uigilijs solito plus indulgens, uino parcissimo utebatur, sæpius aqua sola cōtentus. Veste si

non sordida, ut hypocrīta, & uanus ostentator, nullo tamen cōspīcua luxu deinceps est usus. Crebrior illi fuit ad delubra aditus. nulla penitus nisi sacrarum literarum lectio. In uultu & gestu modestia maior. Sermo rarior, et grauis quidem, & qui nihil haberet inanitatis, & fuci, ut his prēditus ornamentis, uideretur in corpore mortali immortalium uitam degerē.

CAPVT V.

PEr id autem temporis Nicolaus auunculus templū nobile sub sacra Sion nomine struit, ei que pari dignitate monasterium addit. Cui, cum de praeferendo gubernatore pro rei amplitudine cogitaret, uisum est id negotij nepotis curae, sapientiaēq; committere. Tum ut admirabiles eius uirtutes, usu & exercitatione uegetiores redderet: tum quia nemo erat in prōptu, qui rem illam aut sapientius aut sanctius, aut diligentius gubernaret. Nepotem itaq; praefecit, eiq; plurimos praestantes adiungit monachos: ut uelut in re militari & imperatorem exercitus, & exercitum imperator pari uirtutum cultu & uoluntate haberet. Hoc itaq; munus ita Nicolaus administrauit, ut dignitatem monasterij gubernatoris praestantia facile superaret. In eoq; perstitit, quoad ipse uisendorum sacrorum locorum gratia in Palaestinam est profectus, quod iter paulopost plusculis attingemus. Sed me iam uideo de narrationis semita declinasse. Prius enim quam de monasterio dicerem, erat de parentum interitu & haereditatis distributione dicendum. quem locum nunc paucis absolua-
mus. Parentes eius in illius pestilentiae uastitate, qua Lycia ea tempestate depopulata est, intra triduum morientes, haeridem illum testamento instituunt. Quorum mortem omni officio ac pietate ita est profectus, ut nihil omitteret, quod ab amantissimo filio parentibus opimis praestari par sit. Haereditatem igitur adiens, & non tam possessorem se, quam haereditatis dispensatorem relictum intelligens, coepit non quo modo patrimonium augetet (id quod pleriq; omnes mortales facit) cogitare: sed quo pacto patrimonium seminando, uberiores sibi frugem in caelo colligeret. Quid enim aliud agat uir constans & sapiens, qui ab ineunte aetate funditus ex animo terrenas eiecerat cupiditates, nisi ut duriore iam aetate contemnat, quod teneris annis animo magno & excelso contempserit: ne uitaē praecleara exordia, a succedentis aetatis actionibus dissentirent. Itaq; non ad congregandas diuitias, sed ad congestas dispartendas animum appulit: ut nihil aliud patula manus, quam egenum & pauperem cogitaret. Caterum quemadmodum tellus ipsa omnium longē liberalissima, herbis, frugibus, arboribus ue sic alimenta atq; uitae praesidia porrigit, ut nemo quidem omnino id sentiat: ita noster hic egenorum alumnus, clam quidem, & nullo sciente mortalium, misericordiam suam incredibili studio in pauperes exercebat. Cuius reliquas eleemosynas intelligemus facilius, si hoc unum ē pluribus celebre illius factum subiiciamus.

CAPVT VI.

FVit Patare uir genere nobili, qui (ut fert humanae foelicitatis fragilitas) ab honoribus in contemptum, a diuitijs in egestatem deciderat. Ei erant tres filiae, corporis formaeq; uenustate, & morum elegantia longē praestantes, uirgines omnes, & quarum aetas (si patris calamitas nō obsistat) nuptias flagitaret. Has inops pater, omni rerum egestate calcatus, non modo uiro tradere, sed ne alere quidem quoquo pacto poterat. neq; spes ulla miserum hominē solabatur, qua quotidie crescentis inopiae uim perferret. Heu rem dictu foedam, heu qua mortaliū mentes insuperabilis uis egestatis impellit. Tetrum, atrox, immane facinus, patrem paternae pietatis memorem ne, an immemorem potius dixerim, exagitat, filiarum decus ac pudicitiam deferentem, ut natis esurientibus non deesset (coepit enim de illarum uirginitate alienae prostituenda libidini cogitare) ut tupilissimo & flagitioso quaestu uitam percuntis familiae tueretur.

A tueretur. Iam uesana fames reluctantem patris animum egrè perfregerat. Iam crudele & humanis indignum luminibus spectaculū parabatur. Quid enim tam ualidum est, tamq̃ munitum, quod necessitas non profternat? Sed affuit de cœlo miserator Dominus, qui escam daret timentibus se, qui patris in filias inuitam crudelitatem non pateretur: qui uirginum castissimas lachrymas miseratus, à tam foetido flagitio liberaret. Sed q̃ pacto id facies dulcissime Deus, uniuersę misericordiæ pater & fons, aut quo ministro auxilium tuum oppressę familiæ porriges? Angelum profectò tute tibi Nicolaum delegisti, quo nemo mortalium esset, qui tua iussa meliori aut studio, aut consilio, aut pietate perficeret. Tua igitur miseratione factum est, ut crudele consiliū famulus tuus nescio q̃, nisi te uolente, sentiret. cuius animus tum rei atrocitate, tum insita pietate commotus, in auxilium periclitantium totus accingitur. Stimulabant misericordem animum esurientis familiæ lachrymæ. Stimulabat castarum puellarum prostituēda uirginitas. Stimulabat amantis patris misericordia, qui in pudicitiam inuitus agebat, ne in uentrem crudeliter agere uideretur. Sed seruus tuus, qua ratione Deus impleat præcepta, non uidet, cum enim iubeas misericordes nos esse, uetas tamen sinistram scire quid faciat dextra nostra. Ardet animus misericordiæ faciendæ studio, sed humanum sui beneficii testimonium refugit. quippe qui tibi soli benefactorum gratissime retributor placere conetur. Tantum enim uir Dei ab omni humanæ laudis desiderio abhorrebat, ut quantum cæteri sua maleficia, tantum ipse iste benefacta sua celare studeret. His agitatus stimulis impiger animus, credo te Domine inspirante, intempestæ noctis silentio è strato prosiliens, auri haud mediocre pondus, sacculo bellè insutum, sumit: domo egreditur clanculum, miserandæ familiæ domum tacitus adit, circumspicit sagaciter omnia: animaduertit tandem, luna ipsa adiuuante, fenestram apertam paululum: ea cubili inseruiebat, in quo infelix pater membra quieti tradiderat. Tunc Nicolaus pulcherrimā sibi à Deo oblatam occasionem ratus, auro per fenestram immisso, domum se statim proripuit. Manē pater auri comperto miraculo, stupens, cum tanti muneris datorem suspicari non posset, dæmonum eam esse, aut callidi cuiuspiam hominis fallaciam putat, adulterino que credit se lusum auro. Inde cum aurum digitis contrectaret, iam que rei agnosceret ueritatem, incredibili lætitia gestiens, lachrymas ubertim effundit. Miratur rem, animo uersat omnia. Et cum humanum benefactorem coniectare non posset, in Deum hoc muneris transferēs, Quid faciam nunc miser (inquit) ne tanti beneficii ingratus arguar? Certum est peccatum meum diluere, & impio me ac nefario scelere expiare. Filiam, in cuius pudicitiam crudelissimè sæuiebam, à foedo periculo eruam. Aurum uirginem redimat, quæ meo scelere auri gratia perdenda erat. Hæc itaque secum reputans, primam ex tribus filiam honesto marito locat. Nicolaus non minus dato, quàm ille accepto munere gaudens, ubi uirginem uidet à periculo liberatam: Liberabo (inquit) & reliquas. Auriq̃ tantundem noctu, ut antea, per patentem fenestram immittit. Diluculo pater, cum secundum aurum inuenisset, uix sui compos, humi supplex sese prosternit. Tum ora pectusq̃ largis irrigans fletibus: Deus, inquit, misericors, esurientium liberalis alumne, fac (quæso) Domine, ut sciam quo ministro tu flagitiorum meorum periculum sustulisti, ut te Domine in illo laudem, te in illo magnificem, te in illo contempler. Domine, qui me iampridem sanguine tuo redemisti, & nunc auro pereuntem familiam redimis, ostende mihi dispensatorem tuum hunc, & angelum profectò in terris, cuius ope ecce secundam quoq̃ filiam, diabolo crudeliter maritandam, sancto connubio honestabo. Hæc cum dixisset, non prius destitit, quàm alterum quoq̃ generū sibi asciuit: nec minore certè gaudio duplicis coniugij celebrati, q̃ spe tertij quoq̃ propediem celebrandi, iam enim

tantum

tantum sibi de Dei misericordia pollicetur, ut sese putaret tertie quoque filie do-
tem tenere manibus. Ita ab inferno ereptus homo, noctes diesque perpetuos, e-
reptoris sui desiderio aestuabat. statuitque noctes insomnes per excubias ducere,
quoad quis nam esset hic, exploratum haberet. Nec minus admirabilis no-
ster, tertiam quoque filiam nuptiis tradi cupiebat. Profunda itaque nocte ueniens
tacito (ut assolet) pede per eandem fenestram tertiam introiecit dotem. Ac
peruigil pater decidentis auri strepitu monitus, quanta potest pedum uelocitate
prosilis, Nicolaum tandem fugientem assequitur, comprehendit, tenet:
atque illius pedibus aduolutus, redemptorem suum, adiutorem, saluatorem
pereuntium animarum, flens gaudensque compellat. Nisi enim miserationes
tuas (inquit) misericors excitasset Dominus, dudum iam perierat infelix cum
tribus infelicioribus natis pater. sed clementissimus Dominus per te saluauit nos,
& a crudeli peccati casu liberauit Dominus, suscitans inopem a terra, & de sterco
re erigens pauperem. Talia lachrymantem, beatosque osculantem pedes, Nicolaus
agere compescuit, qui cum beneficium suum, quanta potuit humilitate attenuasset,
multis tandem adiurationibus, ut rem nulli mortalium patefaceret, frustra
precatus est. Vna igitur haec ex innumeris prope misericordis homini
huius eleemosynis. Quod si reliquas quoque recensere pergemus, quoties
indigentibus opem tulit, quoties pauit esurientes, quoties alieno grauatos æ-
re leuauit, immensi propemodum laboris id fuerit,

C A P V T V I I.

Postea uero quam perfecta iam & absoluta uiri uirtus, illum maiore Dei
familiaritate dignum efficit, caput eum solitudinis cupiditas ingens: in eo-
rum desiderio diutius immoratus, statuit tandem ab omni hominum coetu sece-
dentem in abditam aliquam eremum sese recondere, ut remotior mundo, Deo
fieret propior. Eremita enim quietis atque tranquillitatis animi optima parens &
nutrix, comes uero atque tranquillitas cogitationum, diuinæque contemplationis
fructifera radix, certa quoque pronuba cum Deo coniugii spiritualis. Itaque cum ue-
teri uisenda Palestina desiderio teneretur, ubi Saluator noster ante crucem in-
ter mortales uersatus est, nauim in Aegyptum redituram conscendit, ut inde
ad loca sancta profectus, solitudini se deinde dicaret. Sed Palestina & eremo
intermissis, nauigationi ipsi paululum indulgeamus. Igitur ex portu, tranquillo
coelo soluentes, recta in Aegyptum enauigant. cum autem docti nautæ nihil ad
uersi suspicarentur, quos tamen diuturnus usus futurarum tempestatum præ-
scios solet facere, Nicolaus illis horrendas uentorum turbiumque procellas im-
minere prenunciat. Etenim uidere se ait, humani generis hostem iratum, na-
uim stricto gladio ingressum, atque rudentes, omniaque simul mali & clauis reti-
nacula concidere cupientem, molientemque nauim quasi rapidis uorticibus
circumactam, in profundum cum uiris ipsis demergere. Vix ea fatus erat, cum
derepente, quasi signo dato, uehemens atraque uis tempestatum exoritur. Un-
dicque horrendo fragore erumpunt turbines, mare uertitur funditus, tolluntur
fluctus in coelum. Trepidum nautæ subito metu perterritum, ad genua se Nicolai
prosterunt. Orant miserere, periclitantibus opem ferat, Dei auxilium pro se im-
ploret, quibus nulla reliqua sit spes salutis. Tunc uir Dei confidere illos iubet,
ac breui hoc periculo liberatum iri: modo iactent spem suam in Domino, qui
saluos facit sperantes in se. Post cum paululum orasset (mirabile dictum) sedan-
tur fluctus, turbines in leuem auram dissoluuntur, lux atram caliginem dissi-
pat, & iam undique læta tranquillaque pereuntibus dies redit. Tum nautæ à la-
chrymis in gaudium uersi, ex animo gratias cum Deo, tum admirabili famu-
lo eius habere fatentur: duplici uiri admiratione commoti, quod & futurum
prædixisset periculum, & præsens tam facile sustulisset. Auxit autem illorum
admirationem insequentis quoque rei miraculum. Conscenderat nauta supre-
mum atten-

A mum antennæ cornu, ut solutos carbasi funiculos religaret. Is dū incautior descendere pergit, & manus illum falleret, magno lapsu super nauis tabulata corruit. contusum corpus iacet exanime, & sine dubio ē uita migrarat. Tum Nicolaus misericordia uehementer motus, defixis in cœlum luminibus, orauit intentius. Inde rediens & primum cœpit illum lachrymans contrectare. mortuus quasi ē leuissimo somno excitatus resurgit: & corpore, ut prius, integro ad obeunda munera nauis redit. Post hæc uir Dei pandere illos uela iubet. Illi toto sinu flantem à tergo Corum accipiunt. nec prius illos felix deseruit aura, quàm Alexandriam adducti sunt. Ibi nautæ peruulgatis, quæ uiderant, miraculis, ciuitatem incredibili huius uiri uisendi studio excitant. Hic bone Deus multa per seruum tuum mirabilia Aegyptijs ostēdisti. Et erat operæ precium magnalia illa tua Domine uirtutum singula recensere, nisi hoc esset negotij nimis longi. Magnus etenim factus egrotantium hominum ad eum concursus, magnus calamitosorum opem petentium, magnus ab immundis spiritibus uexatorum, magnus moerentium, & infestis fortunæ casibus laborantium. Sed quis, donorum largitor Deus, quis inquam ager nō sanus abscessit? Quis moerens non lætus? Quis arreptitius nō mundatus? Sed quid hæc ad te Domine, qui fecisti cœlum & terram in intellectu. Non tuam igitur incōprehensibilis Deus omnipotentiā admiramur: sed ministrum hunc tuum, quem suæ uirtutis merito uiuentem mortuumq; per omnia secula nouis quotidie signis clarescere uoluisti. Hunc iurē miramur, hunc uniuersus orbis immortalī gloriā dignum laudat & extollit. tua tamen hæc laus est Domine, quia sine te laus ista non esset. Sed iam reliquum itineris absoluamus.

CAPVT VIII.

B **E**X Aegypto itaq; soluens, & in Palæstinam (ut cōstituerat) ueniens, ascendit in Golgotha. ubi pro salute generis humani, Christi patibulū fuit. Inde cum ad diuinæ crucis lignum uenerandū incederet, & nox illū intercepisset, ferunt templi fores tunc clausas uenienti ultro contractis uectibus patuisse. Nec mirum id quidem: quippe cui cœli ipsius patebant portæ. Non enim caruit cumulata mercede ista profectio. uberiorem enim spiritus sancti gratiā, maioraq; deinceps omnium uirtutum atq; signorum dona, perpetuò eum habuisse accepimus. In Palæstina itaq;, quantum par fuit, moratus, in solitudinem sese colligere parat. Cæterum Dominus, qui ciuitatē supra montem positam abscondi uetat, & ardentem lucernā poni sub modio: illi per uisum semel itaq; iterum imperat, ut ad oues quas reliquerat in Sion confestim redeat. Quod ubi diuinum id esse mandatum manifestè deprehendit, se ipsum abnegans, colla impiger diuino iugo submittit. Nauem Alexandrinam conduxit. precio, cum qua ē Palæstina in Lyciam remearet. Ast eum improbi nautæ dolo fallere aggressi, suæ propè dederunt pœnas improbitatis. Nam sumpta mercede, cum ē portu soluissent, non quò pepegerant, sed Alexandriae proras obuertunt. Iam erat in cōspectu patriæ illorum tellus, cum repens exorta procella, clauo, antennaq; contractis, ultimum illis exitium minabatur. Tunc nautæ conscij perfidiæ suæ, ignosci sibi postulant: & supplices, ut deinde pro sua exoret salute, magno flagitant studio. Miram dictu rem, uix illi sermonē compleuerant, cum subito uis omnis tam sæuæ tempestatis compressa resedit: & nauis, nouis surgentibus austris, in Lyciam pulsa applicuit. Descendens itaq; Nicolaus, sese ad monasterium confert. Quod auunculus eius (ut paulo antè dicebamus) sub nomine sacre Sion, magnis ædificarat sumptibus. Eum fratres incredibili gaudio excipiunt, amplectunt, osculantur, & quasi angelū à Deo sibi redditū uenerantur. Hunc sibi locum Nicolaus quasi tranquillū aliquem portum delegerat, in quo à turbulentis mundi actionibus ad contemplandam futurę uitæ felicitàtem conuersus, deinceps quieturū sese sperabat. Sed breuis

H admodum

admodum ea spes, eaq̃ quies fuit. Non enim passus est qui omnia sapiēter gubernat Deus, ut locupletissimus iste omnium uirtutum thesaurus humi lateret defossus, ex quo erat futura secula innumeris beneficijs ditaturus. Voluit enim ut magnū hoc lumen, quod ipse immensa sua accenderat prouidentia, super magnum erectumq̃ candelabrū, suis radijs uniuersum orbem per secula illustraret. Itaq̃ dum in secretiorē aliquando locū, sese orandi cōtemplandiq̃ gratia, uti insueuerat, recepisset, uox eum de cœlo alloquit̃: Nicolae ad mūdī (inquit) palāstrā tibi redeundū est, si meam coronā expetis. His uerbis exterrito, cogitantiq̃ quid nam uox ista portenderet, iterū uox eadē acrius intonans: Nicolae, inquit, nō hic est ager, in quo fructū quem ex te flagito, proferas. Ad homines redi, ut in te nomē clarificetur meū. Tunc hac uoce Nicolaus planē sibi imperatū à Deo intelligit, ut relicto ocio, ad deferendū miseris mortalibus, quā possit opē, redeat. Hic cum Deo parendū existimaret, diuq̃ secum uersasset animo, in patriam ne, ac inter notos, an alio terrarum orbe sese habitaturus reciperet: fecit tandē humanæ laudis odiū atq̃ contemptus, ut neglecta Patara & suis, Myras, ubi nemo quispiam illum nouerat, commigraret.

CAPVT IX.

Fortē autē fortuna per eos dies Myrensis pontifex ē uita migrarat: cuius rei gratia (quoniā ea ciuitas Lyciæ metropolis erat) prouinciales episcopi, q̃s suffraganeos uocant, frequentes illō conuenerant. Ibi de sufficiendo antistite actū est. Tum, diuino operante spiritu, incredibilis quādā cupiditas cepit nō episcopos modō, uerumetiā uniuersum clerū, ut sanctissimū atq̃ ornatiss. aliquem præsulē, sedes illa pro sua dignitate, amplitudine atq̃ gloriā consequeretur. Quod, tametsi multi præstantes uiri nominabant, non tamē unusquisq̃ facile ostendebat, in quem huius cōsiliij suffragia cōsentirent. Ita cum uaria (ut in conuentibus hominū fit) studia eorū essent, uariāq̃ sententię placuit tandē precibus, omniq̃ supplicationū genere orari Deū, ut reuelaret, quis nam esset huic obeūdo munerī deligendus. Magno studio diutius oratū est, nec ieiunia etiā, nec pleraq̃ pietis opera defuerūt. Tandē de cœlo Dñs nō tam precantium meritis, aut sedis dignitate, q̃ huius immēsi luminis patefaciēdi gratia uoces eorū exaudiuit: præficiendūq̃ antistitē unī ex suffraganeis episcopis, uenerando senio, & uita præstabili reuelauit, hoc pacto. Huic enim antelucanā cū ceteris episcopis orationē faciēti, apparuisse quendā ferunt, habitu augustiorē q̃ humano: eiq̃ imperasse, ut ab oratiōe confestim ad templi excubias se conferret, & quem primū in templū uenientē deprehendisset, illū esse, ad quem diuino cōsilio episcopatus & ecclesiæ gubernacula deferant, hominiq̃ Nicolao nomē esse. Hæc iste cum cæteris episcopis nunciasset, uisum est omnib. ita fieri, quemadmodū episcopo sanctissimo reuelatū fuerat. At nequa posset humana suspiciō, Dei uoluntatē labefactare, omnisq̃ tollere huius rei in fraudē nunciandæ occasio: decretū est, ut nemo quisq̃ omnino de tēplo ante rei finē egredere. Tum omnib. ad orationē cōuersis, hic unus ad exequēda Dei mandata pro templi forib. excubat. Habebat suspensos omnes (ut est humanus animus sollicitus futurorū) huius tantæ rei diuiniq̃ iudicij expectatiō. At Nicolaus media nocte ad confitendū tibi clementissime Deus de more surrexerat, ignarus certē uoluntatis tuæ, cui tamē se totū addixerat. Et cum in tuis laudib. (ut solebat) nocturna silētia absumpisset, anteq̃ primos radios rutilās aurora diffunderet, ortūq̃ solis agris mortalib. nunciaret. in templū te inspirāte Dñe, securus ire pergit. Quō cū primus omnium aduenisset, explorator iste diuinorū iudiciorū, ingredienti Nicolao tēpli uestibulū: Siste gradū, inquit, fili mi. Dic, quæso qs es, quō uenomine uociteris? Tū uas istud electiōis nil tale suspicans, mansuetē, uerecundēq̃: Peccator, inquit, sum, & seruus inutilis. nomine Nicolaus. Tum ille uultus et morū grauitatē, uerborumq̃ modestiā conspicatus, & uiri

A & uiri præterea nomē sibi coelitus designatū, non dubitauit hunc illū esse, quē diuina uisio futurū episcopū prædixisset. Nō erat enim nescius, in quos soleat Deus respicere; in mansuetos uidelicet, & humiles corde. Itaq; incredibili plenus gaudio, sicut qui inuenit spolia multa, aut in absconditū agri thesaurū incidit: Sequere me, inquit, fili mi, & apprehensum dextera, ad reliquos introducit episcopos. Illi audita re, nouum episcopū non humano certē, sed planē diuino suffragio declaratū, insolita quadā ueneratione excipiunt, uenerantur, Deoq; laudem & gloriā decantantes, in mediū templi statuunt, non tam relictantem, q̄ noui huius uelut prodigij stupore uix compotem sui. His cōtinuō promulgatis (quid enim est ocyus fama rerū, præsertim admirabiliū) ad tantæ rei spectaculū innumerabilis propē cōfluit multitudo. Tum surgēs episcopus ille, qui uisum habuerat, docet q̄ chari habendi sunt, quā uē a populis honorandi rectores animarū; illi præsertim, à quib; iustē, sanctē, humaneq; gubernarentur; nihilq; propemodū felicius esse illa ciuitate, cui istiusmodi antistitē habere cōtigisset: propterea lætari oportere Myrenensem populū, & Deo perq; maximas habere gratias, qui eum esset præsulē cōsecutus, à quo planē sperare liceat quicquid ab optimo atq; sanctiss. pontifice expectari par sit. Neminem enim dubitare oportere, hunc uirū esse omniū uirtutū arcam atq; thesaurū, & iucundissimū spīritus sancti diuersoriū, qui nō humano cōsilio, non episcoporum suffragijs, nō cleri aut populi electione, sed sola Dei miseratione sit pontifex declaratus. Inde omnib; quemadmodū euenerant, accuratē expositis, abire illos læto animo iubet, & gratias unumquenq; Deo pro immortalī ac inæstimabili beneficio reddere, se cum cæteris episcopis ad unctionē nouicij pastoris iturū, quem spīritus sancti digitis inunctū manifestē iam perspiciant. Cum dicendi episcopus finē fecisset, uniuersus hominū cœtus in lætitiā, lacrymasq; profusus, discedit. Synodus frequens ad noui præsulis unctionē conuenit. A quo magno tandem labore impetratū est, ut se pateretur inungi, tum magistratus magnitudine, tum uiriū suarū (ut ipse putabat) imbecillitate deterritū: quanq; Dei hoc esse imperiū multifariā planē cognouerat. Quo igitur die Myrensem thronū conscendit, secum ait: Hic dies Nicolae, hic locus mores alios affert: iam non tibi, sed alijs est uiuendū. quandoquidē alijs uiuere, hoc est profectō sibi ipsi perq; maximē uiuere. Ille cū sibi uideretur cleri populiq; uitia partim corrigēda, partim tollēda esse: nō soli Deo, ut antē, sed hominibus quoq; uitā omnē suam palām faciendā esse putauit, ut illi exēplo sui facerēt, quod precio; aut imperio, aut ratiōe fortassis facere noluisent. Erant eius pristini mores (ut iam expressimus) absolutæ uirtutis & formę, atq; accurata quadā castigatione compositi. At quoniā aliā est priuati hominis ratio, aliā magistratū gerētis, uitam moresq; pro magistratus dignitate transformandos esse putauit. Igitur in omni corporis cultu maiore q̄ antē incuria et negligentia fuit. Nihil erat in eo uenustū, nihil elegans, nihil accuratū, præter mores, uiuendiq; disciplinā. Vestis plus solito uilis atque neglecta, in qua nullus esset omnino nitor aut fastus; sed castigatæ potius humilitatis, & modestiæ significatio. nec enim alio quouis pacto poterat sapientius aut facilius sacerdotū in uestitu luxuriem amputare. Nam quis tam impudens fuerit, qui priuatus preciosam & nitidam uestē non erubescat, cum magistratū amplissimū uidērit uulgariter & negligenter indutū? Ego præterea sic arbitror indumentorū splendorē hunc, & plus q̄ regium luxū, quo nostri antistites nunc utuntur, aut nullis ecclesiasticis, aut his solummodo magistratib; conuenire, quibus nulla excellens uirtus autoritatē uendicet, aut uenerationē: ut quod propria luce non possunt, externo fulgore oculos uulgi perstringant. At in quo honestates uniuersæ ac modestiæ cluceat species, maior certē gloria est, atq; hominū admiratio ex ueste uulgarī. Semel edebat quotidie, & uesperī quidem, ut publicis negocijs, quæ pro magistratus

amplitudine magna erant, multaq; diem liberius cōmodaret. Nec coena tamē publico uacabat munere, quandoquidē tricliniū eius suo cōsilio aut ope indigentib. patebat semp. & coena sapius pro negociorū opportunitate intercidebatur. Cibus erat eiūsmodi q ad ieiunitatē & abstinentiā q̄ ad saturitatē potius inuitaret. Carnes ab ineunte atate ita dimisit, ut illas nunq̄ in omni reliqua uita resumpserit. Nō plus uno ferculo cōnauit unq̄, nisi hospitū gratia, quorū dignitas aut affluentiorē escā, aut delicatiorē expeteret. Nunq̄ sine sacrorum librorū lectione cōnatus est. Post epulas uerō grauis aliquis sermo sanctissimo atq; doctiss. conuentu dignus inducebat. Nam sacerdotes aliq̄t eruditioe et uita probatos perpetuos sibi cōuiuas delegit, à quib. suauiore aliquo animi cibo aleret. A mensa in cubile semisatur sese recipiēs, totus in coelestiū contemplationum campū diffundebat, & animū diurnis alienisq; curis distractū, nocturna meditatione collectū refouebat. Cumq; inter has delicias aliquantū noctis absumpisset, membra tandē humi demissa, somno tantū indulgebat, quantū ad perferendū diei labores sat putabat. Inde surgens, socios aduocabat, quibus cū antelucana oratioe resumpta, inter psalmos et hymnos aurora expectabat: tum unā cum sole in templū prodiēs, diuina exoluebat officia. A quib. ad paschendū curandūq; gregē, reliquū lucis accōmodabat. O antistitē admirandū, & ab ecclesia meritō Magnū cognominatū, qui utramq; uitā ita cōplexus est, & nunq̄ à diuinarū rerū contemplatioe negociū, aut à negotio contemplatio laderetur.

CAP V T X.

VT aut suorū morbi facilius sanarent, medicos ad eam rem prestanteis magno studio undiq; cōquisiuit. Nam primum omnium id curauit, ut unaqueq; ex suis ecclesia eius generis rectorē haberet, à quo exēplo atq; doctrina atq; studio uitia populī tollerentur, prauī corrigerent mores, uirtutū atq; religionis cultus induceretur: ijs medicis utebatur, ab his discebat quotidie, si quid insigne in animis corporibus ue uspiā locorū suorū esset, quod suum auxiliū aut praesentiā flagitaret. Incredibile autē est, quanto studio & charitate opem suam quoquo modo laborantibus impartiebat. Nō labores ulli hominē fatigabant, nō sumptus deerat, q̄ oppressos aliqua siue corporis siue animi mole leuaret: animo grauius laboranti medendo erat impiger iste, & longo, si oportebat, confectio itinere accurrebat. Iacebat quispiā egroto corpore pauper et egenus, nunq̄ quantū necesse fuerat rerū & pecuniarū in hominis auxiliū defuit. Non enim à Myrensisibus tantū, uerū & à uicinis urbibus, haud parū argenti in eleemosynas dispartiēdi quotidie ferebat. Quod si necessitas aliqua occurrisset maior q̄ ut ei posset presenti pecunia subueniri, à diuite aliq̄ misericorde quos multos habebat in promptu, pecuniam uel mutuō uel dono accipiebat. Nam preter necessaria corporis operimēta et supellectilē tenui uita peropportuna, nihil ei reliquū erat, quod uel pignori uel uenū posset dari. Nam etiam quos legebat libros, mutuō petebantur. Ita semper uoluntariā paupertatē omnibus diuitijs facile antetulit. Hoc autē elegans in eo atq; praeipuu fuit, q̄ cum perfacilis eius ad omnes, & omniū item ad eum accessus esset, amplitudinē tamen & dignitatē magistratus ita retinuit, ut dignus p sua grauitate uideretur, qui nō modò Lyciā, sed multas quoq; prouincias gubernaret. Habebant Myrae nobiles quasdā matronas, uita, moribus & religione graustantes, quae se totas ad misericordiae contulerant studia. Is Nicolaus (quoniā sexus iste ad eiūsmodi obeunda munera uidetur impigrior) quasi exploratoribus & ministris utebatur: quibus uincis, aegrotantibus, egenis & indigentibus omnib. opem ferret. Nec ei deerant graues aliquot ciues, à quibus disceret, si quid in ciuitate fieret tum publicē, tum priuatim, quod sua, suiq; magistratus cognoscere interesset, ut ea cogitatioe posset aut nascentib. malis occurrere, aut iam natis remedium adhibere. Haud multo aut postea q̄ episcopatū iniuit, prouincialem habuit

A habuit synodū. In qua pleraq; multa, tum ad Dei templorumq; cultū, tum ad uitam moresq; cleri decreta præclare & sapienter instituit, partim uetera corrigendo, antiquando ue, partim noua condendo, quib. uniuersa prouincia Lycia uteretur. Atq; quotannis prouincialia cōcilia, quoad uixit, Cal. septēb. conuenerunt. In quib. de institutis ac disciplīna cleri, deq; omni ecclesiarum statu accuratissimè agebatur; nec improbis censuræ ac pœnæ deerant, nec bonis faces, quibus ad meliorem uitam accenderentur. Initio autē magistratus sui ferunt, cum exoluendi officij, debitiq; reddendi magnitudinē formidaret, eum lacrymis & gemitu Deum sæpius intentissimè deprecatum, ut ab se intolerabilem hanc molem tolleret. Nam cum hinc animaduerneret de singulis sibi subiectis, qui innumerabiles propè erant, sibi reddendum esse rationem, illinc uires suas, quanq; erāt magnæ ualidæq; nihil p sua humilitate existimaret, in desperationem satisfactionis adductus, animo incredibiliter angebatur: atq; sæpius ob id, cum uberes lacrymas effudisset, uocem tandē audiuit de cœlo, in hæc ferè uerba: Ne timeas Nicolae, ut à me, mea negocia fideliter gerēs, ingrātē destituaris. Hac uoce maximè recreatus, & spem suā omnē in Deū coniiciēs, opem sibi à Deo pollicebatur: sed ita pollicebatur, ut omnia tamen à seipso petenda putaret, quæcunq; opera & cōsilio præstare potuisset. Sciebat enim Deū eos nō iuuare solitū, qui seipsi negligēter deseruissent. Itaq; uires suas omnes tum animi tum corporis, ad gerendū id negocij explicauit: quas cū (ut dicebamus) imbecillas existimaret, duos sibi quasi consiliarios adiungit: Paulum uidelicet Rhodium, & Theodorū Ascalonitā, uiros in omni Græcia celebres, & quibus explorata uirtus atq; doctrīna, & diuturnus præterea rerum usus autoritatem pepererat. Horum fide atq; cōsilio priuatim publiceq; plurimū utebatur. à quib. ita sciebat se diligī, ut nihil illi magis in eo cuperent, q̃ ut Deo placeret q̃ maximè. Ad eorum itaq; sententiā quasi ad fidele aliquod speculum proprios ornabat mores, & ad magistratum aptos accommodabat. In obeundis insuper episcopatus negocijs, si qd paulo difficilīus iudicandum agendū ue accidisset, hos sibi continuò adhibebat, cum quibus de re ipsa statueretur.

CAPVT XI.

INterea uetus humani generis hostis ira, crescentis Christianæ religionis feroces animos Diocletiani, Maximianiq; solito atrocius instigat, crudelioremq; q̃ antea persecutionē parat. Veniunt itaq; ab imperatore edicta in omnes qui Christianā fidem profiterent: quibus carceres, tormenta, uincula, postremò truculenta mors indicebatur. Hæc cum Myris publicè legerentur, aderant pariter imperatorij carnifices, Christianis nō obtēperantib; extrema omnia minitantes. At contrā Nicolaus pastor intrepidus, acerrimusq; Christiani gregis propugnator, fidelibus omnib; clypeum sese præstat: & Christi fidem, quanto potest ardore, ubiq; intonat, liberi profectō atq; sanctissimi pastoris officio fungens. Tum urbis præfecti ægrè ferentes contemni ab eo regia mandata: illi, nisi desistat, decernunt supplicia. At Nicolaus (perquā erat enim martyrij cupidus) contemptis minis, acrior tum insurgens, tandem uinctus in longinquas custodias abducitur: in quas & Christiani multi ex uarijs ciuitatibus erant coniecti. Vbi non parum æui omnibus incōmodis captiuitatis affectus, tanta mentis constantia ac firmitate fuit, ut eum inter delicias uitam degere arbitreris. Nec exemplo modò, uerum etiā assiduis cohortationibus imbecilliores adiuuabat socios. Et uelut agricola bonus teneras plantas religionis, pietatis riuulis irrigabat, ut eorū radices in fertili stabiliq; solo defigeret. Robustiora uerò pectora ad martyrium inflammare, ardorem illis & spiriū addere, q̃ speciosa esset in conspectu Domini mors sanctorū eius differere & prædicare quotidie: nilq; omittere, quo illi celfo firmoq; animo breuem hanc, miseramq; uitam, pro beata illa & immortalī contemnerent, non cessabat.

INterea uerò benignus Dominus de cœlo suū populū miseratus, qui solem post tenebras, & post tēpestates tranquillitatē solet seruis suis inducere, dissipare p̄tinus, ac perdere crudelia scepra parat, ac sui nominis inimicos de medio tollere: Diocetianos scilicet, & Maximianos, & quotquot cū eis suo populo impiē præsuerunt. Erigit autē cornu salutis plebi suæ, & cœlesti crucis signo Constantinū, Constantij & Helenę filium aduocat ad Romanū imperiū. Ille nō ignarus, quis nam hic esset, à quo cœlitus uocaretur, omnē spem suam in eum cōijciens, Maxentio confestim exacto, dignitatē nominis Christiani in propriæ maiestatis soliū exaltauit, uertitq; priorū lætitiā imperatorū in luctum. Tum per orbē edicta profert, quib. iubet idola & gentiū delubra euertere, solui eos qui pro Christi nomine uincti essent, instaurari Christianorum sacra, templa refici, & pristinū ornatū resumere. His Constantini edictis ubiq; promulgatis, Christi confessores soluti, unusquisq; in patriā suam redit. Sicq; Myrensis populus pontificē suum recipiunt, martyrem profectō uoluntate ac desiderio, atq; incruentū athletā & bellatorē. A quo cū cœlitus collata sibi donamiris modis exercerentur, tanta creuit apud populū de illius uirtute opinio, ut iam planē miraculo omnib. esset. Hic cum uideret dæmonū delubra quādā, nonnullasq; gentiliū aras adhuc superstites, non exiguam impiorū ac uarij generis hominum multitudinē ad eas cōfluere: atq; id mali serpere quotidie latius. Incredibili ardore accensus insurgit, Et undique Dei uerbum prædicans, ubi idolorum aram quampiam conspexisset, funditus euertebat. Nulli parcens, neminem metuens. Nihil nisi de Dei gloria, hominumq; salute sollicitus. Sic itaq; omni dæmonum cultu electo, puram gregi suo tranquillitatem & requiem comparauit.

CAPVT XIII.

HAec cum Christi miles, imò imperator & dux, aduersus principes tenebrarum nō minus foeliciter q̄ fortiter auderet, cepit continuo illū libido, quatenus ne ab ipso Dianę templo abstineret, facinus siquidē desiderandū potius q̄ sperandū. Erat enim ædes hæc admirabili pulchritudine, & magnitudi-
ne singulari, & quæ à Myrensi populo inter primaria urbis ornamenta præcipuē coleretur. In hanc igitur cum robustissima iuuenū manu impetū faciens, non solo illam ut cæteras æquasse contentus, fundamēta quoq; radicitus euulsa disiecit, nullo prorsus ciuiū obistente. Horrenda res erat, profligatorum demonum audire ululatus immurmurantiū, terribiliq; stridore inclamantium, nunc se per iniuriā ē sedibus proprijs eijs atq; fugari.

CAPVT XIII.

Hic itaq; triumphus armis eius & militiæ aduersus infideles finē fecit. Nō autē animo corporeq; in alienū auxiliū exercēdo, aut mirabilib. faciēdis: quæ quoniā multa sunt, nō omnia iccirco silentio patiemur obrui, & obliuioni, sed stricte paucula attingemus: si prius ostenderimus qualē se ipse præstitit in illo celebri & omniū nobilissimo Christianorū conuētū, qui iterū Nicææ est habitus. Constantino igitur, qui primus Christianorū cultū in uniuersam suam ditionē induxit, Romanū imperiū gubernante, Iulius, qui summus tunc erat pontifex, nō modò Constantinū, uerumetiā cæteros omnes quib. præerat imperator, ad orthodoxę rectæq; fidei ritū & disciplinā assidue inflammabat. Et cum Arrianus error haud paruam orbis partem occupasset, pontifex tandem effecit, ut suo imperatorisq; iussu, uniuersale Christicolarum concilium Nicæam conuocaretur, ubi dogmata incorruptæ fidei Christianorū comitorum firmarentur autoritate, pariterq; ut Arrius Arrianæq; stultitiæ sectatores, damnati ē repub. Christiana abigerent. Ei consilio affuerunt trecenti decem & octo episcopi: inter quos Nicolaus nō minor doctrina q̄ uita, neq; sermone,

A mone, & opere in refellendis Arrianis fallacijs iudicatus est. Heresim illā acutissima ingenia tuebant, & uiri omni doctrinarū cultu & elegantijs expoliti: quos cōtra nō modò disputationibus & lingua, uerū multo maximē supplicationibus, et assidue ad Deū precib, Nicolaus pugnabat. Ita cū illorū tandem argutias et errores ipse cū ceteris ueritatis defensorib, dissoluisset, canonemq; ipse & reliqui synodi patres orthodoxæ fidei præscripsissent, homousion uide licet, hoc est, consubstantialē patri & æqualē credendū esse Christū, resarcita scissura ecclesiæ. Inde discedens, ad propriū gregem regressus est: cui neq; doctrina, neq; exemplo, neq; assidua exhortatione defuit, quo magis omnes ad uirtutē, ad mores, ad animi cultū, ad pietatē religionemq; perpetuò cōcitaret.

CAPVT XV.

Accidit autē ea tempestate, ut terrā Lyciā ualida uexaret fames, tantaq; Myris, alibiq; tritici egestas esset, ut iam ad interitū hominū res spectaret. Tum Nicolaus ad horrea Dei, hoc est orationē confugit. Per id autē temporis mercator quidā in terra Siciliā magnā frumenti uim in nauim intulerat, exportandi in Hispaniā, dandiq; uenum causa. Huic noctu dormienti Nicolai simulacrum sese per uisum offert. Imperat ut Myras triticū statim tēpore aduehat, ex eo grande precium relaturus, fidemq; uerbis, tribus datis aureis, facit. Excitatus ille, cum aureos propē, & cubile clausum inuenissent, admonitū se diuino numine ratus, Myras sine mora frumentum uehit, preciumq; accipit quod dormienti sibi spopōderat Nicolaus. Eo pacto Myræ sæuiētis iam inediā uim repulere. Ita cum mercator rem omnem ut sibi euenerat, cunctis palam fecisset, Myrenses suum præfulem maiori deinceps quā hominem uenerari par sit, honore & laude sunt prosecuti.

CAPVT XVI.

EA tempestate Constantino nunciatum est ab nonnullis rerū nouarū cupidis, seditionē haud negligendā in superiori Phrygiā excitatā. Tunc Constantinus tres ad eos reprimendos motus legatos mittit: Nepotianū uidelicet, Vrsū & Herpilionē. Hi celerē cum armis ad negociū sibi datū profecti, Andriaciā appulere: id erat in terra Lyciā oppidum, subiectū Myrēsis. Ibi milites aliquandiu aduersa maris tempestate detenti, emendorū ciborū gratia in terram egressi: tandem (ut est eiusmodi genus hominū rapax, & alieni appetens) ad prædā incolarū sese uertunt, multa rapiūt per uim, plurima temerē deuastant. Quorū improbitas cum indies augeretur, uicit tandē incolarū patientiam effrenata licentia militum. Igitur agrū omnem armat iniuriā, seditio & tumultus exoritur, & iam in mutuam cādē utrinq; ruebatur: cū Nicolaus (is enim rem perspiciebat) citato pede ad locū uenerat, adesse nunciatur. Tum oppidū omne, necnon & ipsi imperatoris legati ac milites (tanta erat in omni Lyciā Nicolai autoritas atq; nomē) depositis armis, uenientem episcopū, obuiam progressi, incredibili quadā ueneratione ita excipiunt, ut nullū penitus tumultus aut irarū uestigiū appareret. Nicolaus rem sedatam animaduertēs, benignē legatos congressus, in urbem honorificē perhumaneq; inductos, hospitatus est. Dum illi se placatis uentis ad nauigandū expediūt, adsunt Myrenses aliquot anxij flentesq;. Hi ad sancti uiri pedes prouoluti, celeritatē & auxilium conclamant, cōtra nequissimi hominis uim atq; iniuriā. Eustachiū enim præfectū urbis auro uictū, tres innocentissimos ciues capite damnaſſe, ciuitatem omnē in luctu esse, unā reliquā superesse in Nicolao spem: qui si affuisset, ille nunq; tam immane facinus in animū induxisset. opus esse maturato: ni citò accurrerit, de capite & fortunis infontū actū esse. Hæc illi cū flentes lamentent, uir Dei diuineq; misericordiæ imitator, rei crudelitate uehementer percitus, iter arripit. Cōstantiniq; legatos cōtra præfecti uim, si oporteat, sibi comites et adiutores adiungit, itaq; cū in locū, cui Leo nomē est, aduolasset, obuios quosdam

quosdā rogat, si quid de tribus his damnatis ciuibus exploratū haberēt. Illi reli^A quisse eos aiunt in Castoris & Pollucis campo tractos ut mactarent. Tum Nicolaus ad locū uelox cōtendit, ut illorū præueniat necē. Iam miseros illos crudelis carnifex tyranni iussu ad portam loci pertraxerat, ubi capite damnatos plecti mos erat. Quō Nicolaus incredibili ardore flagrans cum irrupisset, uidet magnam mortalium uim undiq; circumfusam, & tres (miserum dictū) manus post terga uinctos, & lumina linteolo uelatos, nuda colla carnificis securi præbentes. O miserum spectaculum, & indignum profectō quod humanos suæ immanitatis testes haberet. Iam carnifex securim erexerat, & furenti similis truculentos oculos in miseras ceruices defixerat, nihil aliud quā crudelitatem atq; cruorem gestu, uultu, fœdāq; uoce significans. At diuinus hic no^Bster, ut primū pia lumina nefario iniecit spectaculo, non tumultuans quidē, aut temerarius, sed grauiter admodum, & cum seueritate carnificem compellat. Quid agis scelestē? securim contine: simulq; accedens intrepidus, & fiducia plenus cum regia quadam autoritate, securim ē manibus extortam abijcit: tribus damnatis lumina & manus reddit, bonoq; animo esse iubet. Hæc cum ita fierent, nemo tamen quisquā ausus est ex omni apparitorū turba, nō modō Nicolao obistere, sed ne in eum quidē uel attollere oculos: tanta erat morib. autoritas, gratia atq; maiestas, tantaq; de illius uirtute omnium mortalium existimatio. Rei præterea indignitas, illis (ut arbitror) manus & linguam ademerat. Tum tres illi sanctissimi uiri beneficio in lucem restituti, quanta poterant uoce cum lacrymis beneficiū extollebant: simulq; uniuersus campus, in quem facti misericordia ciuitatem propē omnem conciuerat, in eius laudes resonabat. Inter hæc præfectus urbis cum aduenisset, ei Nicolaus neque obuiam ire, neq; uenientem inspicere passus est. Tum ille siue sceleris sui conscientia, siue pœnæ metu (si Constantinus factum resciscat) in pœnitentiam uersus, episcopum benignē cōgreditur. Ille repulsum seuera increpat uoce, affirmat hanc se publicam iniuriam non passurum, imploraturumq; non modō ultoris Dei, uerumetiam Constantini iustitiam in eum qui auro corruptus, magistratum sibi traditum fœdē & crudeliter administrasset. Cumq; illi extrema minaretur supplicia, præfectus uehementius sibi timens, iam non uerbis modō, uerū & lacrymis supplex sibi ueniam postulat, omniq; pœnitentiæ significatione Nicolaum sibi conciliare studet, in Simonidem & Eudoxium Myrensiū principes iniurię culpā falso transferens. Tū incredibile est, q̄ ea res charū omnib. hunc uirū reddiderit, ut in eius laudes fusa multitudine confestim ea res tota Lycia celebraretur.

CAPVT XVII.

SEd iam Constantini legati confecta re, abeundū rati, Nicolai benedictio- nem efflagitant, pulcherrimū tutissimūq; itineris sui uaticum. Ea accepta, benignē dimissi, proficiscuntur in Phrygiam: ubi cum motus illos sapienter cōpescuissent, Byzantiū ad imperatorē regressi, honorificē & perhumanē excipiunt, nouis honorib. atq; donis aucti: quippe quorū opera atq; consilio id incendiū tutē matureq; extinctū esset. Iamq; inter primos Cōstantino chari, & cæteris omnib. illustres & cōspicui habebant. Cæterū hanc eorū felicitatē non diutius pertulit, laudū semper & gloriæ hostis inuidia, ij enim quibus erat cum tribus istis de honore contentio, Byzantiū prætorē clam adeunt, conficta in illos crimina afferūt: quod scilicet illi pecunia uicti, in autores seditionis nō animaduertissent, seminaq; eiusce mali reliquissent, breui maius periculū paritura. Cæterū accusationē hanc per se infirmam atq; suspectam, grandī pecunia prætori data communiunt. Prætor corruptus ad Cōstantinum omnia defert, comperta se habere horum peccata affirmans. Tum opinionem imperatoris de legatorum fide & integritate uicit suspicio, quæ regum animos faciliē occupat ac dominatur. Prætori itaque ab imperatore datur po^{testas,}

A testas, Nepotianum, Vrsum, Herpilionem, huius accusationis ignaros, uinculis & custodia coercendi. Tum praetor se satis accusatoribus fecisse arbitratus, quod illos coercuisset, pariter intelligēs ficta illa cōtra infontes crimina fuisse, neq; ad quēstiones, neq; ad crimina quouis pacto discutienda accedit. Sic ergo cum aliquantulum aui effluxisset, ueriti accusatores, ne si uincti inopinatō dissoluerentur, periculū patratae fraudis in suam redūdaret ceruicem, ad praetorem redeunt: eum perq; multo cōcitant studio, ut negotium rerum intermissum resumat, efficiatq; ut illi factorū suorum poenas luant. Neq; sibi neq; praetori conducere, ut illi liberati acceptam iniuriam ulciscantur. Praetor & ipse sibi pro auro ab accusatoribus sumpto metuens, ad imperatorem redit. Vultu, gestu, oculis se malae rei nūcium uenire dissimulat. Tum ubi fandi copia data est, legatos ait nondum odiū suum satis expleuisse, ex his quae contra imperij maiestatem gessissent in Phrygia. A quibus tātum aberat primorum flagitiorum poenitentia, ut etiam uincti & custoditi, noua nō desinant pericula moliri, quibus nisi occurratur anteq; ueniant, frustra cum uenerint occursurū. Cum itaq; suam fraudem praetor lachrymis cōtexisset, Imperator uera atq; comperta sibi afferri putans, simulq; motus, tum ira ob illorum ingratitudinē, tum metu sui periculi, mortem reis in crastinum decernit. Erat custos carceris uir tum humanitate praeditus, tum ueteri cōsuetudine cum tribus his legatis cōiunctus, quorum calamitatem aegrē admodum & molliter semper tulerat. Ad eum igitur cum tristis crastinae caedis nūcius aduenisset, exclamās: Me miserum (inquit) & hominum longē infelicitissimum, quem tam funesti ludi spectatorem fortuna delegit. Quām noluissem unquam hos carceres conspexisse. Quām prestabat, in ultimis terrarum finibus nunc abesse. His uocibus custos omnem compleuerat carcerem, neq; largi fletus lamentis deerant. At tres illi, quibus uitae factorumq; innocentia dudum & mortis & poenae metum ademerat, ad subitum nūcium cōsternati, Quae nos (inquiūt) aduersa fortuna in hoc miseriarum atq; calamitatis impulit? Quae tanta in nos falsa suspicio potuit, ut infantes sceleratorum hominum supplicio damnamur? Tum amicis, cognatisq; qui aderant, frustra imploratis. Quandoquidem (aiunt) nihil praesidiū innocentibus in terris est, Deum ipsum integritatis nostrae testem, & iniuriae atq; necis ultorem inuocamus. Inter haec Dei miseratione effectū est, ut Nepotianus in memoriā Nicolai ueniret: iamq; uersaret animo quo pacto ille damnatis Myrensis succurrisset, qua uī atq; misericordia eos ab interitu uēdicasset. Haec cum socijs in memoriā reuocasset: Et quid (inquit) spei nostrae salutī superest, nisi ut hunc ipsum innocentie nostrae patronū ex animo imploremus, qui pulchre didicit infontes ab omni mortis periculo liberare? Tum & duo reliqui ad orationem lachrymis & mente conuersi, sanctissimi uiri patrociniū inuocant. Exaudiuit eos autem Dominus de excelso sancto suo, & de caelo in terram aspexit. Audiuitq; gemitus cōpeditorū mirabilis Dominus in sancto suo, cuius nō est passus frustra patrociniū implorari. uoluit em̄, ut discerēt reges & omnes populi, principes, & omnes iudices terrae, regum regem in caelis esse, qui non spernat iniurias pauperum, qui soluat iniuste cōpeditos, & elisos erigat. Nocturnum enim per quietem imperatori Nicolaus apparuit ore profecto sicuti uenerādo, ita et terribili formidolosoq; atq; illi imminens: Surge cōfestim imperator (inquit) & Nepotianum, Vrsum, & Herpilionem uinculis & custodia solue. Falso enim & per inuidiam accusati sunt, & iniuria abs te damnati. Id nisi feceris, intolerabile tibi bellum indico, & foedam insuper stragem, turpissimumq; tibi domuiq; tuae interitū, uerus Dei praeco nūcio. Tum imperator rei nouitate perculsus, miratusq; (ut saepe in somnis solet) cum uiri maiestatem & uerba, tum quod intēpesta nocte in regiā, regisq; penetrasset cubile: Et quis tu es (inquit) qui hec mihi denuncias & minaris? At ille, Nicolaus sum, Myra-

rum Dei miseratione antistes. quo dicto, ab eo euanuit. Et Allabio prætori tunc quoque dormienti sese per uisum offert, eodē oris habitu, hīdemque uerbis, quibus Constantinum terruerat. Tum Constantinum somnii terrore excitatum, secumque tum minas horrendas, tum minantis speciem reputantē, pauor nō mediocris occupat, idque uisum minimē negligendū ducit. Eodē pauore, eademque animi cogitatione cum teneret prætor, ab imperatore adueniunt nuncij, qui uisa ab eo per quietem accuratē exponant. Tum prætor metu adaucto, ad imperatorem confestim uenit: quæ uidisset, quæque audisset, quantum potest, uerissimē explicat. Ita cum singula utriusque somnii conuenirent, & uelut ab eodem imperante, quasi signo dato, in utraque cubicula irruptum esset, tādē uisum est reos ipsos ē uinculis accersiri. Qui cum coram constitissent, rogantur, num disciplinā magicam didicissent. Cum negarent illi, & studia eorū omnibus manifesta esse contenderent: Rex, num (inquit) de interpretandis, aut inducendis somniis exploratum habetis aliquid: cum illi negarent, Cōstantinus se per uim (quandoquidem uolūtariē non licet) ueritatem ab illis extorturum minatur. Illi regis iustitia implorata, neque magicam, neque ullam somniorum disciplinam usquam attigisse affirmant. Se à parentibus ab ineunte etate ita educatos, institutosque ut nihil didicerint, nisi imperatorem uenerari, illum colere, illum rebus anteterre omnibus, quas mortalium animus solet concupiscere. Hoc institutum ita constanter & perpetuō tenuisse, ut nihil nisi pro augenda imperij maiestate dixerint, fecerint uel. si secus compertum habuerit, nulla se prorsus misericordia dignos putet. At si nōnihil quandoque tuēdi extollendique Romani imperij causa fecerint, si uitam sæpenumero minimi pro illius dignitate aestimarunt: si data sibi ab eo negotia, castē integreque gesserunt, iam non præmia, quibus amplissimis eiusmodi facinora donari solent, sed fama tantum, nomenque ut sibi restituantur suum, supplices postulare. His uerbis, cum uultus, gestus, lachrymæ oculis obortæ fidem facerent, cœpit Cōstantinus de illorū innocentia cogitare, & suæ poenitere sententiæ: quippe qui Dei iustitiam formidaret: uerereturque ne si ipse innocētes damnaret, nocēs ipse diuino iudicio damnaret. Iam itaque benignus illos inspicit, benignus alloquitur, ut uultus uerbaque poenitentiam animi sui faciliē indicarent. Tum illi paulo fidentius Constantinum intuiti, Nicolai simulacrū continuō uident assidentis imperatori, & nutu sibi ueniam & misericordiā pollicētis. Tum Nepotianus, & duo reliqui deinceps uehementiore animi exultatione permoti, sublatis in cœlū oculis conclamant: Deus misericors, Deus Nicolai, qui tres innoxios olim Myris ab interitu liberaasti, libera innocentes sperantes in te, ne angelus hic tuu s frustra uideat nostrum patrociniū suscepisse. Miratus hunc sermonē Cōstantinus, quid sibi hæc uerba uelint, rogat: qui uel hic Nicolaus sit, quos uel tres ab interitu liberarit. Tunc Nepotianus ordine exponit omnia, & quid ipsi Myris uidissent, & quo pacto in uinculis illius auxilium implorassent, quem ponē assidentē conspexerint. Cōstantinus (ut par erat) miraculo rei commotus, neque immemor domesticæ clementiæ ac lenitatis, quam à maioribus acceptā magno ipse semper studio auxerat, utroque somnio cum istorum narratione collata, solui confestim tres uinctos iubet, & pristinæ dignitati restitui. atque ad illos cōuersus, Abite ad eum (inquit) qui me de fortunis & capite uestro sollicitus territat dormientem, & gratiā illi reddite, eique meo nomine nunciate, quid sui gratia fecerim. Hæc cum dixisset, euangelium aureis literis proferri iubet, aureumque turibulum, gemmis & arte insigne, & duo præterea puro ex auro candelabra: ea omnia imperat ut Nicolao offerant, quibus inter sacrificandum utatur, suę pietatis perpetuum monumentum. His, aliisque admirabilibus uiri factis, eoque nomen eius diffusum est, ut iam uel remotas orbis terrarum plagas attingeret, essetque calamitosus & periclitatibus certissima spes atque profugium, quibus ille uocatus

A uocatus deesset nunc. Quia uero misericordia atque pietate nauigantes olim e faucibus mortis extraxerit, operaprecium arbitror enarrare.

CAPVT. XVIII.

F Erunt enim nautas quosdam horrenda disiectos tempestate, furentisque pelago prope absorptos, Nicolai quem nunc uiderant, auxilium inuocasse. Audierant enim quam multos saepe e summis periculis liberasset. Itaque iam non manibus fidere, non clauo, non uiribus ullis, aut arte nauigandi: sed toti in sanctissimi uiri inuocationem proiecti, contra procellarum rabiem, hoc quasi tutissimo scuto sese tueri, illum inuocare, illi manus tendere, illi tota mentis cogitatione inniti. Tum hic noster, impiger humanarum calamitatum adiutor, inclinante iam nauis, & pelagus imbibente, oculis omnium manifestus, Ecce (inquit) adsum quem inuocatis, opem, si sperabitis, allaturus. In Deo confidite, cuius ego minister adueni. simulque clauo, cernentibus cunctis, arrepto, nauim erigit, gubernatque. Inde mare minaciter increpans, fluctus confestim fauientesque procellas placat, ut nautae diceret, Quis est hic, quia mare & uenti obediunt ei; & ipse Christi promissis fidem faceret, dicentis: Amen dico uobis, qui credit in me, signa quae ego facio, & ipse faciet, & maiora horum faciet. Ita cum procellarum omnis illa superbia resedisset, eisque placidam reddidisset nauigationem, ex oculis eorum euanuit. At nautae ut primum illos optata tellus excepit, Myras quae stadia uiginti a mare aberant, recta contendunt, saluatoris sui uisendi cupiditate incensi. Vbi cum sciscitantes didicissent beatum hunc in templo cum reliquo clero diuina officia exoluente, templum ipsi anxie petunt. Erat sanctissimus hic noster sacerdotum choro immixtus, nihilque habebat insigne, quod a ceteris secerneret. In quem simulatque nautae oculos coniecerunt, quasi bacchantes per confertam turbam ad illum irrumpunt, prostratique: Hic est (inquiunt) hic est, cui uitam plane debemus: hic est cuius ope ab interitu erepti sumus: hic est qui inuocatus ut parens, misericors laborantibus prestito fuit. His uocibus cum in se circumfusus Myrenses conuertissent, rem omnem ut ab initio gesta fuerat, edixerunt. At Nicolaus ora ingenuo quodam rubore suffusus: Date (inquit) gloriam Deo filii, ego peccator sum, & seruus profecto inutilis, ipse est qui facit mirabilia magna solus. Inde illos seorsum euocatos, cum placida quadam seueritate admonet, ut post acceptam corporis salutem, animi quoque salutem non negligat. Habebat enim ex spiritu sancto, quem in illum Deus ubertim effuderat, ut alieni cognosceret cordis arcana. Ex quo nautas istos sciebat peccatis quibusdam & diabolo esse obnoxios. Cognoscite igitur (inquit) cognoscite filii errata uestra, & corda motusque uestros in tutiorem portum traducite, Deumque horrendum iudicem formidate. Estis enim (ut inquit Paulus) Dei templum: qui uero Dei templum corruperit, ut corrumpat & destruat illum Dominus, æquum est. Ego (ut dicitis) uestrae corporalis salutis adiutor, spiritualis nunc periculi nuncius uenio. Et cum post haec secretiona quaedam illorum peccata proferret, eos iusta admiratione & poenitentia repletos dimisit. O medicum expetendum, & omnium mortalium linguis per secula celebrandum, qui cum corpora omni periculo liberaret, animos quoque sanctificare non neglexisset: ut totum hominem sanum redderet, eius nullam omnino partem incuratam praetermisit. Quam ob rem uere putandum est, Deum ipsum, hoc tantum terrarum coelique ornamentum suis plasmasse digitis, & inter primas suas delicias habuisse: dedisseque animo illi profecto coelesti, habitaculum pari omnium elegantiarum ornatu praeditum. Sic enim inter ueterum memorias literis graecis mandatum inuenimus: beatissimum hunc, coelesti quadam oris & uultus uenustate fuisse, moribusque senili ac ueneranda grauitate iucundis, & ueluti sanctificationem quandam & gratiam ex se spirantibus, in cuius intuitu ea esset uniuersae honestatis species & exemplum, ut sibi

congressos, aspectu solo à uitijis ad uirtutē facile reuocaret. Si quem autem natus esset ulla animi molestia laborantē, nunq̃ non abundē consolatū atq̃ lenitum ab se misisset. Tradunt præterea ex eius uultu uelut coruscantia fulgura micare solita, faciemq̃ super humanū eluxisse splendorem. Sermo erat admirabili quodam lenocinio & suauitate suffusus, grauis, modestus, & in sententiam facile etiam reluctantes trahens. Cōpertum enim habemus, multos illum de ueritatis currículo declinantes, & in hæreticam foueam delapsos, ad catholicæ fidei semitam reuocasse, ut in opere atq̃ sermone iuste sit habitus efficax.

CAPVT XIX.

Hic itaq̃ tantis præditus ornamenti, sic inter mortales uersatus est, ut cœlo semper & immortalitate omniū consensu dignissimus uideret. Qui cum diutius quasi liliū intra Myrenses hortos iucundissimē redoleuisset, & ueluti unguentū fragrans diuinarū uirtutū odorē atq̃ suauitatē ex se spirasset: tandem dierū sanctorū plenus, in uiridē senectutē inducitur. Iamq̃ cum cōmuni hominum lege litandū esset naturæ, in breuē, eamq̃ leuē ægritudinē incidit. Ita cum intelligeret hinc sibi migrandū esse, beatus iste superioris Hierusalē ueteri desiderio flagrans, in hymnos & gratiarum actiones totus diffundit: omniq̃ lætitiæ significatione ualedictō, in cœlū, quod sibi apertū cernebat, euolat: longeuā illuc & sempiternā acturus uitā, angelorū splendoribus cōsors, diuinæq̃ pulchritudinis perpetuus contēplator. At uenerabile corpus singulare orbis terrarum ornamentū, episcoporū uniuersiq̃ cleri & populi laudib. et lacrymis decoratū, humat in templū, quod Myris maximū atq̃ pulcherrimū ea tēpestate fuit.

CAPVT XX.

Ex purissimis autē illis et redolentibus mēbris, per antea cuncta secula in hunc usq̃ diem nectareus distillat liquor, certissima spiritaliū ac corporalium ægritudinum medicina. Eius itaq̃ fama, cum ad remotissimas quoq̃ provincias subito penetrasset, ad eius uenerabilē tumulū incredibilis continuo factus est hominum ex omni plaga concursus. Neq̃ illis, multorum licet dierum itinera, uisendi busti desiderium adimebant, ut & sacro ungerentur liquore, & tumuli ipsius complexu & ueneratione consecrarentur.

CAPVT XXI

Sed anteq̃ finem faciamus, primū saltem eius post mortē admirandū in nauis facinus exponamus: reliqua, quoniā propē innumerabilia sunt, & hominum linguis undiq̃ celebrata, prætermittamus. Cōpertum habemus quosdam amplexandī tumuli desiderio, à Tanai hostio soluisse, ut Myras cōtenderent. Cum autē in nauim sarcinas & uaticū intulissent, inuidus ille dæmō, qui in eo Dianę colebat templo, quod paulo ante dicebamus à Nicolao deiectum, huius nauigationis causa cognita, ad impediendos homines, si possit, sese dolo & fraude exornat. Nondū enim exciderat animo ædis illius à fundamentis euerfio: non uiolenta, ignominiosaq̃ cum sui, tum ministrorū suorum ē Myris expulsio: non cultus hominū ad se confluentiū sibi ademptus. hæc facies ad ulationem dæmonē inflammabant, præter insitā nocendī libidinē, & alienæ uirtutis odiū immortale, quo in expulsorē suum iam toto illustrē orbe flagrabat. Igitur mulieris formam induit, uas olei plenū humero gestantis. Et nauim conscendens, se ait magno teneri desiderio eiusce tumuli adorādī: sed imbecillam corpore, stomachoq̃ maris & nausæ crudelitatem non posse preferre, missuram se (quando proficisci nō licet) oleum illud quo tumuli lampades accēdant. Rogat itaq̃, ut oleum ipsi suo nomine, sanctissimo monumento offerant. Illi facile persuasi, quippe quibus nulla inerat suspicio fraudis, dolium accipiūt. Erat in eo profanū nescio quid diabolica execratū arte, & dignum profectō, quod à dæmone nocendī causa præberet. Soluentes ergo, cum diem unum prosperē sulcassent mare, cœpit insequens aurora Zephyros in prorā mittere: & noctes diesq̃

A diesq̄ deinceps plurimos sic pertinaciter aduersi erāt, ut nauæ tædio diuturne procellæ, infecto itinere de reditu cogitarēt, iamq̄ proras obuenterant, cum in fatigatus hic noster omnium laborantium adiutor, lembo se redeuntib, offert, Quo uiri tēditis (inquit) quid cōstitutū iter deseritis: uestrū est uiri uentos in puppim cōuētere, & aduersæ nauigationis tollere impedimenta. Diabolica hæc fallacia est. Nō enim scēmina doliū, sed infernus uobis dæmō cōmendauit. liberate nauim hac peste, et uas in mare abijcite, erūtq̄ deinceps omnia uobis secunda. Nauigātes imperātis ueneratione permoti (inerat em̄ hominī diuina quedam maiestas) uas ipsum in pelagus repentē cōtorquent, ex quo tetra quādā exiliēs flāma, fumo et caligine aērē totū obnubilat, intolerabiliq̄ fœtore cōplet omnia, tātoq̄ stridore uas ipsum mari excipit, ut ē damnatorū officinis exisse nemo ambigeret. Tum Nicolaus cum sese, quī nā esset, patefecisset, ex oculis eorum euauit. Inde nūq̄ cōstituto itinere clementes auræ defuere.

CAPVT. XXII.

Hæc sunt sanctissime pater pietatis tuæ à Deo collata præmia: hæ sunt laborum retributiones, hæ certaminum tuorum coronæ, ad te in hoc mundo delatæ. Nam quæ apud immortales spiritus es cōsecutus, illa eiusmodi sunt quæ nec ullo corporis sensu, neq̄ ulla mentis cogitatione percipiātur. Ego uerō minime dubitauerim te fortissimum martyrem & incruentū appellare belatoreim. Siquidem non tam mors ipsa per se & cruoris effusio, q̄ moriēdi pro Christi nomine ardor efficit. Nam Christiani nominis sæuos oppugnatores (quādoquidem corpore uolens non potuisti) uita, moribus, doctrina, oratione deniq̄ contriuiisti, piē credentibus ualidissimum auxilium præstitisti, ultima minantes supplicia contempsisti, uincula letus subiisti: nihilq̄ præter carnificis crudelitātē tuo debuisse martyrio, intrepidus affirmarim. Sed tua uita beatissime pater, Deus rerum sapientissimus dispensator, plus q̄ morte delectatus est, ut te genus humanum q̄ diutissimē, clementissimo, & super omnes impigerrimo frueretur patrono in terris. Tuq̄ rogatus de diabolo, pro innumeris ciuibus Christianis ab te saluatis, gloriosissimē triumphares cum Christo in gloria, per immortalia secula seculorum. Amen.

FINIS.

VITA S. ANTONII DESCRIPTA PER ATHANA-

nasium, ex Græco uerō translata per Euagrium

Presbyterum.



Antonius nobilibus religiosiq̄ parentibus natus, ex Aegypto oriundus fuit, tanta suorum & sua nutritus cura, ut nihil aliud præter parentes domumq̄ cognosceret. Et cum iam puer esset, non se literis erudiri, non ineptis infantium iungi passus est fabulis: sed Dei desiderio flagrans secundū quod scriptū est, innocenter habitabat domi. Ad Ecclesiam quoq̄ cum parentibus sæpe cōueniens, nec infantū lasciuias, nec puerorum negligentiam sectabatur: sed tantū ea quæ legebantur auscultans, utilitatem præceptorū uitę institutione seruabat, non suis, ut solet illa ætas, incuriosus pro uarijs & delicatis cibis unq̄ tædio fuit, non escæ mollioris blandimenta sectatus est: his solum quæ dabantur, cōtentus, nihil amplius requisitiuit.

Studia pueritiae.

Mores.

Post mortem autem parētum, annorum circiter decem & octo seu uiginti, cum sorore admodum paruula derelictus est, & domus & sororis honestā curam gerebat. Nec dum uerō sex fluxerant menses, quibus ad Ecclesiā, ut solebat accurrens, recordabatur quomodo & apostoli omnibus spretis, secuti fuissent Saluatorē: & multi, ut legitur in actibus Apostolorū, facultatibus suis uenditis, precia ad pedes eorum detulissent egentibus, partienda, quæ uel aut quantā spes ipsdem reposita esset in cœlis. Talia secum uoluens, intrauit Ecclesiam: & accidit, ut tunc Euangelium legeretur, in quo Dominus dicit ad diuitem:

Adoleſcentia.

Antonius
dimittit
partim bo-
na, partim
uendens
dat paupe-
ribus.

Si uis perfectus esse, uade, uende omnia tua quaecumque habes, & da pauperibus, & ueni & sequere me, & habebis thesaurum in caelo. Quo audito, quasi diuinitus huiusmodi ante memoriam concepisset, & ueluti propter se haec esset scriptura recitata, ad se Dominicum traxit imperium: statimque egressus possessionem quam habebat dimisit. Rure autem erant trecenti iugeres, & ualde optimi, quos uicinis largitus est, ne in aliquo aut sibi aut sorori molestia gigneretur. Cetera uero quae in mobilibus possidebat, uniuersa uendidit: & aggregato non exiguo precio, indigentibus dedit: paruis ob sororem reservatis, quae & sexu & aetate uidebatur infirmior.

Vita mona-
stica qualis
tempore An-
tonij.

Rursus autem Ecclesiam ingressus, cum audisset Dominus in Euangelio dicentem, Nolite cogitare de crastino: relictam quoque portionem pauperibus distribuit, neque se uersari passus est domi, sed sorore fidelibus ac notis uirginibus commendata, ut ad earum nutrireretur exemplum: ipse iam omnibus seculi uinculis liber, asperum atque arduum arripuit institutum. Nec dum autem tam crebra erant in Aegypto monasteria, neque omnino quisque uitam solitudinem nouerat: & quicumque in Christi seruitute sibi metipsi prodesse cupiebat, non longe a sua uillula separatus instituebatur.

Antonius
non mendi-
cando, sed
laborem a-
nuum qua-
rit uictum.
Orationi
uacat.

Erat igitur in agello uicino senex quidam, uitam solitariam a prima sectatus aetate, hunc Antonius cum uidisset, emulatus est ad bonum. Et primo quidem incipiens etiam ipse in locis paululum a uillula remotioribus manebat, exinde autem si quem uigilantem in hoc studio compererat, procedens quarebat ut apud prudentissimam, nec ad habitaculum suum antea remeabat, nisi eius quem cupiebat, frueretur aspectibus: et sic tanquam munere mellis accepto, abibat ad sua tali ibidem institutus exordio. Cumque per dies singulos ita animum roboraret, ut nec opum paternarum, nec suorum meminisset affinium, omne etiam desiderium & sollicitudinem erga id quod coeperat, exerceret, operabatur manibus suis, sciens scriptum esse: Qui non operatur, non manducet. Mercedem sane operis sui precio panis excepto, egentibus largiebatur. Orabat frequenter, quippe qui didicerat quod oporteret sine intermissione Dominum rogare.

Antonius
interius stu-
dij rerum
sacrarum.
Exercitia
Antonij.

Auditioni etiam scripturarum ita studium commendabat, ut nihil ex eius animo laboretur, sed uniuersa Domini precepta custodiens, memoriam pro libris haberet. Sic suam uitam instituens, ab uniuersis fratribus puro diligebatur affectu, & omnibus ad quos spiritali studio discendi pergebat, obediens proprias singulorum gratias hauriebat. huius continentiam, iucunditatem illius sectabatur: istius lenitatem, illius uigilias, alterius legendi emulabat industriam. Istum ieiunantem, illum humi quiescentem mirabatur. Alterius patientiam, alterius mansuetudinem praedicabat. Omnium quoque uicariam erga se retinens charitatem, atque uniuersis uirtutum partibus irrigatus, ad sedem propriam regrediebatur. Ibi secum uniuersa pertractans, omnium in se bona nitebatur exprimere. Neque uero aduersum coeui aliquando mouebatur, sed ea tantum flamma egregio uiro crescebat in pectore, ne secundus cuique in praedictis operibus inueniretur. Et hoc ita faciebat, ut cum omnes gloria anteiret omnibus, tamen carus esset. Nam & uicini monachi ad quos saepe ueniebat, Antonium uidentes, deicolam nuncupabant: indultisque naturae uocabulis, quidam ut filium, alij ut fratrem diligebant.

Certamina
Antonij ad-
uersus sata-
nam.

Dum haec gereret Antonius, quibus omnium in se prouocaret affectum, inimicus nominis Christiani, diabolus, impatienter ferens tantas in adolescentem uirtutes, ueteranis eum aggressus est fraudibus. & primum quidem tentans, si quo modo posset ab arrepto eum instituto detrahere. Immittebat ei memoriam possessionum, sororis defensionem, generis nobilitatem, amorem rerum, fluxam seculi gloriam, esseque uariam delectationem, & reliqua uitae remissioris blandimenta, postremo uirtutis arduum finem, & maximum perueniendi laborem, necnon corporis

A corporis fragilitatem, suggerebat & ætatis spacia proluxa, prorsus maximam ei cogitationum caliginem suscitabat, uolens eum à recto proposito reuocare. Postq̃ autem diabolus orationibus eius ad Deum per passionis fidem se intellexit elidi, consueta aduersum omnes adolescentes arma arripiens, nocturnis eum inquietabat illecebris. Per dies etiam tam apertis in eum telis irruebat, ut nullus ambigeret, quin Antonius contra diabolum dimicaret. Nam & ille cogitationes sordidas conabatur inferere, & hic eas oratu submouebat assiduo. Ille titillabat sensus naturali carnis ardore, hic uigilijs & ieiunijs corpus omne uallabat. Ille per noctes in pulchræ mulieris uertebatur ornatu, nulla omittens figmenta lasciuia, hic ultrices gehēnæ flāmas, & dolorē uermis recordans, ingestæ sibi libidini opponebat. Ille lubricū adolescentiæ iter & ad ruinam facile proponebat: hic æterna futuri iudicij tormenta cōsiderans, illęsam animæ puritatem, per tentamēta seruabat. Ista autē omnia ad cōfusionē diaboli fiebant, Qui enim similem se Deo fieri posse existimabat, nūc ab adolescente ut miserimus uincebatur: & qui contra carnem & sanguinē sæuiebat, ab homine qui carnem portabat, elusus est. Adiutabat enim seruum suum Dominus, qui nostri gratia carnē suscipiens, uictoriā corpori contra diabolum largitus est, ut singulis ita certantibus Apostolicū liceret proferre sermonem, nō ego autem, sed gratia Dei mecum. Postremo cum nec hoc argumēto destruere posset Antonium draco deterrimus, & uideret se semper ab eius cogitationibus superari, secundū quod scriptum est, stridens dentibus & exululās, qualis est meritō, talis apparebat & uultu, puer horridus atq̃ niger, ad eius se genua prouoluēs, humana uoce deslebat dicēs: Multos seduxi, plurimos decepi: nūc autem ut à cæteris sanctis, ita & tuo sum labore prostratus, Quem cum interrogasset Antonius, quisnam esset, qui talia loqueretur, ait: Ego sum fornicationis amicus, *Spiritus fornicationis.* ego multimoda turpitudinis aduersum adolescentes arma suscepi, hinc & spiritus fornicationis uocor. Quantos pudicē uiuere disponētes sefellī: quot tenuiter incipientes ad sordes pristinas redire persuasi: Ego sum propter quem Propheta lapsos increpat, dicēs: Spiritu fornicationis seducti estis, et reuera per me illi fuerāt supplātati. Ego sum, qui te ipsum saepe tētaui, et semper repulsus sum. Cum hoc Christi miles audisset, gratias agens Deo, & largiore aduersus inimicum cōfortatus audaciā, ait: Multū ergo despicabilis, multumq̃ cōtemptus es, nam & obscuritas tua & ætas, infirmarū signa sunt rerū. Nulla mihi iam de te cura est. Dominus mihi auxiliator est, & ego exultabo super inimicos meos. Et statim ad uocē canentis phantasma quod uidebat, euanuit. Hæc autē Antonij cōtra diabolum fuit prima uictoria: imò uirtus in Antonio saluatoris, qui peccatū in carne condēnauit, ut iustificatio legis in nobis cōpleretur, qui non secundum carnem ambulamus, sed secundum spiritum. Sed neq̃ Antonio uincendi securitatem dedit unus triumphus, nec diaboli semel fractæ defecere uires. Nam & iste ut leo rugiens quærebat aditum, per quem possit irumpere: & ille scripturarum doctus eloquio, non ignorabat multas esse dæmonum captiones. Propter quod solerti propositum labore seruabat, cōsiderans quia posset sathanas, in carnis colluctatione superatus, nouarū aduersus se artium machinas commouere. Idcirco magis ac magis subiugabat corpus suum, ne uincens alia, in alijs uinceretur.

Disponens igitur duriori se uitæ lege constringere, cum omnes infatigabilem adolescentis mirarentur instantiā, sanctum toleranter ferebat laborē, quia uoluntariæ seruitutis, longo in Dei opere studio, consuetudinē in naturā uertebat. Inediæ autem & uigiliarū intantum patiens erat, ut plus faceret q̃ ab ullo per illum posse fieri crederetur. Pernoctabat in oratione sapissimē, edebat semel in die, post solis occasum. Nonnunq̃ biduo triduoq̃ sic permanens, ut uix quarta demum die cibum uellet accipere: Sumebat uerò panem & salem, potumq̃.

Christus adest certantibus.

Spiritus fornicationis.

Certamen perpetuum Antonij contra sathanam.

Exercitia Antonij in domando corpore.

potumq; aquæ paruulū, de carnibus uerò & uīno tacere melius puto, q̃ quicq; A
dicere, cum ne apud plurimos quidem monachorū istiusmodi escæ in usu ha-
beantur. Quīetī aut̃ sic membra concedens, ut iunco contexto atq; cilicio ute-
retur. Nonnūq; etiā super nudam humum iacens, sine stramine permane-
bat, unguenta penitus repudiāns. Dicebat enim minime posse utētium, & præ-
cipuē iuuenū corpora roborari, si olei essent perunctione mollitā; oportere ue-
rò asperos carni labores imperare, secundū Apostoli præceptū dicentis, Quan-
do infirmor, tūc fortior sum. Asserebatq; sensum animi sic posse reuiuiscere, si
corporis fuissent impetus fatigati. Vnde nec temporū longitudine laborū me-
rita pensabat, sed amore & famulatu spōtaneo semper tanq; in principijs cōsti-
tutus, ad profectū diuinī metus desiderīū concitabat. Nouisq; cupiens augere
præterita, suprà memoratī Doctōris sermonū recordabatur, qui ait: Præterita
obliuiscens, & in futurum conualescens. Meminerat quoq; Helīæ prophetæ
dicentis: Viuit Dominus, cui adsto hodie ante ipsum. & differebat cur hodie
esset appositum, quia non cōputabat Helias præteritū tempus, sed tanq; quo-
tidie in certamine constitutus, talem se præbere cupiebat, qualem sciebat di-
gnū Dei esse conspectibus, purum corde, & paratum obedire uolūtati eius.
Igitur sanctus Antonius secum reputans oportere Dei famulum ex instituto
magnī Helīæ exemplum capere, & ad illud speculum uitam suam debere com-
ponere, ad sepulchra longē à uilla constituta secessit, unī de cognatis mādans,
ut statutis diebus sibi alimenta deferret. Et cum in una memoria supradictus
frater eum clausisset, solus ibidē morabatur. Metuens ergo diabolus, ne ac-
cessu temporis heremum quoq; habitari faceret, ita eum aggregatis satellitibus
suis, uaria cæde lacerauit, ut doloris magnitudo, & motum auferret & uocem.
Nam & ipse postea referebat uulnera fuisse tam grauia, ut uniuersa hominū B
tormenta superarent: sed Dei prouidentia, quæ nunquam in se sperantibus de-
est, conseruauit eum. Alio die is quem suprà diximus frater, aduenit cibos de-
ferens quos ei deferre consueuerat, atque eum iacentem in terra semimor-
tuum, fractis forib. inuenit. Quem impositum humeris, ad uillulæ domicilium
reportauit. Quo audito, ingens uicinorum atque affinium multitudo concur-
rens, tristī in medio posito funeri debitum reddebat officium. Et iam media
noctis parte transgressa, cum iam opportunus et gratus peruigiles omnium o-
culos uicerat sopor, Antonius anima paululum redeunte, suspirans eleuauit
caput: cæteris uerò alta quiete prostratis, eum à quo delatus fuerat uigilare con-
spexit: eumq; nutu aduocās, obsecrauit ut nullo penitus excitato ad pristinū se
referret habitaculū. Relatus ergo iuxta consuetudinem, solus iterum perma-
nebat, et stare quidem propter recentes plagas non poterat: orans uerò prostra-
tus, post orationē clara uoce dicebat: Ecce adsum ego Antonius, non fugio ue-
stra certamina, etiamsi maiora faciatis, nullus me separabit à charitate Christi.
Psallebatq; dicens: Si cōsistant aduersum me castra, nō timebit cor meū. Talia
eo dicente, bonorum hostis diabolus ammiratus, quòd post tot uerba ausus
fuisset reuerti, cōgregatis canibus suis, & proprio furore se lanians, Videtis ait,
quia nec spiritu fornicationis, nec corporis doloribus superatus, tam audacter
lacepsit. Omnia arma corripite, acrius nobis impugnandus est, sentiat, sentiat,
debet scire quos prouocet. Dixit, & adhortātis uocē audientū turba cōsensit,
quia innumeras & diuersas habet diabolus artes nocendi. Sonitus igitur re-
pentinus increpuit. ita ut loco funditus agitato, & parietibus patefactis, multi-
phāsmata Phāsmata
dæmonum. induentes, omnem protinus locum repleuere fantasijs leonum, taurorum, lu-
porum, aspidum, serpentū, scorpionum, necnon & pardorū, atq; urforū, hæc
singula secundum suam fremebant naturam. Rugiebat leo occidere uolens,
taurus mugitu & cornibus minabatur, serpentes sibilo personabant, luporum
impetus

A impetus inhiabat, pardus discolor auctoris sui calliditates varias indicabat. Truces omnium uultus, et uocis horridę dirus auditus. Antonius flagellatus atq; cõfossus sentiebat quidē asperiores corporis dolores, sed interius durabat mente peruigili. Et licet gemitū uulnera carnis exprimerēt, sensu tamē idē manēs, quasi de inimicis luderet, loquebat: Si uirū aliquid haberetis, sufficeret unus ad præliū. Sed quoniā Dominō uos eneruante frangimini, multitudine tentatis inferre terrores, cum hoc ipsum infirmitatis indicium sit, qđ irrationabilium formas induitis bestiarum. Rursumq; cõfidens, aiebat: Si quid ualetis, si uobis in me potestātē Dominus dedit, ecce præstō sum, deuorate: si uerō nō potestis, cur frustra nitimini? Signum enim crucis & fides ad Dominū, inexpugnabilis nobis murus est. Multa contra sanctum Antonium minantes fremebant dentibus suis, quod nullus eorū tentamenta sequeretur effectus, sed maximē contrario gigneretur illusio. Non oblitus Iesus colluctationis serui sui, eidem protector factus est, deniq; cum eleuaret oculos, uidit desuper culmen aperiri, & deductis tenebris radiū ad se lucis influere. Post cuius splendoris aduentū, nec dæmonum aliquis apparuit, & corporis dolor extemplō deletus est: ædificium quoq; quod pauloante dissolutum fuerat, instauratum est. Illico præsentia Domini intellexit Antonius, & ex imo pectore trahens longa suspiria ad uisionem quæ ei apparuerat, loquebatur dicens: Vbi eras bone Iesu, ubi eras? Quare non à principio affuisti, ut sanares uulnera mea? Et uox ad eum facta est: Antonii hic eram, sed expectabam uidere certamen tuum. Nunc autem quia dimicando uiriliter non celsisti, semper auxiliabor tibi, & faciam te in omni orbe nominari. His auditis, exurgens in tantum roboratus orabat, ut intelligeret plus se recepisse tunc uirium, quā antē perdidit.

*Fides murus fide-
lium.*

*Protector
in se spe-
rantium
Deus.*

Erat autem tunc Antonius annorum trigintaquinq;. Exhinc cum uoluntati promptæ merita religiosa succrescerent, uadens ad supradictū senē, precabatur ut in deserto pariter habitarent. Causante illo senile æuū, & rei nouitatē, solus cõtendit ad montē: & heremi adhuc monachis ignotæ uitæ, rupto metu uiam conatus est pandere. Sed nec tunc cessauit malignus aduersarius. nam impedire eius propositū uolens, argenteū discum in itinere proiecit. Quo uiso, Antonius callidi artificis cognouit astutiā: stansq; intrepidus, & discum toruis intuens oculis, doli auctore in phantasmate obiurgabat argenti, talia secū reputans: Vnde hic in deserto discus? auiū hoc iter est, nulla sunt uestigia cōmeantium, lapsus de sarcina præ magnitudine latere nō potuit: sed & qui perdidit, reuersus, ob solitudinē locorū, inuenisset profectō quod ruerat. Hoc artificium diabole tuum est, nō impedies uoluntatē meam, argentū tuum tecum sit in perditionem. Hoc illo dicēte, discus ut fumus à facie ignis euanuit. Dehinc non ut antē in phantasmate, sed ingentē aurī massam in itinere conspexit. Verū hanc utrum diabolus attulerit, an ad Antonium comprobandū, quia nec ueris opibus inescaretur, uirtus coelestis ostenderit, ignoratur. hoc tantū agnouimus, quia quod uisum est, aurū fuit. At ille magnitudinē admiratus radiantis metalli, rapido cursu, quasi quoddā uitaret incādium, ad montem usq; perrexit. ibi flumine transuadato, inuenit castellum desertū, plenum ob tempus & solitudinem uenenatorū animalium, in quo se constituens nouus hospes habitauit. Statimq; ad eius aduentū ingens turba serpētium, quasi persecutorem passa, profugit. At ille, obstructo lapidibus introitu, panes mēsum sex, ut Thebeis mos est, secum recondens (nam crebrō per annum incorrupti durare solent) nec non & exiguum habens aquę solitarius perdurabat, nusq; inde procedens, nunq; aliquem suscipiens: in tantum, ut cum bis in anno per tectum desuper panes acciperet, nullum cum deferentibus haberet alloquium.

*Antonius
35. ætatis
anno sece-
dit in herē-
mum.
Sathana il-
lusiones.*

Multis igitur uidendi eum desiderio & studio requirēdi, ante ostiū eius pernoctantibus, audiebant ut uulgi uoces aduersum Antoniū, tumultusq; dicen-

K tium:

Antonius
contemnit
satane il-
lusiones.

Antonius
55. annorū
prodit in
publicū cū
in heremo
uixisset 20.
annis.

Modestia
Antonij.

Antonij cō-
tiones.

Scripturā
non sua aut
aliorū ex-
empla pro-
ponit fra-
tribus An-
tonius.

Antonij
prolixa
cancio.

tium: Quid te nostris ingeris habitaculis? Quid tibi & deserto? Abscede à fini-
bus alienis, nō potes nostras insidias sustinere. Et primò quidē qui foris erant, A
existimabāt aliquos homines scalis positīs introisse, ibiq; cōtendere. Postq; au-
tem per cauernā introspectientes nullū uiderūt, dæmones cōtra eum intellexe-
runt cōtendere: & nimio metu perterriti, Antonij auxiliū flagitabant. At ille
ostio propinquans ad cōsolandos fratres ne timerent: atq; ut inde recederent,
precabā, trepidantibusq; asserebat à dæmonibus incuti metū: Signate uos, in-
quiens, & abite securi, istosq; semetipsos sinite deludere. Itaq; illis reuerētibus,
hic remanebat illæsus, nec unq; in certamine lassabā. Accedentiū eū augmen-
ta profectū uel debilitas repugnantīū, maximum cōtentioni leuamen addi-
derat, tum & animo constantiā suggerebat. Rursusq; ad heremum uenienti-
bus turbis, quidam mortuū eum se existimauerant reperturos, ille autem psal-
lebat intrinsecus: Exurgat Deus, & dissipentur inimici eius, & fugiāt qui odes-
runt eum à facie eius. Sicut deficit fumus deficiāt, ut liquefcit cera à facie ignis,
ita pereant peccatores à facie Dei. Et iterum: Omnes gentes circūdederunt
me, & in nomine Domini uindicaui in eis. Sic Antonius annis uiginti solita-
riē transactis, atque ab hominum segregatus aspectibus perdurauit. cum ergo
multorum & propositum imitari cupientium, & notorum multitudo ad eum
concurreret, necnon & patientium infinita se caterua glomeraret, tandem pe-
nē iam per uim foribus euulsis, quasi ex aliquo cœlesti aditu consecratus appa-
ruit, obstupuerunt uniuersi, & oris gratiam & corporis dignitatem quod nec
per quietem intumuerat, nec ieiunijs dæmonumq; certamine faciem eius pal-
lor obfederat, sed econtrario quasi nihil id tēporis egisset, antiquus mēbrorum
decor perseuerauerat, pro tam mira quæ in illo animi puritas fuit. Nunq; hila-
ritate nimia resolutus in risum est, nunq; recordatione peccati tristitia ora con-
traxit, nō magnis stupentiū se eleuatus est laudibus. Nihil in illo indecens solia-
tudo, nihil asperū quotidiana cum hostib. bella cōtulerant, sed temperata mens
æquali ad cuncta ferebatur examine.

Plurimos igitur ab immundis spiritibus & infirmitatibus uarijs, Dei gratia,
per Antonij cō-
tiones. liberauit. Sermo eius sale cōditus, cōsolabā mœstos, docebat in-
scios, cōcordabat iratos, omnibus suadens nihil amore Christi antepone-
dum. Proponebatq; ante oculos bonorū, magnitudinē futurorū: & Dei clemētiā
et beneficia retexebat indulta, q; proprio filio suo nō pepercerit, sed pro nostra
omniū salute eum tradiderit. Nec mora, plura audientiū corda ad humanarū
rerum contemptū, hæc eius fualit oratio, & habitādæ heremi istud eius exor-
dium fuit. Quid sanē & in Arsenoytarū oppido gestū sit, nō transibo silentio.
Nam cum fratres uellet inuisere, & riuulū Nili, qui crocodilīs & multis sæuis
fluminis bestijs plenus erat, transiā dare esset necesse, tam cum comitibus suis
transiuit illæsus, q; inde redibat incolumis: rursusq; in pristinis laborib. perseue-
rans, multos magisterio suo fratres cōfirmauit, ita ut breuī tēpore plurima fie-
rent monasteria: nouos antiquosq; monachos pro ætate uel tempore, paterno
moderabā affectu. Quadā autē die cum sanctus Antonius cōgregatis fratri-
bus rogare, ut eis institutoria largiret præcepta, quibus cum Prophetica fidu-
cia exaltans uocē aiebat: Ad omnē quidem mandatorū disciplinā, scripturas
posse sufficere: sed et hoc optimū fore, si mutuis se inuicē fratres sermonib. con-
solarent. Et uos ergo, inquit, ut patri referte quæ nostis: & ego quæ per longam
ætate cōsecutus sum, quasi filijs indicabo. Hoc sit autem primū cunctis in com-
mune mandatū, nullū in arrepti propositi uigorē laceffere, sed quasi incipien-
tem augere semper debere qd cœperit: præsertim cū humanæ uitæ spacia, eter-
nitati comparata, breuissima sint. Ita exorsus paululum siluit, & ammiratus
Dei nimia largitatē, rursus adiecit, dicens: In præsentī hac uita æqualia sunt, p-
rerū cōmutatione cōmercia, nec maiora recipit ab emēte q; uendit. Promissio
autem

A autem uitæ sempiternæ, uili precio cōparatur. Scriptū est enim: Dies uitæ nostræ septuaginta anni, aut ut multum octoginta: quicquid reliquū est, labor & dolor est. Quando ergo octoginta aut cētum, ut multum, annis laborantes, in Dei opere uixerimus, nō pari tempore regnaturi sumus in futuro, sed pro annis prædictis omnium nobis seculorū regna tribuentur. Non terram hereditabimus, sed coelū: corpus quoq; corruptū relinquentes, idipsum cum incorruptione recipiemus. Ergo filioli non uos aut tædiū defatiget, aut uanæ gloriæ delectet ambitio. non sunt enim condignę pāsiones huius temporis ad superuenturam gloriā quæ reuelabitur in nobis. Nemo cum despexerit mūdum, reliquisse se arbitretur ingentia, quia omnis terra ad infinitatem comparata coelorum, breuis ac parua est. Si ergo nec uniuerso orbi renūciantes, dignum aliquid habitaculis possumus compensare cōlestibus, se unusquisq; consideret, & statim intelligit paruis iugeribus agri & parietibus, uel modica auri portione contempta, nec gloriari se debere, quasi magna dimiserit: nec tædere, quasi parua sit recepturus. Vt enim contemnit aliquis unam aream drachmam, ad drachmas centum aureas, conquirendas: ita etiam qui totius orbis Dominiū dereliquit, centuplum de melioribus præmijs in sublimi sede recipiet. Ad summum illud perspicere debemus, quod & si nostras uelimus retentare diuitias, lege mortis ab ipsis diuellimur inuiti, ut in libro Ecclesiastes scriptum est. Cur ergo non facimus de necessitate uirtutem? Cur non ad lucranda regna cōlestia ultrò relinquimus, quod lucis istius sine perendum est? Nihil eorū curæ sit Christianis, quæ secū auferre nō possunt, illud potius debemus expetere, q̃ nos ducat ad coelū, sapientiā scilicet & castitatē, iustitiam & uirtutē, sensum peruigilē, pauperū curam, fidē in Christo robustam,

B animū iræ uictorē, hospitalitatē. Hęc sectantes, mansionē nobis in terra quietorum secundū Euangeliū præparabimus. Cōsideremus Domini esse nos famulos, & seruitutē debere ei à quo creati sumus. Vt enim seruus præteriti gratia famulatus, præsens aut futurū non contēnit imperiū, nec audet asserere qd ex labore transacto, instantis operis habere debeat libertatē, sed iugī studio (ut in Euangelio scriptū est) eandem semper exhibet seruitutem, ut & Domino placere possit, & ne metum lucrei & uerbera: sic & nos diuinis congruit parere præceptis, sciētes quod æquus ille retributor in quo quenq; inuenerit, in eo sit iudicaturus, quod prophetica per Ezechielem uoce testat: Nam & infelix Iudas propter unius noctis impietatē omni præteriti temporis labore priuatus est. Idcirco tenendus est continuus instituti rigor, habentib. Deum auxiliatorem sicut scriptum est, quia omni proponenti bonum, Deus cooperat. Ad inertiā autem calcandam, Apostoli præcepta replicemus, quib. se mori quotidie testabatur: similiter & nos humanæ conditionis uitam ancipitē retractantes, non peccabimus. Cum enim & excitati mane à somno ad uesperā nos peruenire dubitemus, & quieti corpora concedētes, de lucis non confidamus aduentu, & ubiq; naturæ ac uitæ incertæ memores, Dei nos intelligamus prouidentia gubernari. Hoc modo nō delinquemus, aut aliqua fragili cupiditate raprabimur. Sed nec irascemur quidem aduersus aliquem, nec terrenos congregare thesauros ambiemus: quin potius metu quotidiani recessus, & seiungendi corporis iugī expectatione, omnia caduca calcabimus. Cessabit mulierū amor, libidinis extinguet incendium, inuicē nobis debita nostra donabimus, ante oculos semper habentes ultimæ retributionis aduentū: quia maior formido iudicii & poenarum timor horridus simul & lubricę carnis incentiua dissoluit, & ruentem animam quasi ex aliqua rupe sustentat. Ideoq; precor, ut ad finem propositi boni, omni labore tendamus. Nemo post tergum respiciens Lot imitetur uxorem, præsertim cum Dominus dixerit in Euangelio, nullū ponentē manus super aratrum, & respicientem retrorsum, dignum esse regno coelorum,

Respicere retrorsum. respicere autem retrorsum, nihil aliud est q̄ in eo poenitere quod coeperis, & a mundanis rursus desiderijs obligari. Nolite quæso uirtutis tanq̄ impossibile nomen pauere. nec peregrinum uobis aut procul positum uideatur hoc studium, quod ex nostro Dei gratia præcedente pendet arbitrio, huius operis homini inserta natura est, & eiusmodi res est, quæ nostram tantū expectat uoluntatem. Græci studia transmarina sectentur, & in alieno orbe constitutos, inanium literarum quærant magistros: nobis uerò nulla proficiscendi, nulla transfretandi fluctus necessitas imminet. in omni sede terrarum constituta sunt regna cœlorum. Vnde & Dominus in Euangelio ait: Regnū Dei intra uos est, uirtusq̄ in nobis est: mentem tantum requirit humanam.

Contra peregrinationes.

Cui enim dubium est, quia naturalis animæ puritas, si nulla fuerit extrinsecus sorde polluta, fons sit & origo uirtutū? Bonam necesse est eam esse, quam creauerit bonus auctor. Quod si fortè cunctabimur, audiamus Iesum filiū Naue populo dicentē: Rectum facite cor uestrum ad Dominū Deum Israel. Nec Ioannes dissonā tulit de uirtute sententiā, prædicās, Rectas facite uias uestras. Si quidem hoc est rectam esse animā, cum eius principalis integritas nulla uirtutum labe maculatur: si naturam mutauerit, peruersa tunc dicī: si cōditio feruetur, & uirtus est. Animam nostram cōmendauit nobis Deus, seruemus depositum quale accepimus. nemo causari potest extrinsecus situm, quod in se nascitur. facturā suam qui fecit, agnoscat: opus suum inueniat ut creauit. Sufficit nobis naturalis ornatus, ne deturpes homo, quod tibi largitio diuina cōcessit. Opera Dei immutare uelle, polluere est. Illud etiā sollicitē providere debemus, ut tyrannicam iræ superemus insaniam, quia scriptum est: Iracundia uiri iustitiā Dei non operatur. Et iterum: Desideriū concupiscens parit peccatum: quo perfecto, mors gignitur. Diuinę uocis præceptū est, ut iugi custodia tueatur animum, quia exercitatos ad supplantandū habemus inimicos, dæmones scilicet, contra quos nobis secundum Apostolicam contestationem pugna sine intermissione est. Ait enim: Non est uobis colluctatio aduersus carnem & sanguinē, sed aduersus principatus & potestates huius mundi, aduersus spiritualia nequitiae in cœlestibus. Ingens eorū turba per istum uolitat aërem, non procul à nobis hostium caterua discurrit. Et diuersitatē quidem eorum, nō est meæ paruitatis exponere, sed hāc maioribus cōcedo rationē. Quod autem in promptu est, & ignorare non expedit, dolos scilicet eorū aduersum nos cōpositos breuiter indicabo, hoc primum mentibus debemus affigere, nihil Deum fecisse quod malū est, nec ab eius institutione dæmonū coepisse initium. Peruerfitas ista non naturæ, sed uoluntatis est uitium. Boni etenim utpote à Deo conditi, ex proprio mentis arbitrio ad terras ruere de cœlis: ibiq̄ in cœni sordibus uolutati, gentilitatis impiās instruxere culturas. Et nunc de nobis torquentur inuidia, atq̄ uniuersa mala commouere non cessant, ne pristinis eorum sedibus succedamus.

Contra iram.

Deum non esse autorem mali.

Varij insultus dæmonum.

Diuersa autem eorum et partita nequitia est. Quidam enim ad summū nocendi uerticē peruenere: alij ex cōparatione peiorum uidentur esse leuiore, atq̄ omnes pro possibilitate uirium diuisi, contra singulas causas sumpsere certamina. Idcirco nobis munus necessarium est spirituum discernendorum à Domino petere, ut possimus tam fraudes eorum q̄ studia præuidentes, aduersus disparem pugnam unum Dominicæ crucis eleuare uexillū. Hoc munere Paulus accepto, docebat, dicens: Non enim eius ignoramus astutias. Ad cuius exemplum etiam nos oportet ex his quæ passi sumus mutuis inuicem instruire sermonibus. Hostile illis contra omnes Christianos, maximè uerò contra monachos & uirgines Christi, odium est. Coram semitis laqueos prætendunt, eorum mentes impijs atq̄ obscœnis cogitationibus nituntur euertere: sed nihil uobis in hoc terroris incutiant. Fidelibus enim orationibus atq̄ ieiunijs ad Dominum

A Dominum confugientibus, statim corruunt: nec tamen si paululū cessauerint, plenam putetis esse uictoriam. Solent etiam faucij grauius assurgere, & mutata arte pugnandi cum in cogitatione nihil egerint, pauoribus terrent, assumen-
tes nunc mulierum, nunc bestiarum & serpentū formas, nec nō ingētia quā-
dam corpora, & usq; ad tectum domus porrectum caput; infinitas species &
milium cateruas.

*Demonium
improbis
in oppu-
gnadis pjs.*

Quæ omnia ad primum quoq; crucis signum euanescunt. His quoq; agni-
tis fallaciarū modis incipiunt præfagare, & futurorum dierum euentus uelle
prædicere. Cumq; & in his cōtempti fuerint, ipsum iam suæ nequitia: princi-
pem ac totius mali summitatē ad subsidū sui certaminis uocāt. Crebrō deniq;
Antonius talem à se uisum diabolum asserbat, qualem & Iob beatus, Domi-
no reuelante cognouerat. Oculi eius tanq; luciferi, & ex ore eius procedunt
lampades incensæ. Crines quoq; incendijs sparguntur, & ex naribus eius fu-
mus egreditur, quasi fornacis aestuātis ardore carbonū. Anima eius ut pruna,
flāma uerò ex ore eius glomerat: cum huiusmodi terroribus uisus est damo-
num princeps, inquit Antonius, & ingētia sæpe, ut dixi, promittens impie-
tis suæ defurit lingua magniloqua, de qua Dominus triumphauit ad Iob, di-
cens: Arbitratur enim ferrum ut paleas, æramētū ut lignum putridū, maria
ut terram: tartari profundū tanq; captiuum aestimabat, abyssum ut deambula-
torium. Per Prophetam quoq; increpat, dicens: Persequens cōprehendam, &
omnem orbem terrarum manu mea ut nidum obtinebo, & ut oua derelicta
auferam. Sic iniquus funereas euomens uoces, bene uiuentiū aliquos frequen-
ter illaqueat, sed nos nec eius pollicitationibus credere, nec minas formidare
debemus: fallit enim frequenter, nihilq; uerū promittit. Nam si nō mendacia
cūcta loqueret, quomodo talia & tam infinita promittēs, hamo crucis ut dra-
co aduncatus à Domino est, & capistro ligatus ut iumentū, & quasi mancipiū
fugitiuū uinctus circulo, & armilla labia perforatus, nullū omnino fideliū de-
uorare permittitur. Nunc miserabilis ut passer ad ludū irretitus à Christo est,
nunc comites suos quasi scorpiones & serpentes calcaneo Christianorū sub-
stratus gemit. Ille qui uniuersa maria à se deleta plaudebat, ille qui orbē terra-
rum manu sua tenere pollicebatur, ecce à nobis uincitur, ecce me aduersum se
prohibere non potest disputantem. Contemnenda est, filioli, penitus cum ma-
nibus uerbis superba iactatio. Fulgur ille qui lucere se simulat, non ueri splen-
dor est luminis, sed quibus arsurus est indicat flammæ. Nam dicto citius rece-
dens, suarum secum refert simulacra poenarum.

*Horrenda
satanae spe-
cies nihil
aliud quā
umbra.*

*Christus ui-
ctor satanae.*

Solent etiā cum modulatione nonnunq; apparentes psallere. prohi nefas ad
huc & impuro ore sacra scripturarum eloquia meditantē frequenter legētib;
nobis, quasi echo ad extrema uerba respondent. Dormiētēs quoq; excitant ad
orandum, ut totius noctis somnū eripiant. plerosq; etiam in monachorū no-
bilitate habitu coercent, & pristina quib; conscij sunt peccata imputāt. sed spera-
nēdæ sunt eorū increpationes & admonitiones ieiunādi, uigiliarū quoq; frau-
dulenta suggestio. Ob id enim familiares nobis species assumunt, ut affinitate
uirtutum nocentes facilius uirus interferant, & innocētes quosq; per speciem
honestatis elidant. Impossibile postea durūq; hoc studiū prædicant, ut dum
onerosum esse uidetur quod coeptū est, ex desperatione tegdū, & ex tædio suc-
cedat ignauia. Idcirco Propheta missus à Domino, luctuosa denunciāns, sub-
limi uoce dicebat: Væ illi qui potat proximū suum subuersione turbida. Huius-
modi enim exhortamēta; deprauatoria sunt itineris quod ducit ad coelū. Id
circo cum uenisset Dñs ad terras, & uera de eo damones inuiri prædicarēt (ue-
rē enim dicebāt: Tu es Christus, filius Dei uiui) uociferantiū ora clauderat, q;
uinctas hominū linguas soluebat, ne cum præconio ueri, peruersitatis uenena
miserent; & ut nos eius exēplo, etiā si pfutura suaderēt, in nullo his cōmoda-

*Satan tra-
ctans sacras
litteras.*

remus assensum, quia profectò non congruit post libertatem à Domino concessam, & scripturarum precepta uitalia, à diabolo uiuendi capere consilia: qui suum deferens ordinem, sacrum Christi temerauit imperium.

Propterea etià Dominus eum de scripturis loquentē, iubebat tacere, quia peccatori dicit Deus: Quare tu enarras iustitias meas, & assumis testamentum meum per os tuum? Omnia daemones simulant, colloquuntur saepe cum fratribus, saepe cum turba incòditos excitant sonitus. Manus applaudunt, sibilant, insipienter cachinnant, ut uel in pūcto peccati Christianum pectus introeant. Cumq; ab uniuersis fuerint repulsi, ad extremū debilitatē suam lamentatione testant. Et Dominus quidē quasi Deus & suæ cōscius maiestatis obmutescere his imperabat: nos autē uestigijs sanctorū inherentes, eandē gradiamur uiam, qui memoratas subtilius fallacias peruidentes canebant. Cum consisteret aduersum me peccator, obmutui & humiliatus sum, et silui à bonis. Et iterū: Ego uerò tanq; surdus nō audiebā, & tanq; mutus nō aperiens os suum, factus sum ut homo non audiens. Christus silentiū imperauit, ut nos diabolo nihil credamus, & uincimus. Si orare cōpellunt, si ieiunia suadent, nō ex eorū nos monitis, sed ex nostra cōsuetudine dirigamus. Deniq; etià si irruentes mortē nobis intentare uideantur, irridendi potius sunt q; timēdi: quia cum sint debiles, minantur cūcta, nec faciunt. Hæc quidē de istis tam transitoriè dixisse me memini: attamē eadē nunc explicanda sunt latius, quia non mediocrē affert repetitio cautelam. Adueniente Domino destructus est inimicus, & omne penitus eius robur elāguīt. Propter quod pristinae uirtutis memor, quasi tyrannus iam senescens, cum ruisse se uideat, in perniciē grassatur humanam, nec tamē potest firmum Deo pectus cogitationū & cæterarum fraudum arte peruertere. Nam luce clarius est, quin aduersarij nostri cum nec humana carne sint septi, ut causari ualeant, idcirco nos à se nō posse superari, quia clauso ostio introire nō ualeāt. Et reuera si fuissent hoc fragili corpore colligati, obseruato introitu hisdem negareī accessus. Cum autē, ut diximus, hoc impedimēto sint liberi, & obstrucla penetrent, atq; in omni licenter uolitent aëre, manifestū est, ob enervationē eorū permanere Ecclesiæ corpus illesum. Deniq; satellites impij cum principe suo diabolo, quem Saluator in Euangelio homicidā & patrem malitię ab initio fuisse firmat, nobis aduersum se dimicantibus fortiter nullo modo celsissent, si potestas eorū nō fuisset ablata. Nam si mentior, cur nobis satanas parcis, qui ubiq; discurreis? Cur qui nullo clauderis loco, aduersum te uiuētium & disputantium nō potes labefacere constantiā? Sed fortasse nos diligis, quos quotidie conaris obruere: aut credibile est, te esse bonitatis magistrū, & fauere magis optimis, q; nocere. Et quid tam charū tibi potest esse q; lædere, maximē eos qui tuis scelerib; uiriliter repugnāt, secundū quod scriptū est: Quia abominatio est pietas peccatori? Quis tam fœcūdū ad malitiā possidet pectus? Quis tam meditata implere conat insidias? Scimus te impuriſsimū cadauer. Scimus quia idcirco uiuimus Christiani, & cōtra te nobis est segura cōgressio, quia infirmatus es à Domino. Ideo de tuis cōfoderis iaculis, quia minationē tuam non sequit̃ effectus. Quod si fallimur, cur cum terrore simulato, cur cum magnitudine corporū, nostram aggredieris fidem? Si uoluntatē sequereī possibilitas, tantum tibi uelle sufficiat. Is enim potentiaē mos est, nō extranea fallacię argumento cōquirere, sed sua uirtute cōplere quod cupiat. At nunc dum theatri mutatione formarū, quasi rudem infantia scenica niteris simulatione deludere, exhaustas uires manifestius probas. Nunquid nam uerus ille angelus contra Assyrios missus à Domino, aut populorum eguit societate, aut sonitus quæsiuit aut plausus: & non potius tacitam exercens potestatem, centum octogintaquinq; milia hostium sermone uelocius iuxta iubentis Domini prostrauit imperium?

Christus
uictor sa-
tanæ.

Ecclesia
stat cōtra
furorem
satanæ.

Indicia de-
uicti à
Christo sa-
tanæ.

Vos ergo

A Vos ergo cum fragiles sitis uiribus, perpetuus uos cōsequitur interitus. An dicet aliquis: Cur diabolus egrediens beati Iob omnem in ruīnam impulit domum? Cur eius opibus penitus dissipatis, parietum quoq; fundamenta subuerrens unum numerosę sobolis coaceruauit sepulchrū? Cur ipsum ad extremum diri uulneris nouitate percussit? Qui hoc opponit, audiat ē diuerso, non diabolum potuisse hoc, sed Dominū, à quo potestas aduersum nos dupliciter datur: uel ad gloriā, si probamur: uel ad pœnam, si delinquimus. Quin potius ex hoc animaduenterat, nec cōtra unum quidem hominē, diabolum quicq; potuisse, si non potestatem acceperat à Domino. Nullus enim quod suę ditionis est, ab alio deprecatur. Sed quid Iob memoro? quem nec expetitur potuit uincere: nec contra iumenta quidem eius, & contra oues, nec contra fues sine cōcessu Dei propriū robur exercuit, sicut in Euangelio scriptū est: Demones autem rogabant eum, dicentes: Si eijs nos, mitte nos in gregem porcorum. Quomodo igitur qui porcorum expetunt mortes, imaginem Dei, hominē, & tam charum cōditori animal, suo ualebūt ture peruertere? Magna dilectissimi aduersus dæmones arma sunt, uita sincera, & intemerata ad Deum fides. Credite mihi experto, pertimescit satanas rectē uiuentiū uigilias, orationes, ieiunia, mansuetudinē, uolūtariā paupertatē, uanę glorię contemptū, humilitatem, misericordiam, irę dominatum, & præcipuē purum erga Christum amorem. Nouit teterrimus coluber, ex præcepto Domini, sub iustorum se iacere ueligijs, qui ait: Ecce dedi uobis potestatē calcare super serpentes & scorpiones, & super omnem uirtutē inimici. Sin autem & diuinationē se habere simulant, uenturos fratres nunciauerint, & affuerint quos uenire prædixerant, nec sic fides est cōmodanda mendacibus. Ob id enim præcessere uenientes, ut credulitas sibi pareat ex nūcio, & postea aditus ex credulitate fallacię. Verū in hoc nullum Christiano debet esse miraculū, cum non tantū qui leuitate nature per cuncta discurrunt, ualeant peruenire gradiētes, sed homines quoq; equorum uelocitate præuecti nunciant affuturos. Non enim ea quę nondum fieri cœpta sunt referunt, quia Dominus solus conscius est futurorū: sed quorū conspiciunt in actu inītiū, eorum sibi tanq; fures apud ignaros uendicant notionē. Nam quātos nunc putatis, qui possunt uelocitate puerili istū cœptū, nostrosq; contra se sermones ante relatum alicuius hic positi, longē manentib. indicare. Quod uobis perspicuū fieri potest exēplis. Si quis à Thebaide, aut alicuius regionis oppido cœperit proficisci, & hunc dæmones in itinere uiderint ambulantem, pernicitate memorata possunt prædicere uenientē. Ita & de Nili inundatione solēni, cum multas in Aethiopia uiderint pluuias, ē quib. fluuius intumescens ultra alueum effluere consueuit, præcurrentes ad Aegyptū nunciant amnis aduentū. Hoc autem & homines si illis celeritatis esset tanta natura, facile nunciarent. Ut enim speculator beati Dauid ad uerticē loci celsioris ascendens, prior q; hi, qui in terra erant prospiciens uenientes, non quędam incerta de futuris, sed de his qui uenire cœperant, nunciabat: sic & dæmones cura per uigili omnia considerātes, rapido cursu sibi inuicē nunciant. Sed si fortē contigerit, ut Dei nutu ad finem cœpta nō ueniant, hoc est, si aut uiator ē media regrediat uia, aut suspensis nubibus aquę ad altum cœli cardinē deferant, tunc decipientium unā cum credentib. error aperit. Hęc gentilitatis fuere principia, his præfagatorum dolis apud delubra dæmonum quondam credebantur oracula, quę aduentu Domini nostri Iesu Christi indicio silētio obmutuerūt, suosq; perdere captiuos. Quis rogo medicum, ex obseruatione morborum cum animę æstuantis incendium de uenarum pulsu leui digitorum scrutat tactu, diuinam arbitratur habere notitiā? Quis gubernatorem nauigationis suę uiam inter cœli sidera requirentem, maiestatis omine uenerat? Quis agricolam de aridis æstatis feruoribus, aut de hyemali aquarū largitate, uel frigore

Vnde satan
habet po-
testatē gra-
sandi in
pios.

Arma con-
tra dæmo-
nes.

Satan quo-
modo suu-
ra prænun-
ciat.

Vnde idolo-
latría orta.

disputantem

Contra prædictiones et prophetias.

disputantem non potius experitiâ laudat, quàm Dei consecrat nomine? Verum ut concedamus paulisper, si uera dæmones nunciarent, respondete mihi, quis fructus est nosse uenientia? Nunquid aut sciens hæc aliquando laudatus, aut punitus est nesciens? In hoc unusquisque sibi præparat, seu tormēta, seu gloriam, si uel negligat scripturarum mandata, uel faciat. Nullus ob id nostrum hanc arripuit uitam, ut habeat præscientiâ futurorum: sed ut præceptis Domini obediens, amicus incipiat esse de seruo. Curandum est non præscire quæ ueniunt, sed implere quæ iussa sunt: nec institutionibus bonis hanc flagitare mercedem, cum magis debeamus uictoriâ contra diabolum ab auxiliatore Domino postulare. Sed si forte aliquis hoc libenter assumit, ut futura cognoscat, habeat purum cor, quia credo animam Deo seruientē, si in ea perseverauerit integritate, qua renata est, plus scire posse quàm dæmones. Talis erat anima Helisæi quæ alijs incognitas uirtutes uidebat. Nunciam cæteras uobis dæmonum explicabo fallacias. Solent nocte uenientes angelos Dei se fingere, laudare studium, mirari perseverantiâ, futura præmia polliceri. Quos cum uideritis, tam uos quàm domos uestras crucis armate signaculo, & confestim dissoluētur in nihilum, quia metuunt illud trophæum, in quo saluator æreas expoliens uirtutes, eas fecit ostentui. Solent etiam uarijs saltationibus membra torquere, & nostris procaciter offerre se uisibus, ut mentem pauore, & corpus horrore concutiant. Sed & in hoc fides Deo tuta fugat eos quasi infirma ludibria. Non est autē difficilis bo-

Quomodo mali à bonis spiritibus discernendi.

norum spirituum malorumque discretio, quæ sic Deo tribuente panditur. Sanctorum angelorum amabilis & tranquilluss aspectus est, quia non contendunt, neque clamant, neque aliquis audit uocem eorum: uerum tacite leniterque properantes, gaudium, exultationem, fiduciam peccatoribus infundunt. Siquidem cum illis est Dominus, qui est fons & origo lætitiæ. Tunc mens nostra non turbida, sed lenis & placida angelorum luce radiat: tunc anima celestium premiorum auiditate flagrans, è fracto si posset humani corporis domicilio, & membris exonerata mortalibus, cum his quos uidet abire, festinat ad cælum. Horum tanta benignitas est, ut si quis pro conditione fragilitatis humanæ miro fuerit eorum fulgore perterritus, omnē cōtinuò ex corde auferant metum. Ita Gabriel cum Zachariæ loqueretur in templo, & angeli cum diuinum uirginis partum pastoribus nunciarent, & qui Domini corporis agebant excubias, securis uidentium se mentibus ostendentes, ne metuerent imperabant. Metus enim non tantum ex pauore animi, quantum ex magnarum rerum sæpe concutitur aspectu.

Appetitiones satanæ quomodo cognoscende.

Pessimorum uerò uultus truces, sonitus horrendi, sordidi cogitatus, plausus motusque indisciplinatorum adolescentum uel latronum, è quibus confestim timor animæ sensibus torpor incutitur, odium Christianorum, monachorum moeror, tædium suorum recordatio, & metus mortis, cupido nequitiae, lassitudo uirtutis, cordis hebetatio. Si igitur post timorem horrore concepto successerit gaudium, & ad Deum fiducia, atque ineffabilis charitas, uenisse sciamus auxilium: quia securitas animæ, presentis maiestatis indicium est. Sic namque & Abraham patriarcha uidens Deum, gauisus est, & Ioannes cum Mariâ superuenisse sentiret, quæ in sacri uetris hospitio uniuersitatis gestabat parentem, exultauit, necdum natus in gaudium. Si autem incussa formido permanserit, hostis est qui uidet. Quoniam nec refouere nouit, ut Gabriel pauentem uirginem ne timeat, iubet, & sicuti pastores nuncio cōsolati sunt: quinimo pauorē duplicat, & usque ad profundam impietatis foueam, ut sibi homines prosternant, impellit. Exinde misera gentilitas Dominicæ interdictionis ignara, falso dæmones deos opinata est. Christianorum autem populos his fallacijs irretiri non passus est Dominus, qui diabolum in Euangelio audacter sibi principatum omnium præsumentem repulit, dicens: Vade retrò sathanas. Scriptum est enim: Dominum Deum tuum adorabis, & illi soli seruiēs. Horum uerborum etiam nobis licentia est tributa, quia

A quia idcirco locutus est talia, ut similitudo tentamentorum auctoris nostri frangerentur eloquijs.

Illud quoque, mi charissimi, ammonedo, ut uitæ magis sit uobis quam signorum sollicitudo. Nullus ex uobis hæc faciens, aut ipse superbia intumescat, aut despicat eos qui facere non possunt. Conuersationem magis scrutamini singulorum, in hac & imitari uos quæ perfecta sunt, conuenit, & implere quæ defunt. Nam signa facere, non est nostre paruitatis: sed Domini potestatis, qui ad discipulos gloriantes in Euangelio ait: Ne gaudeatis, quia demones uobis subiecti sunt, sed quod nomina uestra scripta sunt in cœlis. Nominum enim in libro uitæ cōscriptio, testimoniū est uirtutis & meriti: expulsio autem satanæ, largitio saluatoris est. Vnde his qui non in uitæ laboribus, sed in prodigijs exultabant, dicentibus, Nonne in nomine tuo dæmonia eiecimus, & in tuo nomine uirtutes multas fecimus? respondebit Dominus: Amen dico uobis, non noui uos. Discedite à me operarij iniquitatis. Non enim nouit Dominus uias impiorum, hoc ergo magnopere postulemus, ut donum spirituum discernendorum mereamur accipere, quo secundum sententiam scripturarum omni spiritui non credamus.

Contra miraculorum uirtutem.

B Volueram quidem iam finire sermonem, & silentio premere quæcunque meæ acciderant paruitati: sed ne putetis me frustra commemorasse, quæ euenire nō possent: idcirco licet insipiens fiam, tamen Dominus, qui secretæ mentis est inspector, nouit non me causa iactantiæ, sed uestri gratia profectus hoc facere, pauca replicabo de plurimis. Quotiens me nimis laudibus efferre conati sunt, cum à me in nomine Domini maledicta reciperent? Quotiens augmenta Nili fluminis futura dixerunt, cum à me audirent, & hoc ad uestram quid pertinet curam? Quotiens minitantes ut milites armati scorpionibus, equis, beluis, & varijs serpentibus circumdederunt me, & domum in qua erā, repleuerunt? Cum ego econtra psallerem, hi in curribus, & hi in equis, nos autem in nomine Domini Dei nostri magnificabimur, & statim misericordia Christi fugabantur. Quodam autē tempore cum ingenti luce uenientes dixerunt, Venimus Antoni, nostrū tibi præbere fulgorē. Et ego clausis oculis, quia lucem diaboli dedignabar aspicere, orabam, & dicto citius impiorum lumen exinguebatur. Post menses autem paucos, cum me coram psallerēt, & descripturis sibimet sermocinarentur, tanquam surdus non audiebam. Commouerunt aliquando monasterium, & ego mente immobili Dominum deprecabar. Sæpe strepitus, sæpe saltationes, sæpe sibilos ingesserunt, & me psallente, sonus eorum in uoces flebiles uertebantur.

Satanæ machinationes aduersus Antonium uarie.

Credite, mi filioli, quod dicturus sum. Vidi aliquando diabolum celsum corpore, qui se Dei uirtutem & prouidentiam ausus est dicere, & ait ad me: Quid uis ut à me tibi donetur, Antoni. At ego spectaculum maximum in os eius ingeminans, totū me in eum Christi nomine armatus ingessi, & statim ille procerus aspectu, inter medias manus exoleuit. Ieiunanti etiā mihi uisus est ut monachus, & panes offerēs, his sermonibus suadebat ut uescerer, & huic aliquid indulgerem corpusculo. Et tu, inquit, homo es, & humana fragilitate circundaris, labor paululum cōquiescat, ne ægritudo surrepat. Illico luridam faciem serpentis agnoui: & cum ad consueta Christi munimenta confugerem, tanquam per fenestram fumus laberetur, euanuit. Auri quoque decipulam mihi in deserto frequenter tetendit: quod ideo offerebat, ut aut uisu irretiret me, aut ta-

tu uapularet me. Nam sæpe me à dæmonibus non denego uerberatum. Ca-

L terror;

*Satan fatetur
suas vires debilita-
tas per Christi
sum.*

terror, nec aliqua lassitudo dissolueret. Sed quoniam ob uestram utilitatem A multa memorando insipiens factus sum, huius rei uobis impertiri cupio notionem: quam ueram esse, nullus ambigat audientium. Pulsauit aliquando daemon monasterij ostium. egradiens uideo hominem enormi sublimitate porrectum caput usq; ad coelum. Cum ad hoc, quis nam esset, inquirerem, ait, Ego sum satanas. Et ego: Quid, inquam, hic queris? Respondit: Cur mihi frustra imputant monachi? Cur mihi Christianorum populi maledicunt? Et ego, Iuste faciunt. Tuis enim frequenter molestantur insidijs. At ille ait: Nihil ego facio, sed ipsi se inuicem turbant. Nam ego miserabilis factus sum. Rogo: Nonne legisti, quia defecerunt inimici framea in finem, & ciuitates eorum destruxisti. Nullum iam habeo locum, nullam possideo ciuitatem, iam mihi nulla sunt arma. Per omnes nationes, cunctasq; prouincias, Christi personat nomen, solitudines ipsae monachorum stipantur choris. Ipsi se quaso tueantur, & me sine causa non lacerent. Tunc ego Dei gratiam cum alacritate miratus, sic ad eum locutus sum: Non tuae ueritati, quae nulla est, tam nouam & tam inauditam ascribo sententiam. Nam cum fallaciae caput sis, hoc sine mendacio coactus es confiteri. uere enim Iesus tuas funditus surripuit uires: & honore nudatus angelico, uolutaris in sordibus. Vixdum uerba compleueram, & ille sublimis saluatoris nominatione deiectus est. Quae ergo iam, o filioli, poterit residere cunctatio? Quae trepidatio manebit ulterius? Quis uos eorum turbo poterit conuellere? Securae sint animae singulorum, non sibi fingant uanas cogitationes, uana discrimina, non aliquis timeat a diabolo sublatum ad precipitia se posse deferri. Pellatur omnis anxietas. Dominus enim qui nostros pstrauit inimicos, manens ut promisit in nobis, a uarijs nos satanae muniuit incursum. En ipse diabolus, qui huiusmodi cum suis satellitibus, exercet astutias, nihil se posse contra Christianos fatetur. Iam curae Christianorum & monachorum sit, ne per eorum inertiam uires daemonibus praebeantur. Nam quales nos & nostras reppererint cogitationes, tales se nobis praestare consueuerunt. Et si quod in pectoribus malae mentis & pauoris semen inuenerint, quasi latrones qui deserta obsident loca, coeptos cumulant timores: & crudeliter imminentes, infelicem puniunt animam. Si autem alacres fuerimus in Domino, et futurorum bonorum cupido nos succenderit, si semper omnia manibus Dei committamus, nullus daemonum ad expugnandum ualebit accedere: magis autem cum munita in Christo corda conspexerint, confusi reuertuntur. Ita & Iob firmatum in Domino diabolus refugit: & infelicissimum Iudam expoliatum fide, uinculis captiuitatis innexuit. Vna est enim ratio uincendi inimicum latitiae spiritalis, & animae Dominum semper cogitantis iugis recordatio, quae daemonum ludos quasi fumum expellens, persequetur aduersarios potius, quam timebit. Non est enim nescius satanas ignium futurorum, & aestuantis gehennae copiosa nouit incendia. Sed ut mea iam claudatur oratio, illud in finem commemoro: Cum aliqua se uobis obtulerit uisio, audacter requirite quis sit ille, & unde uenerit: ac sine mora, si sanctorum fuerit reuelatio, angelica consolatione timor uertetur in gaudium. Si uero diaboli fuerit oblata tentatio, fidelis animae percuntationibus euanesceat, quia maximum est securitatis indicium, interrogare quis nam est, & unde. Sic & Naue filius auxiliatorem suum interrogando cognouit, nec Daniele percuntantem latere potuit inimicus.

*Profectus
ex Antonij
oratione.*

Postquam Antonius dicendi finem fecit, latantibus, cunctis in alijs uirtutis cupido exardescibat, in alijs infirma resouebat fides, ex aliorum mentibus, falsa opiniones pellebantur, ex aliorum sensibus inanum terrorum pellebatur accensio: simulque cum iam daemonum insidias contemnerent, mirabantur in Antonio tantam gratiam spirituum discernendorum, quam Domino tribuente perceperat. Erant igitur in monte monasteria tanquam tabernacula plenis diuinis choris psallentium

A lentium, legentium, orantium, tantumque ieiunandi & uigilanti ardorem cunctorum mentibus sermo eius afflauerat, ut futurae spei aueritate, ad charitatem mutuam & misericordias indigentibus exhibendas, iugi studio laborarent; qui infinitam regionem quandam, & oppidum à mundana conuersatione se iunctum, plenum pietatis atque iustitiae uidebantur incolere. Quis tantum monachorum agmen aspiciens, uirilem illum concordiae coetum cernens, in quo nullus nocens, nulla detractio susurronis, sed multitudo abstinentium & certamen officium erat, non in hac statim erumperet uocem: Quam bonae domus tuae Iacob, tabernacula tua Israel: tanquam nemora obumbrantia, tanquam paradisi super fluuios, tanquam tabernacula, quae fixa sunt à Domino, tanquam cedri circa aquas?

Dum haec ita geruntur, quibus indies beatæ uitæ studium cresceret: Antonius mansionem in caelo positam recordans, & presentis uitæ despiciens inanitatem, quasi parua essent quaecumque iam gesserat, separatus à fratribus instituebatur. Cumque eum siue cibum, siue somnum indulgere corpusculo, aut alias naturae necessitates cogeret humana conditio, miro afficiebatur pudore, quod tantam animae libertatem, modici carnis termini cohercerent. nam frequenter cum fratribus sedens, à cibo qui fuerat appositus, memoria escae spiritualis abstrahatur. Edebat tamen, utpote homo saepe solus, saepe cum fratribus. Et cum haec mira, ut praedixi, ageret, cum confusione animae adhibendam magnopere corpori diligentiam persuadebat dicens: Nec corpus esse penitus enecandum, ne operatio contra uoluntatem creatoris dissolueretur: & ob id omne studium animae conferendum, ne uitis superata corporis, ad aeternas inferni tenebras truderetur: quinimo indultum sibi propter alteros in carne imperium

*Habendum
honorem
corpori.*

B uindicans, domicilium suum, ut Apostolus, ad tertium caelum subleuaret. Asserebat hoc à Salvatore praeceptum, in quo ait, Nolite solliciti esse corpori quid uestiamini, & ne quaesieritis quid manducetis, aut quid bibatis, quia haec gentes quaerunt: uester autem pater nouit, quod indigetis his omnibus. Quaeite ergo primum regnum Dei, & iusticiam eius, & haec omnia adiacentur uobis.

*Confessio
Antonij,
eiusque con-
stantia in per-
secutione.*

His rebus transactis, cum persecutio impijssima Maximiani furore uesano uastaret ecclesiam, sanctis martyribus Alexandriam perductis, relicto & ipse monasterio, secutus est futuras Christi uictimas, dicensque: Pergamus ad gloriosos fratrum triumphos, ut aut ipsi congrediamur, aut spectemus alios praeliantes. Et amore quidem iam martyr erat: sed cum tradere se ultro non ualeret, & sociari confessoribus in metallis uel in carceribus constitutis, magna cum cura & libertate ingredientibus ad iudicem exhortabatur, ne terrore impiorum subacti, Dominum negarent. Iamque sententia coronatos exultans, quasi ipse uicisset, usque ad locum felicitis sanguinis prosequabatur. Quamobrem motus iudex ob Antonij sociorumque eius constantiam, praecepit nullum penitus monachorum aut obseruare iudicium, aut in ciuitate uersari. Et ceteris quidem omnibus in illa die placuit abscondi. Antonius autem impavidus, neglecto persecutoris imperio, lauit endyten, id est scapulare suum. Et alia die stans in quodam eminenti loco, candente praecinctus ueste, praecedente iudicem suo prouocabat aspectu, flagrans cupiditate martyrij: ostendebatque nobis, contemptorem poenarum & mortis in Christianis animum perseverare debere, intantum, ut contristaretur, quia uolenti pati pro Dei nomine martyrium non dabatur. Sed Dominus, qui suo gregi parabat magistrum, seruauit Antonium, ut instituti, sicuti factum est, monachorum, non solum oratione eius, sed & conspectibus firmaretur. Nunc tamen à confessorum uestigijs separatus est: quia maxima circa eos cura & charitatis uinculo colligatus, magis carcerem patiebatur exclusus. Postquam autem persecutionis turbo defluerat, & beato episcopo Pietro iam ob martyrij gloriam coronato, ad pristinum monasterium regressus est,

quotidianum fidei ac conscientiae martyrium merebatur, acrioribus se ieiunijs A
uigilijsq; conficiens, uestimento cilicino intrinsecus, desuper pelliceo utebatur: nunquam corpus lauans, nunquam à pedibus sordes abluens, nisi cum per aquas transire necessitas compulisset. Nullus deniq; Antonij corpus nudum, antequam moreretur, unquam uidit.

Quodam autem tempore cum ab omniū se amouisset oculis, & clauso monasterio neminem omnino susciperet, Martianus militum praepositus, cuius filia immundi spiritus infestationibus quatiebatur, pulsans ostium, obsecrabat ut suo pignori subueniret, & exiens Deum pro filia deprecaretur. Tunc ille aperire quidem minime uoluit. prospiciens uerò desuper ait: O' homo, quid meum poscis auxilium? Mortalis & ego sum, & tuæ socius fragilitatis. Si autē credis in Christum cui deseruio, uade, & secundum fidem tuam ora Deum, & sanabitur filia tua. Confestim ille credens abiit, & inuocato I E S V, filiam reduxit incolumē. Multa & alia mirabilia per illum Dominus operatus est: & merito, qui enim promisit in Euangelio: Petite, & dabitur uobis, inuento qui eius gratiam meretur, accipere suam potentiam non negauit. Nam plures uexatorum ante monasterium eius clauso introitu dormientes, fidelibus per eum ad Christum precib. curabantur. Hæc illi multitudo uenientium, desideratam solitudinem auferens tædio fuit. Metuens itaq; ne signorū copiosa cōcessio, aut suos animos extolleret, aut alios plus de se quàm uidebant in ipso cogeret aestimare, ad superiorem Thebaidem pergere cogitauit, ubi nullus eum agnosceret. Et à fratrib. acceptis panibus, sedebat super fluminis ripam, transitū nauis obseruans. Illo talia cogitante, uox ad eum desuper facta est dicens: Antonij quò pergis, & quare? At ille intrepide, quasi consuetam uocem loquentis agnosceret, respondit: Quoniam non sinunt me quiescere populi, idcirco ad superiorem Thebaidem ire optimum duxi, quia ea exigor, quæ uirtutem meæ pusillanimitatis excedunt. Et uox ad illum ait: Si ad Thebaidem uadas, & ad pastoralia, ut cogitas, pergas, maiorem ac duplicem sustinebis laborem. Si autem uerè quiescere cupis, uade nunc ad interius desertum. Cumq; Antonius diceret, Et quis mihi locum auium poterit ostendere? ignarus enim sum locorum. Confestim ei uox quæ loquebatur, Sarracenos indicauit, qui mercandi gratia, ad Aegyptum uenire consueuerant. his appropinquans Antonius, rogauit ut se pariter adducerent in desertum. Nullus obniscus est, sed tanquam à Deo missum comitem suscipientes, amplexi sunt eius societatem. Tribus autem diebus & noctibus itinere confecto, inuenit montem ualde excelsum, ad cuius radices fons aquæ dulcis labebatur. Et campus haud magnus totum ambiens montem, qui palmis perpaucis, & his neglectis, consitus erat. Hunc Antonius locum quasi à Deo sibi offerretur, amplexus est. Is enim erat, quem sibi ad fluminis ripam sedenti qui loquebatur ostenderat. Et primò quidem accipiens à comitibus panes, solus remansit in monte, nullo alio cum eodem conuersante. Quasi propriam enim domum agnoscēs, habebat locum illum. Sarraceni quoq; uidentes eius fiduciam, optato per eum transitu, panes eidem cum lætitia deferebant: necnon palmarum, licet mediocri, attamen aliquanto solatio refouebatur.

Exinde cum fratres agnito loco tanquā ad patrē filij, sollicitè alimēta transmitterent, uidens Antonius, quòd ob suum refrigeriū, multis onerosus labor indicere: & parcens etiam in hoc monachis, rogauit unum de aduenientibus, ut farciculum sibi bis acutū cum frumento deferret. Quib. allatis, circueiens montem haud grandē, culturæ aptum, reperit locū, ad quem deriuata aqua desuper poterat influere. Ibiq; seminauit, atq; exinde annuū sibi panem laborans, gaudebat quòd sine cuiusquā molestia ex proprijs manib. uiueret in deserto. Sed cum rursus etiam illuc quidā uenire cœpissent, misertus est lassitudinē eorum, & holus

A & holus in paruo terre cespite coluit, ut post asperū iter aliquando uenientes, solatio refouerentur (hoc fratrum fuit refrigerium) & paruulam messē, quā bestiae, quā propter aquam illuc adueniebant, depastae sunt. ē quibus unā apprehendens, dixit omnibus: Cur me laeditis, nihil à me laesae? Abite, & in nomine Domini, ne huc appropietis ulterius. Quis non credat, post hanc denunciationem quasi timentes, nunquam illuc bestias propinquasse? Sic Antoniū impenetrabilia montium & deserti intestina captantem, orationibus etiā dedito, introeuntes fratres magnis uix precibus extorserunt, ut oliuas & legumē & oleum, quod post menses aliquot ministrabant, dignaretur accipere, & senili modicum laxaret aetati. Proh nephas, quantas ibi conuersans expertus est luctas? uerē, secundum quod scriptum est, nō illi aduersus carnem et sanguinē fuisse colluctationē, sed aduersum principatus & potestates, ab his qui ad eum ingrediebantur agnouimus. Illic enim tumultus & uoces populi, armorumq; sonitus prorsus plenum montem daemonum multitudine se uidisse referant: ipsum etiā quasi contra inimicos palam resistentem, & fortiter colluctantem. Qui tamen & aduenientes suo refouebat hortatu, & flexis genibus armisq; orationum, omnem sathanā prosternebat exercitū. Admiratione planē dignum est, in tam immani solitudine unū hominē, nec daemonum quotidianas expauisse congressiones, nec tantarum bestiarum quadrupedum siue reptilium diuersae celsissae feritati. Iustē Dauid cecinit: Qui confidunt in Domino, sicut mons Sion non commouebitur in aeternum. Immobilem & tranquillam retinens animi firmitatem, & daemones fugabat: & feras, sicut scriptū est, secum pacificabat. Sed & diabolus, ut suprā dictus Propheta ait, obseruās eum, frēdebat dentibus suis, & ille Saluatoris auxilio, ab uniuersis tutus perseuerabat insidijs. Quadam ergo nocte cum peruigili cura obsecraret Dominū, tantos in monasterium eius bestiarum greges coaceruauit, ut omnes heremi beluas circum se aspiceret. Quae cum rictu oris morsum corpori minitarēt, intellexit hostis astutias, dixitq;: Si à Domino in me uobis est tributa licētia, deuorate concessum: si autem daemonum huc uenistis impulsu, quantocyus abite, quia Christi famulus sum. ita factum est: & cum iubentis uoce omnis bestiarum multitudo quasi maiestatis uerbere caderetur, aufugit.

Antonij certamen contra satanae copias in eremo:

B Non multi post hac fluxerant dies, & alia oritur cum eodem hoste certatio. Operante illo (nam semper, ut uenientib. pro his quae sibi detulerāt, aliquod munusculum rependeret, laborabat) traxit quidam sportellae quam texebat triciam, siue funiculum. Ad cuius motum exurgens, uidit bestiam pubetenus humanam faciem praferentem, quae exinde in asinam finiebatur. Post cuius aspectum uexillum crucis in fronte sua pingens, hoc tantum ait: Christi seruus sum, si ad me missa es, non fugio. Nullum in medio spacium, & statim informe prodigium dicto ocyus cum satellitum turba fugit: & in medio cursu ruens, extinctum est. Ista autem explosi mors atq; enecatio prodigij, daemonum erat communis interitus, qui omni studio laborantes, Antonium à deserto deducere non ualuerunt. Mirandis plus miranda succedunt.

Antonius uerbo fugat bestias.

Non grande post ista tempus excesserat, & tantarum uictoriarum homo fratrum precibus uincitur. A monachis enim rogatus, ut eos dignaretur inuisere, unā cum his profectus est, impositis camelo aqua & panibus, quia nusq; praeter monasterij locū, ex quo exhauserāt, potalis aqua per arentem uia reperiēbat. Verū in medio itinere, bibendi subsidia defecerunt. Ardor nimius, aestus intolerabilis, mortē cuncta minitant. Circueunt, et quaerunt saltē collectam pluuijs lacunā: nihil prorsus remediij, nihil occurrit penitus ad salutē. Camelus quasi periturus, & ipse aestuās dimittitur, aestuās pectus exurit, & sitis desperatione feruescit. Mouit senem fratrum commune discrimen, & uehementissimē cōtristatus ingemuit. Dehinc ad solita precum auxilia cōfugiens, paululum

Antonius
per preces
impetrat
fontem.

lulum ab eis secessit: ibique genibus fixis, supplices manus tetendit ad Dominum. **A**
Nec mora, & ad primas rogantis lachrymas, in orationis loco, fons ebulliens
erupit: ibique extincta siti, & arentia membra refecta sunt, & plenis utribus in-
uentum potant camelum. Ita enim casu euenerat, ut camelus errans per ere-
mum, dum funiculum trahit in quodam lapide, eiusdem alligatione funiculi
teneretur. Tandem confecto itinere, ad monachos qui inuitauerat, peruenit.
Tunc uero quasi patri omnes obuiam currunt, & honorifico salutato in oscu-
la eius & amplexus certatim ruunt. Proposito feruenti gaudet Antonius: & læ-
tantibus de aduentu suo cunctis, quasi xenia de monte portans, spiritualia im-
partitur alimenta. Laudat ueterum studia, hortatur nouorum: sororem quoque
iam uetulam uirginem uidens, & aliarum puellarum magistram, mira exulta-
tione sustollitur. Exinde quasi diu abesset ab eremo, rursus festinauit ad mon-
tem, plurimis iam ad illum uenientibus, cum etiam uexati à demonibus malo
necessitatis coacti auderent deserta penetrare: quos ille consolans, & monachis

Orditur à
fide Anto-
nius, ac po-
stea fructus
fidei enume-
rat.

in commune præcipiens, aiebat: Credite in Iesum fideliter, mentem à malis co-
gitationibus, carnem ab immundicijs seruate puram: & iuxta eloquia diuina,
Ne seducamini in saturitate uentris. Odite uanam gloriā, orate sepius, psal-
lite uesperè & manè & meridie, & mandata scripturarum reuoluite. Recordamini
gestorumque sancti quique fecerunt, ut exempli memoria animam incitet
ad uirtutem, refrenet à uitijs. Suadebat etiam, iugi meditatione retinendum A-
postoli sermonem, quo ait, Sol non occidat super iracundiam uestrā. Non tan-
tū autem super iracundiā solem occidere non debere interpretabatur, sed
& super omnia delicta hominum: ne peccatorum unquam nostrorum, aut in no-
cte luna, aut in die sol testes abscederent. illius quoque admonebat præcepti, quod
dicit: Diiudicate uosmetipsos, & probate, ut rationem diei noctisque faciētes, **B**
si in se delictum deprehendissent, peccare desisterent: sin autē nullus error de-
cepisset, perseverantes instarent potius incepto, quam arrogantia tumidi aut
alios contemnerent, aut sibi iustitiā uendicarent: iuxta supradicti doctoris elo-
quium, dicētis, Nolite iudicare ante tempus, magis debere eos Christo, cui so-
li occulta patent, reseruare iudicium. Multas esse, ut scriptum est, uias, quæ ui-
dentur hominibus iustæ, sed fines earum ad profundum respicere inferni. Se-
pe nostra nō posse nos intelligere peccata, sæpe falli in oratione gestorum: aliud
esse Dei cuncta cernentis iudicium, qui nō ex superficie corporū, sed ex men-
tium iudicat arcanis: æquum autem esse nos nobis compati, & inuicem one-
ra nostra portare, ut concessio examine saluatori proprias conscientias nosmet
ipsos diiudicantes intueremur. Nec non præcipiebat, magnam esse uirtutis
uiam, si singuli uel obseruarent quid gererent, uel uniuersas mentium cogita-
tiones fratribus referrent. Non enim posse aliquē peccare, cum relaturus esset
ad alium quæcunque peccasset, & subire pudorē in publicum turpia proferen-
di. Denique nullum peccantem coram alio peccare, etiamsi peccet, tamen te-
stem uitare peccati: mentiri magis & negare, & uetus delictum nouo inficien-
di augere delicta.

Igitur quasi sub oculis agentes nostris, & cogitatu confundimur, & actu, si
omnia referenda faciamus: multo autem magis, si peccata nostra fideliter de-
scribentes, digeramus in ordinem. Tunc uero annotatio delictorum fratrum
uidebitur oculis, tunc timebimus peccati maculas, cōscientiæ ipsi nos arguent
apices. Et quomodo meretricibus membra miscētes, confunduntur ad præ-
sentiam cætorum: ita & nos erubescemus ad literarū scripturas. hæc agamus,
hanc uirtutis gradiamur uiam: & corpora mentibus subiugantes, perniciosas
diaboli conteramus insidias. Talibus sermonibus, hortamentisque, & ueniētes
ad se monachos incitabat ad studium, & patientibus cōdolebat: pluresque eo-
rum Dominus per Antonium liberauit.

Nunquam

A Nunquam tamen aut de incolumitate curatorum est inflatus ad gloriā, aut contristatus de obsessis adhuc corporibus murmurauit. Magis autem eodem semper animo & uultu manens, gratias Deo referebat, suadens occupatis, ut correptionem qua uexabantur, patientius ferrent. Non enim Antonij, aut cuiusquam hominum omnino hanc esse medicinam, sed Dei solius, qui & quibus uellet, & quo uellet tempore, daret sanitatem. Ita consolatione sua & uexatos æquanimiter ferre tentationem, & iam liberatos non sibi, sed Deo gratias referre docebat.

*Antonius
nō superbit
ex dono cu-
rationū in-
firmorum.*

Fronto autem quidam uir ex Palæstinis (qui infestissimo demonio uexabatur. Nam & linguam eius laniabat dentibus, et oculorum nitebatur lumen extinguere) perrexit ad montem: rogabatque beatum senem, ut pro se Dominum rogaret, orauit Antonius, dixitque ad eum: Vade, & curaberis. Illo incredulo sibi, & uiolenter ibidem contra præceptum remoranti, eadem geminabat Antonius, dicens: Hic curari non poteris, egredere: & calcata Aegypto, statim te misericordia Christi consequetur. Tandem credidit, & profectus est: ac uisa Aegypto secundum promissionem senis, quam ei Dominus oranti reuelauerat, infestatio cessauit inimici.

*Fronto libe-
ratus à sata-
na precibus
Antonij.*

B Virgo uero quædam, quæ à Tripolitanae regionis ciuitate deuenerat, inauditis ac flebilibus morbis laborabat. Etenim narium purgamenta, oculorum lacrymæ, aurium putridus humor in terram cadens, confestim in uermes uertebatur. Augebat calamitatem, corpus paralysi dissolutum, oculos quoque peruersos contra naturam habens. Hanc parentes eius deferentes, cum ad Antonium monachos ire didicissent, credentes in Domino, qui pertinacem sanguinis fluxum in Euangelio tactu fimbriae stare præceperat, rogauerunt ut miserabilem filiae comitatum susciperent. Illis renitentibus, eum usque ad Antonium perduxere, remansere parentes foris cum filia debili, apud beatum confessorem & monachum Paphnutium: qui effosis pro Christo oculis sub Maximiano persecutore, tali dehonestamento corporis plurimum gloriabatur. Peruenerunt igitur ad Antonium monachi: cumque de morbo puellae referre disponent, relationem eorum senis sermo preuenit, & omnem debilitatis & itineris, usque ad sanctum Paphnutium, causam, quasi ipse interfuisset, exposuit. Rogantibus autem eum monachis, ut parentibus cum filia permitteretur ingressus, non concessit, sed ait: Ite, & inuenietis puellam, si non est mortua, curatam. Et adiecit: Nullus debet ad meam humilitatem peruenire, quia largitio curationum non est humane miserie, sed Iesu Christi misericordiae, quæ ubique in se credentibus præstare consuevit auxilium. Quamobrem & illa pro qua petitis, suis precibus liberata est. Et cum ad Dominum orarem ego, mihi præsentia sanitatis eius indulta est. Dixit, & uerba eius puellae incolumitas secuta est. Nam exeuntes foras ad beatum Paphnutium, & filiam sospitem, & parentes laetos repperunt.

Non multum aut post istos dies, cum duobus fratribus, introeuntibus ad Antonium aqua in itinere defecisset, & uno siti mortuo, alter iaceret in terra mortem expectans: Antonius sedens in monte, celeriter ad se duos monachos uocauit, qui forte ibidem sunt reperti, & festinato præcepit, ut lagenam aquae assumptas, inuaderent iter, quod ducit ad Aegyptum, dixitque: Unus est fratribus huc aduenientibus modò migravit ad Dominum: alter, si non cucurreritis, addetur. Hoc enim mihi nunc oranti reuelatum est. Sic ait, & iuxta præceptum eius monachi festinantes, extinctum corpus inueniunt: terraque id operientes, alterum refocillatum suo iunxerunt comitatu.

Aliud miraculum.

Erat autem spacium itineris unius diei. Fortasse aliquis hoc quærat: cur non antequam moreretur, Antonius dixerit, incongruo prorsus Christianis argumento utitur, quia non Antonij, sed Dei fuit iudicium: quia & de recedente, quam uoluit sententiam, tulit, & de sitiente reuelare dignatus est. hoc tantum in

Antonio

Antonio mirabile est, quod in mōte remotissimo sedens, corde peruigili cuncta procul posita Domino iudicante, cognosceret.

Antonius cognoscit Ammonem, quamquam procul existentem nullo referente mortuum. Aliquo rursus in tēpore cum sederet in monte, & oculos subito tetendisset in cœlū, uidit nescio quam animam latantibus in eius occurſu angelis, ad cœlum pergere. Cuius spectaculi nouitate stupefactus, beatum dixit sanctorum chorū, orauitq; ut sibi rei præsentis agnitio panderetur. Et statim uox ad eum facta est, inquiens, Istam esse Ammonis monachi animam, qui Nitriæ morabatur. Erat autem Ammon uir grandæuus, qui perseueranter à pueritia usq; ad senectutem in sanctitate uixerat. Itinere quoq; dierum tredecim spacio à Nitriæ locus in quo sedebat Antonius, diuidebatur. Videntes autē cum monachi, admirantem qui uenerat, deprecati sunt, ut causam hilaritatis ediceret.

Miraculum de Ammonē per fluuiū transpositio. Quibus ait: Modò Ammon quieuisse, quem propter frequentem eius ad Antonium comitatum, & propter celeritatem indultorum ei à Domino signorum optimè nouerant: de quibus etiam hoc unum dicendum est: Necesse ei fuit aliquando flumen nomine Licum subitis aquis inundatum transuadare, rogauitq; Theodorum, qui cum ipso erat, ut paululum à suo separaretur aspectu, ne nuditatem corporis inuicem uterq; cōspicerent. Recessit Theodorus.

Nihilominus ille seipsum cum nudare uellet, erubuit. Cogitantem autem eum in alteram ripam uirtus diuina transposuit. Rursusq; Theodorus uir, & ipse Deo deuotus transiens ad senem, mirari cœpit, quod tam uelociter fluuiū transuadasset. Cumq; nihil humoris in pedibus, nihil in uestib. eius aquæ cōspiceret, rogauit eum ut tam incredibilem translationē quasi filio pater exponeret. Nolente illo dicere quæ acciderant, amplexus est pedes eius, iurauitq; non se dimissurum, priusquam sibi id quod celabat, referret. Videns ergo senex contentiose uincere uolentem fratrem, exegit uicissim ab eo, ut nulli hoc ante suam mortem indicaret, atq; ita confessus est, se subito in alteram ripam fuisse transpositum, neq; omnino undis impressisse uestigia: Dominici corporis hoc tantummodo priuilegium asserens, & eorum quibus ipse ut apostolo Petro donauerat, ut aquarum lenitate humanum corpus insisteret. Hæc autē Theodorus præmisso tempore non dixit, post eius mortem retulit. Monachi ergo quibus dixerat Antonius de morte Ammon, notauerūt diem: & uenientibus de Nitriæ fratribus, post dies triginta scilicetantes, reppererūt illo die illaq; hora dormisse Ammonem, qua animam eius ferri senex uiderat. utriq; igitur puritatem mentis in Antonio mirati sunt, quomodo rei tam longē gestę statim ad eum fuisset perlata cognitio.

Archelaus quoq; comes, cum eum inuenisset in exteriori monte, rogauit ut oraret pro Policracia Publii filia, quæ in Laodicia erat, admirabili & Christo dedita uirgine. Patiebatur enim pessimos stomachi & lateris dolores, quos ieiunijs, nimijs uigilijs cōtraxerat, & erat penitus toto debilis corpore. Orauitq; Antonius, & diem q̄ oratio fuerat facta, annotauit Archelaus. Redit in Laodiciam, et inuenit uirginē incolumem. Percunctatus diem sanitatis, repperit tempus medelæ, cum annotatione congruere. Et omnes admirati sunt, agnoscetes eo tempore illam à Domino fuisse à dolorib; liberatam, quo orans Antonius pro ipsa, bonitatem saluatoris inuocauerat.

Sæpe etiam ad se uenientium turbarum, antē dies & menses, & causas prædixit, & tempora. Nam quosdam uidendi eum tantum desiderū, alios imbecillitas, nonnullos obsessa à dæmonibus corpora pertrahebant, nemo tamē unquam uexationem aut detrimentū laboriosi itineris conquestus est. regrediebantur omnes spiritali cibo pleni. At ille præcipiebat, non suæ laudi hanc admirationem ab eis applicari debere, sed Domini qui sui notionem hominib; pro capacitate mortalitatis indulserit.

Quodam autem tempore eum exisset ad exteriora monasteria, & rogatus esset

A esset à fratribus, ut in nauī quadā, cum monachis proficiscētibus oraret, ascendit, & solus ex omnibus odorem sensit terribilē, asserabant cuncti pisciū salforum & caricarum in nauī positarum hunc esse putorem. At ille alterius rei foetorem se sentire affirmavit. Adhuc loquente illo, adolescens quidam possessus à dæmone, qui procedens iuxta carinam se nauis absconderat, repente exclamavit. Quo statim per Antonium in nomine Domini Iesu Christi curato, intellexere uniuersi diaboli illum fuisse putorem.

Alius quoq; ad eum uir inter suos nobilis dæmoniosus adducitur, tāta oppressus infania, ut non sciret se esse apud Antonium, nec non & corporis sui superflua comederet. Quāobrem rogatus senex ab his qui eum adduxerant, ut pro illo Dominū oraret, intantū iuuenis miserię cōdoluit, ut tota nocte peruiuilans cum eo, aduersus patientis infantiā laboraret. Sed cum iam lucefceret, & obsessus impetu in Antonium facto, uehementer eum impulisset, irasci cœperunt, qui eum adduxerant, cur seni fecisset iniuriā. Quibus Antonius ait: Nolite alienam culpam iuueni misero ascribere, furor iste obsidentis est, non possessi. Idcirco autem in hanc prorupit dolens hostis audaciam, quia Dominus ad aridam regionem ire eum iussit, & expulsi sathanæ indicium, iste aduersum me impetus fuit. Nulla post uerba mora, & adolescens recepto sensu, & gratias agens Deo, & locum ubi esset agnouit, & toto Antonium complexans deosculatus est affectu.

Innumera & alia istiusmodi signa sunt, quæ monachorum concordī sæpe relatione cognouimus. Verū non tantum his adhibendus est stupor, quia multo plus quæ sequuntur conditionem nostræ fragilitatis excedūt. Hora circiter nona, cum ante cibum orare cœpisset, raptum se sensit in spiritu, & ab angelis in sublime ferri. prohibentibus transitum aëreis dæmonibus, cœperunt angeli contradicentes requirere, quæ esset causa retinendi nullis existentibus in Antonio criminibus. Illis uerò ab exordio natiuitatis replicare peccata nitentibus, calumniōsa angeli ora clauserunt, dicentes: Non debere eos à natiuitate eius delicta narrare, quæ iam Christi essent bonitate sopita: si qua autem scirent ex eo tempore quo factus est monachus, & Deo se cōsecrasset, liceret proferri. Accusabant dæmones multa procaciter mentientes: & cum deessent probamēta fallacibus, liber Antonio cōscensus aperit. Et statim rediens in se, in eo loco in quo stare cœperat, hoc se rursum uidit esse quo fuerat. Tunc uerò oblitus escæ ex illa hora noctem gemitu ac lamentatione transegit, repuitans secū humanorū hostium multitudinē & colluctationē tantī exercitus & laboriosum per aërem iter ad cœlum, & hoc Apostoli dictum, quo ait: Nō est uobis colluctatio aduersus carnē, sed aduersus principes potestatis huius aëris. Quis sciens aëreas potestates ob id semper tētare, luctari, & cōtendere, ne nobis liber transitus esset ad cœlum, hortabatur monens: Assumite arma Dei, ut possitis resistere in die mala, ut nihil mali habens, quod de uobis dicere possit inimicus cōfundatur. nos autē Apostolici sermonis recordemur dicentis: Siue in corpore, siue extra corpus, nescio, Deus scit. Et Paulus quidē usq; ad cœlum tertiū raptus est, ibiq; auditis uerbis ineffabilibus descendit. Antonius autem usq; ad aërē sublatus, post colluctationē liber cōscensus apparebat. Habebat etiam istiusmodi donum. Si cuius rei sedens in monte, ignarus fuisset, & eius secum inquireret notionē, oranti ei à Domino reuelabatur, & erat secundum quod scriptum est, à Deo doctus.

Deniq; cum à fratribus haberetur iste tractatus, & ab eo sedulē sciscitarent, quemadmodum se post corporis sarcinam, anima gereret, qui ue ei locus post exitū concederetur, proxima nocte uox desuper nomē eius inclamitans, ait: Antoni, exurge, exi, & uide. Qui exurgens, egressus est, sciebat enim quibus respondere deberet, Et eleuatis ad cœlum oculis, uidit quandam longum atq;

M terribilem,

terribilem, caput usque ad nubes attollentē, uidit etiam pennatos quosdam euolare, cupientes ad cœlum, atque illum extensis manibus prohibere transgressum: ē quibus alios apprehensos elidebat ad terram, alios frustra retinere contendens, dolebat super se ad cœlestia transuolare: & maximum gaudium mixtum mœrore, uicti uictoresque tribuebant. Statimque ad eum uox facta est, dicēs: Animaduerte quod uides. Et tunc cœpit illuminato corde intelligere, animarum esse consensum, & diabolum prohibentem, qui & sibi retineret obnoxios, & in sanctorum quos decipere non poterat, cruciaretur uolatu. His uisionum exemplis incitatus, quotidie ad meliora crescebat. Neque uerò id quod sibi reuelatum fuerat, causa iactantiæ fratribus indicabat: sed cum orans iugiter Dei laudaret auxilium, interrogantibus compellebatur edicere, nec spirituales filios pura in Christo anima occultare quicquā uolebat, præsertim cum huiusmodi signorum relatio, & amorem ministraret proposito, & fructum laboris ostenderet. Nunquā ille aut ira subita concitatus, patientiam rupit, aut humilitatem erexit in gloriam. Nam omnes clericos usque ad ultimum gradum ante se orare compellens, Episcopis quoque atque presbyteris, quasi humilitatis discipulus, ad benedicendum se caput submittebat.

Mores Antonij.

Antonius
semper hilari
uultu cō-
spectus.

Antonius
acerimus
hostis hæ-
reticorum.

Confessio
Antonij et
con-
tra Arianos

Diaconos uerò, qui ad eum utilitatis causa ueniebant, cum pro adiutorio eorum eis præsentibus disputaret, ad orandum Dominum sibi præponebat, non erubescens & ipse discere. Nam & interrogabat frequenter eos cum quibus erat: & si aliquid ab eis necessarium audierat, se fatebatur adiutum. Habebat autem & in uultu magnam gratiam, & admirabile à saluatore etiam hoc munus acceperat. Si quis enim ignarus eius, inter multitudinem monachorum eum uidere desiderasset, nullo indicante cæteris prætermisissis ad Antonium currebat, & animę puritatem agnoscebat in uultu, & per speculum corporis gratiam sanctę mētis intuebatur. Nam semper hilarem faciem gerens, liquido ostendebat se de cœlestibus cogitare, sicut scriptura ait: Corde lætante uultus floret, sed in mœrore constituto tristatur. Ita & Iacob agnouit Laban socerum suum insidias sibi machinantem, dicens ad filias eius: Non est facies patris uestri. sicut heri & nudiustertius. Sic Samuel agnouit Dauid, latificatos enim habebat oculos, & dentes sicut lac candidos. Similiter agnoscebatur Antonius, quia semper eandem faciem, inter prospera et aduersa retinens, nec secundis extollebatur, nec frangebatur aduersis. Erat autem & in uultu amabilis, & in fidei puritate mirabilis. Nunquā enim schismaticorum se miscuit communioni, antequam eorum sciens prauitatem, atque transgressionem. Nunquā Manichæis aut alijs hæreticis, saltem amicabilia uerba largitus est, nisi tantum ea, quæ eos possent ab iniquitatis errore reuocare: denunciāns talium amicitias atque sermones, perditionem esse animæ. Sic etiam Arianos detestabatur, ut omnibus diceret, nec iuxta eos quidem esse accedendum. Nam cum uenissent quidam Arionianitæ, reperta post eorum examinationem infidelissima secta, effugauit eos de monte, dicens, multo serpentibus deteriores horum esse sermones. Mentientibus autem Arianis aliquādo, Antonium ita ut se credere, admiratus eorum audaciam, & iusti doloris ira commotus, rogatusque ab Episcopis atque uniuersis fratribus, Alexandriā descendit, ibique Arionianitas publico sermone condemnauit, ultimam hanc esse hæresim & præcursorem Antichristi affirmans: prædicauitque in populo filium Dei, non facturam, non ex ullis extantibus, sed proprium & unius cum patre substantiæ, ne creatura potius aut adoptio aut appellatio uideretur: impium esse dicens, uel mente concipere, erat quando non erat: cum uerbum Dei Deus, qui est, semper patri sit coæternus, quia ex eo natus est patre, qui semper est. Vnde aiebat: Cum Arianis uobis nulla sit coniunctio. Quæ enim societas luci ad tenebras? Vos fideliter credentes, Christiani estis: illi uerbum, id est, filium qui ex Deo patre est, creaturam

A

B

A creaturam docentes, nullo interuallo à gentibus separantur, qui seruiunt creaturæ, potius q̃ creatori, qui est benedictus in secula. Ipsa mihi credite irascuntur elementa, & omnis contra Arianum furorem secūdam Apostoli dictum, congemiscit creatura, quòd sibi Dominum suum per quem omnia, & in quo omnia facta sunt, uidear coæquari. Hæc tanti uiri prædicatio exprimi nō potest, quantum ad fidem populos roborauerit.

Latabantur quippe hostilem & Christo inimicam heresim anathematizari ab Ecclesiæ columna. Nulla tunc ætas, nullus sexus domi remansit. Taceo de Christianis: Pagani quicq̃, & ipsi idolorum sacerdotes ad Dominicum imperium cōuolabant, dicentes: Deprecamur ut uideamus hominem Dei, quia hoc apud uniuersos conspicuum erat nomen Antonij. Ambigebant quoq̃ saltem fimbriam uestimenti eius attingere, multum sibi & tactum prodesse credentes.

B Quot tunc diabolica obsidione & uarijs infirmitatibus liberati: Quot simul lachris erepta sunt spolia? Quanti etiam ab errore gentilium retracti nostro iuncti sunt gregi? Tanti certè ut paucorum dierum spacio ex idolorum superstitione conuersio, omnem per annum credentium uinceret turbam. Præterea cum irruentem multitudinem comites repellerent, æstimantes tædio illi cōuentum populi fore, ipse tranquillo animo dicebat: Nūquid hic cœtus demonum maior est turbis? Nunquid obsequentium multitudo colluctatorum in mente nostrorum cateruis est numerosior? Accidit etiam, ut cum eum redeuntem circa portam prosequeremur, à tergo quædam mulier clamitaret, dicens: Expecta homo Dei, filia mea atrocissimo uexat dæmonio, expecta obsecro, expecta, ne & ego corruens inteream. Hoc audito, admirabilis senex à nobis admonitus, uolens tamen & ipse paululum substitit. Cumq̃ appropinquante muliere, puella iaceret explora, orauit tacitus Iesum: & ad comminationem eius, statim spiritus impurus egressus est. Puella incolumis, populus in laudibus Dei, mater in gaudio fuit. Ipse autem latabatur, quia ad desideratam solitudinem repedabat. Erat autem ualde sapiens, & hoc in se mirabile habebat, quia cum literas non didicisset, ingeniosissimus & prudentissimus, immobilis & mansuetus erat.

Multi gentes per Antonium conuersi ad Christum:

Antonius rudis literarum.

Aliquando etenim philosophi duo gentiles, uenerunt ad eum, putantes Antonium se posse decipere. Erat enim in superiori monte. Quos cum uidisset, paganos intellexit ex uultu: & procedens ad eos per interpretem, ita cœpit appellare: Quare tam longè ad stultum hominē, sapientes se uexare uoluerunt? Illis dicentibus non esse illum stultū, sed & nimium sapientē, uigilanter respondit: Si ad stultum uenistis, superfluous est labor uester. Si autē putatis me sapientem esse, & sapientiā habere, bonū est: imitamini quæ probatis, quia bona conuenit imitari. Si ego ad uos uenissem, uos imitarer: sed quia uos ad me quasi ad sapientē uenistis, estote sicut ego sum, Christiani. Abscesserunt philosophi utrumq̃ mirantes, & acumen ingenij & dæmonium expulsionēs.

Acumen ingenij in Antonio.

Alios quoq̃ similiter mūdi sapientes, qui eum irridere cupiebant, quia literas ignoraret, tali disputatione colligauit, dicens: Respondete mihi, quid prius est, sensus an literæ? Et quid cuius exordium? Sensus ex literis, an literæ oriuntur ex sensu? Illis asserentibus, quia sensus esset auctor atq̃ inuentor literarum, ait: Igñtur si cui sensus incolumis est, hic literas non requirit. Quis præsentium post hanc colluctationem nō exclamauerit, cum obstupuerint, & ipsi qui uicti sunt, tantam in imperito literarum sagacitatem animi admirantes. Neq̃ enim ut in solitudine & mōtibz uersatus, atq̃ omnem ibidem exigens uitam, agrestis & rudis erat, sed iucundus atq̃ affabilis, sermonem secūdam Apostoli præceptum, diuino conditum sale proferebat, ita ut inuidia careret, & amore omnium potiretur.

Virum sensus an literæ priores.

*Affertio
Christiana
doctrina
contra Phi-
losophos.*

Inter hæc quasi parum esset, his gentilitatē fuisse superatam, & tertio uenerunt uiri, omnis secularis prudentiæ nube cæcati, atq; uniuerlis Philosophiæ studijs artium suarum æstimatione doctissimi. Hi cum rationem ab eo exigerent fidei, quam in Christo habemus, & niterentur arguta sophismatū interrogatione, de diuina cruce eum illudere, intra silentium paululum uoce cōpressa, primū eorum miseratus errorem est. Deinde per interpretē, qui eius uerba diligentissimē in Græcum solebat exprimere sermonem, ita exorsus est, dicens: Quid pulchrius est, quid uel honestius, crucem colere, an adulteriæ parricidium uel incæstum, his assignare quos colitis, cum in altero cōtemptus mortis insigne uirtutis sit, in altero turpis religio sit obscœnitatis magistra? Quid melius est dicere, quod Dei uerbum manēs ut erat ob salutem nostram humanum corpus assumpsit, ut societate mortalitatis nos eueheret ad cœlum, participesq; naturæ cœlestis efficeret: an, ut ipsi asseritis, diuinæ mentis haustum, ad terrena ueneranda caput submittere, & pecudum atq; serpentū formis cœleste nomen includere? Quo ore Christianorum credulitatem audetis irridere, dicentium Christū filium Dei sine sui detrimento, & cœpisse esse quod non erat, et mansisse quod fuerat, cum ipsi animam de cœlestibus detrahentes, non tantum hominum, sed & pecudum soleatis sepius corporibus, Christiana credulitas pro salute mūdi Deum suum uenisse testatur; uos uerò innatā animam prædicantes, ultro citroq; transfertis. Christiana fides quæ omnipotentiam Dei clementiamq; ueneratur, cōsequenter incarnationē dicit Deo fuisse possibilem, ita tamen ut non euacuauerit dignatio dignitatē, quos qui animam ex splendissimo Dei fonte manantem turpiter decidisse iactatis, qui mutabile & conuertibilem eam post sui diminutionē audetis asserere, iam illam quoq; naturam dominam seculorū, per animæ cōtumelias impia lingua temeratis. imago enim quæ secundū nos naturalem similitudinē sui retinet auctoris, cui una est ex quo defluit eademq; substantia humilitates proprias & iniurias consequenter ad suam originem remittit.

Igitur animaduertite cōtumelias animarū, ad patrem ut appellatis earum, per uestram blasphemiam redundare. Crux Christi Domini Dei nostri nobis ingeritur. Rogo, quæ hic est religionis obscœnitas? Nōne potius est crucem, aut alicuius generis mortem ab iniquis hominibus illatā patiēter sustinere, q̃ Ididis plangere post Osirim uagos incertosq; discursus. Pudeat quæso uos in sidia Typhonis, pudeat Saturni fugæ & deuorationis crudelissimæ liberorum. Erubescite parricidiū Iouis & incestū, erubescite raptum eius & coitum mulierum atq; puerorum.

Ille sicut uestri fingunt Poetæ ad explendum immanissimæ libidinis furorem, molles dedit in amore uagitus, ille in Dianæ fluxit sinus, ipse amator & precium, ille modulatus ales, Ledeos petiuit amplexus: ille in propriū sæuiens sexum, regium puerum ministris auibus polluit. Hæc uos creditis, hæc colitis. Hæc sunt uestrorum ornamenta templorum. Aequo, deprecor, pro uestra salute, dicta pensate iudicio. Cuncta an nihil libris credenda sunt Christianis? Si nihil, nec crucis quoq; cui detrahitis nomen agnoscitis: Si uniuerſa credenda sunt, cur cum in isdem libris cruci resurrectio copuletur, passionē diuinam stolido laceratis eloquio, & non statim iungitis cecorū uisum, surdorum auditum, claudorū gressum, lepræ emundationē, seruiens ambulanti Deo suo mare, dæmonum fugas, resurrectionem mortuorum, & defunctorum ab inferis reditus? Hæc omnia scripturis quas interpolatis inserta sunt, & isdem uoluminibus cōtinentur præconia maiestatis & mortis. Quamobrē, odio quo imbuti estis abiectō, inuenietis ilico & Deum uerum esse Iesum, & salutis humanæ gratia fragilem assumpsisse naturam. Vestram tamen nobis (si non pudet) narrete religionem, sed quas (o error infœlix) poteris referre culturas de tanta rerum

A rerum fœditate atq; uecordia: Nisi fortè, ut audio, fabulas asseritis deorum uestrorum, & obscœnitates & crudelitates, & uanitates, & mortes, regentes eas allegoricis uelaminibus, Liberum raptum, terram Proserpinæ, semiclaudum Vulcanum & debilem ignem, Iunonem aërem, Apollinē solem, Dianam lunam, Neptunum maria, & libidinum principem Iouem ætherem interpretantes. Nec post hanc excusationis procacitatem, Deum, sed creaturas contempto creatore suscipitis.

Quia si pulchritudo uos elementorum ad suam traxit uenerationē, modum *Honor creatoris non dandus creaturis.* fas erat custodire, & oportebat mirari tantum nec colere, ne facturę uenerationis esset iniuria. Nam secundum istiusmodi, quam uos sequimini, ratio est præpostera atq; peruersa & architecti honor migravit ad domum, & medici scientia ad remedia conferetur, omnium quoq; artificū merita uel laudes ad opera transferentur. Quid ad hæc dicitis, ut agnoscamus quæ sit crucis ridiculæ uobis ignominiosa confusio? Hac disputatione conuertentibus inter se philosophis oculis, simulq; mussitantibus, subridens Antonius rursum per interpretem ait: Perdurū nanq; cuncto uideſ operi, quotiens iusto uniuersæ rei tenore calcato, laboris merita factis, magis q̃ factoribus astruunt. Elemēta quidem, ut memorauī ex ipso cōspectu, suam cōprobant seruitutē. Sed quoniam uos obseruatione dialectica, necessariā ut putatis quęq; colligitis, hoc quoq; artificio etiā nos nostram religionē cōpellitis affirmare. Respondete mihi: Cognitio Dei quemadmodū manifestius approbatur, per lectionē uerborum, an per operationem fidei? Et quid antiquius est, operatio fidei, an disputatio per argumenta procedens? Illis respondentib. firmiorē sermonibus operationem esse, & hanc liquidam de Deo cognitionem, bene eos & ipse dixisse cōsensit:

B quia operationē quę ex fide descēdit, animi generat affectus: dialecticā uero ex artificio componentiu sumpsisse oppositionis exordia. Cum ergo, ait, operationē fidei animo sitam quis habuerit, superflua erit uerborū cōpositio, per quam conceptā sensu nostro credulitatē tentatis euellere, & tamen sæpe nostras explicare intelligentias non ualetis. Ita solidiora sunt mentis opera, q̃ sophismatum fraudulenta cōclusio. Nos Christiani mysteriū uitę nostrę, non in sapientia mundi habemus repositū, sed in uirtute fidei, quę nobis à Deo tributa per Christum est. Hanc orationis meæ ueritatem, rerum quotidie quę geruntur ordo cōmendat: uobis imperitis & literarū uestrarū ignaris ad Dei cognitionem, eius solum uerba sufficiunt. Ecce nos tot gentilitatis gregibus abstracti in uniuersum orbem quotidie propagamur, uobis uerò post aduentum Domini, nodosæ sophismatū defecerūt uersutia. Ecce nos simplicem Christi fidem docti idololatriā debellauimus: & per prædicationē ignominiosæ crucis, aurata templa deciderunt. Vos si potestis, ostendite qua cōtextione uerborum gentilitatem Christo præponere suaseritis. Per omnes iam terras Deus Dei filius Christus est agnitus, nihil eloquētia sophismatū, nihil disputatio Philosophiæ multitudinī potest obesse credentium. Crucifixum nominamus & uniuersi dæmones quos uos ut deos colitis, rugiunt, atq; ex obsessis corporibus ad primū Dominicæ crucis signū fugant. Vbi sunt illa fabulosa oracula & ubi Aegyptiorū incantationes: Quò magorū profecere carmina? Certè tunc uastata sunt omnia, cum de sua cruce mundo Christus intonuit. Nihilominus uos prætermisiss debilitatorū cateruis, gloriosam Iesu mortē irridere conamini. Illud autē quale est, quod nunq; infestatione regali cōcussa gentilitas, imò seculo cara, & hominum præsidij fulta iam corruit.

Collatio Christianæ doctrinæ et fidei cū gentilitate.

Nos famuli Christi quo plus premimur, eo magis assurgimus & floremus. *Christiani quanto magis premuntur, eo magis florent.* Vestra simulacra ornatis quondā septa parietibus, iam uetustate collapsa sunt. Christi uerò doctrina quæ uobis stultitia uidetur & ludus, licet tyrannica persequentium principū tentamēta pertulerit, licet uarijs sit incurcata terroribus,

nullo tamen terrarum orbe concluditur, nullo gentium barbararū sine prohi-
 betur. Quando enim diuinæ scientiæ tantus splendor illuxit? Quando tot si-
 mul in se cōuenere uirtutes? Continētia in matrimonio, uirginitas in ecclesia,
 floret martyrium pro Domino suo gloriosa constantia: quorum omnium crux
 Christi principium est. cum interim uos inter tantos uirtutum choros, syllogis
 smorum retia tenditis, & ueram rerum lucem tenebrosis conamini argumen-
 tationib. obuoluere. Ecce nos (ut dixit doctor noster) nō in gentili persuasio-
 ne, sed in fide apertissima suademus, quæ uerborum affirmationē præuenire
 consuevit. Assunt quippe patientes à dæmonib. uexati, quos cum in medium
 produxisset, uerba repetiuit dicens: Nunc uos collectionib. uestris, & quo uul-
 tis malefico carmine deos uestros quos putatis expellite: sin autem non pote-
 stis, uictas submitтите manus, & ad Christi trophea confugite, & statim crucifi-
 xi credulitatē maiestatis potentia prosequet. Dixit, & inuocato nomine Iesu,
 cum uitale signum in sacro numero trinitatis pressisset in frontibus, unā cum
 expulsiis dæmonibus, uana presentium philosophorū confutata sapientia est.
 Expauerunt enim stupentes hominē, cui post tantum ingeniū afflueret signo-
 rum diuina largitio. At ille uniuersa Christo qui curauerat ascribens, usus est
 affatu reciproco, & ait: Nolite me putare his sanitatē dedisse, Christus per se
 uos suos facit ista miracula. Credite & uos, & uidebitis, quia deuota Deo fides
 non eloquentiæ uanus tumor talia signa mereat. Cōfugite ad crucifixi legem,
 nosq. eius imitamini famulos, et hoc scientiæ fine cōtenti, nulla deinceps secu-
 laris imprudentiæ argumenta queratis. Hacenus Antonio dicente, miro philo-
 sophi stupore perculsi, & cum honorifico salutato ab eo recedentes, multum
 eius sibi fatebant profuisse conspectum. Hoc in eo uiro mirabile est, ut homi-
 nem in extremo mundi limite conditum, & fauor principū, & omnis celebra-
 ret aula regalis, nam & Constantinus Augustus, & eius liberi Constans, atq.
 Constantius talia cognoscētes, crebrō ad eum quasi ad patrem missis literis ob-
 secrabāt, ut reciprocis eos scriptis hilararet. At ille eiusmodi manens, qualis &
 antē q. literæ ad eum uenirent, fuerat, nec salutatione principum mouebat, &
 tanq. nō acceptis literis, cōuocatis monachis aiebat: Reges seculi ad nos mise-
 runt epistolas, quæ hic Christianis adhibenda miratio est: Licet enim diuersa
 sit dignitas, attamen eadem nascendi moriendiq. cōditio est. Illa sunt uenera-
 tione omni percolenda, illa toto animi affectu retinenda sunt, quod homini-
 bus Deus legem scripserit, quod per filium suum proprijs ecclesias ditauerit
 eloquijs. Quæ monachis est ratio cum epistolis regum? Cur accipia literas qui-
 bus cōsueti nesciam reddere salutationis obsequia? Igitur rogatus ab uniuersis
 fratribus, ut Christianos reges suis literis refrigeraret, ne scilicet per silen-
 tium eius exasperarent, ad susceptas epistolas cōuenientia rescripsit. Laudauit
 primū, q. Christū colerent, deinde salutaria persuasit, ne magnam putarent
 regiam potestatē, ne presentis carnis imperio tumentes, se homines esse nesci-
 rent, & iudicandos à Christo obliuiscerent. Ad postremū clementiæ circa sub-
 iectos & iustitiæ, curam quoq. inopum admonuit, atq. unum sempiternū esse
 regem omnium seculorū Iesum Christum epistolis testatus est. His principes
 susceptis uehementissimè lætabant. Sancta quoq. apud cūctos Antonij flagra-
 bat opinio, ita ut eius se filios cuperēt nominari. Magna etenim cū aduenien-
 tibus affabilitas, omnium in se studium cōuerterat. Postquā ergo gentiles cōsu-
 tati, reges admoniti, fratres ab eo sunt consolatione releuati, ad interiorē mon-
 tem, & ad rigorem solitum regressus est, ibiq. saepe cum introeuntib. deambu-
 lans, ac residens stupebat, sicuti in Daniele scriptū est, & interiectis horarum
 spacijs cōsequentia respōdebat, ut intelligeret aliqua reuelationis uidisse secre-
 ta. nam in monte positus, ea quæ in Aegypto longè gerebant præuidens, epi-
 scopo Serapioni ibi constituto narrauit.

LAMENTABILIS SEQUITUR VISIO, ET OMNI-

lachrymarum fonte plangenda.

CUm enim cum fratribus circa se sedentibus operaretur, intentē fixit oculos in cœlum gemens atq; suspirans. Et post aliquantum spacium reuelationis inceptæ, nimio dolore contremuit, & statim fixis genibus ante Dei uultum prouolutus orauit, ut clementia sua futurum auerteret scelus. Succedunt orationi lachryme, metus ingens inuadit præsentēs, obsecrant ut tantę calamitatis exponeret uisionem. Singultus occupant uocem, lingua fletib; præpedi, & in medio conatu sermo gemitu interrumpitur. Vix tamen cum uociferatione fluctuosa ait: Melius erat, ô filioli, impendens piaculum cita morte lucrari. Sic incipiens rursus lachrymis uincitur, & inter ægra suspiria tandem pectori commodans uocem, Magnum, inquit, quoddam & uniuersis seculis inauditum imminet nefas. Magno fides catholica turbine subuertetur: et homines iumentis similes, Christi sancta diripient. Vidi enim altare Domini multorū cunctatū multitudinē, qui crebris calcium ictib; omnia dissipabant. hæc est causa gemituū quos audistis. Et facta est uox Domini dicens: Abominabitur altare meum. nec mora, uisionem sequitur effectus. Nam post annos duos, seua Arianorum irrupit insania. Tunc ecclesiarum rapinæ, tunc diuinorum temeratio uasorum, tunc pollutis ethnicorum manibus, sacra polluta sunt ministeria, tunc paganorum opificum præsidia aduersum Christum cōparata cum assumptione palmarum, quod idololatriæ apud Alexandriā insigne est: ad ecclesiam pergere compellebantur Christiani, ut Arianorū populi crederent. Proh scelus, horret animus replicare quæ gesta sunt: Virginum matronarumq; ereptus pudor, sanguis ouium Christi in Christi templo effusus ueneranda respersit altaria, baptisterium pro uoluntate gentiliū pollutum est. Nihil defuit, uisionis ueritatem monstrauit effectus: quod calcitrantium mulorum indisciplinatio, Arianorum esset impietas. Sed istam tristitiam consequentis reuelationis prosperitate consolatus est, & ait: Nolite filioli mœrori uos penitus cedere. ut enim iratus est Dominus, sic rursus miserebitur, & suum citò ecclesia recuperabit ornatum: eosq; qui in persecutionibus fidem Domini seruauerint, solito uidebitis fulgore relucētes. Reuertētur ad foueas suas serpentes, & religio longius propagabitur, tantum uidete ne fidei uestre sinceritas Ariana labe fordescat. Non apostolorū, sed dæmonum & patris eorum diaboli ista doctrina est, ob id per insipientiam iumentorū similis, pecudum eorum expressus est animus. Hucusq; Antonius. Sed nos minimē conuenit dissidere, tam grande miraculum per hominem potuisse ostēdi. Saluatoris enim promissio est, ita dicentis: Si habueritis fidem ut granum sinapis, dicetis huic monti, Transfer te, & transferetur, & nihil impossibile erit uobis. Et iterum: Amen, amen dico uobis, omne quod petieritis patrem in nomine meo, dabit uobis. Petite & accipietis. Ipse enim suis discipulis, & uniuerso credentiū gregi, nūc subiectionem dæmonum, nunc uariarum infirmitatū pollicens curationem, aiebat: Gratis accepistis, gratis date. Nunquid suæ uirtutis imperio curabat Antonius? Nunquid suæ possibilitatis arbitrabatur esse quod fecerat? Orationibus, non præceptis dæmones morbiq; cesserūt, & ad Christi Dei nostri nominationem semper uniuersa perfecta sunt. Nemo sapientium sanitarum admirationem ascribat Antonio, sed Domino IESU, qui solitam erga creaturas suas exhibens beneuolentiam, nunc quoq; per electum famulum suum indulgenter exercuit. Antonius tantum orabat, & uitæ eius merita cuncta Dominus largiebatur. Sæpe autem & contra uoluntatem ad exteriorem montem à fratrib; perducebat. Et cum iudices, qui ad interius archisteriū propter asperitatem itineris, & obsequentiu multitudinē & horridā solitudinē ire non poterāt, precario quærerēt, ut eius fruerent aspectib;, nec impetrare possent, quia molestissi-

molestissimè ferebat uexationem discursuum. Ipsos catenatos quos aut noxie A
 tas, aut uigor publicus constrinxerat, ad eum destinabant, scientes tales ab An
 tonio nō posse contemni, quorum fletib. superatus, pertrahebatur ad exterior-
 rem montem, agnoscens laborem suum utilem miseris fore, suadebatq; iudici
 bus qui eum inuitauerāt, ut in sententiā proferenda, & odio & gratiā, Dei ti-
 morem anteponerēt, nec ignorare eos debere quod scriptū est: Quocunq; iu-
 dicio iudicaueritis, in eo iudicabit de uobis. Attamē inter medios sermones ca-
 ræ sibi solitudinis recordabat. Post coactā itaq; præsentia, quam ducis preces,
 & quod uerius est, miserorū fletus extorserat, post salutaria monita, post reo-
 rum cōmendationem, quorundā uerò & absolutionē, postulanti duci, ut pau-
 lo largius eidem suam præsentiam indulgeret, ait, non posse se diutius ibidem
 morari, grato usus exemplo quod sicuti pisces ab aqua extracti, mox in arenti
 terra morerentur: ita et monachos cum secularib. retardantes, humanis statim
 resolui confabulationibus. Ob id ergo inquit, conuenit ut pisces ad mare, ita
 nos ad montem festinare, ne tardantib. nobis aliqua propositi succedat obli-
 uio. Præ tanta hominis sapiētia dux miratus, iustā de eo tulit ueramq; senten-
 tiam, dicens: Verè istum esse Dei famulū, nec in rustico homine potuisse tan-
 tam aliquando inesse sapiētia, nisi diuino amore regeret. Præterea cum Bala-
 cius qui sub Nestorio præfecto Alexandriæ dux Aegypti fuit, homo Arianæ
 iniquitatis studiosissimus fautor, ita Christi ecclesiā persequeret, ut animo ue-
 sano uirgines monachosq; nudatos uerberaret in publico, ad eum Antonius
 literas milit, quarum ista sententiā est: Video iram Dei uenientem super te,
 desine persequi Christianos. ne te ira occupet, quæ proximū iam tibi minatur
 interitū. Legit infelix epistolā, & irrisit: atq; in eam expuens, proiecit in terrā,
 portitores quoq; multis afficiens iniurijs, Antonio talia renunciari præcepit: B
 Quoniā cura tibi tantopere monachorū est, etiam ad te mei uigoris transfiliet
 disciplina. sed cōfestim minitatorē oppressit suppliciu, et post quinq; dies os ef-
 frenatum ultio diuina cōpescuit. Egredit enim ad primam mansionē Alexan-
 driæ quæ appellat Chereum, cum supradicto Aegypti præfecto Nestorio, ue-
 huntur equis, quos inter omnes Balacius, cuius erant. mansuetissimos nutrie-
 rat. Cum ergo pariter solito sibi met equi alluderet, mitior quo Nestorius uehe-
 batur, morfu repentino Balaciū decussit in terrā: ac sic in eum inhians, femora
 eius lacerauit atq; corrolit: ut statim relatus ad ciuitatē, post tertium diem mo-
 reretur, uniuersiq; agnoscerent minarum ab Antonio prædictarum effectum
 quantocyus consecutum, digno persecutoris fine completo.

Cæteros ad se uenientes mira cum modestia Antonius admonebat, ut obli-
 ta seculi dignitate, remotioris uitæ beatitudinem appeterent. Si qui aut maiori
 potestate premebatur, nec poterant obtinere iustitiā, ita eos obnixè defende-
 bat, ut ipse pro illis pati uideretur iniuriā. multis utilis fuit præclari senis oratio,
 multi magnis diuitijs & altiori gradu militiæ derelicto, eius adhædere curricu-
 lis. Et ut infinita breui sermone cōprehendam, bonum Aegypto medicū Chri-
 stus indulserat. Quis nō tristitiā apud Antoniū mutauit in gaudiū? quis non ir-
 ram uertit in pacem? quis orbitatis luctum non ad eius temperauit aspectum?
 quis nō mœrore paupertatis quo premebat abiecto, statim & diuitū despexit
 opulētias, & in sua letatus est paupertate? quis post lassitudinē monachus non
 eius uegetatu hortatus est? quis adolescentiæ ætatis accensus ardoribus, non
 ex eius admonitu, pudicitia amator fuit? quis uexatus à diabolo, sine medela
 rediit? quis inimici cogitationibus distractus, non cæca tempestate sopita, se-
 reno regressus est animo. Sciebat enim quo quisq; laboraret incōmodo, & ex
 uitæ meritis discretionem spirituum agnoscens, adhibebat uerborum, prout
 erant uulnera, sanitatem. Vnde effectum est, ut post eius doctrinam omnes
 diaboli panderent insidiæ. Multæ quoq; ad eius conspectū despōsata puellæ,
 ab ipso

A ab ipso penè thalamo recedentes in Ecclesiæ matris gremio cõfederunt. Quid plura? Totius orbis homines ad eum confluebant, & uniuersarum gentium uarietas, bellicosissimum contra daemones uirum, conspiciere gestiebat. Nullus se frustra illuc uenisse conquestus est, omnibus delectationi atq; iucundum laboris commercium fuit. Fatigatio enim itineris, emolumentum uiatitici reportabat, sicut rei probauit effectus. Nam post resolutionem eius, quasi communi funere orbitatis excepto, proprium singuli parentem luxerunt. Quis autem finis uitæ eius fuerit, dignum est & me commemorare, & uos cum desiderio audire, quia & hoc in eo imitabile cunctis fuit. Iuxta cõsuetudinem ad uisendos fratres, qui in exteriori monte erant, uenit: ibiq; à diuina prouidentia de sua morte condiscens, ita exorsus est, dicens: Ultimam filioli patris audite sententiam. non enim arbitror, quod in hoc seculo iterum uos uisuri simus. Cogit conditio naturæ, ut post centenarium numerum, quem annis quinque supergreddior, iam resoluar. Ita loquutus, audientium pectora contristauit, gemitus lacrimæq; dicta mœrentia cõsecutæ sunt. Amplexabantur eum uniuersi, quasi iam de seculo recessurum. At ille tanq; aliena deferens, ad propriam patriam profecturus magna cum lætitia præcipiebat, desidiâ instituto non debere surripere: sed tanq; quotidie morituros, ut antè prædixerat, à sordidis cogitationibus animam custodire, & omnem æmulationem ad sanctos quosq; conuerrere: ad Meletianos uerò scismaticosq; ne propè quidē accedere. Scitis enim, aiebat, eorum antiquam peruersitatem. neq; cum Arianis communione iungamini, quia impietas eorum iam omnibus manifesta est. His etiam illud addebat, nullum debere Christianum, cum seculi uiderit potestates, pro Ariano & Meletianorum pugnare nequitia, à Christi territum discedere ueritate: mortalium illam esse defensionem, nec diu fallacem permanere posse phantasiam. Quapropter, aiebat, custodienda est pia fides in Christo, & patrum religioſa traditio, quam ex scripturarum lectione, & crebro meæ paruicatis didicistis admonitu.

De morte
Antonij.

Antonius
105. anno-
rum.

Monet cauē-
dos Hereti-
cos.

Hortatur ad
fidei perseue-
rantiam.

Finito sermone, fratres eum uehementissimè retardabāt, glorioso patris cupientes termino decorari. Sed multas ob causas, quas & silentio demonstrabat, præcipuè tamen ob præsumptā Aegypti consuetudinē, cõtradixit. Mos etiam Aegyptijs est, nobilium & præcipuè beatorum martyrum corpora, linteamine quidem obuoluere, & studium funeri solitum non negare: terra uerò non abscondere, sed super lectulos domi posita reseruare. Hunc honorem quiescentibus reddi, inueteratæ consuetudinis uanitas tradidit. De hoc Antonius saepe & episcopos deprecatus est, ut populos ecclesiastica contestatione corrigeret: & laicos uiros ac mulieres rigidius ipse conuenit, dicens, nec legitimum hoc esse, nec Deo placitum: quippe cum patriarcharum & prophetarum sepulchra, quæ ad nos usq; perdurant, hæc facta conuincerent. Dominici quoq; corporis exemplum oportere intueri iubebat, quod in sepulchro positum, lapide usq; ad resurrectionis diem tertium clausum fuerit. atq; his modis uitium circa defunctos Aegypti, etiam si sancta essent corpora, coarguebat dicens: Quid maius aut sanctius corpore potest esse Dominico? quod iuxta consuetudinem gentium cæterarum, humo conditum esse scimus. Hæc iusta persuasio multorum insitum euellit errorem: & repositis in terra cadaueribus, Domino gratias pro bono magisterio retulerunt. Metuens ergo consuetudinem supradictam, ne eodem etiam circa se haberentur errore, celeriter ualedicens monachis qui confluxerant, ad amicam uirtutis habitaculum repedauit. Post menses autem paucos, cum non mediocri incommodum senilia membra turbasset, uocatis ad se duobus fratribus, quos ibidem ante quindecim annos, modico interuallo seiunctos instituerat, quicq; ei iam senī cõperant ministrare, ait: Ego quidem filioli, secundum eloquia scripturarum, patrū gradior uiam: iam

Mos Aeg-
ptiorum in con-
seruandis de-
functorum cor-
poribus.

Postrema con-
cio Antonij.

N enim

enim Dominus me inuitat, iam cupio uidere cœlestia: sed uos, o uiscera mea, **A** admoneo, ne tanti temporis laborē repentē perdati. Hodie uos religiosum studium arripuisse arbitramini, & cœptæ uoluntatis fortitudo succrescet. Varias dæmonum nostis insidias: uidistis eorum & imperus feroces, & uires effœminatas. Iesum suspirate, & credulitatē nominis eius uestris figite mentibus. & à certa fide uniuersī dæmones fugabuntur. Mementote etiā admonitionum mearum, & incertæ conditionis uitam quotidie ancipitem pertractate: & cœleste uobis præmium sine cunctamine tribuet. Schismaticorū quoq; & hæreticorū uenena uitate, meumq; circa eos odium sectamini, quia Christi sunt inimici. Scitis ipsi, quod nullus mihi nec pacificus quidē sermo cum eis aliquādo fuerit, propter prauā eorū uoluntatē, & pertinax contra Christū bellū. In hoc autē magis estote solliciti, ut Domini præcepta seruetis, ut post mortem uestram sancti quicq; quasi amicos & notos in æterna uos recipiāt tabernacula. hæc cogitate, hæc sapite, hæc retexite: & si qua mei uobis cura, si qua patris memoria est, si mihi uicarium rependatis affectū, nullus ad Aegyptū meas perferat reliquias, ne uano corpus honore seruetur: ne uituperati ritus à me, ut nostis, etiā circa me seruentur obsequia. Huius enim rei gratia, maximē huc sum regressus. Vos igitur humo tegite, uos patris operite corpusculū: & illud quoq; lenis uestri custodite mandatum, ut nemo præter uestram dilectionē, locum tumuli mei nouerit. Confido in Domino, quia necessario resurrectionis tempore, hoc corpusculum resiliet incorruptū. Vestimentorum autem meorū sit ista diuisio. Melotem & pallium tritum cui superiaceo, Athanasio episcopo date, quod mihi nouum ipse detulerat. Serapion episcopus, aliū accipiat melotem, uos cilicinum habetote uestimentum, & ualete uiscera mea. Antonius enim migrat, & iam nō erit in præsentī seculo uobiscū. Verba finierat: & osculans se discipulis, extendens paululum pedes, mortē latus aspexit: ita ut ex hilaritate uultus eius, Angelorum sanctorum, qui ad perferendam animam **B** eius descenderant, præsentia nosceretur. Hos intuens tanq̃ amicos uideret, animā exhalauit, & additus est patribus secundum ordinē scripturarū. Seruauerunt mandata discipuli, inuolutū ut præceperat corpus humo operiētes: & nemo interim usq; ad hāc diem, præter eos, ubi sit conditū, nouit. Legatarius autē Antonij benedictionem, qui tritum pallium cum melote imperio eius meruerat accipere, Antoniū in Antoni muneribus amplectitur, & tanq̃ magna hereditate ditatus, latanter per uestimentum recordatur imaginem sanctitatis. Hic Antonio uitæ terminus fuit, ista principia meritorum. Quæ licet pariori, ut prædixi, sermone narrauerim, tamē ex his potestis aduertere, qualiter homo Dei à pueritia ad senectā usq; peruenerit: & quod omni semper dubitatione calcata, nec languori nec longeuæ quicq; ætati aliquando cōcesserit. Magis autem æqualitatem propositi tenēs, nec uestimentum mutauit, nec pedes lauit, nec escam sectatus est molliorem. oculorum quoq; aciem & numerum dentium, licet paululū ob ætatē uiderent attriti, nec non & pedū incessum, totius etiam corporis firmitatē, ita contra iura naturæ meritorū gratia custodiuit, ut lautorū corporū quæ balneis atq; delicijs cōfouent, hilarior eius caro uideretur. Hoc etiā, fratres, quod per omnes prouincias amor eius fama q; uolitaui, quem nec librorū disseminatorū oratio luculenta, nec mūdana sapiētia disputatio, nec nobilitas generis, nec opū infinita cōgestio cōmendauit, cui omnī ore est ascribēdū nisi Christo, cuius hoc donū est: Qui deuotos eius animos, erga suam peruidens maiestatē, hominē alio penē orbe celatū, & inter tantas positū solitudines Africae, Hispaniæ, Galliæ, Italiæ, Illyrico: ipsi etiam quæ urbium caput est Romæ, ut in exordio promiserat, demonstrauit. Creatoris est ista benignitas, qui famulos suos, licet nolentes, nobilitare cōsueuit, ut uirtus possibilis, nec ultra humanā esse naturā, sanctorū doceat exemplis, et ad beatę uitæ

A uitæ imitationem, ex fructu laboris optimus quisq; impellatur. Hunc itaq; fratribus librum magnopere perlegere curate, ut agnita fideli uita sublimium monachorum, sciant quod saluator noster Iesus Christus glorificâtes se glorificat: & seruientibus sibi met, non tâtum regna cœlorum, sed etiâ hic in ipsis montium secretis latere cupientibus, famæ tribuit nobilitatē, scilicet ut & ipsi fruantur laude meritorum, & ceteri eorum prouocentur exemplis. Si autem necessarium fuerit, & gentibus legite, ut uel sic agnoscant, quia Dominus noster Iesus Christus non solum est Deus Dei filius, sed etiâ his qui eum sollicitè colunt, & in eum fideliter credunt, hanc dedit potestatem, ut dæmones, quos illi deos esse arbitrantur, conculcent atq; ejiciant, decemprores scilicet hominum, & totius corruptionis artifices.

N 2 REVEREN

REVERENDISSIMO ET ILLVSTRIS

SIMO D. CLAVDIO A' BAVMA, ELECTO BISON-

tine diacefis Archiepiscopo, Gilbertus Cognatus

Nozerenus S. P.



Emor in clientelam me semel receptum à Reuerendis. T. A. Præsul illustris. ne quid in officio cessem, quantum mea conditio patitur, dicare tibi uolui gustum laborum meorum, quos hisce Christi natali cñs exantlaui. in quorum commendationem nihil ferè ad rñcio, ne uidear hæsitare de A. T. perspicacia. Cæterum Simeonem Metaphrasten de diuo Nicolao, magno Myrensi episcopo, & Athanasium de D. Antonio Aegyptio monacho, è græco in latinum uersos, ueteres licet, noua tamen & emaculatio commendabit facies. Extrema uerò codicis pars placere poterit, etiam nouitatis nomine. In historia porrò superioris, præclara testimonia extant ueri episcopi, seu prædicatoris Euangelici: ideóque digna est quæ diligenter cognoscatur, atq; tiam in ecclesia tractetur, ut intelligant homines pñ, quod officium olim habuerint ueri Episcopi in Ecclesia, & quòd hac nostra ætate tātum ferè hæreat episcoporum titulus in illis hominibus, qui nomen Episcopale sibi usurpant, & nulla cura aut cogitatione ueri Episcopalis officij tanguntur. Et quanquam quibusdam utraq; superfluis in multis referta uideatur, tamen ideo quæ in ea sunt optima & utilia, cōtemni non debent. Itaq; ut huiusmodi morosis hominibus seruiatur, ambas historias, cum aliquot alijs, in breuissima compendia, quoad fieri potuit, redegì, atq; simpliciter & perspicuè enarraui. Hæc autem qualiacunq; tuæ A. præcæteris probari cupio, cuius perpetuus fauor, & alacritatem mihi acuit, & benemerendi auget studium. Sed non detinebo T. A. diutius, cui quamprimum libuerit, uel horulam hisce nostris historijs impendisse, non pœnitebit spero. Quod superest, oro, ut erga Cognatum tui similis esse pergas: cui precor omnia prospera, tuisq; digna uirtutibus. Datum Nozerethi, ipsis nonis Ianuarij, 1552.



MX primo Actorum apostolicorum capite constat, Mathiam fuisse unum ex discipulorum numero septuaginta uocatum à Christo ad cognitionem euangelij, cuius & apostolus factus est, cum nihil minus futurum esse speraret: estq; hic locus ualde cōsolatorius afflictis conscientijs quæ facilius in tentationibus acquiescunt uerbo Dei, cum audiunt omnes sanctos peccatores fuisse & ex gratia Dei conuersos ad Christum per quem & saluati sunt. Porro quanquā ad apostolatū per Christum ipsum non est uocatus Mathias: tamen quia non humano iudicio, sed sorte iuxta uoluntatem Dei delectus est in locum Iudæ Iscarioti proditoris, & cooptatus est duodecimus in numerum apostolorum undenarium, præter suam & aliorum expectationem, ideoq; hoc ipsum non minorem commendationem diuinæ gratiæ ac uoluntatis meretur, quàm si à Christo ipso ad apostolatū uocatus fuisset. Apostoli enim nihil in hac causa priuata auctoritate agentes, rem omnem per orationem Deo commiserunt. Atq; ita contigit ut sorte eligeretur Mathias in numerum apostolorum. Cæterum post Pentecosten digressis apostolis in alias atq; alias orbis partes, Mathias dicitur in Iudæa docuisse Euangelium. Sunt qui existimant ipsum in Aegyptū peruenisse ubi est irruptio Apfari & Hysiportus, atq; ibi Christum prædicasse & tandem morte affectū. Sed hæc ut uariant apud scriptores, ita incerta quoq; sunt. Illud autem certissimum, quod non docuit aliud, quàm Euangelium Christi, iuxta mandatum Christi: Ite in orbem uniuersum, & prædicate Euangelium. Item: Docētes seruare omnia, quæ ego præcepi uobis. atq; hoc etiam nomine Mathiam passum esse & morte adfectum, dubium non est. Iuxta illud quod Christus ipse futurum esse apostolis, atq; adeo omnibus ueris prædicatoribus prædixit, Math. 10. cap. propter confessionem nominis sui. Est igitur in tota historia Matthiæ confirmatio quædam doctrinæ & fidei nostræ in Christū, quem ipse prædicauit alijs, & per quem ipse seruatus est.

DE SANCTO MATHIA APOSTOLO
Baptista Mantuanus.

Mathia donate Deo: sic namq; latino
Diceris eloquio, lingua Theodorus Achiu.
Nomina res sequitur: nam cum post funera Iudæ
Sacrilegi uellet fractum reparare senatum,
Et numerum supplere Deus, te lumine fuso
Cœlitus & radijs circum tua tempora missis
Illustrauit, & hoc dignum monstrauit honore.
Hæc fors illa fuit quam coram patribus olim
Te supra cecidisse ferunt. apparuit isto
Indicio quidnam de te sentiret Olympus.
Propterea lux hæc Martis uicina Calendis
Est sacrata tibi: quotiens adiungitur isti
Vna dies mensi: quod fit, cum quattuor annos
Atropos occarat uigesima quarta locanda est
Semper hyperbolice sedes ea debita luci.
Præter enim bis sex menses sex continet horas
Annus, & ex istis quarto subnascitur anno
Vna dies horis sexto finita Calendas
Martis, & hinc mensis uigesima quarta secundi
In geminas lux uersa dies bis sexta uocatur,
Idq; ideo talem nomen transfudit in annum.
Iulius hoc Cæsar distinxit tempora quondam
Ordine, & in partes diuisit quattuor annum,
Quæ redeunt uerso sua per uestigia cursu.

At Deus in finem qui dirigit omnia, parti
Officium dat cuiq; suum. nam frigore pulso
Attribuit ueri flores, exordia frugum:
Primigenas autem fruges sibi uendicat æstus,
Ut corylos, pira, pruna, cicerc, frumenta, fabasq;
Cætera ad autumnum ueniunt: at fessa ferendis
Frugibus hyberno tellus sub frigore dormit
Ac reparat uires, & fit fecunda cubando.
Contigit id præclarum illud dignumq; notatu,
Quod ueluti patrum numerum superadditus auges
Sancte senex, sic quæ mensem producit & auget,
Lux tibi sorte datur: positus pro limite talis
Solutus augmenti fit casu illustrior illo.
Sed mirum est quod sanare fert, hunc scilicet annum
Ominis esse mali, solitumq; offendere fruges
Atq; hominum uarios infortunare labores.
Tum male depangi uires, mala semina, uleis
Rura putant credi, decoris male pignora nasci,
Semina pomorum pedibus conuersa supinis,
Et capite in terram memorant adolescere nullo.
Sæpius audiui, cum quis dare rebus agens
Principium uellet dici, Meliora require
Tempora, hyperbolico frustra conaberis anno.
Nil tamen interpret cœli, nil Tuscarus ipse,

Nil magus inuenit, quod dici debeat huius.
 Causa mali, quod iurur agat tam triste per orbem.
 Quo fit ut errorem nugis vulgaribus istum
 Atribui debere putem. foelicior iste
 Iudice me credi debet: quia longior annus.
 Scilicet in syluis arbor magis ardua fertur
 Dignior: in caulistaurus præstantior alta
 Cui ceruice magis caput à tellure leuatum est.
 Grana magis laudant quæ sunt maiora coloni.
 Hæc mala Saturno quidam tribuere putames,
 Sidus id in festum terris discrimina in annos
 Talia consuetum semper transfundere quartos.
 Sicut & in febris quam fert Saturnius humor,
 Mittitur in quartum morbi uolentia solem.
 Sed tenebras palant, cæcoq; errore feruntur.
 Quisquis enim nescit rerum dignoscere causas,
 Effectus, ut scire aliquid uideatur, Olympo

Imputat, ignorans istis defenditur armis.
 Si tamen occulti quicquam fortasse ueneni
 Annus habet: tu sancte pater, qui sidera calcas,
 Et super excelsi resides curuamina mundi,
 His occurre malis, talemq; interfice pestem.
 De fato non una tuo sententia patrum.
 Sunt qui pacifica dicant te morte receptum
 In superos: sunt qui Romano more securi
 Percussum, exhalasse animam, cum ponere nolles
 Sacra Ioui, memorent. Omnes uno ore fatentur,
 Te postquam longè ac latè Iudæa per arua,
 Perq; Palestinas urbes, Syriamq; per omnem
 Errasti Christo famulans, in sidera sumptum.
 Aspice nos igitur cæli de sedibus illis
 Quas habitas, hodieq; meas bonus accipe uoces,
 Atq; tuam facias in nos descendere sortem.

DE MARCO EVANGELISTA.




Arcus Euangelista qui & Ioannes uocabat, patruelis Barnabæ, discipulus & interpret Petri fuit, quem Petrus in epistola prima sub finem filium uocauit spiritualem, & propter quem Paulus & Barnabas 16. Actorum contendunt. Nam Paulus à ministerio Euangelico ut timidum repellebat. Barnabas uerò assumendum ut non poenitendæ spæi iuuenem suadebat. Sed dum neuter hic sua sententia cederet, distrahuntur, nec sine maxima Euangelij fruge. Nam dum Paulus electo Sila in Syriam, Barnabas uerò cum Marco suo in Cyprum abiret, latius propagabatur Euangelium. Is anno ab assumpto Christo decimo Romæ Matthæi Euangelium in compendium redegit, quod Petrus probauit, & ecclesiæ legendum tradidit. Missus tandem in Aegyptum primus Alexandriae Christum annuncians, ecclesiam tanta doctrinæ & uitæ continentia constituit, ut omnes Christi sectatores redderet. Mortuus est autem ibidem octauo Neronis anno, & sepultus Alexandriae 33. annis post Christi passionem, in cuius locum successit Anianus. Eius uitam etiam ex probatoribus autoribus collectam descripsit Theodorus Bibliander.

DE EODEM, ET FORMIS EVANGELISTARUM, Baptista Mantuanus.

Marce comes Petri quondam, Leuitica proles,
 Cui faciunt uates os effigiemq; leonis,
 Ut perhibent quidam, quorum sententia neruis
 Nititur infirmis, & cruribus ambulat ægris.
 Exit enim de somniferæ caliginis umbris
 Inscrutabilibus uatum monstrosa loquentium
 Visa per ambages hominem ducentia longas.
 Quo fit, ut interpret nullus cognouerit illas
 Quattuor effigies quæ distribuuntur in istos
 Quattuor autores. ideo diuersa loquuntur,
 Nec sapiunt unum. tamen hæc moleant ubiq;
 Perduratq; fides librorum exordia propter,
 Ut Matthæus homo, Marcus leo, prima Iohannes
 Sit uolucris, Lucas crescens in cornua taurus.
 Marcus enim regale aliquid dignumq; leone
 Principio satur, sonat alta arcana Iohannes,
 Et penetrat stillarum ignes uisu atq; uolatu.

Ingreditur Matthæus humi, dum sanguine Christum
 Ducit ab humano. Lucas uelut hostia ad aras
 Ducta sacerdotum, primis sonat orgia uerbis.
 Talibus antiqui dictis secreta laborant
 Declarare tuæ patres mysteria formæ.
 Sed quid opus uano consumere tempora nixu?
 Hæc tua Marce dies, quæ nascitur ante Calendas,
 Septima cum redolens tellus parit omnia Maias,
 Tu recitas breuibus Christi miracula chartis.
 Indice te carni primum didicere salutem,
 Qua stetit in campis Aquileia palustribus olim.
 Vrbs Aquileia potens, magnæq; colonia Romæ.
 Tu petis Aegyptum peregrina per æquora uestus.
 Multaq; pro Christo Pharijs perpeffus in oris,
 Dum per humum traheris coniecto ad colla rudente,
 Occidis, & terras fugiens ascendis Olympum.

A  Lemens Petri in episcopatu successor fuit, quo ueluti amanuensi
usus est etiam Paulus apostolus, quem Philippēsis scribens, ob
insignem pietatem præ cæteris uxori suæ commendauit. Scripsit
itinerarij uitæ libros uiginti. Disputationis Petri lib. 1. Item episto-
las aliquot, in quibus sunt duæ ad Iacobum apostolū de morte Petri. Item unā
ad Corinthios. Claruit annō 103. Obijt tertio Traiani anno.

DE D. CLEMENTE IDEM BAPTIS-
ta Mantuanus.


Altera Clementi lux tinnula uerberat æra.
Spargit humum redolente thymo, suspendit ad aras
Virgineas lauros, & purpureos amaranthos.
Nam cum cessat humus flores proferre, coronas
Transit in hybernas tepidis amaranthus in undis
Lotus, & hæc primum reparat medicina colorem.
Hic Romanus erat, satus ex primoribus urbis,
Ore clientelis ac sanguine clarus & auro.
Hunc sibi mandauit Petrus succedere, tanti
Instituens regni heredem. Reuerentius autem
Prætulit ipse sibi geminos Cletumq; Linumq;
Insignes pietate utros, ætate priores.
Adde quod hunc morem de successore creando
Taliter expungi penitus, ne forsitan illinc
Sumeret ambitio uires, debere putauit.

Hic quia Faustina magni de sanguine Neruæ,
Sisinniumq; uirum illustrem cum coniuge Christo
Subdiderat, Rōma procul ablegatus ab urbe,
Hellepontiacæ petijt consinia terræ:

B Peruenitq; Paron, lapides ubi multa secabant
Millia Christigentum Parios, quibus ala theatra,
Templa deum, regumq; domos ornare solebant.
Ut didicit quā magna foret penuria genti,
Dulcis aquæ miseris turbā, prece mouit Olympū.
Nec mora, sublato uidit penē uelleris agnum
Albicomis, stantem uicini in uertice saxi.
Accesit, ferroq; locum percussit acuto.
Ecce latex fluit ubertim de marmore fracto,
Atq; coit qua terra cauo submittitur agro.
Et quia magnus ad hæc miracula littore ab omni

Græcorum concursus erat, ne templa deorum
Desolata forent, Traiano à Cæsare missus
Aufidius ad hoc littus tentauit eorum
Immutare animos, Christumq; abolere minando.
Ast ubi se frustra niti cognouit, in ipsum
Deseruire caput statuit, iuguloq; ligata
Anchora in, Aegæas Clemens demergitur undas.
Sed cum Christigenæ starent ad littora tristes,
Et simul ob tanti patris dispendia flentes,
Corneli Phæbiq; preces fecere marinos
Ire procul, fluctus & iter præbere per alta
Aequora murorum in speciem pendentibus undis.
Ergo introgressi passum tria millia, templi
Instar opus uidere nouum de marmore, & album
Sarcophagum cum reliquijs: stabatq; sepulchro
Proxima quæ fuerat funesti conscia casus
Anchora, in abstruso maris hæc habitacula fundo
Condidit ipsa suo diuina potentia testi.
Mox ubi discessit populus, uia clausa repente,
Et uada constrauit pelago salis unda relapso.
Dicitur hunc morem per secula longa quotannis
Obseruasse fretum, nam cum natale redibat
Martyris, excluso ducebat semita ponto
Turmatim populos usq; ad subaquatica templa.
Sed sensim labente fide, cum tempore diui
Autores istorum operum mortalia regna
Despexere, malis offensi moribus, atq;
Neglecti à nobis, nos neglexere uicissim.
Sic periire fidem decorantia plurima nostram.

DE CYPRIANO EPISCOPO.

C  Aecilius Cyprianus ecclesiæ Carthaginensis in Africa episcopus,
qui alio nomine Thascius dictus est, ut legitur lib. 4. epistola 9. cu-
ius hodie diuersa & præclata opera latino sermone extant: floru-
it sub Valeriano & Galieno principibus. Sed propter Christiani-
smi assertionem primò in exilium actus, deinde reuocatus, cum edictum, quo
capite cædendus decernebatur, audisset, Deo gratias egit, nihil præ se tristitiæ
ferens. Deinde suis præcepit, ut speculatori à quo percutiendus erat, quinque &
uiginti aureos mercedi darent, quasi beneficium ab eo, non interitū acceptu-
rus: Itaq; oculos ipse sudario tegens, extensum ceruicem gladio subiecit, & co-
ronam accepit martyrij: tam animi constantia in patiando clarus, quā erudi-
tione in docendo. Anno Christiano 249.

DE SANCTO CYPRIANO BAPTIS-
ta Mantuanus.

Verbis in nostris non es fraudandus honore,
Magne pater Cypriane, tuo. uerū tua uirtus

Longius exposcit, quā nunc excudere carmen
Sim potis, in præsens satis est uestigia laudum

Summa

Summa sequi, metamq; breui circumdare gyro.
 Tu prius ad sacrum quam te diuina uocaret
A cultu Iouis antiqui clementia fontem,
 Rhetor eras, totam sapiens Demosthenis artem,
 Nec quisquam melius causas orare forenses
 Tum poterat. Labi tuus Arpinatis ab ore
 Sermo uidebatur, totumq; Helicon sonare,
 Atq; Meduseos fontes, tua namq; trahebat
 Vulgus & egregios ad se facundia ciues,
 Ut fertur traxisse feras Oeagrius Orpheus.
 Ast ubi te Christi melior diatriba recepit,
 Conuertisti oculos ad sacra uolumina, & illis
 Noctes atq; dies studijs sublimē dedisti
 Ingenium, pietas uero te tanta repente
 Corripuit, tua sic charitas precordia cepit,
 Ut non iam mortalis homo, sed missus Olympo
 Spiritus humana posses sub imagine credi.
 Tunc tua Carthago Libyci regina profundi
 Que dederat natale solum, genus unde trahebas,
 Te sibi pastorem fecit, quo tempore Romæ
 Incidit in rigidos præsul Cornelius enses.
 Tunc uelut ex humili lampas si in tecta feratur,
 Alta loco magis apparet, tua gloria latè
 Claruit, & totum radios porrexit in orbem:
 Magnus eras, & magna tui monumenta supersunt
 Eloquij, quæ nectarea dulcedine lactant.
 Nos quoq; nunc & coeli animas ad limen ituras,
 In sermone tuo Christi documenta relucem,
 Ut solet in uasis terfo rutilantibus auro
 Vna recens, quam Creta tulit, quam Lesbia multo
 Sole colorauit per apricos uinea colles.
 Et quia tunc regnabat adhuc antiqua deorum

A Impietas, multi nostrum diuersa ferebant
 Supplicia, exilium, gladios, ignemq; erasq;
 Vincla, famem, Plutone truces agitante tyrannos.
 Si quos audieras istis succumbere pœnis,
 Verbo aderas: longè positos quò tendere uerba
 Non poterant, subito scriptis animare solebas.
 Talibus adiuti clypeis, pleriq; triumphum
 Emeruere, quibus iam diffidentia uires
 Fregerat, & signi titubans in pectore torpor.
 Tu quoq; dum Christi causam tutaris, & omnem
 Impendis pietati operam, lacerasq; deorum
 Nequitiam, procul à patria migrare coactus
 In deserta meas, atq; inter lustra ferarum
 Transgis insontem spaciens per littora uitam.
 Tum Cæsar Galienus erat, solusq; Latinum
 Imperium capto regni consorte gerebat.
 Præfectus uero Libycis Gallerius oris,
 Ipse sub hoc demum patriam reuocatus in urbem,
 Duceris ad templum Iouis, & dare thura iuberis.
 Quod renuens, magnisq; deos clamoribus omnes
 Intrepide obiurgans, Iouis obtruncaris ad aram.
 Mox ueluti paulò ante necem mandata dedisti
 Carnifici, merces à curatore soluta est
 Certa tuo, quia te uitæ spoliauerat huius
 Tristibus ærumnis, luteoq; absoluerat antro.
 Gaude igitur parua per tot discrimina pace,
 Et nobis placare Deum Cypriane memento.
 Lux tua Septembris lux est bis septima, quando
 Dicitur illustri crux exaltata triumpho.
 Propterea Phoëbo tribuunt tua festa sequenti,
 Et uenit ad celebres tecum Cornelius aras.

B.

DE B. NICOLAO EPISCOPO.



Icolaus temporibus Constantini Cæsaris in Mirea celebri ciuitate Lyciæ episcopus fuit. Cæterum ut præclaras uirtutes sancti uiri clarius cognoscamus, ordine singula recensēbimus. Natus est Nicolaus in florentissima olim Lyciæ regionis Patara urbe, ex honestis & opulentis parentibus. Puer adultus iam destinatus est à primis annis ad discendas literas, fuitq; ab ineunte ætate in primis studiosus pietatis. Nam sententias scripturæ sacræ, quas uel in schola uel in publicis concionib. audierat, ediscere solebat: atq; in huius rei studio tãtopere feruebat puer, quòd quando reliqui eiusdem ætatis adolefcentes dimissi à præceptoribus, libus operam dabant, ipse se plerumq; ab illis subducebat, & conferebat se in ecclesiam, ut sacras lectiones audiret. Nam ille tunc temporis publicè in ecclesia tractabantur. Fuit itaq; hæc indoles ingenij, & hoc studium pietatis in Nicolao, quod singulari quodam beneficio Dei contigisse illi non est dubiū. Et quia natura ducebatur adfectu quodam erga religionem, certum est non deseruisse eum hoc suum institutum in perdiscenda scriptura sacra, in qua haud dubiè constituit ætatem suam consumere. Proinde mortuis parentibus nihil per ambitionem aut insolentiam tentare cœpit. Nam contentus relictis à parentibus opibus, delegit priuatim honestè uiuere, ducta haud dubiè in matrimonium uxore honesta, pro ratione illorū temporū, & pro studio suo erga pietatem. Neq; uero uana quadam persuasionē addictus fuit pietati, sed studuit eam re ipsa etiā & bonis operibus in iuuādo proximo suo exornare. Vtrò enim de suis facultatibus inopīa laborantib. subueniebat, & inter hæc officia charitatis

A charitatis illud præcipuum exemplum commemoratur: quòd conciuì cuidam inopi tres filias iam nubilas habenti, tantum pecuniæ tribuit, quàm satis esse posset ad honestè collocandum puellas in matrimonium. Et hæc sunt uera bona opera quæ scriptura ex fide tanq̃ ex arbore fructus dicit prouenire. Iam uerò cum iuxta præscriptam regulam Pauli de eligendo episcopo haberet Nicolaus eruditionis & pietatis probatum testimonium, accidit quòd mortuo Myræ urbis episcopo, ipse per occasionem in episcopum sit designatus, idq̃ contra ipsius uoluntatem. Nam cum isto tempore nemo facile reperiretur aptus ad hoc officium, & qui suscipere uellet ob grauitatē tanti muneris, præsertim isto tempore quo non solum persecutionibus, sed uarijs quoq̃ hæresibus & sectis ecclesia oppugnabatur: constitutum itaq̃ erat inter episcopos & presbyteros alios, ut quicumq̃ sequenti die primus in templum ueniret, is episcopus ordinaretur. & cum iam seduli in oratione fuissent episcopi & cum reliquis hominibus pijs tota ea nocte ut Dominus uirum pium in messem suam extruderet, accidit ut Nicolaus ignarus huius cōventionis, summo mane ueniret ad templum oraturus cum alijs pro successu ecclesiæ in eligendo episcopo. itaq̃ hac occasione ipse statim episcopus designatus est. Et quanq̃ sedulò reluctaretur, agnosceretq̃ se indignum hoc tanto munere: tamen præter suam uoluntatem episcopatum suscipere coactus est, & qui ciuis iam erat antea publicus ecclesiæ superintendens, ac pastor factus sit. Porro postq̃ publicæ gratiæ acti sunt Deo pro inuento episcopo, & cura ecclesiæ gubernandæ commissæ est Nicolao ab episcopis & presbyteris: summa cura aduigilauit, ut iuxta præscriptum Pauli officijs uerè præsulis fungeretur. Nam quod ad potissima officia episcopi attinet, sedulus fuit in orando, diligenter meditabatur in sacris literis, efficax erat in docendo, alacer in exhortando, & arguebat cum omni præcipiendi studio, ut sana doctrina fidei & bonorum operū conseruaretur. Hic uerò si temporum & annorum statum consideres, non dubium est pium uirum grauissima certamina sustinuisse contra inualescentes hæreses Arrii & aliorum, nonnunquam etiā se magnis periculis obiecisse propter salutem ecclesiæ suæ. Quod attinet ad uitæ mores exemplar gregis commissi fuit: uixit enim sobriè & frugaliter. Omnibus se æquabilem præbuit, & quantum in ipso erat, inopia laborantes adiuuit. Memorabile imprimis hoc exemplum est, quod narratur de D. Nicolao, qui, cum esset publica fames in Lycia regione, audiuit fortè appulisse in portum naues frumento onustas, adiit ipse nautas, rogans ut aliquantum frumenti quisq̃ ex sua nauì uēderet in subsidium populi: quod illi se non posse facere, affirmabant. nam mensuram frumentī acceptam reddendam esse Cæsaris præfecto in alia quadam urbe. Ille nihilominus instabat, rogans, ut facerent quod ab ipsis peteretur. Ecce, inquit, promitto uobis curaturum Deum quòd nullam frumentorum diminutionem sentiet Cæsaris exactor. Dominus enim qui dixit, Date & dabitur uobis, efficere potest, ut propter hoc beneficium nihil decedat frumento. id quod factum quoq̃ est. Nam acquiescentes nautæ uerbis & persuasionibus Episcopi Nicolai, subuenerunt hominibus fame periclitantibus. & postea compererunt eandem mensuram frumentorum beneficio Dei singulari conseruatam esse & integram adhuc in reddendo ministris imperatoris. Obseruatu dignissimū est hoc exemplum & minime contemnendum, quippe quòd testatur Christi promissionem ueram esse, Date, & dabitur uobis. Vsu enim cōperimus, beneficia collata in usum indigētis proximi, à Deo cumulationi mensura reddi. Cæterum grandæuus iam Nicolaus episcopus & ætate & laboribus fessus, ægrotare cœpit: & cum sensit ob corporis nimiam debilitatem iam finem uitæ suæ adesse, conuocatos fratres & presbyteros docet ac hortatur, ut à sana doctrina fidei nō discedant: ac ipse nō multo post tradidit spiritum suum in manus patris. Sunt qui affirmant interfuisse ipsum

ipsum Niceno concilio: sed incertum est. Apparet enim grandiori etate fuisse A
Nicolaum, & iam sub ipsum tempus Nicenæ Synodî mortuum.

DE SANCTO NICOLAO B A =

ptista Mantuanus.

Post nonas cum prima dies ascendit ab ortu,
Thura cremant Cilices, redolent altaria myrrham,
Terra crocû quod Tmolus alit; uiret undiq; laurus:
Pendula litoreas figunt ad limina myrtos.
Nicoleos Patareus adest, qui oracula Phœbi
Sustulit, & Lycias fecit desistere sortes.
Credimus hunc nondum uoces formare potentem,
Quamprimum spirare datum est, habuisse dicrum
Notitiam, sciuisse Deum, diuinâq; iura.
Ieiunabat enim (testis Pamphylia, testes
Phœnices, Lycij, Cilices, & Achaïca tellus,
Mercurij Venerisq; diem.) Nam lactea matris
Nutrimenta semel tantum potare solebat.
Cum puero creuit pietas, reuerentia, & omnis,
Ut paucis utar, diuina humanaq; uirtus.
Quidam ciuis erat Pataræ male sanus, opumq;
Prodigus: hunc iuuenis rebus iam funditus hausit,
Velle inopes stupro natas exponere, sanctus
Audierat. quod ne fieret, tali obstitit arte.
Manè sub aurora radios ter in illius aedes
Conflatum nitidos aurum proiecit in orbes.
Hac ope paupertas hominis curata, pudorem
Virgineum, miserâq; domus seruauit honorem.
Vrbs Cilicum præclara Myron pastore carebat,
Propterea de uicinis regionibus illuc
Pontifices se contulerant: precibusq; petebant
Assiduus, quid uellet agi sententia diuûm.
Dumq; ita consultam, uox hæc audita per umbras,
Intempesta suos dum nox conuolueret ignes:

Nocte fores templi qui primus adiuerit, esto.
Nec mora, dum templi limen custodia seruat,
In foribus Nicolaus adest. collegia patrum
Suscepere hominem, tanquam si lapsus Olympo
Esset & à superis, atq; imposuere coronam.
Quot uerò memorabilibus resplenduit actis,
Prodigijsq; potens, non est mea pandere Clio.
Pauca tamen narrare libet. Cum turbine nautæ
Deprensi Cilices magno clamore uocarent
Nicolai iuuenis opem, descendere quidam
Coelituum uisus sancti sub imagine patris:
Qui freta depulso fecit placidissima uento.
Tres pueros, quos impatiens Proconsulis ira
Iusserat occidi, properans subtraxit ab ictu
Ensis, & absoluit iustos à crimine falso.
Cum Tiliam Triuiæ sacram prostrasset, in aura
Est audita graui fugiens dea flere ululatu.
Cum ieiuna fames illas seuiret in oras,
Venit ad appulsas uicina ad littora puppes,
Et Cereris magnam Pharias quæ annabat ad urbes
Mercatus partem, nautis, Mihi credite, dixit,
Crescet uestra ceres: eadem mensura redibit,
Quæ fuit in Siculo, Cererem quæ protulit, ora.
Sic senior, sic dicta fides sine fraude secuta est.
Cætera prætereo longum factura uolumen.
Pertransire tamen nequeo quod finire dicto
Cœpit ab illius membris decurrere riuus
Imbris odorati, qui longa in secula fluxit,
Perpetuò labens morbos auferre solebat.

DE D. NICOLAO DIMETER IAMBICVS

Laurentij Priuei.

Cur templa tam frequens chorus
Christo sacrata maximo
Adit? Quid illuc numinis
Pronis adorat uultibus?

Is est, egenas munere
Qui liberauit uirgines
Cupam uolentes Cypria
Offerre sædo numini.

Nescis celebres ferias
Summo dicatas præfuli,
Quem Palladi Tritoniæ
Addicta turba percolit?

Quem nauitæ ponto uocant
Seuo repulsi uertice,
Per quem Dei sublimitas
Tot edidit miracula.

Illum ne dicis qui semel
Certis diebus ubera
Materna suxit abstinens,
Et tunc agens infantiæ?

Et nos in ædem protinus
Tanti patroni claritas
Deducat, ut laudes Deo
Cuncti canamus maximo.

DE BEATO NICOLAO, NICOLAI HORII REMEN-
sis Præfecti auxiliâris, carmen Sapphicum.

Prome iam dulces pia musa cantus,
In quibus diuus Nicolaus amplè
Luceat, quum sit uario referri
Carmine dignus.

Talis est laudum cumulus beati
Ciuis, ut nostris quotiens labellis
Effluat, cursim iuuenes senesq;
Reddat onantes.

Huic

A Huic patrem matremq; fuisse dites,
Haud negat quisquam: superiq; iussa
Principis seruasse, poli q; puncto
Astra petisse.

Corpus excellens, faciesq; pulchra,
Huic erant: ingensq; dabat uidenti
Gaudium, sed pectus erat sub astris
Pulchrius olim.

Mirus apparet Nicolaus orbi.
Nam die prima simulatq; natus
Est, stetit dulcis laticis capaci
Rectus in ære.

Iam suos artus macerabat infans,
Lac sibi certis minuens diebus.
Sed libris olim quotiens refertum
Limen obiuit?

Quo magis coetum fugeret petulcum,
Et nouo chartas studio teneret,
Aureas massas dedit, ut puellæ
Lustra cauerem.

Perge nunc laudes memorare Clio,
Dum pius mundo Nicolaus esset
Vrbis antistes, fuit à superno
Principe factus.

Haud superbiuit tamen ille, uerum
Omnibus supplex humilisq; rebus
B Tunc erat, magnum superumq; regem
Sæpe rogabat.

Ad poli curam populi mouebat,
Fœminas idem fugiebat omnes,
Floaxpendebatq; animi sereni
Robore mundum.

Doctus & prudens erat, atq; felix:
Ob Deum castos tenuabat artus.

Haud legem patris spreuisti maxime pastor,
Sole sub ardenti quum tibi uita foret.
Conditor immensus magno te uexit honore:
Mortales docuit uox tua melliflua.
Sæpius æthereum uoluisti pectore solem.
In te regnauit candida uirginitas.
Te sator æternus summo complexus amore,
Te propter quondam maxima fecit humi.
Omnibus exemplum sacra pastoribus ædis,
Atq; salutifera diceris esse uia.



DE ANTONIO MONACHO.
Ntonius monachus natione Aegyptius, cuius uitam Athanasius Alexandrinæ urbis episcopus insigni uolumine, Græco sermone descripsit, bonis & opulentis parentibus prognatus erat: & iam inde à puero pietatis studia sectatus, atq; ut diligentius meditaretur in rebus sacris, uitam amauit solitariam & secessum, ibiq; parcissimè & sobriè uixit. Grauißimas sæpe tentationes & insidias dæmonum pertulit, easq; uicit, sed fide & oratione. Accidit autem quòd ob magnitudinem & uehementiam tentationum exanimis fieret, ac penè mortuus putaretur: ceterum reuersus ad sese, illisit diabolo, inquiens: Fides in Christum inexpugnabilis murus est nobis, Porro tentationes Antonij argumento sunt, eam esse infirmitatem natu-

Haud recusabat uiduas tueri
Ocyus idem.
Sedulus nautis positis periclo
Affuit, uectumq; per æquor auxit
Triticum uirtute Dei, ut leuamen
Pluribus esset.
Dæmonis fœdos miserosq; ritus
Eruit, nautasq; malis resoluit,
Huius, ac ternos fuit innocentes
A nece tutus.

Principes soluit, quibus imperator
Iusserat poenam necis irrogari.
Mortuus tandem fuit, ac superna
Tecta subiuit.

Huius ingressu Domini fatendum est
Protinus sanctos cecinisse ciues.
Expedit paucis numeris de ora
Cetera Clio.

Ille quum saxo tumulatus esset,
Fluxit excellens oleum sacratio
Vertice ipsius, medicina multis
Optima longè.

Reddita est diui meritis nefando
Vita, ludæoq; fides recepta.
Territi fures, & ab indecoro
Tramite moti.

Huius est miro auxilio citatus
Spiritus cæsus puer. alter undis
Lætus exiuit. iuuenis potenti est
Rege solutus.

Carmen hoc ciuis Nicolæ cœli
Offero: gratumq; tibi sit, opto:
Nos procellosum quasi nauigantes
Respice pontum.

Idem ad eundem.

O te felicem, toto sublatus ab orbe,
Principis auxilio dulce cacumen habes.
Nunc ubi præcipuo longè fulgore coruscans,
Æthereumq; patrem, cœligenasq; uides.
Semper ibi uiues, te non terrebit abyssus
Horribilis, tecum gaudia semper erunt.
Hoc utinam sacro lustratur dogmate pectus,
Vitaq; sub cœlo sit mihi longa satis.
Ipsa tuas laudes amplum nudabo per orbem,
Quas numeris dignas pluribus esse liquet.

rae humanæ, etiam in pijs, quod nisi adsit Deus, non possunt aduersus tentationem sathanam persistere, imò etiam in tentationibus uidentur nonnunquam quasi relictæ à Deo. id quod Antonij exemplum testatur, qui ubi redisset ad se post graues satanæ impetus, magno cum suspirio dixit: Vbi eras bone Iesu, ubi eras? Quare non à principio adfuiti ut adiuuares? Et uox facta est ad eum: Antoni, hic aderam, sed expectabam uidere certamen tuum, quasi dicere uellet: Ideo permisi te tentari & cædi à diabolo, non ut perderem te, sed probarem ac confirmarem fidem tuam.

Porro quod ad uictum Antonij attinet et curam corporis, edebat ut reliqui homines, sæpe solus, sæpe cum fratribus. Accidit autem non semel, quod cum sederet prandens cum fratribus suis à cibo qui fuerat appositus meditationibus & memoria escæ spiritualis abstrahebatur. Et quanquam ipse modico cibo uteretur, tamen admonebat fratres reliquos habendam esse magnopere corporis curam, dicens, corpus non esse enecandum penitus, ne operatio contra uoluntatem creatoris dissolueretur: & ob id omne studium animæ cõferendum, ne uitij corporeis pollueretur.

Quod attinet ad professionem Christianæ fidei, tutatus est eam magna constantia & grauitate tum contra Manichæos & Arianos, quos Antichristi præcursores appellauit: tum contra Philosophos etiam, quibus ludibrio erat doctrina de Christo crucifixo. Accidit quod tentandi Antonium causa uenissent Philosophi duo homines sapientes & acuti in eum locum ubi tum habitabat Antonius cum suis discipulis monachis: hos ipse ultrò accessit, et primum confutauit idolatriam gentium, deinde doctrinam de Christo crucifixo talem esse ostendit, quam non intelligere rationis humanæ captu, sed credere ex prædicato uerbo oporteret homines. Sophismata, inquit, fallacia sunt, nos Christiani uitæ nostræ non in sapientia mudi habemus repositum, sed in uirtute fidei, quæ nobis à Deo tributa per Christum est. Ecce nos simplicem fidem edocti, idolatriam debellauimus, & per prædicationem ignominiosæ crucis Christi aurata templa deorum ceciderunt. Vbi nunc sunt fabulosa oracula, ubi Aegyptiorum incantationes, quo magorum profecere carmina? Certè uastata sunt, & ceciderunt omnia postquam Euangelium de Christo coepit. Quin & illud mirum est, quod impius cultus Dei ac idolatria nunquam regali infestatione concussa, imò hominibus & mudo chara, & hominum præsidij sulca iam corruit, cum interim nos Christiani infirmi sumus, nullo freti externo præsidio: & quo plus premimur, eo magis assurgimus & floremus. Christi doctrinam quæ uobis stultitia & ludus uidetur, licet tyranni grauius persequuntur, licet uarios perferat terrores, nullo tamen terrarum orbe concluditur, nullo gentium barbararum fine prohibetur. Sed hæc ad Philosophos. Atqui uerò præclara hæc pietatis testimonia fecerunt, ut Constantinus Augustus, & filij eius Constans ac Constantius, quibus regnantibus floruit Anno Christiano 330, magna Antonium in admiratione haberent, ad eumque tanquam ad patrem subinde literas mitterent consilij capiendi causa, & rescripsit ad illos Antonius, ac primum hortatus est, ut potissimam curam haberent sinceræ religionis conseruandæ. Deinde ut in imperio constituti, homines se esse agnoscerent, nullaque tyrannide uterent. Nam Christum iudicem haberent, ideoque clementia utendum esse erga subditos, & curam pauperum non esse posthabendam. Vsu aliquando uenit, quod cum operaretur aliquid Antonius assidentibus fratribus intentè oculos in cœlum fixit atque suspirans: & cum ualde turbaretur, genibus flexis orare coepit. Interrogatus à fratribus semel atque iterum, Quid rei esset cur tantopere commoueretur, uix tandem cum ingenti mœrore & fletu respondit: Magno o fratres, turbine, fides Christiana post nostra tempora subuertetur. Vidi enim altare Domini malorum circumdatum multitudine, qui crebris calcium ictibus omnia

A omnia dissipabant. Hæc causa est gemituum quos audistis. Significauit haud dubiè hac uisione Deus, in nouissimis temporibus prophanationē illam testamēti Dominici, quādo omnia sacra humanis traditionib. polluta & dissipata erant. Accidit ut tempore quodam euocaretur Antonius cum aliquot fratribus suis à iudice quodam præfecto, eam ob causam, ut fontes aliquot captiuos & plectendos consolaretur, itaq; monuit primū iudices, ut in sententiā proferenda, & odio & gratiæ timorem Dei anteponerent, & iustè iudicarent. Et postq; commonendo iam ad pietatem usus est suo officio, nō passus est diutius se precibus iudicis retardari, ne ipse & fratres sui ab instituto suo studio retraherentur, inquiens: Quòd sicut pisces extra aquam mox in arenti terra putrescerent, ita & monachos ac studiosos iuuenes prophanorū hominum conuictu ac familiaritate utentes deprauari, & prophanis confabulationibus corrumpi, ideoq; conuenit nos ad intermissa studia nostra redire, ne tardantibus nobis, aliqua propositi succedat obliuio. Balacius quidam dux in Aegypto sub Nestoreo præfecto, Alexandria persequēbatur Euangelium, & uerè credentes. Nam Ariane sectę addictus erat. Hunc monuit Antonius per literas, ut non ita crudeliter grassaretur contra Christum. nam futurū alioqui, ut breuī iusto Dei iudicio periret. Desine, inquit, persequi Christianos, ne te ira Dei occupet. Ceterū cum hanc admonitionem Antonij contemneret Balacius superbè, accidit quòd post paucos dies, cum equitaret iuxta Nestoreum, casu inopinato equus Nestorei repentino morsu eum decuteret ab equo cui insidebat: & propemodum lacerasset, nisi accurrētium ministrorū præsidio fuisset seruatus. Delatus in urbem est grauiter latus, & non multo post magno cruciatu interiit, suæq; impietatis poenas dedit. Sed de his iam satis, reliquum est,

B ut de morte eius quædam ascribamus.

Quodam tempore conuenerunt plurimi seniorum ad beatum Antonium, in Thebaida partibus commorantem, ut de rebus sacris cum eo cōferrent. Et cum hæc quæstio esset præposita inter patres: Quænam uirtus Christianum hominem in officijs pietatis rectè conseruaret: alij aliter responderunt, quisq; pro suo captu. senserūt enim alij, id commodè ieiunijs uigilijsq; fieri, alij uerò nuditate & contemptu rerum externarum; alij etiam conducere ad hoc uitam solitariam. quidam etiam id per charitatis officia erga hospites fieri posse censebant. & cum dissentirent inter se opinionibus patres, respondit tandem beatus Antonius, inquiens: Omnia quidem quæ dixistis, utilia sunt Christianis, sed his principalis gratia tribuenda non est, idq; plurimorum fratrum casus cōfirmant, qui uersantes in his obseruationibus decepti sunt, eo quòd in bono quod cœperant, modum & discretionē non tenuerunt. In omnibus ergo quæ agimus discretio anteponenda est. Constat sine discretionis gratia & modo nullam perfici uel diu stare uirtutē posse. Voluit haud dubiè significare sanctissimus uir, moderatione quadam utendum esse unicuiq; in faciendo officio suo, ut nec laboribus & ieiunijs frangatur corpus, neq; rursus ocio & luxu diffuat. Porro addidit D. Antonius exemplū Heronis senis, quo ostendere patribus uoluit, non posse sine graui periculo corporis & animæ prætermitti modum ac discretionem. Vixit, inquit, hic senex solitariam uitam, nam perpetuò intra cellam latitauit. & magna quadam seueritate animi immutabilem ieiunij cōtinentiam exercuit: adeo etiam, ut nec in die Paschæ rigore abstinentiæ solueret. Sed quid factum est, tandem præsumptione sua deceptus, semetipsum in profundissimum puteum præcipitauit, idq; ex persuasione satanę, qui sese in angeli cœlestis formam commutauerat, eiq; consuluerat hanc esse uoluntatem Dei, ut hoc modo suæ uirtutis magnum meritum probaret, si inde illæsus exiret. Sed uix semiuuius ex puteo cum ingenti omnium fratrum dolore extractus est, & triduo post uitam finiuit. Et id quod deterius est, ita in

deceptionis suæ pertinaciâ remansit, ut nullis uerbis sibi passus sit persuaderi, se satanæ calliditate fuisse delusum. Addidit hoc quoque exemplum, inquiens: Quid etiam de illo monacho referam, cuius nomē, quia adhuc superest, sileo. Is longo tempore diabolus in angeli claritate suscepit, reuelationibus eius sæpe deceptus, credidit eum internuncium iustitiæ esse. Nam per omnes noctes in eius cellula lumen absque ullius lucernæ officio præbebat diabolus. Ad extremum uerò, iussit eum filium suum, quo cum eo pariter in eodem monasterio commanebat, offerre uictimam Deo, ut scilicet hoc sacrificio Abrahæ patriarchæ meritis coequaretur. Cuius persuasione ille seductus hoc cœpit tentare: & sacrificasset filium, nisi per occasionem puer de cella ex eius manibus elapsus celeriter aufugisset. Adhæc accidit quod uenator quidam superueniens in eremo uideret diuum Antonium cum fratribus ludētem, id quod offendit eum. Antonius itaque, ut erat pius uir & prudens, pariter ostendere uoluit, quod oporteret aliquando remitti fratrum labores, dixit ad uenatorem: Age, pone sagittam in arcu tuo, & intende neruum. Id uerò ultro fecit uenator. Idem, ut rursus & sine intermissione faceret, præcepit. Respondit itaque uenator, se non posse toties intendere arcum, & tam diu intentum retinere, nisi rumpere tandem & perfringi neruū cum arcu uellet. Tum uerò dixit Antonius: Ita quoque est in exercitijs pietatis. Quod si supra modum & sine mensura tendimus fratres, citò deficiūt. Expedit ergo & laboribus quietem aliquam & cessationem nonnunquam intermittere. Poeta idem dixit uno uersiculo:

Quod caret alterna requiē, durable non est.

Dicere etiam solebat Antonius: Quia quidam non castigant, sed conterunt corpora sua in abstinentia, & quia discretionem non habent, longè facti sunt à Deo, quod neque seruire proximo, neque utiles esse in suo ministerio potuerūt. Id quod de se dicitur diuus Bernardus conquestus esse. Huius porro memoranda est hæc sententia: Nunquam homo bonus est, etiam si bonus esse desideret, nisi Deus in ipso habitauerit, quia nemo bonus, nisi solus Deus. Oportet ergo ut nos ipsos semper incusemus, & nunquam securi simus. Semper enim reliquum aliquid in nobis deprehēdimus, propter quod orare cogimur, Dimitte nobis debita nostra. Dictauit Aegyptiaco sermone ad diuersa cœnobîa apostolici sensus atque sermonis uarias epistolas: quibus extat insignis illa, ad Arsenoitas epistola una, ad alia cœnobîa epistolæ sex. Sunt etiam qui dicunt scripsisse opus, quod Melissam, id est, apiculam inscripsit. Sed de his iam satis.

Cum ageret Antonius annum quintum supra centesimum, sensit præ corporis & uirium suarū imbecillitate se diutius uiuere non posse, ideoque de morte sua iam instante commonebat fratres, & testamentum conditurus, in hanc sententiam alloquutus est fratres: Ego iam ex uoluntate Dei ingrediar uiam patrum meorum, & uidere cupio cœlestia: sed uos o uiscera mea admoneo, ut cogitetis hanc uiam momentaneam esse, & magnas insidias esse, atque feroces imperus sathanæ: ideoque Christum suspirate, & fidem in nomine eius infixam animis uestris retinete, nam per eam uniuersi dæmones fugabuntur. Ad hoc illud sedulo moneo, ut schismaticorum & hæreticorū uenena uitetis, meumque erga eos odium sectemini, quia Christi sunt inimici. Scitis ipsi nullū mihi unquam cum illis pacificum sermonem aut familiare colloquiū fuisse, idque propter deprauatam illorum uoluntatem, & pertinax bellum contra Christum. In hoc autem solliciti estote, ut Domini præcepta seruetis. Hæc cogitate, hæc sapite, hæc retexite. & si qua cura mei uobis est, sepelite corpus meum, ut nemo locum tumuli mei nouerit, ne in Aegyptum relatum corpus meum, uano aliquo honore adficiatur. Mos enim Aegyptijs erat, nobilium & præcipue martyrum beatorum corpora non sepelire, sed aromatis peruncta, & lintamine tantum obuoluta super lectulos ponere uel in arculis cōseruare. Et non dubium est hunc morem

A morem ungendorum corporum Iudeos ab Aegyptijs mutuatos esse, atq; hinc est quod & ossa Iacob Patriarchæ transtulerunt filij Israel in terram Canaan. Vestimenta sua legauit Antonius, partim Athanasio, partim Serapioni episcopis, partim etiam fratribus. Et hoc ipsum testatur, monachorum uitam tum liberam fuisse. Huius quoq; uitam Dorotheus græcè conscripsit, quæ Romæ in Pontificia bibliotheca extare dicitur.

DE S. ANTONIO, BAPTISTA

sta Mantuanus.

Septima post decimam torpentis frigore Iani,
Anoni tibi festa dies altaria cingant.
Fronibus, hybernas que non timuere pruinas.
Laurus adest, hedere ueniunt, prouinca lacertis
Que sparsis proserpit, humi redolentia myrti.
Vimina pacifica per templa ligantur oliuæ,
Et quos fama refert immortales amaranthi.
Te memorant olim Satyros uidisse bicornes,
Panæq; capripedem, dum per deserta uagaris
Inuia trans Memphin, trans centum moenia portis,
Incluta foliisq; lustrans uestigia Pauli.
Te memorant non cū Lapidibus (quæ gloria parua est)
Non cum Centauris, sed quod mirabile multo
Amplius est, cum tartareis belialibus olim
Decertasse, ipso stante ad spectacula Christo:
Qui quia te uidit pugnasse uiriliter, ire
Continuò totum tua nomina fecit in orbem.

B Tu satus in campis ubi quondam moenia magnus
Fecit Alexander domini seruantia nomen.
Diceris ignipotens, & fers incendia dextra,
Quod tu uis ignem potis est extinguere sacrum.
Et quia (res miranda) soles quandoq; proteruos,
Et nimis infrenes, qui religiosa malignis
Templa domos animis audent uiolare, furenti
Aggrederis morbo, subitaq; uredine torques.
Sæpius hoc aliis nostro quoq; tempore uisum
Non semel est: salit extemplo per uiscera pestis
Ignea, & ossa rapit, nervosq; imasq; medullas
Fulminis in morem uorat, in nihilumq; resoluit.
Et sunt qui diuos ausint contemnere, necdum
Tot moniti exemplis homines aduertere possunt
Esse Deum, sanctasq; animas humana potentes
Vlisci scelera, atq; animos cohibere fientes.
Cum denuum tetrica post tot miracula uite,
Iam longeuus iter uellet conuertere ad astra,
Discipulos circumstantes sermone potenti,
Quem dabat affecti cordis suauissimus ardor,
Erudijt, longuin conuersus ad oscula tandem,
Aeternum, dixit, mea uiscera sancta ualete.
His dictis alacri tandem prætereundum uultu
Letitiam, & tanta uisus clarescere luce est,
Ut iam cum superis uersari & uiuere credi

Possset, & ante Deum mutata asistere uita
Dumq; ea sic fierent, subito uelut ultima flamma,
Que fugit absumpta penitus face, purior auro
Spiritus in tenues abiens se sustulit auras.
Nunc colit, æternumq; colet sublimia mundi
Culmina, perpetua gradiens per pascua uite.
Et quoniam nox ista uigil solet esse quotannis,
Currite uotorum memores, deponite lenas,
Rhenones, duplicesq; togas: accurrite nudi,
Et pulso in lucem somno uigilate reuersam.
Ponite segnitiam, surgit iam uespera, flammis
Iam rogos in templi medio rutilantibus ardet.
Fallite colloquijs noctem: percurrite sanctos,
Qui coluere olim deserta Aegyptia patres,
Arseuium, Vitalem, Helenum, quo tempore Paulus
Et quare ad steriles primus deuenit arenas,
Dicite, sit sermo uobis Euagrius, Esren,
Et Cronius, magno de Bessarione loquendum.
Pambus et Eulogius memoretur, et inclutus Ammō,
Ac reliqui, quorum consors Antonius orcum
Vicit, & in terras fecit descendere diuos.
Pergite, cum rapida cœli uertigine tempus
Euolat, & celeres ad cursum concitat oras.
Iam cecinit mediam uolucris Titania noctem,
Et leo decedens summo declinat Olympo.
Ne finite extinguere flammæ, date ligna ministri,
Et ramis onerate focos, opus ignibus altis
Expugnare gelu, flatusq; Aquilonis acuti
Pergite, iam totus Chiron surrexit ab undis.
Incipit apparere Caper, iam Lucifer altus
Astra fugat, uicina dies albescit ab ortu.
Præcipitat Cancer, gelidis iam terminus umbris
Pyramides dudum magnæ tinnire parenti
Incipiunt, canit excubitor feruentius ales.
Matutinus adest, Tyriaq; in ueste sacerdos
Fert manibus calices, genibus procumbite flexis:
Atq; Deum, ne uos tetrico pater arguat ore,
Querite, & ad cœlum totas conuertite mentes,
Ite domum, nec uos hodie dementia cogat
Fingere personas, sumptisq; incedere laruis,
Sancta dies sanctæ debet succedere nocti.



Rimum quod ad temporis rationem attinet, fuit Martinus in illorum episcoporum numero, qui sub Iuliano & Valentiniano imperatoribus, doctrinam Evangelij & synceram religionem, aduersus Arianorum heresim constanter tutati sunt. atq; ex hac ipsa circumstantia temporum æstimare licet, fuisse Martinum uerè pium præfulem, & uigilantem in tuenda Evangelij doctrina assertorem. Parentes nobiles habuit, sed impios ac hostes Christianæ religionis, Pater tribunus militum fuit sub Iuliano Cæsare, atq; hoc ipsum magnæ tum dignitatis officium erat, quod non nisi summis uiris contingebat. Porro educabatur Martinus ad militiam quoq; patris sui exemplo. Ceterum cum Euangelium tum passim prædicaretur, puer adhuc Martinus ad audiendum sacras conciones subinde in templum ibat, ac catechismum Christianæ doctrinæ perdidicit: & postea, quanquam renitentibus parentibus, baptizatus est à sancto Hilario episcopo. Hic uerò quantam censes eum crucem, quanta odia & persecutiones, & parentum & aliorum sustinuisse: Ceterum matrem tandè ad Christianismum conuertit, pater ipsius mansit impius, haud dubiè in gratiâ Iuliani cæsaris, qui summus contemptor fuit religionis Christianæ. Porro cum audisset Martinus Hilarium episcopum Pictauiesem rediisse ad suam ecclesiâ ex exilio, in quod pulsus erat per Arrianos, qui tum in admiratione apud principes erant, & manifesta uigilabantur in uerè pios, nam & ab ipsdem Martinus quoq; profugatus & eiectus erat ex urbe, ubi in schola Euangelium docebat discipulos, quos habuit (uenit ad Hilarium episcopum) eiusq; doctrina & cōuersatione tantum promouit, in cognitione scripturarum, quod & ipse monasterium instituit, hoc est scholam, in qua sacras literas docebat. Accidit autem, ut Turonenses episcopum ac superintendentē in sua ecclesia non haberent: itaq; Martinus ab illis uocatus est in episcopum, ut respiceret Ecclesiam sua uigilantiâ, ne qua hæresis & falsa doctrina irreperet. Erāt enim tum magna & aperta pericula ab hæreticis. Proinde factus Martinus Turonensium episcopus, Christum syncerè prædicabat, non sectas, sed tanq; fidelis dispensator Euangelium Christi prædicauit. Præterea quoq; extra populi frequentiam monasteriū, hoc est, publicam scholam constituit, in qua latine literas sacras tractabat, in usum studiosorum, de quibus spes erat, ut in docendo Euangelio, aliquando Ecclesiæ possent prodesse. Et fuisse scholam hoc monasterium, satis ex historia estimare licet, quæ testatur habuisse Martinum supra octoginta discipulos & auditores in hac sua schola, illosq; intentos studijs scripturæ sacræ uixisse sobriè, & continentissimè extra omnem luxum. Nihil enim perinde obest ingenijs, q̃ luxur & ebrietas. Atq; ex hoc ipso collegio discipulorum Martini, multos factos esse episcopos Ecclesiarum, testat historia. Atqui hoc ipsum arguit satis, qua de causa & monasteria & collegia canonicorum primū sunt instituta, et in ipsis ædificijs collegiorum multa sunt uestigia, quæ scholas olim fuisse comprobant, & scholarum speciem adhuc hodie præ se ferūt. Proinde in officio sui episcopatus hoc unum conatus est Martinus, ut Christum fideliter doceret, & pro facultatibus suis pauperes semper adiungeret. Fuit itaq; omnibus uirtutibus uerè episcopi instructus iuxta præscriptum Pauli 1. Timoth. 3. cap. In doctrina potens erat ad docendum suos, & ad conuincendum aduersarios. In uitæ conuersatione & moribus lenis & sobrius. Ad hoc patientissimus quoq; in aduersis, nam ab ipsis presbyteris & collegis suis sepe grauissimas iniurias passus est. In orando & precationibus assiduus fuit: adeo etiam, quod ut Seuerus discipulus eius scribit, nullum unq; horarum momentum praterijt, in quo non aut orationi aut lectioni incumberet. Hæc demum sunt testimonia uerè Episcoporum. Nam quod docere & prædicare Euangelium debeant Episcopi, etiam ueteres

A ueteres canones testantur. Magnis tentationibus exagritatus est Martinus à sathana, ut specie sanctimonie & pietatis deceptus, deficeret à uera cognitione uerbi, ad impietatem aliquam. Accidit enim quodam tempore, ut diabolus regia purpura & diademate ornatus, appareret ei sub persona Christi. Cumq; taceret Martinus, uiso hoc spectaculo, ait ad eum diabolus: Agnosce Martine quem colis, Christus ego sum, descensurus ad terras, prius me tibi uolui manifestare. Et cum adhuc Martinus nihil responderet, rursus ait: Martine cur dubitas credere, cum me uideas? Christus ego sum. Tunc ille uerbo Dei instructus per spiritum sanctum, ait: Meus Christus crucifixus fuit, & uulneratus: ideoq; te tali in habitu non recipio, neq; in te credo. Ad hanc uocem ille euanuit. Monemur hoc exemplo, ne apparitionibus spirituum credamus. Satan enim hoc agit, ut transformet se in angelum lucis, ut Euangelij ueram doctrinam obscuret. Porro cum ageret iam Martinus annum octogesimum suae ætatis, debilitari coepit, & in febres incidit. Atq; cū grauiter ægrotaret, ut spes uitæ reliqua amplius non esset, hortatus est discipulos ad religionis studium, & ut hæreses pugnantes cum doctrina fidei uitarent. Illi uerò flentes dixerunt: Cur nos pater deseris? aut cui nos desolatos relinquis? Inuadent enim gregem tuum lupi rapaces. Ille uerò & lacu & precibus eorum motus, dixit: Domine, si adhuc populo tuo sum utilis, non recuso laborē: fiat uoluntas tua. Sed ipse oculis in cœlum fixis orans, non multo post expirauit, astantibus presbyteris. In eius exequijs multi præclari uiri interfuerunt, qui postea Episcopi facti sunt. Constat quoq; ex historia Martini, diaconos & archidiaconos dispensatores eleemosynarum tunc fuisse in Ecclesia, non appellationes dignitatum. Legitur enim, quod præceperit archidiacono Martinus, ut pauperi cuidam uestem daret. Ille uerò cum id facere neglexisset, & postea cum per occasionem uideret Martinus, adhuc nudum hominem nulla ueste utentem, ipse suum pallium illi donauit. Ambrosius Episcopus alicubi meminit Martini in suis scriptis.

DE S. MARTINO, BAPTISTA Mantuanus.

Per postica Nepæ fugiens ad limina tendit
Prima sagittiferi Titan retrogradus astri.
Cras cum sole senex aderit coniunctus ab Arcto,
Iam parat Arcturus sua sidera, cygnus ab Austro:
At simul hybernos solem comitantur ad ortus.
Autumnum missura foras subit hostia furtim
Tristis hyems, humeros niuib. conspersa, caputq;
Nubibus ut quodam pluuiali umbrata galero
Alget: & amphitapi circum uelaminis oras,
In glaciem uentis fluidum glomerantibus imbrem
Stiria fit: dicas hyali translucida frusta.
Dura manus longos nervis extantibus ungues
Porrigit, & cilijs horrent caua lumina toruis.
Stat corio defensa rudi surasq; pedesq;
Fronte truci, mento incano, uoce aspera & agra,
Naribus immundis, & semper in ora fluente
Pituita, pulmonem agitant præcordia uellit
Tussis, it incuruo pendens in pectora tergo:
Atq; uacillantem sustentat arundine gressum.
Aemonias igitur sole ingrediente sagittas,
Surgit hyems, onerosa inopi, damnosa senectæ.
Temporis hæc inter duplicis confinia cum lux
Alterâ post decimam redijt, Martinia festa
Lætâ abunda colit solenni Ecclesia ritu.
Sabariensis erat ciuis Martinus: at intra

Italian Ticini alitus, damnata parentum
Numina cōtempnit: Christūq; sequutus, ad undam
Sponte salutarem teneris confugit ab annis.
Cum puer esset adhuc, tacitam cupiebat eremum
Viuerē. Tunc etiam nudum miseratus egentem,
Cum sciret hyems solito crudelior, ense,
Quo præcinctus erat, chlamydem diuinit: & illum
Parte tegens, aliam sua traxit ad ilia partem.
Necdū tinctus erat, sed adhuc catechumenus illud
Tam magnæ pietatis opus puer inclytus orsus.
Expulerant lucem tenebræ, per somnia Christum
Audijt ad diuos illa sub ueste loquentem:
Me tunica Martinus adhuc catechumenus ista
Induit. hinc cōstare potest, quod habetur olympo
Calculus humanorū operum, quod debita nostris
Præmia sunt operis, & quod Deus omnia curat.
Miles erat proauos imitans, studiumq; paternum:
At cum pugna foret iam proxima, sanguinolentam
Destituens artem, renuit stipendia: sed ne
Segniter ac timide posset fecisse putari,
Auxilio diuū defensus, & auspice Christo,
Cum fremeret Mauors, & cum sciret Enyo,
Hostiles stetit ante acies sine lancea & ense.
Tunc in flore fuit diuina scientia. Christum
Qui sapiebat, oues Petri pascebat, & agnos.

Pictauiense pedum gestabat Hilarius, alta
 Insignis pietate senex. Martinus ab illo
 Iura ministrandi sacris temploq; recepit.
 Mox patrios longo repetens sudore penates,
 Transtulit ad Christū matrē. pater arma sequutus,
 Infamesq; deos, sua in impietate remansit.
 Mox rediens, uita sanctas in membra reduxit
 Treis animas: uixitq; diu secretus ab omni
 Plebe, sub occulta sanctis cum fratribus aede.
 Cum uerò foret orbem illis pastore diebus
 Turonense solum, Martinus idoneus illi
 Officio uisus, populo plaudente cathedram
 Sublimem suscepit, inops auriq; animiq;
 Dives opum, quibus arx emitur cœlestis Olympi.

Innumeris postquam toto resplenduit orbe
 Prodigijs, postquam multas est passus ab Ari
 Gente minas, longa moriens in pace reliquit
 Cœlo animā, spoliū terris, famamq; perennem.
 Hæc est leta dies, ista populusq; patresq;
 Luce cados relinunt, & defecata per omnes
 Vina ferunt mensas, ac libera uerba loquuntur.
 Talis apud ueteres olim sacrata Lyæo
 Lux erat, à prisceis uocitata Pithœgia Graijs,
 Quod signata dies aperiret dolia festus.
 Sol hodie si clarus obit, denunciat acrem
 Atq; molestant hyemem: si nubilus, acra mitem
 Prædicat hybernum. dant hæc prognostica natis
 Pastores ouium, cum seria santur ad ignem.

F I N I S.

IN APOSTOLORVM MARTYRVMQVE HISTORIAS
Index copiosissimus, in quo numeri asterisco * notati, Lectorem ad
secundum Tomum remittunt.

A	ritissimus	175.a	Andrea prima ex Iudaea in Achaia
A Bagarus rex 209.b	Alcmana ab Andrea apostolo sana-	39.b	projectio 19.a
Abanis pietas 204.a	tur		Andrea ex Achaia in Asiam profe-
Abban Thomae Apostoli in	Alexander diuinitatis cupiditate in-		ctio 22.b
Indiam dux 99.b	census, statuas suas à Lysippo fie-		Andrea ad urbem Amaseorum pro-
Abdias Babylonie episcopus 80.a	ri solum uoluit * 50.b		fectio 20.b
Abgarus Edessene rex decumbens, à	Alexandria sanum 128.b		Andrea in Asiam atq; Hellepontum
morbo grauisimo liberatur. 99.a	Ambatensis uicus * 43.b		projectio 23.b, ad Constantia-
Abiathar Pontifex seditionem con-	Ammonis monachi mors * 88.a		nopolitanos 24.a. & Perina-
tra Iacobum Apostolum concio-	amoris insani descriptio. 53.b. et 54.a		tho in Macedoniam ibid.
tat 47.b	Allabius prator * 66.a		Andrea ex Macedonia in Patras
Abiathari Pontificis Hierosolymita-	Anachoreta nudus in eremo habita-		Achaia urbem projectio 32.a
ni crudelitas 186.b	uit * 28.b		Andrea cum philosophis disputatio
Abraham uerus omnium creditum	Ananias Saulo manus imponit. 14.b		nes 28.b
pater 45.b	Ananias diuendens agrum, spiritui		Andrea aduersus fornicationem dia-
Accusatores offerunt aurum prator-	sancto mentitur 157.a		sputatio 37.a
ri * 65.a	Anania Pontificis in Paulum crude-		Andrea contra gentiliū. idolola-
Achaia regio ad Christum conuertis-	litas 172.b		triam disputatio 182.b
tur 21.b	Ananus Iudaeorum Pontifex 123.a		Andrea apostoli res gestae, & mira-
Adami lapsus 85.b. 94.b.	Anani Pontificis aduersus Mathiam		cula uaria 181.a. & b
196.b. 200.b	in concilio sacerdotū oratio. 124.a		Andrea apostoli coram proconsole
Adami lapsus quam perniciosus etiā	Anatolius * 14.b		confessio 40.b. & 41.a
posteris 217.a	Ancharadus inf. 8.a		Andrea in praedicando Euangelio
Adheretus Rauennatum presbyter	Andechanna uicus * 45.b		constantia 41.a
à S. Apollinare ordinatus 141.a	Andreas ad apostolicam functionem		Andrea somnium de futura passio-
Adimathes à S. Andrea sanatur. 26.	uocatur 1.a. 19.a		ne 31.a
b	Andreas Thessalonicensibus Euan-		Andrea apostoli ex carcere ad popu-
adolescencia quae digna laude * 53.a	gelum praedicat 26.a		lum exhortatio 40.b
Aegaeus proconsul arreptus à demo-	Andreas apud Myrmidenem Euan-		Andrea ad Deum oratio 31.b
nio, de alto loco se praecipitat. 42.b	gelum praedicat 20.a		Andrea apostoli ante mortem ora-
Aegeates Patrensiū proconsul 38.b	Andreas uinctum Matthaeum Euan-		tio 42.a
Aegeatis proconsulis impietas 182.	gelistam consolatur 19.b		Andrea apostoli sepultura 42.b
a.b. in Andream apostolū cru-	Andreas apud Quirinum Thessalo-		Andrea martyris ossa Constantino-
delitis 41.b. 42.a	nicensium proconsulem accusae-		polim transata 183.b
Aegippus rex baptizatur 197.b	tur 28.b. & 29.a		angelus. cum S. Martino colloca-
Aegippus Aethiopum rex 82.b	Andreas à Corintho Megaram pro-		tus * 44.b
Aegippus rex baptizatur 87.b	fiscitur 38.a		Andranopolis ciu. 204.a
Aeglippi regis filius mortuus, ad ui-	Andreas ligatis pedibus per plateas		Andriaciana oppidum in Lycia. *
tam à Mattheo reuocatur 86.b	tractus, orat pro inimicis 20.a		63.b
Aegyptiorum tentationes * 108.b	Andreas munera à Cratino oblata		Andronicus Drusianam uxore iam
Aegyptiorum in sepeliendis martyri-	respuit 22.b		defunctam illicite deplorat 52.b
bis studium * 110.b	Andreas iuuenem Nicomediae à mor-		anima post corporis sarcinam quo-
Aegyptiorum in conseruandis defun-	tuis resuscitat 23.a		modo se gerat * 89.b
torum corporibus mos * 97.b	Andreas apostolis demoniacos Me-		Anizanus uulneratus, à Marco Be-
Aegyptys annunciatu Euangelium	garenfes sanat 38.b		uangelista sanatur 128.b.
128.a	Andreas mare insanum & lucan-		baptizatur 129.a
Aeneas paralyticus à Petro sanatur	tes uetos diuina uoce placat. 32.a		Anizanus ex sutore factus episcopus
3.b	Andreas cadaueri in littore maris		129.b
Aethiopes ad fidem Christianā con-	inuento uitam restituit 34.b		Antiochia Pisidia 163.b
uersi 85.b. & 86.a	Andreas caeco uisum restituit 20.b		Antiphanes Megarensis 38.a
Aethiopes ad Christum conuersi per	Andreas Demetrium filium defunctum		Antonius 35. aetatis anno secedit in
Matthaeum 92.a	ad uitam reuocat 20.b		eremum * 73.b
Africanus historicus 80.a	Andreas Sostratum adolescentē fal-		Antonius 55. annorū prodit in publi-
Africani uetustissimi auctoris Scripta	se ob incestum accusatum defen-		cum, cum in eremo uixisset 20. an-
in Cormeriacensi caenobio. 219.a	dit 21.b		nis * 74.a
Agabus Iudaeorum propheta 171.a	Andreas septem daemones apud Ni-		Antonius à demonibus uapulat. *
Agaridus fidelis uir * 42.b	ceam expellit 22.b		72.b
Akaiua Iudaeorum Pontifex 123.a	Andreas apostolis crucifigitur. 41.b		Antonius intētus rebus sacris. * 70.b
Agrippa rex, disciplinae Iudaicae pe-	Andrea in Synopam projectio 21.b		Antonium rudis literarum * 91.b

I N D E X.

Antonius Aegypti medicus * 96.b	Arabis ad Christum à Paulo aposto	Arabis ad Christum à Paulo aposto	Barnabas pro Ioue adoratur 164.b
Antonius ab angelis ducitur in aera. * 89.b	Arabis aliqua ex parte conuersa. 153.a	Arborij filia febricitas sanatur * 12.b	Barnabas fidelis Christi apostolus. 153.a. Iudæis Dei beneficia enu merat 164.a
Antonius Faretus, archidiaconus Al biensis * 49.a	Archelaus Comes * 88.b	Archelaus Comes * 88.b	Barnabæ cum Paulo contectio. 165.b
Antonius non superbit ex dono cura tionum infirmorum * 87.a	Arestus 180.a	Arfexat magus 72.a. Simonem & Iudæ apostolos apud Xerxem accusat 78.a. à serpentib. mor sus, à Simone apost. sanatur. 78.b	Bartholomæus subtilibus casibus, decolo latur 98.a
Antonius semper hilari uultu conspe ctus * 90.a	Arfexat fulmine tactus & combus tus 81.b	Arfexat fulmine tactus & combus tus 81.b	Bartholomæi apostoli descriptio. 93. a. miracula 93.b. 199.b. res gestæ 92.b. uestimenta per 26. annos non trita 93.b
Antonius dimittit bona, uendit, & dat pauperibus * 70.a	Arfexatis magi scelera 80.a	Arfexatis magi scelera 80.a	Bartholomæi apostoli corpus ex seo pulchro à Barbaris ereptum, ac proiectum in mare 203.a
Antonius non mendicando, sed labo re manuū querit uictum * 70.b	impia de Christo opinio 72.a	argenteum discum in uiam proiecit satan * 73.b	Bassus Rom. consul 137.b
Antonius monachi Aegyptij uita * 107.b. austerissima * 109.b	Arianorum hæresis * 112.a. ab Antonio taxata. * 90.b. * 95.a.b	Arianorum cum S. Antonio disputa tiones * 108.a. item cum Hilario episcopo * 112.a	Basula Sulpitij Seueri parens. * 18.b
Antonij parentes * 69.b. mores * 90.a. epistola missa ad pers. secutorem monachorum. * 96.b	Aristarchus Pauli peregrinantis co mes 69.b	Aristarchus Pauli peregrinantis co mes 69.b	Beireth Indorum idolum 93.a
Antony tētatōnes. * 107.b. uictus. 109.a. exercitia pia * 70.b	Aristodemus Pontifex seditionem in Ioannem apostolum concitat. 63. b. eidem uenenū propinat. 63.b	Aristodemus ad fidem Christianam conuertitur 65.a	benedictionis apostolicæ formula. 113.a
Antony certamen contra satanæ co pias in eremo * 85.a. * 70.b. * 71.b	Aristodemus Pontifex seditionem in Ioannem apostolum concitat. 63. b. eidem uenenū propinat. 63.b	Aristodemus ad fidem Christianam conuertitur 65.a	Beor Aethiopum rex 92.a
Antonij contra hæreticos disputatio nes * 108.a	Aristodemus ad fidem Christianam conuertitur 65.a	Aristodemus ad fidem Christianam conuertitur 65.a	Beorius baptizatur 199.a
Antonij sententiæ & apophthegma ta * 110.a. & b	Aristodemus eos quos ueneno sustule rat, ad uitam reuocat 65.a	Aristodemus eos quos ueneno sustule rat, ad uitam reuocat 65.a	Berthea ciui. 167.a
Antonij uinacitas * 97.a. * 110.b	Arphaxat magus. 194.b. diuinis si bi honores ascribit. 82.b. magicis artib. infinita edit miracula. 82.b	Arphaxat magus. 194.b. diuinis si bi honores ascribit. 82.b. magicis artib. infinita edit miracula. 82.b	Bethlaskila 127.a
Antony postrema concio * 97.b. testamentum * 98.a. * 111.a	Arphaxati hæresis 214.b. uide Arfexat.	Arphaxati hæresis 214.b. uide Arfexat.	Bethleem oppidum ab Hierosolymis sex milibus separatur * 24.a
Antony mors * 97.a	Arius, Arianaq. stultitiæ sectatores damnati, à republica Christiana abiguntur * 62.b	Arius, Arianaq. stultitiæ sectatores damnati, à republica Christiana abiguntur * 62.b	Bethsaida opp. 151.a. b
Antymus B. Andreae discipulus. 32.a	Aspasius Paternus Cyprianū episc. in Curubitanā urbē relegat. 137.b	Aspasius Paternus Cyprianū episc. in Curubitanā urbē relegat. 137.b	Bigerria uestis * 33.b
Apj forum 177.a	aspi miræ magnitudinis ad pedes mo nachorum se prouoluit * 25.a	aspi miræ magnitudinis ad pedes mo nachorum se prouoluit * 25.a	boni portus 173.b
Apollinaris D. Petri discipulus. 139.a	Astaroth Indorum idolum, & eius miracula 92.b	Astaroth Indorum idolum, & eius miracula 92.b	Bonifacius ciuius Classis mutus, sanaa tur 141.b
Apollinaris ad Danubium uersatus. 145.a. crudeliter à pontifici bus tractatus, et semiuivus ad ma re proiectus 141.b	Astyages rex 97.a. propter im pietatem suam dæmonio corre ptus 102.b. eiusdem in Bar tholomæum apostolum crudelis 108. 98.a. & mors 98.b	Astyages rex 97.a. propter im pietatem suam dæmonio corre ptus 102.b. eiusdem in Bar tholomæum apostolum crudelis 108. 98.a. & mors 98.b	Bricchio dæmonib. agitur. * 47.a
Apollinaris à Petro apostolo Rauen natum ordinatus episcopus. 139. a. 140.b. à pontificibus Ræ uennatib. Romæ accusatur. 146.b	Athanasius episcopus, D. Antonij hæ res * 98.a	Athanasius episcopus, D. Antonij hæ res * 98.a	Biculus 129.b
diui Apollinaris in concilio pontifi cum confessio 141.a. cum Messalino Caesaris uicario de fide disputatio 143.a	Atticus diuitiarū cupiditate uictus, fi dei sanioris factus est desertor. 62.a	Atticus diuitiarū cupiditate uictus, fi dei sanioris factus est desertor. 62.a	Byrrus 66.b
Apollinaris miracula 139.b. 141.b. 145.b	Ausidiani in Christianos crudelitas. 136.a	Ausidiani in Christianos crudelitas. 136.a	
Apollinaris à Paganis miserè sustib. casus. 142.a. 145.a. in exilium relegatur. 144.b. martyrio co ronatur. 144.a. eius mors. 147.b	aurum uel argentū ubi nullū * 23.a	aurum uel argentū ubi nullū * 23.a	
Apollinis templū in Dalmatiæ littore ab Apollinari destructum. 145.b	auri massa datur noctu pauperi * 55.b	auri massa datur noctu pauperi * 55.b	
Apostoli linguarū omnium periti. 84.a	auro corruptus prefectus * 64.a	auro corruptus prefectus * 64.a	
Apostolorū numerus et nomina. 152. a. dispersio. 123.a. corā phari seis & scribis protestatio 69.a	Babylonica turris edificatio 84.a	Babylonica turris edificatio 84.a	
in Apostolorum capita cur radij pin gantur solares 67.b	Balacius dux Aegypti. * 96.a. eius de in apostolos crudelitas. * 109.a	Balacius dux Aegypti. * 96.a. eius de in apostolos crudelitas. * 109.a	
Aquila 8.b			
Aquila Iudæus, Pauli apostoli ho			

- conuerſam, apud regem Indiæ ac
cuſat 106.a
Chariffy in Thomam apoſtolum ca-
lumnia 106.b. cum eodem de
deis gentilium diſputatio 110.a
Chius inſ. 70.a
Chriſtus mortis ac uitæ dominus. 65.
a. uerus offenſionis lapis. 157.a.
lapis ab ædificantibus reproba-
tus 189.a
Chriſtus lauit pedes ſuorum diſcipu-
lorum 1.b
Chriſtus non ut Deus, ſed uerus ho-
mo à Iudeis crucifixus 143.b
Chriſtus ſatanae uictor * 78.b
Chriſtus reſurgens, cur Ioanni præci-
pue ſe uiſendum præbucrit. 188.a
Chriſti cõceptio 45.b. natiuitas,
paſſio, reſurrectio, et aſcẽſio. 46.
a. 94.b. clarificatio. 1.b. 153.a
Chriſti crucifixi imago in Scythia à
Philippo apoſtolo erecta 118.b
Chriſti reſurrectionis manifeſta in-
dicia 188.a
Chriſtiana doctrinae ſumma. 74.a.
et b. contra philoſophos aſſer-
tio * 92.a
Chriſtiani quo à gẽtib. differat. 74.b
Chriſtiani quanto magis premuntur,
eo magis florent * 93.b
Chriſtianorum facta à nullo histori-
ce deſcripta * 50.b
de Circumciſione diſputatio atq; con-
tentio 22.a. 165.a
Clarus præſbyter, diſcipulus Marti-
ni * 17.b
Clari nobilis adoleſcẽtis pietas. * 14.a
Classenſes S. Apollinarem ex urbe
eiciunt ſaucium 142.a
Classis ciu. 142.a
Clauda inſ. 176.a
Claudij Cæſaris edicto Iudæi omnes
ex urbe Roma pulſi 168.a
Claudij Lyſiæ ad Felicem præſidem
de Paulo epiſtola 173.a. b
clauu eccleſiæ duplex poteſtas. 152.b
Clemens epiſcopus à Petro Eccleſiæ
ordinatur 9.b
Clemens epiſcopus Rom. anchoræ al-
ligatus, in mari ſubmergitur. 136.
a. eiufdem miracula. eod. et b
Clemens in Sinai deſerto aquam ex
petra elicit 135.b. Siſinnium
cæcum ac ſurdum ſanat 133.a
Clemens quaſi magicis artib. mira-
cula edidiſſet, grauiter accuſatur.
134.b. exilio damnatur. 135.a
Clementis epiſcopi contra idolola-
triam gẽtilium diſputatio 134.b
Clementis epiſcopi apud Iudeos et
Chriſtianos magna autoritas. 131.
a. in prædicando Euangelio
dexteritis 131.b. et 132.a
Clemẽtis epiſc. lucubrationes. * 103.a 169.b
Clodomeri Francorum regis mors. 183.b
Clynias magnus 153.b
cena epiſcopalis * 60.a
columnæ uitreae 8.a
comedere poſt ſolis occaſum * 25.b
concilia prouincialia quotannis ha-
benda * 61.a
coniugium à Deo ſanctificatum. 89.a
ad Coniugiũ num ex neceſſitate ho-
mo alligetur 89.a
coniugium cõmixtionis pollutionem
habet, crimen non habet 88.b
coniugij commendatio 88.a
conſcientia infirmitatis melior uirtu-
tum uanitate * 25.b
Constantini edictum pro Chriſtianis
liberandis * 62.a
conſuetudinem in naturam uertere.
* 71.b
Corinthus hæreticus 192.b
coronæ hoſpitibus in Acthiopia obla-
tae 87.a
corpori habendus honor * 83.a
Cratinus ſanatur 22.a. eius filius
à demone liberatur. eod.
Craton philoſophus ad Chriſtũ con-
uerſus baptizatur 59.a
Craton Apoſtolorũ diſcipulis, hifto-
riam Apoſtolorũ deſcripſit. 80.a
Cratonis philoſophi de diuitiarũ con-
temptu exempla 58.b. item de
mũdi cõtemptu diſputatio. 190.b
Cratonis philoſophi cum Ioanne apo-
ſtolo contentio 58.b
creatoris honor creaturae non dan-
dus * 93.a
Criſpus ſynagoga princeps ad Chri-
ſtianam religionẽ cõuerſus. 168.b
Curubitana ciuitas 137.a. et b
cuſtos carceris pius * 65.a
Cyprianus epiſcopus ad urbem Curu-
bitanam relegatur 137.a. et b.
decollatur 138.b
Cypriani epiſcopi uita * 103.b.
confeſſio 137.a
Cyrenenſibus Euangelium à Marco
Euangelifta predicatum 128.a
D
Damonũ phantaſmata * 72.b. im-
probitas in oppugnãdis pijs. * 77.a
Damaris Pauli diſcipula 163.a
damnatorum liber apud Iudæum in-
uentus 120.a. et 121.a
Demetrii aurifabri in Paulum con-
ſpiratio 169.a
Demetrii filius mortuus, ab Andrea
ad uitam reuocatur 20.b
Demoſthenis patricij cum S. Apolli-
nare diſputatio. 146.b. et 147.a
Derbæ ciu. 164.b
C. Derbæus Pauli ſocius ac comes. * 78.b
Deus protector in ſe ſperantium *
73.a
Deus abſq; initio, dat initium rebus
omnibus 94.b
Dei imago qualis 57.b
Dei erga humanum genus benigni-
tas et liberalitas 61.a
diabolus diuerſus habet nocendi ar-
tes * 72.b
diabolus corripit Anachoretũ. * 29.b
Diana Ephęſorum 169.b
Diana à parturientib. inuocata. 35.b
Dianæ idolum à Ioanne apoſtolo à
pud Ephęſios conſtractum ac deo
molitum 62.b
Dianæ templum funditus euerſum.
191.a
Dianæ templum Nicolaus cum ro-
buſtiſſima iuuenum manu ſolo a-
quat * 62.b
Dionyſius Areopagita Pauli diſcipu-
lus 168.a
Dionyſius Pelagiam ſponſam deſe-
rens, Pontifex creatur 205.a
diuites uerẽ qui * 60.b
diuitiæ, impedimenta plerunq; fidei-
153.b
diuitiarum contemptus 58.b. 60.a.
75.a. 190.b
doctrina omnis uana, qua animi uio-
tia non curantur 58.b
doctrinae Chriſtianae et fidei cum
gentilitate collatio * 93.b
dolum diabolicum in mare deijcitur.
* 69.a
Domicilla, Domitiani Imperatoris
neptis, ad Chriſtũ conuerſa. 132.a
Dominica dies quæ 170.a
dona ſpiritalia non ex perſonarum
utilitate metienda 76.a
dracones à Matthæo apoſtolo domi-
ti 84.b
Drufiana Fortunatum à mortuis re-
ſuſcitet 57.a
Drufiana ex animi mœrore febrici-
tans, moritur 52.a. b. 55.b
Drufiana mortua amatoris inſani
uim non effugit 54.a
Drufiana à mortuis reſuſcitatur. 56.b
Drufiana hiforia 51.b. inde.
eius caſſitas 52.a
Drufiana deſunctæ corpus ab ange-
lo defenditur 56.a
Drufilla Felicis præſidis uxor à Pau-
lo ad fidem conuerſa 174.a
E
Ebionitarum hæſis 193.a. 211.b
ebrietas ingenij peſtis * 112.b
Eccleſia ſuos paſcat et ueſtiat mini-
ſtros * 40.b
Eccleſia ſtat contra furorem ſatanae.
P 3 ad Eccle-

- ad Ecclesie disciplinam regendam
præfectus assumitur * 23.b
edacitas in Græcis gula, in Gallis na-
tura * 24.b
educatio filiorum quam necessaria
50.a. & b
Egesippus historicus 70.a
elemosyna quomodo danda * 55.
b. & 56.a
Elymas uisu priuatur 163.b
Ephesina Ecclesia à Paulo apostolo
fundata 192.b
Ephesiorum ob Christi disciplinam
seditiones 369.a
Ephesiorum quatuordecim millia u-
na die ad Christum conuersa 63.b
Ephesiorum idola à Ioanne apostolo
dissipata atq; confracta 63.b
Ephesiorum proceres diuitias suas pau-
peribus distribuunt 59.a
Ephidama, doctrina Sofie ad Chris-
tum conuertitur 38.b
Ephigenia ex incendio miraculose li-
beratur 91.b
Epicureorum cum Paulo disputatio
167.b
episcopi uerri elegans descriptio *
112.b
episcopi ueri dictum egregium *
59.b
episcopi prouinciales * 58.a
eremi laus * 50.b
Esaiamum supplicium * 17.b
Euacius à Martino curatur. * 34.a
Euangelium aureis literis scriptum
* 66.b
Euangelium S. Matthaei Hebraice
scriptum 92.a
Eugenius diuitiarum cupiditate uis-
sus. fit apostata 62.a
Euodij consulis iustitia * 13.a
Euphenissa Aethiopum reginae fi-
des 86.b. eadem baptizatur
87.b
Euphenissa reginae filius à mortuis
resuscitatur 196.b
Euphrator ad uitam reuocatur 87.a
Euphrates fl. 85.b
Euphrosinus diaconus 78.b
Eustachius præfectus iniustus. * 63.b
Eutychus mortuus, à Paulo ad uitam
reuocatur 15.b. 170.a
exempla pauca cui non sufficiunt, mul-
ta non proderunt * 28.b
Exoos nobilis Thessalonicensis præ-
dicatione Andreae apost. ad Chri-
stum conuertitur 25.a
Exoos incendium domus precatione
extinguit 25.b
- F
- Fama admirabilium rerum facile spar-
gitur * 59.a
fames in Lycia memorabilis. * 105.b
- famem depellit miris modis S. Nico-
laus * 63.a
Faustinus, Faustus 8.b
Felices praesidis in Paulum clementia
174.b
Fides in Christum, murus inexpugna-
bilis * 107.b. * 73.a
Fidei uerae obstacula 53.a. & b
à Fide orditur Antonius, ac postea
fructus fidei enumerat * 86.a
Flamas ignis medius ingredi * 29.a
fontem impetrat per preces Anto-
nius * 86.a
fornicationis spiritus * 71.a
Fortunatus à serpente uulneratur
54.b. & denuo. 58.a
Fortunatus Drusianae funeris prodi-
tor à mortuis resuscitatur 57.a
Fronto liberatus à satana precibus
Antonij * 87.a
futurorum humanus animus sollicitus
* 58.b
- G
- Gadius à mortuis resuscitatur. 205.b
Gadij uisio 205.b. & 206.a
Galerius Maximus proconsul 137.b
Galerij Maximi in Cyprianum epi-
scopum crudelitas 138.a.
mors 138.b
Galenus Rom. consul 137.a. eius-
dem contra Christianos edictum
137.a.b
Galilaei à Iudaeis semper odio habiti
124.b. & 125.a. 161.a
Galim Galilaeae ciuitas 123.b
Gallionis Achaiae proconsulis in Pau-
lum crudelitas 168.b
Gaudiomacus uicinus * 37.b
gemmae confractae, à Ioanne apostolo
integritati suae restituntur
59.a
gentium ad Euangelium uocatio. 164.
a. 168.b
gentiles multi per Antonium conuer-
si ad Christi fidem * 91.a
gentilitatis principia * 79.b
Geon fl. 85.b
Giscbala ciui. 123.b
globus ignis de capite S. Martini emi-
cat * 33.b
grando precibus Martini cessat *
43.a
gratitudo leanae * 28.a
Gregorij Turonensis mors 193.b
Guilielmus Boissetus, Cisterciensis
abbas * 49.a
- H
- Gundaphi regis in Thomam apostolo-
rum crudelitas 205.b
Gundaerus rex 99.b
Gurdonicus * 32.b
- H
- Haereses tempore Apostolorum plus
rima 20.b
haeretici uitandi * 97.a
haeticorum inquisitores uitam &
bona adimunt * 44.b
haeticorum hostis acerrimus D. An-
toninus * 90.b
Harpagius presbyter * 41.b
Hebeonitarum haeresis 119.a
Heduorum pagus Martini miraculis
celebratus * 10.b
Heimda Mathiae apostoli discipulus
127.b
Helias fictitijs in Hispania multa et
dit miracula * 15.a
herbarum radicibus uiuere * 27.b
herbas noxias comedit eremita *
28.a
Herenaeus Asiaticus, S. Apollinaris
hospes 139.b. baptizatur
140.a. eius filius excacatur,
sanatur 139.b. baptizatur
140.a
Hermogenes magus 43.b. Phis-
letum uinculis magicis constrin-
git 43.b
Hermogenes uindictus ad Iacobum apo-
stolum ducitur 44.a. libros
de Magia conscriptos comburit.
44.b
Hermogenis haeresis 43.a. cum
D. Iacobo contentio 184.a.b.
penitentia 44.b. & 45.a
Herodes Iacobum apostolum decolla-
ri iubet 47.b
Herodis crudelitas 4.a
Hierapolis ciui. 119.a
d. Hieronymi laus * 24.a
Hilarus Pictauiensis episcopus * 7.
a. * 112.a
Himna Mathiae apostoli discipulus
127.b
Hirtaci cum Iphigenia matrimo-
nium 197.b
homicidij nefas 39.b
homo ad imaginem Dei creatus quo-
modo dicatur 57.b
hostibus benefaciendum, Christi &
apostolorum exemplo 74.b
humanae uitae miserrima conditio.
52.a. & b
Hyrtaeus Aethiopum rex 87.b.
Ephigeniae uirginis nuptias ama-
bit. ibid. desperans, sibi ipsi ma-
nus infert 92.a
Hyrtaei regis palatium mirabili in-
cendio consumptum 91.b
- I
- Iacob cur Israel uocatus 126.a
Iacobus Oblitas 70.b
Iacobus Iudaeae ac Palaestinarum apo-
stolus 70.b. Hierosolymita
norum episcopus 69.a. & b. 171.a
Iacobus ex utero materno sanctus.
70.b. cur frater Domini dica-
tur fuisse

INDEX

tur fuisse 68.b.	cur iustus ap-	die ad Christum conuertit 63.b	Ismael Mathie apostoli discipulus.
pellatus 70.a	Iacobus crucifixo Christo cibum non	Ioannes quo studio suum Euangelium	127.b
accepit, donec a mortuis resurge-	ret 68.b	descripserit 67.b	Ithacus episcopus * 44.b
Iacobus Minor a Christo plurimum	præ cæteris dilectus 68.b	Ioannes apostolus in Dianæ templum	Iudas apostolus in tumultu pontifi-
Iacobus apostolus Philetum ab Her-	mogene uindictam liberat 43.b.	ductus ab impijs, ut idolis sacrificia	cum occisus 81.b
incarceratur 45.a.	lapidibus obruitur 213.b.	careat 62.a.	Dianæ simula-
de pinnis templi 71.b.	fuste necatur. ibid.	crum demolitur 191.a	Iudas Galilæus 124.b.
Iacobus apost. de gradibus præcipita-	tur 70.a.	Ioannes in Pathmū relegatur. 49.b	Iudæ apostoli miracula 81.b. Vide
inimicis 71.b	lapidatus orat pro	Ioannes gemmas confractas miracu-	Simonem.
Iacobus apost. securi percutitur. 159.	a. 186.b. & 187.a.	Ioseph suæ integritati restituit. 59.b	Iudæi omnes Claudij Cæsaris edicto
ab Hero-	de decollatur 47.b. & 48.a	Ioannes nouum sponsum a mortuis	urbe Roma eiecti 168.a
Iacobi apostoli ad prædicandū Euan-	gelium uocatio 43.a.	resuscitat 61.a.b	Iudæorum reiectio 164.a. 168.b
abstinentia & temperantia 70.b	Iacobi, qui iustus cognominatus est,	Ioannes cur cum calice & serpente	Iudæorum mos in ingendis mortuo-
in prædicando Euangelio ardens	studium 212.a. & b.	pingatur 64.a	rum cadaueribus, ab Aegyptijs
in persecutione constantia 70.a.	in Sa-	Ioannes uenenum bibens, nihil mali	mutuatus * 111.2
lomonis templo ministeriū. 69.a.	concio ad phariseos 45.b	sensit 191.a	Iudicis impij factum * 64.a. & b
Iacobi apost. facta et miracula. 184.a	Iafonis in Paulum & Silam pietas.	Ioannes coniugium ambiens, semper	Iulianus presbyter 138.b
167.a	idex fera * 16.a	Dei spiritu retractus est 67.a	Iulianus subdiaconus 138.b
Iconium opp. 164.a	idola Ephesiorum a Ioanne apostolo	Ioannes in dolum olei feruentis mer-	Iulius Centurio Pauli captiuum Ro-
confracta 62.b	idolorum templa euertuntur * 43.	gitur, & illæsus euadit 49.b	mam ducit 16.b
b. * 62.a	idololatria unde orta * 79.b	Ioannes uiuens adhuc, a fratribus se-	Iulius cohortis Augustæ centurio.
idololatriæ apud Alexandriam insi-	gne * 95.a	peliri uoluit 67.b	in iustitiæ falsæ exemplum * 30.b
iciumum 88.b	ieiunium B. Nicolai infantis * 52.b	Ioannes nonagenarius moritur 49.	Kaph Mathie apostoli discipulus.
ieiunij commendatio 37.b	imago Dei qualis 57.b	a. quando sit mortuus, dubita-	127.b
imagines deorū non ferendæ. 109.b	impietatis pœna * 96.a	tur 193.a	Kaph Mathie apostoli discipulus.
incendium oratione extinctum 25.b	infans unius diei aperte loquitur. 79.	Ioannes Baptista fidenter Euangelium	127.b
a	inferni descriptio 62.a	prædicat * 15.a	L
Indiæ tres 92.b	Indorum cum Xerxe bellum 72.b	Ioannes Marcus appellatus 153.a	Lac pro sanguine in Pauli decolla-
Indis prædicatur Euangelium 93.a.	94.a. & 95.a. & b	Ioannis apostoli uita 187.a	ad
inimici diligendi 74.b.	benefaciendum 78.a	prædicandum Euangelium uoca-	tione fluxit 180.a
Ioannes præ cæteris apostolis a Chri-	sto dilectus. 187.b. et cur. 128.a	tio 48.b.	Lachis Mathie apostoli discipulus.
Ioannes apostolus Ephesiorū episco-	pus 49.a. & b. 189.b	cum Cratone phi-	127.b
Ioannes apostolas in Asia Euange-	lium prædicat 49.a.	losofho contentio ac disputatio.	lapides in gemmas a Ioanne aposto-
apud Ephesios 14. millia gentiliū una	irasci nunquam	58.b	lo conuersi 59.b
Ioannis apostolus Ephesiorū episco-	pus 49.a. & b. 189.b	Ioannis apostoli uaria miracula. 49.	latronis corpus pro sancto cultum.
Ioannis apostolus in Asia Euange-	lium prædicat 49.a.	b. 59.b	* 9.b
apud Ephesios 14. millia gentiliū una	irasci nunquam	Ioannis apostoli apud Ephesios existi-	laudum & gloriæ hostis inuidia *
Ioannis apostolus Ephesiorū episco-	pus 49.a. & b. 189.b	matio & autoritas 51.b	64.b
Ioannis apostolus in Asia Euange-	lium prædicat 49.a.	Ioannis contra diuitias plena graui-	Lazari mendici historia 60.a
apud Ephesios 14. millia gentiliū una	irasci nunquam	tatis disputatio 60.a.	ad
Ioannis apostolus Ephesiorū episco-	pus 49.a. & b. 189.b	Decum oratio 55.b	leæna pedibus Anachoretæ aduolui-
Ioannis apostolus in Asia Euange-	lium prædicat 49.a.	Ioannes apostolus Drusianā & Cal-	tur * 27.b
apud Ephesios 14. millia gentiliū una	irasci nunquam	limachum eius amatorem a mor-	leæna beneficium rependit * 27.b.
Ioannis apostolus Ephesiorū episco-	pus 49.a. & b. 189.b	tuis resuscitat 56.b	25.a
Ioannis apostolus in Asia Euange-	lium prædicat 49.a.	Ioannis apostoli iam morituri ad suos	legis Mosaicæ iugum quā graue.
apud Ephesios 14. millia gentiliū una	irasci nunquam	oratio 65.b.	165.a
Ioannis apostolus Ephesiorū episco-	pus 49.a. & b. 189.b	mors 66.b.	legis perfectio, uera pax 5.b
Ioannis apostolus in Asia Euange-	lium prædicat 49.a.	& sepultura 193.b	leo mansuetus in eremo * 26.b
apud Ephesios 14. millia gentiliū una	irasci nunquam	Ioannis baptisimus 168.b.	Leonardus Iustinianus, patricius Ve-
Ioannis apostolus Ephesiorū episco-	pus 49.a. & b. 189.b	uir-	netus * 50.b
Ioannis apostolus in Asia Euange-	lium prædicat 49.a.	ginitas 138.a	Leucadius præses * 45.a
apud Ephesios 14. millia gentiliū una	irasci nunquam	Ioannis festum sanctissimæ semper a	Leuthadius philosophus in Rauenn-
Ioannis apostolus Ephesiorū episco-	pus 49.a. & b. 189.b	Romanis celebratum 190.a	ensum diaconus a D. Apollin-
Ioannis apostolus in Asia Euange-	lium prædicat 49.a.	Ioseph iustus 68.b	nare ordinatus 141.a
apud Ephesios 14. millia gentiliū una	irasci nunquam	Ioseph Mathie apostoli discipulus.	Leuitica benedictio 111.a
Ioannis apostolus Ephesiorū episco-	pus 49.a. & b. 189.b	127.b	liberalitas erga pauperes admiranda
Ioannis apostolus in Asia Euange-	lium prædicat 49.a.	Iosias Pharisæorum scriba ad Chri-	* 60.b
apud Ephesios 14. millia gentiliū una	irasci nunquam	stum a Iacobo apostolo conuer-	in Libya prædicatur Euangelium.
Ioannis apostolus Ephesiorū episco-	pus 49.a. & b. 189.b	sus 47.b.	128.a
Ioannis apostolus in Asia Euange-	lium prædicat 49.a.	securi percutitur. 187.a.	linguarum omnium origo 83.b
apud Ephesios 14. millia gentiliū una	irasci nunquam	ab Herode decollatur. 48.a	Lisibius ab Aethiopicis flagris cæ-
Ioannis apostolus Ephesiorū episco-	pus 49.a. & b. 189.b	Iosias scribæ crudelitas 186.b	sus 32.a
Ioannis apostolus in Asia Euange-	lium prædicat 49.a.	Iphigenia pietas 198.b	Lisibius proconsul B. Andreæ hospi-
apud Ephesios 14. millia gentiliū una	irasci nunquam	iracundia non moueri, præclara uir-	tio excipit 32.b
Ioannis apostolus Ephesiorū episco-	pus 49.a. & b. 189.b	tus * 26.a	Ludouicus episcopus Albiensis. * 49.a
Ioannis apostolus in Asia Euange-	lium prædicat 49.a.	irasci nunquam * 25.b	Ludouicus

I N D E X.

Ludouicus Robertetus sacelli Palae
tini Canonicus * 49.b
Luna praeepto sui creatoris subiecta.
81.a
Luna pro Deo culta 72.a
Luna statua argentea 218.b
Luna simulacrum a Iuda apostolo
demolitum 81.b
Lupa cenanti monacho adstat. * 26.
b
Luzani impia de Deo opinio 108.a
Lyconius * 46.a
Lydiae purpurariae in Apostolos pie
tas 166.a
Lysias tribunus Paulum ex seditio
rum manu eripit 134.a
Lysimachi praecleara fides 25.b.
26.a
Lysitra ciu. 164.b
M
Macrobij candidati 138.b
magorum in Mattheum apostolum
insidia 84.a. & b. cum Si
mone & Iuda apostolis contem
tiones 75.b
malum pro malo non reddendū 57.
a. 74.b
mali autorem Deum non esse. * 76.b
Mambres magus 77.a
Mamertinus praefectus urbanus. 134.
a. seditionem in Clementem
episcopum concitat 134.b. &
135.a
Mammona serui ac mancipia. 60.b
Manazara a Thoma sanatur. 113.a
Manichaeorum cum Antonio dispu
tationes * 108.a
Manna ex Ioannis apostoli sepulchro
defluxit 68.a
Marcellus Petri crucifixi corpus se
pulture mandat 13.b
Marcus Euangelista sutorem uulne
raturum sputo sanat 128.b
Marci Euangelistae historia 128.a.
uita * 102.a. & b. forma, ac
totius corporis descriptio. 130.b.
miracula 129.b. marty
rium 130.b
Mariae miraculosa conceptio 94.b.
maris reciprocatio miraculosa in die
Clementis Pontificis 136.b
in Marmarica praedicatur Euange
lium 128.a
Martianus Rauennatium diaconus a
B. Apollinare ordinatus 141.a
Martis statua apud Scythas edit mi
racula 118.b destruitur.
ibid. & 119.a
Martis statuam Philippus apostolus
demolitus 210.b
S. Martinus miles * 6.a. & b.
laboris atq. iniuriarum patientissi
mus * 112.b. ad episcopos

tum Turonica ecclesia uocatur.
* 8.b. * 112.b
Martinus ueri episcopi imago *
112.b
Martinus miraculose ex incendio li
beratus * 4.b
Martinus in latrones incidens, Euan
gelij praedicatione non tantum
euadit, sed ipsos etiam latrones ad
Christum conuertit * 7.a. & b
Martinus fustibus ac flagris caditur.
* 34.a. & b
Martini parentes, & educatio *
5.b. * 112.a forma, & to
tus corporis habitus * 17.a.
abstinentia & sobrietas * 9.a.
& b. in enarrandis sacris li
teris indefessus labor * 112.b.
studium, & orationes assidue. *
16.a. liberalitas in pauperes.
* 6.b. cum diabolo contem
ptio * 15.a. sanctitas, ac mi
racula * 10.b
Martini uerba spiritali sale condita.
* 38.a
Martini dictum: Serpentes me au
diunt, & homines me non au
diunt * 44.a
Martini uestimentis aegroti sanan
tur * 12.a
Martini monasterium * 9.a
Martini spectrum a Seuero Sulpic
tio uisum * 17.a
Martino morienti adfuit diabolus.
* 20.a
martyr uoto & uirtute * 17.b
Matthaeus apostolus multarum lin
guarum peritissimus 194.b.
83.a.b
Matthaeus Aethiopiam ad Euange
lij praedicationem sortitus 82.b.
Myrmidoni Euangelium praedi
cat 19.b
Matthaeus Hebraice conscripsit suum
Euangelium 92.a
Matthaeus erutis oculis in carcerem
detruditur 19.b. uisu re
cepto miraculose ex carcere libe
ratur 20.a
Matthaei uita 82.a. res gestae,
& miracula 194.a. & b.
contra magos disputationes. 194.
b. 83.a. de coniugij sanctitate,
& uirginum uelatarum caelis
batu concio 88.a
Matthaei Euangelium quis ex He
braico sermone in Graecum tran
sulerit, incertum 199.b
Matthias apostolus Bethleemitanus,
ex tribu Iuda 219.a. non
humano iudicio, sed iuxta Dei uo
luntatem electus * 101.a
Matthias apud principes sacerdotum

accusatur 123.b. dilapidas
tus securi percussus 127.b
Matthae apostoli uita 120.a.
uocabulum unde 120.b
Matthae apostoli sancta educatio. 121.
b. ad Euangelium praedican
dum uocatio 122.a. ad ac
cusationem Anani pontificis de
fensio 125.b
Matthae apostoli miracula 123.a.
219.a
Matthae apostoli corpus primum Ro
mam, deinde Treuiros transla
tum 219.b
matrimonij commendatio 88.a
matronarum piarum pium officium
* 60.b
Maximi Imperatoris ferocitas. * 13.
a. cum Valentiniano bellum.
* 13.b
Maximiani persecutio impiissima. *
83.b
Maximilla febricitans ab Andrea sa
natur 38.b. & 39.a
Maximilla pietas 183.a. 42.b
Medius sanationem filij a sancto An
drea petit 27.a. eiusdem in
captiuos crudelitas 27.a
Megarensibus Euangelium praedica
tur 38.b
Megistus 180.a
Melinus presbyter 129.b
Mesedens rex 104.b. Thome
apostoli ossa effodit 117.b
Mesedei in Thomam crudelitas. 110.
b. 209.a. ad Christum conuer
sio 117.a
Mesedei filius daemoniacus, appensis
sancti Thomae reliquijs sanatur.
117.b
Messalini cum sancto Apollinare de
Christo disputatio 143.a. crue
delitas 144.a
Migdens rex 208.b
Migdonia in carceratur 208.a
Migdoniae pietas 107.b. & 208.
a. admirabilis sapientia. 208.b
militis Christiani uictoria * 7.a
miracula facit Christus per seruos
suos * 94.b
miracula, sanctorum reliquijs edita.
117.b
miracula Dominum operari. * 87.b
miracula uirtutum non omnia cre
denda * 81.a
in Miraculis non gloriandum. * 25.a
in Misis praedicatur Euangelium.
144.b
Mitylene 170.a
modestia Antonij. * 74.a. & con
ibid.
monasteria olim erant scholae *
112.b monasticum

I N D E X.

monastica uita qualis Antonij tempo	* 28.b	oleum multiplicatur	* 41.b	Paulus decē fere annis Romæ com-	ibid.
pore	* 70.a	ollam cum oleribus sine igne ferue-		moratus	177.b
mores Christiani pueri	* 69.b	re	* 26.b	Paulus captus, & in uincula conie-	
Mosai:æ legis iugum quā graue.		Onesiphorus	177.b	ctus	16.b. 171.b. 173.b
165.a		operum bonorum commendatio &		Paulus apud Gallium Achaia pro-	
mundi contemptus stultissimus, qui	58.b	meritum	114.b	consulem accusatur	168.b
ab hominibus laudatur		operum confidentia fugienda.* 36.		Paulus ad Cæsarem prouocat. 16.b.	
de Mundi contemptu disputatio.	190.b	b		70.a.	174.b. 177.a
muta puella sanatur	* 41.a	opum contemptus	58.b	Paulus se ciuem Romanum esse pro-	
Mygdonia baptizatur	107.b.	in Oratione pernoctare	* 71.b	fitetur	172.b
eius confessio. eod.a.	poe	Orci descriptio	62.a	Paulus à ministris Gallionis uirgis	
nitentia 105.b.	somnium.	Origenis libri cur damnati.* 23.a.		tractatur	168.b
106.a		& b		Paulus à serpente morsus	16.a
Myletum opp.	170.a	de Origenis scriptis controuersia.		Paulus apud Neronē Cæsarem decē	
Myra opp.	173.b	* 23.a		fertur 17.a doctrina sua	
N		P		rationem coram eo reddit. ibid.	
Naaman Mathia apostoli discipu-		Paganorū magna in Apollinarem		Paulus à Nerone damnatur	18.a.
lus	127.b	crudelitas	145.b. & 147.b	lapidibus obruitur	164.b.
Narchia ob fidei sanioris confessio-		palma arbor in eremo nascitur mi-		securi percutitur	180.a
nem incarcerationatur	108.b	rabili modo	* 26.b	Paulus Rhodius	* 61.b
Nathanael Philippi apostoli fami-		panis angelicus datur solitario ho-		Pauli apostoli genus	161.b
liaris	118.a	mini	* 25.b	Pauli in Christianos crudelitas. 152.	
Nathanaelis ad Euangelium uocae-		panes mensium sex recondere *		a. miraculosa conuersio. ibid.	
tio	118.a	73.b		172.a. peregrinationes di-	
nausfragium Pauli	176.a	pane hordeaceo tantummodo uiue-		uerse 153.a. & b. 170.b. in	
nauta ulceribus & uermibus ple-		re	* 22.b	Arabiam profectio, à Luca in	
nus, sanatur ab Andrea aposto-		Paphus inf.	153.b	Actis omissa	152.b. & 153.a
lo	39.a	Paradisi descriptio	85.a. & b	Paulinausfragium	176.a. pri-
Nazarenorum secta	137.b	paralyticus à Iacobo apostolo sana-		ma prædicatio	9.b. 15.a
necessitatis malum	* 55.a	tur	47.b	Pauli apostoli in prædicando Euan-	
Nero Imperator, Apostolorum ho-		Patara urbs Lyciæ nobilis	* 52.a	gelio constantia & patientia.	
stis 10.a.	in eisdem cru-	Paterni proconsulis cum Cypriano		152.b	
delitis 179.b.	cum Simo-	disputatio	137.a	Pauli apostoli de circumcisione sen-	
ne mago amicitia	160.b	patientia Christianorum peculia-		tentia	165.a
Nerue regis amici per Sifinnium		ris uirtus	64.b	Pauli & Barnabæ contentio. 165.	
ad Christianam fidem conuersi.	134.a	Patrensibus Euangelium prædica-		b. item cum Clinia mago. 153.	
Nestorius Alexandria præfectus.		tur	38.b. & 39.a	b. cum Græcis disputatio. 153.a	
* 95.a.	item Aegyptiorum.	patrimonium pauperibus diuidere.		Pauli uaria miracula	369.a
* 109.a		* 54.b		Pauli coram Felice confessio. 134.	
Nicaea ciuitas ad Christum prædia-		Patroclus poculorum Neronis ma-		a. ad Agrippam oratio. 175.	
catione beati Andrea conuersa.		gister mortuus, ad uitam reuoca-		a. apud Antiochenos	163.b.
23.a.	à septem demonum ues-	tur	179.a. 15.b	ad primores Iudæorum	16.b.
xatione liberatur.	eod.	Paulinus cæcus, à Martino sana-		corā Ecclesiæ proceribus	70.a
Nicenum concilium	* 62.b	tur	* 12.b	Pauli captiui oratio, qua genus pa-	
Nicia	8.b	Paulinus abiectis opibus, Martinum		rentes, educationemq; omnem	
Nicolaus nunquam sine sacrorum li-		prædicantem Euangelium secu-		suam populo exponit	172.a
brorum lectione coenatus.* 60.a		tus	* 15.b	Pauli fuga	152.b. martyrium
Nicolaus Lyciæ episcopus	* 104.	Paulus uas electionis	14.b	& sepultura	18.b
b. item Myrensis episcopus.		Paulus fuit Phariseus, ac Pharisei		ex Pauli decollati corpore lac pro	
* 50.b		filius	172.b	sanguine fluxit	18.b
S. Nicolai pia educatio	* 104.b.	Paulus proprijs etiam manibus in		peccatum originis quā efficax.	
miracula	* 57.a	apostolatu suo laborare uoluit.		57.b	
Nicolaus uinctus, in longinquas cu-		168.a		peccata, Christi bonitate delentur.	
stodias abducitur	* 61.b.	Paulus pro Mercurio adoratus.		* 89.b	
& carcere liberatur	* 62.a	164.b Deo gloriam tribuens		Pelagia uirginum sacris initiatur	
S. Nicolai mors	* 68.a. * 105.b	dam docuit.	ibid.	205.a	
Nicolaos duos fuisse	* 53.b	Paulus Stephani martyris uestes cu-		Pentapolis ciu.	129.b
ad Nuptiis num homo ex necessita-		stodit	152.a.	Perfarum sexaginta millia à Simo-	
te alligetur	98.a	ac Iudæorum		ne & Iuda ad Christum conuer-	
		tam crudele in Stephanum faci-		si	79.b
		nus approbavit	172.a	Perfarum sacerdotes Christi apo-	
		Paulus Lystri claudum sanat	15.b.	stolis insensi comburuntur	73.
		puellam à spiritu Pythonis libe-			4. 74. a. b

I N D E X.

a. 74. a. b	Petri martyrium & sepultura. 13. b	psallere nonnunquam satanam *
persecutio crudelis Christianorum.	Petro nomen unde, & quando à Christo impositum 151. b	77. b
* 61. b	Petro quomodo clauces ad regnum celorum date 1. b. 152. b	Pseustius à demonio liberatur 93. b. & 94. a
persecutio monachoru, & piorum hominum, ab Origenica scripta. * 23. b	Phariseorum ac Saduceorum contentiones ac odia 173. a	Ptolemaïs opp. 170. b
ex Personis spiritualia dona nequas quam metienda 76. a	Philetus à Iacobo apostolo è vinculis liberatur 43. b. libros de magia conscriptos comburit. 185. b	Publij Tarquinius comes sacrorum 134. a
Petrus cum fratre Andrea ad apostolicam functionem uocatus. 19. a	Phileti heresis 43. a. cum B. Iacobo contentio 184. b	Publij principis pietas & hospitalitas 16. a. in Paulum humanitas ac beneficentia 176. b
Petrus quâ ratione piscator hominum à Christo factus 152. a	Philippenses ad Christum per B. Andream conuersi 27. b	Publy pater à dysenteria liberatur 16. a
Petrus summus pastor à Christo constitutus 2. a	Philippi ciui. 166. a	pueritiæ studia bona * 69. b
Petrus mare perambulans submergitur 152. b	Philippus Euangelista 171. a	putens profundissimus * 26. a
Petrus ut Simonis Samaritani errores refellcret, Romam est profectus 168. a	Philippi apostoli res gestæ in Asiam profectio 119. a. uaria miracula 210. a. & b	Quirinus Thessalonicensium proconsul B. Andream captiuum si bi adduci iubet 28. b. eundem ad bestias damnat 29. b
Petrus apostolus Romæ prædicat Euangelium 139. a. Romæ manus fuit Pontifex 160. a	Philippus in Scythia Euangelium prædicat 118. a	Quirini proconsulis filius à mortuis resuscitatur 30. a
Petrus Claudum sanat 2. b. Cæsariis propinquum à mortuis resuscitat 11. a. 160. b. mulierem mancam sanat 8. a. item Aeneam paralyticum 3. b. puellâ obsessam à demonio liberat 9. a. Thabitam à mortuis resuscitat 3. b. eiusdem Tripoli edita miracula 7. b. & 8. a	Philomedes à B. Andrea sanatus. 27. a. edit miracula 27. b	R
Petrus à Simone mago apud Neros nem accusatur 11. a. in carceratur 4. a. ex carcere præcedente angelo liberatur 159. a. à Nerone cruci adiudicatur 12. b. in uero so capite crucifigitur 161. b	Philopator mortuus ab Andrea apostolo resuscitatur 34. b. 35. a	Rachel mater Simonis magi 5. b. 6. a
Petrus martyrio coronatur. * 83. b	Philosophorum cum B. Andrea disputationes 28. b	Rauennatium episcopi à Petro apostolo ordinati 139. a. eorumdem magna in S. Apollinarem crudelitas 141. b
Petrus Gillius Albiensis * 49. a	Physon fl. 85. b	Rechaby sacerdotis in Iacobum apostolum pietas 213. b
Petri ad apostolatam uocatio 1. a. 151. b. de Christo confessio. 1. a. 152. a. & b	pietas peccatori est abominatio. * 78. b	Refrigerius presbyter * 40. a
Petri abnegatio 154. b. constantia 13. a. 187. b	pincerna regis Indiæ à leone discerpitur 100. b	reges quarum rerum præcipue admonendi * 94. b
Petri ab Antiochia in urbem Romam profectio 139. a. cum Simone mago disputatio 5. a. 11. b. 160. b	piscis mirabiliter capitur * 44. b	regiam fellam ignis corrumpit * 36. a
Petri apostoli uisio, contra ciborum delectum 158. a	de Piscibus & monachis simile * 96. a	relaxatio animi necessaria hominibus * 110. a
Petri apostoli miracula & 157. b	penitentia uis, & eiusdem ratio in primitiua Ecclesia cuiusmodi. 62. b	reliquiæ sanctorum non conseruandæ * 97. b
Petri de spiritus sancti promissione oratio 156. a. item de circumcissione 159. b. & 160. a	Policratia Publy filia sanatur * 88. b	reliquis sanctorum edita miracula. 117. b
Petri ad Deum omnipotentem oratio 4. b	Polycarpus Ioannis discipulus 192. b	respicere retrorsum * 76. a
Petri oratio, in qua mortem sibi imminere declarat 9. b. item alia in cruce iam suspensi 13. a	Polycratius ad Victorem Pontificem Rom. epistola 211. b	Romulus Auspicij filius * 43. a
	Polymius rex 200. a. baptizatur 202. b	resurrectionis Iesu Christi manifestatio indicia 188. a
	Polymius ex rege factus episcopus, multa edit miracula 98. b	Ruffus Patricius, Rauennensium dux 142. b. occisus Apollinaris discipulus 143. a. eius filia defuncta ad uitam reuocatur 142. b. baptizatur. 143. a
	Polymij regis filia lunatica sanatur 93. b. & 94. a	S
	Pontificum facultates 74. b	Sabbatum 170. a
	Portius Festus Iudeorum præses & iudex 174. b	Sabinus presbyter 129. b
	Posthumianus monachus * 21. a	Saduceorum cum Phariseis contentiones 173. a
	potu penitus abstinere * 29. b	salutatione principum Antonius non est motus * 94. b
	presbyter aurum oblatum contemnit * 23. a	sacerdotum lux in uestitu quomodo amputandus * 59. b
	Priscilla in Paulum liberalitas, 168. a	Samuel Mathiæ apostoli discipulus 127. b
	prophetarum de Christo uaticinia. 45. b	Samus inf. 170. a
	proximo quoties ignoscendum. 153. b	sanctorum reliquis edita miracula 14

INDEX.

la	117.b	Silas Pauli peregrinantis comes.	mone	31.b
sanctorum reliquie non seruandæ.	166.a	Simone Metaphrastes	Solis templum	218.a.
* 97.b		Simon Cananæus cur Zelotes dicitur	crificia	80.b.
sanctis adulterinæ laudes attributæ	* 49.b	Simon cur Petrus à Christo appellatus	sum & dissipatum	81.b.
Sapor apud Mesdem regem ob fidei sue confessionem accusatur.	106.b	Simon Mathie apostoli discipulus.		218.b
Sapphira cum Anania spiritui sancto mentitur	157.a	Simon apostolus Varadacho duci belli euentum prædicit	Sofia Apostolorum discipuli prædicatione	38.b
Satan quomodo futura prænunciat.	* 79.b	Simon & Iudas apud Xerxem à magis accusantur	Sofipater Pauli peregrinantis comes	169.b
Satan miraculose sanat eos, quos antea læsit	92.b	Simon in lege Moisaica doctissimus.	Softratus falso à matre accusatus, ac damnatus, culleo insuitur, ac in flumen præcipitatur	21.b
Satan fatetur suas vires debilitatas per Christum	* 82.a	Simon magus baptizatur	Softratus ad Christum conuersus.	36.a
Satan unde habeat potestatem grafsandi in pios	* 79.a	canes in Petrum apostolum concitat	Softrati adolescentis castitas, ac in matrem pietas	21.a
Satanæ horrenda species nihil aliud quam umbra	* 77.a	pinquum à mortuis resuscitare frustra conatur	Spiritus mali à bonis quomodo discernendi	* 80.a
Satanæ apparitiones quomodo cognoscendæ	* 80.b	Simon magus Neronem in Apostolos irritat	Stoicorum cum Paulo disputatio.	167.b
Satanæ illusiones contemnit Antonius	* 74.a	de rupe Capitolino se deiecit	stramentum in quo iacuit Martinus, diuiditur	* 37.b
Satanæ machinationes aduersus Antonium uariæ	* 81.a	uide, Simonis	Stratocles ad fidem in Christum conuertitur	40.a
Satanæ uictor Christus	* 77.b	Simonis apostoli uita	suffraganei	* 38.a
Saturni uicinus	138.a	ad Varadachum ducem oratio.	Sunirum opp.	218.a
Saturni ducis in S. Apollinarem crudelitas	141.a.	72.b	superbie uitium in omnibus	* 30.a
& cum eodem disputatio.	ibid.	Simonis & Iudæ miracula	suspicio regum animos facile occupat	64.b
Saulus in libris Moyfi eruditissimus.	14.a.	214, 215, a & b.	Suanyr Persidis ciuitas amplissima.	80.a
Sauli in Christianos crudelitas.	14.a.b.	Simonis ac Iudæ cum magis contentio	Syluestri Papæ monumenta.	120.b
miraculosa ad Christum conuersio.	ibid.	75.b.	Synodos fugit S. Martinus	* 46.a
de Scorto simile	* 86.b	dem impietatem ad Deum oratio	Syntycha cæca uisum recipit.	207.b
Scæuæ Iudæi septem filiarum miracula	369.a	77.a		
Scripturæ, non sua aut aliorum exempla, proponit fratribus Antonius	* 74.b	Simonis & Iudæ mors		
Scytharum gens ad Christum conuersa	118.a	templa à Xerxe rege ædificata.	Tabulariorum officia	74.b
Seditio ex studijs partium orta	* 23.b	82.a	Taddæus apostolus	99.a. 209.b.
semen iactum tricesimo die maturare	* 22.b	Simonis magi cum Petro apostolo disputatio	Abagarum regem agrotantem sanat	99.a
Semnes Apostolorum discipulus.	80.b	Simonis magi artes, ac cum Apostolis contentio	Tarquinius comes sacrarum.	134.a.
sensus ex literis, an literæ oriuntur ex sensu	* 91.b	Simonis magi miracula.	eiusdem contra Christianos seditio	134.a
Serapiaca festa	129.b	5.b.	Tauri Rauennatum iudicij cum D. Apollinare de fide disputatio.	146.a.
Serapis idolum in Thracia à S. Apollinare deiectum	145.a	ostentatio ac impietatis	eius filio cæco aperiuntur oculi.	ibid.
Sergij Pauli proconsulis pietas.	163.b	peruersitas	tempestatem ingentem sedat B. Nicolaus	* 56.b
serpens magnus à S. Andrea occisus	30.b	Simonis magi præstigia à Petro patrefactæ	templa cur & quomodo sanctis ædificata	65.b
serpentes ab Apostolis fugati.	77.b.	Simonis Samaritani præstigia.	templis nomina ab editis miraculis imposita	87.b
Siforatus dux ad fidem conuersus.	111.b	160.a.b	terramotus ingens	21.b. 166.b.
Siforis presbyter	117.a	Sisinnius in templo fit cæcus ac surdus		130.a
		132.a.	Tertulli oratoris ad Felicem præfatum contra Paulum oratio.	137.b
		132.a.	Tetradium gentilis ad Christianismum conuersus	* 12.a
		132.b.	Thabita suscitatur à mortuis	3.b
		134.a	Thecla tribuni matrona ab Apollinare sanatur	140.a.
		134.a	zatur	140.b
		132.a & b.		
		132.b.		
		134.a		
		81.a		
		72.a		
		80.a		
		109.b. 218.b		
		110.b.		
		item à Sice		

I N D E X.

Theocritus centurio	186.4	79.a	rem fidelem	133.b
Theodas magus	124.b	Timotheus Pauli discipulus ac co-	uiri tres ē carcere mirabiliter libe-	
Theodora Sisinnij uxor ad Chris-		mes 169.b. Ephesinus epi-	rantur	* 66.b
stum conuersa	132.a. pro	scopus à Paulo ordinatus 189.b	uirga arida floret	* 29.b
marito incredulo Dominum o-		Titi iusti in Paulū liberalitas. 168.b	uirgē in aurum à Ioanne apostolo	
rat	133.b. eius insignis pic-	Traiani Imperatoris in Clementem	conuersa	59.b
tas	132.b	episcopum crudelitas	uirginis uera lani	* 39.a
Theodorus Ascalonita	* 61.4	Trepita regina	uirginitatis commendatio	67.a.
Theodorus Deo deuotus	* 88.a	dium erga Christianam religio-	88.a	89.b
Theognisti pertinacia	* 45.a	nem	uita populi episcopo indicanda *	
Thessalonicensibus Euangelium à		Treuera historia	60.b	
S. Andrea prædicatum	25.a	Trinitatis mysterium	66.a. 96.b.	uirtutū origo naturalis animæ pie-
Thomas apostolus per prouiden-		97.b		tas
tiam diuinam diligentius de res-		Tristega quid	25.b	uita humanæ misera conditio
surrectione Christi, quam cæte-		Trophima proconsulis cōcubina ex		51.b
ri, quæsiuit	105.a	prædicatione Andrea apostoli	uitreæ columnæ	81.a
Thomas cur Didymus appellatus.		ad Christum conuertitur	unctio mortuorum unde	* 111.a
99.a			unguenta respuere	* 72.a
Thomas ad Indiæ regis nuptias in-		Trophima propter pudicitiam lus-	Vualdath Indorum idolum à Bar-	
uitatus	100.a. Indorum	panari inclusa	ibolomæo apostolo deiectū. 98.b	
regi insigne palatium ædificat.		33.a. b. Euan-	Vuarus à mortuis resuscitatur. 35.a	
101. & 102. a & b.		gely uirtute pudicitiam suam cu-		
Thomas in India Euangelium præ-		stodit		
dicat	203.b. apud Mese-	Trophimus Ephesinus		
deum regem accusatur	106.b	Pauli apostoli comes	Xerxes rex Simoni & Iudæ tem-	
Thomas à Charisio in carcere con-		Turonicensis episcopatus	pla ædificat	82.a
iectus	106.b	Tuscus Rom. consul	Xerxis Babylonia regis contra In-	
Thomæ apostoli uita	99.a. in	Tychicus Pauli comes	dos bellum	72.b
Christum amor	203.a. in-	Typhonicus uentus		
credulitas.	ibid.		Z	
Thomæ apostoli in Indiam profe-		V	Zachæus præfectus Cæsareæ Stra-	
ctio	99.a	Vacca spiritu malo agitata, & à S.	tonis	4.b
Thomæ apostoli cum Charisio de		Martino liberata	Zaroa hæresis	214.b
imaginibus abolendis disputatio.		* 37.b	Zaroas magus	72.a. 194.b.
110.a		Valentiniani cum Maximo bellum.	eius præstigiæ	32.b. diui-
Thomæ apostoli miracula	112.b.	* 13.b	nos sibi honores ascribit. ibid.	
207.b		Valentinus Imperator iubet Marti-	Simonem & Iudam apostolos	
Thomæ apostoli ad Deum oratio.		num palatij foribus arceri. * 35.b	apud Xerxem accusat	75.a
113.a. 114. 116.a. martyrium		Valerianus Rom. consul	Zaroas magus ueneno infectus, ab	
& mors	117.a. 109. a & b.	Valeriani contra Christianos edic-	Apostolis sanatur	78.b. ful-
209.b		tum	mine tactus & combustus	81.b
Thomæ apostoli corpus Edissam ab		Varardach dux regis Babylonio-	Zarois hæretici impia de Christo	
Alexandro translatum	209.b	rum	opinio	72.a. scelera 80.a
Thomæ apostoli reliquijs edita mi-		belli sui euen-	Zebeus aduocatus	77.b
racula	117.b	tum à Simone apostolo explo-	Zuzanes diaconus	117.a. ex
Tibiciniſtria Hebræa fides. 104.b		rat	carcere miraculose liberatur.	
Tigris fl.	85.b	Varadæ Persarum ducis res gesta.	112.b	
tigrides ab Apostolis mansuefactæ.		214.b. eius pietas in Christi	Zuzanus Mygdoniam à fide Chri-	
		Apostolos	stiana debortatur	107.b
		uestitus splendidus quos deceat *	Zuzanis pietas & fides	111.b
		59.b		
		Vincentius præfectus		
		* 32.a		
		uir infidelis sanctificatur per mulie-		

F I N I S.

ERRATA, PER OPERAS COM-
missa, sic emendabis.

Pag. 39. uers. 10. paululum 42. 17. tumultum 175. 2. Casarem & in Tomo secundo, 9. penul. nomen
edidit 23. 9. conspectu 22. ult. in ediam, pro mediam 28. 32. frequentaretur 30. 1. energumeni solent fer-
re 30. 50. spiritu 33. 20. sacrarium & ibid. 22. quidam, pro quidem 44. 16. ullam, pro uallem 45. 22.
hominem & ibid. 38. dummodo ut, &c. 57. 39. pepigerat 70. 10. Dominum & ibid. 15. omnino 72.
25. hominum 73. 42. incendium 79. 15. iure, pro ture 89. 24. Quadam 88. 2. indicante
& ibid. 15. aliquando & ibid. 30. Antonius & ibid. ult. cum exisset
89. 37. nobis collect. 94. 3. uirginitas

SERIES CHARTARVM.

a b c d e f g h i k l m n o p q r s t u x y z. Aa Bb Cc
Dd Ee Ff. A B C D E F G H I K L M N O P Q.

Omnes duerniones, prater a b Ff terniones.

BASILEAE, EX OFFICINA IOAN-
nis Oporini, Anno Salutis humanae M. D. LII.
Mense Martio.





68345487

100
008

103
020
000
8 64
8 640

prmbay _____
regalo _____
dublm papel =
apadilla portmoy -
too hmlu .
prmbay dyportmoy =

12

12

88

+ colorchecker classic

+  calibrite



 mm